

Fol

948

por



HISTORIA NORVEGICA.

Imprimatur.

P. VINDINGIUS.

Hafniæ d. 2 Maji,
Ao. 1711.

THORMODI TORFÆI
S:R:M:DANIÆ ET NORVEGIÆ, &c.
RERUM NORVEGICARUM
HISTORIOGRAPHI,

^{ET}
IN COLL. CONSISTOR. ASSESSORIS,

HISTORIA
RERUM
NORVEGICARUM

IN
QUATUOR TOMOS DIVISA.

IN QVA, PRÆTER

Norvegiæ descriptionem,

Primordia Gentis, instituta, mores, incremen-
ta; & in primis Heroum ac Regum, tam ante quàm post
Monarchiam institutam, successiones, eorumq; do-
mi juxta ac foris gesta, cumq; vicinis gentibus com-
mercia; Genealogia item, Chronologia, & quæ-
cunq; ad Regni Norvegici illustratio-
nem spectant, *Lundæ 1807*

Singula ex Archivis Regiis, & optimis, quæ haberi
potuerunt, Membranis, aliisque fide dignissimis
Authoribus, eruta,

Luci publicæ exponuntur,

Cum Prolegomenis & Indicibus necessariis.

HAFNIÆ, MDCCXI.

EX TYPOGRAPHEO JOACHIMI SCHMITGENII.

J. J. Thorsen
16 oct. 1847



SERENISSIMO atq; POTENTISSIMO
REGI ac DOMINO

DOMINO
FREDERICO
QVARTO,

DANIÆ, NORVEGIÆ, VAN-
DALORUM, GOTHORUMq;

REGI;
SLESVICI, HOLSATIÆ, STOR-
MARIÆ ET DITMARSIAE
DUCI;

OLDENBURGI ET DELMENHORSTI
COMITI,

DOMINO CLEMENTISSIMO.

SERENISSIME AC POTENTISSIME
REX,
 DOMINE CLEMENTISSIME



D MAJESTATEM
TUAM accedit hoc Opus,
 tantò quidem majore cum fi-
 ducia, qvòd & Regiis com-
 positum sit Auspiciis, & eos
 ab oblivione adferat **REGES**, qvorum non
 poterit non sancta apud **TE** memoria esse.
 Scili-

DEDICATIO.

Scilicet Avo TUO Divo FREDERICO debetur tanti molimen Operis. ILLE hortatû fuô & auctoritate ; ILLE præmiis beneficiisqve Torfæum ad scribendum excitavit : & meminerê adhuc multi , qvâ hanc rem curâ , qvâq; Scriptorem ipsum humanitate atqve indulgentiâ complectebatur. Et verò svaserat id ILLI pietas ; memoriæqve REGUM Norvegix , ut qvorum soboles erat , hoc qvafi debitum exsolvere volebat munus. Nil mirum ergo , MONARCHA OPTIME , si TU Paterq; TUUS Divus CHRISTIANUS vestigia tanti REGIS prementes , qvod inchoari ILLE jusserat , peragi curastis Opus. Certè Magnitudine VESTRA dignissima hæc res fuit. Pietatis ita , qvô insignior nullus , adepti estis titulum. Immo reddidistis ILLIS vicem , qvi pulcherrimam VOBIS transmiserê Successionem : reddidistis , inqvam , pro Regno id , qvod regnîs ipsîs est diuturnius : consecrastis Eos æternitati ; vivuntq; jam ac vivent semper in memoria hominum , longâ illâ nunqvam premendi nocte. Et VOBIS qvidem rependet id tota posteritas ; habebitisque , qvam aliis re-

DEDICATIO.

ligiosè adeò donastis, immortalitatem. TU autem, nam TE solum jam adloqvor, **MAGNE REX**, qva non perfruerê lætitiâ, cum leges hîc, qvales qvantiq; illi fuerint **TUI** Majores. Videbis **HARALDOS**, **OLAFOS**, **MAGNOS**, **SVERRERES**, **HAQVINOS**: & fateberis, illos in fortitudine, prudentia, sanctitate ne celeberrimis quidem, qvos habuit antiquitas, Regibus cecisse. Quid? quòd imperitabant **GENTI**, ex qva tot fortissimi Viri, tot prodierê Heròes, digni certè, qvos, ne nesciat unqvam orbis, qvàm ingentia eorum fuerint facta, qvæqve sudore suo & sanguine adepti sint decora, æternus Annalium colat honos. Hæc enim illa **GENS**, qvæ olim simul cum **TUIS** Danis sub nomine Normannorum per omnem ferè, qvâ clasibus adiri qveat, Europam victricia arma circumtulit. Hæc **GENS**, qvæ toti illi, quod Norvegiam, Britannniamq; & septentrionalem Americæ oram interluit, mari jura pōluit; insulas omnes coloniis complens, Christianamq; simul mox cum novis his colonis inducens religionem. Hinc **ROLFUS** ille Neustriæ dominator, qvi non pedibûs magis qvàm victoriis disjunctissimas pervagabat terras. Hinc **TANCREDUS**,

DEDICATIO.

DUS, cui in privata domo, quot filii, tot ferè etiam, inauditò per omnia secula exemplò, futuri nascebantur Principes; virtute solâ exteris apud nationes, quæ ad posteros etiam transmitterent; imperia sibi facturi. Hinc Regis Magni Nudipedis filius SIGURDUS, qui, in Hispania devictis terra mariq; Sarracenis, exactis Sicilia Mauris, adfertâ Christianis Syriâ ac Palæstinâ, Asiam Africamq; & Europam admirationis suæ famâ conjunxit. Hinc denique, ut reliquos omnes taceam, magnus ille Angliæ Rex WILHELMUS CONQUESTOR. Qvàm

TIBI ergo, AUGUSTE noster, gloriosum, qvàm pulchrum est, talibus dedisse perpetuitatem? Sed non minùs insigne illud, qvòd & ita civium, ut qvos qvàm maximè eâdem hac pietate obligasti, promeritus es amorem. Cre- das enim, TE gratius nihil acceptiusq; Norvegis TUIS potuisse præstare: & licèt amaverint TE semper, quantum mereris, amant TE tamen jam ardentius, cum videant, per orbem terrarum legendam TE dedisse duraturam Majorum suorum memoriam. Nec aliter sentire putes nos Danos. Gaudemus Norvegorum gloriâ, ut cujus ad nos pro necessitudinibus

DEDICATIO.

nibus nostris magna pars redundat; & in hoc mutuo nostro amore, in hac, quâ tot per secula cohæsimus, admiranda planè concordia nîl poteris illis conferre, ut non & nos simul obliges. Illi nostri sunt fratres, illi socii fœdere æternò Daniæ juncti. Illis iidem, qui nobis, sunt mores; eadem lingua, eadem religio. Eòdem gloriâmur REGE. Præstitum nobis est, quicquid præstitisti illis. Maçte igitur, **INDULGENTISSIME REX**, tantò **TUO** in fortissimam hanc fidelissimamque Gentem meritò. Maçte beneficiò, quò in æternum gemina **TIBI** devinxisti Regna. Et nos jam agimus gratias; & agent illas omnes posterì nostri: immo nostris his gratiis ac gratulationibus inferi avebunt exteri Reges Populiq; , ubi nempe Norvegicorum, à quibus utique orti sunt, Heroum in Historia hac ingentia noscitantès nomina, **TE** eorum favisse gloriæ, prospexisse immortalitati animadvertent. Et habet quidem hìc orbis res omnes Norvegicas à primis Gentis primordiis ad tempora usque Margaretæ Reginae: legi poterit, quæ vita, qui mores fuerint; per quos viros, qui

DEDICATIO.

qvibûsq; artibûs, domi militiæq; & partum sit
& auctum imperium : iisdemq; Historia illa,
qvibûs Romana lingua, spatiis pervagabitur.
Sed verò mirabuntur fortasse ac qværent ho-
mines, qvì ego hoc Opus, cum meum non
sit, inscribere MAJESTATI TUÆ &
offerre sim ausus. In causa fuit, qvam Pa-
triæ atq; amico debere me putavi, fides. Nem-
pe enim istud mihi ministerium ipse manda-
verat Torfæus : atqve adeò, ut optimo huic
seni, Norvegorumq; simul gloriæ deservirem,
& editionem tanti in me suscepi Operis, &
partem hujus qvartam, qvam utiqve ille fes-
sâ ætate minùs elaboraverat, trium priorum
ad exemplar perfici curavi. Et certè ad bo-
ni civis curam pertinere id credebam : læ-
tumqve mihi erat, piò hóc fungi munere,
dum ipse Atavi TUI Regis CHRISTI-
ANI TERTII historiam peragerem;
scripturus etiam, modò suppetat vita, TU-
AQ; frui liceat indulgentiâ, res gestas Divi
CHRISTIANI QVINTI. Sed
non negabis hanc TU tantus Princeps. Sis
fœlix;

DEDICATIO.

felix : sis fortis : sis hilaris : DEUS TE servet :
DEUS TUOS de nostris augeat annos. Et ego,
qui finio in hoc voto , sum eroqve ad cine-
res usque

MAJESTATI TUÆ

Havnia, d. 5. Maji;
1711.

subjectissimus humillimeqve devotus

Christianus Reitzer.



IN HISTORIAM RERUM NORVEGICARUM PROLEGOMENA:

Prodit tandem in lucem, quod felix faustumque sit, Tibique, Lector Benevole, quàm acceptissimum, Historiæ Rerum Norvegicarum Opus, à primis conditæ Gentis temporibus ad ejusdem cum Regno Daniæ auspiciatissimam conjunctionem perpetuâ ferè deductum; triginta omninò, & quod excurrit, annorum labor; jam dudum publico promissus, nec ita pridem post diuturnas lucubrationes ad finem perductus; nuncque demum secundis auspiciis publica luce donatus. Manum operi jam olim admovere jusserrat Gloriosissimus Utriusque Regni Monarcha FRIDERICUS III. Dominus meus longè Clementissimus. Vigorem cœptis dedit Augustissimus Hujus Filius CHRISTIANUS V. cui anno superioris seculi LXXXVI. clementissimè placuit, Regni sui Norvegici Historiographum me constituere. Et tandem Potentissimus Rex FRIDERICUS IV. quem nunc Augustissimâ manu sceptrâ moderantem (atque utinam perpetuò, & longè ultra nostrum ævum!) inclita hæc regna suspiciunt & adorant, ad optatum dedit exitum nuper adducere.

Exierunt equidem hæctenus nonnulla à nostra profecta manu opuscula, ad subjectarum Regno Norvegico Provinciarum historiam antiquam pertinentiâ; perscripta nimirum *Rerum Orcadensium Historia*, lib. tribus comprehensa: secuta de rebus gentis *Færeyensium Commentatio Historica*: edita & alia de *Grönlandia antiqua*, non incelebri Norvegicæ gentis coloniâ, & hujus veluti appendice *Winlandiæ*; singula majore, quàm unquam antehac, curâ ex vetustissimis monumentis collecta & concinnata: *Series* item

PROLEGOMENA.

Regum ac Dynastarum Daniæ; necnon Hrolfi Krakii, Potentissimi quondam Daniæ Regis, Historia; quorum singula talia sunt, ut vel Historiæ Norvegicæ lucem aliquam foenerari, vel saltem ad illam commodè tatis referri possint; & tandem in supplementum Seriei Regum Daniæ Trifolium Historicum, seu Dissertatio Historico-Chronologico-Critica de tribus potentissimis Daniæ Regibus, Gormo-Grandævo, Haraldo Cæculidente, & Sveno furcata barba. Horum tamen nihil, quum initio præsens aggredieremur opus, seorsim evulgare decreveramus. Sed dum vastissimis Patriæ Annalibus intudamus, & omnes Historiæ Borealis ad hanc conscribendam recessus excutimus, nata ferè sunt illa sponte suâ sub manu; tandemque in majorem singula excreverunt molem, quàm ut huic, cui perficiendo unice eramus dediti, operi, absque vel nimia, ut sic loquar, distractione, vel lectorum tædiò, inseri possent. Ista ergo tanquam Πάρεργα quædam à corpore hujus Historiæ separavimus, & prodromorum instar emittendo Historiæ Norvegicæ pleniori Syntagmati præmisimus: promissâ interim sæpius hac, quâ nunc præsentè fidem datam liberamus, Rerum Norvegicarum Historiâ: quod factum à nobis promissum meminimus tum in præfationibus ad Orcades nostras, Hafniæ Anno 1697. & ad Seriem R. D. ibidem anno 1702. excutam, tum novissimè in Trifolio Historico 1706. edito; totòque illo tempore Historiam hanc ab orbe literato expectari non unò indicio intelleximus.

Opus aggressi sumus vastum omninò atque varium, sed a nostris Scriptoribus tantum non intactum. Sive enim varia Gentis jam inde a primis incunabulis nata, sive res domi præclare gestas, sive denique cum exteris, nec vicinis tantum, nationibus commercia; respicias; vix ac ne vix quidem alia in septentrione datur, quæ vel gloriæ materiam uberiores, vel scribendi copiosiores, sequentibus seculis reliquerit. Et celebrem quidem multis retrò ætatibus fuisse gentis Norvegicæ famam, etiam in maxime disitis orbis terrarum partibus, nemo facile negare audebit, qui vel Historiæ universalis, vel saltem Evropæ, Scriptores leviter inspexerit. Quotus enim quisque est, qui Hyperboreorum res gestas vel modicè attingat, quin Norvegiam simul celebret? Varia certè apud varios de Norvegici nominis magnitudine extant testimonia, licet non omnia satis accurate prodita. Quæ, tametsi in circumstantiis interdum non satis ubique sibi consent, satis tamen testantur, quanta jam inde a primâ hominum memoria gentis Norvegicæ potentia, quanta in ore omnium celebritas fuerit. Ut ut non diffitear, interdum Norvegis, sive (ut à quibus-

PROLEGOMENA.

busedam Scriptoribus dicuntur) Normannis, ea adscribi, quæ a vicinis Danis fuerent præclare gesta; quemadmodum vice versa his a nonnullis attribuuntur, quæ ab illis extra Patriam edita gloriosa facinora in vulgus innotuerunt: pro diversa nimirum nominis Normannici apud diversos authores acceptione: de quâ nos præsentis operis *Part. I. Lib. I. Cap. VIII.* fusius egimus; quod remissum Lectorem volumus.

Hæc quamvis ita se habeant, mirum tamen est, clarissimæ Gentis res gestas conscribendas oppidè paucos suscepisse: ut aded quovot hoc argumentum attigerunt, non tam satietatem præstitisse, quàm gustum præbuisse, desideriumque saltim amplissimi atque florentissimi regni res cognoscendi curioso talium lectori reliquisse videri possint. Situm regionis atque habitum multi, præsertim Geographi, nec tamen illi omnes dexteritate pari, descripserunt: incolarum mores, instituta, vivendiq; rationem iidem, & præter eos alii historiarum scriptores, attigerunt verius quàm enarrârunt; nec id quidem satis feliciter assecuti, dum alii partium studio ducti terras patrias quàm maximè extollere, ceterasque deprimere, satagunt; alii verò exactâ rerum Norvegicarum notitiâ destituti, quæ famâ tantum perceperant, literis consignârunt. Posteriorum Regum inclyta gesta, quibus illi extra luum regnum inclaruerunt, scriptorum illustrium multi, præsertim verò Anglici, Commentariis suis inseruerunt; sed nec id quidem, nisi in quantum historiæ, quam concinnandam suscepunt, perficiendæ necessitas postulavit. At qui integrum Historiæ Norvegicæ Systema perscripserit, Originemque & incrementa Gentis, singulorum Principum gesta domi juxta actoris, eorumque ordinem, genus, familias, & cum vicinis Regibus commercia; imperii item formam, temporum seriem, mutationes, harumque causas, ita prodiderit, horumque singula retexuerit, ut ab orbe literato extra Norvegiam subjectasque huic provincias promiscuè legi atque intelligi possint, hætenus inventus est nemo. In causâ videntur esse tum priorum seculorum hominum, qui hoc regnum incoluerunt, cum exteris ad conditam usque Monarchiam rara admodum commercia; dum nempe gens illa continuò ferè intestinis bellis flagraret: tum verò etiam scriptorum indigenarum, præsertim eorum, qui scripserint Latine, penuria. Accedit, quòd eorum, quæ a vetustissimis scriptoribus Islandis de his rebus posteritati olim relicta sunt, pleraque nimis negligenter, ut ex dicendis cuius facile patebit, asservata perierint.

PROLEGOMENA.

Primus omnium historiam septentrionalem conscribere aggressus est *Arius*, à stupenda illo seculò variarum rerum, & inprimis historicarum, scientià ac cognitione *Ærodi* sive *Polybistor*, dictus; annò a nato Christo (ut nos antehac in *Serie Regum & Dynastiarum Daniæ, Lib. I. Cap. IV.* computavimus) circiter MCXVII. CCXL. admodum annis, postquam jam terra Islandorum, Norvegiæ illuc, regnante Haraldo Pulchricomò, primò Norvegiæ Monarcha, concedentibus habitari cœpta esset. *Arium* illum natum statuimus anno Salutis MLXVIII. (non, ut *liber originum Islandiæ*, qvi *Landnama* inscribitur, editus Skalholti Anno MDCLXXXVIII. *Part. V. Cap. XV.* in margine adnotatum habet, anno MLXXX.) cui indicio esse potest, qvòd eo anno, qvò Isleifus primus in Islandia Episcopus fato concessit, duodecennus esset *Arius*; ut ipse in *Schedis suis*, Skalholti prælò publicò evulgatis. pag. 11. clarè testatur. Is autem erat annus Christi MLXXX. ut ibidem satis luculenter indicatur. Genus suum ipse *Arius* ad calcem *Schedarum* per triginta sex generationes ad vetustissimos Sveciæ Reges, ipsumqve adeò Ingvium, Turcarum (ut ipse ait) Regem, Odini filium, continua serie pertexit. Postquam apud filium Episcopi Teitum in celebri Islandiæ australis prædio Haukadaloliteris imbutus esset, Presbyter factus, ad Historiam scribendam animum appulit; resqve gestas Regum Norvegorum primò, mox etiam Daniæ & Angliæ, & annales deniqve patriæ suæ, conscripsisse traditur. Ex lucubrationibus ejus adhuc superest memorata modò *Landnaina*, sive *Originum Islandicarum Liber*, qvi ipsi cœv primo authori adscribitur, *Part. V. Cap. XV. pag. Editionis Schalb. 173.* &, Latine jam primum a nobis versus, præsentis operis *Partis II.* librum secundum constituit. Alterum verò ejus, qvòd memoravimus, scriptum, Skalholti itidem sub titulo: *Schedæ Arii Polybistoris*, editum est. Ipse verò author libellum *Islandorum* nuncupat. Hunc librum eum antea qvidem fusiùs conscripsisse, vitasqve ac res gestas Regum Norvegorum eòdem complexum esse, postea verò refinxisse, ad eumqve, qvò nunc legitur, modum, concinnasse, ex ipsius Arii in præfatiuncula verbis sat clarè ostenditur; quæ qvidem Latino sermone ita sonant. *Librum Islandorum primum conscripsi in gratiam Episcoporum nostrorum Thorlaci & Ketillis; quem & ipsi & Semundo presbytero obtuli. Sed quia visum est illis, ut quedam ita essent, quedam autem adderentur, hunc librum ad eundem modum concinnavi, sine Genealogiâ & vitis Regum; eaque addidi, in quorum notitiam postea veni, quæque hic clariùs quam in priore illo libro narrantur. Idem Snorrius in præfatione Chronici Norvegici his verbis testatur. Arius Polybistor Presbyter primus omnium in hac regione veteres & novas historias linguâ Norvegicâ conscripsit.*

Præ-

PROLEGOMENA.

Præcipuè verò ab initio libri sui de prima Islandiæ occupatione legibusque ibi constitutis tractavit: post hæc de Nomophylacibus, & quanto tempore unusquisque eorum iudicis officio præfuerit. Et initio quidem introductæ in Islandiam religionis Christianæ aram investigavit; quam postea ad sua usque tempora continuavit. Multas etiam & has historias, Regumque Norvegiæ & Daniæ, ut & Angliæ, vitas adiecit; quin & res majoris momenti in Islandia gestas. Et iterum ibid: Is, ut ipse sese ait, Regum Norvegorum vitas conscripsit. Idem illud Arii opus Historicum innuere videtur M. Brynjulfus Svenonius, ad Stephanium ita scribens: Ubi verò ingens volumen historiarum, ab Odino ad sua tempora contextum ab Ario, Polyhistore dicto? Sed vastum illud volumen periisse quàm certum est, tam exploratum quoque habemus, memoratos duos libros indubiè Arii autoritate gaudere; licet suspicetur Biörnus de Scharcza Islandus, vir in Antiquitatibus patriis versatissimus, in præfatione annalium suorum, Arium non integram Landnamam, sed de occidentalis & septentrionalis tantum insulæ partium occupatione scripsisse; reliqua autem Kolskeggum Polyhistorem addidisse: cujus tamen in ipsa Landnama vel inter authores vel exscriptores nulla omninò mentio. Tertium opus, *Annales Flatæenses*, qui ad calcem Codicis Flatæensis membranacei in Bibliotheca Regia adhuc asservantur, Arium conscripsisse, quemadmodum Sæmundum annales Oddenses, idem memoratus Biörnus de Scharcza existimat: sed unde hoc habuerit, non perinde liquet. Hæc itaq; suo loco relinquimus. Non ignoro, esse, qui conscriptæ primùm historiæ septentrionalis laudem Ario derogare, inque Isleitum Episcopum transferre videantur velle: inter quos Petr. Claud. Undalimus in Norvegiæ descriptione. p. m. 167. ut & laudatus Biörnus de Skardza l. c. Imò & ipse Arngrimus Jonas, magnæ vir eruditionis ac iudicii, in *Specim. Islandiæ* pag. 79. eò inclinare videtur, cum dicit Ariam & Sæmundum Annalium Norvegorum historiæque Norvegiæ concinnavisse. Et sanè Isleifo vivente Arius scribendi muneri non erat idoneus; quippe necdum duodecem annos egressus. Videturque hoc modò Isleifus Arium scribendo prævertisse. Sed parata est responsio; Arium nempe ex Episcopi conjectaneis, acceptis totè à filio ejus Teito, in cujus nutricatu fuerat, multa hausisse, ex quibus postea inter alia historiam conscripserit; & sic primus non desinit historicus in patria sua esse. Cæterum maxima Ario Autoritas verbis Snorrii l. c. conciliatur, dum ait: *Visa est ejus relatio sapientibus quàm plurimis fide digna: nam & ipse sapiens erat, & senio provectus. Scripsit ille, quæ ex relatione acceperat Oddi Koli filii, Halli de Sido nepote; Oddus autem ex Thorgeire Afradskollo didicerat, viro sapiente, & adeò antiquo, ut is, cum Comes Hacon Potens occideretur, Nidarne habitaret.*

PROLEGOMENA

Ario æqualis fuit *Sæmundus Sigfusi filius*, a variarum & ipse rerum cognitione, quam sibi tam intra quam extra patriam, in variis nimirum Germaniæ locis, atque etiam Galliæ, (teste *Ario in Libello de Islandia*) comparaverat, *Trodi* sive *Polihyster*, dictus; officio Presbyter, in australis Islandiæ parœcia Oddensi: unde & annales, quos ab ipso conscriptos autumant, à posteris verò ejus continuatos, Oddenses hodieque dicuntur. Hic author est alterius *Eddæ* Islandorum, *Sæmundianæ* vulgò dictæ, metrisque compositæ; cujus vix millesimam partem (judice *Brynjolfo Svenonio* apud *Stephanium in notis ad Saxonem* p. 17.) aut certe exiguam, superstitem habemus. Reliqua ipsius scripta injuriâ temporum perierunt. Nam Sæmundum Regum Norvegorum Historias conscripsisse, vel ex eò clarum evadit, quod Pœta quidam anonymus, qui nepoti Sæmundi Joni Lopti filio (cujus mater Magni Nudipedis Norvegiæ Regis filia erat) carmen encomiasticum, adhuc in Codice Flatyensi ad calcem Historiæ Orcadenſis conservatum, dedicavit, postquam majores ejus, qui Norvegiæ imperitârunt, inde ab Haraldo Pulchricomo recensuisset, fatetur, *se singulorum successiones & imperii periodos ad avi ejus Sæmundi calculum digessisse*: non ausurus hoc nepoti in os dicere, nisi palam fuisset, avum de Regibus Norvegiæ talia scripsisse. Præter hæc *Oddus Monachus*, qui *Olaſi Tryggvini Historiam* concinnavit, sicubi aliorum de annis vitæque Olaſi disſentum notat, ad *Sæmundi* judicium provocat, ipsumque de eodem Rege scripsisse *disſentis* verbis testatur. Utcunque sit, Sæmundi illa de Regibus Norvegis Historia ad ætatem nostram non pervenit.

Polyhistoris nomen post Arium & Sæmundum continuavit *Kolskeggus*; sed cujus Polyhistoriam tempora nobis inviderunt, præter duas fortè partes *Landname*, nimirum de partis Islandiæ Orientalis & Australis occupatione: quas, ut suprà memoravimus, ab hoc *Kolskeggo* additas post *Biørnum de Scardza* multi existimant. Hos autem Originum Islandiæ Scriptores in Historiæ Norvegiæ recensum idèò nobis visum est transferre, quia in Originibus illis multa de Norvegiæ circa illa tempora statum, multa item de celeberrimis Norvegiæ civibus, qui imperii Regii impatientes novas quæſierunt sedes, continentur. Unde & sæpius laudatæ *Origines* dignæ visæ sunt, quæ ad perfectionem Historiæ Norvegiæ à nobis luci exponerentur.

Post hos in Islandia floruit *Brandus Sæmundi filius*, quartus dicecæſeos Holenſis Episcopus, vel tolò cum Saxone *Grammatico*, celeberrimò rerum Danicarum Historico, synchronismò notabilis:

PROLEGOMENA.

tabilis: inauguratus nimirum annò millesimo centesimo sexagesimo quarto. Hunc multa historica in Islandia collegisse, literisque mandari curasse, annales nobis persvadent; in primis *Sturlungorum historia Part. II. cap. 38.* his verbis. *Plurimæ historiæ res in Islandia gestas continentes ante obitum Episcopi Brandi Semundi filii conscriptæ sunt.* (Mortuus autè Brandus est annò millesimo ducentesimo primò) & procul dubiò in his multa ad res Norvegicas spectantia extiterunt; cum illo tempore creber ex Norvegia in Islandiam esset transcurus, crebra inter utramque Gentem commercia. Sed quantumcunque curæ & laboris in Antiquitates ille impenderit, ad nostra certè tempora nullum, quod sciam, industriæ ejus monumentum indubium conservatum est. Licet verò hi duo, *Koskeggus* nimirum & *Brandus*, non nisi inter deperditos hodie locum inveniunt; illos tamen simul cum aliis recensere volumus, non modò, ne debità industriæ laude nomina illorum illorum defraudarentur; sed ut constaret, unde sequentes Scriptores, quibusve authoribus, sua, quæ tradiderunt, collegerint.

Feliciorem lucem alpexerunt *Eirici Oddi filii* (non *Olafi*, ut habet *Chronici Norvegici versio Danica*, p. 448.) labores. Hic filiorum *Haraldi Gillii*, *Sigurdi* nempe *Bronchi* & *Ingii Gibbosi*, res gestas, usque ad utriusque mortem, historica relatione complexus est; &, quæ in horum Regum tempora incidit, *Sigurdi Slemberis*, sive *Slembidiaconi*, Regnum affectantis, factionem, Magnique Cœci luctuosum exitum: quorum singula à nobis *Partis III. lib. IX.* exposita sunt; authorque subinde in testimonium allegatus. Habuit *Eiricus* Historiæ suæ authores rerum gestarum oculos testes, *Hallum Thorgeiris filium* Islandum, *Ingii Regis* satellitem, qui memorati *Sigurdi Slemberis* ultimo supplicio astitit; *Haconem* item *Magium*, nobilem Satrapam, qui turbis istis unà cum filiis suis interfuit: *qvin* & *Einare* quendam, *Laxa-Pauli* filium, prædii *Herdla* in Norvegia incolam, calamitatum istarum participem; & præter hos *Ketillum*, *Alaburgi* in Dania (quod nunc *Aalburgum* est) Presbyterum; ubi scilicet corpus *Sigurdi*, è sepulchro erutum & in Daniam translatum, humabatur. Plures citat *Eiricus* vivos oculosque Historiæ suæ testes, viros sapientes & optimæ fidei; quos tamen propriis nominibus non recenset; ut adeò quæcunque is de rebus Norvegicis literis mandata posteritati reliquit, pro indubiè veris sine habenda. Opus verò illud suum inscripsit *Raggjarstykki* sive *Dorsi particulam*, notatione, ut videtur, inde sumtâ, quòd non integram Regum Norvegorum historiam, sed particulam duntaxat, illam nimirum, quæ ad ætatem pertineret suam,

PROLEGOMENA.

suam, concinnaret. Cum autem, ut dixi, ad excessum usque Ingii Regis eandem continuaverit, isque annò Christi millesimo centesimo sexagesimo primò cœsus fuerit; certum est, Eiricum post illum annum, sed nec longè ultra, historicum illud scriptum contexuisse, aut saltem Ingii vitam absolvisse.

Succedit his in Scriptorum Catalogo, sed tempore suppar, Karl, sive Carolus, Celebris monasterii Thingeyrensis in septentrionali Islandia Abbas, inauguratus ad officium anno à nato Christo millesimo centesimo sexagesimo nono. Huic debemus inclyti Norvegiæ Regis Sverreris historiam, satis eleganter conscriptam; quæ à nobis in Latialem sermonem traducta præsentis operis *Partis Quartæ* librum I. & finem *Partis Tertiæ* efficit.

Notum etiam in vulgus est celebre *Gunnlaugi* Monachi Thingeyrensis nomen; sed nomen tantum. Scripta enim illius, quot & qualiacumque demum fuerê, dudum interciderunt. De eo, ut & altero Oddo, *Biörnus de Skardza* in præfatione *Annalium* à se conscriptorum hunc ferè in modum loquitur. *Hi historias de Norvegis Danisque Regibus composuerunt. Fuerunt etiam hic docti Monachi, qui, quæ illi composuerant, conservârunt; præsertim duo illi, qui in monasterio Thingeyrensi resederunt, Gunnlaugus & Oddus, qui multos libros ex variis Linguis in Noricam verterunt, & Historias contexuerunt.* Inter has Olafi Tryggvini Historia ab hoc ipso Gunnlaugo Latine conscripta, in ejusdem Regis vitâ, Skalholti impressâ, Cap. CVI & CVIII. memoratur. Qvin & Gunnlaugum *Historia Sturlungorum Partis IV. cap. VII.* celebrat, eumque inter præcipuos septentrionalis Islandiæ quadrantis religiosos à doctrina & humanitate commendat. Meretur oppidò notari, quòd dictus *Biörnus de Skardza Historiam Britonum* ab hoc Monacho versam citat; quam simul ex prælectionibus *Alexandri Londunensis Episcopi, Waltheri Archidiaconi Oxoniensis, & Gillii Polyhistoris*, contextam tradit. Obiit Gunnlaugus anno Christi millesimò ducentesimò decimò nonò. Scripta ejus præstantissima *Brynulfus Svenonius* in Epistola ad *Stephanium* factum cum aliis idem subisse deplorat.

Hic ratione temporis locum poscit *Oddus Monachus*, qui & Presbyter Thingeyrensis, nuper jam nobis memoratus. Is etiam Regis Olafi Tryggvini, qui Religionem Christianam in Norvegiam & Islandiam primus introduxit, historiam conscripsit; satis quidem luculenter, nec ineptè; nam multa ibi tractantur, quæ frustra alibi quæsieris. Edita est illa Tryggvini Historia typis publicis Skalholti, anno Christi millesimo sexcentesimo octogesimo nono, partibus duabus distincta; quarum prior vitam Olafi privatam, usque dum ad regnum veniret, posterior verò
ejus-

PROLEGOMENA

ejusdem in imperiò res gestas continet. Authores narrationis suæ producit Oddus Asgrimum Abbatem Vesturlidæ filium, Biarnium Presbyterum Bergthori filium, cellirem Thorgilsi filium, aliosque: deinde addit, *se ostendisse librum hunc Gissuri Halli filio, ejusque consiliò & monitu correxisse, quæ certiora deinde habuerit;* ut adeò suam in scribendo fidem hoc ipso satis muniverit. Tribuitur imò huic Oddo fragmentum aliud historicum, de Ingvare quodam, Aunundi Sveciæ Regis filio, Bidserla (c. *Multivago*, sive *Peregrinatore*) dicto: quod quidem ob causas à nobis in *Serie Regum Daniæ* adductas longe minoris autoritatis fideique est: tale tamen, ut legenti facile appareat, nihil in cò ab ipso Oddo, sive quicunque tandem author sit, confictum; sed deceptum illum nimia erèdulitatè talia in literas congestisse.

Venimus nunc ad ævi patriæque suæ decus, rei que historiciæ columen, *Snorrium Sturlæum*: de quo tanto pauciora hic dicemus, quanto prolixius illius gesta vitæque peculiari libellò conscripsimus, prælum jam dudum expectante. Fuit is non minus in patria sua Islandia, quam Norvegia, ob singularem doctrinam, prudentiamque insignem, maximæ estimationis. Et in patriâ quidem memoratà supremi judicis, sive, ut vocant, Nomophylacis officio magna cum dexteritate functus est; usque ad annum millesimum ducentissimum quadragesimum primum, quò in turbulentiſſima illa factione casus occubuit. In Norvegia verò etiam Regibus familiaris, ab Hacone Grandævo, Sverretis nepote, Dapifer creatus est: & idem ille Rex operâ etiam ejus in jungendis imperio suo Islandis uti voluit. De quibus omnibus vide, quæ Operis hujus Tomo Quarto, Libro Quarto & Quinto, suis locis retulimus. Hic tantus vir, inter civilis, quod gessit, officii varias curas atque negotia, antiquitates Septentrionales Historiasque ab interitu vindicare non intermisit. Nam non Eddam tantum post Sæmundum aliam (de qua infra dicemus) collegit; sed & Regum Norvegorum ab Odino genealogias, eorumque continuas successiones & res gestas, ab eorum primo usque ad sua tempora luculentissime descripsit, additis de præscito septentrionis statu, religione, ac moribus, non paucis. Vicinorum quin etiam Regum, Daniæ nempe & Sveciæ, aliorumque res gestas, quoties occasio aut Operis scopus ferebat, hinc inde intermiscuit. Ex hoc autem Snorrii insigni opere varia ab authoribus aliis allegantur, dum ad autoritatem ipsius provocatur. Certè Olaf Tryggvini historiam a Snorio conscriptam citat *Sturlungorum historia. cap. II. pag. 38. eademque*

PROLEGOMENA.

adducit, quæ in Chronico Snorrii habentur. Qvin & memorati regis historiæ, per Oddum monachum conscriptæ, caput XCIV. eadem, quæ in Snorrio habentur, continet. Definire autem non possum⁹, quousq; Snorrius historiâ suâ deduxerit, vel quantum eorum, quæ hodie sub nomine ipsius legimus, ipse composuerit. Chronicon certè Norvegicum in vita Sigurdi Hierosolymipetæ, ubi de Rogerio Sicilia Rege agit, Fridericum II. Imperatorem nuper tum mortuum fuisse, dum ista scriberentur, testatur; at certum est, illum Snorrio novem annis supervixisse: adeoque Snorrius de illo scribere non potuit. Fieri autem potuit, ut alius quidam, Opus Snorrii exscribens, hæc eadem, ut istis temporibus proximus, ex suo adjecerit. Snorrio ergo, ut breviter dicam, inter tot rerum Norvegicarum Scriptores maximam partem debemus, quod Historiam Norvegicam à primis repetitam principiis habeamus. Illius historiæ binis exemplaribus, fide dignissimis, in præsentî Opere concinnando usi sumus: quorum unum *Kringlam*, ab initiali voce sic dictum, alterum verò discriminis causâ *Jafra skinna*, s: Codicem Regium, appellare placuit. Alii duo Codices, *Hrockin skinna* & *Morkin skinna* à me vocati, ob vetustatem & squallorem, Snorrium etiam authorem maxima sui parte agnoscunt; sed à recentiore quodam partim accessione quodam aucti, partim interpolati. Est præter hos alius quoque Codex, à nitidò involucro *Fagur skinna* mihi dictus; qui nihil aliud est, quam Breviarum sive Epitome Chronici Snorrii, ab Haraldo Nigro, qui Haraldî Pulchricomi pater erat, ad Sverrerem usque pertingens; unde etiam idem ille liber sub titulò *Compendii Chronicorum* subinde à me allegatur. Atque hi tres ultimi Codices usque ad initia Regis Sverreris Historiam produciunt. Datur adhuc quintus, quem, quia & hic nitidus est, *Gullin skinna* nomine insignire placuit, ultra medium historiæ Haco-nis Grandævi, ubi scilicet de legatione in Hispaniam agitur, progressus: uti id suo locò notatum invenies. Hæcque ideo monere semel locò heic oportuñ visum est, ut sciat Lector, quinam sint illi libri, quos nominibus hisce passim per totum Opus in testimonium adductos offendet. Extant autem illi omnes in Bibliotheca Regia, histitulis meâ manu distincti. Eandem hanc, de qua nunc sermo nobis est, Snorrii Sturlæi Historiam Norvegicam, jussu (ut scribit *Resenius* prolegomenis in Eddam Snorrii) Axelii Gyldenstiern, Danico idiomate donavit vir olim doctissimus, & de patria sua optimè meritus,

Petrus

PROLEGOMENA.

Petrus Claudius Undalinus, Undalensis parœciæ in Norvægia Pastor, Canonicus Stafangriensis, præfecturæque Lîstensis Præpositus, annò millesimo qvingentesimo nonagesimo nono, quæ versio post fata authoris, obitetricante Celeberrimo *Olo Wormio*, edita est Hafniæ, anno Christi millesimo sexcentesimo trigesimo tertio. Et hæc illa est Snorrii versio, quæ à nobis sub nomine *Editionis Danicæ* toties allegatur: receditque non raro ab iis ipsius Snorrii exemplaribus, quæ ad manus me habuisse modò memini; sive id minùs accuratæ veteris lingvæ notitiæ, sive (quod credere malim) exemplaris, quò *Undalinus* usus est, diversitati adscribendum sit. Denique *Snorrium* in Svecia sub nomine *Heims-Kringle* editum esse à *Johanne Peringskiöldo*, Versio- ne Gudmundi Olai Islandi antehac explicatum, cum cuilibet notum sit, ipse per se videre potest Lector, quid nomine *Editionis Svecicæ* in processu operis nostri intelligamus. Et hanc Historiam a Snorrio ita contextam fratris ejus filius, *Sturla Sighvatius*, describi curavit, teste *Sturlungorum Historia Part. V. cap. XI.* procul dubio & ipse antiquitates patrias pluribus ad- juturus, nisi adhuc juvenis, in iisdem, quibus patruus ejus Snorrius, turbis, anno millesimo ducentesimo trigesimo octavo occisus fuisset.

Post *Snorrium Sturlæum* ipsius ex altero fratre nepos, *Sturla Thordi filius*, & ipse officio Nomophilax, historiam Norvegicam ulteriùs produxit. Is author est laudatæ *Sturlungorum* historiæ, quæ res suis temporibus in Islandia gestas, turbasque omnes, quæ tum maximè eam vexabant dilacerabantque, magnâ fide & authoritate luculenter descripsit, additis & sicubi occasio ferebat, de Norvægiæ & Daniæ circa eadem tempora statu, virorumque ibi celebrium gestis, non paucis. Operi verò huic nomen à familiæ suæ *Sturlææ*, sive *Sturlungorum*, quæ turbarum istarum maxima & præcipua pars fuerat, indidit. Atque hæc illa *Sturlungorum* est historia, cujus quàm plurima præsentis passim Operi a nobis inserta videas. Nec tamen dissimulare possumus, hanc, quæ hodie extat, *Sturlungorum* historiam, exemplar & epitomen quasi esse illius prioris, quam ipse *Sturla* conscripsit. Patet id ex ejusdem libri *Parte II. cap. XXXVIII.* ubi sequentia de *Sturla* habentur. *Sturla Pœta Thordi filius Islandorum historias dictabat, quas partim ex relationibus virorum, qui ipso juvene vixerunt, rerumque gestarum ordinem callebant, partim ex literis, quas illi scripserunt, qui iis æquales erant, quorum gesta celebrabant, collegit. Multa etiam ipse vidit, quæ in ejus tempora incidebant, ad confirmationem eorum, quæ tradidit. Fuit enim vir celebris, probus, excellenter sapiens, moderatus, audax, interritus. Deus illum jam supra lau-*

PROLEGOMENA

des beet. Quæ quidem post obitum Sturlæ ab alio quodam scripta esse, latius apparet. Cæterum non est quòd miremur, Sturlam accuratam ad eò & exquisitam rerum Norvegicarum sui temporis notitiam habuisse; cum ab ipsis Regibus, Hacone Grandævo & filio ejus Magno (qui Legum Emendator vulgò dicitur) ad hoc delectus esset, ut res ab iis gestas literis consignaret: quò etiam historici officio summa cum laude functus, utriusque Regis vitam posteritati suæ reliquit, ut fateatur ipse, *Sturlungorum historiae Part. IX. Cap. XXII.* quamvis posteriorem, quæ res à Magno gestas continuit, partem operis nostra jam atas desideret, non exiguo antiquitatum damno deperditam. Ex hujus viri scriptis, partim nimirum Sturlungorum historiâ, partim Regis Haconis vitâ, Operis hujus nostri Partis Quartæ Liber Quintus, qui de Islandia sub Imperium Norvegicum redactâ agit, unice concinnatus est. Scripsisse præter hæc Librum quendam Originum Islandiæ, fidem ipse facit, dictæ *Sturlungorum historiae Parte II. Cap. XXXVIII.* sed qui ad nostras manus non pervenit. Erat hic Scriptor suò seculo inclutus, & solus ferè suæ familiæ felix; quippe qui in tantis patriæ motibus, delectis cæteris, superstes, septuagenarius obiit, annò a nato Christo millesimo ducentesimo octogesimo octavo. Videantur, quæ Historiæ nostræ Partis Quartæ Libro Quarto, Quinto, & Sexto, passim de illo & fusè ex ipsiusmet scriptis traducta narravimus; in quibus authorem hunc ipsum feriem vitæ suæ recitantem audire licet.

Atque hi ferè sunt, qui in Islandia, ubi præcipua rerum gestarum viguit notitia, Historias rerum Norvegicarum, & quæ eò spectabant, in quantum ad nos vel famâ vel monumentis pervenit, literis tradiderunt fugientis antiquitatis destituta, & veluti *Joves Statores*, ut *Stephanius* illos nominat, *notis in Saxonem pag. 190.* In ipsa Norvegia minus historiarum studium, minor rerum gestarum, si pœtarum carmina excipias, ad posteritatem tradendarum cura fuit. Quippe gens fortis & bellicosa, armisque tota vacans, res præclaras gessisse contenta, literarumque minus curiosa, scribendi de se materiam aliis reliquit: cum vice versâ Islandi, ut *Saxo* de iis in præfatione ad Historiam suam scribit, *cunctarum nationum res gestas cognovisse, memorieque mandare, voluptatis loco reputarent; non minoris gloriæ judicantes, alienas virtutes differere, quam proprias exhibere.* Quod si verò & invenerit Norvegia civium suorum nonnullos, qui Historiæ scribendæ manum admoverint; ea tamen Scripta peculiarem tantum vel unam aut alteram rerum gestarum partem conti-

nuc-

PROLEGOMENA.

nuerunt, vel ad nostra tempora integra non pervenerunt. Solus ferè Norvegorum Scriptorum, qui nos in hoc opere perficiendo juverit, est *Theodricus Monachus*, vir suo sæculo doctissimus, qui circa tempora Sverreris Regis vixit. Scripsit sermone Latino, nec ineleganti, Regum Norvegorum historias, usque ad finem vitæ Sigurdi Regis Olafi filii, qui à susceptâ primùm ex Norvegia Hierosolymas usque peregrinatione *Jorsalafate* / sive Hierosolymipeta, dictus est. Causam, quare opus illud suum ulterius non pròduxerit, ipse hanc adfert, quòd abhorruerit à diris istis calamitatibus, parricidiis & omnibus generis sceleribus, quæ sequentia viderunt tempora, stylo commemorandis: quod ex ipsius sub Operis finem verbis, Historiæ hujus nostræ Part. III. Lib. IX. Cap. I. insertis, clare admodum liquet. Imò illum non multa ad manus habuisse scribendæ historiæ subsidia, præter Islandorum, jam a nobis memoratorum, narrationes, atque ad cò parum aut nihil ab iis diversum tradidisse, ex ipsius ad Eysteinum Archiepiscopum Nidarosensem, cui opus suum dedicavit, verbis, quæ in præfatione habentur, abundè liquet; dum hoc modo ait: *Operæ pretium duxi, vir illustrissime, pauca hæc de antiquitate Regum Norvagiensium annotare, & prout sagaciter perquirerer potuimus ab iis, penes quos eorum memoria vigere creditur, quos nos Isleudingos vocamus, qui hæc in suis antiquis carminibus celebrata recolunt.* Nec multò aliter in ipsius Operis Cap. I. scribit: *Hunc, inquam, numerum annorum Domini, in vestigatum, prout diligentissimè potuimus, ab illis, quos nos vulgato nomine Isleudingos vocamus, in hoc loco posuimus; quos constat sine ulla dubitatione præ omnibus aquilonaribus populis in hujusmodi semper & peritiores fuisse & curiosiores.* Sed utcunqve ista te habent, laudanda viri industria est, quòd indigenarum ope destitutum ab exteris hæc didicisse non piguerit; nec illa, quæ ad ipsius notitiam pervenerunt, interire passus sit; præsertim cum ipse se satis excuset, his verbis: *Si cui fortè displicuerit, sciat pro certo, me istarum rerum relatore alium voluisse, quàm me: quod quia hæcenus non contigit, me malui quàm neminem.* Quin & Capite XIII. conqueritur, nullum ante sua tempora in Norvegia antiquitatum scriptorem fuisse.

Iptum etiam Regem Sverrerem Historiam Norvegicam, aut certè aliquam ejus partem, conscribendam curasse, vel inde colligi potest, quòd varia de Simone Skalgo, qui patrum ipsius Eysteinum, Haraldi Gillii filium, interfecit, sibi narrata, hujusque ad illum ultima verba, inter gesta fratrum in literas retulisse tradatur, teste Chronico Norvegico de ejusdem Eysteini cæde. Vide Operis hujus Part. III. Lib. IX. Cap. XIV. & con-

PROLEGOMENA.

fer simul, si placet, ea, quæ ad finem historiæ ipsius Sverreris *Part. IV. Lib. I. Capite ultimò* diximus. Cæterum illud scriptum, tanti Regis autoritate atque auspiciò proculum, dudum interiit, nec quicquam nobis, præter desiderium sui, reliquit.

Atque hæc hæctenus de Historiæ Norvegicæ antiquissimis primisque Scriptoribus idèò præmonenda duximus, ut constaret Lectori, quâ fide, quâ autoritate, ea nitantur antiquitatis monumenta, quæ in concinnando hoc opere præcipuè secuti sumus: & ut simul occurreremus postulato *Buchanani, Historiæ Scoticæ Lib. II.* ita scribentis: *Qui de veteribus annalibus originem asserre se asseverant, reddenda, opinor, illis erit ratio, qui primus ista tradiderit, ubi tamdiu latuerint, quomodo ad nos per tot secula incorrupta pervenerint, &c.* Sed nec vel Patriæ vel patriarum antiquitatum tam intempestivo amore nos abreptos quis putet, ut omnibus Islandorum monumentis idem pretium statuamus, eorumque singula pro authenticis aut omnimodè veris venditemus. Illa enim nos ipsi antea ratione autoritatis in quatuor classes sive ordines digessimus, *Seriei Regum Danicæ Lib. I. Cap. I.* adèò ut primum genus sub fabularum involucris profundum recondere sentum monuerimus, priusque ritus ac populi religionem, quibusdam etiam historicis interspersis, nos docere; secundum confictas tantùm fabulas, easque vel rudes vel artificiosas, absque ullo recondito sentu, complecti; tertium historias, easque ex veris quidem deductas principis, interspersis tamen fabulis, obscurare; ac quartum denique indubiæ veritatis & fidei historias, absque ullâ fabularum admixtione, exhibere: quorum singulorum exempla aliquot proximè sequentibus dicti libri capitibus proposuimus. Sed nec temporum, quibus singula evenerint, minor ratio habenda est: quin potius probè attendendum, quæ & qualia fuerint Historiæ Septentrionalis primordia, quæ incrementa, & quomodò illa sensim evoluta fabulis justæ tandem historiæ legem acceperit.

Et initia quidem Historiæ Septentrionalis valdè tenuia fuisse, inficias ire haudquaquam possumus. Sive enim barbariem sæculi illius, sive primorum terræ hujus Aboriginum ingenium, belli ac cædibus longè magis quàm artibus humanioribus deditum, sive insequentium sæculorum in conservandis majorum gestis negligentiam, sive denique intercurrentium ætatum, quibus ab illis temporibus determinamur, longissimum intervallum respicias, singula in causa fuerè, quo minus nos potuerimus illarum rerum accuratam cognitionem habere. Et ve-
re

PROLEGOMENA.

rè quidem *Lyschander*, præfatione ad operis sui Genealogici Librum Quintum dixit; *esse hoc tempore, Marti, & incolis ignoscendum. Tempore, quod omnia obliterat: Marti, quod imperium invasit, Mmervamque & scriptores ex his regnis eliminavit, cum omnes præclaræ perpetrandi, neminem conscribendi cupido incescit: Indigenis deniq; qui posteros de his instruere, eorumque notitiam ad feros nepos traducere neglexerunt.* Ut adeo idem nobis de prima Historiæ septentrionalis periodo, quod olim Tito Livio de Romanæ historiæ principiis, liceat dicere: *res esse cum vetustate nimia obscuras, velut quæ magno ex intervallo loci vix cernuntur; tum quod perrare per eadem tempora literæ fuerint: una custodia fidelis memoria rerum gestarum.* Ad primos Arctoi orbis incolæ quod attinet, qui ante Odini Asianorum Ducis in hæc regna adventum sedem suam fixerant, mirum non est, illorum quicquid haberi potuisset, nobis interceptum esse, cum Odinus ille, divinitatem affectans, cui antecessorum præclaram mentionem obstare probè animadvertit, non genealogias modò illorum (quod apud Judæos Herodes Alcalonita fecisse dicitur) sed omnia ab illis gesta, imò & ipsum eorum nomen, delere unicè allaboraverit; ut vel sic maximè ad ipsum, tanquam primum omnium parentem (nam & *Alfadir* / sive *Omnium Pater*, dici voluit) posteritas ortum atq; genus suum referre cogere-
tur. Ab illo igitur Antiquitates nostræ auspiciandæ erunt; atque utinam ab ipso illo tempore certiores clarioresque, nec fabularum adhuc caligine infuscata. Nam celeberrimæ illius in Boream expeditionis, rerumque hinc primitus gestarum, vix præter rudera supersunt quædam, Eddicis mythologiis hætenus ut-
cunq; conservata, atq; ex illis eruenda. Equidem non dubitamus, Odinum ejusque affeclas artificiosis suis metris, quorum adhuc nonnulla in Edda legimus, plura, tam ad ritus religionemque, quam ad rerum gestarum memoriam pertinentia, ut erant posthumæ famæ avidissimi, complexos fuisse, de quibus nunc nullum nobis iudicium relictum est. Fuisse certè temporibus Odini, aut Odino proximis, aliam Eddam, longè uberio-
rem, cujus hæc nostra compendium tantum sit, gravis est conjectura, virisque maximis approbata. De illa sic *Magnus Olaf*, Pastor quondam Ecclesiæ Laufalensis in Islandia, atq; ex eò *Stephanus*, notis in Saxonem pag. 17. ut & *Resenius* in prologo Eddæ *Snorri-
ane*, sequentia scribunt. Ex veterum rhytmis, ut etiam appellationibus *Asarum* nonnullis, ac imprimis Odini, & aliarum denique rerum, apparet, aliam fuisse Eddam antiquorum, aut volumen fabularum, ab ipsis *Asis* confectum, aut eorum nepotibus, quod interierit, & cujus hæc nostra Edda aliquale sit compendium: quia nominum paucissimorum, quæ ex variis casibus indita sunt pluri-

PROLEGOMENA.

ma, ut Edda proficitur, ex ejus fabulis reddi potest ratio, nec etiam plurimum, quæ ibi occurrunt, appellationum. Nec aliam puto mentem fuisse E-ruditissimo ac sagacissimo Brynjolfo Svenonio, cum ad Stephanium ista scriberet, notis ad Saxonem loco citatò inserta: ubi nobilissima illa Edda, cujus vox milliesimam partem reliquam nunc præter nomen habemus? atque id ipsum, quod habemus, omninò fuisset deperditum, nisi Snorronis Sturlonit epitome umbram potius & vestigia quàm verum corpus Eddæ illius antiquæ reliqua fecisset. Similia mox infra ex Sberinghamo celebri Anglo audiemus. Qvòd verò Saxo Grammaticus vetustissima illa O-dini Eddâ in scribendo, ut putant, ulus sit, ideoque tan-tus in ejus Opere disensus à nostris aliisque vetustis monu-mentis deprehendatur, probatione omninò eget. Nobis de illis, quæ habemus, unicè erit dispiciendum. Edda igitur hodie duplex est; una Sæmundi Polibistoris, supra à nobis laudati, meris rhythmis, eisqve antiquissimis, variiqve argu-menti, constans; non utiqve ab ipso Sæmundo conficta, sed collecta & concinnata; altera Snorrii Sturlai, prioris sc: Eddæ Epitome, solutâ oratione scripta, & in capita distincta, quæ Dæmsegur appellantur; qvòd qvidam mythologias, alii fabulas ver-tunt; minus qvidem, meò judiciò, rectè; cum Dæmesaga vi vocis idem sit ac historia, sive rei gestæ succincta narratio. Neque enim putandum, Eddam in pœtarum solummodò gratiam initio confictam esse, absqve ullo in veritate rei fundamento: fabulas tamen interspectas esse quàm plurimas non dissetimur. Ea certè, quæ de Aiarum in septentrionem adventu, nomi-nibus, familiis, & quibusdam ab iis gestis, hìc traduntur, qvo minus verissima esse statuamus, nihil impedit. Atqve libet hìc oportuna audire judicium Sberinghami, libro de Anglorum gentis o-rigine, cap. XII. Primam illam Eddam, ait, cujus ea, quæ nunc extat, exi-gua quedam pars est, Aiarum aliquis, ut creditur, statim post prædictas migra-tiones compegerit, dum recens adhuc calensque rerum gestarum memoria fuit. Unde autoritas ejus magni pendenda est, cum author omnium conscis erat, quæ a Wodeno ceterisque Ais agebantur. Sæmundus certè aut Sturlesonius fa-bulas Eddicas de suo ingenio nunquam sinxerunt. Certè, si Edda non fuisset, ma-jorum nostrorum facta obscuritate & caligine obruita oblivioni traderentur. Nam ad historie seriem inutilis ut sit, in eadem tamen eorum genealogia, reli-gio, mores & consuetudines, verissimè describuntur. Antiquitatem insuper Ed-dæ multa testantur, illud in primis, quod circa tempora ista, quibus Wodenus Boreales plagas adiit, omnis historia fabulis involuta erat. Haud procul hac æ-tate Homerus vixerit, qui Bellum Trojanum & Ulyssis errores fabulis & allego-riis expressit. Et paucis interjectis idem author fabulas Eddicas & alias istiusmodi à reliquis, quæ nihil præter mera habent commenta, aptè satis distingvit; dum sic loquitur. Scripserunt

PROLEGOMENA.

nuperi apologos quosdam, id est, fabulas, quibus bruta animalia introducuntur, & Fabulas etiam, quibus hominum actiones moresque rectis fictisque nominibus exprimuntur. Sed quales in Edda sunt, quales apud Homerum, Hesiodum, & veteres, quibus religio gentis, Heroum genealogia, & res gesta, propriis ipsorum nominibus recensentur, nemo fortè, nisi ante bis mille abhinc retrò annà, scripserit; recentius licet nonnulli, ut Apollonius Rhodius, Co-inthus Smyrnaeus, Valerius Flaccus, & alii, Fabulas antiquas interpolârunt, & novis quasi vestimentis ornarunt. Hæc ideo Sberinghami verbis, quia nostram de hoc argumento sententiam non tam stabiliunt, quàm exprimunt, enunciare placuit. Ex quibus etiâ patet, quid responsum velimus illis, qui Eddicâ ista monumenta ideò rejiciunt, quia fabulosa multa habeant, nec nisi de Divinitate Odini Asarumq; agat: quod si enim suffis, ut inquit Livius, in orbe imperiis id licentiæ datur, ut miscendo humana divinis primordia sua augustiora faciant, quidni antiquissimis Septentrionis populis, talis ipsorum historiis, idem liceat? At plura de Eddicis monumentis in *Serie Regum Danie Lib. I. cap. II.* scripsimus; quòd etiam Lectorem, cui volupe est de his edoceri, ablegamus.

Reliquum jam est, ut, quibus modis rudes illi literarumq; tantùm non expertes homines ab injuria oblivionis se adferre, & quæ egregia patrâssent, posteritati propagare conati sunt, paucis edisseramus. Certè de iisdem illis modis scripsere multi. At eos omnes simul nemo hactenus, quod sciam, debitâ diligentia vel pervestigavit unquam, vel minimùm tradidit. Et quidem primitus in rerum gestarum custodiam saxa grandioresque lapides erigebantur, qui utique vel rudes planè erant, & nullis signati characteribus, vel figuris quibusdam literarumve notis inscripti. Prioris generis sunt illi, quos ad testandum posteris suum robur, suo itidem de nomine, ut quos crexissent, appellare prioci solebant. Et sit quidem talium sapius mentio in *Historia Gretteris Robusti*, qui nempe, ut constaret posteritati, quæ ipsi corporis fuissent vires, immania saxa de terra levâsse, alisque minoribus superimposuisse scribitur; monstranturqve adhucdum passim in Islandia, à Greteris istius nomine *Grettiætøf* incolis appellata. Quin & tale aliquod saxum, ne plura adferam exempla, excitâsse *Finnbogium Rammium*, (i. e. Robustum) in ejusdem vita memoratur. Sed, omissis his, ut quibus parum admodum historiæ inniti poterit veritas, occurrunt majoris aliquantò momenti: *Lapides nempe sepulchrales*, qui vel in unius hominis, vel multorum simul memoriam, iis nimirum locis, ubi còmissa pugna, fortèqve aliquod editum esset facious, erigebantur, *Bautsteinar* olim vocati. Per hos enim, quæ facîle cæteroquin illo ævo intercidisset, prorogabatur memoria rerum, & dum oculis semper obversabantur, eorum cau-

PROLEGOMENA.

ſam inq̃uirebant ſciebantq̃ue ſeq̃uentes ætates, uſq̃ue dum tandem id, q̃vòd ſignarent, in h̃iſtorias referretur. Et ut ex plurimis, q̃væ ſup̃petunt, exemplis, unum tantum adducam, memorant *Halſi Herois* & *Olafi Tryggvini* Regum H̃iſtoriæ de binis talibus ſaxis, in Augvaldi Rogii, & vaccæ, q̃vam vivus ille coluerat, ac prope ſe poſt fata contumulari juſſit, memoriam erectis: q̃vi q̃videm, q̃voniã in inſulæ hujus Kormtis, ubi ipſe habito, ſacerdotali prædio Augvaldsneſia, ad ſuum q̃visq̃ue templi latus noſtrâ ætate, & alter etiamnum conſpicitur, & nihil non narrationi priſcæ reſpondet, fidem indubiam faciunt, non modò Augvaldum illum extiſſe, ſed vera etiam eſſe ea, q̃væ de ipſo in memoratis nuper h̃iſtoriis leguntur.

Alterum verò *ſaxorum memorialium* genus, figuris nempe literiſve res geſtas exponens, per totum ferè ſeptentrionem olim magnâ copiã extiſſe, notius eſt, q̃vã ut proluxa egeat demonſtratione. Videantur vel ſola monumenta Danica, à Celeberrimo *Wormio* eruta & collecta, peculiariq̃ue volumine explicata; & q̃vi de ſimilibus monumentis eruditiffimè diſeruit, *Thomas Bartholinus antiquit. Dan. Lib. I. Cap. IX.* Q̃vamvis autem eorum panca ad noſtra aut parentum tempora perduraverint, valde tamen rei h̃iſtoriæ profuit, potuiſſe illa, aut ſaltem, q̃væ in iis memorabantur, conſervari, donec feliciore poſtea ævò fidelioribus cuſtodibus, libris nimirum, mandarentur.

Nec minus locis ipſis, id q̃vòd & H̃iſtoriam maximè juvat, à re aliqua geſta aut eventu q̃vòdam nomina fuerè data; q̃valia innumera in H̃iſtoriis ubivis obvia. Et certè antiqui illi, q̃væ vel occupãſſent, vel q̃vibus præerant, loca, regiones, ac ſedes, ad extendendam ſui memoriam de ſuis nominibus appellârunt: ut aded rectè dixerit *Arngrimus Crumogæ Lib. IV. cap. VI.* In *Iſlandia* fundus ſeu habitatio qualibet à primis conditoribus nomen plerumque accepit: interdum etiam aliunde. Sic montes, flumina; ut etiam hac ratione primos incolas & inſuper ipſa loca vel ſolis nominibus apud omnem poſteritatem loquerentur. Eſſi non difficamur, nomina iſta nonnunc q̃vam ita eſſe corrupta, atq; a prima abire ſimpoſitione, ut originem vix divinare poſſis, niſi in antiquis monumentis incorrupta illa haberentur. Imò inſigne id h̃iſtoriæ veritatis teſtimonium eſt, q̃vòd incolæ nihil minus q̃vã h̃iſtoriarum gnari, & originationis inſciji, nomina iſta, à parentibus & majoribus tradita, uſurpant; & cum ipla antiquitatum monumenta evolvimus, veram ibi eorum rationem, q̃væ confuſa ex ore vulgi per tot ſecula conſervata audimus, inveſtigare poſſumus. Q̃vòd etiam de vetuſtis proverbiiis, q̃væ ex antiquiſſimis rebus

PROLEGOMENA.

bus originem trahunt, vulgo in hunc usque diem, sed absque originis notitiâ, usitatis, dictum volumus: qvalia sunt, *Animus morbus*, ab Anio Grandævo Sveciæ Rege; *Eigile pejor*, ab Eigile Skallagrimio; *Hriflingi alimentum*, ab Hriflingo pauperrimo homine dictum; & sexcenta alia, quorum magnum numerum in hoc Opere suis locis adduximus, veram simul eorum originem ex historiis monstrantes.

Quin & gloriæ hi cupidissimi homines, ut simul & nominis sui celebritatem & virtutis imitamentum seræ transmitterent posteritati, suis in *clypeis*, ut qui pulcherrima essent fortibus viris hæreditas, inculpi repræsentariq; quicquid præclare actum esset, curabant. Antiquissimum autem tale memoriarum genus fuisse, ex loco hoc *Eddæ* manifestum est. Solebat antiquis *clypeis* inscribi margo, quæ *circulus* sive *annulus* vocabatur. Ab isto circulo *clypei* pœtice denominantur. Et ejusmodi *clypeis* vel majorum vel propria cujuslibet facta describi consueverunt. Prioris generis *Eigilis Skallagrimii* vita meminit, his verbis: *Comes Hacon Einari Skallaglammo clypeum donavit, pretii eximii. Hic antiquis historiis inter commissuras inscriptus erat, aureisque laminis obductus, ac gemmis ornatus. Posterioris generis unum Saxo Lib. IV. memorat, de Amletho ita scribens. Inscuto, quod sibi parari jusserat, omnium operum suorum contextum, ab ineuntis ætatis primordiis auspicatus. exquisitis picturæ notis adumbrandum curavit. Quo gestamine perinde ac virtutum suarum teste usus, claritatis incrementa contraxit. Postquam deinde opera Amlethi, in clypeo delinata, enumerasset, subjungit. Hæc omnia excultissimo rerum artificio militari ejus scuto opifex studiosus ille verat, res formis imitatus, & facta figurarum adumbratione complexus. Maximè autem ad præsentem rem facit, quod refert idem ille Scriptor; nimirum Reginam Scotiæ hoc scutum, capiti dormitantis Amlethi subductum, curiosius contemplatam, facta inde, quæ ex scuto cognoverat, scripto complectenda curasse, ut & clypeum literarum testem, & literas clypei interpretes, existimaret. Magnò argumento, tales in clypeis antiquorum cœlaturas non ornatus tantum aut oblectationis gratiâ, sed rerum gestarum ab oblivione vindicandarum præcipuè studio, elaboratas fuisse. Neque crediderim, hunc primum clypeum fuisse, ex quo historica monumenta descripta fuerint; sed jam antea invaluisse illum morem, ut, quæ raptim & breviter scutis inscripta essent, diductius inde in historias transferrentur. Exquisite etiam de tuo clypeo, egregiorum facinorum custode ac præcone, canentem Hildigierum Gunnaris filium idem Saxo Lib. VII. sic introducit.*

PROLEGOMENA.

*Ad caput affixus clypeus mihi Sueticus astat,
Quem specular vernans varii cœlamini ornat;
Et miris laqueata modis tabulata coronant.
Illic confectos Proceres, pugilesque subactos;
Bella quoque, & nostræ facinus spectabile dextræ
Multicolor pictura notat. Medioxima nati
Illita conspicio species cœlamine constat.*

Sed enim tales ego clypeos non picturis tantum aut imaginibus rerum gestarum insignitas (ut Saxo intellexisse videtur) verum & literis, quæ tumquidem in usu erant, exaratos fuisse, ex historiarum nostratum testimonio, nullus dubito.

Sed neque hic proferendæ gloriæ cupido substitit. In aulæis quoque & domuum parietibus, imò lectis & sellis, res gestæ signabantur. Ad aulæa quantum attinet, tam majorum imagines, quàm historiarum notas, in iis depictas fuisse legimus. Et iconem quidem in Monumento antiquo Bildensi exhibet Olaus Wormius Monumentorum Danicorum Libro Sexto pag. m. 472. Historias autem ipsas aulæis intexi moris fuisse, ex vetustissima Oda, quæ Gudrunarqvæda / 3: Gudrunæ oda, interibitur, clarissime discimus; ubi Gudruna Giukii filia, ærumnis suis, post indignam mariti, Sigurdi Fafnericidæ, cædem, enumeratis, inter alia memorat, quomodo se patriæ pertæsam, inque Daniæ profectam, Thora Haconis filia, mulier insignis, comiter exceperit, variisque oblectamentis & artibus muliebris exhilarare studuerit. Ubi & refert, se & Thoram Regum res gestas, satellites, arma, naves Sigurdi in altum à litore evectas, pugnæque Sigaris & Siggeiris in territorio Fivensi, texturæ præsentasse. Carmen ipsum lingvâ vernaculâ in nostra Serie Regum Daniæ Lib. I. Cap. VI. exhibuimus, confirmatum testimonio Historiæ Ragnaris Lodbrokis Daniæ Regis, quæ Brynhildem Budlii filiam ejusdem Sigurdi Fafnericidæ Herculæa facinorosa telæ suæ artificiosè similiter intexuisse disertè memorat. His etiam addi meretur S. Olaf, Norvegiæ Regis, aulæum; cui Sigurdi cum Fafnere conflictus intextus erat; & de hoc aulæo pœtam Thorfinnum versum tacere jussit Olafus, hodieque in Codice Flateyensi column: 750. & 754. superstitem. Quod nos de Aulæis diximus, id in parietibus etiam apud Islandos quondâ usitatum testatur Arngr: Jonas, Crymog. Lib. I. Cap. VI. consentiente longè adhuc vetustiore Historiæ Laxdalensum, dum de Olavo Pavone hæc refert: Olafus in prædio Hiardarholle cœnaculum exstrui fecit, majus & elegantius, quàm quisquam antea viderat, in cujus parietibus & laquearibus insignes Historiæ consignatæ erant, adedque affabre cœnaculum hoc factum erat, ut longè ele-

gan-

PROLEGOMENA.

gantius videretur, cum auleis non esset obductum. Denique Thorkelem Hacum lecto suo & tellæ propria gesta insculpi vel appingi curavisse, *Niala* / seu *Niala historia*, testatur.

Nescio, an & hic veterum *Lignis* iis, quæ *Resti* vocabantur, locum aliquem concedam; tum quod illa rerum gestarum historiam haud unquam ferè exhibuerint, sed ut plurimum epistolarum vice sint functæ; quæ illud, cuius ex *Viglundæ Historia Bartholinus Capite citato* meminit; tum quod in conscribenda historia exiguum illa utum attulisse crediderim. Nec tamen diffiteor, talibus subinde lignis alia, præter quàm confabulationes epistolares, inscripta fuisse. Nam & epicedia duo, ligno olim insculpta, occurrunt: unum in *Eigilis Skallagrimii historia*; quod in funere filii Bôdvaris, dictante Patre Eigile, filia ipsius Thorgerdis; alterum in *Gretteris Robusti vita*, quod Hallmundo Monticolæ factû filius ejus, ligno inscripsisse traduntur. Et talia ligna *celebre quondam* in Dania *chartarum genus Saxo Lib. III.* nominat. Sed quicquid sit, neque ex his, neque ex prioribus istis monumentis, quæ emblemata tantum historica fuere, plena justaque historia confici poterat. Quapropter ut tantò melius rerum memoriæ prospiceretur, *Carmina* inventa sunt. Ex quibus historiam apud alias gentes initium sumsisse, prolixè ante me alii ostenderunt: & in hoc nostro Septentrione idem illud obtinuisse, vix est quod quisquam hodie addubitare possit. Verùm de poetarum istorum (quos exteri scriptores Scaldros, & magis adhuc corruptè Skialdos, vocare solent) fide & authoritate quia controversia a nonnullis non heri demum aut nudius tertius (quod ajunt) moveri cœpta est, & adhuc movetur; nos autem illorum carmina in universo ferè hoc Opere magnam partem in testimonium vocamus; non abs re erit monere, qui & quales illi fuerint poetæ, quorum opera in septentrione olim ad tradendas res gestas utebantur antiqui. Erant igitur homines illi non vani, non molles, non assentatores, qui nihil præter lusus ingeni aut fabulas adferrent: sed erant viri probi & veritatis amantes, qui Principes aut alios claros viros non nisi justis dignisque laudibus extollerant. Imò erant viri fortes, qui & ipsi in bellis adhibiti fortia multa edebant facinora. Unde luculentum illorum poetarum est discrimen, qui nihil præter monstrosas fabulas lectando sub mythologiis earumque involucro religionem animis rudiorum instillabant; & horum, qui a Regibus Principibusq; ad celebrandas res a se gestas alebantur. A quibus iterum diversi sunt illi, qui seculis insequentibus historias antea confici-

PROLEGOMENA.

tasmemoriæ causâ in rythmos redegerunt, deqve suo fabulosa plurima attexuerunt. Ut adeò hic triplex pœtarum genus observare liceat; de quorum quidem mediò unicè nobis hoc loco sermo est. Ad illorum autem fidem & auctoritatis pondus id præcipuè facit, quòd viventibus adhuc Principibus, illa composuerint, coramqve ipsis recitare confieverint; seculo præsertim minùs corruptò & simplici, à quo adulatio procul exulabat. Atqve hoc argumentum tanti fecit *Snorrius Sturlæus*, ipse polyhistor sagacissimus, ut in præfatione *Chronici Norvegici* in hunc sensum scribere non dubitaverit. Nemo auderet coram aliquò res gestas, tanquam ipsius, recitare, quas auditorum singuli & is ipse confectas scirent: hoc enim non esset Principem laudare, sed ei audacter illudere. Dicit porrò, quòd *prisci historici* talia pro veris habuerint: concluditqve demum his verbis: illa igitur, quæ carminibus istis de Regum itineribus & præliis continentur, omnia pro veris habemus. Nec aliam mentem fuisse *Theodrico Monacho*, *Snorriò* paullo antiquiori, inde patet, quod in prologo *historiæ suæ Norvegicæ* historiam ab antiquis Islandorum carminibus petendam judicaverit. Et tanè in tantum ab adulationis crimine aberant pœtæ illi, ut etiam vitia aut errores Principum nigro carbone, sicubi occasio ferebat, ausi sint notare. Quin & familiare iis erat, rerum gestarum rationem reddere, heroumq; suorum facta, si quando sinistris judiciis obnoxia fore prævidebant, excutere, & rursus odiosa pravèq; facta, non neglectis quoq; circumstantiis, exaggerare: ut adeò non Criticorum minus, quàm historicorum, partes implevisse videri possint. Nec rerum, quas decantabant, notitia illis deesse potuit; cum non solum res suo ævò gestas carminibus complecterentur, verùm etiam ad illas tanquam è speculâ observandas adhibiti sint. Neqve enim solummodò in aulis Regum loca honoratiora occupabant, sed & in mediis interdum bellorum tempestatibus, locis ad annotanda, quæ gererentur, oportunis, ordinabantur. Et notabile omninò est, quod in *historia S. Olafi* legitur, ipsum nimirum in prælio *Stiklastadensi*, sibi fatali, pœtas suos, quorum tres, *Gistur* nempe *Gullbræ* alumnus, *Thorfinnus Munnur* (sive *Bronchus*) & *Thormodus Kolbrunnarskaud* (c. *Kolbrunnæ* pœta) nominantur, intra clypeorum testitudinem convocasse, ibiqve consistere iussos his verbis allocutum fuisse: vos hic manebitis, & res, quæ hec gerentur, coram adspicietis; sic enim aliorum narrationibus fidem habere non erit vobis opus, in iis, quæ a vobis narranda sunt, ac demde carminibus includenda: memoranturqve singulorum horum

PROLEGOMENA.

horum pœtarum singuli versus exhortatorii, in eodem prælio calente venâfusi; qui adhuc in membranis integri conservantur. Quanta verò in dignitate a Principibus habiti sint, exemplis longè plurimis hic monstrari posset; nisi illa sparsim per totum hoc nostrum Opus suis locis enumerarentur. Summatim, sed accuratè, illa recenset Celeberrimus *Thomas Bartholinus Antiquitatum Danicarum Lib. I. Cap. X.* Nos etiam in *Serie Regum Danicæ Lib. I. Cap. VI.* ut & in præfatione ad *Historiam Orcadensem*, nonnulla de iis diximus. Cum itaque ejus generis pœtarum tanta sit autoritas, tantaque notitia ipsis fuerit rerum, quas cecinerunt, non sine causa aliorum narrationes, ubi ab horum carminibus dissentiant, minori nonnunquam in pretio habemus.

Deniq; scribendæ historiæ adminiculum, idq; maxime commune, narrationes erant ore traditæ ac perceptæ; quibus res gestæ per eos primû, qui præsentibus iis interfuissent, ad filios, per hos iterum ad natos & natorum natos, memoriæ relinquebantur: magnâ sane apud istos homines religione, ne quicquam vel adderetur, vel dubii suspectique referretur. Unde & videmus historicos quàm plurimos ad oculos rerum, quas describunt, testes, aut ad illorum narrationes, provocare, hac formulâ plerumque additâ: *in quantum ipsi distinctè assequi memoriâ potuerunt.* Locum ex *Eddæ Myth. 49.* hæc apprimè confirmantem, supra adduximus; exemplumque etiam Eirici Oddi filii & Oddi Monachi promulimus. Talium autem narrationum iterum duo genera agnoscimus; unum eorum, qui res ante suum ævum gestas memoriæ prodiderunt; alterum horum, qui res, quas ipsi gestas vidissent, scribentibus dictabant. De illarum fide si vel maximè quis dubitaverit, de harum certè minimè potest. Proinde iis scriptoribus, qui historias suas ex his talibus exscripserunt, ut parem atq; ipsis, a quibus eas habuerunt, fidem adhibeamus, æquissimum esse censemus. Cæterum in propagandis tali modo historiis eminebant præcipuè Islandi; quippe qui, sive bellatores erant, sub ipsis Regibus, quorum res scribebant, mercentes, sive mercatores, varias universi cultioris orbis terras adeuntes, gloriosum sibi ducebant, facta exterorum in patriam, ubi avidè cognoscebantur, referre. Luculentum hujus rei exemplum in Haraldî Strenui vitâ habemus. Halldôr enim Snorrii filius Islandus, Regis hujus in Græcia & alibi terrarum individuus comes, periculorumque omnium particeps, cum redux in Norvegiam odium Regis incurrens migrare in patriam cogeretur; non tamen tantum iræ ac simultatibus de-

PROLEGOMENA.

dit, ut gestorū Regis ordinem celebrare negligeret: quin potius illa in generalibus insulæ comitiis quotannis exponeret; idque tantâ fide, ut cum juvenis quidam, qui hæc ex ipsius ore hauserat, eadem in Norvegia, præsentē ipso Rege, recitaret, fidem & ipse, laudatus a Rege, mereretur: uti id in Operis hujus Partis III. Libr. IV. Cap. 32. plenius narratum videri potest. Verum & complura hujus rei documenta adducere in proclivi esset, nisi ipsa hæc Historia Norvegica iis quàm refertissima esset. Dolemus autem, non licuisse genti rerum historicarum studiosissimæ ultimorum Norvegiæ Regum gloriosa facta, & prioribus forsitan potiora, quæ cœperant diligentiam, vel commentandò vel viva voce tradendo illustrare. Illa enim celebris hæctenus Islandorum cuncta cognoscendi aviditas, illeres patrias exterasque describendi ardor, subito quasi deserbuit: postquam nimirum concussa intestinis dissidiis ipsorum patria, Regio imperio, quantumvis sibi, ut tunc reserant, saluberrimo, colla subdere justa est. Tunc enim amicitias Regum, quas eò usque sponte coluerant, parendi necessitas & obsequium exceperē: nec eadem amplius doctis præmia; dum nempe illi, a quibus antea, ut liberis & sui juris hominibus, celebrari pulchrum erat, nunc sub potestatem redacti non magni adeo rem momenti præstare censebantur, si Reges suos vel carmine vel aliò aliquò scriptò laudarent. Hinc rarior quoque in aulâ Norvegicâ Islandorum frequentia existit. Videturque partâ Islandiæ possessione tantum decessisse Regibus istis famæ & ad posteros celebritatis, quantum imperio Norvegico accessit: uti & nos id in epilogo vitæ Regis Magni Legum Emendatoris pluribus annotavimus. Ex illius itaque Regis tempore Historia nostra aliam quasi induit faciem: quæque prius historica narratione plenè tradebantur, postea non nisi ex succinctis annalium nostratium memoriis, quos curiosi adhuc in proprios usus, sed parcè, consignarunt, indicare vetrius quam describere, horumque lacunas externorum scriptorum, Danorum in primis, testimoniis utcumque supplere necessum fuit. quod ipse, quando perlectis prioribus ad ea venerit, deprehendere Lector poterit.

Cæterum quæcumque hæctenus proœmii locò diximus, eò diximus, ut non solum, unde nos hæc, quæ jam publico sistuntur, habuerimus; sed &, unde illi ipsi, quos sequimur, quibusve principis,

PROLEGOMENA.

ciipiis, monumenta sua consignarint, scire Lectores possint. Interest enim veritatis, ne quasvis narrationes, si vel maximè membranisinscriptæ sint, amplectamur, & tanquam veras orbi erudito obtrudamus; sed ut magna cum cautione in iis versando, ea demum, quæ ab authoribus fide dignis, & sufficienter ad scribendum instructis, sunt tradita, approbemus. Ad me certè quod attinet, tantum abest, ut mihi, si quandò idoneâ priscorum autoritate destitutus fuero, credi velim, ut potius injuriam nomini meo facere illo existimem, qui me, posthabitis fidei optimæ monumentis, aliqua ex meo venum quasi exposuisse fortè centebunt. Nec reculo, quin mihi fides derogetur, si antiquitatum fide dignarum testimonio caruisse deprehendar. Illas autem ubi seqvor, non mea solum, sed earum etiam causa agitur: in his enim si quis nostra impugnaverit, unâ eademque operâ ipsa rei historiciæ fulcra subruere temerè conabitur.

Expectabit forsitan Lector, ut nostrum in hoc Opere concinnando institutum atque scribendi rationem uberius exponamus. Id verò hoc locò tantò parcius agemus, quāto magis in ipso passim Opere Lectori id indicavimus. Et quidem primò ante omnia officii nobis demandati ratio exigebat, ut plenum ac perfectum Historiæ Norvegicæ Opus (quantum quidem in nobis erat) orbi eruditò communicaremus. Quæcunque ergò ex fide dignis, aut saltim veri speciem habentibus, Antiquitatum monumentis in nostras manus pervenerunt, fideliter huc transtulimus: ne iis quidem exclusis, quæ de primorum seculorum obscuris rebus vel confusè narrata sunt, vel fabulis propiora videri forsitan poterant, modò ne apertè falsa aut fidem exluperantia deprehenderentur: indicatâ tamen, sicubi de fide narrationum dubitatio oborta est, nostra opinione; ut Lectori ulterius in rei suspectæ veritatem inquirendi occasio porrigeretur. Neque enim statim pro falsis habenda sunt, quæ a moribus & genio hujus nostri seculi abluunt. Sæpe etiam sub fabularum involucro abstrusa latet veritas; sæpe apertè veris falsa miscentur; interdum levi negotio, interdum vix magno labore discernenda. Maluimus ergò integras narrationes, prout accepimus, legendas sistere, quàm, quia parte sui aliquâ minus fortè erant credibiles, lectorem iis defraudari; contenti suis quæque locis monuisse, nostrumque judicium, ex collatione authenticorum patriæ monumentorum, nec temerè, interposuisse. Quin etiam

PROLEGOMENA.

am credita rudi seculo miracula, sed succinctè, commemoravimus, maximè ubi id ad historiæ recensum fecit. Non quod talia ut credenda cuiquam obtrudamus; sed ut historicâ narratione, quid creditum sit, prosequamur. Atque hæc eadem causa est, cur diversas de unâ eademque re membranarum traditiones integras subinde exscripserimus; sed ubique ferè nostram censuram, non ex meris conjecturis, sed partim membranarum inter se æstimatione, partim circumstantiarum evolutione, petitam, subjungentes. Præsentio quidem, fore non paucos, qui me hoc modo Codicum membranaceorum fidem elevare autumabunt. Sed illos observare velim, qualia quàmque varia fuerint antiquitatum nostrarum fata, pro varia exscriptorum, quos nactæ sunt, diligentia. Potuit enim fieri (& ita factum esse oppidò videmus) ut una eademque historia, verissimè conscripta, ad plures delata homines, & ab iis variè vellecta vel excerpta, mutationem, præcipuè in numerorum notis & rerum nominibus (in his enim dissensus esse solet,) non levem subiret. Tantū ergò abest, ut hoc nomine monumtorum fidem & auctoritatem convellamus, ut potius benè habere existimemus, quòd licuerit, si quid mendarum in una aliqua membranâ fuerit, reticere, & ex diligentissimâ cum optimis collatione castigare. Quoties verò diversæ ætatis Scriptores de una eademque re inter se dissentientes deprehendimus, adèd ut conciliari nequiverint, nulla nobis fuit religio, junioris fidem vel in dubium vocare, vel planè eandem rejicere, ejusque sequi auctoritatem, qui rei gestæ temporibus propior vel aliis scribenda dictâisset, vel scripsisset ipse. Sed, nec hoc antiquitatum nostrarum Authoritati quicquam derogat, cum ipsi nos, *magna cautelâ in libris illis vetustis versandum esse*, & sæpius antehac, & nunc etiam apertè fateamur: neque enim aliud in tanta rerum partim copia, partim vetustate, expectandum erat.

(II.) Cur in hoc argumento historico fundamentum & veluti basin fecerimus Islandorum scripta, eaque maximè secuti simus, ex iis, quæ jam antea diximus, cuius perspicuum esse potest. Non enim cæco cuidam in patriam amori, sed gentis nostræ, quippe quæ (quòd præcipuum est) ab omni partium studio, cum non sua, sed aliena, scriberet, remotissima erat, indefessæ in consignandis veterum monumentis diligentia, damus id, ut tantisper illam sequamur, donec meliora & certiora aliundè fuerint deprompta. Neque hoc vitiis nobis

PROLEGOMENA.

nobis verti debet : ita enim Islandorum fidem commendamus, ut reliquarum gentium scriptores suo honore minimè defraudemus; parati quin etiam palmam his offerre in iis, de quibus melius ipsis quàm nostratibus constare potuit; præsertim ubi evidēs nulla subest denegandæ fidei causa. Atq; hinc est, quòd in progressu hujus Operis, Parte nimirum III. & IV. ubi de Regum Norvegorum in Anglia gestis sermo est, à nostris subinde recedamus, Anglorumque, qui temporibus istis vel æquales, vel saltem proximi vixerunt, traditionibus accedamus. quod ut nostrates in sui contumeliam minimè trahent; sicneque exteri jure nobis succensere possunt, si, verâ vice, plus nostris quàm ipsorum scriptoribus, ubi evidens est ab his dissentienti ratio, tribuamus. Ad Saxonem Grammaticum, ejusque sectatores, quod attinet, novam pro me apologiam nunc non scribam; testatus antea non uno in loco, tantum abesse, ut illius honori quicquam detraham, ut potius ipsius Historia nostris lucubrationibus maximopere confirmetur. Id quod etiam in *Serie Regum Danie* abundè comprobâsse videor. Utinam verò usque adeò firma & certa essent omnia ejus fundamenta, tamque ordinata historiæ series, ut nihil relictum esset posteritati vel firmitus stabiliendum, vel accuratius digerendum. Id quod si ita esset, nullus nobis ab ipso foret dissensus. Sed nec video, quare quis indignetur, Saxonem ad Islandorum scripta examinari: quos utique ipse, partim ut rerum gestarum testes, partim ut memoriarum custodes, ad conciliandam narrationibus suis fidem alligare non est dignatus.

(III.) In ipso Operis contextu princeps hæc nobis cura fuit, difficultates historiam obscurantes, quantum fieri potuit, tollere; quæ pugnare videbantur, conciliare; vera a falsis discernere; transposita ac malè ordinata suo quæque loco restituere; denique, quia passim observavimus, res gestas aliis authoribus, quàm quibus debebantur, adscriptas esse, illas in justum ordinem redigere. Duces hic nobis, antiqua ista monumenta invicem comparantibus, Chronologia & Genealogia fuerunt. Inveneramus etenim in scriptis patriis ingentes, qui & aliquot interdum seculorum essent, parachronismos; inde præcipuè natos, quod diversorum hominum, sed ejusdem nominis, gesta inter se mixta & transposita, imò & multoties uni, quæ egissent plures, attributa essent: ut id in præfatione vite *Aurvar-Oddi*, itemque in *Dissertatione de Starkadis*, Parte hujus Operis I. abundè demon-

PROLEGOMENA.

monstravimus. Huic autem malo, quò passim laborarunt historiæ, ut mederemur, attendendum fuit rerum circumstantiis, investigandum, cui seculo quæque res competeret, & ante omnia varii synchronismi indagandi, perpendendi, & inter se conferendi. Tum etiam diversorum cum diversis, imò & exteris, connubia atque affinitates, quarum usquam Historiæ faciunt mentionem, in auxilium erant vocandæ, distantia posterorùm à communibus stipitibus inquirendæ, & singulis generationibus certum, aut certo proximum, tempus statuendum. Atque hæc viâ plurima in Historia Arctoa difficilia, plurima dubia, vel prorsus diluissent nos, vel talem eluciliâsse, confidimus. Ne ergò miretur Lector, multa tam ex chronologicis, quam genealogicis, contextui Operis passim inserta; quibus nisi præcognitis, ea, quæ narrantur, intelligi satis non possunt. Dedimus tamen simul operam, ne nimis digressionibus historiæ series interrumpereetur: quæ propter etiam genealogias prolixiores, quàm ut aptè inseri historiæ possent, seorsim per tabellas conspectui subjecimus. Id quod etiam, sed rarius, in chronographicis fecimus. Et hoc, quem diximus, modò in primis Norvegiæ habitatæ seculis erat verlandum, temporaque, quibus singulæ res gestæ erant, ex aliis colligenda, & propè divinanda. Nec nos puduit à computatione temporum, quam in *Serie Regum Daniæ* ipsi probavimus, veritatis indagandæ causâ semel atque iterum discedere, ubi nempe id prægnantes causæ, melius nunc quàm antea animadvertæ, efflagitarunt. Desperatus ferme, utique cum de remotissimis seculis scriberemus, is erat labor, multasque tenebras habet Historia, non modò usque ad tempus fundatæ in Norvegia Monarchiæ, sed & ferè usque ad receptam in his regnis Christianam religionem: quâ quidem investâ, simul etiam, licet paulatim, politioribus literis locus datus est. Clariora inde omnia, partim in ipsis Historiis factâ exterorum Principum, quorum tempora ex gentis suæ Historicis innotescunt, mentione; partim adpositis variis annorum Characterismis, festorum nempe anniversariorum & dierum hebdomadalium nominibus; ex quibus, secundum computum ecclesiasticum retrò progrediendo, controversum annum indagare licuit; quod quoties à nobis factum sit, iis, qui hæc nostra perlegere dignabuntur, patebit; qui & inde, quanti fuerit laboris, obscurissimis seculis certas periodos, certa tempora, ita assignare, ut tandem omnia satis sibi constarent, rectius cognoscent, quàm nos proprii laboris præconiò disseruerimus.

(IV.) Qvan-

PROLEGOMENA.

(IV.) Quantum ad Operis hujus partitionem attinet, pro quatuor maximè insignium ætatum, sive, ut ità dicam, periodorum regni ratione, omninò id fuit distingvendum. Et prima quidem ætas inde ab antiquissimis illis, quibus Septentrio, adeoque nostra Norvegia, habitari cœpta est, temporibus, ad institutam usque sub Haralldo Pulchricomo Monarchiam extenditur; rudis illa barbaraque, & vix ullis bonis legibus, si pauculas, quas hi vel illi, societatem aliquam invicem coeuntes, sibi imposuissent piratæ, excipias, culta: quare & Partem Operis nostri Primam jure quis Ante-Monarchicam salutare possit. Excipit hanc ætatem altera, melior quidem, nec beata tamen; certis scilicet, cum jam sub unius potestate totum esset regnum, utcunque adstricta legibus; sed pristinam adhuc retinens feritatem, nec saluberrimis Christianæ religionis dogmatibus imbuta: quam ergò Semibarbaram quis rectè dixerit. Et de hac agit Historiæ nostræ Pars Secunda; ea nimirum complexa, quæ ab instituta per Pulchricomum Monarchiâ usque ad invecctam per inclytum Regem Olafum Tryggvinum Christianam professionem in Norvegiâ ibidem contigerunt. Felicior inde Tertia, ut quæ excisam prorsus & eliminatam ab Olafò Sancto, quam abolere cæperat Tryggvinus, vidit idololatriam, ad Regem usque Sverrerem sese extendit: hòc tamen & ipsa infelix, quòd circa ejus exitum scelerata Haralldi Gillii soboles, per cædes, parricidia, infandumque perjurium extortò veris hæredibus regnò, furialia tandem in semet ipsam cum regni penè exitiò verterit arma. Atque hæc ætas, ex auro ità in icorias desinens, Tertiam laboris nostri Partem constituit. Quarta demum ætas incipit à clarissimo per id tempus Rege Sverrere, qui quidem, multo sanguine multisque laboribus pacato Regnò, sibi suisque, qui et veri hæredes, restituit id asseruitque posteris, mansurum apud hos per longam successionem, donec sub Margareta Regina, extinctò hujus filiò Olafò Rege, Daniæ æterno fædere jungeretur. Hæc ergò periodus Quartam, eandemque ultimam, Historiæ nostræ Norvegicæ Partem absolvit: nec sanè felicius finiri ista potuisset, cum jam Divinâ Providentiâ admovebatur imperium DOMUS OLDENBURGICÆ. Et hæc illæ quatuor sunt ætates, per quas decurrit nostra Historia, totidem in Decades, cum ipsa se ad id accommodaverit materia, distincta. Singulis imò libris singulorum, de quibus utique ex instituto scripsimus, Heroum, ac deinde Regum, vitas regnaque absolvimus: ut adeò, quicquid memoratu dignum sub unoquo-

H quæ

PROLEGOMENA.

que Rege accidit, uniuscujusque etiam vitæ sit insertum; modò tamen excipias! paucula quædam, diffusa adco, ut ipsi Historiæ absque ejusdem perturbatione vix intexti potuerint: qualia (ut minutiores aliquos præteream appendices) sunt, Parte nimirum hujus Operis Secundâ, Islandia sub Haralldo Pulchricomo à Norvegis habitari cœpta; item Parte Tertiâ Gesta Aulicorum Olafi Tryggvini; item Parte Quartâ Islandia tempore Haconis Grandævi facta ditionis Norvegiæ; quibus suos singulis Libros constituimus. Quid? quod cum ad legendam Historiam opus quàm maximè erat, nomina situsque locorum nôsse, præstitum id etiam à nobis est: sed ita, ut simul fateamur, laborem civis & indigenæ Norvegici, *Petri Claudii Undalini*, nobis hic plurimum profuisse; cujus utique, si modò versionem Latinam, & nonnulla nostro aliter quàm ipsius tempore constituta, per notas parentheseos ab illius faciliè verbis dignoscenda, excipias, in solidum est Partis Operis nostri Primæ Liber Secundus. Reliqua enim quæ in amantissimo cœteroquin Patriæ viro, tanquam minùs in honorem Gentis scripta, nonnulli sugillârunt, immutanda haudquaquam duximus; certi, veritatis unicè studiò illum talia scripsisse. Nec sanè in ignominiam Nationis vergere crediderim, si dicatur, in illa olim fuisse homines præ aliis insigniter barbaros atque effrenes.

(V.) In vertendis antiquis patriæ monumentis, nihil nobis sumissimus libertatis, verbis adstrictissimi; inprimis ubi vel regnorum eo tempore status vel antiqui ritus accuratiùs erant notandi. Unde non est, quod miretur lector, occurrere passim in hoc Opere tam res quàm verba, foro latiali inusitata. Id enim res ipsa exegit; & satius duximus, quæ gentibus hisce Borealibus propria essent, suo, id est simplici, cultu induta publico sistere, quàm affectatâ Latini sermonis elegantia, a nativo suo genio abalienare. Et hinc quoque est, quod omnis Romani sermonis analogiæ securi, hominum pariter ac locorum nomina propria, prout in vernacula sonant lingua, additâ solummodò Latinâ terminatione, protulimus. Novimus enim, quantum in historia pepererit confusionis varietas ista nominum propriorum: id quod, ut alia præteream fermè innumera, ex *Olafi*, *Olonis*, *Olii*, & *Olaveri*; *Harfageri* item & *Harfæxi* (quæ posteriora duo binis Haralldis, Pulchricomo nempe & Strenuo, ad maximas Historiæ tenebras promiscuè fuerê data) nominibus satis superque patet. Et optarem sanè, ut, quotquot Historiæ Septentrionali conscribendæ manum

ad-

PROLEGOMENA.

admoverent, nomina propria in illa obvia, incommodi hujus vitandi causâ, quàm proximè ad vernaculorum formam exprimerent.

(VI.) Tandem Te, Benevole Lector, latere nolo, fuisse nobis quondam in animo, Historiam rerum Norvegicarum ad nostra usq; tempora pertexere: cujus etiam residuam partem Quintam usq; ad Christianum II. affectam habemus. Sed vasta moles Operis ac ætas jam fermè octogenaria progredi ulterius neutiquam siverunt. Imò nec has quatuor partes eò usq;, donec quinta perficeretur, premere consultum duximus. Et forte Pars ipsa Operis hujus quarta, ut cui prædictis ex causis ultimam imponere manum mihi non licuit, nunquam aspexisset lucem, nisi succurrisset ille meus Amicus, cujus equidem curæ impensisq; & in me non minùs quàm publicum amori magnà ex parte debetur, quòd Historia Norvegica, tanto studio à nobis conscripta, non, quod fatum multorum est librorum, cum tenebris & blattis luctetur. Hæc ergò in tui usum hactenus à nobis elaborata, & nunc demum post tantum temporis decursum in lucem emissa, quisquis es,

Lector, benevolus accipe, laboribus nostris
fave, & rem historicam, sicubi
iple potes, juva.



THOR.

THE
JOURNAL
OF
THE
PROCEEDINGS
OF THE
GENERAL ASSEMBLY
OF THE
STATE OF
NEW YORK
IN SENATE
AND ASSEMBLY
FOR THE
SESSION OF
1857
AND
1858
PUBLISHED BY
ORDER OF THE SENATE
AND ASSEMBLY
ALBANY:
J. B. LIPPINCOTT & CO.
PRINTERS
1858



THORMODI TORFÆI
**HISTORIÆ RERUM
NORVEGICARUM
PARS PRIMA,**

CONTINENS

**RES GENTIS
ANTE MONARCHIAM
INSTITUTAM GESTAS.**

HAFNIÆ, MDCCXI.
EX TYPOGRAPHEO JOACHIMI SCHMITGENII.

THE FIRST
MOUNTAIN
HISTORICAL
SOCIETY
PUBLISHED
BY THE
SOCIETY

THE
HISTORICAL
SOCIETY
OF THE
MOUNTAIN
STATE

THE
HISTORICAL
SOCIETY
OF THE
MOUNTAIN
STATE



HISTORIÆ RERUM NORVEGICARUM PARS PRIMA, CONTINENS EA, QUÆ ANTE IN- STITUTAM MONARCHIAM GESTA SUNT.

LIBER PRIMUS, DE NOMENCLATIONE REGIONIS.

CAP. I. DE SCANDINAVIÆ ETYMOLOGIA.



Errarum Septentrionalium vastissimū tractum *Plinius* olim *Historiæ Naturalis Lib. IV. Cap. XVI.* SCANDIÆ, Capite autem ejusdem libri XII, ubi & eum sequutus est *Solinus Polyhistoris Cap. XX.* SCANDINAVIÆ nomine insignivit: *Claudius Ptolemæus Geographic: Lib. II.* cum plures tradat fuisse Scandias, SCANDIAM eam propriè sic dictam, & *Jornandes* SCANZIAM, vel, uti legere placuit *Hugoni Grotio*, SCANDZAM appellat. At, qui hos interpretati sunt, authores, nec, quænam no-

minis fit ratio, nec quantum terrarum spatium appellatione tali fuerit comprehensum, eodem modo edisserunt.

Qui a *scandendis navibus* denominârunt, deridentur meritò a Celebratissimo Danicarum rerum Scriptore *Pontano* non minus, quàm a Clarissimo *Olao Verelio*; ultimusque hic *Notis in Historiam Hervoriam Cap. I. pag. 17.* Grotium, deducentem utique etymon vocis a *Scantzén*, id est, castellis, quorum nempe usum excisæ rupes primis incolis præstitissent, eò refellit nomine, quòd vocabulum hoc incognitum fuerit antiquis, proque eo *Birte* & *Griotevæg* usi sint.

A *Sithonibus* Ruthgerus Hermannides *Dan: Norv: descriptione*, pag. 52. parvâ literarum variatione, Sicones, contractè Scones, inde *Sconiam* & *Scaniam* haut incommode formari existimat; quam tamen literarum transmutationem lingvæ huic veteri minus familiarem existimamus.

Johannes Jani Alanus ab Herodoti *Scoletis*, qui postea *Scytha* dicti sunt, *Sconiam* dictam existimat, & *Scolingos* in *Sconingos* transiisse. *Gudmundus* autem *Andrea* in *Lexico Islandico à Stal* præstantia, derivat.

Ab *Ascharate* seu *Aschane* Gomeris filio, Japheti nepote, *Adrianus Junius* dici putat, cui Chaldaeus paraphrastes favet. Equidem dialecti Danicæ in litera D liquida N immediatè postposita vestigium hic agnoscit Cluverius, & ita ex *Scania* *Scandiam* formatam, haut refragante *Verelio*, qui notis ad cap. 1. *historiæ Hervoriana* pag. 17. Eadem, inquit, nominis est origo, sive *Scandinavia*, *Scandia*, *Scanzia* aut *Scanza* dicatur, nempe à *Scanis* populis, & an insula. Quid de quod ultima hac syllaba præcedente paginâ hæc habet: *Plinius*, *Scandiam* nostram *Scandinaviam* vocat, ut & *C. Jul. Solinus Polyhist.* nomine satis proprio; au enim, quod jam ut ð pronunciamus, insulam significat: Inde *Scandinava* insula *Scandia*, & ad junctâ terminatione Latina, provenit *Scandinavia*. Veteres enim omnes eam insulam esse existimârunt, cum revera sit peninsula. In *Lexico Græcc Hefychii* vox *Ἰσθμια ὁδὸς*, habetur; quam vocem origine non Græcam sed Danicam esse, observavit *Perillus*: hujus Operis Censor.

Idè hoc *Olaus Rudbeckius*, *Atlantica* cap. XV l. §. 1. pag. 490, suffragio suo probaturus: Ab ultima, inquit, *Sveoniæ* australioris parte *Scania* *Plinius* & *Mela* toti imposuissè videntur insulæ nomen *Scandinavia*, more eruditiss per familiarum. *Qvin* & consentit *Johannes Lyschander Antiquitatum Danicarum Serm. III* pag. 19 ubi etiam vocis vim & nativam significationem expresur⁹, formosum & amænum interpretatur: & rectè eum conjecissè lingvæ Septentrioni communis asseverat: Vox tamen *Staan* / quæ feminini est generis, non tam pulchritudinem, quàm diffusam liquidorum supernatantem concretamq; & solidatam pinguedinem denotat, qualis in recens cocto lacte, glaciei instar supernè concrecente, reliquasque partes homogeneas ambitu suo inclusas contegente apparet (florem lactis vel cremorem vocamus.) Hinc *Stiant* : membrana expansa, ad modum cremoris lactis supernatantis, appellatur: eademq; inde significatio vocis, cum terram vel solum denotat, adhæsisse videtur; neq; enim aliud genus vox *Staan* / cum provinciam denotat, veteri lingvæ recipit. Quod autem *Scania*, tanquam flos lactis, reliquæ Scandinaviæ fertilitate agri præcellere videtur, à pretio, non ambitu nomen sortitam autumo: Et quia flores pulcherrimi sunt, miraque voluptate intuentes afficiunt, ideo quicquid pulchrum est, *Stiant* vel *Stient* dici solet. Nec mihi hæc sententia, utpote quæ tantorum virorum autoritate nititur, unquam displicuit. Cum tamen in voce *Staan* litera D liquida N præponi nunquam reperiatur, nec hodiernus id usus admittat, ab alio fonte vocabulum Scandinaviæ poterit fortè derivari. Quod si, manentibus iisdem consonantibus, vocali A substituiamus U, vox *Stund* resultat, quæ festinationem denotat; hinc verbum *Stunda* festinare, & *Stinda* / quod idem est; nomen etiam *Stindi* / acceleratio, procul dubio a radice *Stid* / quæ primâ significatione lignum aridum notat, secundâ pandas trabes, seu instrumentum, quò Finni Norvegiq; rapidissimo cursu, per montium collumq; devexa nivium acervos tantâ pernicitate pervehi solent, ut cum

cum avibus certare videantur. Id cum his gentibus proprium exteri animadverterent, vocemque simul se mutuò ad properandum adhortantium, per *Stunda* vel *Stiuda* prolatam exciperent, terram tam ab incolis, qui se invicem appellarunt *Stundara* / & contraſte *Stunœa* / id est properantes, quam ab ipſo properandi exercitiò, quod patria voce *Stundtan* vocatum, juxta ſuæ lingvæ terminationem cum *Stundare* / vel *Stundas* / vel forte etiam *Stundans* dicere vellent, *Scandinaviam* nominarunt, primæ ſyllabæ vocalem U in A & ſecundæ A. in I. mutando, finalemque diphthongum AU, quæ inſulam denotat, in Vocales duas, juxta ſuæ lingvæ genium, reſolvendo: unde *Scandinavia* conficitur. Quod ſi huic noſtræ Scandiæ vel Scandinaviæ nomen a provincia aliqua Scythiæ nobis ignota, inditum exiſtitem, aliis forte non perſuaſero.

Quantum vero terrarum ſpatium hoc nomine veteribus intellectum fuerit, non magis inter interpretes convenit.

CAP. II.

DE SITU ET MAGNITUDINE SCANDINAVIÆ.



Ofmannus in *Lexico*, voce *Scandia*, authorem anonymum allegat, qui *Hiſt. orbis terrarum geogr. & civil. ſeptentrionales regiones* nomine communi *Scandia* & *Scandinavia* antiquitus appellatas fuiſſe notat, limitibus tamen pro diverſitate authorum aliter atque aliter poſitis.

Complectitur illis *Jacobus Zieglerus* in ſua *Scandia* Gronlandiam, Islandiam, Orcades, Lapponiam, Norvegiam, Sveciam, Bothniam, Gothiam, & Finnländiam; *Cluverius Germ. antiq. Lib. III. Cap. XXXVIII.* *Biarmiam*, Lappiam, Finnmarkiam, Bothniam, Sveciam & Norvegiam; *Pentanus in deſcriptione Daniæ* Scaniam, Sveciam & Norvegiam; *Stiernhielmus in Diſſertatione de Gothis* Sveciam, Gothiam & Norvegiam; quæ omnia tamen iſtuc tendunt, ut probetur, complures arctoas regiones Scandia olim fuiſſe comprehenſas. Quare & ob frequentes illas excuſiones, numeroſasque, quas emiſit, colonias *Officina* & *Vagina gentium* priſcis fuit diſta: & ſicuti *Plinius* eam *Orbem alterum* nuncupavit, ſic & de eâ cecinit *Valerius Flaccus*: *Neque enim plaga gentibus ulla ditior.*

Quando ergò *Ptolomæus*, à reliquorum veterum ſententia diverſus, arctis adeò terminis, duobus nimirum Gradibus in longitudinem, circumſcribit Scandinaviam, ſtatuendum erit, eum non niſi illam magnæ hujus peninſulæ partem, quæ maximè ad auſtrum vergit, cujuſque præcipua portio hodie eſt Scania, deſcripiſſe. Comprehendit enim Scandinavia totum illum terrarum tractum, qui à Scaniæ promontorio *Kimmernes* uſque ad *Nordkinn*, quod ultimum eſt *Finnmarkiæ*, excurrit, ducentaque & quadraginta circiter *Milliaria Germanica* magna ab auſtro in *Septentrionem* extenditur.

Rationem autem, quare veteres Scandinaviam cognito id temporis terrarum orbis magnitudine parem crediderint, *Verelius* in *notis ad Herodoti* *historiam* hanc aſſert, cap. I. pag. 16. Nimirum quòd exteri, Germani ſc. & per eos *Plinius*, ambiguitate vocis Gothicæ decepti fuerint,, vocare

„vocare enim Gothos plagam vel regionem orbis *Halfo Heimsins* & septentrionalem plagam *Nordr Halfo Heimsins*; Notare item *Halfo* dimidiam partem; quæ significatio quia exteris notior, alterum orbem terrarum per *Nordr Halfo Heimsins* intellexerunt, cum tantum septentrionalis plaga intelligenda esset. *Rudbeckius* Sveciam tantum Norvegiamque, & quicquid hæc peninsula comprehenditur, Gothiam puta, Finnmarkiam & Bothniam vetustissimorum scriptorum monumentis, qui hæc loca lustrarunt, intelletam docet: habitam tamen ab aliis pro altero orbe fatetur. Id vero licet iis, qui in his oris peregrinati erant, aliter constaret, aliis tamen, quos septentrionalium hominum infinitus prope numerus in suis regionibus jugi confluxu crescens in admirationem rapuit, facile persuasum est, tantam multitudinem nisi vastissimas terras non alere, nedum, retentâ domi majore incollarum parte, emittere potuisse. Tum autem Scandiæ nomen celeberrimum esset, ea sola advenarum istorum patria, ejusque nomine maxima pars terrarum, quas Septentrio habet, quibusdam, nec tamen omnibus eadem latitudine, descripta videtur: ad quarum opinionum diversitatem cetera quovque nomina terris per Scandinaviam intellectis imposita extendenda sunt, aut saltim ad eam restringenda.

CAP. III.

DE SYNONYMIS SCANDINAVIÆ.



Balciam eam apud *Solinum Xenophon Lampfacenus*; Abalum *Plinius* & *Pytheas*; Basiliam idem *Pytheas*, *Timeus* & *Diodorus Siculus*; Baltiam *Timeus* iterum & *Xenophon Lampfacenus*; Bannomannam idem ille *Timeus*; Hyperboreorum denique Insulam *Herodotus*, *Plinius*, *Diodorus Siculus*, *Solinus*, *Mela*, & *Mart. Capella* nominarunt. Quid quod *Procopio* dicta etiam fuit Thule. Et ne desint ei appellationes, vocavit eam *Rudbeckius* Atlanticam, Ogygiam, Scythiam, Oseristam, Elixoiam, Beatorum insulam, Gothiam, Codanoniam, Galliam, Galgaviam, Vergion, Cimbricam Cherfonefum, Acheronta sive Inferum, Hortos Hesperidum, Campos Elysios, Sveviam.

Abali nomen, quod habet *Plinius* Lib. XXXVII. Cap. II., *Verelio* corruptum, *Cluverio* in *Basiliam* Lib. III. Cap. XXXVIII. mutandum, *Rudbeckio* autem retinendum videtur, utpote origine Gothicum, a *Baldo* Scantzianorum numine in hymnis celebrato, alioquin etiam *Habaldo* dicto, derivatum, interque Sveciæ honoratissimos titulos agnoscendum.

Nec magis *Basilia* vocabulum *Cluverio* aut *Grotio* probatur, quod librariorum incuria sædaturum in *Baltiam* transferendum censent, ille *Capite* citato, hic *prolegomenis in Procopium*; *Rudbeckio* reclamante, Regiumque hic epithetum patriæ suæ, totique adeo insulæ asserente, quam à *Basa*, quod imperare denotat, dictam contendit; unde & illi *Basse* Deus est aut Rex, magnatesque in Legibus Longobardorum *Bassos* dictos notat.

Baltia nomen omnes, nec tamen ab eodem fonte derivatum, agnoscunt. Et *Cluverius* quidem a freto inter *Fyne* & *Sieland* (de Belth) effluxisse, inde

indeque Sielandiam, quam priscorum Codanoniæ autumat, Baltiam dictam, quod nomen, ut ei proprium, male *Scandinavia* deinceps attributum existimat. Grotius *Scandinaviam* prius Græcis *Baltiam* dictam tradit a mari interiori, quod *Balticum* Adamus Bremenensis & Helmoldus postea dixerunt; nomen tamen istud alicui mari haut proprium, sed commune docet, marisque irruptionem eò Frisiis significari; cui *Verelius* subscribit, *notis ad Cap. I. historia Hervoriana pag. 18.*, ubi postquam synonyma vocis *Belte* seu baltei, eruta è carmine *Einaris Skulu* seu *Skulaforni*, recensuit: Fallitur proinde, inquit, quisquis existimat *belt* proprium esse nomen freti illius, inter Sellandiam & Fioniam, uti & alterius illius, inter Fioniam & Jutiam, cum sit commune nomen, vel potius metaphorica maris appellatio. Et quod, aliter intellexerit *Ortelius in Thesaurio Geographico*, decepit eum tabula, Daniæ Cornelli Antoniadae. Qvin & in sententiæ suæ patrocinium, producit *Helmoldum in Chronico Slavorum* Lib. I. his verbis: Sinus hujus maris ab occidentali oceano orientem versus porrigitur, appellatus ideo *Balticus*, quod in modum *baltei* longo tractu per Scythicas regiones tenditur usque in Græciam; idemque *mare barbarum* seu *pelagus S. yebu* nunc vocatur à gentibus, quas alluit, barbaris. *Johannes Gothus Lib. XIX. cap. I.*, Baltum seu Galtum Amalo Gothorum Regi successisse tradit; unde Baltica, stemmata prodierint. Meminit horum etiam *Claudius Christophorus Lyschander Lib. geneal. Serenisfimorum Dania Regum fol. 58.* Et Jornandi *Baltia* audax est, vocis sono & significatione parum ab Islandorum hodierna deflecente, quibus *baldinn* pervicax est. Sed nemo horum à Balto vel Baltico stemmate maris Baltici nomen petivit. *Rudbeckius* autem perihde ut *Abali*, *Baltia* quoque nomen a communi DEO Baldo deduxit. Mihi verisimile videtur, à *baltei* similitudine primò freta, quæ Sellandiam, Fioniam & Jutiam interfecant, denominata; mox autem terris eadem adjacentibus, & inde etiam remotiori peninsulæ proprium hoc iis nomen a scriptoribus, sitis locorum haut satis gnaris, communicatum. Nec obstat, quod hac voce plures maris partes communi notione intelligantur, cum iis tantum, competere videantur, quæ terras, Zonæ modò, ambiunt, quemadmodum illud *Balticum*, quod mediam Daniam penetrat, & tanquam hominem medium circumdat, partes superiores ab inferioribus cinctu tantum discernens.

Bannomannam Cluverius Antiquitatum Germanicarum Lib. III. Cap. XXXVIII, in *Baltiam* mutandam docet; *Johannes Lyschander Antiqq. Danicarum* Serm. VII. pag. 61. in *Danomarchiam*. Id quod non solum Normannorum Islandorumque monumentis omnibus repugnat, sed etiam scriptorum externorum traditionibus; cum *Danorum* nomen non ante Justiniani Imperatoris tempora (quinto scilicet seculo à nato Christo) innouerit, Procopio primum & Jornandi usurpatum, ut notat Grotius, licet Gregorium Turonensem, his quidem tempore posteriorem, in historia temporum Justiniani seu Procopii ætatem nonnihil antecedentium, illius mentionem fecisse haut dissimulet; id quod etiam *Cluverius Germ. Antiq. Lib. III. cap. XX.* testatur. Firmat hoc exterorum altum de Danico nomine silentium, Islandorum illa Norvegorumque scripta, quæ Danum Dampi filium, Rigi illius, qui primus Skio lungorum titulum in Regium convertit, nepotem & in ordine succe: sionis ab illo Frodio, qui Christo in terris manifestato æqualis vixit, sextum *Danmarcham* de suo nomine primum dixisse constanti

stanti relatione tradunt; Quî enim nomen tam celebris populi latere potuisset, aut gesta tam insignia sub alio nomine prodi, si veri nominis compotes fuissent homines? An vero genti prius, quam regno Danorum vocabulum impositum fuisse fluvijs *Boristenes*, *Jornandi cap. v. Danastrum* dictus evincat, aut etiam *Tanaïs* accolæ gentis nomē à prima boream versus migratione retulerit, ut *Pontanus in Chorographica Dania descriptione* argutè conjicit, affirmare nescio; cum accusativus *Danastrum* à nominativo *Danafter* oblique, ideoq; haut satis commode vox *Danastrum* (*Danorum fluentum*, inde eliciatur. Facilius forte *Tanaïs* in priscam linguam *Dana-aa* (*Danorum amnē*) resolvetur; sed, deficiente autoritate, conjectura tantum superest. Quod si a *Timæi* seculo *Bannomannæ* vox in *Danmarcham* transierit, secundum placita ejusdem *Lyschbandri Serm. III pag. 15.*, id scriptorum neminem notasse monstro simile videtur. Clarissimus Mag: *Arnoldus de Fine*, diœceſeos *Thrandensis* nuper Episcopus, qui Historiam Norvegicam conscripturus in ipso operis cursu fato præreptus, quæ scripserat, indigesta reliquit, neq; *Daniam*, neq; universam *Scandinaviam* peninsulam *Bannomannæ* nomine intellectam, sed solam *Norvegiam*, existimavit, quippe à voce Germanica, *van & Normannia*, compositam; *Normanniæ*que nomen tam veteribus Græcis, quam Romanis inde innotuisse, quod forte *Norvegus* quærenti Romano vel Græco, cujas esset? respondisset, *van Normannien*.

Rudbeckius Cap: XIII. *Mannheimum* titulum *Sveciæ*, *Værelus* etiam totius *Scandinaviam*, verisimè quidem, præviis antiquitatibus, agnoscunt. Verù facilius ad voces Gothicas *Bannamannö*, vel *Fannamannö*, quam *Mannheimum* ad *Bannamannam* respicisset. Bann enim execrationem, proſcriptionem seu prohibitionem significat: primoq; sensu sacris; secundo aqua & igni interdicitur; tertio, ne quid fiat, vetatur. Quibus hoc ex officio incumbit, dici possunt in Genitivo plurali *Bannamanna*. Hinc *Bannamannö* imperantium insula, leviq; mutatione *Bannamanna*. Quod si *Fannamannö* intellectam suspicari liceat, vocem Gothicæ linguæ genuinam agnoscimus, proprietatem insuper gentis exprimentem. Fann enim seu fann/qvod in genitivo plurali habet fanna/profundam nivem denotat, quam asseribus prætermittentes *Bannamanni* dici possunt, nomine Norvegis, Finnis & Svecis conveniente. Hinc *Fannamannö* insula hominum, liquidum per congeſtarum nivium cumulos iter radentium. Usitata autem est litera *v*. & *f*. in *b*. & viceversa. mutatio; quare non absurdum, si incolæ harum terrarum *Fannoni* & *Fannatli* dicti sunt, a voce fann & ana/ ena & aulā/ quod progredi, item serpere, significat. Hinc iumenta alimmarſa vocant, quod progrediantur per inarſ regionem, ut rectè interpretatur *Pontanus in Descriptione Dania*, voce *Danmarch*. Aulſar habetur in codice *LL. Island*, titulo *Aulſatotr* (*de hereditate* Cap: XXVIII ubi libera suarum rerum dispensatio permittitur homini rationis compoti, dummodo domum regere, eqvo insidere, pedes incedere (id enim magis, quam ut ad mensuram potet, cum utramq; significationem vox aulſar admittat, requiri credo) possit; penultima conditio per vocem *hesſar*/ultima per *aulſar* exprimitur, à verbo *aulsa*; sic in epicedio *Ragnaris Lodbrochis* ad calcem *Runicæ Celeberr: Vormi stropha* 1 serpens *lingaulſi* appellatur, quod lentè per ericeta repat, uti id ibidem rectè expositum est. Atq; hæc interpretatio cum *Scandinaviam* notatione à *Stunda* apprimè convenit.

CAP. IV.
DE HYPERBOREIS.

Edem Hyperboreorum *Ortelius* ab omnibus Boream versus collocari, licet situ admodum diverſo, testatur in *Theſauro geographico*. Quæ autem ab *Hofmanno* in *Lexico* circa vocis iſtius etymon recensentur variæ opinioniones, in eo tamen conveniunt, quòd ſitus maximè fuerit ſeptentrionalis. Ipſe etiam *Vercelius* notus ad *Cap. I. hiſtoria Heruvoriana* credere ſe proſitetur, vete-

rum illos Hyperboreos aut nuſquam gentium, aut in Scandinavia, vel ad minimũ in ejus extremitate ſedes habuiſſe. Cum enim, inquit, ipſi Scandiani veteres ſeptentrionalem hanc plagã ſemper appellaverint *Nordurhalſo beimsins* & *Norðurland* & ſe ipſos *Norðmenn* iſtius nominis ſignificationem fama ad ſe delatã vocabulo *Hyperboreorum* expreſſere Græci. Verum autem Scandiæ ſitum, locorumq; adjacentium exploratum non habuerunt; unde tam diverſæ ſententiæ de Hyperboreorum ſedibus; licet enim non raro ad eos commearint, Scandiani, ut alibi oſtendi, ex illis tamen, ut Geographiæ incurioſis, gentis mores & inſtituta potius, quam locorum ſitus, Græcis innotuerunt.

Noviſimè Cl: *Rudbeckius* aliam vocis originem, inſtituto ſuo ap- prime utilem, eruit, quã inſulæ Hyperboreorum populos, non, ut reli- qui, a ſitu, ſed à Principibus gentis denominatos conjectat, Atlant: Cap: 12. §. 2. pag. 365, vocemq; Gothicam *Yſerborne* Græcos ſua lingua per *hyperborcos* reddidiſſe, perſvadere conatur; argumento à *Diodori Siculi* Lib: II. petito, ubi Hyperboreorum urbis imperium, & ſumma templi cura penes *Boreades*, progeniem *Borea*, qui gentili ſucceſſione principatum inibant, fuiſſe legitur, ipſumq; ideo *Boream* eundem eſſe, quem *Arngrimus* in *Republ. Islandorum* inter majores *Niordi*, à quo Norvegia nomen acceperit, ſummæ auctoritatis & potentia Regem ex nonnullis fragmentis Hiſtoriæ Norvegiæ eruerat, nomine *Porcum*, cui *Gothi*, *Finni* & *Amazoniæ* incolæ olim paruerint. Et hanc ſuam ſententiam pluribus adhuc rationibus firmat *Rudbeckius*; compoſitione nimirum vocum merè Gothicarum, *Yſer* (Uſ) & *borin* (genitus), quam illuſtrare conatur uſitatis apud pœtas & veteres Hiſtoricos titulis: *borne* / *atteborne* / *berdſar* / *burdſar*; unde *Yſerborin* & *Yſerbyrdſar* / eorumque ſynonyma. Deinde locis regionis, quibus nomina ex hoc fonte in- dita, ut *Borea* / *Borellubben* & ſimilia. Poſtea totius regionis univerſali nomine *Borſelands* / ut & maris *Borſelfjord* / quæ *borealia* interpretatur. Acce- dit, quòd ventus, qui ex illa regione ſpirat, ſolius loci intuitu *boreas* Græcis dicatur, ſicut ex adverſo *Africus*, quem ex *Africa* ad ſe accedere deprehen- dunt. Primas autem tenere putat, quòd *Scriptor* nemo regionem hoc titulo in- ſigniverit. ſed tantum homines eam incolentes, idq; quia vera & genuina ejus notio in lingua Gothica nihil, quod terræ, ſed quod hominibus competere poſſit, in ſe continet, generis videlicet claritatem. Verum cum ab illo *Porco*, quem *Arngrimus* citat, *Boreadum* ſtirpem derivet, notationis ratio corrui- neque enim *Arngrimus* antiquiſſimum illum Regem *Porcum*, ſed *porre* vel *Thorrium* appellat, quem ipſe *Rudbeckius* in ſuo *Brevi Chronico* ad calcem hiſtoriæ *Loccenii* agnoſcit, & *Thorre* appellat, refertque ad annum Mundi MMMDCXXX. & in tabulis Chronologicis, Atlanticam illuſtrantibus, ad An- num MMMDCXXX, & quidem poſt *Hecatei* tempora, à quo tamen *Dio-*
dorus

dorus hæc defumit, qvem anno mundi MMMCD floruisse ipfemet confite-
tur, qvatuor circiter feculis ante *Thorrii* seu *Boreæ* tempora, cum tamen
de illo ejusque progenie nondum in rerum naturâ existente Hecateus scri-
bere nequiverit. Sed nec *Thorrium* inter Sveciæ Reges fragmenta illa an-
tiqviffima (fi tamen tractatus integer quidem, fed brevis, id nomen mere-
tur,) referunt, nec genus Sveonum ab eo derivant, licet Drifam Snæris
Antiqvi filiam nomenent, quam qvia *Chronica Norvegica* Vanlandi Sveo-
num Monarchæ uxorem dicunt, ego quoque ab ea genus Sveciæ Regum
texendum arbitror. Norvegorum autem Regum continuam fucceffionem
ab eo longa ferie textunt; Hujusque filius fuit Nor (non Niordus) Norve-
giæ Rex, regniqve conditor potentiffimus. Qvod fi ex *Verelii* mente Græ-
ci, fuæ lingvæ vocabulo, noftrum *nordr* eadem fignificatione, qva nos per
boream, *nordr* *hælsø* per Hyperboreos expreflerunt, ego etiam Norem per Bo-
ream intellectum, perq; Boreades ejus progeniem, concederem, modo Noris
ætas Hecateum anteverterit; qvo fenfu Strabonis expositio, Hyperboreos
per maximè omnium feptentrionales interpretantis, culpâ & errore vacaret.
Nec ad rem id facit, qvod Scriptorum nemo regionem ipfam Hyperboream,
fed tantum homines eam incolentes Hyperboreos appellavit; cum mentione
gentis, nomen agri iis culti, licet ob limitum ignorantiam non exprefsi, aut
pro infinito prope habiti, intellectum videatur. Qvin nec templi mentio, fa-
crorumq; cura, regnatrici in Svecia familiæ comiffa, protinus arguit, Bore-
am ejusque progeniem in Svecia imperaffe: Nam & plures Septentrionales
terræ antiqviffimis templis gloriantur, ut Baldrshagenfi Sognia, & Gaula-
thingenfi Fialæ, longe ante Haraldi Pulchricomi tempora. Loptus enim,
Arngrimo in Specimine meridionalis Islandiæ Sect: 70. Lopterus Gaulenfi di-
ctus, Islandiæ meridionalis incola factus, ubi prædium Gaulveriabæ, hodie
pastorale, primus occupaverat, tertio qvovis anno in Norvegiam navigabat
ad Numina propitianda in basilica Gaulenfi, cui avusejus maternus Thorbi-
ornus quidam Antiftes præfuit; Sic Moſtr, inſula Hördalandiæ, fupèrbit tem-
plo Moſtrenſi, cui Thorolfus Moſtrobarbus præerat; & Mærenſi Thrandia,
cum ejus Antiftes Pulchricomi tempore effet Thorhaddus Annofus, qvem in-
ter eos, qvi è Thrandia coloniam in Islandiam tranſtulerunt, ſub nomine Tho-
raldi Grandævi *Arngrimus in Spec: Orient: Isl: Sect: 33* memorat. Plura repe-
re non attinet, cum conſtet, hæc delubra non illo primum tempore funda-
ta, ultimam ſibi antiquitatem vindicare. Mirari itaqve licet *Rudbeckium*
ſcribentem: *haut licuiſſe ſibi ullum in Septentrionalibus regnis templum repe-
rire, quantumcunque Saxonem & hiſtorias Danorum Norvegorumque con-
ſuluerit, præter Upſalenſe.* Nam horum ſingula, licet Upſalenſi magnificen-
tiâ haut comparanda videantur (quam tamen primis illis temporibus lon-
gè minorem ſuſpicari licet, qvàm poſterioribus, tot ſubſequentium Dyna-
ſtarum induſtriâ, civium munificentiâ, advenarum peregrinorumq; magni-
ficis donariis facta eſt,) tamen ſi unum aliquod pari ſplendore in Norvegia id
temporis exiſtiſſe ſtatuero, rem omnino incredibilem haut profitebor; cum illud
Thrandenſe, poſterioribus Chriſtianisq; ſeculis, omnibus Europeis palmam
præripuiſſe, non ſcriptores ſolum fide digni, ſed & qvæ adhuc ſuperſunt, rude-
ra abunde teſtentur. Qvin & ſi Septentrionales Ruſiæ partes a ſinu Gandvika
ad novâam Zemblam, & ſi quid ultra in boream protenditur, Hyperboreorū
nomine intellectū ſtatuero. (cui quidē meæ ſententiæ nec ſitus, nec notæ, qvas
e *Plinio, Diodoro, Solino, Mart: Capella*, aliſq; *Rudbeckius* ſtudioſe conqviſivit,
omnino repugnabunt,) ſanè neq; templum Biarmenſe magnitudine, opulen-
tiâ, antiquitate, aut magnificentiâ Upſalenſi concedet; id qvod imenſa illa ſpo-
lia

presso, ibique probato, fides) inde in Ostrogothiam avecta, luculenter probant, quorum minima pars, (aulæa nimirum, quæ parietes aulæ Deastris Jomalæ vestiebant) pluris æstimata, quam pretiosissima onera trium gentium navium, quas posterioris ævi scriptores, atque inter hos Comitum Orcadensium Historiæ author, Dromundos appellant, mediterraneum mare persultare sveras. Descriptio insuper, quam Sturlaugi Laboriosi vita exhibet, delubrum aurò geminisque intercurrentibus splendidum, solis radiorum percussu circumsitam planitiem latè illustrasse memorat: utut falsò ante Odini Upsalensis adventum, Christi quæ hominis tempora, ædificatum frequentatumque tradatur. Jam verò situs Biarmiæ, Jötunheimis vicinus, Boreadam familiæ favet; nam, ut legit *Verelius*, *Not. ad Cap. 1. hist. Herv. pag. 4.* Nori (Noreas) gigas primus Jötunheimos incoluisse traditur, teste *Edda*, *Mythol. VII.* per quem si Boreas intelligendus esset, nomen quoque hyperboreorum ab illò ejusque progenie meritò deduceretur, ibique Hyperboreorum terras haberemus. Et hanc etiam Hyperboreis sedem Orphæi versus, a Rudbeckio citati, assignant, quos *Cap. XXI. de Cimbricâ Chersoneso, pag. 522.* producit: Viciniam, inquam, Maris Mortui notavit vers: 1074.

*Atque ubi diva diem jam clarum aurora reliquit,
Riphaas valles attingimus. Inde repente
Profuit angusti puppis per litora ponti,
Oceanumque intrat. Saturnius ipse vocatur
Pontus Hyperboreis a gentibus, Et mare Mortuum.*

Nec ipse *Rudbeckius pag. 476.* aliter eos interpretatur. Sic enim scribit: Nullum verò signum pro Sveonia fortius certiusque militat, quam Mare pigrum, quod omnium consensu Oceanus est glacialis, de quo ante in *Cap. 13. §. 1. n. 5. pag. 460.* ex Plinio quædam attulimus; hic autem audire lubet C. Tacitum de M. Germ. *Cap. 45. §. 1.* eadem cum Festo verba, proferentem: Trans Svionas aliud mare, PIGRUM ac propè immotum, quò cingi cludique terrarum orbem fides est. *Pag. autem 460. Cap. 13.* hoc mare Morimarufam Plinio vocatum tradit, interpretaturque *Mordetiere*; mare mortem inferens; qui titulus cum Pliniano illo Mari mortuo fermè convenit: ut proinde dictum ita videatur, sive quòd frigore suo longè intensissimò omnia quasi enecet, sive quòd semper congelatum mortuoque simillimum jaceat. Verùm *Cap. de Thule 19. §. 1. p. 513.* a se ipso diversus, istud mare Pigrum a glacie, quam continuò vehit, ita dictum, Sveciæ finibus continuari negat, sed tribus gradibus ab iis distare, itinere sesquidiei; adventitiam enim glaciem diversis, nec certis, temporibus ad extremas promontorii Nordfinn vicinasque oras allabi, iterumque relabi solere. Cum autem de Nore, vel Norio gigante nihil nobis constet, nisi ex citata Eddæ fabulâ, quæ eum omnium antiquissimum Jötunheimorum cultorem exhibet, rerum autem antiquarum notitia supra Odinum, Upsalensem vulgò dictum, non ascendat, nec ad Hecatei tempora pertingat, planum est, Hyperboreorum Vocabulum nec à Thorrio, nec à Borea deduci, sed ex plaga septentrionali, quam nos Nordur/Graci boream appellarunt.

CAP. V.

DE THULE.



DE THULES nomine post tot doctissimorum Virorum, *Pontani, Arngrimi, Cluverii, Grotii, Ortelii, Cambdeni*, nuperrimèq; *Cl. Mag. Theodori Thorlacii*, Episcopi diæcesis Skalholtinæ Islandiæ australis dignissimi, amici mei, dum vixit, conjunctissimi, aliorumq; accuratissimas disputationes, superq; his omnibus limatum *Cl. Rudbeckii* judicium, quid addi possit, hæcenus inauditum, quamvis nesciam, eorum tamen sententias, quantum ad etymologiam, referre non pigebit. Omitto ridiculâ Goropii Becani derivationem, sive à *Tholo*, quòd ejus instar terrarum orbis sit imposita, sive à Belgicis vocibus *tet Hulen* (quòd non aliter ad eam, quàm ad ploratum proficiscantur homines) etymon deducentis. Nomen Phænicium *Bochartus* esse statuit, famamq; ejus ab his ad Græcos dimanasse, & umbram Syris nomine tali denotari, inq; scriptione expressum thet per theta, ut Alphabetus Cadmi habet. Hinc *thule ransa* umbras vespertinas, Jer. VI. v. 4. in Chaldæo Paraphraste, Phænicibusq; *gerinat thule*, insulam tenebrarum seu tenebricosam dictam: Statio item pœtæ *Hesperia vada caligantia Thules*; *nigræ litora Thules*; *nigrantem Thulen* dici: & apud Strabonem; *Soles non habent puros*: apud Melam; *noctes per hyemem obscuræ*: apud Plinium; *nulli per brumam dies*, ut alias plures ejusmodi omittam auctoritates, occurrere. Qvin & *Pontanus Chorograph. Dan. p. 746.* Isidori primum etymologiam producit, qui *Thulen* dictam existimat, quòd in illa Sol æstivum Solstitium faciat, & ultra eam nullus dies sit: ipse tamen vocabulum Thules ad Danicum, vel Norvegicum idioma accedere censet, eo quòd circa Norvegiæ Daniæq; oras è mari extantes scopuli, cujusmodi est illa insula, (si modò insula sit) quæ extra litus in aperto mari propè Hellemsstadium visitur, *Thyle* dicta, tum & ipsa Norvegiæ ditio amplissima *Thylemarchia*, hoc appellantur nomine. Porro adducit laudatus Pontanus vocum Anglicarum *Thyle*, *Thoyle*, & Belgicarum *Theulen* & *Thuplen* similitudinem: nec *Reineri Reineccii* sententiam omittit, qui tess limitem notare Saxonibus, & ita insulam hanc velut limitem esse Septentrionis atq; Occidentis ait; quamvis alii id nominis accessisse insulæ velint ab Ægyptio Rege *Thyle*, qui, ut Svidas habet, circumnavigatâ totâ terrâ atq; inquisitis plurimarum gentium moribus, hoc vocabulum de suo nomine ditioni isti reliquerit. *Rudbeckius Cap. de Thule pag. 514. Reineccii* sententiam probat; *Thule* enim, *Tiell* & *Tielnar* extremum esse regionis alicujus promontorium; item arboris apicem; nec non extremas partes ramorum atq; radicum; funes etiam extremis retium partibus alligatos; limites deniq; sive ultimas partes regionum ita vocari. Ad has voces Vestrogothorum leges porro alludere statuit, ubi limites *Tialdrar* / *Tialdrastinar* / & *Tialdra* appellari docet, quæ a tabernaculis seu tentoriis originem forte traxerint, Islandis *Tiald* / Danis *Telt*; unde voces ad architecturam pertinentes facîle derivatas conjicere liceat, cum tentoria mortalius

talibus prius in usu fuerint, vetustissimarumque exinde domuum typi ædificandi que modus extiterint. Plura etiam nominum exempla affert, ut *tigga* / *tigga* / quam Historiæ Hervorianæ *Dilgam* vult esse, urbemque Sudurmanniæ & regionum primæ octavæque limitem facit. Verum neque situm, neque nominis rationem veram Rudbeckium deprehendisse existimem. Historia Hervoriana non *Dilgam*, sed *Dilgiam* habet, quæ vox dissidia, inimicitias & rixas significat; inde loco a bello & cæde ibidem patratâ nomen obvenisse conjectandum. A *Dilgio* descendit *Dolsgr* (c: interfector,) hinc Rex Sveciæ *Eigill Tu Dolsgr* (c: Tunnii interfector,) & Comes Sigvaldus in versu quodam *Grisadolsgr* (Frisorum interfector) appellatur. *Qvin* & *Tissing* / *Tyllsing* / *Tyllsa* / *Tylsbo* / siquidem omnes vel in extremitate positæ sunt, vel provincias, illo teste, terminant, limites etiam denotare ipsi videntur; at datur vox antiqua Islandis hodieque in usu, at *tilla* / c: subternere aliquid pedibus, quo altius surgatur, & at *tilla* fieri up / se altius evehere: si igitur hæc loca editora sunt, a tali etiam origine duci potuere. Sed *Tylsundebro* / *Tylenes* / & *Tullo* facilius ab alia scaturigine fluunt: *Pula* enim, vel *Thula*, longa continuaque oratio dicitur, cujus finis sæpius expectatus auditorem suspensum tenet; & ad eundem modum vasta hæc, sive insula, sive peninsula, præternavigantibus extremitatem suam veluti sæpius ostendens, objectu novorum promontiorum, & quo longius processeris, crebrius suborientium imponit. Infinita igitur orationi assimilata, *pula* seu *Thule* nuncupata videri fortè potest. *Pula* autem a *pilia* / recensere, nomen habet: cum autem actus ille continuus sit, inde *pil* tabularum invicem junctarum continua series, quam coaxationem *Cicruvius* appellat, dici meruit, quicquam parietibus domuum præfigunt, dicuntur *pilia*. Est & prædium quoddam *Thulunes* in Vorsa, unde quidam celebris vir primis illis temporibus in Islandiam migravit; uti & aliud *Thulenes* in Norvegiæ Scaniæque confinio, cujus meminit *Arngrimus Specim. Isl. pag. 160.* quod viri celebris *Thulonis* cujusdam nomen & memoriam conservare idem Rudbeckius conjectat. Si hæc notatio displicet, in promptu est alia, haut longius petita; *Dula* enim tegmen, item obscurum quid & caliginosum, significatione suâ exprimit; quæ ratione à Phænicum, aut Chaldaei Paraphrasis poetarumque mente insulæ etymon non abludit, convenitque extremis Norvegiæ, Sveciæ, atque etiam septentrionalibus Islandiæ partibus. Sive igitur *pula* / sive *Dula* / terra ista dicta sit, facilius inde *Thulen*, quam ex cæteris primitivis exstruxerimus. Atque has de nominis ratione dissentientes opiniones recensuisse suffecerit. Cui autem potissimum septentrionalium terrarum id nomen jure situs, aut etiam aliarum proprietatum competat, haut minus inter doctos controversitur; aliis Islandiæ, aliis Hetlandiæ, quam veteres Norvegi Hiallandiam appellârunt, aliis Utopiæ, ut quæ nusquam invenitur terra, aliis Orcadam uni, aliis Thylemarchiæ Norvegiæ, aliis denique toti peninsulæ Scandinaviæ illud applicantibus; quorum postremum *Rudbeckius* magni ponderis argumentis it assertum, probatque non solum Procopium id sensisse, qui hanc peninsulam, & secundum Pontanimentem, totam etiam Daniam sub Thules nomine descripsit, sed & longè antiquiores Scriptores, *Pytheam*, *Isidorum*, *Strabonem*, *Melam*, *Plinium*, *Solinum*, iis in suis descriptionibus notis illam depinxisse, quæ vel Islandiæ, vel Scetlandiæ (Hetlandiæ), vel ullis præter Sveciam terris nullò mo-

dō competunt. Cum tamen quasdam ex iis Scandinavia non admittat, recipiat autem Islandia; alias contra respuat, quas Scandinavia sibi vendicat; quasdam etiam utriq; communes sint, dubia valde conclusio tormatur, cui potissimum illud nomen sit adscribendum. Neque enim Norvegia, vel Sveciæ septem dierum navigatio in septentrionem à Britannia competit, quod de *Thule Pytheas* tradidit, quam tamen sub eodem cum Merœe, Alexandria, Helleponto & Boristene meridiano eum constituisse *Rudbeckius* monstrat, longius ab Islandia, quam sitūs ratio patitur, remoto: male etiam de Svecia & Norvegia dicitur, mitiorum fructuum capaces non esse; quod tamen *Pytheas* de Thule prædicat, licet eā largā & ditinā Pomonā copiosam, incolasq; in hyemem arborum fructus congerere *Solinus* memoret: porro à Nerigone in *Thulen* navigari, quod habet Plinius, absurdū erit, si Nerigon sive Norvegia hodierna, *Thule* est: mare deniq; concretum, quod pulmonis marini simile esse, uniusq; diei navigatione à Thule distare Pytheas tradidit, non minus verè de Islandiæ occidentalibus oris, si a sinu Isafiördo caurum versus navigetur, quam de Scandinaviæ septentrionalibus, dicitur; sæpe enim ingens illa glacies Islandiæ occidentalia borealiaq; litora magnam veris æstatisque partem obsidet. Haud itaq; *Thules* nomen Islandiæ adinendum, cum Ptolemæus proximè ad ejus situm, *Thulen* reulerit; Solinus etiam inter Britannicas insulas eam computet, & quidem ultimam septentrionem versus; id quod Norvegia non agnoscit. Nec omninò indigna videri deberet Islandia *Antoni Diogenis* viginti quatuor libris comprehensā descriptione, collectā è Cypreffinis tabulis, in sepulchris Tyrriorum Alexandri Magni tempore inventis, si probari posset, illo tempore cultam fuisse; neq; enim circumfluum mare, tot piscium, phocarum, balænarumq; generibus repletum; aut cœli constitutio; volatilium variæ species; terræq; habitus, montium, vallium, paludum, fluviorum, thermarumq; numero distinctus; tum etiam subterraneorum metallorum mineraliumque varietas, & quæ sunt cætera, peregrinorum cognitionem fugissent. Quod si quis objiciat, aliam esse Islandiæ faciem, quam quæ a veteribus *Thule* assignatur, facile regerī potest, fuisse illō tempore longè diversam ab eā, in quam postea degeneravit; id quod testis oculatus asserere possum, cum intra paucos annos, vix adolescentiam egressus, varias diversorum locorum mutationes, easq; haud exiguas, ibi observarem; neq; enim depressiora solum litora, sed etiam ea, quæ editissimis ripis velut agere perpetuò septa, agris prætexebantur, æstuantis maris impetu fracta, receptam undarum molem latè diffundebant, quæ herbida terræ superficies, sabuli arenarumq; cumulis obruta, sterilis in posterum, non modò cultoribus inutilis, sed etiam viatorum aspectui ingrata horrescit. Ventorum quoque rabies arenosam humum assiduīs flatibus excavavit, donec velut cute nudata, & cuniculis suffossa subsideret; ut ne dicam nivium sabulis mistarum per prona montium delabentes moles, subjectam planiciem, integraq; sapius etiam complura, prædia, vel unicā ruinā evertere solitas. *Thules* itaq; nomen, si Pytheam sequimur, potius Islandiæ, quam Scandinaviæ competit; licet iis eas notis depinxerit, quæ simul neutri, separatim utriusque conveniunt. Sed diversam credo à Claudiani Thule, quam Pistorum sedem facit, de Theodosio Seniore eam debellante ita canens:

*Incaluit Pistorum sanguine
Thule.*

CAP. VI.
DE NERIGONE.

Is itaq; Scandinavia, pro Scriptorum diversitate vel latius vel angustius sumta, synonymis explicatis, omissisque cæteris, quæ *Rudbeckius* collegit, copiosèqve explicat, ad NERIGONEM deflectam, quam Plinio inter insularum septentrionalium maximam memoratam, proque universâ Scandia habitam *Cluverius* aliique arbitrantur, dubitante tamen

Arngrimo in Specim. Islandia non modò an universæ, sed etiam an parti ejus occidentali, quæ Norvegia est, nomen illud, a vocum tantum similitudine ductum, assignari debeat. Cum verò *Hugo Grotius* Norvegiæ nomine Historicis Francorum totam Scandinaviam intellectam doceat, autoritate veteris libri, qui inscribitur *Gesta Normannorum*, cujusque hæc sunt verba: Normanni procedentes de Scanzia insula, quæ Norvega dicitur, in qua habitant Gothi, Hunni & Daci; *Scanzia* ibi pro *Scanzia* legendum existimo: neque enim *Scanzia* per Norvegiam hoc loco explicari, sed pars ejus insulæ sub Norvegiæ titulo monstrari, gentes autem, quas recenset, ad Scanziam referri videntur; & si insulæ nomine totam Scanziam veterum more author complexus est, patriam tamen gentis in Gallias insulæ, vel saltim ejusdem gentis ducis, intra Scanzie limites fuisse ostensurus, Norvegiæ nomine notavit; quod frustra adjectum foret, si nihil hac nota peculiare designare voluisset: apparet itaque hac restrictione Norvegiam a Scanzia, tot gentium patriæ, amplitudine discerni. Verum ut ad *Nerigonem* redeam: Sithonum terram hoc nomine vocatam. *Grotius proleg. in Procopium* existimat, Norvegiæque nomen, mollitis in latinum literis, à Plinio sic redditum; id quod etiam concederem, ni pro certo mihi constaret, Norem, à quo Norvegia nomen, quod hodie usurpat, reportavit, longè post illos auctores, a quibus Plinius hoc nomen hausit, nec diu ante ipsum Plinium extitisse. Nerigonis itaque nomen Nore longè antiquius statuo, incolisqve & accolis Svedis Nordrige primis temporibus, Danis autem, quos mollior sonus delectat, Nordrige & contractè, pro singulorum dialecto, illis Norite / his Norige pronunciatum, inque terminationem Græcam ultimam syllabam detortam, antepenultimâ O in E mutatâ. Significabat autem hæc vox primis illis temporibus *aquilonare regnum*; Nerdur enim, vel Nord / aquilonem denotat, desumptâ notatione a relatione plagarum cœli ad septentrionalium habitationem, quod cæteris propior iis existat. Næd enim, vel, dialecto Norvegicâ, Næd / propius denotat; additur autem D euphoniæ causa, cum Norur aures perinde non afficiat. In voce verò Norite syncopata auseruntur R & D ob celeriores pronuntiationem, indigenis ad insulam usurqve affectatam, quæ priscae lingvæ rationem omnem & nitorem, accedente peregrinarum vocum usu, penitus subvertit, ita ut ne Oedipus quidem plurimarum appellationum, quæ hodie in usu sunt, rationem, religiosè a priscis primisque incolis observatam, vel maximâ diligentia adhibita, reddere possit. Qvis enim judicaret, villam meæ vicinam, Østreith nunc dictam, olim appellatam fuisse *Austur-eyd* / quod orientalem isthamum, ad

distinctionem vicini occidentalis, denotat; aut *Tussfer* / uti nunc usurpatur, *Zeitsfiærd* antiquitus vocatum, finum a *Teito*, sive *Tito*, quod viri nomen est, appellationem accepisse: quæ duo exempla ex infinitis adduxisse suffecerit. Et eandem ob causam regio hæc *Nororiste* dicta, *Norste* videtur etiam prisco seculo vocata.

Australis verò plaga, nobis *Sudr* / per apocopen *Sud* / a Sole, quæ aliò nomine *Sunna* / Germanicè *Sonn* / nuncupatur: inde dies Solis, *Sunnudagr* / *Sunnidag* / denominatur; nihil autem in antiquitatibus crebrius occurrit, quàm ut *D* vel *p* vicem literæ *N* suppleat: sic *Þitur* vel *Þipur* pro *Þinnur*; *Mudur* vel *Mupur* pro *Munnur* / qualium exemplorum infinita mensis suppetit. Dicitur ergo *Sudur* / quod Sol in illa plaga, scilicet australi, plurimam diei partem hæreat, favente hîc mihi Viro Eruditissimo, *Othone Sperlingo*, in libro, quem *Boream* inscripsit: vel, si inavis, a *Sida* / quod latus denotat, quoniam Sol in hac plaga maximam æstivi temporis partem, hybernosque etiam dies universos transigit, indeque totum hemispherium radiis suis illuminat. *Musur* autem, vel *Þusur* / a dignitate plagæ nomen contraxisse videtur; nam primum vel superpreum denotat, ab adverbio *Þdur* / gradus positivi, idem quod ante, vel prius, designante; unde comparativus *Þdre* / vel *Þore* / o: dignior, superlativum facit *Þstusur* vel *Þstusur* / q. e. dignissimus. Talis autem reputatur Oriens, respectu cæterorum mundi cardinum, quod Solem nobis quotidie veluti pariat, quem orientem, quàm occidentem plures adorare, Pompejus, senectutem Syllæ cavillatus, asseruit. E contrario *Þestur* / quod pessimum denotat, respectu plagarum ad ortum & austrum sitarum, occidentem dixerunt, propterea quod nobis Solem auferat; nam per vocem *Þstur* (Danicè ill vel ond) malus; *Þerre* pejor; *Þestur* pessimus exprimitur.

Quod si quis maluerit *Nord* à voce *Naat* / quæ cadaver significat, derivare, eò quod Sol nocturnò tempore ubique ferè per maximam anni partem in æquilonem quasi mortuus delitescat, nequaquam refragabor. Has etymologicas derivationes magis ex propria conjectura, & indole lingvæ illius priscae (quæ sola etymologiæ nostræ norma & mensura est, non verò corrupta illa, tot externarum vocum confluxu repleta, tot terminationum amputationibus, tot syncopatarum vocum elisionibus, tot literarum transpositionibus depravata) quàm ex ullo certo argumento, aut prævia ullius docti viri autoritate, depromsi; cum nulla sint, quantum scio, in hunc usque diem etymologica Lexica, ad intellectum lingvæ illius conscripta, præter illud, quod seculi sui, ut & literati orbis, immortale decus *Olaus Wormius*, a Doctiss. Viro, *Magno Olavi*, pastore borealis Islandiæ in paræcia Laufasensi, conscriptum, nobis communicavit, specimen Lexici conscribendi; ut & illud, quod Illustris *Petrus Resenius*, è lucubrationibus doctissimi studiosi Gudmundi Andreæ Islandi depromptum, nobis exhibuit. Ne igitur meam opinionem literato orbi obtrudam, asseram etiam etymologiam Clarissimi *Mag. Gerhardi Miltorvi*, Vangensium pastoris primarii, & Hardangrensiæ, in districtu Bergensi, præpositi dignissimi; qui in descriptione Hardangriæ; *Bopias*, inquit, à ²⁵ *Þox*, id est cibus, seu pabulum, cui respondet vel Noricum *Þor* / cibum significans; unde *Daqwor* / Jentaculum, & *Nattwor* / cœna, *W* in *N* mutato, dialectò Norvegica, ut verriculum, Danicè *Þod* / Norvegicè *Þod*.
²⁵ Vel est imperfectum contractum verbi Danici *Natte* / Norvegicè *Næte* / susten-

sustentare; quasi Nordt pro Norede / sustentabat, ut Stob pro Stabede / creabat, & pro galede gool / quod gallorum gallicinium est. Sed Wester / occidens, quasi nedstaar / nedstiger / descendit, scilicet Sol, N in W verso, & Ofier / oriens, ab opstaar / ascendit, scilicet Sol. Sander verò & Seer / Auster, quasi Seen er der / quasi diceret, ibi est mare, intellige ibi mare maximum & Oceanum, scripturâ & experientia non refragante. Hæc Milzovius, intelligens ultimam boreæ regionem inde denominatam, quod pabulis brutorum ac pascuis apta inprimis (illud enim Boes brutorum ut plurimum, licet & nonnunquam hominum, alimentum designat) facilitam etiam incolis vescendi, vivendiqve accommodam rationem suppeditet, ac indigenas largè sustentet, verbò vernaculò Nord sustentationis laborem levem ac vilem indicante. Verùm animadvertendum, id, quòd novà dialectò, ut pleraqve alia, nunc Wor dicitur, antiquitus Werdur dictum, quasi pensum vel debitum, à verbò Werd / teneor, debeo, mihi incumbit. Hinc Dagverdur / debitum diurnum, Danicè Datre / & Nattverdur / demensum sive debitum nocturnum, quòd nobis ille cibus debeat ad corporis sustentationem: id quod à Boes, si non omninò significatione, numerò tamen literarum alienissimum est. Nec quisquam vocem Græcam Boeas ideò in Nord commutaverit, quòd aqvilonaris tractus pabulum præ fertilioribus plagis largius præbeat, aut leviorẽ ad sustentandam vitam laborem requirat; quæ quidem opiniones experientiæ repugnant. Nec Sander veteribus in usu erat, sed Sudr; originationes autem ab antiquâ lingua, ut dixi, non verò ab hodierna vernaculâ, petendæ sunt. Nequaquam tamen opinionis meæ adeò tenax ero, quin ultro gratias habiturus sim, si quis verosimiliora afferat.

Risi verò *imperium*, non specialiter semper Regnum, uti hodie in usu est, antiquitus denotabat: sic Bissopérise / o: jurisdictio episcopalis; sic Jarlérisi / o: Comitatus vel Baronatus; sic & Godord imperii nomine veniebant. Erant autem Godord imperia politica & ecclesiastica, conjunctim sacrorum administrationem rerumqve civilium curam completentia: de quibus consuli poterit *Arngrimus nostras Cymog. Lib. I. Cap. VII.* Hinc adjectivum risi plerumqve non de divite, ut vulgò putatur, sed de eo usurpatur, qui imperium qualecunqve obtinet, licet haud *ἀντιστοιχίος* & Regiò ditione longè angustius. Decurrit verò temporis, prout & hodiè, invaluit, ut idem quod opulentus sive audiat / Danicè rig / denotaret. Et quoniam opulenti & divites plerumqve fastuosi sunt, fastus ipse opulentorum rigi dicitur: nisi fortè a *rigore*, voce Latina, sono & significatione pariter suffragante, derivare placuerit, vel etiam a *Rigo*, qui primus in Dania Regium titulum usurpavit, quod fortè fastuosus fuerit. Sic etiamnum in Islandia multis retrò seculis *stivardi*, seu *stuarti* nomine insolentes notantur, quòd qui magistratum illum in Scotia olim amplissimum gerebant, magnificò apparatu se conspiciendos præbuerint; & qui imitari illos volunt, supra sortem inflati homunciones, per cavillum tanti nominis facietè deridentur.

Ad N paragogicum in voce *Nerigon* quod attinet, more exterorum additum est; nam & ipse *Casar*, teste *Ludovico live in Augustini Libr. XVIII. de Civitate Dei, Cap. XXXV*, Gallos omnes & Germanos suis ipsorum nominibus appellavit, finali tantum terminatione in formam latinam inflexâ, unde vernaculâ appellatione aliis neotericis notior vox Nor-

Norrigia, & hinc *Norrigianus* descendit. Itaque hæc Plinii appellatio *Nerigon* proximè ad vocem Normannorum vernaculam *Noristi* / *Norige* vel *Norigiam* accedens, a situ suo orbisque regione nomenclaturam adæpta, boreale imperium vel ditionem significat. Vernaculum enim *Nord Boreas*, vel *aqvilò* latinis est. *Nisti* vel *rigc* antiquitus imperium vel ditionem, nullam certam regiminis formam exprimens, hodie *Regnum* audit.

CAP. VII.

DE NORVEGIA.



D NORVEGIÆ nomen quod attinet, id certè a *Nore* descendit, qui cum fratre Gore totam regionem continentem, insulasque victoribus armis peragrans in ditionem redegit, eamque deinceps à longo illo, quod ab ultimis aqvilonis terminis emensus erat, itinere, pariterque de suo nomine, fratre illam honoris prærogativam nec impediende nec invidente, *Norveg* nuncupavit: unde contractè *Neregr* in antiquis membranis omnibus, & Islandorum etiam hodierno sermone, in masculino genere legitur atque usurpatur, eo quod *Begr* (via, unde componitur, ejusdem generis sit: quod & Illustris *Petrus Resenius Notis in prologum Edda, prope finem sub Literâ D*, mecum testatur. Nec est, quòd denominationem illam quis refellere tentet; cum & compositio vocis, & genus, scilicet masculinum, & omni exceptione major *Historia Noris* hoc ipsum evincat. Et hujus quidem fama, sed obscura, ad *Johannem Gothum* pervenit, qui *Lib. 2. Historiarum Svedicarum Cap. 3.* dicit: se in nonnullis historiis invenire, *Norem* Humeli tertio genitum, a patre *Norvegiæ* præfectum, ex se nomen regioni indidisse. Unde & tot tamque evidentes, sed plerumque ex parte mutilæ, genealogiæ usque ad *Serenissimum & Potentissimum Septentrionis Regem FRIDERICUM QVARTUM*, Dominum meum Clementissimum, contextuntur. Locorum insuper & provinciarum nomina, vel ab ipso (*Nore*), vel posteris ejus, eorumque nominibus indita, historiam illam confirmant. Meminit etiam *Arngrimus Jonas* ejusdem *Noris*, cujus majores fideliter recenset, *Crymog. Lib. I. vap. 4.* diversos a relatione *Joh. Magni Gothi*, qui *Norem* Humulphi nepotem facit, (cujus tempore maxima Gothorum multitudo cum Rege suo *Bericone* in alienas terras migraverit), fratremque etiam etundem constituit *Dani*, à quo *Daniæ* nomen, & *Angulis* (rectius fortè *Aungulis*, vel *Öngulis*; ita enim au *Diphthongus* pronunciatur, nomenque ipsum viri erat, antiquitus usitatissimum, *hamum* denotans, dialectò *Hæbudarum* & *Orcadensium Engulis*; quo etiam nomine in *Historia Orcadensi MS.* nepos ex filio *Sumarlidio* Regis insularum *Hebridarum* *Olafi Bitlingi* insignitur.

Nec *Petrum Claudium Undalinum*, pastorem & Præpositum in *Norvegia* olim dignissimum, virum de patria & septentrione optime meritum, notitia illius latuit, qui in *Descriptione succincta Arctoi hujus orbis* eorum opinionem producit, qui nomenclaturam a *Nore*, antiquo
hujus

hujus plagæ Rege, deduxerunt; unde & evidenter monstratur, tam in Svecia, quàm Norvegia memoriam *Noris* tot seculorum spatio non in totum interiisse, quàm in Libro *de Origine gentis Norvegica* plenius exponam. Cum autem historiâ *Noris* scriptores omnes, præter Arngrimum (cui tamen res Norvegicas scribere propositum non fuit) destituerentur, & Norvegiæ nihilominus nomen in omnium ore, passim etiam scriptis, animadverterent, a situ regionis id, ut qui masculini esse generis in vernacula sua lingua nesciebant, derivârunt. Et hoc modo quando dicit *Johannes Gothus*: nihil sibi probabilius videri, quàm *Norvegiam* a via septentrionali nomen accepisse, asserit quidem *Vegia*, quæ posteriores tres sunt nominis istius Syllabæ, à via dictam esse. *Noris* verò Regis *viam*, seu expeditionem, indigitari haudquaquam credit, quippe documentis & autoritate historicâ destitutus. Similiterque Norvegiam quasi *septentrionalem viam* exactè reddi credidit *Zieglerus in descriptione Scandiae*, quod idem notavit Illustris *Resenius, notis in jus aulicum* pag. 394.

Sunt qui pro *Norvegia* substituunt *Norvagam*: sed nec hi eandem admittunt notationis originem, aliis nimirum à voce Latina *Vagus*, aliis a nostrate *Bagge* eam deducuntibus. Et illi quidem, qui a *vagus* indigenarum sedibus dictam volunt, nominis etymon ex peregrina & aliena lingua deducunt, quod minimè faciendum est, quoad suppetunt originis vestigia in vernacula lingua: quoniam multa dantur primitiva, quorum nulla ratio reddi potest; idcirco tamen ad linguas peregrinas non statim erit confugiendum. Cæteris verò, qui a voce *Bagge* vel etiam *bage* | *Norvagia* derivant nomen, vox hæc idem est, quod *incolere*, sicuti ex *Cluverii Antiqq. Germ. Libr. III. Cap. XXI.* patet: Et huic ipsorum sententiæ suffragari posset vox *bygge* | quæ idem planè significat. Sic enim, qui ab antiquis *Norbyggjar* | i. e. *Septentrionis habitatores*, fuere appellati, postea *Norbaggi*, sive leniore pronuntiatione *Norbagi*, tandemque, mutatione literæ B. in V. non insolemni, *Norvagi* dicti essent; eodem prorsus modò, quò illi, qui in prædio Islandiæ Occidentalis *Eyre* olim habitabant, *Eyrbyggjar* nuncupabantur: unde & quæ de ipsis composita est historia, *Eyrbyggja* inscribitur; prostantibus aliis ejusmodi exemplis multis. At verò minimè ego hanc admitto derivationem, cum satis mihi constet, nomen illud probrosum initiò fuisse. Etenim quod Normanni *Norbaggi* dicerentur, casu quodam evenit. Nam cum Reges indigenæ ab obitu Regis Haraldi Gillii inter se dissentientes, diversis factionibus diversa tribuerent nomina, milites Regi Ingio in Vicha servientes *Bagli* primò dicebantur, eodem postea nomine sub diversis Regibus, Erlingo nimirum & Philippo, appellati. Et cum tandem hi ipsi *Bagli*, discordiam pertæsi, legitimo sese Regum hæreditariorum submitterent imperio, usu venit, ut illa ex factione Norvegi ab hostibus contemptim. *Bagli*, & postea *Baggi*, promiscuè nuncuparentur: quod quidem nomen illis quantum contumeliosum fuisse, ex Historia Haconis Haconis filii liqvidò constat; ubi Comes *Byrget* Sveonum princeps; Haconem Juniorem Norvegiæ Regem, cum suo comitatu Sveciâ ingressum, magnificè excepturus, milites suos atque aulicos sub capitis pæna dicitur jussisse

ne Normannos vel *Baggos*, vel aliô ullô contumelioso vocabulo appellerent. Cum igitur *Bagli* a nomine factionis, quæ contraria erat Birkibeinis, dicti sint, prius dispendium erit, quid *Baglorum* ante id tempus ignotum nomen propriè denotaverit. Bat ergò primò *dorsum* vel *tergum* significat : unde *Bagge* / quâ voce denotatur *fascis*, qui, cum gravioris est molis, a tergo plerumque gestatur : hinc & deminutivum *Bæggull* / quod fasciculum denotat, habetque in casu Genetivo *Bægguls*; in Dativo & Ablativo *Bæggi*; in Nominativo & Vocativo plurali *Bægglar* / *Bægglar* / & *Baglar*; tot enim modis nomen illud in membranis scribitur. Hanc ipsam Birkebeini, qui adversæ erant partis, *Baaga* sive *fasciculum* per contemtum solebant nuncupare; vel quòd ipsis ad modum gravioris alicujus, cui tantum non succumbebant, oneris, per aliquot annos incubisset longe potentior factio, quâ depulsâ, vix ac ne vix quidem victores evaserint; cujusque respectu nova hæc non aliud quàm *Bagli*, sive exiguus fasciculus, reputanda esset : vel quia, cum, debellatis jam fermè & devictis hostibus, securi sibi viderentur, Episcopus tamen Osloënsis Nicolaus, personatus tum amicus, dolis suis & tricis novum hunc in ipsos hostem, à quo, velut ab affligente dorsum onere, per aliquantum tempus premerentur, coëgisset : vel denique ad similitudinem vocis vernaculæ *Baaga* / quæ tumultuarium confarcinationis actum exprimit, & ad alia etiam, quæ *malè coagmentata* sunt, transfertur. Sic carmen rudi Minervâ concinnatum *Baagal* / quasi in fasciculum congestum, dicitur : ad eundemque modum visa est illa factio imposuisse sibi Reges, absque ullo decoris respectu, quoniam, qui primus eorum erat, Regis eminentis fuisset ortus; reliqui autem, qui huic succedebant, licet Regis Magni Erlingii filii essent, cum tamen favore procerum præsulumque, quibus jura Regia vendiderant, ad regnum pervenissent, melius haut sanè jus ad id haberent, quàm habuerat primus ille, in cuius locum succedere affectassent, obscuri generis homo : unde etiam, quæ gesserant illi, regna, *Bæglul* / sive *malè coagmentata*, & qui eos, indignos utique, vel nullo prorsus jure, in regnum accepissent, *Baagar* / sive *fabri rudes*, dicebantur. A *Baggi* porro vox *Bagi* descendisse videtur, quæ *impedimentum* denotat : unde verbum *Baga* / item quod *prohibere*, item *arcere*, significans; & adjectivum *Båjur* / *asper*, *durus*, *incommodus*, *inflexibilis* : hinc iterum componitur *Båghent* / *ad artes fabriles inhabilis*, & in genere feminino *Baq* vel *Baqa* / *distorta*; quo cognomine Bosii (cujus vitam edidèri Sveci) mater Brynhildis dignoscebatur, quòd cum viro, postea marito futuro, armis congressâ, ubi ex acceptis in pugna vulneribus convalesceret, nodosis cicatricibus deformis conspiceretur. Ab eodem verbo *Baqa* porro venit *Bagi* / *damnum*, *adversitas*; & rursus a *Bagi* / quasi impedimento sit viatoribus, nomen suum habet Norvegiæ fluvius *Bastrein* / qui in Annalibus Chartaceis ad annum MCCLXXVI. *Baia* strauimus vocatur : sed nec aliunde appellationem suam trahit, vel quæ ad eundem illum fluvium sita est arx *Bahus* / in prædictis annalibus ad annum MCCCIX. *Bagahus* nominata; vel, cujus meminere illi ad annum MCCCLXVII. insula tota *Bagaholm*. Proinde minimè assentire possumus *Undalino*, qui a *Bæ* / *domo*, Bahusiam appellatam statuit; cum enim vox *Bær* non minus, quàm *Bjus* / domum, aut oppidum, denotet,

aique

atque hoc modo *Bahus* idem esset ac *domus domus*, absurdum planè talem esse derivationem nemini non patet. Quin nec, ob dictas modò rationes, cum *Pontano* senserim, qui per *Baggi* significari vult omne id, quod à tergo positum remotumque est, & *Norbaggos* dici, quasi qui in boream situ positò remoti agunt: cavendum similiter erit, ne confundatur ista vox cum voce *Bacti* / quæ ripam amnis, vel paulò eminentiorem inq; longitudinem extensum collem significat. Quantum autem ad *Milzovii* attinet sententiam, qui, quod nec unquam legi ego, nec approbo, in membrana se legisse testatur *Bockahus* / totam eam hic apponam; dicit itaq; ille: *Bocke* Norvagus virum prudentiâ, fortitudine maximè, vel divitiis, conjunctum vel disjunctum ad admirationem ferè egregium significat; & verò in districtu Vosfensi (taceo alios, ut in Vigenfi sive Vigfiscat; & verò in districtu Vosfensi) illud regni munimentum, quod vulgò *Bahus*, in vetustissimis membranis *Bockahuse* / id est illustrium vel dominorum domus, appellatur, hodie villa quædam rustica est, reliquis populosior paulò & fertilior, nomine *Bockatun* / hoc est quasi dixeris Bockorum, sedem sive oppidum, cujus etiamnum rustici inhabitatores referunt, olim ibidem præcipuos virtute bellicâ inter Vosfenses habitâsse viros. Hinc & decantata istâ magnatum Norvegicorum chorea, *Bockadansen* / Danice *Baggadansen* / nuncupatæ. Præterea superest adhuc in regno; (supereslet verò magis, nisi adversâ supervenisent irresistibilia) ejusdem originis cognomento familia perantiqua & nobilis *Bockorum*, de *Bagger*. Hi ergo in exteris versantes a suis simul & aliis *Nordbocker* (qui postmodum titulo quidem alio, sed non minus virtuoso, videlicet *Nordmænd* / Normanni vocabantur) hoc est viri è septentrione illustres, à Danis verò *Nordbagger* / & a Germanis *Norveger* / una eademque utrinque originatione, pro sua cujusque lingvæ indole & idiotismo satis commodè appellabantur. Nam Dani plerumque in medio & fine dictionis per *G*, quod Norvegi & Angli in sua per *K* efferunt, exempli gratia, *Kroket* / Danice *Kroget* / curvus. *Hof* Danice *Hog* accipiter &c. Similiter per *N* / quod illi per *Ø* / ut *long* / Danice *lang* / longus, & rursum quod Norvegi per *A* vocalem juxta cum *O* inter reliquas in lingvâ vernacula dominiū habentem, hi per *E* præcipuam in sua, & lingvâ Germanica literam, teste *Geberhardo* in tractatu *Teutsche Schreibkunst* pag: 4. enunciant. Quàm facilis insuper & frequens literæ *B*. in *V*. sit mutatio, etiam in plusculis lingvis notius est, quàm ut sit probatione opus. Germani vero & cæteri, qui simplex *V* ut *F* pronunciant, idem assument, & geminant euphoniâ ergò, quomodo eandem ob causam alterum ex utròque *G* in dictâ voce Danicâ *Norbage* rejiciunt. Sed enim an illud Norvagicum *Bocke* descendat a *Bock* / iisdem quasi tu dixeris, caper si ve hircus, nec ne, quæritur; sanè videtur quod sic, neque enim caper vel hircus tam vile & abjectum est animal, quin summi in orbe Monarchæ, imò & quod majus est, omnium Monarcharum Domini & Domitoris typum aliquando geserit. Lev. 16. v. 21. Dan: 8. v. 5. Vir gregis ipse caper, inquit pœta Virgilius *Eccloga* 7. v. 7. Atque hæc licet a nemine, quod ego sciam, hætenus tacta vel detecta, vera tamen vocis *Norvagia*, vel *Norvagorum*, vel *Norbagorum*, vel *Norvegorum* (perinde enim est quomodo scribatur) origo est & etymologia.

At verò non abnuerim quidem ego, Vocta olim per translationem a capris, respectu debilioris gregis, vocatos fuisse pollentes opibus & autoritate viros, qui & hodie in Islandia, honorificò quandoque titulò, Storbœttar appellantur. Cæterum si honoris causâ vocati ita fuissent Norvegi, & ab initio caruisset istud nomen probro, sub capitali nunquam pœna cavisset Comes Byrger, ne quis eos Baggæ appellaret; quin potius ex invidia negâsse illis talem titulum fuisset visus; evincuntque hæc abundè, istâ ab origine vocem Bagge deductam neutiquam esse. Tandem adducere placet sententiam Claris: Arngrimi, qui in *Specimine suo Islandiæ* a Bagalli per quam quidem vocem scipio, vel pedum, & ἡξονῖν episcopale, denotatur, Bagge derivat: vero simile enim videri, quòd, quoniam in Regem Sverrerem factionem concitâissent viribusque instruxissent sædisfragi Episcopi, ab his horumque scipionibus nomen *Bagli* acceperit eadem ista factio. Cæterum ut non displicet hæc Arngrimi sententia, ita expromam jam, quâ ratione vox Baggæ / quam antea a Bagga / sive *fasciculo* derivatam & probrosam fuisse dixi, a Norvegis ipsis, ut maximè honorifica, usurpatâ tandem fuerit. Itaque cum prædictæ factionis homines, quod ab hostibus eis impositum erat, *Baglorum* nomen vicinis esse deridiculo sentirent, ultrò id, ne ex tali scommate haberent gaudium inimici, sunt amplexi, inque honorem traxere. Hinc suam ipsi, in quam coierant, factionem generatim Bagla & quivis se singillatim Bøigtunga appellârunt, transiitque apud vicinas gentes appellatio illa in alteram istam Bagge; quâ quidem, cum ita, quia fortibus viris imposita, honori esse cœpisset, universi ad ultimum Norvegiæ incolæ vocitari se passi sunt. Nec proinde mirum, si Dani famosas illas, quas Norvegis proprias existimârunt, choreas Baggedanthen appellaverint, cum Norvegos tam metricè, ut ex *Lyschandri Grönlandiæ* constat, quàm communi sermone *Baggos* jamdiu nuncupent.

Hinc perspicuum est, quàm non in etymologiæ solùm, aut historiæ, sed etiam in ethices regulas liberè peccaverit *Rudbeckius*, dum, Baggi nomine in *Pach* converso, abjectæ sortis hominibus infimæque plebi propriò vocabulò, Norvegos Bôtensesque à primâ usque memoria insignitos cavillatur, idque *Cap. de Suecia XXIV §. 3. pag. 612.* aliisque locis persuadere conatur, eò tantum fine, ut notationem a *Sven* Svecis vindicet, de qua prolixè differentem *Stiernhielmum Verelius* notis ad *Hist: Hervor: Cap. X.* infert. Societates enim primas reliquis a se ortis nomina sua indidisse, quæ exinde in familias, gentes & nationes profluxerint, statuere videtur. A *Sven* itaque (quod idem ipsi est, ac *Son* filius, & in genere puer, juvenis, minister, deinde miles, nobilis, & eques; unde, prout putat *Sveme*, sive juvenula, illustreq; illud *Amale-Svete*, Regis Theodoricæ Veronensis filiæ nomen) *Svenscos* vel *Svecos* derivat, non attendens, vocem *Sven* ut plurimum *Servum* denotare, teste *codice LL: Gulatbingensium, Libr. Rønnaqiffenauum; Capit. um abyrqd Sveinsmannæ; & iterum Libr. de homicidiis, Cap. Si serius cedis reus agatur;* ubi *Sveinn* & *pross* sunt synonyma. Subjungit mox idem ille *Stiernhielmus dicto loco:* Eadem prorsus ratione nomen *Gete, Gote, Gut,* i.e. *puer* (à *Gata* gignere, a quo etiam *Gotte,*

Gotte, Verelio in notis observatum militem significare) Juvenis, atque in-
 de miles, tranſiit in nomen ipsius nationis & gentis Getarum, Gothorum,,
 Gutarum; quod ut certum atque indubitatum asserere vereretur, nisi vi-
 derem & mihi compertum esset, idem multis nostræ affinibus nationibus,,
 contigisse. Inde enim Norvegi nomen *Baggat* sortiti sunt, à *Bagge* scilicet:
 puer, idem quod Græcis *πῦς*, Gallis *page*, Anglis *Boy*, Nobis (in dimi-
 nutivo) *Poite*; unde etiam nomen invenerunt *Boy* & *Bojobemi*. Sic Da-
 nos a *Dau* seu *Dhan* vel *Dhton*: servus, seu minister, à *Dhiena* / *Dhto*:
 ita / Germ: *Dienen* / Anglo-Sax: *Dhienian*, servire, ministrare, obedire, de-
 nominatos esse nullus dubito. Insula prorsus ratiocinia! & de quibus,,
 haud facile dixerim, desleri potius, an derideri mereantur; utut consen-
 tientem habeant *Rudbeckium*, qui citatâ nuper pag. 612. plurimarum gen-
 tium vel leviter inspecta nomina servitii ipsarum & impositi à Svecis jugi
 aliquam præferre notam, operosè nimium persuadere conatur. Nec mi-
 rum, operosum illum esse; quippe cum totum ferè terrarum orbem suis
 subijciat Svecis, ipsosque illos libertatis adeò amantes veteres Germanos
 (deductâ nimirum voce *Dyster* à *Dhiod* / quæ idem ipsi est ac servitus) Sve-
 corum quidem lingvâ *Dhiodar* & *Dydistur* / nominis autem vi servos esse
 asserat. Confer: *Cap. XVI pag. 493*. Nos singula excutiemus: Et pri-
 mum quidem quantum ad Svecos attinet, hos à *Sven* nomen sortitos in-
 ficiat *Snorrinus Sturlaus* aliiqve, qui à gentilitio Odini illius nomine, qui
 proximò ante natum Christum seculo vixit, & *Svidrir* dictus est, Sveciam
Svithiod / *o*: *Svidris populum*, denominatam perhibent. *Piod* enim po-
 pulum significat: sicque Angli ante Egeberthi tempora *Englaþiod* / i. e.
populus Anglorum, dicti sunt: frustra dissentiente Verelio, qui *Notis*
ad Hist: Gautreci Cap. II. pag. 10. *Piod* non populum, sed regionem si-
 gnificare statuit. Vetus enim lingva asserito ejus repugnat; & patet id, ut
 alias multas omittam autoritates, ex *Norvegica Snorrus Sturlaus Historia*,
 Svecis vulgò *Rringla* dictâ; ubi statim in ipso proæmio de Schytia ma-
 gna (quæ appellatur *Svithiod*) hæc habentur. *I Svithiod ero stor Herod*,
morg / þar ero og margefonar Piodir og margar tungur / þar ero ri,
þar og þar ero dverggar / Þar ero þlamenn og þar ero margefonar un,
darlegar þiodir: In Scythia sunt magnæ multæq; provinciæ, ibi multi-
 faria gentes, (seu populi) & lingvæ, ibi gigantes, ibi pumiliones, ibi ho-
 mines survi, ibi multiplices mirabilesqve populi. Porro denominationem
 istam Verelius hoc argumento impugnat, quod nempe, si à nomine Odini
Svidr vel *Svidrir* Svecia *Svithiod* dicta esset, utiqve non *Svidthiod* /
 sed *Svidristhiod* ratione grammatica scribendum foret. At nihil id obstat;
 per crasin enim ita dictum videri potest. *Rudbeckius* autem, licet a po-
 steriore Odino Sveciæ seu *Svithiodar* nomen promanasse agnoscat,
pag. 633. § 34., ei tamen gentile id fuisse non vult, sed ad militarem
 laudem designandam impositum. Arcessi etiam vocis istius etymologia
 poterit a verbo *Svida* / quod *adurere* significat; hocqve modo dicta e-
 rit Svecia *Svithiod* / vel quod gelu & frigore aduratur, Græcis igitur
 Scythia appellata; vel quia, cum primum habitari cœpisset, excisis,
 quibus tota horrebat, sylvis, absumtæque igni lignorum hac concæde, ex-
 uberarent fruges, quæ adustæ ita cineribusqve oppletæ terræ committe-
 bantur:

bantur; unde id genus novalia etiam hodie *Svidiur* & *Svidiulond* appellantur, ut ipse Verelius fatetur. Cæterum huic, quam adducimus, denominationi minimè officit, quòd vernaculâ lingvâ non *Svedstr*/sed *Svenstr* appellantur Sveci: præterquam enim quòd semetipsi *Svea* & *Svens* ita promiscuè vocitent, usitatissima sanè est literæ D in liquidam N, uti in pronunciando, ita interdum etiam in scribendo, conversio. Exemplis quidem res non indigeret, cum plenæ iis sint membranæ, præsertim vetustiores. Nonnulla tamen ponere, hic libet: *Svidr* nempe, *Osvidr*/ *Alsvidr*/ *fiur* *Guor*/ *Kudr*/ *Mudr*; quorum singula per duplex N non solummodò communiter pronunciantur, sed & aliis quandoque locis in iisdem istis membranis scribuntur. Sic in *Edda Samundi* vetustissimi exemplaris titulo *Havamalum Strophæ* 102. legitur *Svidr*/ : bene moratus: titulo *Grimnismalum Strophæ* 33. uti & *Havamalum Strophæ* 20 & 22 *Osvidr*/ : incivilis: titulo *Vassfrudnismalum Strophæ* 6 & 34. *Alsvidr sapiens*: titulo denique *Voluspa Strophæ* 12. *radsvidr*/ consultus, sive, uti *Gudmundus Andrea* in notis ad eandem *Stropham* scribit, *radsvinnur*; quin & in titulo *Havamalum Strophæ* 23. legimus *fidr*/ : invenit, item *experitur*, cum tamen mox in sequenti *Strophæ* exstet *fiNr*/ quod idem est: profertque antedicta *Sturlus Historia* verbum *Skulli Thorsteini filii*: *Nu fidr. Vld at elldinn*/ : nunc experimur nos senescere; & ibidem in *Vita S. Olafi* reperitur nomen viri *fiNr*/ qui alioquin appellatur *fiNur*: Lapponesque Norvegici sive Finni tam *fiNr*/ in Codice nempe LL: *Gragas*/ quam *fiNnar* promiscuè fuere vocitati: pariter idem illud, quod in vetustissimo isto exemplari scribitur *Gunnr* : vir, scribitur in margine exemplaris Eddici, quod penes me est, *GuNr*: Et sicuti *Kudr* atque *KuNr* : notus, item *celebris*, tam in *Havamalum*/ quam in *Kringla* indifferenter usurpatur; sic & *Mudr*/ os (oris) idem liber *Kringla* pro *Munnr* posuit, dum nempe *Einar Orcadum Comes Rangmudr*/ sive *distorti oris*, *Haraldus etiam Thrandiæ Rex Gullmudr* pro *Gullmunnr*/ id est *Chrysostomus*, appellantur. Nec hoc soli *Danicæ veteri lingvæ* proprium est, sed & *Britannis* usitatum; id quod *Sheringhamus de Anglorum Gentis Origine* pag. 21. his verbis docet: „Habent Britanni novem literas mutabiles, quas umbratiles vocant, quia „ut umbræ cedant & mutantur omnes istæ literæ in principio dictionis, atque aliis etiam in locis ob mollitiem variantur. D verò cum mutetur, ut „ait *Daviesius*, transit in N. Unde ex *Luidd* fit *Lund*. Et ad hunc modum *Svedstr* mutato D in simplex N, & posteriore N, quoniam *Svenstr* dici deberet, a duplici consonante, quæ sequitur, absorptâ, in *Svenstr* conversum est. Quin & *Sonstr* crebrò in membranis invenitur, quod a vocabulo *Svenstr* formatum est, literâ V ante vocalem omisâ. Ex voce denique tribus his lingvis septentrionalibus communi, *Madr* scilicet, sive *Matur*/id est *homo*, *Sveci* & *Norvegi Mann*/ *Dani Mand*/ neglectâ ultimâ syllabâ ur/ formarunt.

Hæc nostra conjectura Svecis ipsis examinanda proponitur, haud levioribus fortasse argumentis subnixâ, quam illa, quæ hactenus a *Sveni* vocabulo arcessita tantopere placuit, præsertim cum ipse *Rudbeckius* ante *Odini* posterioris tempora *Svedia* nomen nusquam se invenisse fassus sit.

Parique

Parique ratione Dani, non, ut commentus est *Stiernhielm apud Vrelium* *Notis in Hist. Hervor. Cap. X. p.118*, probante item *Rudbeckio Cap. de Svervia XXIV. §.3 p.613. a thana, thena*, serviendo, sed a *Dad*/quod virtutem & fortitudinem denotat, *Dadstir*/ & facilitate pronunciationis *Danstir*/ id est boni fortesque viri, dicti videri possent; suffragante nimirum tum vi vocis primitivæ, tum etiam ortâ inde significatione, in vocabulo scil. *Danumadur*/ seu *Danumand*/ quod idem est ac vir bonus & abfolutè probus: id quod *Pontannus Descript. Dania* rectè observavit, ubi honestum egrégiumque, & qualis Pythagoræ describitur, vertit; unde & tales Græcis δαίμονες, & dæmonia hominum haut absumili ratione fuere appellati. Errat autem *Loccenius Antiqq Sævo-Goth. Cap. XXIV p.109.* dum *Danumand* idem quod *liberalem* esse putat, secutus nimirum versionem *Undalini*, neque enim MSS. exemplaria hanc vocem habent. Ab eadem radice nomen viris hodieque in Islandia proprium *Dadri* profluxit, ipsam virtutem honestatemque denotans. An verò Dania a Dano Rege, vel a *Dad*/ sive propria gentis virtute, nomen sortita fuerit, definire nequeo; licet posterius magis probem, adductus exemplò *Qvadorum*, quod quidem nomen genti proprium agnosco, licet non secundum interpretationem magni illius *Grotii* explicandum, qui *Proleg. in Procop. p. 14.* hos eodem prorsus modò, quo certè populi Gothi, c. boni, fuerè dicti ob humanitatem, qvados, sive malos, ob inhumanitatem in hospites, appellatos fuisse asserit; cum strenuorum potius hoc titulò elogium ferant. Quod enim Gothicâ lingvâ dicitur *Qvadus*, id Islandicâ, quæ Gothicæ est dialectus, uti in membranis passim videre licet, *Hyatr*/ c. Strenuus, sive vegetus, vocatur: nihil autem usitatius, quàm literæ *K*/ vel *Q*/ in aspirationem *H*/ & vice versâ, mutatio: uti ex vocibus *Knif* (culter) *Knif*/ *Hyaf* (cerus) *Qval*/ &c. patet. Quòd autem strenui fortesque viri minùs comes vulgo videantur, itaque etiam asperius se gerant, inde *Qvadorum* nomen apud Germanos in deteriorem sensum transiit; idemque hoc vocibus vulgò *Mediis*, ut, *Hofstis*, *Tyrannus*, compluribusque aliis, evenisse videmus. Ut igitur *Qvadorum* gens Strenua dicta est, sic etiam Danorum fortis & magnanima. Sed de Gothorum nomine in *Serie Regum Daniae, Lib. II. Cap. I.* abundè dictum est. Similiter *Tevtones* vetere lingvâ *Hustir* & *Hyerstir* appellantur; qui tamen pari verisimilitudine, quâ vel a Dite patre Gallos Cæsar, vel hos ipsos Tevtones Tacitus a Tvitone seu Tvistone ortos prodit, denominati videri possunt a *Tyre* septentrionalium Deo, ante Odini Upsalensis in septentrionem adventum heic, & fortè etiam in Germania, culto; cujus nomen in genitivo casu *Tis* vel *Tys* habet, appellatâ inde tertiâ hebdomodis die *Tyrsdag* vel *Tisdag*. *Qvin* & in Vorfia, Norvegiæ præfecturâ, membranacea egomet vidi instrumenta satis vetusta, quæ loco initialis literæ *T*, antiquam *p* substituerunt; unde ex genetivo *pis*/ commodissimè, & ad genium lingvæ veteris, absque ullo anfractu, *piſtir* conficitur; magisque id ad authorum traditionem stabiliendam facit; quamvis mihi a *þiod*/ quod gentem propriè denotat, *þiodist*/ aliis *Theodist*/ derivetur; quæ quidem vox, quantum ad significationem, idem est quod *Alemannus*, ita ut ex *Theodiskis* contrahè *Thiski*, id est *Alamanni*, profluxerint.

CAP. VIII.

DE NORMANNIA.



Hinc Norvegiæ NORMANNIÆ nomen est, quod ab homonymia liberandum. Interdum enim ipsam eam terram, quæ nobis hodie Norvegia dicitur, significat; interdum latius sumitur; interdum ne partem quidem ejus denotat. Prima illa significatio tum nonnullis aliis, tum præcipuè frequens est Adamo Bremensi; nam licet nota huic esset vox *Norvegia*, ut recentem tamen respuit, inscius scilicet, à Noris usque tempore initium sumisse. Secundâ significatione, eaque latissimâ, *Eginhardus in Vita Caroli Magni* Danos ac Svecos vulgò Normannos vocitatos ait: eundemque locum in mente habens, aut fusiùs explicare volens, *Adamus Bremenfis*: Dani, inquit, & Sveones, cæterique trans Daniam populi, ab Historicis Francorum omnes Normanni vocitantur: Ut adeoque hoc nomine cunctos septentrionales populos in Svecia & Dania vicinos Norvegiæ, ipsosque simul Norvegos complectatur: id quod *Grotius Prolegomenis in Procopium* aliis etiam testimoniis probare nititur, utut diffiteri non liceat, quin & dentur inter Francos historici, qui contrariam foveant sententiam. Sic enim, quod in *Historia Francorum Andrea du Chesnes Part. II. p. 388.* de destructione Ecclesiæ Corbejenfis extat Historicum Fragmentum: Mansit, inquit, in tranquilla pace ecclesia nostra, a tempore Baltildis Reginæ & filii sui Lotharii Regis, & per tempora aliorum XVI. Regum, qui post dictum Lotharium regnârunt, usque ad tempus Caroli & Ludovici Regum & fratrum; in tempore siquidem istorum, scilicet Caroli & Ludovici, venerunt Normanni, qui dicuntur Norois, & Dani, qui dicuntur Danois in terris istis, & destruxerunt urbem Ambianensium, Attrebatensem, Corbejam, Cameracum, Tauruennam, fines Morinorum, Menapiorum, Brachatensium, omne quod circa Scaldim flumen erat. Monasteria Sanctorum Valarici & Richarii totum devastârunt. Persecutio ista prima fuit destructio. Similiter *Annales Francorum Bertiniani ad Ann. DCCCXI.* Danos à Normannis distinguunt. Ibi enim Dani castellum Oscellum, à Nortmannis constructum, ipsosque adeò Nortmannos obsedisse traduntur. Nisi fortè quis regerere velit, promissuè usurpata fuisse Danorum Normannorumque nomina; quippe cum in iisdem illis Annalibus, ad annum nempe superiorem, legatur: Danos Regi Karlo promississe, adversus eos Danos, qui in Seqvana versarentur, auxilio ituros, eosque expulsuros, aut interfecturos, si eis tria millia librarum argenti pondere examinatò tribueret. Tertiâ deniq; significatione intelligitur illa in Gallia regio, quæ, antiquis temporibus Nevstria, postea appellata fuit Normannia, à Septentrionalibus illic populis, qui duce Hrolfo Pedeftri, ejus nominis ultimò, postea Robertò dictò, eam invaderunt. Quando ergò *Crantzjus* suo de Norvegia Norvegiæque rebus Commentario, quicquid de Normannis in Gallia degentibus memoratu dignum apud autores, & præcipuè Franciæ Historicos, legitur, liberalliter satis inferuit, intelligendus est, ad Norvegos, quia ab his oriundi erant Normanni

Normanni, retrahere quasi velle hujus ipsorum sobolis gloriam; nisi fortè declarare ita voluerit, Normanniæ & Normannorum nomen ad Norvegiam & Norvegos propriè pertinere.

CAP. IX.


DE SITHONIBUS.



X cò, quòd Tacitus, author omni exceptio-
ne major, Plinioq; fermè coævus, antiquissimos Nor-
vegiæ incolas *Sithones* appellat, haud ineptè colligitur,
ipsam etiam regionem dictam fuisse *Sidam*; ne tamen
quis, prout ratiocinatur *Hugo Grotius Proleg. in Pro-*
cop. p. 7. falsissimà ex nominibus propriis *Sitto*, sive
Sizo, & *Svidgeit*/ quorum hoc *laboris avidum*, illud
pigrum significat, conjecturà sumtâ, *Sithones* eos à pigritia, & quasi distin-
gvi ita a laboriosis Svecis segnes deberent Norvegi, nuncupatos autumet;
cum potius, & quidem verissimè, à terræ, quam incolèbant, usitatò no-
mine *Sida*/quod Latine *ora* vel *latus* dicitur, appellatos fuisse constet. Et
hoc iterum nomen Norvegia vel a proprio situ, quoniam ab australi ter-
mino ad ultimas Septentrionis oras continuò tractu mari litus obvertit, vel
quia altero ab latere prætenfa est Sveciæ, obtinuisse videtur: & priore qui-
dem ratione *Sida*/nuncupatur maritimus quidam in Islandia tractus; quem
in ditione olim habuit vir insignis, nomine *Hallus*, ab eodem isto tractu *Sidu-*
Hallus cognominatus; ad quem utiq; magna pars magnatum *Orcadensium*,
& in his *Comites duo*, inter *Divos* relati, divus nimirum *Magnus*, & di-
vus *Rögnvaldus Kalius* (de quibus in *Historia Orcadensium* diximus) ge-
nus referunt: quin & adhuc maritimæ oræ lingvâ Islandica *Sidr*/ *Da-*
nicâ verò *Søesider*/appellantur: hincque fortè insula quædam *Sita*, cujus
nomen apud *Irenicum in Indice urbium atque regionum* conspicitur, dicta vi-
deri potest. Posteriorem autem, quam attulimus, nominis hujus rationem
impugnat *Rudbeckius*, qui, præeunte hic *Pontano in Descript. Daniæ pag. 689.*
Sithones non vult fuisse Norvegiæ populos; quin eos in media Sveciâ collo-
cat, appellatq; *Sigellungos*, dictos olim *Ptolemæo Siggulones*, qui iidem ho-
die esse debeant incolæ civitatis *Sigtunensis*. Argumenta, quibus suam
fulciunt opinionem, hæc ferè sunt: montem nempe *Sevum*, quem a
septem eminentibus jugis dictum putant, *Sviones* a *Sithonibus* dirimere,
hasque igitur nationes contiguas verius quàm continuas esse; *Finvedos*
quin etiam & *Vermelandos* ex *Adami Bremensis* sententia inter utramque
gentem intercedere; denique *Sigtunarum*, celeberrimi Sveciæ Oppidi,
nominis cum *Sithonum* nomine maximam esse similitudinem; atque ex
his omnibus sequi, non Norvegiam, sed *Sigtunas*, a *Tacito Sithonum* no-
mine intelligi. At præterquam quòd secus sentit *Verelius*, qui *Notis ad*
Hist. Gaur. Cap. XV. p. 78. *Sithones* Norvegiæ populos esse haud dissimu-
lat, certè neque *Cluverius*, *Geographorum* *Coriphæus*, neque *Grotius*,
tanti fecerunt hanc inter *contiguum* & *continuum* distinctionem, ut vel ex-
tra Sveciam aliam *Sithonum* regionem, quàm Norvegiam quærerent, vel
in media Sveciâ, ubi *Sigtunæ* sitæ sunt, diversi ab ipsis *Svionibus* nominis
gentem, imperiî etiam formâ iisdem disparem, admitterent: sed neque
Finvedia totam Sveciam a Norvegia separat, nec *Vermalandia* tempore
Taciti culta erat, utpote quæ sub *Olafo Tretelgia* sive *Lignario*, cujus
Tom. I. D ætatem

ætatem nemo unquam Scriptorum ad Taciti tempora retulit, primum cœpit inhabitari: cum contra Sithonum nomen statim Augusti tempore increbruerit; nam & *Sithonias nives* dicit *Virgilius*, & *Sithonium aqvilonem*, nisi fallor, *Ovidius*; eo quod isthæc regio, quam perpetuæ glaciæ nivibusque & frigoris tyrannidi mancipatam credebant, præ ceteris aqvilonariibus regnis innotuisset. Non ignoro tamen, interpretes regionem litoralem Macedoniæ versus Thermæum, in quò mons est nivofus Sithon, hic intelligere, cuius quidem incolæ e Norvegiâ oriundos si quis contendat, assentientem habebit *Sheringhamum*, qui in *Libri de Anglorum gentis Origine* Cap. ultimo notis ita scripsit: *Sittones* populus *Scandiae* olim fuit, qui in *Thraciam* migrantes, pristinum fortè nomen retinuerunt; una enim eademque dictio vel per *tt* vel per *th* sepe effertur, ut *Gothi* vel *Gotti*, *Gothones* & *Gottones*. *Sithonia* certè nomen ab antiquis *Thracibus* inditum non est: Regio enim illa (ut *Herodotus* auctor est) primum *Anpelos*; & promontorium quod mari procumbit promontorium *Toroneum* a *Torona* urbe dictum est. *Lycophron* *Sithoniorum* gigantum (fortè ad *Getarum* nomen, quod gigantem significat, respiciens) mentionem facit, eosdemque refert suis incursionibus *Italiam* attrivisse, *Pisam* urbem cepisse, totamque terram prope *Umbros* sitam subegisse. Quæ omnia ad *Getas* manifestè referenda sunt, cum *Pisa* urbs (licet antiqua) post migrationem *Getarum* in *Thraciam* condita sit. Scholiastes verò ad locum illum: *Πίσυρα Σιθωνίας Κεκτημένης*, *Sithoniam* a *Sithone* *Thraciæ* Rege nomen accepisse innuit. Fuit autem *Sithon*, ut alibi tradit, filius *Martis* & *Achirões* *Nili* filia: Sed hæc sunt *Græcorum* fabule. Nos de nominibus terris istis olim cum nostris communibus nostram sententiam in *Serie Regum Danie Lib. II. cap. VIII.* exposuimus.





HISTORIÆ RERUM NORVEGICARUM PARTIS PRIMÆ LIBER SECUNDUS DE REGNI NORVEGICI CHO- ROGRAPHIA.

CAP. I. DE GENERALI REGNI DESCRI- PTIONE.



Is de nominis ratione expositis, Chorographicam *Petri Claudii Undalini* descriptionem subjungimus, præmissâ *Rutgeri Hermannida* succinctâ dimensione.

Norvagia sive Norvegia longitudinis suæ situm ab æ austro in septentrionem protendens inter 58 & 72 gradum latitudinis interjacet, ac proinde cum 14 gradibus sive 210. Germanicis, 140. Svecicis, ac 420. Gallicis milliaribus metitur, æ oceani fluctibus versus septentrionem & meridiem cinctâ, in austro oppositam, & oceani in Balticum mare ingrediente freto latiore sejunctam æ Cherfonesum Cimbricam intuetur. Sequitur Undalinus.

Norvagia septentrionalis regio tam longè in aqvilonem tractu protenditur, ut eodem sub parallelo septentrionalium nulla colatur terra; cuius, quâ longissime in austrum procurrit, promontorium, antiquitus *Udandienæs* / hodie per Syncopen *Lindisnes* dictum, polum arctoum quinquaginta octo, quâ verò in aqvilonem ad castrum Vardeyense maxime porrigitur, septuaginta gradibus elevatum suspicit. Vastissimus hujus regionis tractus incultis montibus asper, paludibus sædus, amplissimis solitudinibus informis, sylvis & saltibus passim horridus, lacubus in longa terrarum spatia protensis, fluminibus, innumerisque rivulis scatens, majori ex parte inhabitabilis incultusque etiamnum jacet; nec tamen ullum adhuc mortalium omnes ejusdem regionis hominum cultui aptas perlustrasse partes certò affirmare possum. Quâ orientem spectat Sveciaque jungitur, incipit ab insula Danaholmo, quæ occidentem versus adjacet illis insulis

insulis, quæ a Libonoto insulas ostio fluminis Gautelfæ in Danici Svetici-
que Regnorum confiniis adjacentes (inter quas præcipua Brenneya) spe-
ctant. Tres olim horum æqvilonarium Regnorum Monarchas, Eiricum
nempe Daniæ, Ingium Sveciæ, & Magnum Nudipedem Norvegiæ, con-
ventu in hac insula celebratò, uni omnes mensæ sive petræ accubuisse, ita
ut in proprio quisque consideret Regnò, memoriæ proditum est. Hæc in-
sula Parva Dania dicitur, inde in boream per Vestro-Gothiæ, Vermalandiæ,
aliarumque Sveciæ provinciarum limites in Jamptiam procurrens per ju-
ga montis Kiöli, ubi Finni ferique lappones vagantur, in litus Carelstran-
densè extenditur, ibique clauditur.

Australe latus in occidentalem vergens oceanum, inter insulæ Dana-
holmi eum terminum qui euronotum, & promontorium Lindisnesiam,
quod libonotum, spectat, (quæ ab oriente in occidentem quadraginta uni-
us milliariis longitudine distant) magni maris recessu excavatum, ingentem
admittit sinum, Oslofiördum dictum, qui ad oppidum usque Osloam dein-
de penetrat; olim Vika, hodie à nautis Belgicis *Die sack van Norwegen* vo-
citur, magnusque huic sinui adjacens terræ tractus, ab illo sortitus no-
men, antiquitus etiam Vika dici meruit, quod postea nomen Bahusensi tra-
ctui inditum est, qui Vika sive Viksida appellatur. Porro cum litus ab insula
Danaholmo triginta milliarium longitudine in caurum Osloam usque pro-
currat, mox in libonotum sese reflectendo, triginta octo milliaria ad promon-
torium Lindisnesiam, hujus regionis extremum, in meridiem libonotum-
que extensum angulum conficit: latus autem occidentale à promontorio
Lindisnesia japygem versus per tractum Jadrensem ad fretum Cormtense,
vulgò Carnisund / indeque ad celeberrimum totius regionis emporium
Bergas per triginta vel ultra milliaria procedit; hinc centum quinqvagin-
ta circiter ad *Nortcapen* sive *Loppen* / omnium Finnmarchiæ insularum
longissimè a continenti caurum, versus disitam, piscatione celebrem, nu-
merantur milliaria, unde litus in ortum ad castrum Vardhusense, tan-
demque versus euronotum ad Carelstrandam recedit. Totus hicce mari-
timus tractus à castro Bahusensi (quæ ad Gautelfam sive in euronotum ver-
gunt Norvegiæ fines, sitò) ad castrum usque Vardhusense in insula Var-
deya, omnium hujus Regni munitionum longissimè in septentrione ex-
structum, & ab hoc rursus in euronotum ad litus Carelstrandam dictum,
expansus, nusquam quidem præter Listensem Jadrensemque tractus, pau-
cissimaque alia loca, rectà ad quartam milliariis partem procedit, sed pro-
montoriis lingulisque distinctus, tortuosoque Oceani irrupentis recessu
interfectus, innumeros, nunc magnos nunc parvos, admittit sinus, quorum
qui majores sunt, unius duorumve milliarium ut plurimum invicem distan-
tes spatio, regionem alluunt. Sunt qui quinque, sex, decem, vel etiam
quindecim, & quandoque plura milliaria longitudine sua adæquantes, in-
numerabiles sinus & freta huc illuc diffusa efficiunt; quidam latitudine u-
num aut duo, ubi maximè expanduntur, milliaria haud excedunt; pars
octavà, quartà, aut dimidià milliariis partè ostia terminant, nihilominus
tamen, in immensum fere excavatà terrà, spatiosè diffunduntur.

Universo continentis littori crebræ adjacent insulæ, hic magnæ illic
parvæ, cum scopulis & brevibus, quibus omne vicinum mare, quod illas
innumeris interluit fretis, refertissimum. Harum verò insularum, quæ
tam in finibus quàm reliquo mari positæ sunt, tantæ magnitudinis ut plu-
rimum existunt, ut unius, quinque, vel sex villarum sint capaces, quæ-
dam verò unam, quinque, vel sex paræcias continere deprehendantur: mi-
norum autem insularum scopulorum & tæniarum omnino infinitus hic est
numerus.

numerus. Inter has insulas terramque continentem, per interflua freta magnis parvisque navigiis universæ regionis litus legi potest, nec unquam se oceano committere, aut sine insularum, sævientis in se maris undas recipientium, munimentō, exponere nautæ necesse habent, nisi cum vastissimorum sinuum ostia longiusve procurentia promontoria, aliave in mare protuberantia & insulis destituta litora superare necessitas urget, quæ præter-navigantibus longè periculosiora sunt, quam ipse oceanus, cum paucissimas aut ferè nullas navium stationes tutas exhibeant, asperò & confragoso litore omnem accessum prohibente. Inter insulas hæc innumeras plurimæ eaque fidissimæ stationes ac portus, nautis perquam necessariæ, reperiuntur; qui, modò locorum tantam habeant notitiam, ut syrtēs & brevia evitare atque superare sciant, aut fortunâ ipsâ gubernante illa prætervehantur, pro arbitrio ubique ferè sub eminentibus scopulis tutas inveniunt stationes. Extra omnes insulas subtus aquas, ad triginta vel quadraginta, vel etiam sexaginta præter propter passus assurgentes, continuus quasi scopulorum agger universæ regionis lateri prætexitur, ubi diversa piscium genera hamò capiuntur, extra quem duobus, aut tribus plus minus à regionis litore milliaribus, vastissimus immensæ profunditatis oceanus incipit, eò profundior, quò longius in septentrionem extenditur; a meridionali autem regionis litore non ultra sex aut novem millaria porrigitur. Inde namque arenosus fundus modicæ profunditatis æquor ad Frisiam, Bataviam, & Angliam usque vehit. Occidentali lateri immensum Grælandicum, sive Islandicum, mare adjacet, cujus profunditas nemini adhuc mortalium est explorata. Harum insularum usus atque commoditates paucis inferius commemorare in animo est. Jam ad ipsam continentem obiter describendam nos conferamus.

Continents maritima loca per omnem litoris longitudinem ita se habent, ut orientalis tractus, qui à fluvio Gautelfa incipiens, ad quadragesimum milliæ in sinum Osloensem à meridie in septentrionem excurrit, vulgò jam Vika nuncupatus, versus ortum inter Sveciam & oceanum in arcum cogatur. Sed quò longius ad sinum Osloensem procedit, eò spatiosior latiusque panditur, estque humilis regio camporum vastâ planitie densissimis passim abiëgnis vestita, sylvis decora, modicæque altitudinis collibus, quos ad litus exsurgentes magni parvisque sinus interfluunt, conspicua. Simili modò omnis districtus sinui Osloensi ad utrumque latum adjacens, imò omnis ab oppido Osloa tractus cum provincia Heïdmarchenfi ad Gudbrandzdalos usque, spatiosos campos sylvis distinctos habet. Nec asperior aut inæqualior est regio ab Osloa ad Agdarum litora, vulgò *Adesiden* / expansa, præcipuè districtus Nidernefensis, inibi situs, ut & Liffensis & Jædrensis a promontorio Lindisnesia, in occidentem vergentes, ubi litus in septentrionem reflectitur, quæ tamen duæ provinciæ sylvis prorsus carent. Per reliquum omne regionis litus immensi montes perpetuis fere jugis sese extollunt, & quo longius in septentrionem contendas, eo altiora vastioraque tam promontoria quam montium videbis cacumina. Cæterum mediterranea regio longè altiores vastioresque habet montes, incultos & inhabitabiles, quorum continua immensæ longitudinis juga, duodecim vel quatuordecim millaria latitudine passim adæquant. Vir quidam apud exterarum nationum diu multumque versatus, hanc mihi regionem universam perpetui montis vel rupis, terrâ passim connectæ, maximâ tamen ex parte ob sterilitatem inutilis, formâ pinxit, montemque hunc vel rupem ad ingentis arboris, quæ

ab ortu in occasum ramis diffusa ceciderat, similitudinem haud incommodè referri posse monstravit. Cujus stirps & imaradix immensus & inhabitabilis esset iste mons, qui orientales Norvegiæ provincias a Sveciâ dirimit. Primus ex hac stirpe pullulans ramus, mons est ille omnium longè maximus, Thrandenses provincias ab Herdalis primum, deinde a Jamptiâ dividens, tandemque ad extremam septentrionalis regionis oram procurrens, ad occidentale latus Norlandiam atque Finnmarchiam, orientale Svecici Regni quasdam provincias habet, Kiölus, quod carinam sonat, vulgò dictus, eo quod navis carinæ everfæ in modum in ærë surgat, vagantib⁹ Lapponibus repletus, ut inferius plenius declarabitur. Alter ex eadem stirpe in austrum productus ramus Heidinarchiam ab Eystridalis, sive orientalibus valibus, discernit, prioris illius vigesimam partem vix adæqvans. Occidentem versus ab hisce duobus ramis idem mons ubi in angustissimum coarctatur jugum, duodecim milliaria latitudine comprehendens, à meridie Gudbrandzdalos, à septentrione Updalos habet, Dofrafiell/ sive Dofrinus mons itidem nuncupatus, nomen a villa quadam parva & ignobili, ad australes ejusdem montis radices sita, quæ Dofra dicitur, contraxit. Suos deinde ingentes ramos in occidentalem usque oceanum latissimè spargit, quorum unus Throndheimum à Raumsdalo perpetuò jugò distingvens, immensæ ferè altitudinis, sublimi & acutò vertice, insignis in cælum eminet, quatuordecim milliarium latitudine, ubi arctissimus; atque ibidem à nemine colitur. Alter in meridiem inter Raumsdalum & Gudbrandzdalos, similiterque inter Gudbrandzdalos & tractum Valdersensem, deinde Thelamarchiam & Settersdalum, protensus, in ipso mari Agdasidam alluenti desinit. Cæterum à Raumsdalo austrum versus producta juga, maritima quædam in occidentem vergentia regionis loca à Valdersensi, Haddingiadalensi, & Setterdalensi tractibus disimant, divisaque, tam in sinibus septentrionem versus ab oppido Stavangria, non adeò longè distantibus, quam extremè in austrum porrecta regionis orâ, circa Liffentem tractum desinunt. Hujus autem prostratæ arboris ramusculi, qui complures certè sunt, ad minores montes collesque, omnes ab altioribus cacuminibus inter valles passim longè protensos, sunt referendi. Ramorum verò interstitiis vasti campi, planities, convalles, lacus & flumina inter montes ubique occurrentia significantur. Folia denique villas, cum agris pratisque in æqualioribus locis inter asperos montes lacus & fluvios sitas, haud ineptè denotare videntur.

Hæc igitur univerfa regio in valles à mediterraneis & intimis Regni locis, ad litora usque orasque maritimas productas, præcipuè distribuitur, per quas ingentes labuntur fluvii, qui primò ex compluribus fontibus in unum collecti, magnos parvosque in mediterraneis locis, ut et ipsis latè expansis montibus lacus & stagna efficiunt; unde in subjectas & depressas valles compluribus rivulis aucti rapidò cursu passim feruntur. Deinde haud rarò recollecti in vastissimos stagnant lacus, qui tandem in mare, intimosque sæpissimè sinuum recessus se exonerantes, maximos emittunt amnes.

In his vallibus circa præterlabentia flumina, spatiosa planities, hominum cultui apta, glebâ ut plurimum tenui & arenosâ conspicitur, quæ (valles) per universum Norvegiæ maritimum latus dispositæ, inter se unum, duo vel tria distantes milliaria, singulæ singulos irruentis maris magnos faucibus excipiunt sinus. Porro inter easdem valles asperi montosique siti tractus, sylvis tamen passim vestiti, complures editis montium jugis

jugis interjectas, & quinque, sex, vel octo milliaria ab australi regionis latere distantes habent villas, cum mediterranea, & ad occidentale litus vergentia, his consimilia montana loca omnino inhabitabilia sint, frigoris immodicâ vi omni terræ fertilitati nimis officiente. Itaque prout maris accolæ insulas & sinibus circumjectas oras, longissimosque vallium atque iis interjectos montanos tractus quosdam in tantam altitudinem elevatos inhabitant, ut subiecta montium juga ad multa milliaria circumquaque prospiciant; ita mediterraneus populus spatiosos inter altissimos montes expansos campos, valles, fluminumque aut lacuum, sex, vel decem, vel etiam viginti, circuitu milliaria comprehendentium, ripas incolit, ut in singularum provinciarum descriptione inferius de monstrabitur.

CAP. II.

DE TOTIUS NORVÆGIÆ ANTIQVA
ET NOVA DIVISIONE.

Um remotas insulas regionesque à Norvegis olim inventas & occupatas, atque ab iisdem eorumque posteris excultas & inhabitatas, puta Islandiam, Grælandiam, Orcades, Hialtlandiam & Færeyas, regno Norvegico postea subiectas, aut occidentalis Scotiæ peninsulas & promontoria, eique, ut & Hyberniam, plurimas adjacentes insulas ab eadem gente subactas, cum, inquam, has hic describere nec animus nec otium sit, ad hujus regionis, de quâ paucis agere instituimus, tam antiquam, quàm novam divisionem breviter declarandam nos conferamus; quam in *synthetice*, vel præfecturas, quæ sequenti ordine enumerantur, antiquis temporibus distributam fuisse satis constat.

Prima, scilicet: *Estfarsvite* / cæteris hoc in Regno orientalior, à Gautelfâ flumine, & insulâ Daniâ Parvâ dictâ. (quæ Brenneyam ab occidente respicit) in septentrionem, ad fretum Svinasundam extensâ, numeratur, olim *Alfyscimur* / & postea successu temporis *Granafrith* dictâ. Jam verò ejus australior pars *Stabursvite*, septentrionalior *Vika*, vocatur.

Secunda versus septentrionem à freto Svinasunda sita præfectura, apud serræ molam, *Quærfug* nuncupatam, incipit, & ad *Loanderstungam*, promontorium in Osloensem prorumpens sinum, extenditur. Hæc *Vingulmarchia* primum nuncupabatur; deinde *Austfoldia*; & tandem longo post tempore *Borgarsvite* ab oppido *Sarpsburgo*, S. Olafi Norvegiæ Regis auspiciis ibidem exstructo, appellationem sortita.

III. RAUMARIKIA (jam Rømerikia) omnem tractum à sinu Osloensi ad flumen *Karlsfundam* Heidmarchiam versus complectitur. In hoc castrum *Aggerhusense*, & emporium *Osloa*, ad sinum ab oppido nomen trahentem. Inter hanc provinciam atque Sveciam duæ, *Marchensis* & *Soleynensis*, jacent præfecturæ.

IV. DALVIKA, tres comprehendens nomarchias (antiquis quippe temporibus tractus interioris sinus Osloensis recessum ambiens propriè *Vika*, huiusque incolæ *Vikenses* vocabantur; at tres illæ præfecturæ spatiosò tractu ad loca extensæ mediterranea, *Dalvikia*, incolæque *Dalvikensium*, nomine venèrè) sunt autè hæ: *Raumarikia*, *Heidmarchia*, & *Gudbrandzdali*.

V. HADALANDIA, quatuor jam minores præfecturas, *Hadalandiam*.

diam nempe strictè sic dictam, Valdresiam, Thotniam & Haddingiadalum (hodie Hållingdal corruptè dictum) complectens.

VI. VESTFOLDIA, districtum Tunsbergensem cum Egenfi & Lienfi, illisque adjacentibus tractibus, continet. Superioribus autem seculis sinus Osløensis Foldiæ five Foldensis sinus dictus est, cui ab oriente adjacens tractus Aufsfoldia, & ab occidente Vestfoldia, ad Agdasidam usque extensa, appellabatur.

VII. GRENLANDIA, hodie Brattzbergensis præfectura vulgò dicta, cui Thelamarchia cum Sigdalo & circumjectis locis adscribitur.

VIII. AGDA, quæ a promontorio Giørnesia ad alterum, nomine Ottrunesiam, Austuragda (seu orientalis Agda) vocatur.

IX. VESTURAGDA, seu occidentalis Agda, à promontorio Ottrunesia ad amnem usque Syram extensa.

X. ROGALANDIA, ad scopulum Hornnaglam in sinu Hardangrensi, qui Rogalandiam à Sunnhordalandia dirimit, conspicuum, expansa, in duos jam districtus dispescitur, Jadrensem nempe, Dalensi conjunctum, & Fiordensem, quorum ille Rogalandia olim, incolæ vero Rogi, & postea Rygi, præfecturaque ipsa Rytatylse / nuncupati sunt; quò in tractu oppidum est Stavangria; hic autem, scilicet: Fiordensis, jam Rogalandia, vel Rytatylse / male contra veterum morem vocatur. (Pace Celeb. Undalini etiam tractum illum nominis sui ambitu Rogalandiam complexum dixerò, ab Augvaldo quippe Regio, qui in Augvaldznesia, Insulæ Cormtis villâ, habitavit, tam villa, quàm ditio ejus denominatæ sunt; distat autem villa hæc plus minus sex milliaribus Germanicis à Jadria.)

XI. SUNNHORDIA, ad flumen usque Miøkeram, quod ingentem amnem denotat, protensa, quæ hodiè tantum Sunnhordalandia seu Sunnhordia dicitur.

XII. HARDANGRIA, versus orientem, ad flumen Opiniar dictum, sese extendit.

XIII. NORDHORDIA, à Miøkerâ ad scopulum Eognseb dictum, dilatatur, habetque celeberrimum hujus Regni emporium Bergas.

XIV. SOGNIA, ad sinum & districtum Liofter, hodie Øyster appellatum, procurrit.

XV. FIALÆ, five præfectura Fialensis, apud tractum Kvennvogastrandam versus finitur.

XVI. FIORDI, vel Fiordensis præfectura, Sunnfjordum & Nordfjordum, 3: australem & septentrionalem sinum comprehendens, ad litus usque Stadenſe protenditur.

XVII. SUNNMÆRIA, ad terminum Pingvær procedit, jam Sundmærvulgò dicta.

XVIII. RAUMSDALSFYLKIA, hodiè Raumsdalus, sinu vulgò Estin appellato è septentrione clauditur.

XIX. NORDMÆRIA, ad sinus Thrandensis fauces versus aquilonem terminatur.

XX. THRANDIA, ad utrumque vastissimi sinus Thrandensis latus, octo præfecturas habet, in cujus intimò recessu parvum oppidum, nomine Steintaras / olim situm fuisse constat. Præfecturarum autem hic est ordo. 1. Eynensis five Onensis, duas magnas insulas, Indereyam & ydereyam nominatas, continet. 2. Sparbyggensis, vel Sparebøensis. 3. Verdalenſis. 4. Skaunensis. 5. Stiordalenſis. 6. Strindenſis. 7. Gauldalenſis, hodiè Guldalenſis. 8. Orkadalenſis. Quibus nona & decima jam adduntur. Jamptia nempe & Herdaluſ, longò tractu à Thrandia in ortum inter altissima montium juga diffusa.

XXI. NAUMUDALAFYLKIA, hodie Nømedal/a tractu Thrandedsi ad fratrum Bandangsfundam procurrit.

XXII. HALOGALANDIA, jam Hælleland dicta, in duos divisa districtus, quorum australior sinu Vogenfi, septentrionalior promontoriò Trondenesia terminatur.

Ultima ad septentrionem hujus regionis præfectura, duos jam districtus, Salteyensem vel Saltensem & Seniensem comprehendit, a quâ oceanò undique circumfusæ Nomarchiæ, Lofodia nimirum & Væsterola, non longè distant.

XXIII. Omnium tandem ultima FINNMARCHIA recensetur, latissimò tractu Siofinnos, Fiallfinnos (scilicet maritimos & montanos Finnos) Lappones, Karelos & Gandfinnos (scilicet Finnos Magicos,) continens, primò in septentrionem, & deinde in aquilonem ortumque, ad castrum usque Vardhusense provehitur, tandemque evronotum versus, & Karelsstrandam reflexo litore circumagitur, habetque Trumensem præfecturam maritimam, extra cujus litus Langenesia & Andanesia, vastæ insulæ, in Oceano conspiciuntur.

CAP. III.

DE ORDINE DIVISIONIS AB ARIO
EINARIS INSTITUTO.

St & alius supradictas præfecturas numerandi ordo, ab Ario Einaris, Regis Eysteini quondam aulico, conscriptus, à septentrionali regionis limite hunc in modum incipiens.

1. Finnmarchia Siofinnos, Fiallfinnos, Lappones, Karelos & Gandfinnos comprehendens.

2. Halogalandia vel Haleyensis districtus, duas com-

plectens præfecturas.

3. Naumudalus.

4. Aunensis præfectura in Thrandia.

5. Sparbyggensis.

7. Skaunensis.

9. Strindensis.

11. Orkadalensis.

13. Raumsdalus.

15. Fiordi.

17. Hordalandia, Nordhordalandiam, Sunnhordalandiam, Hardangriam cum Vossia complectens.

18. Rogalandia Fiordensem Jadrensem & Dalensem habens tractus.

19. Agda, in Orientalem & Occidentalem divisa.

20. Vestfoldia in Vik.

22. Grænafylkia.

24. Hringarikia.

25. Heidmarchia.

6. Veradalensis.

8. Stiordalensis.

10. Gauldalensis.

12. Nordmæria.

14. Sunnmæria.

16. Sognia cum tractu Fialensi.

21. Vingulmarchia.

23. Raumarikia in Uplandis sita.

26. Gudbrandzdali.

Hæc omnes jam enumeratæ præfecturæ hisce temporibus in duas tantum dividuntur partes, Syndensfelds/ & Nordensfelds/ sive cis & trans Dofrinas alpes. Illa interior regionis pars, omnes præfecturas versus austrum, ab his Dofrinis alpebus extensas occupat mediterraneas, maritimasque, quæ per septentrionem excurrentes apud Raumsdalum terminantur; licet quidam, perperam tamen, ad emporium Bergas, & quidam ad Stafangriam,

totum hunc tractum protendi velint. Eidem illi tractui sequentes maritimæ adscribuntur præfecturæ :

I. Vika, inter Gautelsam amnem fretumque Svinafundam interjecta, viginti duorum milliarium longitudine. Castrum Bahusense, triaque oppida, Kongahellam, Marstrandam, Oddevallam, antiquamque arcem Hornburgum, nunc vetustate collapsam, cum aliquot cænobiiis habet.

II. Borgarsfysla à freto Svinafunda ad sinum procedit Osløensem; cuius etiam interioris & Orientem spectantis lateris haud exiguum obtinet partem, ubi Sarpsburgum oppidum, jam alium in locum translatum & Friderichstadi nomine insignitum, cænobiumque Bernoßloßit conspiciuntur.

III. Romarikia, intimum sinûs Osløensis recessum occupans, Osloam oppidum, (quod in alium etiam translatum locum, nunc Christiania vocatur) arcemque Aggerhusensem cum aliquot vetustis & dirutis cænobiis possidet.

IV. Vestfoldia urbem habet, nomine Tunsbergam, cum ejus vetustate dirutâ arce, Oppidum Skeynam, aliquot cænobia, & ecclesiam paræcialem opulentissimam Skierpen vocatam.

V. Agda five Agdasida, viginti milliarium longitudine, ubi nulla castra præter unum collapsum, Sætersvold dictum, nulla oppida nullaque cænobia visuntur, aut unquam fuerunt. Et hæc Norvegicarum præfecturarum sterilissima censetur. (Hodie celebri urbe Christiania sand/ auspiciis Christiani IV. Daniæ Regis fundatâ, castroque Friderichsholm munitionissimo, à FRIDERICO TERTIO, Daniæ Monarchâ Gloriosissimo, similiter ædificatô, nobilitatur.)

VI. Rygiæfylkia, olim Røgalandia, cujus longitudo duodecim millia complet, oppidum habet Stafengriam, templo satis magnifico conspiciunt, utet ædibus episcopalibus, adeo splendide extructis, ut illis parem cum integræ starent, in hisce borealibus regnis vix ullam hominum ætatem vidisse crediderim. Est etiam in hoc tractu templum Augvaldznesense, olim magnificum, & cænobium Utsteinis Klostur vulgò nuncupatum.

VII. Sunnhordalandia cum Hardangria, ubi cænobium Hallsnes Klostur/ opulentissimum quondam, situm est.

VIII. Nordhordalandia, longè celeberrimum totius Norvegiæ emporium Bergas cum splendidissimo monasterio, nominè Muncheliff/ castrum etiam Bergenhus & cænobium Lysena Klostur comprehendit.

IX. Sognia & Fialæ. X. Sunnfjordus & Nordfjordus. XI. Sunnmæria. XII. Raumsdalis.

Sequuntur jam mediterraneæ, ut sunt :

I. Soleyæ. II. Austurdali, III. Gudbrandzdali, IV. Heidmarkia. V. Grenlandia. VI. Hringarikia. VII. Hadalandia & Thornia. VIII. Sigdalis, Mødum & Laverdalis. IX. Thelemarchia. X. Haddingiadali. XI. Valdersia. XII. Tractus Rabygdensis.

His ita enumeratis, ad exteriorē Norvegiæ tractum perventum est; qui universas septentrionem versus à Dofrinis alpibus, tam maritimas, quam mediterraneas, nomarchias continet. Incipit a Nordmæriæ litore, in boream primum, & deinde in ortum ad insulam Vardeyam, qua nulla septentrionalior hujus Regni pars deprehenditur, propè extensus. Nomarchiarum hæc sunt maritimæ.

I. Nordmæria. II. Præfectura Fochsøensis. III. Naumudalis. IV. Hællelandia, cum Saltenfi, Senienfi, Throndenesensi & Andarnesensi præfecturis, insulisque hinc ad occasum Brumalem in oceano sitis, Rosta, Veyra,

Reya, Lofodia & Vesterola. V. Finnmarchia ad extremam usque Norvegiæ oram extensa, unde litus in ortum brumalem per sinum Gandvikam, ad Karelstrandam, Norvegiæ, ut vulgò habetur, limitem reflectitur.

Ad mediterraneas autem referuntur. I. Thrandia cum octo nomarchiis superius commemoratis. II. Herdalus versus septentrionem a Dofrinis alpihus inter editissimos montes situs. III. Jamptia, quæ a Thrandia longo tractu in ortum distans duas paræcias continet. IV. Immenfus & ad Hyperboreum usque oceanum procedens mons Kiölus, quem soli vagantes tenent Lappones.

CAP. IV.

DE VIKÆ, PRIMA ORIENTALIS NORVEGIÆ PRÆFECTURA.



Hæc Norvegiæ præfectura primum describenda venit. Incipit ab insula Dania Parva, quæ trium, ut supra dixi, Regnorum limes, occidentem versus ab insula Brenneya inter complures magnas parvasque in finibus Norvegiæ Sveciæ & Hallandiæ jacentes insulas, sita est; undè haut procul per continentis litus in mare se exonerat ingens fluvius, Gautelfa, (vulgò jam Gottelfa dictus,) qui è vastissimo Vestro-Gothiæ lacu Vænere oritur, Lösseqve, (olim Liodhys) Sveciæ oppidum, cum circumjecto tractu a Norvegia dirimit, hic magnam insulam, nomine Hisingam, inter duo castra, Bahusum Norvegiæ, & Elsburgum Sveciæ, sitam amplexibus suis efficit. Eadem hæc insula duobus hisce subjecta Regnis, quinque paræcias continet, quarum duæ Svecorum, tres autem Norvegorum Regi parent; illam etenim tertiæ dimidiam partem, quæ Svecorum Regem olim principem agnoscebat, Sanctum Olafum Norvegiæ Regem talorum jactu ei extorxisse, memoriæ proditum est. Insulæ autem longitudo tria circiter milliaria, latitudo unum adæquat. Hæc jam Vikæ nomine tota insignitur præfectura, sed perperam: antiquis enim temporibus, intimo finui Osløensi adjacens tractus, propriè Vikæ dicebatur, cum Alfheimorum antiquissimum nomen à primo suo sortita Regulo Alfo hæc tenebat nomarchia, & deinde temporis successu Hranafylkia (rectius Ranarikia) à furtis & latrociniiis, quibus illà tempestate perquam infesta fuit, Gothis & Hallandis, cæterisque Danis in istas oras haud rarò non sine ingenti incolarum damno ac detrimento irrumpentibus, appellationem contraheret (mihi Ranarikia dicta videtur à prædis, quòd interdum fortè Svecis, interdum Norvegis cesserit, perque vices fortiori paruerit) unde tam bellicosi ferocesque, his asvesfacti exercitiis, evaserunt incolæ, ut tam mare quam terras latrocinando peragrantes, ne accolis quidem parcerent; nec id solum cum liberi sui que juris essent, sed etiam postquam Norvegorum Monarcharum subacti sunt imperio, sæpe contra ipsos arma capientes, Danorum vel Gothorum, vel etiam factiosorum Norvegiæ pseudoregum, aliorumque seditiones & turbas cientium hominum, imperium & auspicia, ad arma & cædes semper parati, sequebantur, (ut ex Chronico Norvegico patet) quorum truculentiores habebantur, qui Gothis proximi ad Gautelfam habitabant: atque ita ad eorum denotandam immanitatem

Elfargrimi in opprobrium (id quod tamen ego dubito) dicti sunt, ut in Magni Nudipedis Norvegiæ Regis historia legitur. Tandem hic tractus, eo quod amni Gautelsæ adjaceret, Elfarsfylkia fuit appellatus, cujus jam orientalis pars Bahuslen / septentrionali Vikæ antiquum nomen tenente, nuncupatur. Hæc ditio austrum versus angusta, sed in septentrionem procedendo magis magisque expanditur. Svecia enim ab oriente eam premens, septentrionem versus ad fluvium Glomam in Svetica regione fontes aperientem, ingentiqve amni Raumelsæ, quem nunc Sarpen vocant, sese infundentem, extenditur: In ortum deinde solstitialem vergens, a Regno Norvegiæ ubique fere, aut saltibus, aut montibus, aut fluminibus lacubusve discernitur.

Præfectura hæc à Dania Parva ad fretum Svinasundam, inter caurum & septentrionem, viginti circiter milliarium longitudine excurrit.

De hujus provinciæ notatu dignissimis locis, castellis & oppidis.

Magnus ille, quem toties jam memoravimus, fluvius Gautelsa è vastissimo Sveciæ lacu Vænere, viginti quatuor milliarium circuitu, cui Vestro-Gothia, aliæqve Svecorum provinciæ adjacent, inter Elsburgum & Bahusum profluens, duobus hisce Regnis Norvegia & Svecia divisus, in sinum Elsburgicum devolvitur; hinc ad sextum à litore milliare in adeo angustas fauces, vulgò Trolldhette dictas, comprimitur, ut longiori tigno in altum surgentes jungere ripas, & fluvium ita transgredi, facile sit. Sed ante quam his liberatus angustis latiori alveo prorumpit, horrendo impetu ex prominente & inferius concavata rupe profluens, longiori ab eadem spatio in subiectum cadit solum. Sub hac immensi cataracta latrones & ficarii quondam longo tempore latitabant, donec tandem per fumum & flammam ibidem visam prodiiti meritis dedere pœnas.

De castro Bahusensi.

In occidentali hujus, de quo diximus, fluminis ripâ è mediis insulæ Hisingiæ lateris regione, castrum satis munitum, & in rupe collocatum, hodie Bahus / olim Baqahus / dictum, ut antiquæ testantur membranae, conspicitur. Quod vir præclarus Johannes Holgeri filius, bello inter Danos & Svecos grassante, ab hostibus Svecis graviter obsessum strenuè tutatus est; quippe cum post longam oppugnationem, vastissimam turrim Særehatten appellatam cepissent, admoto igne sulphureo, illà cum omnibus suis contignationibus & universa structura à sedibus convulsâ, centeni aliquot Svecorum milites in aëra longè horrendo cum fragore ejecti interficiebantur. Contigere hæc tempore hyemali, Anno Christi MDLXVI. Huic jam castro subiecta cum suis partibus Vika, nomen ab ipso, ut supra dictum est, contraxit.

De Kongahellâ vetusto oppido

Quarta milliariis parte à castro Bahusensi ad eundem fluvium, antiquum situm est oppidum, nomine Kongahella, quod Regiam vel Regum petram sonat, eo quod ævilonarium horum regnorum, puta Daniæ Norvegiæ & Sveciæ, Principes de bello aut pace, majorisque momenti, & ad communem Regnorum salutem pertinentibus, causis acturi, conventum celebrare consueverint in hoc eodem oppido prope Regnorum

gnorum confinia, locò perquam oportuno, excitato. Regnante autem Sigurdo Hierosolymipeta, qui illud præ cæteris omnibus Norvegiæ oppidis multis modis ornari curaverat, ad summas opes atque magnificentiam, tunc temporis celeberrimum, pervenit. Verum sub Rege Haraldo Gillio a Vandalis ethnicis tam misere sædeque direptum est & devastatum, ut ad pristinum splendorem postea nunquam redierit.

De oppido Marstrandæ.

Duobus plus minus à Kongahella milliariibus caurum versus, in insula quadam sita est Marstrandæ, quatuor milliariibus in septentrionem a Dania Parva distans. Quæ è Kongahellæ ruinâ prima incrementa cepisse videtur, locò aptissimo ad piscationes exercendas, ubi tam halices, quam aliorum genera piscium olim capiebantur, collocata. Nomen autem illi à *Mår* mergus, cujus avis magnam ibidem fuisse copiam creditur, vela *Mår* mari, & *strand* litus sive ora, ut *mergi ora* dicatur, inditum fuisse necessum est. Pars Marstrandam appellant, atque sic etiam in vetustissimis membranis scribitur. De fundatione urbis nihil mihi constat, nisi quòd Haconis Grandævi Norvegiæ Regis auspiciis primum exstructa est. Antiquis præterea privilegiis & immunitatibus donatam esse constat, quæ à laudatæ memoriæ Friderico Secundo Daniæ Rege, cum piscatione & halecum abundantia adeò celebraretur, renovata & in multis aucta fuerunt. Jam vero compluribus abhinc annis, prout reliquæ hujus regionis oræ, hac omni destituta est maris fertilitate; cujus non minimam certè causam, privilegiorum malum abusum, & tam ipsorum oppidanorum, quam vicinorum piscatorum corruptos & impios mores fuisse, credere licet. Hoc oppidum non, ut cætera in hoc tractu castra & oppida, Svetici belli vim sentiebat, nec in hostium potestatem ullâ unquam tempestate venit, præterquam quòd semel, anno scilicet Christi MDLXVI, tempore hyberno insulam Kõeyam, sagittæ tantum jactu à Marstrandæ distantem, per congelata freta progressi occupassent. Sed oppidani excubias probè agentes, glacie circumquaque dissectâ & perforatâ, omni eos aditu arcebant, primaque illa nocte, quæ dictam infidebant hostes insulam, cum solito humidior & calidior ventus aeris mitigatâ sævitia pluviam indicare videretur, haud diu cõmorati, ne dissolutâ glacie in continentem redeundi omnis eriperetur copia, re infectâ recesserunt.

De antiquo oppidulo Oddevolda.

Ad quintum à Marstrandæ septentrionem versus milliare, fretum, quod Svanfundam vocant, quinque milliarium longitudine terram proscindit, habens a meridie tractum, de quo dicimus, ubi Bahus & Kongahella conspiciuntur, verum à septentrione duas, inter complures, pulcherrimas insulas *Tjern* & *Droft* dictas, quarum illa unam, hæc vero tres paræcias continet.

Ad intimum hujus freti recessum oppidum cernitur satis antiquum, Oddevolda (*Odensvold* sive *Odsvold*), vulgò appellatum, à quo ad Svetici Regni extrema unum tantum milliare numeratur, inde ad Bahusum quatuor, & hinc rursus ad Oddevoldam compendiosiori viâ redeundo par excrevit milliarium numerus.

De castris Hornburgo & Karlsburgo.

Constat insuper ad fretum Hornburgicum in Vika superioribus sæculis castrum, nomine Hornburgum exstructum fuisse, complures antem annos desola-

desolatum, utet aliud castrum Karlsburgum, quod a Christiano Rege Johannis filio anno Christi MDXXXII. devastatum sua sepulchri ruina hodie jacet.

Hic universus Vikæ tractus planus & campestris, pascuis lætus & arvis fertilissimus ingentem frugum copiam incolis subministrat; licet quandoque ægilope (Evinninga vocant) in agros irrepente suffocentur & corrumpantur; quæ frugibus in cerevisiæ usum convertendis admixta, eam ex his decoctam adeo stupendarum efficit virium, ut si quis inde sextarium tantum ebibat, nimiam ebrietate, omnibus sensibus supra modum occupatis, neque stando neque ambulando sufficiat. Pulvis quoque est simili confectas frumento comedendo quivis facile inebriatur.

Hæc etiam regionis pars vastis passim atque ad varios hominum usus perquam accommodatis, plurimæ ferarum & avium genera alentibus, vestitur sylvis: hæc immensa proveniente saginâ pascuntur suæ, hæc tigni, tigilli, navium mali, asseres & scandulæ, ingensque lignorum, infinitis hominum necessitatibus inservientium, copia, quotannis succisa mercatoribus dividitur, multæque his onerantur naves. Herbida quoque pascua tam armentorum quam pecudum numerosam hæc producit multitudinem; unde incolis carnes, coria & sebum suppetunt. Abundant & lacus & flumina variis piscibus, nimirum esocæ, lucio, parca aurata, & anguilla. Nec litus suis caret piscium generibus, cum asellum varium, longum, majores & minores passeris, scombros, multosque alios, magnamque halecum copiam proferat. Insulæ hæc illic circa litora sparsis gregibus pascendis, avibusque cum ingenti ovorum numero capiendis valde sunt idoneæ. phocarumque ac lutrarum captura aptæ. Præterea ædes & domicilia hæc passim pulcherrima, prædiæque sacerdotalia & templa ornatissima, quibus satis opulentæ subiectæ sunt paræciæ aliquot & olim cænobia, jam verò complurcula bona allodialia visuntur.

De Canum marinorum circa hujus præfecturæ litus capturâ.

Sexaginta circiter ab hinc annis Vikæ hæc tractus Canum marinorum (Hauka vocant incolæ) superflua abundantia haud ignotus fuit. Qui hamo capti, & multis lembis Nylosiam Sveciæ emporium quotannis advesti, incolis loci vendebantur, per mediterraneas Sveciæ provincias porro dividendi. Hunc etenim piscem Sveci plurimi æstimantes, ingenti pretio & præstantissimis mercibus, ut argentis, cupris, ferris, pannis, linis & similibus, non absque magno Norvegorum lucro, coëmebant. Tandem ipsi Sveci, ut & Hallandi, huc accedentes, compluribus annis ad hæc litora piscabantur. Cumque hæc piscis, præ cæteris omnibus, inextinguibili desiderio humanis inhiat carnibus, easque avidissimè devoret, plurimos homines, præsertim obesiores, detestabile carnificis ministerium exercendo, clanculum trucidasse, eorumque carnes hamo indidisse piscatorio, deprehensi sunt, tam fastis, quam profectis diebus promiscuè piscationes exercere minime veriti: quapropter, Deo optimo maximo ita providente, hoc eodem pisce vicinum mare omnino destitutum, ad sceleratorum sicariorum explendam avaritiam id genus ultra non produxit.

De halecum capturâ circa Norvegiæ litus.

Hic omni ferè tempore, aut ad australe, aut septentrionale, aut ad utrumque simul, aut etiam occidentale Norvegiæ litus, magna halecum

leum copia olim suppetebat, compluresque ante annos in freto Cor-
 mteusi, & huic vicinis inter Stafangriam & Bergas sinibus adeo afflu-
 ebat, ut longissimis retibus capta & in litus extracta, in magnos acer-
 vos fœni intar cogeretur: & cum tantam abundantiam incorruptam
 conservare, mercatoribusve aut peregrinis, paucis ea loca tunc temporis
 frequentantibus, vendere possessores nequirent, omnino haleces putre-
 scebant; quapropter suas profiteri non sunt ausi. Hæc ejusdem pis-
 cis copia usque ad annum Christi MDLX. his in locis permanens ad Ber-
 garum deinde vicina litora se transtulit, (hoc autem tempore, quo hæc ex
 Undalino scribo, jam multos annos pari abundantia Divino munere rediit.)
 Nec minor halecum copia ad Vikæ olim litus affluxisse dicitur, quam in-
 cantatores nefandis artibus & magicis ceremoniis, æneum eqvum in
 mare demergendo, repulisse sunt qui perhibent; quæ tamen relatio præ-
 ter nugæ & figmenta nihil sanè præferre videtur, cum hominum er-
 ga Deum ingratitudo donorumque ejus abusus, & impii atque execrandi
 mores, hujus commoditatis, utet cæterarum avertendarum, præcipuæ
 sint causæ; cujus etiam exemplum jam novissimè anno Christi MDLVI
 habuimus, cum bono permittente Deo, ad hoc Vikæ litus tanta hujus pis-
 cis data est abundantia, ut aliquot millia navigiorum, lemborum nempe,
 celocum & cimbarum, tam ex Dania & Holsatia, quam Norvegiæ septen-
 trionalibus & occidentalibus oris, præter ipsos Vikæ incolæ, piscatum
 huc quotannis proficiscerentur. Ad hoc non pauca hominum millia, ex
 proximis & circumjectis regionibus, cum uxoribus ac liberis, magnos
 parvosque hujus Vikensis litoris sinus cæteraque loca occupantes & in-
 habitantes, piscatu vixerunt, ubi tam viri nobiles, quam urbani cives &
 coloni innumera fermè ædificia, etiam tristegas & tabernas piscatorias,
 quarum multæ tantæ fuere amplitudinis, ut tot halecibus, quot quatuor-
 decim tonnarum dodecades caperent, una arefaciendis capaces essent, ex-
 strui curavere. Itaque hic in extremi litoris crepidine octo aut novem
 milliæ longitudinis, multa domuum ac tabernarum piscatoriæ millia
 conspiciebantur, hominumque infinita multitudo ad omnes sinus &
 freta, & in magnis parvisque, per hunc omnem piscatui destinatum tra-
 ctum, circumjectis insulis habitabat; quò ad halecem cõemendam, na-
 vigiorum aliquot millia è Dania, Germania, Frisia, Batavia, Anglia, Sco-
 tia, atque etiam Galliâ profecta, unò quovis annò hinc onustæ domum re-
 dierunt, halecemque ad remotiores regiones, in vitæ sustentandæ usum
 postea per longum iter transportarunt. Verum hoc Dei donò ac munifi-
 centiâ ingrato animo acceptâ, incolæ hujus loci abutentes, cum tributo-
 rum exactores præter superiorum mandata piscatores mercatoresque gra-
 vissimis oneribus expilarent atque vexarent, tam inhumanos ferosque
 induebant animos, ut nec indigenæ, nec advenæ illuc piscatum profecti,
 ab eis tuti essent, maledictis quippe & verberibus sæpe ab iis lacerati, nisi
 tam multi tantarumque virium existerent, ut ad resistendum pares vide-
 rentur, quibus haud rarò retia cum piscibus furtim surrepta sunt. Nec
 feriis & festis diebus tam suis quam advenarum retibus, modò id clan-
 culum peragi possit, piscari verebantur. Ad hoc pessimis indulgendo
 moribus, crapulæ nimirum & scortationibus, a verberibus, vulneribus
 cædibusque manus haud abstinebant. Quin & aliis quoque ingentibus
 vitiis opprimebantur. Itaque omnipotens Deus, portentosa halice, quæ
 illis in locis anno Christi MDLXXXVII. capiebatur, eis prædictum esse
 voluit, se ob eorum horrenda scelera hoc suum domum iis omnino abla-
 turum,

turum, quod etiam proximè insequenti annò factum est; adeò ut multa mercatorum piscatorumque millia, non absq̃ue ingenti damno & rerum suarum dispendio frustra longum iter eò molirentur.

Hujus tractûs maritimæ oræ situs & longitudo inferiùs post descriptam sequentem præfecturam exponetur.

CAP. V.

DE BORGARSYSLA, SECUNDA NORVEGIÆ PRÆFECTURA.



Hic tractus à freto Svinafunda (quod angustò meatu aliquot milliarium longitudine terrâ proscindens, magnum è continente prorudentem admittit fluvium) ad sinum Osløensem expansus, jam vulgò *Borgarsysla* ab oppido Sarpsburgo dicitur, quæ antiquis temporibus Austfoldia & Vingulmarchia appellata, suum etiam Regulum habuit. Porro oppidum illud, quod jam corruptè Saltzburgum vocant, olim Sarpsburgum ab horrendâ propinqvi fluminis cataraeta, quæ Sarpus dicitur, nomen sortitum, a S. Olaso Norvegorum quondam Rege exstructum est, distatque à Svinafunda in septentrionem duorum milliarium, sed à proximo litore unius tantum, longitudine. Hoc a Svecis anno Christi MDCXVII solo æquatam & in cineres redactam, postea Clementissimi Daniæ Regis Friderici Secundi jussu, unius milliarii spatio propiùs mare exstructum, privilegiisque & immunitatibus donatum fuit, ab ejus nomine Fridrichstadus dictum. E vastissimo Heidmarchiæ lacu, incolis vulgò *Mitæs* vocato, haud exiguus profluens amnis, alium postea è Svecia promanantem, nomine Glomam, intercipit, & sic longa terrarum permenfus spatia, versùs ortum a sinu Osløensi sese in mare exonerat, qui uno supra Sarpsburgum milliari, ex alta rupe, horrendo prolabens sonitu immanem efficit cataraetam, adeo ut ære bene temperato, ad quartum hinc milliare (vel ad septimum, ut aliis placet) sussurrus auribus percipiatur. Hinc olim capite condemnati, præsertim patriæ proditores aut læsæ Regiæ Majestatis rei, dejecti penas pendebant.

Hiscæ temporibus sinus Osløensis nomen ab oppido Osloa nactus servat, superioribus autem seculis Folda sive Foldensis sinus appellabatur, à fluvio, quem haud longò ab Osloa ortum versùs intervallò, per districtum Foldensem (cujus incolæ olim Foldungi dicti) profluentem excipit, Borgarsysla Austfoldiæ, Tunsbergensis præfectura Vestfoldiæ nomine gaudet, quorum singulis suis fuit Regulus.

Totius australis Norvegiæ omnium longè maximus hic est sinus, ostium habens trium milliaram latitudine, ubi scopuli duo, quos incolæ *Søstrene* seu sorores vocant, dimidio milliari ab orientali litore distantes, insula etiam *Fierdeer* vel *Fierseer*, ad occidentale latus ab istis scopulis, duorum milliarium intervallo dissita. Deinde in angustias coarctatus ultra unum passumque dimidium vix patet milliare. Verum quâ longissime in septentrionem procurrit, universa ejus longitudo decem complet milliaria. Propè orientale litus profundiores undas volvit, scopulisq; & brevibus infrequens, tam magnis quàm parvis navigiis tutum iter præbet. Hunc Bavati

tavi nautæ *Gonevate* appellant. In ejusdem sinûs faucibus ad litus orientale, magnus insularum conspicitur numerus, quarum præcipua habetur *Onseya*, unam continens paræciam, eiqve proxima, sed longè minor *Rugeya*, quæ unum circiter milliare à *Mosæ* annis ostio distat. Ad quatum à scopulis *Sestrene* modò commemoratis, milliare, in occidentali sinûs ora, portus est, unus ex tribus hujus Regni, asserum & scandularum, aliorumque ejusmodi lignorum mercaturâ celeberrimis; talibus onerata mercimoniis, ad exterarum regiones numerosa navigiorum proficiscitur multitudo, non absque magne incolarum emolumentò, quippe fluvius *Mosæ*, à quo portus nomen obtinet, supra quinquaginta ferrarum agit molas. Ad hunc portum tam opificum quam cæterorum hominum magna habitat multitudo, domiciliis & ædibus adeò auctis, ut in emporii quendam speciem, excrevisse videantur. Hinc ad interiorum sinûs recessum sita, & ad *Osloam* oppidum prope extensa, *Foldensis* nomarchia olim sub districtu *Austfoldensis* comprehendebatur.

Maritimæ regionis oræ longitudo à *Dania Parva* *Osloam* usque, cum portuum, promontiorum, insularum & fretorum præcipuorum & celeberrimorum, quæ hic inveniuntur, nominibus, hæc est:

Gautelsa, ut ante dictum est, è *Vænere*, vasto lacu, profluens, cum septentrionem versus ad planiora pervenit loca, magno aquarum divortio. Insulam efficit *Hisingiam*, quæ ab oriente *Nylosiam* *Sveciæ* oppidum, ab occidente *Bahusum* *Norvegiæ* castrum habet.

A castro *Bahusensi* boream versus ad extremam *Hisingiæ* oram

	1 1/2 Miliares
Hinc ad <i>Nylosiam</i> usque	1 1/2 Mil.
A castro <i>Bahusensi</i> libonotum versus ad <i>Konghella</i> usque	1 1/2 Mil.
Extra vero <i>Hisingiæ</i> oram austrum spectantem innumeræ obijciuntur oceanæ Insulæ, a freto <i>Sildafunda</i> ad <i>Hallandiam</i> usque, per sex integra millia huc illuc sparsæ, inter quas paucissimæ quædam <i>Svecorum</i> ditionis sunt, occidentem versus ab oppido <i>Nylosia</i> jacentes, quæ <i>Hallandiæ</i> litori obversæ, <i>Svetici</i> vocantur scopuli.	
A <i>Dania Parva</i> <i>Marstrandam</i> usque	6 Mil.
(cujus tractus freta portusque in cartis hydrographicis videntur)	
A <i>Kongahella</i> occidentem versus ad <i>Sildafundam</i>	1 Mil.
Hinc caurum versus ad <i>Marstrandam</i>	1 Mil.
A <i>Bahus</i> ad <i>Oddevoldam</i> japygem versus	4 Mil.
A <i>Marstrandam</i> ad <i>Tjornshofut</i>	1/2 Mil.
Hinc in fretum <i>Kirkesundam</i>	1 1/2 Mil.
Hinc ad <i>Kragefundam</i>	1 Mil.
Hinc ad <i>Mollesundam</i>	1 Mil.
Hinc occidentem versus usque ad <i>Hermanshofut</i>	1/2 Mil.
Ibi fretum <i>Hermansfunda</i>	
Hinc ad insulam <i>Goseyam</i>	1/2 Mil.
Hæc à tergo sinum <i>Guldmarsfiord</i> in continentem immisum habet, adjacet & litori <i>Hermanshofut</i> ab occidente, scopulus <i>Jeslandbjerg</i> & insula <i>Guldbolmen</i> distat.	
A <i>Goseya</i> ad <i>Salteyam</i>	1 Mil.
Hinc ad <i>Malmeyam</i>	1 Mil.
Hinc ad <i>Bonesfiær</i>	1 Mil.
Ibi portus & optima navium statio, portus <i>Regis</i> vulgò appellatus, situs est.	

Hinc in septentrionem ad Sodehafvit	- - -	$\frac{1}{4}$ Mil.
A Bonestier in sinum Brevika	- - -	$\frac{1}{2}$ Mil.
Cui proximus sinus Bodmefjordus dictus terram interieans, insulam faucibus adjacentem habet, Sudervedholmi nomine, portu oportuno haud ignotam.		
A Brevika in fretum Hornburgicum	- - -	1 Mil.
Apud quod castrum Hornburgum nomine olim fuerat excitatum.		
Hinc ad Dyngam.	- - -	1 Mil.
Ubi etiam insula Nordervedholmi oceano objicitur; navium ibi statio & sepulchretum unum, alterum in Sudervedholmi humandis nautis & piscatoribus destinatum, non incelebria.		
A Dynga ad Otterklofam.	- - -	$\frac{1}{2}$ Mil.
Hinc in fretum Hasteinsfundam.	- - -	1 Mil.
Estque ipsum fretum longitudine.	- - -	$\frac{1}{2}$ Mil.
Hinc ad insulam Eoster	- - -	$\frac{1}{2}$ Mil.
Quæ navigiis permeabili freto a continente divulsa, octo continens villas, eminentes occani scopulos Hvalerne (balænas) dictos, in viciniâ habet.		
Hinc boream versus procedendo, in fretum Svinafundam, Vikæ terminum, pervenitur.		
A freto Svinafunda, ad nomarchiam usque Marchensem & Mosedalensem, Sveciæ finibus obvertentes	- - -	4 Mil.
Ab insula Eoster ad Agerfundam.	- - -	2 Mil.
Hinc ad Rogeyam, sinus Osloensis insulam.	- - -	2 Mil.
Hinc Osloam.	- - -	8 Mil.
Hæc inter supra dictos portus ad navium stationes (licet longe plures, & quidem innumeri ferè inveniantur) longitudo, & milliarium numerus deprehenditur. Verum qui rectâ brevissimo itinere tendunt, hunc observant milliarium numerum, nempe.		
A Marstrandia in fretum Hermansfundam	- - -	4 Mil.
Hinc ad Bonestier	- - -	4 Mil.
Hinc ad Hasteinsfundam	- - -	4 Mil.
Hinc ad Agersfundam	- - -	4 Mil.
Omnis hic tractus in occasum brumalem porrigitur.		
Ab Agersfunda septentrionem versus	- - -	8 Mil.
Ab Agerfunda Tunsbergam usque in Japygem	- - -	4 Mil.

CAP. VI.

DE PRÆFECTURA AGERSHUSENSI.



Mnes omninò nomarchiæ Agershusensi castro circumjectæ, eiqve propinqvæ, hoc tempore in universum Agershusen/ sive Agershusensis præfectura, appellantur, sub qua hæc sequentes comprehenduntur.

1. Borgarsfylla, de quajam diximus.
2. Raumarikia.

3. Heidmarchia.
4. Gudbrandzdali.
5. Soleyæ.

6. Aulhus.

6. Austurdali.

8. Handalandia cum Thotnia.

7. Hringarikia.

9. Sigdalous & Medum cum

Egenfi & Lyenfi ditionibus; Thelamarchia quoque cum reliquis districtu Bragenefensi contentis tractibus.

Huc etiam pertinent Valdresia & Haddingiadalus.

Quæ omnes præfecturæ superioribus seculis ita distributæ sunt, ut Osloa & omnis ab utroque latere, ad interiorem finis marginem jacens, ditio, cum Raumarikia, Ringarikia, Hadalandia & Thotnia, Vixæ nomine vulgò insignirentur. Heidmarkia, Gudbrandzdali, iisque conterminis ditionibus, Uplandorum in hunc usque diem appellatione gaudentibus.

De Agershuso, Osloa & Raumarikia.

Castrum hocce Agershus dictum, in intimo sinus Osloensis occidentali litore, ad maris quoddam diverticulum, exstructum conspicitur, habens ab oriente Osloam oppidum, templum verò Agershus tyrte vocatum à septentrione; a quo, ut & circumjecta parœcia, castrum nomen contraxit, quod Norvegici Regni proreges sibi in sedem eligere solent. Verum à quo & quando fuerit excitatum, nihil certi investigare potui, cum frivolis relationibus non sit credendum. Traditur enim tres quondam fuisse sorores, quorum una templum Agershusense, secunda castrum, tertia vero splendidissimum canobium, in omnium heic longè pulcherrima insula Hesusdya nuncupata, & in meridiem ab Osloa quarta milliariis parte distante, ubi etiamnum ejus parietina rudera visuntur, exstrui curavisset. Hoc idem castrum Agershus anno Christi MDLXVII. à Svecis gravi obsidione cinctum, impigrè fortique manu defensum est & conservatum, hostibus irritò tandem conatu recedentibus.

De Osloa.

Versus ortum Solis a castrò Agershus/omnium australis Norvegiæ tractus oppidorum pulcherrimum celeberrimumque emporium, Osloa nomine, collocatum est, appellationem à flumine orientem spectantem ejus partem permeante, quod Eorn vocant (ut videtur, sortitum, & a vocabulo Os/ostium, ut Oslo, quasi Loaros dicatur, haud secus ac Nidaros, a flumine Nid, quod in Genitivo habet Nidar & Os ostium componitur, nisi vocabulum Os/ quod in Osloa nomenclatione præcedit, hic sequatur. Hoc in oppido hujusce diœcesis episcopi sedes semper fuit, ea propter Osloensis diœcesis vulgò dicta, omnem maritimum tractum duorum milliarium latitudine à Kongahella ad Agdæ usque promontorium, quod Geirnesiam vocant, procurrentem obtinet. Antiquis quoque temporibus in Heidmarkiæ Uplandorum præfecturæ vetusto oppido, nomine Hamar, sedes fuerat episcopalis, eique subiecta diœcesis Hamarenfis vocata, hac tempestate Osloensi diœcesi adjecta, & cum ea conjuncta, uni utraque paret Antistiti.

Continet itaque diœcesis Osloensis subseqentes præfecturas.

1. Vikam cum toto districtu Bahufenfi.

7. Soleyas.

2. Borgarfyslam cum Markensfi & Mosdalenfi tractu

8. Hringarikiam.

3. Raumarikiam.

9. Hadalandiam cum Thotnia.

4. Heidmarkiam.

10. Tunsbergensem &

5. Gudbrandzdalos.

11. Bratzbergenfē præfecturas.

6. Eysfridalos.

12. Thelamarkiam.

13. Bragenefiam.

Hi aurem Episcopi, quorum hic longâ serie adscribuntur nomina, à primis Christianæ religionis in hoc Regno jactis fundamentis ad nostram usque ætatem hanc diœcesin administrârunt

- 1 Asgautus.
- 2 Thorolfus.
- 3 Aslakus.
- 4 Giraldus.
- 5 Carolus (potius Kolus)
- 6 Petrus.
- 7 Vilhelmus.
- 8 Thorsteinus.
- 9 Helgius.
- 10 Nicolaus.
- 11 Ottâr.
- 12 Thorkell.
- 13 Hakon (vel Haqvinus)
- 14 Andreas.
- 15 Eyvindus.
- 16 Helgius.
- 17 Salomon anno Christi
MCCCXLVIII.
- 18 Sigfridus.
- 19 Hallvardus.
- 20 JonAo. Chr. MCCCLXXVIII.
- 21 Eysteinus.
- 22 Jacobus.

- 23 Sverrer.
- 24 Jon.
- 25 Gunnarus.
- 26 Nicolaus.
- 27 Herlovius.
- 28 Andreas anno Chr. MDXIV.
- 29 Magister Johannes Mulius Episcopus Osloæ inauguratus cum e Thrandia reverteretur factò naufragio non procul à Jutiæ litoribus, quo tempestatibus erat depulsus cum duobus equestribus ordinis viris, anno Chr. MDXXXIV. periit.
- 30 Mag. Johannes Ref, primus Lutheranae sectæ Osloensis & Hamarensis Episcopus MDXLIV.
- 31 Mag. Franciscus Bierriq.
- 32 Mag. Johannes Nicolai.
- 33 Mag. Andreas Dal.
- 34 Mag. Nicolaus Claudii.
- 35 Mag. Nicolaus Gestropius.

Habuit olim Osloa ornatissimum templum, Beatæ Mariæ consecratum, ingentibus redditibus locupletatum, qui his temporibus, templo deserto & neglecto, Regni cancellario conceduntur, similique modo sacrarum virginum opulentissimi cœnobii, jam desolati, maxima bona & latifundia in præfecturam sunt conversa. Primaria autem oppidi ædes vel basilica Divo Hallvardo dicata, pristinum splendorem diu conservavit, licet anno Christi MDLXVII flammâ sentiret, bello grassante Svetico: Christianus quippe Munchius ibidem eâ tempestate arcis præfectus, oppido subijci facies, sædoque incendio, ne in hostium potestatem veniret, deleri curavit, & quicquid divitiarum, domesticorumque utensilium cives quatuor & viginti horis hinc non abstulerant, eodem periit incendio, universa quoque quæ hic in portu stabant nāvigia, possessoribus circumjectam glaciem confringendi (hybernium enim tempus erat) inque alium locum deducendi potestatem frustra petentibus, concremata sunt, temere quidem, cum hostes tertia demum ab incendio die, ad locum ubi oppidum fuerat, pervenirent, arx tamen a militibus strenuè defensa est, quæ de re pluribus agere alibi locus est.

Est præterea Osloæ supremum hujusce Regni tribunal, à quo non datur provocatio, nisi ad ipsum Regem. Conveniunt itaque hic ter in anno, æstate nempe circa natalem Baptistæ, hyeme ineunte circa Calixti diem, & circa diem conversionis Pauli Apostoli, Regni Cancellarius virique nobiles propius oppidum habitantes, cum aliquot nomophylacibus, quicquid prorege Consuleque & cæteris assessoribus causas cognoscunt & lites dirimunt. (Hæc autem jam plane immutata sunt.) Hic Christianus Johannis filius Daniæ Rex à Danici Regni nobilibus, anno Christi MDXXXII. captus est.

Ad

Ad hoc oppidum magnis parvisque navigiis à scopulis atque brevibus tutum iter & accessus patet, ubi immensa mercium venit copia, fertili circumjecta regione, magnum frumenti numerum suppeditante. Construxerat hanc urbem Haraldus Imperiosus Norvegiæ Rex, circa annum Chr. MXLIX. (jam verò post facti incendii devastationem, in alio haud procul excitata loco, Christianiæ nomen a Christiano Quarto laudatissimæ memoriæ Daniæ Rege adepta tenet.)

De Raumarikia, eiqve adjacentibus præfecturis.

Universæ ad interioris sinus Osloensis litora jacentes nomarchiæ, olim, ut ante dictum est, sub Vikæ nomine comprehendebantur, sed quæ à sinu remotiores in septentrionem procedunt, Dalvika & postea Upplandæ, quod nostra etiam ætate nomen obtinent, appellatæ sunt.

Foldiæ districtus ortum versus ad intimum sinus Osloensis recessum, cui & antiquitus nomen dederat, ut Foldensis sinus appellaretur, jacet; habens àborientem Markensem nomarkiam. Illa autem præfectura, quæ Osloam & Agershus continet, vulgatò jam nomine Agersherret dicitur. Duobus boream versus ab Osloa milliariibus sylvæ Gtellerasfen incolis vocata, unius tantum milliariis latitudine locum habet, quæ transmissa in Raumarikiam (vel Romarikiam, ut hodie vocant) pervenitur, ad sedem usque sacerdotalem Eidsvoldam, quæ ab Osloa octo distat milliariibus, extensam ibi & terminatur. Ibidem vastissimo Norvegiæ lacui Mios finis imponitur, quæ etiam ingentem emittit fluvium trajectu Vermesfunda satis celebrem, cui amnis Gluma, e Sveciæ defluens finibus, jungitur, & communi deinde alveo Sarpsburgum præterlapsi, (ut paulo ante diximus) in mare cadunt.

De Lacu Mios.

Vastissimus Norvegiæ lacus Mios, ab Eidsvolda in septentrionem, Lille-Hamar usque oppidum, sedem antiquitus Episcopalem, ad quatuordecim milliaria protenditur, complures orgiarum centurias variis in locis profundus; insulam habet haud exiguam, munito castro, & arce Regia conspicuam, ubi, regnante Hacone Sverreris filio, Ingius Baglorum Rex cælis occubuit. Piscium præterea varia producit genera, qui statis temporibus, pro sua quisque naturâ, & sinus & fluminum rivorumque ostia subeunt; capiuntur autem inter reliquos hi: Lucius, haud rarò quinque vel etiam sex pedum longitudine, parca, tructa, murena fluvialis &c. & in universum hic piscium genera quatuordecim numerantur. Inveniuntur in hoc lacu lapides cristallini, plurimi avellanæ magnitudinis, quorum & unum habui, qui trientem Libræ Coloniensis pendebat.

Ab antiquo quodam rerum Norvegicarum scriptore literis consignatum est, in hoc eodem lacu immanem angvem quinquaginta cubitorum longitudine delitescere, qui tantum instantibus magnarum rerum vicissitudinibus in lucem prodeat, de quo incolæ plane ignari sunt: quoties tamen eum transeunt, quodam superstitione tacti, nunquam proprio nomine Mios, sed *Gjorden* (sinum) appellant. Est autem navigantibus infidus & periculosus, multosque mortalium absorbet, ipsoque oceano aspectu terribilior, turbineque nocentissimo, & ibidem frequentissimo, perquam timendus; stagna enim & lacus ventis vehementioribus agitata oceano citius moventur, immanesque fluctus cient.

CAP. VII.

DE HEIDMARKIA, SOLEYIS, ET
EYSTRIDALIS.

Rtum verius à jam dicto lacu Mios, inter Eids-
voldam & Gudbrandzdalos, quatuordecim milliarium
occupans spatium, sita est Heidmarkia, ditio glebæ
fertilissimæ, unde tempore autumnali armentorum
& pecudum, hyberno autem frumenti, farinæ & by-
næ ingens copia Osloam deferitur.

De oppido Hamare, Hamarensive diæcesi.

Traditur omnium totius Norvegiæ oppidorum vetustissimum esse
Hamar, tantæque olim fuisse magnitudinis, ut mille & sexcentos ci-
ves contineret. Fuerat hîc olim sedes Episcopalis, exedra & Basili-
ca tribus turribus insignis, Sanctæ Trinitatis Templum appellata, quæ integra
perstitit, donec tandem anno Chr. MDLXVII. à Svecis incendiò est deleta,
ad quod usque tempus Canonici Heidmarkenses suos hic agere conventus,
& concilia celebrare consueverant. Hæc diæcesis Osloëni primum est ad-
jecta, regnante Christiano Tertio Daniæ Rege, ex quo tempore Hamar
quotidie decrevit, Osloa itidem emergente, & ad summam magnificentiam
crescente, superioribus quippe seculis omnia oppida in Episcoporum & Ca-
nonicorum sedes electa, eorum tunc temporis summis divitiis & haud ex-
iguâ potentia aucta, ornata & conservata, cæteris præstabant, quæ jam hoc
in Regno neglecta & ævò caduca, nihil præter ruinas ostendunt, exceptis
aliquot maritimis, mercimoniòrum usu & exercitio antiquam formâ tuentibus.

Hi sequentes Episcopi Hamarensi præfuere diæcesi.

- 1 Arnoldus.
- 2 Ormus.
- 3 Ragnar.
- 4 Thorer.
- 5 Ivar.
- 6 Hallvardus.
- 7 Paulus.
- 8 Petrus.
- 9 Gilbertus.
- 10 Thorfinnus.
- 11 Jorundus.
- 12 Thorsteinus.
- 13 Ingialdus.

- 14 Botolfus.
- 15 Hallvardus.
- 16 Magnus.
- 17 Sigvardus anno Christi
MCCCLXXXIII.
- 18 Arnbiornus.
- 19 Petrus.
- 20 Gunnarus.
- 21 Carolus.
- 22 Hermundus.
- 23 Carolus Jamptus.
- 24 Magnus anno Christi MD-
LXIII.

Primus hic Præsul Arnoldus, Grænlandiæ antea Episcopus, huc ac-
cesserat, cum se in Grænlandiam reverfurum omninò negaret, à Cardina-
le Nicolao, anno Christi MCLII in Norvegiam veniente, Hamarensis E-
piscopus consecratus est, longè post alias diœceses hic constitutas.

De Soleyis & Eystridalis.

Habet ab occiduo latere Heidmarkia nomarchiam Soleyas, quæ recti-
us Solveid dicerentur, a Solvio scil: primò ejusdem districtus Regu-
lo, & etid / isthmò, duobus lacubus interjectò. Ei ad ortum æstivû
vallis,

vallis, nomine Eyftridalus, longo tractu Sveciæ terminos perstringens, proximè adjacet, a quibus etiam Dofrinæ alpes separat. Huc proficiscentibus ingentes saltus permetiendi sunt, cum hæ nomarchiæ in plurimas distinctæ partes, sparsim inter sylvas collocentur, ut ex eò patet, quòd tria, quæ unum sacerdotem agnoscunt, templa, viginti & quatuor milliarum longitudine distent. Per hanc vallem Eyftridalum ad Thrandiæ præfecturas, circuitis ab oriente Dofrinis Alpibus, vel etiam septentrionem versus ad Herdalos, iter facientibus datur accessus.

CAP. VIII.

DE GUDBRANDZDALIS ET DOFRA VILLA.



ptentrionem versus à sæpe dicto lacu Mios sita sunt Gudbrandzdali, a Gudbrando, primo hujus ditionis dynasta, hanc appellationem sortiti, cujus etiam nomen, ut plurimum, successores longo temporis decursu sibi usurpandum retinuerunt; quo etiam S. Olaf Norvegiæ Regis avus maternus (id quod ego Undalino vix credo) ut & ipsi consanguineus Dala Gudbrandus, hujus præfecturæ ultimus Regulus, qui Christianæ religionis juratus hostis, a Divo Olaf deficiens contra ipsum bellum moliebatur, insigniti sunt.

Extenduntur hi Gudbrandzdali, vel Gudbrandi valles, in septentrionem ad Dofrinæ usque alpes, ex quibus haud ignobilis ortus fluvius, Gudbrandzdalos permeando lacui Mios tandem sese infundit, qui locò quodam oportuno, inter cæteros sublicio ponte octodecim tignorum longitudine, totidemque suffulto lapideis columnis, junctus, haud rarò dissoluturum nivium aquis, in unum velut confluvium se colligentibus, in tam imensum augetur, ut eundem hunc pontem irresistibili vi & aquarum mole confractum & divulsam abripiat. Per illum pontem vir quidam equò vectus, cum fluminis urgente impetu collapsurum intelligeret, cursu quantum poterat citato, ripam assecutus est; tantà autem celeritate dirutus est pons ipse, ut cum respiceret, ne unus quidem tignus superesset, a ut ullum ejus vestigium appareret. Hoc amne incolæ sub montis radicibus habitantes, per collium anfractus in complusculas elices derivato, ventosà & siccà tempestate arefactos agros irrigant.

De Villa Dofra.

In supremo Gudbrandzdalensi tractu, sub monte editissimo, sita est villa templo insignis, Dofræ nomine insignita, a qua Dofræ mons sive Dofrinæ Alpes suam sortitæ sunt nomenclationem, (montè quidem à gigante Dofrio primum, villam a monte deinceps dictam, ego credere malo.) Hinc per clivum cacumen versus ad montis supercilium 1 Mil.
Hinc ad primam hoc in monte domunculam, viatorum usibus destinatam, Fogstovamque dictam 2 Mil.
Hinc ad villam Hiartkind in ejusdem montis tractu 3 Mil.
Hinc ad aliud viatorum divortium Drifestovam, a fluvio haud exiguo Drisà, illud prætermear, nomen adeptum 3 Mil.
Hinc in vallem Drisà, updalum septentrionali montis lateri subjectam 3 Mil.
Recta

Recta in septentrionem toto hoc itinere directo.

ELesja paræcia, supremo Gudbrandzdalorum tractu in Occidentem, per immane montis jugum, inde meridiem spectans montis Dofrini latus permetientes, in Raumsdalum, ad nundinas ibidem institutas, quotannis proficiuntur incolæ, ubi aellum exenteratum & ficcatum, aliaque vitæ necessaria, quæ omnia caballis domum vehunt, mercantur. Unde sapius id genus merces minori illic pretio, quam maritimis in locis, veneunt.

Gudbrandzdalos ab occidente immensæ altitudinis montium juga claudunt, ab oriente verò vastissimæ ab Eystridalis sylvæ separant: extra earum fauces ad occidentum lacus Mios latus, tractus, olim Grænlandia dictus, jacet. Hic Haraldus S. Olafi parens educatus, cognomen Grænski ab hac præfecturâ contraxit, cui olim universa Thelemarkia, ut supra habetur, subjecta erat. Huic satis dives & spatiosa paræcia, antiquo nomine Thotnia, lacum quoque Mios ab oriente habens, contermina est. Hinc libonotum versus Hadalandia jacet, separata a Thotnia per sylvam quinque milliarium longitudinis (per quam, necessitate ita postulante, Sverrer, Rex Norvegiæ sua duci navigia curaverat, unde Ristocque / sive carinæ via acceptum nomen in hunc usque diem servat) quâ demum transcens in Hadalandiam ventum est. Inter reliquas paræcias Hadalandia unam habet celeberrimam, Gran eam incolæ appellant, ubi duo è vivo saxo magnifice in uno eodemque sepulcreto, à duobus, ut fertur, sororibus exstructa conspiciuntur templa, adhuc ab omni vetustatis injuria intacta, sacris peragendis rebus utrumque dicatum. Habet hæc præfectura, ab illo, quod Africo opponitur, latere, Hringarikiam, à Hringo ejusdem primo dynasta sic vocatam, & longò post tempore à Sigurdo Syre, S. Olafi vitrico, Reguli jure administratam, quam, ut & Hadalandiam ab occidente alluit ingens lacus, nomine Rønd / in quo Rex Halfdanus Niger Haraldī Pulchriconi pater suffocatus periit (ut in Chronico Norvegico habetur.)

A Hringarikia Libonotum versus, ubi Rønd ingentem fluvium effundit, sita est paræcia, quæ Mødum nuncupatur, cui ab occidente confines ditiones Nomedalus & Sigdalus, haud exiguo amne ex Haddingiadalo profuente, & postea Hringarikensi fluvio apud paræciam Mødum sese jungentes perstringuntur. Deinde paræciam Eger nominatam, quam ditissimi cultissimique totius Norvegiæ in habitant coloni. Permeat in sinum Dramen vulgò dictum, ubi unus è tribus hujus Regni portubus, navium malis, asseribus & tignis immensaque lignorum copia celeberrimis, exoneratur. Est & hic sinus, Koppervika nomine, portu lignorumque mercatu satis notus, sedesque nomarcharum, Braganesia dicta, quæ circumjecto districtui nomen, quo Braganesten appellatur, indidit, paræcia vero hæc Egen dicitur. Alter, quoque præter modò dictum fluvium, in hunc Dramensem sinum ex orientali properans regione profluit amnis, qui innumeras molas ferrarum, tam eminus quam cominus à litore, agit. Ad quartum ab Osloa Libonotum versus milliare hic Dramensis sinus dimidiū milliaris longitudine in continentem irrumpens ad Braganesiam versus japygem protenditur.

Occidentem versus à Naumudalo & Sigdalo, modò commemoratis ditionibus, Vallis Haddingiadalus (jam Hallingdal perperam dictus) inter aspera montium juga situs est, duas continens paræcias, diæcesi Ståfångrensi subjectas, à quo Valdensia in septentrionem jacens, eidemque diæcesi adscripta, magnis montibus separatur, in tres paræcias distributa, quarum præcipua vulgato nomine Slidre vel Eltri / ubi antiquis temporibus præpo-

præpositura parum à forma Capituli distans, id quod templi magnifici eximia structura, insignes campanæ, aliæque satis magnifica ornamenta hodieque monstrant, cui undecim paræciæ antiquitus subijciebantur.

Profuit ex hoc Valdresiae tractu ingens fluvius, qui in libonotum iter urgens à fluvio Haddingiadalensi intercipitur. Hæ omnes jam commemoratæ mediterraneæ & montanæ nomarchiæ, prisicis seculis Uplandorum nomine, quod etiamnum tuentur vulgò, venere: sunt autem frugum fertilissimæ, armentorum & pecudum, cum reliquis, quæ talia comitantur, bonis, numerosam producentes multitudinem. Paræciæ quoque Eger & Eyer præter cætera commoda, magna salmonum copiâ gaudent.

Cæterum hac invicem distantia supra dictæ sitæ sunt præfecturæ:

Ab Osloa in septentrionem per sylvam Gielleraasensén ad Raumarkiam	3 Mil.
Hinc ad Eidsvoldam, sedem sacerdotalem, æquilonem versus	5 Mil.
Hic Heidmarchia lacusque Mios incipientes in septentrionem ad Gudbrandzdalos usque extenduntur per spatium.	14 Mil.
A Mios autem ad alpes Dofrinas	9 Mil.
Tractushuic lacui aboccidente adjacens editos & asperos habet montes	
Ab Eidsvolda in Thotniam	8 Mil.
Hinc africanum versus ad Hadalandiam	5 Mil.
A cujus paræcia Gran ad Hringarikiam	3 Mil.
Hinc ad paræciam Modum	2 Mil.
Hæc vero paræcia longitudine complectit	3 Mil.
Hinc verò ad paræciam Eger	2 Mil.
Hinc ad Eyer Dramensi sinui adjacentem	2 Mil.
Omnes hæ ditiones libonotum versus protenduntur.	
Sed ab Osloa ad Eyer/ etiam Libonotum versus	4 Mil.

CAP. IX.

DE VESTFOLDIA, IN TRES HODIE PRÆ-
FECTURAS, TUNSBERGENSEM, BRUNLAVENSEM
ET SKIESYSENSEM, QUÆ ET BRATZBIERGENSIS
DICITUR, DIVISA.



Niverfus ille tractus, qui finis Osløensis occiduus latus ad Agdensen usque præfecturam obtinet, Vestfoldia olim dictus, in tres jam partes vel præfecturas, puta Tunsbergensem, Brunlavensem & Skiesysensem, sive Bratzbiergensem, cui Thelamarkia adjecta est, dividitur.

De oppido Tunsberga & Tunsbergenfi præfecturâ.

Ditio hæc Tunsbergensis à Dramensi sinu meridiem versus, per maritimam finis oram, ad ultimas hujus loci insulas, oceano oppositas, extensa, nomen habet à Tunsberga oppido, ad nonum ab Osloa milliare in continentis ad eundem sinum litore exstructo; quod totius Norvegiæ vetustissimum (haud faciliè cum Undalino dixerim) emporium, ante Haraldî Pulchricomi, Norvegiæ Regis, tempora existens, sub ejusdem successo-

cessoribus ad ingentem magnitudinem opesque pervenit, eodemque in statu permansit; donec tandem S.Olafus Sarpsburgum, ejusque frater Rex Haraldus Strenuus seu Imperiosus Osloam ædificari, & Rex Sigurdus Hierosolymipeta, longo post tempore, Kongahellam ornari & amplificari curaverunt; quod prioris urbis nomini haud parum officisse & certe non minima, inter graviora ab isto tempore hoc in regno, accidentia, quæ tam illud, quàm cætera hic oppida destruxerunt, & oppressa à pristino splendore & magnificentia longe removerunt, ejus interitus causa fuisse videtur. Huic oppido arx munita quondam in rupe satis altâ & præruptâ, quæ duos tantum, à meridie nempe & septentrione, habet accessus, collocata, ab æquilonè imminet, licet urbis olim ædificia a septentrione eam ambirent, Tunsbergæ / o: oppidi rupis vel petra, appellabatur; lingvâ etenim antiqva Tun oppidum, vel civitatem, ut etiamnum Anglicâ & Scoticâ, denotat. Hæc arx (ab Alberto Krantzio Kongsberg perperam vocata) bello gliscente intestino, cum Rex Christianus Johannis filius civibus infestus huc accessisset, diruta est & desolata, anno Christi MDXXXII.

Duorum a Tunsberga milliarum longitudine in austrum, ubi sinus Osloensis excavato litori primum sese infundit, ut supra dictum est, duæ insulæ, Notterø & Tiøne unam paræciam constituentes, sitæ sunt, longo angustoque invicem diremptæ freto, quod Grimsholmsfunda incolis vocatur. Verum insula Jarlsøya à Tunsberga euronotum versus, dimidii milliaris spatio, in eodem hoc sinu conspicitur. Quarta milliaris parte occidentem versus ab hoc oppido, villa, nomine vulgato Sæm / rectè & antiquo vocabulo Sæheimur dicta, jam nomarcharum, olim Vestfoldiæ Regulorum, ante arcem Tunsbergensem exstructam, sedes, sita est. Hic Regulus Biornus, Nauta sive Mercator cognomento, Haraldî Pulchricomî filius, & S. Olafî proavus, tumulto Sarmans hauge / o: nautæ tumula (cui & adjacet ager Sarmans asur / o: nautæ ager, in hunc diem nominatus) congesto tegitur; de cujus cæde historia Eirici Blodoxii Norvegiæ Regis consulatur.

De Brunlaveni præfecturâ.

A Tunsberga occidentem versus procedendo, ad Brunlavensem pervenitur præfecturam, ubi præfecti sedes prædium, nomine Brunlaug, in promontorio, longo tractu in oceanum procurrente, Brunlavnesia dicto, exædificatum visitur. Habet ab oriente hoc promontorium sinum Laffervikam, vulgo Garvîq / portu tutissimo, asserum, scandalarum, & talis materiæ mercaturâ celebrem; qui, ut & cætera hic loca, a fluvio Rausven nomen sortitur, qui è mediterraneo tractu Sandeværð / occidentem versus a paræcia Eger sito, ortus, per vallem Laufverdalum, sex miliaribus libonotum versus à sinu Dramensi distantem, labens, in hunc Laufvervigensem infunditur sinum, cui nobile prædium Fredstoc adjacet. Ad occidentem hujus promontorii Brunlaufnesiæ latus irrumpit sinus Skielfjordensis. Inter Brunlaufnesiam & insulam Jomfrulandiam sinus extremis faucibus duorum milliarium latitudinem habet, à quibus introrsum, unius circiter milliaris spatîo, portus est omnium notissimus Langsfunda, ubi quotannis tanta malorum navalium, asserum, infinitorumque in varios usus deputatorum lignorum, quæ a Skiena atque mediterraneis locis huc deferuntur, copia exteris dividitur mercatoribus, ut centum aliquot navigia his onusta hinc recedant.

De

De Skienensi vel Bradtzbiergenſi præfectura, & primùm de oppido Skinæ five Skienæ.

Sesquimilliaris longitudine à portu Langſunda, & ab extremâ ejusdem ſinus oceano obverſâ orâ ad tertium milliare, per locum, qvî Porsgrunda vocatur, Skienæ fluvius in mare deſertur, in cujus, ortum ſpectante, ripâ, ab ipſo oſtio dimidii milliæ diſtantiâ oppidum Skinæ ſitum eſt, à qvò hæc præfectura Skienenſis dicitur. Ille amnis in Thelamarkia fontes aperiens, longis terrarum præteritis ſpatiis, hîc ex prærupta rupe, per quam paſſim perforatam & incifam, tanquam in longiores canales deducta aqua, ad agendas molas ferrarum, ad hoc oppidum complures exſtructas, labitur. Parvum illud eſt oppidum, ſplendida tamen ædificia, & opibus potentes habet cives: qvía autem templum in petroſo & humanis demortuis prorfus incommodo loco exſtat, ſepulcretum extra oppidi pomeria conſtitutum eſt. Hinc verſus meridiem ſacrarum qvondam virginum, ſatis opulenti, cænobii viſuntur rudera, verum ab oriente uſtrinæ ſunt, ubi magnò labore & mirò artiſciò, aqua præterlabens ferri fabrorum vices ſuſtinendo, eorum agit instrumenta. Propius oppidum ortum verſus Regiæ ædes & villa rupi inædificata, nomine Bradtzbierg cernitur, à qvâ etiam circumjecta ditio Bratzbergenſis adepta eſt denominationem. Hinc etiam in ortum duorum milliæ intervallo abeſt vallis Laufverdalus, per quam Lauſven amnis in ſinum Laufvervikenſem deſertur, ut modo dictum eſt. Qvarta milliæ parte euronotum verſus à Skinæ, templum, qvòd *Gierpenſkirke* vocant, conſpicitur, cui ſubjecta parœcia ſacerdoti, præter decimas aliosqve redditus, octodecim bovinorum coriorum decades quotannis olim perſolvebat, qvæ omni penſione judicibus aliisve laicis conceſſâ, ſacerdotes decimis & redditibus aliis incertis contenti eſſe jubentur. Ad occiduum hujus Skienenſis ſinûs litus parœcia, vulgato nomine *Sauble* in complures inſulas diſperſa, & aliqua ex parte in continenti ſita eſt. Extrema, propè idem litus, inſula Jomfrulandia, & villa Regiæ nobilis jacet, ubi, ut & in minoribus circumjectis inſulis, villicus, piſcationem, phocarumqve & lutrarum capturam, non abſque ingenti lucro exercet, atqve in mari pereuntium mercatorum opes, diſſolutarumqve navium partes, huc non raro, oceano ventis agitato, ejeclas ad litus, in tuta loca transferre tenetur, certamqve earum portionem adipiſcitur. Ad hæc fertiliffimis agris, & lætiſſimis pratis gaudet, adeo ut hæc omnium Norvegicarum pari magnitudine inſularum præcipua credatur; eſt autem plana & humilis, ſesquimilliaris tantum ambitu: qvæ Norvegici nautæ navigando appropinquantes, qvadam ſuperſtitione capti, non proprio nomine Jomfrulandiam, ſed Terram Bonam, donec eam ſunt præterveſti, nuncupant, eundemqve circa plura hujus regni loca morem ſervant.

Nullos hæc inſula ſerpentes aut venenata animalcula, glires aut mures habet, nec huc transportata diu vivunt; qvòd etiam in multis Norvegiæ partibus, inſitâ naturâ hiſce animalculis lethaliſ & peſtiferis, obſervatum eſt: in univerſo qvippe Nordlandiæ tractu, in ſeptentrionem à Thrandia extenſo, totaqve Islandia aliisqve occidentem verſus jacentibus inſulis, nec ullus qvidem ſerpens, aut venenofum animal reperitur, majorqve Norvegiæ promonteriorum, eiqve adjectarum inſularum pars, glirem haud diu vivere patitur; cujus cauſa an humus, gramina, herbæ, æer, vel alia qvædam haberi debeant, aliò diſſerendum loco reſervabitur.

De Thelamarkia.

Skienensis & Bratzbiergenſis præfecturæ haud exigua pars eſt Thelamarkia, duobus ab oppido Skiena diſtans milliariis, vaſtq̃ve octodecim milliarium longitudinis tractu in japygem extenditur, populoſa regio, in ſeptem paræcias diſtributa, habetq̃ve ad decimum ſextum à Skiena milliæ, duos editos mōtes, unde exciſæ cotes, tempore hyberno per congelata flumina & ſtagna plauſtris Skienam vehuntur, quibus liburna, quæ materiâ onuſta in Hiſpaniam mercandi gratia mittunt, ſaburræ loco onerantur, magno ibi pretio poſtea vendendis. In ſupremâ hujus ditionis parte mons altiffimus, & cæteris fere omnibus editor, exſurgit, nomine Guſte / â quo non adeo procul alter, quem Tind vocant, immenſâ fere altitudine, cui hic nullus ſane comparandus venit, in cœlum eminet; ſuperioribus ſeculis in hoc tractu uſtrinæ, ferro, quod hic ex terra effodiebatur, expurgando & exercendo aptæ, fuerunt, longo jam tempore neglectæ (nunc vero iterum magno lucro reſtitutæ) cum incolæ hac tempeſtate, lætis pascuis, fertilibus agris, venatione & pecunia ex materia hic ſucciſa, quæ per ingentes & aliquot milliarium longitudinis lacus Skienam deſertur, pice liquida, aliisq̃ve ejusmodi mercibus, redacta, vitam ſuſtentent. Capiuntur hic alces, rangiferi, lynces, martes, lupi, urſi, vulpeculæ, hyenæ, lutræ, caſtores, ſciuri, muſtelæ alpinæ &c. cum varii generis avium multitudine, plurimiq̃ve inveniuntur lacus, ingenti piſcium, & præſertim truttarum, copiâ reſerti. Quæ etiam bona, ut ante diximus, aliæ hujus Regni nomarchiæ, verum nulla tantâ eorum abundantia gaudet, quantâ hæc Thelamarkia. Hic præterea ſpacioſus diſtriçtus, qui undiq̃ve altiffimis, niſi ab eo tantum latere, quod ad maritimam oram oppidumq̃ve Skienam vergit, circumdatur montibus, numeroſos divitesq̃ve habet ruſticos, argenteæ ſuppelleſtilis atq̃ve nummorum copiam, ad centum aliquot Joachimicorum valorem exſurgentem, poſſidentes, quibus divitiis pares in reliquis hujusce Regni præfecturis haud facile repperies. Sunt autem mali, impii, duri, feri, & ſeditioſi ultra omnes terræ hujus incolæ; nam & antiquitus in deliciis habebant, Episcopos, paſtores, præfectos regios & eorum vicarios occidere, id quod vel inde manifeſtum eſt, quod in una quâdam ejusdem præfecturæ paræcia ſeptem paſtores caſi ſunt, alibi duo, alibi plures. Unum ibidem natum novi, cujus pater tres ſacerdotes occiderat; hic etiam cum mero incaluit a Deo petebat, ne ſibi mors prius obveniret, quàm & ipſe totidem paſtores occidiſſet. Poſſent etiam plures divitias coacervare, niſi ipſi felicitatem ſuam immodicâ potione, conviviis & (quæ hæc ſeq̃vuntur) irrogatis ob cædes, conflictus, ſupra & gravia alia delicta, ingentibus multis, ipſi corrumpere. Tantum de Osloenſi & Hamarenſi diœceſibus breviter commemorare ſatis erit. Ad reliq̃vas Regni partes perluſtrandas ſeſtinabimus.

CAP. X.

DE DIÆCESI STAFANGRENSI.



Sloenſi itaq̃ve & Hamarenſi diœceſibus perluſtratis, progrediendo paululum, Stafangrenſis, quantum fieri poteſt, diligentia, inſpicienda oculis obicitur; quæ has præfecturas continet; Agdam, Rogalandiam, Valdrefiam & Haddingjadalum.

De

De Agda.

Agda, vel Agdasida, haud exiguus tractus, in tres jam discernitur praefecturas, puta Nidnesensem, Mandalensem, & Listensem, a maritimi lateris situ, quod longis extensum spatiis oceanus diverberat, antequam temporibus Nader dictus, verum Agdasida inde nuncupatus est, quod cum e septentrionali regione huc accedat, litus in evronotum reflecti, & cum ex orientali venias, in japygem, & postea septentrionem circumactum retorqueri cernas. Suum olim Regulum hæc quoque ditio habuit. Dividitur etiamnum in duas tantum partes, Austuragdam nempe, promontorio Geirnesia alteroque Otternesia dicto interjectam, & Vestur-Agdam, hinc ad amnem Syram sese extendentem.

De Nidnesensi praefectura.

Hic districtus inter ceteros Agdenses vastissimus, nomen habet a villa quadam, sede jam praefectorum, quæ a præterlabente amne Nid Nidnesia dicitur. Idem omnem a promontorio Geirnesia tractum, duodecim milliarium longitudine, ad fretum Rannöfundam; a litore vero versus montana & mediterranea loca, ad vigesimum quartum milliaria extensum, complexus, in triginta unam paracias, inter novem distributas sacerdotes, dividitur; quarum hæ sunt præcipuæ.

Geirstadus, prædium templo sedeqve sacerdotali, cum circumjecta paraciâ, notissimum, duobus milliaribus a promontorio Geirnesia occidentem versus situm est. Hoc priscis temporibus Rex Olafus, ab eodem Geirstada-Alfus dictus, sibi in sedem elegerat: cujus ob faustum & pacificum, omni affluente felicitate, regimen, memoria inter Norvegos longo tempore viguit, ejusdemque nomine Olafus Norvegiæ Rex, longâ post annorum serie, insignitus est.

A Geirstado quinque milliarium intervallo versus occasum Holta vel Holtensis paraciâ abest; a cujus litore, unius tantum milliariis distantia, insula Trumne/ unius etiam milliariis longitudine, conspicitur. Continet hæc paraciâ, templumque habet ex vivo saxo magnificè exstructum, quod altitudine sua nautis in alto navigantibus Norvegiæ indicat oras. In hocce quoque tractu ad sextum a litore milliare, tribus asperis & eminentissimis cacuminibus extolluntur montes, quos Trumlingær vocant, navigantibus cum Norvegiam primum prospexerint, hunc Nidnesensem tractum prodentes.

Quatuor ab Holta milliaribus, templum Ovestadense, cum sua paraciâ, distitum, milliariis tantum spatio a litore distat. Hanc sacerdotalem sedem Ovestadum, antedictus fluvius Nid ab occidente arcto alveo inter duas præruptas rupes, ubi horrendam efficit cataram, præterlabitur; ubi ponte e validis longisque tignis malisque facto junctus, quem Strugebræ vocant; qui licet rupibus, quibus amnis coarctatur; ab utroque latere junctus, viginti cubitis, flumine, præsertim aridâ & siccâ tempestate cum parcius fluit, altior sit, nihilominus largo imbre & disolutarum nivium aquarum, supra ripas crescentium, violento impetu, cum transeuntibus hominibus equisque, prævisam mortem præcurrere non valentibus, aliquoties dejectus est. Hic etiam amnis salmonum piscatu nobilis, in portum Arndalum, uno milliari ortum versus ab Ovestado distantem, delabitur. Ab Ovestado milliariis tantum spatio libonotum versus paraciâ Hommedalensis sita est, dimidio milliari a litore distans, habetque præ-

dia nobilia, Landvikum milliaris intervallo ab insula Hamborgeya vulgo dicta sitam, & Norholmum, hinc pari distantia jacentem. Abest ab hac Hommedalensi duorum milliarum longitudine in libonotum Molandensis paræcia.

Univèrsus tractus has quinque paræcias omnes maritimas & oceano obverfas continens, planus & magna ex parte glebâ limosa, largam frugum subministrat copiam, nisi fortè tempore verno nimîâ siccitate arefacta & humore destituta sterilis reddatur. Quercetâ etiam, omnium hac in regione longè optima, cum illis conjunctis commodis habet, pro hujus certe regionis conditione tam maris, quam lacuum & fluminum sæcunditate, salmonum & scombrorum abundante copiâ felix. Duæ etiam hîc sunt sylvæ fagæ, licet non adeò magnæ, cujus generis arbor hinc ad occidentem, vel septentrionem, in Norvegia nunquam invenitur, ad ortum verò passim ejus magna reperitur copia. Habet quoque hic districtus ad oram maritimam splendida è saxo exædificata templa, pulchraque ædificia, & incolas bono proboque præditos ingenio.

De tractu Robygdensi.

Japygem versus, quinque milliarum a promontorio Geirnesia distantia, sedes Sacerdotalis, templo conspicua, quam Omblsi vocant, sita est, à qua versus occidentem semimilliaris spatio, magnus ille fluvius Nid è remotis locis properans in mare exoneratur. Hinc ad sextum milliare in libonotum ad ingentem amnem, Otteraen vocatam, Esensis sita est paræcia. Byglandia sedes sacerdotalis cum suo templo in septentrionem ab Esviâ tribus milliaribus distans, ad insignem, quæm fluvius Otteraen ibidem efficit, lacum visitur; ubi ex uno loco sedecim vel octodecim villæ eidem lacui circumjectæ prospiciuntur. Hujus paræciæ Orientale latus, mons, Rytlesfjeld dictus, à Thelamarkia dirimit. Settersdalensis paræcia sacerdotalis sedes, nomine Balde/ septem ab hac abest milliaribus ad fluvium etiam Otteraen sita. Habent hæ paræciæ Byglandensis & Settersdalensis à septentrione & occidente asperos & incultos montes, sex, septem, vel octo, vel etiam quibusdam in locis duodecim milliarum longitudinem transversis adæquantes jugis. Quatuor hæ paræciæ longiusculè à mari distant inter mediterraneas numerantur, Raabgadelag incolis dictæ, magnam frugum copiam proferentes, licet tamen quandoque frigoris immodicâ vehementiâ rigentes, verno tempore agri omni fermè frugum proventu incolas frustrentur. Hîc etiam multum venationibus student, capiuntque alces, rangiferos, cervos, varique generis aves sylvestres, quibus vescuntur, & vitam sustentant, pecudum & armentorum numerosos alentes greges; unde illis carnes, coria, pelles, butyrum & sebum copiosè proveniunt: venantur & ursos, lupos, lynces, martes, vulpès, hyænas, lutras, castores, sciuros, & mustelas albas, quarum pelles in locis maritimis, non absque lucro, dividentur, multum etiam picis liquida in his præparatur locis. Incolæ res ad usum vitæ necessarias, quibus domi destituantur, in maritimis oris cœmunt. Sunt & ibidem lacus & flumina trutiarum & percarum abundantia sæcundissima.

CAP. XI.

DE MANDALENSI PRÆFECTURA.



Hic tractus à Mandalo, præcipuâ hic paræciâ, nomen trahens, Midssæl etiam, quod media inter duas Agdenfles jaceat præfecturas, appellatur. Angustis contenta terminis, incolas nihilominus divites probosque habet, inter reliquas Agden-

Agdenses nomarchias facilè primas obtinens, in duodecim paræciales dividitur; quarum hæ præcipuæ reliquis anteponuntur: Topdals fedes Sacerdotalis, templo ornata magnifico, a Molandia, paulò ante commemoratâ, tribus abest milliaribus libonotum versùs. Hanc vallem Topdalum ingens permeat fluvius, salmonum piscatu multum celebris, qui ibidem compluribus in locis capiuntur, copiosissimè tamen ubi *Büsistend* / sive *Bösistend* vocant, quæ hodie Regis est possessio, olim colonorum prædio, quod *Been* dicitur, adjecta. Sex ab hinc lustris hoc loco singulis annis tantum salmonum piscabantur incolæ, quantum quadraginta, quandoque etiam quadraginta octo, amphorarum, vel viginti, aut viginti quatuor, tonnarum dodecadibus implendis sufficeret, unde annuum tributum, duodecim saliti efocis amphorarum dodecades, ducentique ficcati salmones pendebantur. A templo Topdalensi milliari longitudine versùs libonotum templum Otternesenfè cum sede sacerdotali situm est, in planò & pulchro in mare protuberanti tractu, quem Otternesiam vocant, inter quatuor alia prædia, quæ ita appellantur, *Mochlesiuse*, *Ellesi*, *Ødda* & *Søidalen*. Hic tractus, utet fluvius ab occidente præterlabens Otteraa dictus, denominatur à monte mediterraneo, hinc decem vel undecim milliarium distante intervallò, reliquos montes hic magnitudine longe superante, gibbo cacumine, Otteraa sive Lutra dicto, eo quòd ejus animalis sese ad cursum accingentis speciem quadantenus referre videatur. Hoc ingentis altitudinis jugum, nautis huic appropinquantibus regioni, per millaria Agdensèm indicat tractum. Verum Otteraa seu Lutra Fluvius, omnium, quos Agda in mare emittit, longè maximus, triginta millaria longum iter ad litora conficiens, quatuor paræcias, Settersdalensem, Byglandensem, Efviensem, & Otterneiensem prætercurrit, salmonum, qui reliquos omnes in Agda captos magnitudine multum superant, copiam facundus. Verum ob nivorum aquarum, quarum magnam copiam ille vehit amnis, frigiditatem, ejus ostium non prius quavis æstate, quàm ultimis Julii mensis diebus salmones intrant, nec ultra unum milliare adverso permenfi sunt flumine, cum insuperabilis altitudinis per transversum alveum obijcitur rupes, à quâ è superioribus properans locus flumen delabitur, aspectu terribilem efficiens cataraactam, latòque & altò rapidè profluens alveò multos haud rarò hominum absorptos suffocat.

De portu castroque Fleckereyensi.

Fleckereya insula semimillari in circuitu ab Otternesenfi tractu antedicto distans, meridiem versùs in extremis sinu faucibus sita est; inter cujus occiduum latus continentemque jacet portus, Fleckereya etiam dictus, omnium australis Norvegiæ notissimus, singulisque per hunc occidentalem oceanum, tam ortum quam occidentem versùs, proficiscentibus usitatissimus, navigiisque ab omni cæli marisque injuriâ conservandis idoneus. Quadriginta circiter ab hinc annis, Gallis cum piraticâ classe, per occidentalem oceanum grassantibus, Norvegiæque occidentales præsertim oras, non absque incolarum damnò & detrimentò, deprædantibus, atque hunc portum præ cæteris ob ejusdem commoditates frequentantibus, (ex eadem quippe regione spirante vento ad aliud insulæ latus portum intrare, & aliò exire quivis facile potest) Christianus Tertius Daniæ Rex, laudatæ memoriæ, anno Christi MDLV. Magnum Gyldenstierna cum armatâ classe, cui illum præfecerat, ad Regnum defendendum misit. Cujus (postquam in hoc eodem portu Fleckereyensi classẽ continendo totam ferme

me astatem trivisset) Hafniam redeuntis, & classẽm reducentis, svasu, per Petrum Hvítfeldium anno Christi MDLVI. in parvò scopulò, in vicino mari sitò, è qvernìs lignis, magnà cum impensà & ingenti labore castrum construi curavit, sed frustra. Piratæ enim licet hoc portu arceantur, alios his in oris innumerabiles reperiunt. Christiani Munchii arcis Agerhusensis qvondam præfecti, Petri Hvítfeldii successoris, jussu, hoc idem castellum anno Christi MDLXIV. die decimo qvartò Octobris est destructum, materiesqve in alium translata locum (floret jam, cum hæc ex Undalino exseribo, idem castellum in vicina rupe exstructum, hostibus, ut videtur, propè inexpugnabile, maximiqve usus.)

De Sognedalo & Helgefunda.

Occidentem versus ab Otternesiâ duobus milliaribus, anteqvàm ad Mandalum perveniatur, Sognedalus vallis, qvatuor templa & totidem paraciàs continens, sita est; qvam haud exiguus annis permeat, extra cujus ostium, semimilliaris à continente, & à portu Flecker-eya duplo longiori, intervallo, inter oceano objectas insulas, portus est, Helgefunda dictus, ob commodam fidamqve navium stationem multum celebratus: habet ad australe litus duas, omnium, qvi in tota Norvegia visuntur, longè maximas, duodecim cubitorum altitudinis pharos faxeas, S: Olafi mandato, (ut vulgò fertur) constructas; nec procul ab illis pixidis nauticæ effigies durissimæ insculpta est rupi.

Mandalus, vallis inter cæteras nomine notissima, à Sognedalo duobus milliaribus in libonotum distans, qvinque paraciàs complectitur, qvas fluvius Mænaa vel Mæneraa/ qvi valli nomen dederat, percurrrens, è lacu qvodam non exiguo, nomine Øre/ plus milliaris longitudine, ad nolum in septentrionem milliare a mari sito oritur. Hic idem lacus multis magnisque annibus, per longa spatia ex ingentis incultiqve montis, ad Setterdalenis paraciæ occidentum latus sese extollentis, fontibus, exceptis, & nivofarum aquarum ingenti copiâ auctus, in tantum excrescit, ut inde dictus fluvius Mænaa maxima capiat incrementa, & qvandoqve æstivo tempore, ad S. Johannis usque diem dissolutarum nivium aquis valde abundet. (Duo maria, tractum Mandalensem constringentia, Marnadali, id est marium vallis, seu bimarìs vallis nomen ei indidisse, vetustas membranas secutus, auctor est Celeberrimus in Islandiâ qvondam Episcopus, Mag: Bryniolfus Svenonius, qvi tamen tractum illum nur qvam conspexit; qvod ego ex relatione consultissimi viri, Abfalonis Bejeris, judicis provincialis districtus qvondam Fridrichstadensis, qvi hoc mihi ex Episcopi ipsius ore exceptum retulit, iterum refero.) Hic annis reliquos omnes in Norvegia fluvios salmonum fecunditate, qvi cæteris etiam præstantiores habentur, longè superat; & licet hic a Maij mensis initio usque ad Junii finem, compluribus in locis, variis modis, pro piscatorum arte & solertiâ, capiantur, multi tamen in vastis gurgitibus sese abscondentes, eorum elabuntur manus, qvos ibidem sætus eniti, & suum propagare genus putant, eo qvod hic, non ut minoribus in fluviiis, salmonum abundantia piscando continuè exhauriatur. Civibus olim Landzcronensibus peculiari privilegio longò tempore concessum est, qvovis annò ad hunc tractum Mandalensem proficisci, ad salmones, ut & alias heic provenientes merces, coemendas, qvos conditos sale Lubeckam transportarunt, & huc rursus argentum, cuprum, pannum, linteum, calybem, ferrum stannum, frumentum, farinam, bynen, panem, lupulum, linum, cannabem, & cervisiam, variaqve vinorum

norum genera, cum aliis, incolis necessariis, mercibus, advexerunt diven-
deruntque. Hinc circa annum Christi MDLIII quâvis æstate ultra cen-
tum tonnarum, seu, quod idem est, ducentarum amphorarum dodecades,
salmonis saliti, utet ficcati, ad exterarum nationes transferebantur; Et nihi-
lominus incolæ magnam ejus abundantiam mariâ conditam sibi in vitæ
sustentandæ usum reservabant, & centuriæ interim aliquot hominum, to-
to æstivi temporis spatiò, recente tantum victitabant. Quam hoc in tra-
ctu ejusmodi piscis abundantiam, si pro justâ magnitudine describerem,
certè vix fidem apud lectorem inventurum spero; nam hac tempestate
vix, ac ne vix quidem, utpote omni piscium copiâ, non solum hoc in flu-
mine, sed in hisce ubique oris magis magisque decrescente, tertiam par-
tem suppeditat.

Quinque a litore milliariibus supra templum Mandalensè, hujus distri-
ctus primarium, quod *Stelland* vocant, templum conspicitur, ad jam di-
ctum amnem Mandalensem exædificatum; quî ibidem ponte, è longissi-
mis lignis, magnâ arte laboreque inter duas rupes, octodecim ab ipso flu-
mine, illas hic intersecante, cubitos altas, constructò jungitur, quem ta-
men pontem, imbrium nivosarumque aquarum augmento tumidus, haud
rarò attingit. Hinc semimilliaris in septentrionem longitudine, apud vil-
lam quandam, nomine *Josè/inauditò* miròque piscandi utuntur modo; in
immenso quippe gurgite, prope cataractam haud mediocrem, piscator ra-
tem in hos usus factam conscendit, & rupem domûs instar concavatam, quæ
ad gurgitem exsurgit, magnâ celeritate adverso flumine nitens, subit, illam
speluncam magnâ cum difficultate intrat, salmonesque ibidem commo-
q̃ rantes, quandoque decem, aliquando etiam viginti, præter propter, ex-
pulsos, collegis suis, secundo amne delatus, capiendos tradit. Qui verò
huic non asveti piscationi, rupem subeunt, sæpius semimortui re infecta
cum rate vi fluminis ejiciuntur: est enim hic piscandi actus valde peri-
culosus; uno namque ratis tigillo solutò, de illorum, qui ista vehuntur,
sive unus sit, sive plures, vitâ actum est, immani cataractâ eos rapiente
& absorbente. Hic olim tanta salmonum capiebatur abundantia, ut quot-
annis ejusdem piscis saliti duodecim tonnæ, id est viginti quatuor ampho-
ræ, decimarum locò persolverentur, cum hoc tempore ejus duodecimam
partem quandoque vix excedat.

Nomarchiâ Mandalensis, in freto Randeyasundâ incipiens, ad scopu-
lum *Raagen* maritimò tractu in quinque milliarium longitudinem exten-
ditur; omnibus etiam commodis, quæ in Nidnesensis præfecturæ descri-
ptione commemoravimus, præterea salmonum abundantia, *Topdalo*, *Tor-
vedalo*, *Sognedalo* & *Mandalo* pariter communi, quondam etiam superflua,
merito celebranda.

CAP. XII.

DE LISTENSI PRÆFECTURA.



Tom. I.

H

Bulle

Ertia atque ultima Agdæ præfectura Listensis
est, templa viginti unum cum suis paræciis, quæ a
quinque tantum sacerdotibus administrantur, habens,
quarum hæ sunt præcipuæ:

Undalus vallis quatuor ecclesiasticas paræcias, quæ
uni subsunt sacerdoti, continens, modicæ magnitudi-
nis fluviò intersecatur. Sedes hîc est Sacerdotalis

Basle dicta, à qua ad Octavam circiter milliaria partem stagnum, nomine Tarvauger/ milliaria longitudine, locum habet, immensâ & inscrutabili passim profunditate, in quo priscis temporibus unum Antistitem & sex sacerdotes periisse, vulgatâ relatione traditur.

Ab Undalô unius milliaria intervallô versus libonotum isthmus jacet, nomine Spangareid/ templô é vivo saxo pulcherrimè exstructô conspicuus. Nomen ab exinio quodam athleta Spang dicto, suô olim habitatore, postea inter ceteros heroas ibidem contumulatô, contraxit. Hunc eundem isthmum oceano sinuique Lenefiordo interjectum superioribus seculis perfodere, & navigantibus permeabilem reddere aggressi sunt accollæ, ibidem, si opus successisset, emporium fundaturi; verum rupibus & petris, quas terræ superficies contexerat, obstantibus, frustra ingentem hunc laborem, cujus in hodiernum usque diem supersunt haud exigua vestigia, subeuntes, ab inceptô destiterunt. Hic etiam Olafum Tryggvium, Norvegiæ quondam celeberrimum Regem, conventum celebrasse, ejusdemque athletas sagittando concertasse, ingentis molis erecta saxa indicio sunt; in quô certamine omnium fortissimum & sagittandi peritiâ ceteros longè antecellentem Einarem Thambaskelferem, intensô arcu, cui nomen Þomb/ octavam ferè milliaria partem (modò veteri famæ, & in facti perpetuam memoriam erectis saxis credendum sit, sagittâ permensum fuisse asserunt. Hinc promontorium, jam corruptè Lindisnesia, antiquitus Lidandisnesia à vergendo sic dictum, eo quòd regio hic in boream reflexa vergat, milliaria longitudine in libonotum procurrens, semimilliaria latitudine, asper, collibusque intumescens tractus, duodecim villas comprehendit, nullas arbores habens, quas hîc, ut & omnes sylvas in cæteris Norvegiæ oceano objectis locis impetuosi venti, falsique maris exhalantes vapores devastant & corrumpunt. Est & hoc promontorium omnibus nautis, occidentalem oceanum peragrantibus, notissimum, & certissimū Norvegiæ litoris indicium, à quo ad remotas regiones cursum dirigere & instituere probè norunt, omniumque Norvegiæ tractuum longissimè in meridiem protenditur. Litora hujus promontorii quæ austrum spectant mox in aqvilonem, quæ verò Zephyrum, in caurum, & deinde in septentrionem vergunt. Ab hoc promontorio quartâ milliaria parte occidentem versus portus est inter ceteros celeberrimus, nomine Seseel vel Sese / inter quem & Listensem paræciam complures, eæque sparsim, insulæ, ut & sinus & erumpentis maris impetu perforata litora, quibus Lingdalis, continentis tractus, confinis est, interjacent. A sinu Undalensi ad quintum versus aqvilonem milliare, sedes sacerdotalis, nomine Bielland/ cui quatuor subsunt paræciæ, sita est.

Liftria, à qua hæc nomarchia nomen obtinet, magna est paræcia, e saxo magnifice exstructum, omniumque hujus diæceseos, quæ in agris visuntur, amplissimum habens templum, maxima ex parte plana & campestris, magnam frugum copiam producit, maritimis commodis & piscium fecunditate haud infelix. Est & hic oceano oppositus tractus navigantibus valdè periculosus, ad quem, nocturno præsertim tempore, compulsi, haud rarò naufragium patiuntur, cum nullus hic reperiat portus, sed vicinum undequaque mare scopulis & brevibus sit refertissimum. Huc apulsa est magna pars classis Christiani Secundi Daniæ Regis, quâ é Batavia anno Christi MDXXX. in Norvegiam vectus est, quæque violentâ tempestate ingruente fracta, cum multis vectoribus periit. Horum calvarias compluribus annis vicinis litoribus mare infundebat. Habet hæc paræcia à septentrione

ptentrione lacum, nomine Framvorde/ passim immensæ omnino altitudi-
nis, cui imminens alta rupes sequentes runicas literas hoc ordine exhibet,

П Р І Л І К І Б Г Р А Д І К

nostras hanc indicantes

U K I A I I R I T_h I L T S I N

tam integras & perspicuas, ut nuperrimè inductas facillè quivis credat, cum
tamen aliquot seculorum decursu perduraverint : nec incisæ sunt rupi, sed
mirandò sanè opere lapillò delineatæ videntur.

Porro in tractu Lifensem glires licet invehantur, ultra decimum quartum tamen diem nullo modo vivere possunt, ut ut murium ibidem infinita sit multitudo.

De Qvinisdalo.

Ad occidentum Liffriæ latus, sinus, quem Qvinisfordum vocant, duorum milliarium longitudine, versus æquilonem litori infunditur, habens ab occidente insulam Hittereyam, unam paræciam complectentem. Ab intimo hujusce sinus recessu incipiens vallis longò tractu versus mediterranea procurrat loca, Qvinisdalus, ab ingenti, quem permeat, anne Qvinen dicto, vocata est. Hic idem fluvijs loco quodam perquam angusto altas rupes intersecans, in subiectum solum magnam efficit cataractam (Ææfos vocant:) mox velut siphone emissus, longiori a rupe interstitio profilit, ubi sub proruenae aquâ, pontone ad rupem applicato, salmones adverso flumine cataractam saliendo superare nitentes, & irritò conatu mox decedentes, piscator excipit, periculoso sanè piscandi modò. Hic, ut memoria proditum est, vir quidam fratris sui percussorem fugientem ad internecionem persecutus, cum in angustias redegressus, strenuo saltu, quæ sola elabendi via restabat, cataractæ angustias, duodecim cubitorum latitudinis, transcendenter persequi haud dubitavit; verum ulteriorem, ut destinaverat, ripam attingere minimè valens, sed in fluentem decedens, ab hoste vitæ periculò liberatus & in ripam extractus est: cui confestim hoc ingenti beneficio sibi reconciliato fratris cædem impunitam condonavit.

De monte Qvinisheiden dictô.

Inter duas modò commemoratas valles, Lingdalum nempe & Qvinisdalum, mons magnus, quem Qvinishejden vocant, extollitur, trium miliarium latitudine versus Lifriam protensus, omniumque in maritimas hæc oras ab immensis mediterraneæ regionis jugis procurantium longè maximus. Quæ jura variis in locis varias sortiuntur appellationes; vocantur enim supra Qvinisdalum inter Osferdum & Syrdalum Hectfield; inter Efienfem & Jadrenfem tractus Langfield: inter Biuglandjam & Stafangriam Byghfield; inter Settersdalum & Fiordenfem diftrictum Tøglefield; & paulo longius in boream extenfa Houflefield; atque inter Settersdalum & Haddingiadalum, & ad Valdrefæ denique occidentum latus Gilefield; duodecim vel ad minimum decem miliarium latitudine.

De fluvio Syra:

Dimidiō ab insula Hittereyā milliari, ingens fluvius, vulgatō nomine Syra, inter præruptas rupes horrendō adeoque rapidō in mare proruit cursu, ut ab ipsius ostio aliquot milliarium longitudine concitatum in oceano æstum nautæ deprehendant, ventōqve vchementiore ejusdem

ejusdem ostium ē contrario afflante, tantos vicinum mare fluctus ciet, ut scaphis & minoribus navigiis omnino insuperabile reddatur. Hunc amnem, contra quam reliquos, salmones nullo unquam tempore intrant, quod miraculi ferē loco ab incolis reputatur. Profluit autem inter asperas rupes ex lacu quodam nomine *Lundevand* milliaris longitudine, qui haud exiguum fluvium, quem *Syredalsaa* vocant, in monte paulo ante commemorato *Langesfeld* ortum, longoque postea tractu vallem *Syrdalum* permeantem admittit.

Ad quartum ab hujus lacus fontibus milliare, in aspero incultoque illo monte, superioribus seculis quinque villæ exstructæ fuerunt, quæ cum nec sacerdoti ob rerum domesticarum egestatem sustentando sufficerent, nec templum ob sylvarum & materiæ inopiam incolæ ædificare possent, speluncam elegerunt in montis cujusdam clivo, centum hominum capacē, in quâ congregati Deum orarent, & circa ejusdem ostium demortuos humarent, adque illam sibi in templum consecrandam, Episcopum duodecim vaccis conduxerunt; in cujus facti memoriam duodecim vaccarum spelunca in hodiernum usque diem appellatur. Verum insigni illa & satis notâ grassante peste, hæc suis incolis destitutæ & desertæ villæ postea incultæ semper jacuere; cum iste tractus nivibus, tam æstivò quam hybernò tempore, omnes hic valles & humiliora loca montiumque septentrionem spectantes clivos convestientibus, prorsus sit inhabitabilis. In memorato lacu *Lundevand* prout in *Heidmarchiæ* lacu *Mies* immanem angvēm marinum degere, patrumque memoriæ aliquoties in hominum prodisse conspectum, constanti relatione asserunt accolæ. Marinis angvibus huic primum pluissē facile crediderim, nubibus recentes tales fatus attrahentibus, & hosce in lacus unâ cum pluvia rursus dejicientibus.

Universi tractus a promontoriò *Geirnesia*, *Agdæ* termino, ad amnem usque *Syram*, per mare & terras milliarium numero dimensâ longitudine hæc est:

A promontorio <i>Geirnesia</i> ad insulam <i>Ryseyam</i> , quæ sinus, <i>Sandfiordus</i> dictus, in litus irrupit.	1 Mil.
Hinc in fretum <i>Fidiesfundam</i> .	1 Mil.
Hinc ad insulam <i>Askereyam</i> .	1 Mil.
Hinc ad <i>Lingeyam</i> .	1 Mil.
Hinc in fretum <i>Trumefundam</i> .	1 Mil.

Habet insula *Trumeya* in orientali litore portum, nomine *Trundling* quam fretum *Trumefundam* milliaris longitudine ad *Madneyam* usque insulam procurrens à continente dirimit. Hinc occidentem versus propè vallem, quam *Arndalum* vocant, Regio jussu *Petrus Hvitefeldius* nobile illud navigium, *Hannibal* appellatum, construi curaverat, Anno *Christi MDLXIV*, quod postea ad *Gothiæ* oram confractum periit.

A <i>Mardneya</i> ad promontorium <i>Hestnesiam</i>	1 Mil.
Hinc ad <i>Holmen</i> græa	1 Mil.

Quæ insula occidentem versus à scopulo nomine *Hermanzhofus* ad *Vikæ* latius sito, conspicitur, de quibus hic circumfertur rhythmus.

Hermanzhofvet oc holmen græa

Siger mangel af som aldris saa

De *Hermanzhofvet* & *holmen* græa multi narrant qui nunquam viderunt.

A promontorio <i>Hestnesia</i> in fretum <i>Hamborgarsfundam</i> .	1 Mil.
--	--------

Hinc ad insulam <i>Jostereyam</i> .	1 Mil.
-------------------------------------	--------

Hinc ad <i>Klofholmam</i> .	1 Mil.
-----------------------------	--------

Hinc

Hinc in fretum Ulfafundam - - - ½ Mil.
 Hinc in fretum Randeyafundam - - - ½ Mil.

Prope quam portus Ripervicha jacet.

Hinc ad occidentale sinus Flechereyensis ostium - - - ½ Mil.

Ubi vastus sinus ad Topdalem usque vallem, & tractum Otternefensem continenti regioni infunditur.

A Fleckereya in fretum Helgesfundam - - - 1 Mil.

Hinc ad promontorium Taanesiam - - - 1 Mil.

Inter quæ sinum Trysfiordum dictum litora admittunt, in quo insignis illa navis trium annorum spatio, anno nempe MDLXX, LXXI, LXXXII Sanctus Olafus dicta, cujus carina septuaginta cubitorum fuit, constructa est. Ibidem, procurante Petro Hvitefeldio, ingens navigium anno Christi MDLIV edificatum fuit.

Ad occiduam Taanesiæ latus, sinus Harkmarkisfiordus dictus, cum portu celebri, satis notus in terram irrumpit longitudine - - - ½ Mil.

A promontorio Taanesia in fretum Skierensfundam - - - 1 Mil.

Quod ab occidente duos, nomine notissimos, scopulos Røo & Kalf: vaccam & vitulum, ad portum Klofven eminentes, propinquos habet. Paulo autem longius in occidentem provecto, sinus aperitur Mandalensis, ingentem armenem per Mandalum vallem profluentem excipiens, ad cujus ripam templum saxo structum, quod Hallsaa Kirke appellant, visitur.

A freto Skierensfunda in sinum Undalensem - - - 1½ Mil.

Hinc ad promontorium Lindisnesiam - - - 1 Mil.

Hinc ad portum quendam in ortum spectantem in Listensi districtu situm, satisque tutum, nomine Elgvaag - - - 1½ Mil.

Hinc præteritâ Liffria ad Versteem - - - 1 Mil.

Hinc ad insulam Hittereyam - - - 1 Mil.

Hinc ad amnem Syram - - - ½ Mil.

Hujus autem Agdensis regionis litoralis tractus à promontorio Giernesia in fretum Ulfafundam, libonotum versus, & deinde ad promontorium Lindisnesiam inter libonotum & Zephyrum procurrit, Listensi tandem omnique reliquo ad fluvium usque Syram litore rectâ fere in japygem vergente. Innumeri sinus, freta, portus, magnæ parvæque insulæ in his oris reperiuntur.

Verum à Tunsberga, ad insulam Mardneyam - - - 12 Mil.

Hinc ad promontorium Lindisnesiam - - - 12 Mil.

Uno quolibet hoc milliari quintâ parte Danico longiore.

Maritimos jam Agdæ tractus recensuimus: milliarium per continentem numerus restat.

A promontorio Geirnesia caurum versus ad Geirstadum sedem sacerdotalem - - - 1 Mil.

Hinc ad Holtam sacerdotale prædium - - - 5 Mil.

Ab insula vero Trumfeya à mari diffusum est prædium Holta - - - 1½ Mil.

Hinc ad Ovestadum etiam sacerdotalem sedem a promontorio Hefnesia non longè distantem - - - 4 Mil.

Hinc ad Humedalensem sacerdotale prædium ab intimo Straumsfiordensis sinis recessu haud remotum - - - 1 Mil.

Hinc ad Molandensem sacerdotum sedem - - - 2 Mil.

Hinc ad Topdalem - - - 2½ Mil.

Hinc ad Otternefensem, libonotum versus - - - 1 Mil.

Hinc in vallem Sognedalum - - - 2 Mil.

Hinc ad Mandalum	-	-	-	-	3 Mil.
Hinc ad Undalenſem ſacerdotis ſedem	-	-	-	-	1 Mil.
Hinc ad Lingdalum	-	-	-	-	2 Mil.
Hinc in vallem Qvinisdalum	-	-	-	-	3 Mil.
Hinc ad lacum Qundevand/occidentem verſus, ex quo amnis Syra profluens in mare currit	-	-	-	-	2 Mil.
Reſtat tandem ut mediteranei tractûs longitudo deſcribatur, quæ ita ſe habet:					
Diſtat à ſæpius dicto promontorio Giernefia, modo comemoratus Geirſtadus, japygem verſus	-	-	-	-	3 Mil.
Hinc in caurum ad Ombsi ſacerdotale prædium	-	-	-	-	5 Mil.
Hinc ad Byglandiam inter caurum & favonium procurrendo	-	-	-	-	8 Mil.
Hinc ad Settersdalum japygem verſus	-	-	-	-	6 Mil.
Cæterum a Byglandia ad Eſvienſem ſacerdotis ſedem libonotum verſus	-	-	-	-	3 Mil.
Hinc ad Ombsi iterum, primum in orientem & deinde in occidentem reflectendo	-	-	-	-	5 Mil.
Ab Eſvia in libonotum ad templum uſque Biellandenſe	-	-	-	-	5 Mil.
Agdæ diſtrictus triangularis, tribus æqualibus conſtat lateribus, quorum primum à promontorio Geirneſia ad amnem uſque Syram in libonotum, & poſt in occidentem tendens complectitur	-	-	-	-	21 Mil.
Secundum ab hoc fluvio ad vallem Settersdalum in ævilonein	-	-	-	-	21 Mil.
Et hinc tertium ad Geirneſiam in euronotum procurrens etiam complectitur	-	-	-	-	21 Mil.

De Agdarum Regulis

Ahinc circiter octingentis annis, ante Haraſdi Pulchricomi tempora, compluribus Regulis Norvegiæ occupantibus, hic etiam diſtrictus ſuos habuit dynaſtas, quosdam, ut ante diximus, in Geirſtadis habitantes, & quosdam in Liſtenſi tractu ſedem eligentes, ubi in editis montis ſupercilio, rupi inædificatæ arcis, cui *Sejro* vel *Sigurdo*, hujus ditionis quondam Regulo, nomen impertitum, rudera ævoque caduci muri viſuntur, prædia autem nobilia pauca hic antiquitus fuere, neque his temporibus multa deprehenduntur, nullaque omnino cænobia, cuius cauſam piratarum immodica latrocinia, hanc oram præ cæteris omnibus, ob portuum commoditatem, continuis latrociniiſ crudeliſ inſeſtantium & divexantium, fuiſſe conſtat, tum etiam quod hic diſtrictus, ſi reliquis Norvegiæ præfecturis comparetur, ſterilis ſit & macilentus.

CAP. XIII.

DEROGALANDIA, SEV RYARFYL- KENSI PRÆFECTURA.



Rajeçtò tandem fluvio Syrà, in Rogalandiam ſive *Rygafylſte* perventum eſt, in duas jam nomarchias diſtributam, quarum auſtrallor Jadenſem & Dalenſem tractus, Septentrionalior Fiordenſem tantum in boream ad ſinum uſque Hardangrenſem extenſum continet. Univerſæ hujus regionis tractus maritimus a fluvio Syrà ad Hardangriam, quindecim

cim circiter milliaria longitudine complectitur. Rogalandia olim totus hic districtus, ejusque incolæ Rogar dicti sunt, & postea successu temporis Røyerfste / & incolæ Røyer / quod nomen hac tempestate Fiordensis tantum ditio sibi vendicat, vulgo Røyerfste vocata, cum Jadrensis & Dalensis per se nomarchiam constituent, uter Fiordensis, generali vocabulo Stafsanger / seu incolis vocantur, à Stafangria vetusto oppido, in medio hujusce regionis litore sito, Jadrensem & Dalensem à meridie, à septentrione verò Fiordensem seu Røyerfylkensem tractus habente.

De Jadrensi & Dalensi nomarchiis.

Jadrensis & Dalensis, ut modò dictum est, ditiones, unâ comprehenduntur nomarchia, cujus septentrionalior pars Dali seu Dalensis tractus, inter asperos editosque jacens montes, quatuor hasce sequentes parccias continet.

- Prima eorum est Sognedalensis, eaqve maritima caurum
versus à fluvio Syra distans, longitudine 3 Mil.
Secunda Lundensis, ad magnum illum lacum Lundebynd sita, à fluvio Syra septentrionem versus intervallo 1½ Mil.
Tertia Hellelandensis in montanis sita, à Sognedalensi japygem versus distat 3 Mil.
Quarta & ultima Eikerfundensis maritima, a Sognedalensi occidentem versus 3 Mil.
Et ab Hellelandia dirempta longitudine plus minus 1½ Mil.
asperis & inhabitabilibus tesquis (Svædreden incolæ vocant) à Sognedalo dividitur. Fretum autem Eikerfunda, Milliaris tantum longitudine, haud exiguum insulam, nomine Eikereyam, quam a continente dirimit, ab occidente habens, tres ingentes amnes è continentis litore prorumpentes, omnes salmonibus fecundos, excipit, portu omnibus has perlegentibus oras communi, satisque tutò, notissimum.

De Jadrensi tractu.

Hæc ditio incolis Jadar / eo quod æquali rectoque litore oceano opponatur, dicta (Jadar enim lingvâ antiqva fimbriam vestimenti aliarumque rerum extremitatem denotat) milliaria tantum a litore latitudine, pulchrâ planitie versus montana procedit, milliaria fermè a freto Eikerfunda spatio septentrionem versus apud ecclesiam Dancstyrke dictam portumque vulgari nomine Syrevog incipiens, septem milliariaum longitudine hasce parccias complectitur.

- 1 Haaff / ad medium hujus ditionis sita est litus, ubi exiguus & celocibus tantum idoneus reperitur portus, annum salmonum fecunditate abundantem excipiens.
 - 2 Ene / quæ a litore tantum abest intervallo 1 Mil.
 - 3 Rlep / a litore dimidii miliaris spatio remota, ad fluvium Fjæienappellatum, salmonum copiam abunde suppeditantem, sita est, & ab Ognensi paraccia septentrionem versus distat 4 Mil.
 - 4 Haaland maritima parccia, septentrionem versus à Rlep distat longitudine 3 Mil.
 - 5 Sand in montanis sita locis, à maris crepidine in ortum distat 1 Mil.
ab Ognensi verò ecclesia septentrionem versus 5 Mil.
- Hinc japygem versus ad emporium Stafangriam 1 Mil. Hinc

Hinc ad promontorium Tungunesiam, ultimum Jadrensis tractus terminum, etiam in japygem 1 Mil.

De Stafangria.

Situm est hoc oppidum Stafangria ad finis, quem & Tungufiordum & Buknesfiordum vocant, quoddam in evronotum erumpens diverticulum, nomen a vicino scopulo, Staf dicto, & vocabulo angur / priscâ lingua mare significante, adeptum,) exiguum quidem nostro tempore emporium, sed cujus priscæ magnificentiæ & amplitudinis, splendide ornateque exstructa Basilica (cui, excepta unâ Thrandensi æde primariâ, nullum magnificentius, nec comparandum sane templum in tota Norxegia invenitur, pulcherrimæque ædes Episcopales, certa & tatis conspicua sunt indicia; visunturque hodie ad octavam circiter milliaris partem ab illis, quæ jam supersunt, ædificiis, antiquarum domuum vestigia, lapidibus constratarum viarum distincta interstitiis, civesque municipis olim septingentos, & ut quidam volunt, mille octingentos habuisse traditur: Cæterum hi sequentes Episcopi Stafangrensem administrârunt diæcesin.

- 1 Ranaldus, natione Anglus, Haraldi Gillii Norvegiæ Regis jussu innocens suspendio interemptus.
- 2 Jon, postea Thrandiæ Archiepiscopus, quam omnium primus hic suscepit dignitatem.
- 3 Petrus
- 4 Amundius.
- 5 Eiricus, electus anno Christi MCLXXXV.
- 6 Nicolaus vel Niall, electus anno Ch. MCLXXV.
- 7 Henricus, electus anno Christi MCCVII.
- 8 Eschill vel Aschell.
- 9 Thorgils anno Christi MCCLXVI.
- 10 Arnus MCCLXXXIV.
- 11 Ketill, electus anno Ch. MCCCIII.
- 12 Eiricus, electus anno Christi MCCCXXI.
- 13 Guttormus, electus anno Christi MCCCXXXVIII.
- 14 Arnus vel Arnoldus.
- 15 Olafus anno Ch. MCCCXL.
- 16 Botolfus, electus anno CHRISTI MCCCCLXXIX. primus templo cathedrali subiecta prædia omniaque ejus bona in unum libellum conscribi curavit.
- 17 Hacon anno Ch. MCD.
- 18 M. Audun Eyvindi filius anno Ch. MCDXXXVI. primum Eirici Pomerani Daniæ Regis conciona-

tor, & postea Stafangrensis Episcopus, universæ hujus diæcesis templa summâ diligentia restauravit, magnificeque ornavit, cujus insigne arietis caput fuit.

- 19 Gunnarus vixit anno Christi MCDXLVIII.
- 20 Sigurdus vixit Ao. Ch. MCDLXI.
- 21 M. Alfus, seu Adolphus, electus anno Christi MCDLXIII.
- 22 M. Eylifus seu Elephus obiit anno Christi MDXII.
- 23 M. Hôsculds Hôsculdi filius, electus anno Christi MDXIV, caput cum cæteris Norvegiæ Episcopis anno Christi MDXXXVI. obiit Bergis.

Lutheranæ autem sectæ hi fuerunt Stafangriæ Antistites.

- 1 Jonas Guttormi filius, inauguratus anno Christi MDXXXVII. officium anno Christi MDLVII, sponte deposuit.
- 2 Janus Riberus obiit anno Christi MDLXXI. ad decrepitam proVectus senectutem. Longo hic antea tempore in Insulis Fœreyis Antistitis functus est officio, donec, Gallicis piratis illas instantibus oras, huc accessit, eas deferere coactus.

3 M. Geor-

- 3 M. Georgius Eirici filius obiit anno Christi MDCIV. 5 M. Thomas Curtii filius Veignerus, Cathedram adiit anno Christi MDCXXXVII.
- 4 M. Laurentius Claudii filius Skabo Cathedram adiit anno Christi MDCV. obiit A.o. MDCXXXVII.

CAP. XIV.

DE NOMARCHIA FIORDENSI

SEU RY ARFYLKIA.



Secunda Rogalandiæ nomarchia Fiordi seu Ryarfylkia vulgari nomine appellatur, duodecim habens paræcias, omnes vastissimò illo sinui circumjectas, qui inter promontorium Tungunesiam ab austro & Bucten (scopulum sinui Buchnico adjacentem) ab æquilone duorum milliarium latitudine ex oceanò irrumpit, atque in multos variosque sinus & freta, quæ in variis locis varias sortiuntur appellationes, dispergitur. Univerfam illam ditionem generali vocabulo *giordene* jam vocant incolæ.

De insulâ Cormt / & freto Carmsundensi.

Tribus ab antedicto promontorio Tungunesia, japygem versus, milliariibus, insula, antiquo nomine Cormt (nunc Carmen vocant,) novem plus minus milliaria in circuitu, sita, sequentes paræcias habet, quarum prima numeratur Augvaldnesensis, ubi sedes sacerdotalis Augvaldnesia à Rege Augvaldo sic dicta, qui primus Regum eum habitandi locum elegerat, postea cum vaccâ, quam pro Deo coluit, ibidem contumelatus, multorum deinde Regum, & Haraldi quoque Pulchricomi, sedes fuit, in medio insulæ ortum spectantis latere, ad fretum Carmsundam, cum circumjecta paraciâ sita. Hic templum, vel potius sacellum, quod vulgari nomine sacellum Regium vocatur, unum ex quatuor, quæ laudatæ memoriæ Rex Olafus Tryggvinus, Christianæ hoc in Regno religionis fundamenta jaciens, sacris peragendis dicata primum exstrui curaverat, e saxo excitatum, cujus jus patronatus penes Reges erat, donec Eiricus Pomernus Daniæ Norvegiæque Rex hoc Episcopis usurpandum concessit, magna quondam reddituum abundantia ditissimum. Hodie nihil præter rudera ostendit. Prope hoc ingens templum Haconis Senioris, Norvegiæ Regis, sumptibus magnificè è vivo saxo exædificatum conspicitur, cujus tantum chorus, in quo hoc tempore res sacræ solò peraguntur, integer remanet, cæteris parietibus ruinam quotidie minantibus. Secunda Skutenesensis paræcia, australem insulæ partem occupans. Tertia Torvestadensis, semimilliaris spatio septentrionem versus ab Augvaldnesia borealis insulæ Cormtis tenet litora, à quibus in occidentem, ad tertium præterpropter milliare, in vasto oceanò visitur insula, Utsyra dicta, decem vel duodecim villas, quæ unam faciunt paræciam, complectens, quam Torvestadensis etiam sacerdos administrat & non sine periculo, tempore præsertim hiberno, sæpè adit.

Fretum autem Carmsundum, e meridie in septentrionem prorumpens, tribus milliariibus longum, insulam Cormtem à continente dirimit, hinc boream versus ad oppidum usque Bergas continuæ ferme insulæ continentis litus præcingunt, & tutum iter navigantibus præbent.

Fiordensis ditionis paræciæ hæ sunt:

Skioldensis paræcia ad intimum, japygem spectantis, magni illius, quem paulo ante commemoravimus, Stafangrensis sinûs; sita est recessum.

Hinderaaensis paræcia ab hac caurum versus jacet. Hinc Vigedalensis ortum versus ab utraque hac ad interiora ejusdem sinûs litora.

Suledalensis inde in ortum altissima montium suspiciens juga, facellum habet in Ordalensi exiguo tractu, asperrimis interjecto montibus, unde per arduum montis jugum ad Settersdalum, vallem antedictam, datur accessus. Telsenis paræcia à Suledalensi in meridiem extenditur, & hinc Hielmelandensis in evronotum, unde Strandenensis in austrum evronotumque est expansa. Finneya & Rendiseya duæ paræciæ, cum circumjectis insulis, in magno hoc sinu sparsim sitis conspiciuntur.

Hæ omnes paræciæ cum suis templis in circum ferme sunt dispositæ. Gandensis in australi hujusce Stafangrensis sinûs ora postrema est.

Stafangria oppidum in tractu Jadrensi versus libonotum locum obtinet, unde in japygem Rannebaaensis jacet ecclesia, non procul a promontorio Tungunesia, ubi illum, de quo diximus, sinum, littora admittunt.

Occidentem versus à Rendiseyâ insula, & a Stafangria sesquimilliaris longitudine versus japygem, cænobium visitur, quondam magnificum, nomine *Utsirins Klostur*/ hoc tempore privatorum hominum possessio.

Verum majores minoresque insulæ, per ingentem hunc sinum Stafangrensem dispersæ, magni parviqve sinus ex eodem diffusi, & longissimò tractu humiliora terrarum spatia altissimis interjecta montium jugis interfecantes, tantæ sunt multitudinis, ut nec enumerari, nec describi facile possent, magnæque hic passim salmonum copia capitur, præsertim in Digredalo, Hielmelandia & Fraefiordo, ut & in Suledalo, ubi tantæ olim capiebantur magnitudinis, ut sex tantum ad tonnâ implendam sufficerent.

Jadrensis & Ryarfylkenensis nomarchiarum maritimæ oræ in certa milliaria divisa longitudo.

A fluvio, Syra japygem versus ad vallem Sognedalum	-	-	2 Mil.
Hinc ad portum Eigerfundam	-	-	2 Mil.
Fretum vero Eigerfunda constat longitudine	-	-	1 Mil.
Hinc ad portum Syrevog/ ubi Jadrensis incipit tractus	-	-	1 Mil.
Hinc ad ostium amnis Hæabog/ toto hoc litore in Japygem procurrente	-	-	3 Mil.
Hinc in septentrionem confragosa lingula, nautis infesta & diligenter cavenda, milliaris longitudine japygem versus in mare exseritur.	-	-	

Ab Hæabog caurum versus ad insulam Rott	-	-	2 1/2 Mil.
E cujus regione haud ignotum portum, nomine Tannanger/ in continetis litore mare efficit.	-	-	

Ab insula Rott occidentem versus oceano oppositæ, inter complures, in quibus tam hyberno, quam æstivo tempore libere vagantes pascuntur boves, duæ nominantur insulæ, *Tior* & *Hæstien*/ ad hanc anno Christi MDLVIII Regia quædam navis, quinque insignes vehens campanas, basilicæ Stafangrensi detractas, vehens, confracta perit.

Ab insula Rott ad promontorium Tungunesiam, ultimam Jadrensis ditionis oram, septentrionem versus	-	-	1 1/2 Mil.
	-	-	Hinc

Hinc in euronorum ad emporium Stafangriam - - - 2 Mil.

Ad Jadrense præterea oceano oppositum litus, naves haud raro, nocturno præsertim tempore obductis tenebris, impingunt, ubi nostrâ ætate tres ingentes & cæteris longè majores liburnicas confractas esse constat. Primam anno Christi MDLVIII, magnis & pretiosis onustam mercibus ex Hispania redeuntem. Secundam anno Chr: MDLXVII, quæ saccharo, pipere & aliis aromatibus onerata ex India redierat, universis nautis in undis pereuntibus; mercium magna copia ab incolis aquis erepta fuit. Tertiam verò aliquot ab illo tempore præterlapsis annis, quæ etiam magni pretii mercibus satis fuerat dives. Multa alia magna parvaque navigia, in has quotannis oras incidendo, fracta undis submerguntur.

Ab insula Rotr japygem versus ad insulam Hvitingseyam nomine, unam complectentem parociam - - - 2 Mil.

Hinc japygem quoque versus ad promontorium Skutunesiam - 1 Mil.
Ibi incipit antedictum fretum Carmsundum, unde ad fretum Hofvesundam - - - 4 Mil.

Hinc Stetten protuberans litus, sine insularum munimento oceano oppositum prætereundo ad scopulum, vulgari nomine Hornnagle - 3 Mil.

Ubi Ryefylkenfi nomarchiæ, atque diœcesis Stafangrensis fines sunt, omni hoc litoris tractu in caurum vergentē.

CAP. XV.

DE BERGENSI DIO ECESI.



Eragratis jam ordine tribus Norvegiæ diœcesibus, quartam aggrediar, quæ Bergenfis dicitur. Hæc a sinu Hardangrensi septentrionem versus ad Sunnmariam usque expansa, sequentes continet præfecturas: Sunnhördalandiam, Nordhördalandiam, Hardangriam, Sogniam, Fialas & Fiördos, id est, Sunnfiordum & Nordfiordum.

De Sunnhördalandiâ & Nordhördalandiâ.

Duobus à freto Cormtensi in septentrionem milliariibus, apud scopulum Hornnagle / nunc Tiornaale dictum, ubi etiam portus est haud ignotus, sinus Hardangrensis duodecim milliariū longitudinis continenti sese infundit, æquilonem versus procurrens, cujus occidentalior pars Sunnhördalandiam à septentrione habet, tam continentem, quam in insulas dispersam regionem occupantem. Verum interiora illius sinūs littora intimumque ejus recessum Hardangria obtinet.

Ab Hornnagle autem japygem versus milliariis longitudine in septentrionem ab ipsius Hardangrensis sinūs ostiō, magna oceano circumfusa visitur insula, quam Binnucien vocant, quæ aliam ab oriente in æra altè exurgentem habet, nomine Stæren / ad cujus orientem spectans litus, insula, Mostur dicta, portu satis celebri Mosturgasfi non ignobilis, sita est. Hæc omnes magnæ vastitatis insulæ, parochiales aliquot continent ecclesias, Mostrenseque templum, omnium primum in universo Norvegiæ Regno, Regis Olafi Tryggvini, circa annum Christi CMXCVII, auspiciis exstructum

etum fuisse vulgò creditur, extra cujus sepulcreti murum admiranda sane manuum, digitorum, cubituum, pedum quoque & genuum, cæterorumque nudi hominis membrorum, in durissima rupe conspicua hodieque vestigia videntur, ad eum maxime modum, ac si corporis velamento nudatus hinc hic ambulasset, saltasset, & postea cecidisset. Japygem versus à Mosture, celebratissimam insulam, antiquo nomine Stord/jam Stolen vocant, locum habens, tribus longa milliariis in septentrionem protenditur, Regum priscorum quondam sedes, præsertim Haraldi Pulchricomi, & eò mortuo filii ejus Haconis Adalsteini alumni, qui cum suis patruelibus, Haraldo nempe Grafeldo & ejus fratribus, de rerum summa hic conflictit, quam pugnam Saxo Grammaticus atque Crantzius qualicumque modo descripsere. Hisce autem temporibus in eadem hac insula, multis magnisque commodis felicissimi nobiles agri exstant. Ad tertium hinc in ortum milliare aqvilonem versus a portu Mosiū hosi Halseya insula occurrit, magnificò quondam ornata canobio, quod Halseiæ sive sinumque hoc in loco eandem cingentem insulam Halsnøefordum vocant. Hinc ad intum suum recessum Hardangrensis sinus appellationem fortitur, Hardangriam ditionem utroque latere alluens. Quæ hoc nomen a fame & cibiorum penuria, ea adepta est tempestate, quæ Reges Norvegiæ Haraldus Grafeldus, atque ejus fratres in insula Storda domicilium habuerunt annonæ ingravescente caritate, magnò stipati satellitio, cui alendo, quotidie exhausta, vix ac ne vix quidem, sufficiebat. Molarium præterea lapidum ingens copia Hardangriæ rupibus excisa in plurimas postea Norvegiæ distrahitur præfecturas, utet petrarum vastarum atque tenuium, pani tenuissimo, quem Statbød vocant incolæ, excoquendo accommodatarum, exsiccandoque frumento, quædam duorum cubitorum longitudine, & sesquicubiti latitudine. Hic etiam salî excoquendo operam olim dederunt, quod tamen fusco & nigricanti semper fuit colore, prout illud, quod apud Osloam coquuntur. Cæterum de pane illo Statbød dicto, plura hic dicere libet.

Petræ itaque illæ, ut mox commemoravimus, ex Hardangriæ eritæ montibus, & postea recisæ, complanatæque formæ sunt circulari, transversum digitum crassitudine non multum superantes, trium plus minus cubitorum circumferentia, quæ minoribus saxis impositæ, eisque in circum dispositis suffultæ, igne succensò calefiunt, & jam quantum libet calefactis placentæ petrarum ferme adæquantes circumferentiam, deorsum prius māsā, in mentā diductæ & explanatæ ad brassicæ ferè foliorum tenuitatem (quo enim tenuiores sunt, eo meliores & sapidiores) ligneâ spatâ sublata superimponuntur, mirā quidem solertia, quod tractatæ inter transponendum non disrumpantur: deinde indurantur, aquaque repletae continue versando excoquuntur, quod opus citius quam quis credat perficitur. Deinde in mensis, ut plurimum fulcris sustentatis, ne arrodantur à muribus & gliribus, sibi invicem superinjectæ coacervantur, donec in trium vel quatuor cubitorum altitudinem exsurgant. Multi certè ob istum panem, utet cæteras vitæ sustentandæ hic inventas res necessarias, hanc rident regionem, ignorantes, aut iniquè perpendentes, neminem ulli unquam regioni meliorem fortunam præstantiorave dona & commoda largiri posse, quam ipse omnipotens Deus ei communicavit, & sua munificentia concessit, eamque hunc defectum multis magnisque felicitatibus compensare, cum tamen panis ille nullatenus contemnendus sit, nec absque magna necessitate, plurimisque comitantibus comòdis, ejus conficiendi inventus

inventus atque excogitatus modus, quorum aliquot enumerare non piget. Itaque in primis sciendum est, paucissimis hic in locis filiginem producere agros, nec purum inveniri hordeum, quod avenâ semper conspersum, & ad dimidium, ut plurimum fit, commixtum deprehenditur, ob immodicum frigus, hordeô & filigine in avenam hic ubique degenerantibus, quod hordeum sive avena in tenuissimas hasce, ut diximus, placentas redactum longè melius sapit, quam si aliam in formam aut modum transtuleris, præsertim si aliquid filiginis admistum habeat. Hæ præterea placentæ, magis ad alimentum conferunt, meliusque & citius saturant homines, quam ullus alius panis, non absque commodo & magno incolarum emolumento: nec tam citò mucent vel situ corrumpuntur quam alius haud rarò panis, sed quo diutius servantur, eo meliores sunt, annosque quindecim vel viginti, vel etiam quadraginta, incorruptæ durant, licet tantæ vetustatis insipidæ & austæræ quandoque reddantur.

Cum autem universa Norvegia, paucis exceptis provinciis, frugum penuriâ laboret, & hæc quoque, ubi fruges aut verno tempore gelu & aeris rigore, aut æstivo Solis fervore, in depresso inter altissimos montes valibus multum sæviente, exurantur, vel etiam autumnalis tempestatibus frigus & immanitas eis officiat, ne ad perfectam perveniant maturitatem, ac itaque insequenti anno sementi faciendæ prorsus inutiles fiant, aut continuis imbribus, tempore præsertim verno, omnino corrumpantur, indeque annuò proventus cives destituantur, quod summam & intolerabilem annonæ caritatem facile efficit: colonus ferme quivis tantâ hujus panis instructus est copiâ, quanta annuo spatio ad vitæ sustentandæ usum sufficiat, visunturque in eorum ædibus decem vel viginti, secundum cujuscunque facultatem ejusdem panis acervi, singuli unam, quandoque etiam sesquitonnam excoctæ continentes farinae, & ex his multi viginti ante annos confecti. Superioribus tamen seculis eis coquendis & cumulandis longe major quam hisce diebus opera impensa est, in eum solummodo finem, ut si fortè bello exorto, omnibus præclusis itineribus, adventitio frustrarentur frumento, domesticique agri opem negarent, unius duorumve annorum spatio pane non egerent. Verum in maritimis hujus regni oris, quæ ab exteris frequentantur mercatoribus, ex tritico optimo, Germanicave filigine confecto pane, atque ex variis regionibus advecto, haud secus quam fertilioribus & ditioribus in terris sustentantur incolæ, vel etiam multo largius utuntur, pauperes ubique omnium rerum inopiam tolerant, paucis tamen in locis minorem quam hoc in Regno.

De parœcia Qvindherrit, & monte Fuglesfang.

Ad interiora sinûs Hardangrensis litora tres sitæ sunt parœciæ, Bergen si subjectæ diacepsi, quarum una ad intimum sinûs terminum jacens, nomine Qvindherrit, altos suspicit montes præsertim ab eo, quod evronotum excipit, latere, ubi inter cætera immanis altitudinis montis eminet cacumen, perperuis damnatum nivibus, vulgari vocabulo Fuglesfang dictum, ab avibus nempe, passeribusque in ejusdem disruptæ & frigoris vehementiâ dilapsæ nivis ruinis & cavernis degentibus, infinitæ multitudinis, qui varios referentes colores, puta album, nigrum, viridem, flavum, rubrum, &c. hunc in montem turmatim sese recipere visuntur, sed tamen nullo modo vel arte capi possunt, cum nivosum hoc jugum præ-

itis profundisque hiatibus atque nimia altitudine omnino sit inaccessible. Hosce passeres imperitum olim vulgus, Pontificiis occacatum tenebris, damnatorum esse animas avium specie apparentes, & hic perpetuo vangantes, insana tactum superstitione credidit. Quos passerulorum quoddam, licet omnino rarum, esse genus, in nivoso illo montis cacumine degens, victum quærens & genus propagans, neminem sanæ mentis inficias ire puto. Hoc jugum Jualefang tantæ est celsitudinis, ut duobus altissimis montibus, Gulle nempe in Thelemarchia, & monti Joklefield dicto tertium annumerari facile mereatur, quibus nullus sane a meridionali Dostrinarum alpium latere altitudine comparandus in Norvegia invenitur.

Non procul ab intimi sinus Hardangrensis litore exigua sita est parcella, nomine Eidsfiordus, quam superioribus seculis Stafangrensis Antistes permutando, & aliam non longè à freto Cormtensi in septentrionem jacentem, quæ Svedesøgn dicitur, retribuendo, a Bergenensi Episcopo in eum accepit finem, atque diæcesi Stafangrensi adjecit, ut ad Haddingiadalensem ecclesiam visitandam, hic comitatum necessariūque viaticum ad montanum iter conficiendum in promptu habeat. A Stafangria ad hanc Eidsfiordensem paræciam octodecim milliaria numerantur versus aquilonem, & hinc per ingentem & asperum montem Halsefield vel Haldalsfjæll (de qua in Agershusensis districtas descriptione habetur) quatuordecim sunt milliaria; nec in illo universo montano tractu ullæ villæ, aut culti soli vestigium invenitur, sed aliquot domunculæ, longis distinctæ spatiis, quarum una Bispehus (hoc seu ædes Episcopalis, vocatur, excitatæ sunt, in quibus viatores pernodiunt, & a tempestatum injuriis sese tutantur. Legibus præterea vetitum est, hunc montem a sancti Bartholomæi die, ad festum usque crucis, quod in vernum incidit tempus, transcendere, ne, ut sæpe fit, nivibus obruti homines, aut per errorem in devia seducti, sævâ urgentem tempestate intereant. Ex Sigdalo quoque in Hardangriam proficiscentibus, Haddingiadali austrum spectanti latere præteritò per eundem montem eundum est.

Cæterum in Hardangria, utet quibusdam aliis ab hominum frequentia & habitationibus remotis ditionibus, in summa annonæ caritate, extrema necessitate compulsi incolæ, Ulmi vel abietis, vel etiam interiorum betulæ corticem cum frumento commoliunt, unde factò & excocto pane famem sedant, aliquantulo lactis, casei aut sylvestrium avium carnis, quibus aucupandis multum student, adjecto; ut omnino inauditum sit, hoc in Regno homines fame periisse, quod tamen in longè fertilioribus regionibus quâsidoque contingit.

Univerfus tractus ab hoc, de quo jam diximus, sinu, ad quartum ab oppido Bergis in septentrionem milliare, priscis seculis Hordalandiæ nomen obtinuit, cujus incolæ antiqua lingua Herdar dicebantur, ejusdemque hoc tempore australior pars Sunnhordalandia vocatur, duas hodie nomarchias complectens, quæ tria satis magnifica quondam habuere canobia, primum Halsefeyense, de quo paulo ante dictum est. Secundum Lysense non procul à Bergis meridiem versus excitatum. Tertium illud pulcherrimum Bergenense monasterium (Munkeliff dictum) hoc tempore solo æquatum, pluraque hic olim, longe tamen minora & nomine inferiora, fuere.

CAP. XVI.

DE MARITIMO ITINERE A FRETO
CORMTENSI AD OPPIDUM BERGAS,
UT ET DE IPSO OPPIDO.

Occidentem versus à portu Mostrensi duæ insulæ, Bimmelen & Siggen dictæ, sitæ sunt, quæ à septentrione magnas parvasque innumerabiles ferme insulas, longâ serie litori oppositas, habent, magnis parvisque fretis diremptas, unde longo latoque tractu ingentes sinus continenti infunduntur, & inter complures duo notiores, Korsfiordus & Biørnesfiordus dicti. Has inter insulas continentemque, a freto Cormtensi Bergas usque, commodum navigantibus datur iter, in insularum autem litoribus, scopulis & portibus ingentes annuli ferrei, trium vel quatuor ut plurimum cubitorum circumferentiâ, tantæ crassitie & ponderis, ut vir, licet manu fortis, illos ægrè exigat, rupibus plumbô infixi videntur, quibus, necessitudine id efflagitante, rudentem annectere, duo vel tria, vel etiam plura simul possunt navigia.

Quarta milliaris parte austrum versus à Bergis, exiguus est sinus, nomine Kieckelvik/ ante cujus ostium nautæ semper, modo è continente spiraret ventus, vela contrahere necesse habent, ob impetuosissimum eodem ex sinu prorumpentem turbinem, quem aspera hic montium juga, vel aere tranquillo, præcipue efficiunt: unde incolis de quavis ferme re necessario sine mora evitandâ natum est proverbium: *Stryg for Kieckelvig* 3: contrahite vela ante Kiöchelvikam.

De Bergis.

Hoc oppidum ab excelso, quod suspicit, montis jugo (Berg enim antiqua lingua montem vel rupem significat) nomen adeptum, A.º Christi MLXX. plus minus ab Olavo Norvegiæ Rege, cognomine Qvieto sive Pacifico, primò est fundatum, universi Regni Norvegici hoc tempore florentissimum, ob Germanicorum Hanseaticæ societatis mercatorum frequentiam, & mercimoniorum abundantiam. Habet à Septentrione arcem propinquam, in eo exstructam loco, ubi templa olim fuisse constat, unde facile quis judicare potest, hoc emporium antiquis temporibus multo amplius, quam hac est ætate, fuisse, & cum reliquis hujus Regni universis oppidis decrevisse, quod tamen damnum, crebris jam ædificiis, per spatiosum, marique superstructum, pontem exsurgentibus, quadvantenus compensari videtur. Hic Bergenfis dioceseos Antistitis sedes est, cujus præcorum Episcoporum nomina ad annum usque Christi MCCCCL, quo ingens exorta pestis atrocissime in his oris grassabatur, è libro quodam Islandico descripsi, cæteris aliundè collectis, hoc ordine:

- 1 Biarnhardus Anglus.
- 2 Sventus.
- 3 Magnus.
- 4 Ottar.
- 5 Sigardus.
- 6 Nicolaus.
- 7 Paulus.

- 8 Martinus.
- 9 Havarus.
- 10 Arnus.
- 11 Petrus.
- 12 Ascatinus Anglus, consecratus anno Christi MCCLXXI.
- 13 Narvius, consecratus anno Christi MCCLXXXVIII.

- | | |
|---|---|
| <p>14 Arniius.
 15 Andfinnus five Arnfinnus.
 Ao. MCCCXIII, obiit Ao. Christi MCCCXXIX.
 16 Hacon obiit Anno Christi MCCCXLI.
 17 Thorsteinus, consecratus anno Christi MCCCXLII.
 18 Gisbertus.
 19 Benedictus.
 20 Jacobus vixit Anno Christi MCCCLXXVIII.
 21 Aslacus.
 22 Arnoldus.
 23 Olafus.
 24 Thorleifus vixit Anno Christi MCDL.
 25 Andreas vixit Anno Christi MCDLV.
 26 Olafus.
 27 Finnbogus, Finno, vel Finnus.</p> | <p>28 Johannes Teistius vixit Anno Christi MCDLXXIV.
 29 Andordus vixit Anno Christi MDVI.
 30 Olafus vixit Anno Christi MDXXII. Hic non, ut cæteri Norvegiæ Episcopi, Anno Christi MDXXXV captus erat, sed in Voslensem parociam ortum versus a Bergis sitam, secessit, ubi sub vulgi tutela reliquum vitæ tempus transegit, ibidem mortuus & sepultus.
 Qvos hi Lutheranæ Ecclesiæ Antistites sequuntur.
 1 Mag: Gebel Petreus.
 2 Doct: Johannes Schieldrup.
 3 Mag: Andreas Foes.
 4 Mag: Andreas Koldingius obiit Anno Christi MDCXV.
 5 Doct: Nicolaus Paschasius.</p> |
|---|---|

Plura de ponte Bergenfi (licet ab Undalini tempore planè immutato.)

E vastò quodam sinu alius minor in orientem inter duò promontoria se insinuat, quorum australius Nordnes appellatur, omne spatium e regione illius ad australe latus usque ad orientalem finis illius terminum emporium Bergenfè situ suo complet, in fine ejusdem pons sive tabellarium conspicitur, supra mare latè in septentrionem, ante urbis ædificia, extensum, quod ii Germani incolunt, qui societatis Hanseaticæ negotia gerunt; quod quædam urbis pars ab ortu & aqvilone ad arcem usque pertingens circuit; Arx autem in altero promontorio ad boreale finis Bergenfis latus exstructa est. Pontem paterno idiomate *Garpebrygg* gen/ o: Germanorum pontem, appellant (Germâhi quippe prisca lingua Norvegica *Garpar* dicuntur) nec ultra viginti unum domicilia ingenti spatio in ortum protensa continet, quorum quodvis centum plus minus mercatores & institores cum suis famulis inhabitant (complectitur enim unum quodque circiter octodecim, & quædam viginti quatuor cœnacula) & hi omnes calibem, cum uxores ducere eis interdictum sit, vitam agunt; universique e quovis domicilio unam ad mensam in suis diversoriis cibum capientes accumbunt. Hunc pontem restaurare, ædesque senio confectas reficere Germanici isti Hanseaticæ societatis mercatores tenentur, qui maximâ ex parte Lubecensibus, Hamburgensibus, Rostochenfibus, Bremenfibus & Daventriensibus constant; qui & quovis huc navigiis transportatas merces, puta linteum, pannum, farinam, bynam, cerevisiam, cum variis vinorum generibus, cuprum & argentum, aliaque pernecessaria mercimonia universæ Norlandiæ incolis, utet propinquioribus atque vicinis, pro salmonibus, butyro, asellis arefactis, & oleo ex piscium intestinis confecto, aliisque rebus in hisce provenientibus oris, dividentes, Norlandicis semper magnam necessariarum mercium copiam, proxime insequenti

inſequenti anno perſolvendam, concedunt, quã de re in Norlandiã deſcriptione plurã. His mercatoribus cum quolibet intra urbem mercaturam exercere licet, extra verò eam proficiſcendo, aut per agrum Norvegicum vagando, negotiari, & merces venum exponere, minimè iis conceditur, quod civibus tantum municipum eſt, qui a Germanis illis negotiatoribus ingentia bona mutuò accepta, in locis mediterraneis, haud mediocri cum quæſtu, divident. Neque inter hos Germanos quivis ſibi mercatoris nomen pro libitu aſſumere poteſt; per ludorum genera novem, (vel potius ſæviſſimos cruciatus aptiore vocabulo dicendos, cum eorum ſinguli parum a morte diſſerant) aditus in eorum ſocietatem patet, in quos cum conſenſum eſt, ſummã fere cum immanitate tranſigitur dies ille tyrocinii, quò rudimenta poſituri, aquã, igni fumo & flagellis torquentur, variſque pœnis afficiuntur: haud etiam rarò, inter exercitia illa multi candidati exanimantur, niſi aliquos ſibi faventes amicos in illa mercatorum turba habeant: duo iſtorum ludorum ultimi cæteris longè ſæviores & periculoſiores ſunt, adeò ut multi qui priores ſeptem pertulerant, ab incepto deſiſtentes, ſubire omnino reuſent. Jam vero ex hiſce novem ludis ſex tantum hodiernus uſus tenet, nec tantã nunc, quantã olim, atrocitate peraguntur. Habent & hi ſuum tribunal, utet ſecretarium, qui ut plurimum eſt Magiſter Artium. Libellos obſignaturi rubrà cera utuntur, peculiarique templo, Germanicoque concionatore in ipſa urbe gaudent. Partem urbis, quam inhabitant, vigilum præſidio cuſtodisqve vallant, centumque viros armatos, modò neceſſitas poſtulet, hinc educere, & cum reliquis pontem facile propugnare queunt, magnis atqve parvis tormentis æneis probè inſtructi. Canes quoque molloſos alunt, qui interdiu tam manſeti tamque quieti jacent, ut licet a peregrinis & advenis calcentur, ne ſe loco quidem moveant; noctu autem tanquam feriffimi leonès nemini advenienti parcunt, nec ulli ignoto inter illos tutus datur tranſitus. Si fortè accedat, ut urbis aliqua pars incendium concipiat, ſolent ſtatim mercatores ædium ſuarum partem, quæ flammã proximè ſpectat, deſtruere, & materiam in mare projicere, atqve hoc maximè modo a ſuis domiciliis incendium arcere. Ingens illa mercium copia, quæ quolibet anno, multis magnisqve liburnis ab Hanſeaticæ ſocietatis civibus huc infertur, & poſtea dividitur & diſtrahitur, Regias ſanè opes adæquat; nec in borealibus hiſce tribus Regnis ullum emporium divitiis & mercimoniorum frequentia huic comparandum invenitur; tantumque mercium jam longò temporis decurſu Norlandis ſingulis annis creditum eſt, quantum nullò unquam ævò ſolvi poteſt, nam multi ſæpe Norlandorum cum uxoribus & liberis univerſisqve mercibus naufragio pereunt, aliove modo intereunt.

Quã urbs in auſtrum vergit, elegantiffimum illud Bergenſe monaſterium Munkeſſ exædificatum fuit, hoc tempore prorfus deſolatum, cui ſubjecta prædialitusqve annuò canone redimenda patent. Verum evronotum verſus vix ultra ſagittæ jaſtum ab urbe nobile prædium, quod Sumgagaarden vocant, ſitum eſt.

De monte Heſlefield.

Imminet oppido ab oriente ingentis allitudinis mons, Heſlefield dictus, perpetuis fere nivibus teſtus; unde integri quandoque menſis ſpatio, æſtivò præſertim tempore, continuæ pluviæ effunduntur, proximis in provinciis ſerenã & ſiccã affulgentem tempeſtate; unde Imber Bergenſis (Bergendog) pro octo vel quatuordecim dierum pluviã, incolis in proverbium abiit.

De Vosfensi paræcia.

Ortum versus à Bergis, ad quartum plus minus milliare, satis magna & populosa sita est paræcia, quæ vulgari nomine Voss nuncupatur. Clarissimus Vir, Mag: Gerhardus Milzovius Vossorum quondam pastor, & eorundem, nec non Hardangriensium, Præpositus, districtum Hardangriensem, ut & paræciæ Vosfensis scripto in publicum edito, accuratissime descripsit, unde quantum ad præsentem materiam requiritur, excerptimus, hisque subjungimus.

Vosseæ, inquit, vulgo Voss/ Baas seu Voss/ ut in vetustis cartis & codicibus reperitur (an per contractionem quasi Voss-Nas/ id est locus quidam editior inter aquas seu ab aquis situs, plurimis insuper lacubus, stagnis, fluviisque & omnibus scatens, quos tamen opportunis temporibus, negotio minus difficili, iter facientibus, quorsum discipiunt transire licet; vel a viro quodam ejusdem nominis; vel à grandi illo fluvio Vosse-elsven/ Vossium antiquis monumentis dicto, per mediam Vosseam ab oriente in occidentem labente, vel denique ab antiqua illa Norvegiæ dictione Boor/ quæ cibum notat, quia prisco forsân seculo sedes hæc frugifera fuit, cultoribus suis rei satis superque cibaria pro labore restitutionens, ita denominetur, equidem pro certo quod affirmem vix habeo) tractus est in diæcesi Bergensi, maximam partem montanus, habens circum se sitas ab Evroaqvilone præfecturas Sognensem & Valdrensem, ab oriente Hallingdalem, ab Evronoto & Austro Hardangriam, ab africo Bergas, insulamque Osterøensem, a septentrione Sundfiordam &c.

Longitudo Vosseæ, ut hodiè habetur, antea enim ulterius egrediebatur; nimirum ad promontorium quoddam, adhuc Vossenes/ hoc est promontorium Vossicum, quia limes inter Vossos erat, & eorum vicinos Nordhordos, nuncupatur: cujus neque inscium fuisse, qui nobis Norvegiæ descriptionem lingua vernacula bono publico dedit, comperio, dum scribit; Osten for Bergen/ heden ved fire Mile/ ligger Voss: ad Orientem à Bergis, circiter quatuor miliaria, Vosseæ est:) à libonoto & quidem à villa cui nomen Tesen/ Euroaqvilonem versus ad locum quendam petrosam, in valle Nidrøensi, incolis Sleipe-svæt/ hoc est lapidem lubricum & declivem, qui Vossensem & Sognensem districtus distinguit, se extendens, est quasi miliarium septem: Latitudo verò ejusdem, unius duntaxat, quibusdam tamen in locis plus minus.

Dividitur in tres tractus minores, videlicet Wafværdensem, Wangensem & Strandensem. Horum ut medius, ita major præstantiorque Wangensis est; quippe qui specialiter in octo Octavas (Otte deele) seu octonaria, vulgò Uttungar/ dispescitur; quorum nomina, antiqua nostra dialecto, hæc sunt: (1) Dyrsvinardals Uttung: (ab amne Dyrsvingen sic dictum) hujus anterior pars appellatur Væstbygden: (2) Strandar Uttung: alias Guulfiordungen (3) Børstrandar Uttung: (4) Winjar Uttung: (5) Bør Uttung: (6) Brynar: aliter Øvstlar-Uttung; à flumine præterlabente Øvstlen: (7) Barla: item Barða-Dals Uttung & (8) Østlar Uttung. Hæc hæcenus de Vossia dicta, ex Clariss: Milzovii Presbyterologia ad verbum exscripti. Redimus nunc ad Undalinum..

De freto Kilestrøm dicto.

In occidentem à Bergis complures magnæ parvæque insulæ, plurimæ tamen ignobiles, jacent, hincque in boream producti continentis littori multæ prætenduntur, plurimis diremptæ fretis, unde vastos procurrentes

rentes sinus quosdam quindecim vel sedecim milliarum longitudine reduta litora admittunt. Unum verò inter cætera hîc nominare fretum, nomine *Rîlestrøm* / quatuor milliaribus in septentrionem à Bergis distans, non pigebit, æstuum certè inter angustias terrarum confligentium, & quod mirum est, ex adversò semper recurrentium, rapidissimo impetu periculosissimum: cum enim à littore oceanus refluit, ab hoc fretò admitti, & vice versâ, cum rursùm allabitur, ab illa emitti, utrumque magnâ violentiâ, consuevit. Itaque qui æstuanti inq; se contorto huic vortici naves parvas magnasve committere audent, (omnibus quippe Norlandicis necessariò transmittendus est) aut fluctuantis æqvoris rapiditate abrepti in littus vel scopulos è mediò freti eminentes, compelluntur, aut convolutis æqvorum cumulis absorbentur. Quod septem quondam Norlandiæ naves expertæ sunt, omnes semihoræ spatio vel ad scopulos collisæ & contractæ, vel vorticosis pelagi æstuantis molibus obrutæ & demersæ. Has itaque angustias salvi sine periculo transnavigaturi, in proximò commorari portu decernunt, donec pleno alveo æqvor ad summum incrementi pervenit, languescente vi illa, quæ undas concitabat, quâ tempestate facilè superabiles sunt.

CAP. XVII.

DE SOGNIA, SEU SOGNENSI PRÆ-
 FECTURA, HODIE *Soaneshylke* / OLIM SOGN
 ET *Sognashylke* DICTA, UT ET DE FIALIS SEU
 FIALENSI NOMARCHIA.



Ab hoc jam dicto fretò *Rîlestrøm* / septentrionem versus continetis prolatum littus, ingens Sognensis sinus, sedecim milliaria longus, unum latus (ultra quod tamen multis in locis dilatatur) in ortum irrumpendo interfecat, ab utroque latere hominum cultui aptam habens regionem, quæ frugum proventu, armentorum & pecudum copiâ, & piscium abundantia felix, inter compluscula commoda, sylvas etiam incolis valde utiles latè extensas producit. Quinque in hoc tractu continentur vastissimæ parochiæ, quæ sunt: *Vygenfis*, *Leckangerensis*, *Sognedalensis*, *Fylkisbigenfis*, atque *Væandensis* (*Urlandensis*) Duæque ad intimum sinus recessum jacent parœciæ, *Østier* & *Goerdal* dictæ. Hinc per montem *Fjeld* in *Valdresiam* duodecim sunt milliaria (quo in itinere aspera editaque juga, *Galdre* appellata, periculoso tramite transcenduntur) unde *Osloam* recta proficisci licet. Datur etiam octava, sed omnium totius Norvegiæ longe minima, unicò quippe gaudens templo, cum triginta tantum ferè villis subjectis. Hæc autem parœcia trium à littore milliarium longitudine distans, in valle quadam, nomine *Østerdal* / aliis *Justerdal* / ab ingenti eam permeante fluvio, *Justre* dicto, sic denominata, sita est.

Fialensis præfectura Sognensi huic sinui à septentrione adjacet.

De emporio *Kaupangure*.

Non procul ab intimo sinu Sognensis recessu emporium olim extructum fuerat, hac tempestate planè desolatum, quod vernacula lingua *Kaup-*

Raupangur i Söfn / hoc est emporium in Sognia, dictum est, ex duobus antiquis vocabulis, Raupa/ emere; & angur/ qvod agrum vel locum quemvis, in qvo homo hic vitam agit, & sustentatur, denotat, compositum. Similique modo illæ nomarchiæ, Hardanger / Levanger / Eidanger / ut & oppidum Stafanger. Et ita unum qvodvis Norvegiæ emporium generaliter olim Raupangur vocabatur. Nec multum Danica lingua hinc discere pat, ut ex Daniæ emporiorum nominibus apparet, quæ sunt, Nystieping / Særtieping / Ringtieping / Stubbetiebing : & in Svecia Nystieping & Ringtieping / cum multis aliis, quæ antiquis temporibus Nytaupangur / & sic deinceps, dicta sunt.

De Fiordis seu Fiordensi præfectura.

Post Fialensem tractum Fiordensis, hoc est Sundfiordus & Nordfiordus, seu australis & septentrionalis sinus, locum obtinens, omne terrarum spatium in boream ad Sunnmæriam usq; extensum, atq; mediterranea versus loca procurentes, montibusq; interjectas valles suo sub nomine comprehendit. Hinc ab intimo sinûs Nordfiordi recessu per asperos & incultos montes, ad Gudbrandsdalos, supra commemoratos, decem vel duodecim milliaria longum iter deprehenditur.

Sequitur Maritimæ oræ longitudo à litore Sletten dicto, australi Bergenensis diœcesis terminò, ad Sunnmæriam usqve in sua milliaria distributa.

A litore Slettensi, sævientis oceanî undis oppositò, fretoque Cormtensi à septentrione vicino, per proximum Sinum portu Møstrensi à sinistra relicto, recto cursu continentem inter & ei objectas insulas japygem versus Bergas sunt.

Hinc in fretum Rislefstrøm 4 Mil.

Hinc Sognensis sinus superato ostio ad portum Vignsbaag in freti Miølmerfundæ australi primo intuitu navigantibus sese aperientem.

Ipsum fretum etiam constat longitudine 1 Mil.

A qvo ad aliud fretum, nomine Steinsundam 1 Mil.

Hoc fretum etiam in transitu complectitur 1 Mil.

Unde ad insulam Drifeyam 1 Mil.

Hinc ad Olden 1 Mil.

Hinc ad Mølver 1 Mil.

Hinc ad Rind 1 Mil.

Hinc per insulas vacuum pelagoqve oppositum litus, qvod Ståde vocant, usq; ad Flaavert/ primum Sunnmæriæ portum . . . 12 Mil.

Vel si ab insula Drifeya, five Drosfœ/ ad portum Smølver cursum dirigere placet, hinc abest 2 Mil.

Inde ad insulam Hindeyam 1 Mil.

Hinc ad fretum Furefundam 1 Mil.

Hinc in portum Horn 3 Mil.

Hinc in sinum Ulvogum 1 Mil.

Hoc modo inter crebras oceano objectas insulas continentemq; cursu confecto, unum restat milliare, donec nudum in mare protuberans Stådensæ litus præternavigandum attingatur, hinc octo tantum milliaria, ad antedictum Sunnmæriæ portum Flaavert/ complectens. Ad modò dictum portum Horn insignis altitudinis acuminato fastigio eminet rupes, undiqve prærupta, & omnibus præter volucres inaccessa, nubibusqve ferè per-

petuis

petuis obducta, incolis Horntunde convenienti nomine dicta, cum Tinde lingva Norvegia altas & fastigiatas rupes significet; pelagus, quæ ejus latus alluit, inexplorandæ est altitudinis. Hæc rupes septentrionalior Bergenſis diœceſis terminus habetur.

CAP. XVIII.

DE THRANDENSI DIOECESI, ET PRIMUMDE SUNNMÆRIA, NORDMÆRIA ET RAUMSDALO.



Am tandem ad quintam atque ultimam Norvegiæ diœceſin, cæteris perlustratis, perventum eſt, quæ vaſtiſſimo tractu a ſinu Nordfiordo, omnem reliquam Norvegiæ longè latèqve expanſam partem complectitur, in ſequentes diſtributa præfecturas, quarum quæ aſtraliiores ſunt primum hoc ordine deſcribuntur.

De Sunnmæria, ſive Sunnmæriæ præfecturâ.

Fiordenſi præfecturæ à ſeptentrione adjacet Sunnmæria, à dicto portu Horn / vel ſinu Ulſvoq in boream extenſa, montibus non adeo frequentibus, ſed pulchrâ paſſim conſpicua planitie, magnum etiam inſularum, continentis litori adjacentium, numerum comprehendit. Eſt & populofus tractus, plurimis commodis felix, optimisqve abiegnis veſtitus, unde naviculæ præſtantiffimæ ſunt. Invenitur præterea in antiquo quodam libro, qui *Speculum Regale* inſcribitur, eſſe in Sunnmæria paludem Biorſtedalsmyr dictam, in qua coryli defixi rami ea pars, intra triennium in cotem convertatur, quæ aquæ vel limo imponitur, reliquâ priſtinam naturam conſervante. Verum circa iſtam paludem alnus copioſe naſcitur, quæ licet ei injiciatur, nihil ſanè immutatur.

De Nordmæria.

Septentrionem verſus a Sunnmæria, Nordmæria locum obtinet, plurimas ſpatioſo tractu inſulas, quas multis fretis interluens mare invicem ſeparat, complexa: utraqve hæc olim præfectura, Sunnmæria nempe & Nordmæria, unus fuit comitatus, quem tempore Haraldſi Pulchricomi Rognvaldus Gaungu Rolſi, poſtea Nordmanniæ Ducis, pater, adminiſtravit, inde Rognvaldus Mæra Jarl / ſive Mæriarum Comes, dictus. Hic diſtriſtus ab inſula Raundholmi ſeptentrionem verſus ad portum Rithofuit / ubi ejusdem nominis promontorium in mare prominet, decem plus minus milliaria longitudine adæquat, verſus montana & mediterranea loca ſpatioſo tractu procedens.

De Raumsdalo.

Inter Sunnmæriam Nordmæriamqve reducta litora ingentem admittunt ſinum, cujus interioribus litoribus Raumsdaluſ, ſive, ut hodie appellant, Rumsdaluſ, adjacet, præfectura longò latoqve tractu verſus mediterraneos extenſa montes, ubi notæ altitudinis aſpero murice jugum in æra ſurgit, nomine Rumsdalshorn / quod à mediterraneis Doſtrinis alpiſbus, tanquam ramus ex arbore, proveniens, hic deficit.

Ex Raumsdalo per montana & ardua loca, iisque interjectam nomarchiam, nomine *Æsæie* ad Gudbrandsdalos proficiscuntur incolæ, quam etiam viam S. Olafum Norvegiæ Regem, cum ad ultimum Regnum deserre cogeretur, ingressum fuisse è Chronico Norvegico facile apparet. Incolæ autem Gudbrandzdalenses in Raumsdalum, Sunnmæriam, vel Nordmæriam qvotannis proficiscuntur, nundinis institutis asellum siccatum; sal, aliaque vitæ sustentandæ necessaria, cõemturi. Raumsdalenses etiam statis temporibus ad Gudbrandsdalenses, cum magnâ mercium copiâ, quarum tamen asellus arefactus maxima pars esse solet, contendunt, qui minori hic sæpe pretiõ qvàm in emporiis divenditur.

De Fochseni præfecturâ.

Post Nordmæriam, *Fochsen* seu Fochienfis præfectura, locum habet, ingens terræ spatium occupans ad utrumque ostii sinus Thrandensis latus, duodecim milliarium longitudine, inter complures insulas unam satis spatiosam, quam *Hitteren* vocant, comprehendit, quæ promontorium *Kirhofvit* (vaccinum caput) versus incipiens, & novem millaria in septentrionem procedendo, longitudine adæqvans, continenti præteritur, vastis densisque sylvis interque depressas valles passim surgentibus montibus obducta, tantam cervorum ante aliquot annos aluit copiam, quantam nullus totius Norvegiæ æqualis tractus produxit, quorum ibidem abundantia, ut & in cæteris hujus Regni locis, multum jam decrevit. Districtus autem hic ad Thrandiæ fermè oppidum dilatatur.

De promontoriõ Agdanesia.

Ab antedictõ promontorio *Kirhofvit* ad portum *Kraagevogum* decem millaria sunt septentrionem versus; inde in ortum vergendo duo millaria sunt, ad Agdanesiam aqvilonem versus a *Kirhofvit* sitam; litus enim in aqvilonem ad sinus usque Thrandensis ostium reflectitur, qui apud Agdanesiam faucium latitudine unum milliare haud superans vastissimo tractu continenti infunditur, octo nomarchias circumjectas habens.

CAP. XIX.

DE UNIVERSO TRACTU THRANDENSIS, DEQUE OPPIDO NIDAROSIA.



Thrandensem longè latèqve diffusum sinum, apud Agdanesiam, ut dictum est, irrumpentem littora admittunt, qui octo circumjectas alluit præfecturas; quasdam longissimo tractu versus mediterranea inter montium juga procurentes, quarum quævis suum habuit Regulum, donec tandem Haraldus Pulchricomus universæ Norvegiæ Monarchiam invasit. His autem nominibus insigniuntur:

- 1 Orkadalus.
- 2 Strindal.
- 3 Gaulardalus.
- 4 Stiorodalus.
- 5 Skoufvenfis præfectura.
- 6 Veradalus.

7 Oyensis præfectura, duas insulas, Indereyam nimirum & Yttereyam, continens.

8 Sparboënsis.

Nona autem & decima Thrandiæ adscribi possunt nomarchiæ, Jamp-talandia scilicet & Herdalu, licet hæc Gaulardalo adjecta sit. Quæ omnes præcis seculis generali nomine Thrandia dicebantur, estqve totius Norvegiæ præcipuus tractus, populosissimusqve; ubi hujus Regni, antiquis præsertim temporibus, maximum erat robur, quapropter Reges ut plurimum hic suum domicilium habuerunt, quod bellis ingravescens, aut aliqua gravi urgente necessitate, eorum quasi refugium fuit.

De Orcadalo.

Duobus in ortum à promontorio Agdanesia milliaribus, sinus Orcadalen-sis evronotum versus continenti se infundit, huic Orkadalen-sis adjacet præfectura, quæ ad mediterraneos extensa montes, Orkadalu-m, Opdalu-m, Renneboum, & Meldalu-m valles distrahitur.

De Strinda.

Hinc ortum versus ad sinum Thrandensem Strindensis jacet ditio, cum suis paræciis, quæ sunt: Strind / Kledebo / Geneistrand & Næs. Hac in nomarchia oppidum Thranden-se, seu Nidarosia, exstructum conspicitur.

De oppido Nidarosia seu Thrandia.

Quatuor ab Agdanesia ortum versus milliaribus, ad australe sinus Thranden-sis litus, antiquum celeberrimum oppidum Nidarosia, vulgò jam Thrandia dictum, situm est, quod pientissimus potentissimusq; Rex Olafus Tryggvinus, in occidua fluminis Nid ostii ripa, ubi prædium antea Nidarnesia fuerat, fundari curavit, & hinc ei nomen Nidarosia contigit, a fluvio Nid qui in Genitivo habet Nidar / & vocabulo Os / c: ostium fluminis, compositum.

De Basilica Thranden-si.

Hoc oppidum Nidarosia, sede Archiepiscopali haut incelebre, plurima templa cænobiaque habuit, quæ tamen Basilica cathedralis suâ magnificentia, mirandaque sane structurae elegantia, longè superavit: quam ut paucis complectar, in toto orbe Christiano artificiosâ pulchritudine parem non habuisse, dum integra floreret, liquidò confirmare possum. Hoc autem tempore maxima ejus pars, exceptâ tantum sacra cella seu choro, prostrata & diruta jacet, cujus perfectam, ut deceret, descriptionem, cum me, contra quam vellem, præstare non posse ingenue confitear, pauca tantum, quæ hic subjunguntur, in medium proferre non pigebit.

De Sancti Olafi sacris reliquiis, deque Basilicæ Thranden-sis structurâ & magnificentia.

Tradit historia Norvegica Olafi Haraldi filii Norvegiæ Regis (qui Sanctus dictus est) subditorum manibus interfecti corpus, ab ipsius amicis, ne in hostium potestatem veniret, inhonesteque tractaretur, huc illuc transferendo occultatum & servatum fuisse, donec tandem ab Episcopo Grimkele, & Einare Thambakelfere, Rege Svenno Knuti filio, ejusque matre Alfiva, qui tunc temporis hoc in Regno rerum summam tenebant,

nebant, permittentibus, Nidarosia in templo S. Clementi dicato magnificè sepultum est, & paulo post, ob plurima, quibus anteqvam humo mandatum fuit, miracula, claruisse tradebatur, effossum, atqve in ipso templo, ubi aptus & commodus visus est locus, ornatae inclusum tumbæ, collocatum, quod proximè insequentibus annis aliquoties aperuerunt, eiqve capillos & barbam totonderunt, atqve ungves præciderunt, cujus sanctitatis opinione Archiepiscopus cum suis Præsulibus, Abbatibus, Prioribus & Monachis, omniqve senatu ecclesiastico, miracula, quæ ad hoc ipsum cadaver fieri dicebantur, celebrando & propagando, mortalium mentes occupaverunt, illudqve statis temporum vicibus, Papistico more pompam ducentes, circumtulerunt; ad quod immensa hominum multitudo, non ex Norvegia solum, sed è Dania etiam Sveciaqve, cæterisque remotioribus regionibus ingentia offerens donaria, confluit, inde creditu majorem pecuniæ summam coacervârunt; ex qua inter cætera argenteus locus factus est, quo sacras, ut vocant, hujus Regis reliquias condiderunt, & hunc iterum duabus arcibus ligneis, auro & argento gemmisqve præstantissimis fulgentibus, incluserunt.

Ornatissimæ quoqve structuræ basilicam, cujus etiamnum aliqua pars integra visitur, Regum suffulti auxilio hujus loci Archiepiscopi exædificârunt: non tamen unius Regis ætate admirandum hoc opus absolutum est, utpote cujus fundamenta Haraldus Strenuus Norvegiæ Rex, & S. Olaf frater, primus in arenoso illo colle, ubi fratris Olafi corpus primum sepultum fuerat, jaci curavit, ejusqve postea filius Rex Olafus, cognomento Qvietus seu Tranquillus, una cum Archiepiscopo Eysteino qvandantenus perfecit, Christoqve dicavit, Sanctiqve Olafi loculum altari imposuit. (Hæc falsa sunt, longe enim post Olafum vixit Eysteinus ille, qui Basilicam, cujus hodie aliqua pars exstat, ædificavit, destructo illo, quod Haraldus Rex excitavit, templo &c.) sub regibus autem sequentibus, temporis successu, immensis opibus, perpetuis tam indigenarum quam peregrinorum donariis, quotidie crescentibus, multis modis elegantissimè ornatum fuit, donec tandem Archiepiscoporum quidam chorum pulcherrima magnificentissimaqve structurâ adjecit, quem hoc tempore tantum superesse modò diximus.

Cæterum quâ arte exstructa hæc basilica, quantæve magnitudinis fuerit, cum mihi eam oculis perlustrare nunquam contigerit, aliorum tantum relationibus rem acceptam paucissimis hic subnectere licebit. Primum quod ejus formam concernit, ea crucem maximè repræsentare dicitur, tota ex vivo recisqve exædificata saxo, universis parietibus tam interioribus, quam exterioribus undiqve mirando opere exsculptis, innumera simulachra, ingentiqve artificio elaboratas imagines exhibentibus, in occidentem quoqve vergentis templi angulo, qui totus fuerat deauratus, duodecim Apostolorum ingentis magnitudinis lapideæ statuar omnes etiam deauratæ, visuntur; multiplices insuper, tam ad intra quam ad extra, marmorearum columnarum habet ordines, ex albo ac nigro variiqve generis ac coloris marmore, usque adeo egregiè politas, ut metalli instar fufas esse, sint qui arbitrentur; Et harum quidem sexaginta in australibus templi foribus eleganter factas cernere licet; quas fores quanti constiterit extruere, cum arduum & difficile definitu plurimi existiment, multò difficilius foret, universi hujus templi structuræ sumptus animo percipere, & pro operis magnificentia æstimare. Dicitur porro præstantius quodqve ad hanc fabricam deputatum marmor ex Hybernia atqve Græntlandia huc misse trans-

transvectam; mollius autem illud album atque versicolor tractus, Thrandensis abundè subministravit. Et prout cathedralis hæc basilica structuræ elegantia, omniqve operis magnificentiâ eminebat, ita etiam reliquis ornamentis cæteris præstabat, ditissimum enim habuit sacrarium, libris, calicibus, patellis, vestibus Sacerdotalibus, hierothecis, atq; aliis ejus generis rebus ac ecclesiæ utensilibus refertissimum. Itaque Archiepiscopus pompam ducens, superhumera Attalicum indutus, Sacrosanctæ Trinitatis, ex puro auro, eum in modum quò vulgò pingi solet, conflatam imaginem tergo gestabat, sanctique Olafi loculum, quem, ut ante diximus, duabus arcis ligneis, quarum una alteri includebatur, conditum, à sexaginta viris (tot enim requiebantur) circumferri curavit; extremâ verò ab arca, auro & argento obductâ, infiniti fermè pendere sacculi, donariorum receptacula, super quam pœnitentiarius (ut vocant) constitit, Pontificis Romani indulgentias, seu peccatorum remissionem, pecuniam offerentibus denuncians. Qua vanitate unâ quandoqve die quatuor vel quinque millia librarum argenti lucrati sunt. Est & hæc Basilica pro hujus Regni facultate ingentibus redditibus, magnisque possessionibus ditissima, adeò ut hujus loci in suis tricliniis, cætharis, poculis, patinis & orbibus argenteis, omniqve argenteâ suppellectile summâ cum magnificentia usi fuerint, quæ cateroquin in exedra recondita servabatur.

Verùm cum universa hæc magnificentia mundanusque honos instabili & lubrico niteretur fundamento, citius quam quis credidisset miro exitu planè corruit; Basilica quippe ter ictu fulminis flagravìt, ultimâqve vice ignis hinc evidenter longo tractu sinum Thrandensem transvolans cænobium solmsiositur dictum consumpsit, atque in favillas redegit: quod certissimum fuit argumentum, hæc non fortuito, sed Dei omnipotentis voluntate accidisse, qui graves atque horrendos eorum errores ac idololatricam, quibus miserum populum, non sine Sacro-Sancti nominis Dei irratione, seduxerant, impunitos esse noluit: similique modo ecclesiastici huius ordinis pompa & luxur, mundanæque dominationis potentia & auctoritas, quæ omnia, mortalium offuscatis mentibus, Pontificiâ potestate nitentibus, veræ Christianæ religionis Divinâ gratiâ his in oris luce affulgente, evanescente fundamentò, in totum concidere. Illud verò dolendum, multoque magis vituperandum quàm laudandum est, quod sub initium reformatæ religionis, templis ac monasteriis, quicquid auri, argenti, aliorumve cimeliorum, Pontificiorum olim usui inservientium, ibidem reperiebatur, imò tam sacerdotum vestes, quàm alia utensilia, detrudere minime contenti, nisi ornatas & elegantes structuras, nullâ re, præter insitam ingenii protervitatem & malitiam, impulsu, dejecerunt ac destruxerunt, magnâ utilissimorum librorum copia, pretiosisqve antiquitatum monumentis, præter omnem necessitatem, fœdò incendiò combustis, sacrasque ædes, universis ornamentis turpiter spoliatas, detestabile Christianoqve homine indignum larrocinium exercendo, omni ornatu prorsus denudârunt: quibus eò facilius abstinere potuissent, quò minus, quòd certè nullum erat, hinc lucrum fecerunt. Hoc etiam modo Otto Stigius pulcherrimam Thrandensis Basilicæ Bibliothecam, cum compluribus, quæ in hujus civitatis exedra servabantur, magni pretii necessariis libris & monumentis ibidem in cæmiterio cremari curavit: consimili incendio Thordus quidam, cognomento Rodde, universos Stafangrensis exedræ libros & antiqua scripta malignè delevit. Eadem tempestate argenteus, quo S. Olafi corpus condebatur, loculus, duabus illis, quas ante nominavimus, ligneis arcibus, omni

auro argentoque ac prætiosissimis gemmis (quarum una reliquis præstabat, quam Archiepiscopus Eiricus Valkendorp butyri viginti tonnarum dodecadibus emerat, & inter cæteras arcæ extremitatî inferi curaverat) denu-
datis ablatum est, utet ingens crux argentea, a tribus in pompa viris, ante S. Olafi tumbam portari solita, calicesque, patellæ, & hiërothecæ, cum reliquis hujus Basilicæ cimiliis, aureis pariter ac argenteis, exedra & triclino exempta. Præter altaris ornamenta detractæ etiam sunt gemmæ, insignes campanæ, & his similia, quorum haud exiguam partem ingens quoddam navigium sibi impositam, in Daniam transvecturum, ante Agdanesiâ undis absorbtum & submersum, nunquam postea comparuit; cum paulo ante bonæ ejusdem pecuniæ portio, magnâ nave in Daniam transportanda Batavis piratis in prædam cessisset, quod contigit anno Christi MDXLI. Cæteris quoque ornatis hujus oppidi operibus Regium solum in Basilicæ sepulcretò, multis gradibus ex saxo, insigni artificio exsculptis & elaboratis, exurgens, elegantissimè constructum, meritò annumeratur, cui Reges olim cum eligerentur, aut iis homagium populus præstaret, insidere consueverunt.

Verùm quod de basilicæ Thrandenfis eleganti & magnificâ structurâ diximus, de muri ac marmoris, magnâ arte elaborati & exsculpti, opere & elegantia intelligendum est; satis enim constat, plurima in orbe Christiano templa atque ædes præ hoc Thrandenfi auro & argento multum fulsisse, rebusque pretiosissimis abundantius ornata fuisse, quæ tamen muri artificiosâ structurâ huic nullatenus comparanda sunt.

Rutgerus Hermannides in Descriptione Norvegiæ hæc habet; Ædificium fuit magnificentissimum, cætera totius Europæ templa omnia splendore superans, imò in toto Christiano orbe, ut quidam affirmant, sibi simile aut par non habens, sive artificium, sive amplitudinem spectes, structura enim quadrato lapide & columnis pulcherrimis atque artificiosissimis unum quemque in admirationem rapiebat. Hæc ille.

Plura de S. Olafi corpore.

Porrò ut de S. Olafi corpore plura dicamus (quod immortalî honore ac Divino cultu, in remotis etiam regionibus, seducti mortales longò tempore prosequébantur) considerandum erit, an hoc corpus, quod Pontificii (ut modò dictum est) in loculo magnâ cum pompâ circumferebant, verum Regis Olafi corpus fuerit, totque seculorum decursu incorruptum perduraverit, de quo cum multis, qui se vidisse, atque contrectasse aridum hoc corpus, ejusque letifera vulnera contemplatos fuisse professi sunt, colloctus sum; & his quidem inter se dissentientibus & diversâ referentibus. Nostra quoque ætate Agdarum quidam nomophylax, nomine Jonas Simonis filius, qui in prædio, sicut in dicto, in Mandalo habitavit, ibidemque Anno Christi MDLXXV. IV. Calend: Augusti, ætatis sexagesimo tertio demortuus est, doctrina & sapientiâ, præ cæteris omnibus id temporis hujus Regni nomophylacibus, præditus, adeoque pius & in officio vigilans, ut parem vix his in oris haberet, natus in districtu Thrandenfi, puerque Scholam Nidarosiæ frequentans, diaconi quoque officio in Thrandenfi basilica functus, plurima nobis de oppido Nidarosiâ ejusque templo cathedrali, & S. Olafi reliquiis suggestit, retulitque se vidisse aridum & siccum illud corpus, quod S. Olafi vulgò habetur; idque grandî & procerâ fuisse staturâ, omni ex parte integrum, rubrâ barba, nasoque parum cadente, & ariditate constricto, in quo letalia ejus vulnera viscebantur, ligni instar durum & siccum. Verum cum homines olim

olim longè grandiores, qvam his diebus fuissent, Rex autem Olafus humiliori staturâ suo tempore. ceterorum, qui tunc vixere, respectu fuisse dicatur, nihil impedire statuit, qvominus id verum ejus corpus haberi possit: nihilominus cum miraretur qvòd supra qvingentos & qvinqvaginta annos (tot enim ab ejus cæde ad illud temp⁹ effluxere) omninò corruptum & vermib⁹ consumptum non esset, conclusit, aut â Pontificiis balsamo conditum cujus tamen nullam notam nec humoris vestigium exhibuit) aut miraculosè conservatum. Sed cum præstanti præditus animò, verum Dei cultum fidemq; amaret. omnemque pravam & supersticiosam religionem valdè exosus, Sathanæ in incredulis potentiam, Papistarumque imposturas & calliditatem multis in rebus, probè cognosceret, qvandoque etiam sibi pervasit, monachos falsa venditantes in primi putridi Regis corporis locum aliud balsamò conditum & siccatum clanculum substituisse, talique deinceps modo putrescenti recens semper substituendo vulgati miraculi speciem conservatam ostentâsse, qvòd tamen si factum esset, famam nunqvam vulgasse, res mira videri possit.

Bellorum autem tempestate inter Danos Svecosque sæviente, hi, cum Thrandiam armis obtinuissent, hoc idem corpus in sepulcreto qvondam humo mundari curârunt, qvòd Friderico Daniæ Rege exercitum huc mittente, pulsisque hostibus, & Trandiâ recuperatâ, è nostratibus qvibusdam locum indicantibus effossum est, & summò cum honore & magnificentia in cathedrali Basilica in cænotaphio reconditum, cujus exeqvias universi hîc ecclesiastici ordinis viri, nobiles, cum militum tribunis, copiis omnibus, & omni reliqva turba, qvantâ pro hujus oppidi facultate fieri poterat réverentiâ, cohonestantes prosequébantur.

Anno MDLXVIII. Georgius Lycke, eqves auratus, Regio jussu huc profectus, S. Olafi bustum humò impleri jussit.

Episcopi Nidarosiæ hi fuerunt.

Primus Sigurdus Episcopus, tempore S. Olafi, cui in officio Grimkell successit, qui, ut dictum est, corpus Regis effodi, loculo condid, & altari imponi curavit, quem hi subscribiti secuti sunt.

- 1 Jon.
- 2 Rodolphus.
- 3 Ragnar.
- 4 Ketill.
- 5 Apgautus.
- 6 Sigvardus vel Sigurdus.

- 7 Sigvardus vel Sigurdus.
- 8 Albertus vel Adalbertus.
- 9 Simon.
- 10 Ivar.
- 11 Reidar.

Sequuntur Archiepiscopi, qvorum primus Jon Episcopus Stafangrensis, electus in Episcopum Thrandensem anno Christi MCLII, & a Romani Pontificis legato, Cardinale Nicolao, qui Nidarosiæ Archiepiscopalem constituerat sedem, ibidem Archiepiscopus consecratus. Huic sequentes Archiepiscopi ordine successerunt.

- 1 Eyfsteinus anno Ch. MCLX.
- 2 Eiricus MCLXXXIV.
- 3 Thorer MCCCXI.
- 4 Guttormus MCCXV.
- 5 Petrus MCCXXXVIII.
- 6 Thorer MCCXXXIV.
- 7 Sigvardus MCCXXXIV.
- 8 Sörlius MCCLVI.
- 9 Einar MCCLVIII.

- 10 Hacon MCCLXVII.
- 11 Jon.
- 12 Jorundus vel Georgius MCC-LXXXVI.
- 13 Eylifus MCCCIX.
- 14 Paulus electus anno Christi MCCCXXVI.
- 15 Arnus electus anno Christi MCCCXXXIII.
- 16 Olafus

16 Olafus electus anno Christi
MCCCXVI.

17 Thrandus.

18 Nicolaus Danus Mccclxiv.

Horum jam dictorum Episcoporum nomina ex antiquo Libro Islandico Manuscripto excerpti, sequentium ex Chronico Episcoporum à nobilissimo viro Arnolde Hvittfeldio conscriptò descripti.

1 Marcellus postulatus, sed non confirmatus.

2 Henricus, electus contra Marcellum.

3 M. Olafus MCDLV.

4 Gautius MCDLXXIV.

5 M. Johannes Krabbe MDX.

19 Vinaldus MCCCCLXIX.

20 Eschillus MCDII.

21 Aslacus Bolt, anno Christi
MCDXXIX.

6 Mag: Eiricus Valkendorp antea Roschildensis ecclesiæ Præpositus, electus anno Ch. MDXVI.

7 Olafus Eingilberti MDXXXII. qui MDXXXVII. in voluntarium abiit exilium.

Hi verò post reformatam Religionem

1 M: Johannes Gaas.

2 M: Johannes Magni filius.

3 M: Ifacus Grönbeck MDCXV.

4 M: Andreas Arebo.

5 M: Petrus Skielderup
MDCXXXII.

Nidarosia, ut ante dictum est, in occidentuâ fluminis Nid ostii ripa edificata est, ingentis vastitatis ædificium, quod *Bildestalen* / id est convivalem domum, vocant, ad litus exstructum olim habuit, tectò seculibus tabularum laminis convestito, qualibus plurima hoc in regnò templa obducuntur, in quâ, in ingentem longitudinem extensâ, domo cives & præcipui in tractu Thrandensi coloni, nuptias, comotationes & convivia celebrare soliti fuere, cui vicina erant cellæ, vinaria & penuria, cubilia & culinæ, cum reliquis convivantibus necessariis ædibus, sed aliquot annos destructa est ac desolata, in ejus jam locò civium aliquot domiciliis excitatis. Hinc maritimus in occidentem arenosus extenditur campus, prisca lingua Norvegica *Ennar* dictus, ubi universale omnis districtus Thrandensis forum olim celebrabatur. Habet etiam oppidum ab occidente spatiosam planitiem, *Ralsitund* dictam, in quo Comes Erlingus Scackius Magni Regis pater, cum Sverrere Rege acie confligens cecidit, plurimis olim atrocibus præliis, heroumqve cæde nobilitatâ. Huic ab occidente petra, *Stettberg* / adjacet; quò cum pervenias, propinquam habes rupem, cui Rex Sverrer castrum, jam vetustate collapsum, inædificaverat. Verum quâ Nidarosiæ ædificia in meridiem vergunt, episcopales exstructæ visuntur aedes, à quibus exiguo etiam in austrum spatio fluvius Nid sublicio ponte sternitur, quo trajecto canobium *Elgefetteris Klostet* dictum, à dextra haud procul in citeriori fluminis ripa collocatum vides, unde semimilliaris intervallo aquilonem versus antiqua Comitum sedes, palatium nomine *Slader* (nunc *Laden* vocant) distat, templo jam in tractu Strindensi primario conspicua. Hic potentissimus Norvegiæ Comes Hacon, ejusque pater & avus, qui districtum Thrandensem Comitibus titulo administrarunt, domicilium habuere, unde *Sladajarlar*, id est Hladarum Comites, seu Hladenses Comites, dicti sunt, non autem *Ladejarlar*. Hic quoque magnificum extitit delubrum, cujus foribus celeberrimus Rex Olafus Tryggvinus, cum ad Norvegiæ sceptrum, Hacone Comite à pessumâ fidei proprio servo trucidato, pervenisset, ingentem anulum aureum deraçtum, Sigridæ Sveciæ Reginæ inter alia dona misit, quâ de re ipsius videatur Historia. Sesquimilliaris ab Nidarosia spatio, Archiepiscopus Olafus Engelberti filius, in

in exigua, mariq; circumfusa infula, quæ longò pontè ligneo continentijungebatur, castrum *Steinviðshof* in excitari curavit, quod integrum perstitit, donec tandem inter Danos & Svecos gliscente bello Regio jussu demolitum est. Haud procul à castro *Steinviðshof* in occidentem versus, *Tutereya* (Infula Tutæ) locum obtinet, superioribus seculis speciosissimo ornatæ cænobio, cujus elegantiam labentes parietinæ etiamnum testantur, ubi hōc quoque tempore pulcherrimum visitur pomarium, a monachis olim malis consitum. Hæc infula leporum fecundissima est.

Vixerat in hujus infulæ monasterio, septuaginta circiter ante annos Monachus quidam Sanctus, Frater Stephanus vulgò dictus; qui tam religionis immutationem & Basilicæ Thrandensis incendium atque excidium, quàm cænobiorum & exedarum devastationem, Monachorum & Canonicorum perfectiones, sacrariorum & triclitorum direptiones, utet castri *Steinviðshof* in ædificationem, cum plurimis futuris, quæ postea eveniunt, rebus, verè prædixit, cui consimile vaticinium Jamptriæ quidam colonus, Hallvardus *Visti*, seu sapiens, eodem tempore propagatum posteris reliquit. Hic idem frater Stephanus, aleam omniaque ejusmodi ludicia exosus, quoties homines eis indulgere viderat, illachrinasse dicitur, tesserasque & chartulas lusorias, si modo id alias modestè peragere posset, ludentibus ereptas flammis injecit.

Duobus in ortum a Nidarosia milliariibus prædium *Stiklastadæ*, ubi S. Olatus in acie cecidit, situm est; ibidem horreum, in quod Regis interfecti corpus primò illatum fuit, hunc in diem integrum perstare fama est. Ad intum sinûs Thrandensis recessum in *Scoufvensi* parœcia, quæ a Nidarosia sex milliariibus distat, nundinæ quotannis in Jejunio Quadagesimali instituuntur (*Leffangrensis* nundinas vocant,) ad quas Sveci atque Jamptri, varii generis onusti mercibus, turmatim proficiscuntur.

Quarta milliaria parte a Nidarosia septentrionem versus pulcherrimum cænobium *Holmestøster* in parvâ oceanò undique circumfusâ insulâ, collocatum fuit, à quâ septentrionale sinus Thrandensis litus sesqui-milliaris abest spatio.

Tribus circiter ab oppido *Japygem* versus milliariibus, ad septentrionaliorem sinûs oram, tractus, *Stådebygd* vocatus, jacet, ornatisimo prædio, optimatum antiqva sede, *Stådsrein* dicto, notissimus; ubi Bardus Gutormi filius, Ingii Regis Ducisque Skulii pater, habitavit. Hic postea Dux Skulius speciosum fundavit cænobium, quod ingentibus bonis & redivitis ditavit, quæ universò hoc tempore à Regiò præfecto administrantur.

Distat in evronotum a Nidarosia tribus milliariibus lacus ingens, vulgò *Salstsee* vel *Salobstsee* qui dictum fluvium *Nid* emittit, duorum milliariū longitudine in vulturnum diffusus, ad cujus extremitatem præcipui hoc in Regno molares rupibus exciduntur lapides, in plurimas provincias distrahendi.

Ad sextum à sæpius dicto oppido milliare, versus æquilonem, prædium *Eage* in infula quadam locum obtinet, Kalfi Arnini sedes & domicilium, qui S. Olafum armis aggrediendi & occidendi auctorem & antesignanum ejusdem subditis sese præbuit.

Si in hac descriptione regionis sitûs aut intervallorum dimensio minus forte accurata deprehendatur, causa est, quod illum tractum peragrandi mihi nunquam data est occasio, sed aliorum tantum relationes in his conscribendis secutus sum.

CAP. XX.

DE PRÆFECTURA GAULARDALO, HO-

DIE Guledal DICTA, DEQVE MONTIBUS, Dofre-

feld ET Rudefeldj UTET DE PRÆFECTURIS, STRIN-

DENSI, SPAREBOENSI ET JAMPTALANDIA

SEU JAMPTIA.



Aulardalos ingens vallis, evronotum versus a Nidarosia, inter editos jacens montes, ad Dofrinas usque alpes procurrit; quam magnâ aquarum copia insignis pererrat fluvius Salaac (olim Saul) nomine, unjus ab dicto oppido in occidentem milliaris spatium in sinum Saltstordum cadens.

Hic idem annis Saul à quo vallis nomen sortitur, anno Christi MCCCXLIV. occulto meatu terram subiens, aliquot dierum spatium nusquam comparuit, quod terræ lapsus secutus est, ex altissimienim montis clivo humus, immensâ lapidum & arenarum mole commixta, horrendo fragore proruens, vallem transversam collis instar oblepsit, flumini, quod tunc largè profluebat, alveum omnemque simul elabendi viam obstruens, unde in stagnum repente diffusus, omnis ingenti inundatione supra agros aedesque accrevit, plurimis mortalium cum armentis & pecudibus deletis & suffocatis, tandemque incredibili vi & impetu objectam terræ molem perrumpens, & secum inmani rapiditate devolvens, quidquid obvium erat, villas, homines & animantia absorpsit, adeo ut hac inundatione octo & quadraginta prædia, eorumque quædam nobilia, cum aliquot templis, sedibus suis convulsa & abrepta sint, ducentique quinquaginta extincti homines, coloni nempe, cum uxoribus, liberis, operariis atque hospitibus ad convivia arcessitis: acciderunt enim hæc tempore autumnali, proximâ vespere ante Festum Crucis, quo præcedaneas ferias celebrabant; nec minor adventantium, proficiscentium, accedentiumque multorum pauperum, eo quem dixi modò, numerus periisse creditur, paucique mortuorum reperti sunt, nec multi hoc in tractu improvisum periculum & mortem imminentem eluctati sunt, plurimis aqua cum terræ colluvie simul ruen- te haustis. Longo præterea tempore universa hic vallis paludis instar omnino impervia fuit, quæ tandem exsiccata, planos campos, plurimaque arenosa & sabulosa ostendit loca.

De Dofrinis alpihus.

Has jam dictas Orkadalensem & Guldalensem præfecturas mons mediterraneus, vulgò Dofrafield/omnium totius Norvegiæ maximus altissimusque ab austro claudit, universamque regionem plurimos montes collesque passim propagando, ingenti tractu percurrit, a villa quadam Dofra nomen adeptus; quem ex Thrandia Osloam proficiscentes octoginta milliarium, quæ hic ordine enumerantur, longum iter conficiendo, tam hyberno, quam æstivo tempore transcendunt.

A Nidarosia itaque ad Mithus villam Gaulardalensem.	-	-	2 Mil.
Hinc ad Grinnefogn	-	-	2 Mil.
Hinc ad Stourefogn euronotum versus semper contendendo	-	-	1 Mil.
Hinc in vallẽm Sognedalum.	-	-	2 Mil.
Hinc ad Rennebo	-	-	3 Mil.
Hinc saltus Updalensis transeundus complectit	-	-	5 Mil.

Et

Et mox vallis Opdalus, longus - - - - - 1 Mil.
Hinc ad Dofrenfium alpium radices - - - - - 2 Mil.

Ubi insignis fluvius, Drifven seu Drifva n dictus; rapido cursu ex declivi montis latere proruit, qui valle Opdalo peragrata in sinum postea Thrandensem labitur. Hunc tortuoso volumine proludentem, antequam ad montis, duodecim miliaria latitudine complectentis, fastigium pervenitur, novies transmittere necessitas postulat. Verum

A montis radicibus ad viatoriam, quæ prima hic invenitur, domum, Drifve, o en vulgo appellata - - - - - 3 Mil.

Hinc ad alteram nomine Siartfins - - - - - 3 Mil.

Hinc ad tertiam domum nomine Fogstoven dictam - - - - - 3 Mil.

Hinc ad antedictam villam Dofram etiam sunt - - - - - 3 Mil.

Hinc in Gudbrandzdalum - - - - - 3 Mil.

Totumque hoc iter (ut ego existimo) evronotum versus dirigitur.

Tempore præterea vennò, autum aliqve, periculosissima hæc est profectio; annis quippe Drifven, qui, ut modo diximus, novies transeundus est, resolutarum nivium aquis imbribusque, in imensum ferme haud raro augetur, horrendisque cataractis prolabitur, quas pontibus inter præruptas & asperas ripas, funibus suspensis, vixque stabili, ob rupium asperitatem atque inæqualitatem, fundamento nixis, non sine magna difficultate transire oportet. Hibernò autem tempore tam nobiles aulici & Regii ministri, quam cæterorum hominum turba, hac maximè viâ proficiscuntur; nives enim, quarum hic imensa est copia, ventorum impetu adeò condensatas & frigoris vehementiâ constrictas, ut tam jumentis quam hominibus sustinendis sufficiant, celeri cursu, exiguo temporis spatio facile transmittunt, colonique incredibili xylosolearum beneficiò easdem perlabuntur. Tres autem illæ, quas diximus, domunculæ, Drifvestoven / Siartfins & Fogstoven ipso in monte in usum viatorum exstructæ sunt, ubi necessitate id efflagitante pernoctare possunt; pro quibus restaurandis, integrisque conservandis, coloni, qui proximè illas ad montis radices habitabant, annuis villarum redditibus ab hujus Regni Regibus Archiepiscopisque antiquitus liberabantur. His quoque temporibus apud Siartfins, inter duas alias mediam, vir quidam habitat, ad vitam sustentandam vaccas aliquot, huic domunculæ attributas, habens; qui vicissim tenetur ædem, quoties opus est, reficere, hiberno tempore iter facientibus viam monstrare, equis pabula, & alendo foco idoneam materiam semper in promptu habere, sunt enim ea in domo cacabi, ollæ, aliæque ejusmodi necessaria utensilia, in reliquis verò fomites & ligna, ut succenso igne viatores cum hic noctem transigere necessitate compellantur, frigoris vim arcere, gelidosque artus, admoto signi, refovere queant. Quot autem miliaria à Dofra per Gudbrandsdalos & Heidmarchiam Osloam usque numerentur, in orientalis Norvegiæ descriptione videre licet.

De montibus Rudfield / Skare & Sulefield.

Habet ab oriente antedictus tractus Gaulardensis ingentem montem, Rudfield vulgò dictum, qui septentrionem versus a Dofrensis Alpibus procurrit, & versus Sveciam flectendo, Jamptiam in boream protensus magna ex parte circuit, Finnmarkiamque, in septentrionem identidem productus, à Svecia dirimens in hyperboreo deficit oceano, varia in variis locis adeptus nomina; quippe inter districtum Thrandensem & Herdalum Rudfield inter Norvegiam & Sveciam Skarefield inter Thrandiam & Jamptiam Sulefield / generali quoque vocabulo inter Norvegiam & Sveciâ ad ultimū usque regionis litem Rielur nuncupatur. CAP.

CAP. XXI

DE HERDALO, STIORADALO, VERADALO, ALIISQVE THRANDIÆ PRÆ-
FECTURIS.

Operatò monte Rudsfield / iter ortum versus dirigendo, pervenitur in vallem Herdalum, duas parœciales ecclesias, qvatuordecim milliariū invicem distantes intervallo, complectentem, qvæ hoc tempore Gaulardalensi præfecturæ adscribitur. Hic tractus hâc occasione primū excultus fuisse traditur: Herjulfus, cognomento Hornabriotus, Regis Halfdani Nigri, Haraldū pulchricomi patris, signifer, cum in Regis odium incurrisset, exulqve ad Svecorum Regem profugisset, longoqve tempore, non sine ingenti ejus gratiâ, fidelem ei operam locasset, tandem cum nobilis cujusdam Svecorum filiâ, qvam in amorem pellexerat, clam in hæc interSveciam Norvegiamqve interjecta aufugit, ubi collocato domicilio sedeqve electa, famulos vel in Sveciam, vel etiam in Thrandiam ad res vitæ necessarias cœmendas ablegare consuevit. Hic tractus Herjelsfœdur primò nuncupatus, nunc lyncopata voce Herdalen dicitur, habens à meridie ditionem Osterdalum vel Eystridalum nomine, qvæ tamen ingentibus montibus vastissimisqve sylvis separantur.

Ex Thrandia autem ad parœciam Stouresfœgn dictam numerantur 5 Mil.
Hinc per parœcias Aalensem & Holtaalensem - - - 3 Mil.
Hinc per montem Rudsfield in tractum Herdalensem - - - 24 Mil.

De Stiordalensi præfecturâ.

Ad orientale sinus Thrandensis latus Stiordalus est, continens parœcias Stiordalum Årøsten & Salebo/ ubi insignis visitur lacus, Selebosfœ vulgò nominatus, qvi notissimum in universa Thrandia fluvium Rîd/ supra cœmemoratum, emittit.

De Verdalensi & Skoufensi præfecturis.

Ortum versus a tractu Stiordalensi ad intimum sinus Thrandensis recessum, Verdalensis & Skoufensis seu Skounensis jacent nomarchiæ.

De Indereyensi præfecturâ.

Dimidii milliariis ab intimo sinūs Thrandensis recessu spatiò, ad septentrioni obversum litus, in mare irrumpens, sinum trium cum dimidio milliariū longitudine efficit, qvi primū boream versus & deinde in ortum procurrit, circumjectum habens tractum Indereyensem, ad septentrionale Verdalensis ditionis latus situm. Ubi hic deficit sinus, priscis temporibus Norvegiæ Comes Hacon, a potentiâ Potentis cognomen sortitus, emporii, qvò Steinterås dixit, fundamenta jaci curavit, à Regis Haraldī Grafeldī fratrumqve ejus capitalium hostium vi & fraudibus ibidem se tuturus. Verū paulo post Rex Olafus Tryggvinus, neglectò hoc oppido, Nidarosiam, ut supra diximus, exstruxit. Qvò ad Vandalia litora devictò, Comites Eiricus & Svenus Haconis filii, tam amore paternò,

paternô, quam odiô in Regem Olafum conceptô, ducti, desertâ Nidarosia Steinfêrds restaurârunt. His in principatu succedens S: Olafus, summâ ope & industria Nidarosia reficiendâ, augendâ, & ornandâ negotium suscepit, quæ ab illo tempore ad summam venit magnificentiam. Dicitur autem per Syncopen Nidrosia, & hoc tempore vulgò Thrandia, quô posteriore nomine simul universæ illæ octo nomarchiæ antiquitus veniebant.

De Spareboënsi præfecturâ.

Hic tractus Spareboënsis sinui Thrandensi a septentrione adjacet, longèqve in boream Naumdalum versus extenditur. Atqve ita octo illæ Thrandorum præfecturæ, sinui Thrandensi circumjectæ, obiter commemoratæ sunt. Qui sinus inter portum Åragervog in australi, & fretum Buldersfjund/ in septentrionali sitô litore, ex oceano continenti infunditur, unici tantum milliaris ostii latitudine, à quo duorum milliarium spatio, inter promontorium Agdanesia & septentrionale litus, adeò coarctatur, ut semimilliare latitudine vix adæquet.

A promontorio Agdanesia distat Nidarosia. 4 Mil.

Hinc ad tractum Verdalsensem. 6 Mil.

A Nidarosia vero ad intimum limitem sinus Bedstadiördensis, boream versus numerantur, 9 Mil.

Ditio hæc Thrandia suam appellationem a viro quodam multis retrò sæculis nacta est, qui ibidem sedem habuit, Regioque titulô & potestate imperavit, lingvâ antiqva Þrandr/ Danice Troen & Truct nominatus.

A Nidarosia, ut mox dictum est, boream versus, ad Verdalsensis tractus litora sunt 6 Mil.

Hinc ortum versus ad villam quandam, Strin nomine, sub montis Sulesfjeld radicibus collocatam. 2 Mil.

Hinc per ipsum montem, ad prædium Duen (quod primum in Jamptia occurrit) 12 Mil.

Qui (mons) nomen a prædio Sull in ipso monte duobus milliaribus à cæterorum hominum habitaculis distante, sitô, fortitus est, ubi ingens fluvius, Sulaue appellatus, rapido cursu prouens, in sinum Thrandensem properat.

De Jamptiâ.

Præfectura hæc Jamptia, mediô fere inter Norvegiam Helsingiamque situ, nomen habet à primo suo incolâ, Ketille Jamptiô, qui Aunundi Spareboënsis præfecturæ Comitæ filius, Eysteini Uplandarum Regis, cognomento Ålstrade seu Åstuti, tyrannidem fugiens, cum universâ familiâ à Thrandia ortum versus proficiscebatur, monteque Kiölo superato ingentes excidit sylvas, terramque excoluit, ab eo tempore, ut & his diebus, Jamptalandiam dictam. Plurimi deinde magnatum Thrandensium Eysteini crudelitatem exosi, ad exemplum Ketillis solum vertentes, in Jamptiam profugerunt, novumque territorium suis coloniis amplificantes excoluerunt. Ille etenim Eysteinus Thrandos, intolerabilibus fere vexatos tributis, filii sui Sörkveris, Regio titulo cohonestati, imperio regendos commisit. Quo sublato Eysteinus, odio & ira stimulante, inauditus tyrannidis excogitans facinus, canem, nomine Saur/ ut tradunt antiquitates, summâ cum contumeliâ eisdem Regem dedit, qui in insula sinus Thrandensis, Saurseyâ dicta, domicilium habuit, a lupis, gregem ipsius infestantibus,

bus, de quibus instinctu satellitum vindictam sumere satagebat, dilaniatus, ingenti congesto colle, ab ejusdem nomine *Sorsheyd* appellatō, Regiō more eadem in insula magnificē tumultus est.

Continet Jämtia quatuordecim parccias, vastissimis sylvis a Svecorum dirempta finibus, tam frugum quā animantium ingentem producens copiam, magnumque ferarum numerum, præsertim alciū & rangiferorum, incolis subministrat.

Hujus jam descripti districtūs maritimæ oræ, in sua milliaria dimensæ, longitudo ita se habet. (Licet de Fochsensī nomarchia supra qualicunque modo dictum sit; nihilominus tamen paulo altius de illius situ obiter quid repetendum videtur.)

A Nordmariæ septentrionem spectante termino ad antedictum portum *Krægebog* numerantur 5 Mil.

Hinc idem districtus in septentrionem ad fretum usque *Buchlesund* extenditur spatio 6 Mil.

Verum inter sæpe nominatum *Krægebog* eique proximos a Septentrione portus, duobus scilicet a promontorio *Agdanesia* in occidentem miliaribus distantes, sinus *Thrandensis* latitudine adæquat 3 Mil.

Ibidemque *Giandvig* dicitur, non autem *Gandvig* quæ appellatio mari, seu Lacui Albo, inter Norvegiam & Russiam terris infuso, & accolis, *Gandfinnis* dictis, tantum competit.

A *Krægebog* ad insulam *Fören* (antiquitus *Försien*) septentrionem, versus ½ Mil.

Ab hac nomarchia hæc suam traxit denominationem, quæ duo milliaria ambitu complectens, unicum tantum prædium, nomarcharum sedem, habet.

Ab insula *Fören* in fretum *Valdersund* - - - 1 Mil.

Hinc in fretum *Stoetsund* - - - 2 Mil.

Hinc in tertium fretum *Buchlesund* etiam - - - 2 Mil.

CAP. XXII.

DE NORDLANDIA.



Univerſa illa hujus Regni portio, quæ vastissimo tractu a jam dicto districtu Fochsensī in septentrionem protenditur, generali vocabulo Nordlandia dicitur, sequentes hæc præfecturas comprehendens.

- | | |
|--------------------------------|--|
| 1 Naumudalus | 6 Lafodia cum Vesterola, Rosta, Vereya |
| 2 Heljelandia vel Halogalandia | 7 Langenefia |
| 3 Salteya | 8 Andenefia |
| 4 Senien | 9 Finnmarkia |
| 5 Trumsa | |

Omnis hic tractus, in quantum à Norvegiæ colitur, innumeras insulas magnas parvasque, promontoria, lingulas & isthmus habet, quæ infinita freta & sinus intersecant, montana verò & mediterranea loca, utet sinuum intima à Naumudalo ad ultimum usque in boream projectum regionis terminum Finni occupant. Cæterum omnes insulas tam majores, quam minores, promontoria, isthmus, sinus, portus, & navium stationes, quæ in hoc Regno

Regno & Stafangria austrum & orientem versus, usque ad Marstrandam, & hinc ad Regni limiten & Gautelsæ ostio objectos scopulos inveniuntur, licet nimis arduum, & magis quàm quis crederet difficile, longo tamen tempore numerari ac quādamtenus describi posse non nego. Verum à Stafangria versus septentrionem ad regionis hujus ultimos terminos, præsertim in Norlandia, licet eis numerandis & describendis totam quis ætatem impendat, omnino tamen impossibile fore certum est.

De Naumudalensi præfecturâ.

Hic districtus Naumudalensis, ab antedicto freto Bucklesunda longo latoque tractu mediterraneos versus montes extensus in septentrionem, ad scopulum, vulgò Helgelands Glæs dictum, procurrendo, longitudine suâ comprehendit 12 Mil.

Habet autem Buchlesund a septentrione ingentem sinum, Folden seu Foldesfjorden dictum, cujus latitudo ab australi litore, ad insulam Alsegaard / boreali ejusdem oræ objectam adæquat 6 Mil.

Hinc ad promontorium Straumshofvet 3 Mil.

Ex hoc ingenti sinu Foldesfjordo, alius sinus, Naumudalensis dictus, procurrit, & fluvium Naunis / qui vallem Naumudalum permeat, excipit. Verum.

A Straumshofvet ad Lockensiam, aquilonem versus, magnæ illius insulæ, Løsten dictæ, promontorium. 2 Mil.

Hinc ad scopulum Helgelands Glæs australem Helgelandiæ terminum. 1 Mil.

Intra has insulas nomarchia Naumudalensis in continenti per valles late panditur. Magna illa insula, quam Vichr nuncupant, angusto freto à promontorio Straumshofvet dirempta, tria millia in occidentem procurrendo complet, magnum incolarum numerum sustinens, quæ infinitam fere cervorum & damarum (verum jam ut in reliquis hujus Regnilocis, longè quàm antea minorem) copiam olim produxit.

De Heljelandia seu Helgalandia.

Hæc præfectura antiquitus Halogalandia vel Haleyalandia dicta fuit, ejusque incolæ Haleger / extenditurque à scopulo Helgalandsfles, vastissimos sinuum tractus continendo, versus septentrionem ad insulam Fuglevig viginti milliarum longitudine.

A scopulo Helgalandsfles ad Sandver 1 Mil.

Hinc ad Torfve (antiquitus Torgar) nomarcharum sedem, etiam 1 Mil.

Ibi altissima eminet rupies, Torshatten vocata, & duobus ingentibus foraminibus è pelago prospicientibus perspicua.

Hinc ad Skjelfven 4 Mil.

Hinc in sinum Allstehovia 1 1/2 Mil.

Ibidem prædium, sedes sacerdotalis, Allstehouf dictum, situm est.

Hinc ad insulam Kaarholm 1/2 Mil.

Hinc ad scopulum eodemque nomine portum Hangebiern 2 Mil.

Hinc ad insulam Mangvarholm 1 Mil.

Hinc in fretum Rangesund 2 Mil.

Hinc ad Insulam Riden 1 Mil.

Hinc ad Insulam Melep 2 Mil.

Hinc ad Styttē - - - - - 1 Mil.
 Et hinc ad insulam Jūgley - - - - - 2 Mil.
 Hæc Halogalandiam à septentrione terminat, quæ longo latoque tractu
 versus mediterraneos montes procedens, ingentes admittit sinus, ad quo-
 rum fines Finni habitant, qui etiam magna ex parte insulas, istmos & pro-
 montoria cum Norvegis excolunt.

Distribuitur hæc præfectura in tres partes, quarum prima Bryneyen-
 sis sex parciales ecclesias continet. Duobus cum dimidio milliariibus ab
 hac insula Bryneyn versus occidentem Vyneya insula jacet, unam conti-
 nens parciem. Secunda Alstehouensis, octo parcias habens, colonos-
 que nongentos, & jam quidem plures, præter illos, qui litora occupantes,
 piscatione tantum aut mercaturâ, vel etiam artibus mechanicis, vitam su-
 stentant, omnesque illos Finnos, qui intermixti Norvegishic habitant: si-
 ta est autem sedes sacerdotalis Alstehou in insula Alstēn / quinque millia-
 ria in circuitu continente. Tertia Rodeyensis, sex parcias habens, qua-
 rum una ab insula Duunen sive Duagen, quatuor milliariibus vasto undi-
 que circumfusa oceano, distat. Sed templum quod insula Fræn dicta habet,
 Sandekyrke vulgò appellatur. Evronotum versus semimilliaris interval-
 lo ab insula Rodey prædium jacet Thjofen / antiquitus Thjofsta dictum.,
 ubi regnante Divo Olafô Harechus de Thiotta habitavit, a Rege Haraldo
 Pulchricomo genus ducens, quod hodie prædium duodecim coloni inhabi-
 tant. Hic Harechus de Thiotta, cum Kalso Arnii filio de Eggis, & Tho-
 rere, cognomento Cane, de Biarkeya, conspirantium colonorum tribunus,
 contra S. Olafum arma sumpsit.

De insula Duneyâ seu Donœ dictâ.

Portus Hangebiernen / ejusdemque nominis rupes, in continenti obver-
 so hujus insulæ litore, Duneya locum obtinet, unde austrum versus se-
 mimilliaris intervallo in eadem insula eminens rupes, quam Dunne-
 biernen vocant, distat, ibidemque portus haud incommodus in japygem
 excipiente insulæ litore invenitur, & hinc sesquimilliaris spatio abest tem-
 plum Danneneskyrke / seu Danneneskyrke dictum. Hæc prima est Nor-
 landiæ insula, in qua tempore solstitiali æstivò tam noctu quam interdiu so-
 lem videre contingit; unde apparet polum Arctoum gradibus sexaginta no-
 vem hic attolli, omnemque illum tractum, qui hinc in septentrionem pro-
 tenditur, Zonæ frigidæ subjectum esse, & quo longius ab hac insula septen-
 trionem versus progrediaris, eo altius supra horizontem nocturnò tempo-
 re diem perfudi sit, nec tam splendide lucere, quam in meridie, ob ex-
 surgentes noctu terræ vapores, & nebulosas exhalationes.

De Salteynsi præfectura.

Septentrionem versus ab insula Jūgley / hæc nomarchia, quam vulgò
 Salten vocant, longò tractu extenditur, has parcias continens: Sil-
 lestalen / Salten / Stegen & Lodingen / quæ cum suis adjunctis minori-
 bus ecclesiis octodecim milliaria longitudine complent, sc:
 Ab insula Jūgley at Lebenbratta - - - - - 4 Mil.
 Hinc ad Stegen supremi judicis provincialis sedem - - - - - 6 Mil.
 Hinc ad Sandtoft - - - - - 6 Mil.
 Hæc quoque præfectura versus mediterranea latè expansa, sinus quatuor-
 decim vel sedecim milliarium longitudine interfecantes complectitur.

De

De Senienſi præfectura.

Tractum Salteyenſem verſus ſeptentrionem excipit præfectura Senienſis, Senien vulgò dicta, quæ ad Trumbſenſem uſque præfecturam in (in qua, cum ad perfectam maturitatem ob nimiam aëris frigiditatem fruges non perveniant, nec ſeritur, nec metitur, verſus boream procurrit.

De Trumbſenſi præfectura.

Continet hæc præfectura, quam Trumbſenſem nuncupant, duas paræcias, quarum australior Thrandeneſia, borealior Trumbien vocatur, nec ulla ſeptentrionalior hoc in Regnoprehenditur paræcia, quæ villas cum pratis habeat. Norvegi enim, hinc ſeptentrionem verſus in Finnmarkia habitantes, aſperas & petroſas inſulas, ſcopuloſque ſine agris pratiſque, piſcatione viſitantes, tenent, templaque habent lignea, & ea quidem parva, quorum duo vel tria unum tantum ſacerdotem agnoscunt.

Tractus hic a Sandſoft/loco ita dicto, verſus boream ad Løppen uſque Finnmarkiæ inſulam extenditur, ſedecim aut octodecim milliarium longitudine.

Hoc in tractu, ut modò dictum eſt, Thrandeneſenſis jacet paræcia, cujus primarium templum in Thrandeneſia è vivò faxò magnificè exſtructum, ſitum eſt, omniumque in tota Norvegia ruralium ſplendidiffimum cenſetur. Hæc paræcia Episcopo Thrandenſi in proprios uſus conſeſſa eſt, in qua ſeptem vel octo ſuos habet vicarios, & more antiquo tertio quovis anno in Thrandeneſiam proficiſci tenetur, ut de religione & verâ verbi Dei adminiſtratione in hac boreali ſuæ diæceſeos parte diligentius inquirere, & quæ neceſſaria videntur ritè ordinare facilius queat. Hac in nomarchia inſula, hodie Birtæe olim Birtæy dicta, ſita eſt, pulcherrimum eodem nomine inſignitum habens prædium, quod paulò ante nominatus Thoror, cognomento Canis, inhabitavit, qui à Rege Haraldo Pulchricomo oriundus (id quod legiſſe non memini) cum Kalfø Arnii filio & Harecho de Thiot-ta contra S. Olafum exercitum duxit, eumque armis impetivit. Diſtrictus Trumbſenſis in boream ad inſulam uſque Løppen/piſcatoribus in tota Finnmarkia frequentiffimam, procurrit, unde jam ad Norlandiæ quasdam inſulas obiter deſcribendas revertimur.

CAP. XXIII.

DE NORDLANDIÆ INSULIS, ET PRIMUM DE Roſte ET Beren.



Duodecimum milliare occidentem verſus ab inſula Styttan ſeu Hualeſy / quâ australior nulla in Saltenſi vel Salteyenſi diſtrictu ſita eſt, inſula, nomine Roſte / quatuor in circuitu milliaria habens, cum circumjectis minoribus inſulis paræciam conſtituit, quæ Loſodenſi adjungitur paræciæ, à qua in aquilonem quatuor milliariſ diſtat inſula, Beren dicta, olim etiam unam paræciam continens, quæ hodiè eccleſiæ quoque Loſodenſi adſcripta eſt. Eſt & hæc inſula ejusdem ferme cum Roſte vaſtatis,

statis, aliquantum tamen editor. Nullus in his duabus insulis portus aut navium oportuna statio, nec locus quidem, quo navigia ad litus tuto appellari possint, invenitur, ac eapropter plurimi hic piscatorum cum suis cimbis & celocibus, naufragio facto, haud raro pereunt.

De insula Mosken, & freto Moskenæstrøm vulgò dictò.

Unus milliaris longitudine aqvilonem versus ab insula Vereyâ, Moskeya locum habet, cultoribus quidem vacua, sed centuriis aliquot ovium pacendis electa, quas Lofodiæ incolæ eò sagineandas transportant. Ab hac insula boream versus semimilliaris spatio, Lofodiæ quædam lingua, Moskenenes nomine, in mare procurrit, inter quam & Moskeyam rapidissimo cursu horrendum proruit fretum, quod Moskenæstrøm vocant, immani vortici haud absimile, nam allabentibus oceani undis, per has terrarum angustias mare irrumpens litoribus infunditur, & rursus resluentibus, per easdem delabitur, & utrumque tantâ æstûs violentia, ut cuiusvis rapidissimi fluminis, angusto inter asperas rupes meatu, ingentibus cataractis devoluti, vim & sævitiam, etiam tranquillo celo, longè superare videatur, ejusdemque æstuantis susurrus, multorum milliari-um longo spatio exaudiatur, tantique hic sunt in se ipsos contorti vortices, ut navigia etiam, quantumvis magna, si propius accedant, absorbeant. Cæterum licet hoc fretum ingentis sit profunditatis, nihilominus tamen quicquid eo mergitur, æstûs violentiâ ad inum fundum detrusum, asperis ibidem rupibus & saxis illisum confringitur, etenim cum navigia hauserit, recedente tandem æstu, in minutas partes revomit, nec unquam tranquillum est, aut superabile, nisi cum aut æstuum relapsu, cessante undarum conflictu, mare tranquillatur, aut pleno alveo æqvior ad summum incrementi pervenit, langvêscente utrinque maris violentiâ, quod tamen ultra horæ quadrantem non perdurat. Itaque impetuosus spirantibus ventis, hos vortices, vehementius præsertim æstuentes, uno milliari præternavigantes propius accedere non audent, cum multi mortalium, qui incauti nimis illos appropinquant, periculum non sentiant, priusquam ab æstuum vi cum navigiis absorpti submerguntur. Haud aliter ingentes ceti a vorticibus, modo appropinquent, rapiuntur, qui cum se undarum violentiâ nequicquam oblectari, sed nolentes volentes aqvam subituros cognoscant, tam horrendos edunt boatus, ut terram movere putentur; ita absorpti, vitam profectò finiunt, scopulis illisi atque suffocati. Ingentes quoque arbores haustas, cortice, ramis & foliis denudatas, contusasque hic idem æstus reddit. Itaque de hoc Moskenæstrøm variæ hominum feruntur sententiæ; putant enim quidam imensæ proinditatis hic esse vorticem, aqvamque per quædam foramina subire terram, & per alia alibi exire, & contra cum ibidem subierit, hic erumpere, & utrumque statis vicibus, vel etiam in profundis terræ venis perennem hic ignem sulphureum, ut in Islandia & aliis quibusdam terrarum locis, latitare, qui hoc maxime modo aqvam in sui nutrimentum absorbeat, & paulo post summa cum violentia & impetu emittat. Ego autem existimo asperrimas & inæquales, ut passim in hac regione, cautes sub undis latere, quæ hunc horrendum æstum, cum mare affluit aut refluit, causentur, præsertim cum sex utrinque horarum spatiò, maris reciprocationem sequens, sæviat.

De insulis Lotodia & Vesterola.

Insula hæc Lofoden hodie (olim Lofat) dicta, cum reliquis tribus, Vesterola nempe, Rosta & Vereya, præfecturam constituit, à promontoriò Mosfencè japygem versus ad sinum Vogensèm novem longa milliaria & aliquot lata. Est autem vasta & multis commodis dives insula, tanta piscium copiâ abundans, quanta in toto Nordlandiæ tractu alibi nusquam invenitur, latissimisque pascuis viret, quæ mirum in modum luxuriantia, tantæ altitudinis gramina producunt, ut armentorum ventrem attingere dicantur; adeo utile animantibus nutrimentum, ut capri & oves multo plus hic pingvescant, quàm in ulla alia Norvegiæ provincia, unaque quadraginta octo sevi libras subministrat. Ingentes præterea & editos montes hæc insula habet, tot imanium urforum feraces, quot nulla reliquæ hujus regionis præfectura producit, non modo armentis & pecudibus infestos & inhiantes; sed etiam piscibus, quos è piscatorum tabernis clanculum surreptos devorant; infelici tamen eventu sua sæpe exercent latrocinia, nam tempore quodam, cum è Lofodia in Moskeyam ad complurimas, quas illic prospererat, oves capiendas, opimamque, ut videbatur, prædam occupandam, quidam eorum tranare decrevisset, ab æstuante freto, de quo ante diximus, nequicquam aquarum impetuosus viribus obnitens, absorptus est, quod insulani tam viderunt quàm audierunt. Eosdem quandoque fretum hoc transituos æstus abripit atque in altum compellit, ubi à piscatoribus, ibidem cimbis suis piscationem exercentibus, occiduntur. Accidit præterea aliquando, cum colonus quidam Lofodensis peregrè domum rediens, amphoram hydromeli plenam, quam advexerat; prope litus cum reliquis mercimoniis nocturno tempore reliquisset, ut ursus superveniens dentibus aut unguibus operculo detracto aquam mulsam, cujus desiderio multum tenetur, hauriret, adeoque se ingurgitaret, ut crastina illuciente die, ebrietate obrutus, ibidem recubaret, ac itaque a colono ad litus redeunte interficeretur. Haud rarò etiam oleum è piscium intestinis confectum, contractis quibus continetur vasis, ebibunt, non sine possessorum detrimento; & cum piscium hepar, quod in oleum convertendum ingentibus in vasis servatur, forte inveniant, exhausto qui supernatat liqore, liqore, illud quod reliquum est corrumpunt. Cum forte aliquando ursus tabernam intrasset piscatoriam, piscesque altius (ut citius indurarentur) suspensos apprehensurus, cymbam, quæ recens structa ibidem forte collocata fuerat, ascendisset, eademque eversa confestim corruisset, tantam concepit iram, ut illam in minutas confringeret partes. Quodam tempore etiam hac in insula ursus, nondum ad maturam provectus ætatem, equum interempturus comprehendit, moreque solito posterioribus divaricatis pedibus eum complexus est, anterioribus autem collo injectis, dentibus dilaniare sanguinemque exfugere capit, sed cum ad illum hoc modo mox prosternendum viribus non sufficeret, equus concitato cursu per densissimam sylvam ad proximam villam contendit, quem ille retinere volens, anteriore alio pede arboris propinquæ ramum summa vi apprehendit, eique impressas ungulas, equo effulse currente, quantumvis invitatus, reliquit; domum itaque celeriter vectus, à colono, qui insolito audito strepitu foras egrediebatur, occisus est. Hæc de ursis jam commemorata hic sibi potissimum locum poscere videbantur, cum hac in insula eorum tanta sit multitudo, ut gregatim incedere conspiciantur, in editis & inaccessis montibus ab hominum omni impetu tui liberi que sese continentes. Nec
fatis

satis mirari possum quo modo huc primum pervenerint cum tot milliari-
bus à continenti insula distet.

A promontorio *Mosstænes* / quò in *Lofodia* australior nulla terræ
pars, ad *Ballestad* numerantur 3 Mil.

Hinc ad sedem piscatoriam *Hennesvær* 3 Mil.

Et hinc ad sinum *Vogensæm*, *Lofodiæ* maximè septentrionalem or-
tum æstivum versus, etiam 3 Mil.

Omnes namque insulæ à *Rosta* ad *Vogas*, versus continentis litora
ordine flectunt, ut tandem à *Vogis* rectà in orientem ad *Stegen* / in præ-
fectura *Saltøensi* prædium non ultra quatuor milliaria deprehendatur.
Duo præterea angusta freta *Lofodensem* tractum interfecant, *Jungesfretum*
aliud, aliud *Gimsøfretum* vocant. Jacet autem insula *Gimsø* / à qua fre-
tum nomen habet, inter *Lofodiam* & *Vesterolam*. In septentrionali at-
que occidentali *Lofodiæ* ora, ut & in compluribus magnis parvisque insu-
lis, plurima inveniuntur loca, tam villis exstruendis apta, quam piscatoribus
idonea, modò sua navigia tuto ad terram ibidem applicare possent; nam
universum litus, ubi cymbæ subducendæ sunt, asperum & confragosum
in magnam extollitur altitudinem, & passim inter editos icopulos angur-
tissimæ infundunt se freta, quæ vento ex opposito litora afflante adeo
æstuant, vicinorumque mare circa universum littus tantos ciēt fluctus, ut
omnino insuperabile reddatur, quare piscatores haud raro undarum sævi-
tia à littore exclusi, donec tandem venti ponant, & mare tranqvilletur,
longiori à terra spatio, huc illuc fluctuando comorari coguntur, in summo
periculo versantes, nam eorum haud pauci sæpe naufragio pereunt. De
piscatione circa littora *Lofodiæ*, ad cætera jam properantes, paulo post
dicemus.

De Insula *Vesterola* seu *Vestrola*.

Tribus circiter milliariibus japygem versus à *Lofodia*, insula, quam
Vesterolen incolæ vocant, sita est, inter reliquas omnes longissimo
tractu in caurum procurrens. Unam continet parœciam canonicis
Nidrosiensibus concessam, sub *Lofodensi* præfectura comprehensa, in qua
prædium ingens nomarcharum sedes, quod præter reliquorum animanti-
um multitudinem pecudumque greges, sexaginta vaccis alendis sufficit, pa-
scuorum enim amœnitate & soli ubertate *Lofodiæ* nihil cedit.

De præfecturis *Langenesia* & *Andenesia*.

Borœam versus à *Vesterola*, & à promontorio *Trumbensi*, *Tronde-*
næsia dicto, caurum versus, ad tertium plus minus à continenti litto-
re milliare, sita est insula nomine *Langenesia*, à qua in japygem alia,
Andenesia dicta aliquantulum distat, quarum quævis cum circumjectis in-
sulis nomarchiam constituit, lætissimisque pascuis frequens magnum ani-
mantium numerum producit, universo mari vicino ingentem piscium co-
piam subministrante. In his nec feritur nec metitur ob nimiam cœli frigi-
ditatem, quæ tempore æstivo statim post natalem *Baptistæ* terrain infe-
stans fruges maturefcere non sinit.

De Insula *Vardœa* / & castro *Vardhusensi*.

Hac in insula *Vardœa* castrum, vulgato nomine *Vardhus* / excitatum
est, de cujus exædificatione, aut quo sub Rege fundatum est, ni-
hil certi quod adscribam habeo. Septem autem milliariibus in septen-
trionem

trionem eadem insula â continente distat, â qua evronotum versus ad parvam quandam insulam, *Engesjuven* appellatam, ut in terminorum regni Norvegici descriptione habetur, hocce regnum finem accipit: ingenti intervallo ab *Andenesia* vulturum versus projecta est hæc *Vardöa*. Sunt autem hæ, jam obiter commemoratæ, majoris vastitatis insulæ, cum reliquæ innumerabiles sint, quæ totum continentis littus præcingunt, quarum aliæ hominum cultui aptæ, aliæ vero incultæ jacent.

CAP. XXIV.

DE NORDLANDIÆ SEU JAM DESCRIPTARUM PRÆFECTURARUM GENERALI QVODAM STATU, DEQVE PISCATIONE CIRCA NORLANDIÆ LITTORA.



Res illæ præfecturæ, *Numedalensis*, *Heljelandensis* & *Saltenensis*, soli optimi frugumque bene feraces agrorum vastitate insignes passim habent villas, adeo ut sementi faciendæ quadraginta frumenti tonnas una tantum requirat; verum filiginis parum terra hæc producit, præterquam in quibusdam *Heljelandiæ* locis. Sed nulla his septentrionalior ditio, nec vastus

Trumbensis tractus, *Finnmarchiæ*, ob frigoris vehementiam frumenti sunt feraces, verum in maritimis locis inter asperas & eminentes petras pascuis frequentissimæ adeoque lætis, ut genu tenus alta excrescant graminæ, licet tamen in *Lofodia* & *Vesterola* plus luxurient, quo armenta pecudesque optimè nutriuntur pingescuntque. Reperiuntur quoque in hisce locis prædia, innumerabili animantium multitudini alendæ idonea, quorum quodvis ultra centum frumenti tonnas agris tantum ferendis sibi dedoscit. Inter hæc unum (*Thiotta*) haud infimi nominis recensetur, quod hisce temporibus duodecim inhabitant coloni, eique subjunctæ circumjacentes insulæ, sex vel octo colonis sustentandis, modò excolerentur, sufficerent; inde pro annuo reddito aselli arefacti 48. *Woner* / seu duo millia ducentæ novaginta novem Romani ponderis libræ, regio præfecto quovis annopenduntur. Habet quoque *Nordmæria* huic consimile prædium, duodecim etiam colonorum sedem, nomine *Hufestadum*. Nec minor & *Bircköa* seu *Biarkeya*, tractus *Trumbensis* villa, licet ibi non feratur, infinitam tamen animantium sustentat copiam. Horum prædiorum atque consimilium unumquodque vir tantum unus, sed ingenti domesticorum numero stipatus, antiquitus inhabitavit. Verum qui angustis finibus circumscriptis utuntur villis, aut qui nullas habent, vaccas tamen cæterorumque animalium greges alunt, tempore æstivo in insulas alias incultis, sine reliquorum incolarum damno, fœnum nutriendis animantibus defecant, quibus etiam, urgente necessitate, contusa piscium ossa capitaque, ut & induratos asellos, cum cujusdam generis alga marina commixtos, devorandos præbent. Cæterum cum *Norlandiæ* præfecturæ populosissimæ sint, & tam indigenis, quam advenis frequentissimæ, adeo ut villæ atque agri tantæ multitudini alendæ nec suppetant, nec sufficiant, insulas & scopulos occupando piscatione haud pauci vitam sustentant. Qui inter cætera frumenti, cujus longè minor hic est proventus, quam tot hominum millia sibi in necessarios deposcant usus, penuriâ laborantes, lembos & celoces piscibus arefactis

arefactis onustos ad vitæ necessaria comparanda quot annis Bergas mittunt. Nec id solum Vardoæ, Finnmarkiæ aut Nordlandiæ incolæ faciunt, sed etiam Thrandenses, & omnes qui septentrionem versus à Bergis habitant, factaque mercium permutatione, farinam, bynam, aquam mulsam, cervisiâ, præsertim Lubecensem & Rostochiensem, argentum, nummos, æs, pannum, linum, sal, & lupulum, cum compluribus aliis, quas necessitas requirit, rebus, domum reportant. Nec tantum Germanicæ farinæ aut cervisiæ in australis Norvegiæ provinciis quam septentrionalis, & præsertim in Nordlandia consumitur, non sine incolarum detrimento, (licet universo orbi terrarum commune sit malum) cum parcimoniæ minus studentes, plurimi cibo & vino se iugurgent: tempore etiam hyberno, vel eâ anni tempestate, qua Bergis Christianiæve hydromele aut Germanica cervisia vix reperitur, in Nordlandia abunde venditur.

De piscatione circa Nordlandiæ littorâ.

Cum hic, de quo jam diximus, tractus, non tantum frumenti numerum subministrat, quantum incolarum multitudo ad vitam sustentandam requirit, Dei optimi maximi, cui has oras ab hominibus fidem Christianam amplectentibus inhabitari placuit, immensa largitate & munificentia, superflua varii generis piscium copia abundè sustentatur; adeo ut præter illos pisces, quos in quotidianos usus circa vicinum littus & scopulos quovis anni tempore capiunt, statis vicibus infinita multitudo, quæ maxima ex parte ætate tam vario, quam longo atque passere majore constat, tam copiose littora subeat, (quod etiam in Islandia, Grænlantia, & Norvegiæ Russiæque confinibus oris usu venit) ut admiratione dignum videatur. De Heljelandorum itaque & Saltensium piscandi modo pauca adscribere placet, unde quodantenus intelligi potest, non adeo dissimilem in reliquis hujus regionis præfecturis piscationis exercitium servari.

Statim igitur à festo natalitiorum Christi, circa S. Pauli feriam, Heljelandenses cum suis celocibus & cymbis ad iter sese accingentes, septentrionem versus viginti vel etiam triginta miliaria emetiendo in Lofodiam proficiscuntur, cum tempore hyberno hujus insulæ littora præ reliquis omnibus piscosa deprehendantur, piscatus etenim circa Röstam & Veröam descevit, propterea quod piscatores ob scopulosi littoris asperitatem & portuum penuriam multoties naufragium facientes interierint. Cum in Lofodiam perventum est, plurimas domunculas ventis undique pervias, ex lignis sursum transversumque positas, de quibus pisces exsicandos suspendant, exstruere solent. Piscaturique cymbis ut plurimum quatuor scalarum, semimilliaris spatio in occidentem à littore remigant: unde tranquillo sælo, uno die, una quævis cymba, centum aliquot ingentibus piscibus ter onusta domum redit, æsellus enim varius & longus, passeresque majores, tam dense fundum operiunt, ut confestim antequam ima petat, hamum cum esca indita deglutiant. Quandoque etiam cum funem piscatorium repente attrahunt piscatores, ab hamo ex improvise aliqua ex parte transfixi in cymbas extrahuntur. Hæc loca, ubi tanta piscium copia congregatur, Gistever sua lingua nuncupant incolæ. Captum piscem, dum hamus iterum fundum petit, piscator capite truncat, exenteratque, & intestina jecore nec reservato abjicit. Capita verò in mare projicere, ne pisces ea conglutiendo rumpantur, & sine ullo hominum commodo intereant, interdictum est, secusque facientes graviter mulctantur. Summa
tamen

tamen urgente necessitate ita inter illos convenit, ut trajectô per ea validô fane plurima simul colligata undis mergantur, ita enim piscibus nihil nocent. Vento exsicandos pisces, perforatis caudis, funiculis duos vel tres unâ connexos in tabernis suis piscatoriis suspendunt, suos quisque peculiari caractere insignitos. Peractâ piscatione, cum jam Martius mensis in exitu fermè est, domum revertuntur, relictis aliquot viris, in piscium, donec arefiant, custodiam, qui tum demum à possessoribus auferuntur. Ille autem piscis, qui verno capitur tempore, ob aëris illâ anni tempestate in iis locis frigiditatem atque siccitatem, optime induratur, nec, ut qui ætate capitur, exdorsuatur, nisi forte ingentis sit magnitudinis. Piscium illa capita quæ domum vehunt, exsiccata & deinde contusa, simul cum alga marina, sæno, piscium etiam ossibus & pinnis, animantibus in escam præbent. Passeres majores in longa segmenta dissecant, pinnaeque cum parte pingvissimâ succidunt, has *Nas* / illas *Niedling* nuncupantes, qui præ reliquis piscibus multum commendantur. Verum cum hi passeres majores ob carnis crassitiem atque pingvedinem æstivo tempore ægrè siccantur, (tantæ enim magnitudinis circa Andenesiæ littora capiuntur, ut mensuræ nostratis sesquigonna unius in frustra dissecti vix sit capax) nec ob salis vasorumque penuriam condiri queant, illos inescatos clam sæpe dimittunt piscatores, quod si palam fiat, ingenti pecuniâ mulctantur. Aliis verò piscibus, nisi ad quotidianum victum, capiendis hic parum student.

Tempore hyberno ante natale Salvatoris festum, cum longissima nox incumbit terris, in naviculis suis paulum à littore prodeuntes, & in profundissimis sinibus haud raro commorantes, piscem *Haastierding* / quem corrupte *Haastierling* vocant, capiunt, duabus cum una die noctibus unum sæpe expectantes. Hic noctu melius cernere dicitur, quò etiam tempore facilius inescatur, putridam autem phocarum carnem, cujus desiderio maxime tenetur, hamo indere oportet, ejus quippe nidorem decem milliarum spatio eum olfacere tradunt, hamum autem catenæ ferreæ duos cubitos longæ, ne immanissimo dentium ejus acumine abscindatur, appendi, hancque funi piscatorio alligari necesse est. Hunc piscatores maxime expetunt ob jecoris abundantiam, unde liquoris vel olei ingentem copiam excoquere solent; nec hic pro magnitudine corporis est robustus, ossum enim loco cartilagine tantum habet, ac eapropter exiguo hamo quandoque capitur. Verum si forte tempore æstivo ab illis, qui asellum piscantur, ex improviso inescatus extrahatur, exciso hepate, utere constat & fistulâ sufflatô, ne ima petat, reliquosque pisces, quibus utique infestus, in eodem semper loco hærens submoveat, fluitans dimittitur. Ex aselli aliorumque piscium jecore maximam olei copiam conficiunt incolæ, in eum tantum usum collecto & conservato. Capiunt & piscem his in oris, quem *Bruade* / seu *Haabrand* vel *Haamer* vocant, jecoris abundantia multum commendatum. Is admodum robustus haud facile hamo domatur, solet autem superne narando, vestigiaque navis premendo, eam insequi, tamque prope eam accedere, ut cultris, quos gubernaculo appendunt, oculum nautæ effodiant, quo vulnere faucius, eam viam, quam, dum magno se impetu iraque verteret, arripuit, cursu velocissimo persequitur, quæ si ad continentem vel insulam ducat, ej tandem exitio fit, ibique capitur. Quavis etiam æstate Helgelandeses ultra Lofodiam circa breviam & scopulos piscantur, & quod jam de eorum piscatione dictum est, id etiam de Nerdlandiæ Finnmarkiæque incolis intelligi potest, qui tam æstivo quam hyberno tempore, aut in jam commemoratis insulis, aut etiam aliis, quæ universo

continentis litori prætenſæ huc illuc ſparguntur , prout cuique commodiſſimum videtur ; piſcationem exercent. Circa terræ continentis litora , ut & inter minorum ſinuum ſcopulos & inſulas , qvavis anni tempeſtate pureri & imbecillis hominum turba , in cymbis , & qvidem exiguis , varia piſcium genera qvotidie capiunt , puta varium aſellum , aſellum longum , paſſerem , albulam minorem , Graaſen magnitudine aſelli , cujus ſuperflua abundantia , ſed æſtate tantum , in his oris invenitur , Bröſine / Siſtoſ ſeu Knude / Knøt / qvi reliqvis præfertur , atqve longe plures , qvibus vel ipſi veſcuntur , vel arefactos vendunt. Piſcantur & ibidem , ubi profundius eſt mare , ingentis magnitudinis aſellos , Løb vocant , qvorum qvatuor vel qvinque in fruſta diſſecti & ſale conditi , tonnam adimplent. Rajas verò , qvas hic ceperunt , non comedunt ipſi , ſed exſiccatas Svecis , per mediterraneos montes huc qvandoqve proficiſcentibus , divendunt. Rupibus qvoqve & ſcopulis littoris inſidentes incolæ , piſciculos qvosdam , Sengumme ſeu Blaafſtaf vocatos , aliosqve minutos his conſimiles , hamo piſcantur , ut & muſtelas marinas in ipſo ferme littore ſub alga degentes , angvillæ magnitudinis. His adde oſtreum , aſtacum , cancerem , qvibus pro delicatiori cibo utuntur. Sues præterea piſcis cujuſdam , Spill diſti , in arenoſo litore ingentem copiam effodiunt ! hic in arena ſemper degens ibidem nutritur , colore argenteo , & qvidem ſplendidiore , haleculam magnitudine haud excedens , acutum in tergo cirrum habet , aliis inſcandis piſcibus valde idoneus. Sunt & hic congrî angvillæqve fluviatiles , à qvorum eſu incolæ omnino abſtinent , colubri Fratres illos vocitantes. Captant qvoqve ſcombros , truſtas , balleros , a cipenſeres (vulgo aſturiones) tum ſcombri tum elocis generis , Maſtreelſtorier & Læreſtorier / ut & in fluviis , licet rarò , efoces , lucios , & truſtas. Vituli porro marini , phocæ , ingentesqve ceti , qvi aut capiuntur , aut demortui fluviis in littora ejiçuntur , plurima incolis commoda præſtant , e qvorum carnibus immenſam olei abundantiam exprimunt. Cæterum beluæ marinæ , qvas Troid Svale vocant , ut & immaniſſimæ hydræ , in perniciem generis humani tantum , ut videtur , natæ beſtiæ , valde hic extimeſcendæ ſunt , multos qvoniã haud rarò mortalium ſubverſis navigiis interimunt.

De imò maris fundò circa Nordlandiam.

Prouit hæc regio inæqvalis , alibi in editos montes ſurgit , alibi in valles ſubſidet ; ita & vicini maris fundus , alibi collibus tumulisqve reſertus , alibi admodum depreſſus apparet , ut hinc immenſæ profunditatis æqvor obſervare liceat , nam ſupra rupes & exſurgentes ſcopulos , triginta , quadraginta vel ſexaginta paſſus adæqvât. Qvandiu autem in inſcrutabilis altitudinis oceano , ſive ob frigoris vehementiam , ſive aliam qvandam cauſam ſeſe continet piſcis , tamdiu piſcatoribus eum capiendi nulla fit copia , excepto tantum illò , qvi in ſinibus inter ſcopulos & inſulas hyemem tranſigit. Verum cum ſtato anni tempore , ex Divina providentia , littora ſubeundo editiora ſub undis loca occupat , ubi illi pariter ac in profundo ſalo alimenta non ſuppētunt , hamo inditam eſcam lûbens apprehendit. Sed ubi mare tantæ eſt profunditatis , ut funis piſcatorius fundum non attingat , nunqvam extrahitur , itaqve neceſſario ex immenſæ altitudinis pelago ad hos colles & brevია , ut capi poſſent , piſces compelluntur. Qvæ loca longius paſſim à terra diſtanta , piſcatores , ſumpto à proximis terræ qvibusdam locis certo indicio , diligenter notant obſervantqve.

CAP. XXV.

DE NORDLANDIÆ ANIMALIBUS
ET SYLVIS, MORBIS QVOQUE FRE-
QUENTIORIBUS, &c.

Habet Nordlandia, prout reliquæ Norvegicæ provinciæ, varia animalium genera, tam domesticorum quàm ferarum, nocuarum & innocuarum. Equorum, quos tota fert Norvegia, optimi atque generosissimi hic inveniuntur. Major boum quam quis facile credat, numerus. Præterea capræ, oves, fues, canes, feles & mures; glirès verò nulli, quos forte in vectos ista terra vivere non patitur. Littora vicinumque mare ingenti phocarum multitudine scatent; montana verò & sylvestria, alces, cervi, lepores, & infinita rangiferorum copia occupat. Aliquot etiam urforum nigrorum genera, alborum verò nulla, licet exempla, pauca tamen, suppetant, albos illos immanissimos ursos, immensâ illa fluctuante glaciè, quàm ventorum vis huc atque illuc compellit, è Grænlandia vectos, ad hæc oras pervenisse, multosque hominum, antequam occidi poterant, è medio fustulisse, quod & haud rarò in Islandia contingit. Sunt etiam hic hyænæ, lupi atque vulpeculæ, & hæc quidem rufæ, albæ & nigræ, quæ cæteris præferuntur, nec non tria lyncium genera, puta Ulsougber / Resvegouber & Rategouber. Lutræ & castores in sinibus ac fluminibus, in sylvis martes, sciuri, mustelæ alpinæ atque meles. Verùm ultra Helsinglandiam in universo illo septentrionem versus protenso tractu, nulli omnino serpentes, bufones aut ranæ, aut ulla venenata animalcula deprehenduntur; cujus causa an humo, herbis, vel frigidæ aëris temperiei adscribenda sit, juxta cum ignaris me nescire fateor.

Æstivo tempore in universa Nordlandia Finnmarkiaque, culicis quodam genus, quod magnitudine cæteris longè anteit, infestò aculeo & ingrata voce, homines, noctu præsertim, cum se ad quietem composuerint, multum inquietat, aliarum autem muscarum tantus hic non est numerus, quantum in reliquis Norvegiæ provinciis. Licet porro Nordlandia nullos producat glires, nec in vectos patiatur, qui hybernâ tantum exactâ tempestate, renascentibus graminibus, mox exanimantur, quod etiam in plurimis hujus regni maritimis locis atque insulis contingere observatum est; nihilominus tamen glirium aqvaticorum, Lemmen vocant, immensam & infinitam ferme habet copiam, quæ dira quidem animalcula, insulis præsertim incultis, & à continentî terrâ remotioribus, incumbunt, atque unâquæque universo gramine radicitus corrosa, tanquam vomere fuisset proscissa, relicta, in aliam transeunt, immenso agmine facta, tanquam in acervum congesta unum supra alterum, hæc subtus, illa supra aquam recta simul tendunt, nec aliquot tantum millia murium aqvaticorum hoc agmine continentur, sed multæ myriades; collis enim instar supra undas coercantur, & quæ infimæ natant, ad duorum passuum altitudinem in aquam demersa; itaque piscatores iis obviam facti, loco cedere sine mora necesse habent, alias cymbas eorum multitudine suâ obrunt, atque profundis aquis submergunt, quod & aliquoties contigisse dicitur; nam ex improvviso sæpe in vecti, in summo constituti periculo, effugientes ægerime elabendi viam invenerunt.

Sunt quoque in Nordlandiâ plurima avium genera, & imprimis galli, gallinæ & anseres, prout in aliis regionibus. Tum sylvestres, ut aquilæ, quarum duo hic reperiuntur genera, falcones, accipitres, cuculus, qui tamen ultra Lodingesögn, japygem versus in nomarchia Saltensi sitam parochiam non visitur. Bubo, corvus, cornix, nycticorax, pica, graculus, monedula, urogallus, lagopus, sturnus, picus martius, vel merula major. Varia etiam picorum genera, ut picus viridis, flavus, niger &c. merula, turdus, turdus torquatus, alauda, hirundo, motacilla, galgulus, passer, vespertilio, regulus; ut & avicula Egde dicta, alaudæ magnitudinis, quæ æstate totis canit noctibus. Item Trostrucker picæ grandiores, quæ nocte intempesta volare, omnesque res albicantes petere solent. Varia dantur falconum genera, sc: Hvidsælcker, Giersælcker / Gaasælcker / (fortè melvus,) & Fjitesælcker seu Stüren. Bubonum etiam varia, ut ulula, noctua, Hornugle & Rattugle. Hørsegieger / Skougslader / Regnsføer / Heiløner / Mjeresløber / Søclført / Erler / Grenspure / Brenttflin ger / Steendulper &c.

Similiter & aves marinæ, ut cygnorum anserumque infinita copia, equus marinus, (Haff-Heste) pica marina, quam & Blis & Tjelt vocant, estque prima omnium earum, quæ verno tempore e remotis locis huc advolant, ardea, & varia anserum genera, ut tarda, Nædgies / Ringgies & Graffgies. Haffstuer / Haffeller / Teister / mergorum etiam varia, utpote Haffinaager / Strandmaager / Sortemaager / cum reliquis ejusmodi, ut sunt Tærner / Hattetærner & Sandtærner / anates, & quidem variæ, ut fulicæ, Lunder / Sandtøllen seu Teendeløbben / corvus marinus. Item Lutzgøner / quæ terram fodiendo cuniculos, in quibus ovis incumbunt faciunt, ac eapropter periculosissimum est illas rupes, in quibus hæc avis nidificatur, ova investigantibus perscrutari, cum perforatâ undique humo / instabilis gradus haud raro fallat; ita ut homines præcipites devoluti intereant. Harum avicularum in insulis Røsta, Veröa & Moskøa infinita est multitudo. Hæc jam dictæ aves marinæ, in omnibus Nordlandiæ insulis magnis parvisque nidulantur, & ova pariunt. Quarum insularum aliæ planæ sunt & humiles, ubi facili negotio ova quilibet colligere potest, aliæ editæ, & præruptis rupibus in aëra surgentes: unde sæpe multi mortalium, aves & ova capturi, cum incaute progrediuntur, decidunt atque misere pereunt. Cæterum qui hoc plenum periculo suscipiunt negotium, bacillum habent, cui præfigitur hamus piscatorius, quo ex angustis rupium cavernis aves protrahunt, protractasque obtrito collo dejiciunt, vel etiam capitibus earum baltheo, quo cinguntur, subditis, pendulas ipsi gestant, sinuque ovis repleto onusti, de rupe descendunt, atque in sua se recipiunt navigia. Quidam verò nimis temerarii, altius quam oportet per aspera & prærupta nitentes, cum exigua illâ, rupibus passim in hærente, cui insistant, terrâ, præsertim si ab avibus, de quibus modo diximus, perfossa fuerit, præcipites quandoque ruunt. Simili quoque casu illi non raro absumuntur, qui ex altissimis rupibus despicientes, præ nimia capitis & oculorum vertigine sui non compotes, misere ad ima devolvuntur. Tum etiam alii, per rupium asperos anfractus, manibus pedibusque reptantes, in tantas perveniunt angustias, ut nec progredi, nec reverti ullo modo queant, præsertim avium ovorumque oneribus graves, ac itaque in horrendam mortem præcipites feruntur. Cum verò ita quis ecciderit, universæ aves, quotquot in illa sunt insula, in unum supra demortui, cadaver congregantur, omnesque vociferantur & garrunt, velut misere pereuntis

euntis fatalem casum conqverentes: unde etiam qvi longius absunt, hominem hoc jam dicto modo periisse indicium capere possunt. Fertur in hac regione olim, ut & hodie in Færeis insulis, hac de re severa lex lata, qva ejus, qvi in rupibus & petris ova qvarens lethali casu conficeretur, con sanguineus amicusve eadem, qva ille deciderat, viâ, rupem petere tenebatur, qvo præfrito, demortuum inter Christianos humo mandare fas erat, sin periclitari nollent, vel simili casu, qvi id in se recepit, interiret, uterqve tanquam *elvroxus* communi sepulturæ locò privabatur, eorumqve bona Regio fisco cesserunt. Has insulas; qvæ tali avium & ovorum copiâ abundant, Eggver sua lingvâ nuncupant incolæ, qvarum præcipuæ *Trættu* & *Qværy* Heljelandiæ litori objacent, licet magnò cum labore & periculò aves hic & ova captentur; auceps enim funi alligatus, ad nidos è summitate cautis se demittit; interim supernè aliquot remanent viri, qvi eum demissum, peractò opere rursus extrahant. Habet & Saltensis districtus insulas quasdam, *Heigevær* dictas, planas & campestrès, avium frequentia præ ceteris omnibus commendatas, ubi duo tantum homines, unius duarumve horarum spatiò, citra omne periculum, tot ova facillè colligere possunt, qvot una vix capiat tonna.

De Nordlandiæ sylvis atqve arboribus.

Sunt præterea in tractu Nordlandiæ ingentes sylvæ, qvibus multæ insulæ, & intimis sinuum recessibus adjacentia loca vestiuntur, ipseque mons Kiolus, & hoc in magnis tantum vallibus vel circa lacus fluminave, supremum autem ejus jugum perpetuis nivibus riget; tantaqve hic ventorum est vehementia, ut si qvæ essent arbores, omnino radicibus evulsas prosterneret. Verum hæc in Nordlandiæ sylvis inveniuntur arborum genera: abies & pinus, qvibus maxime abundant, ulmus, populus nigra, betula, alnus, sorbus, juniperus, corylus (qvæ tamen arbor ultra *Alsten* Heljelandiæ paræciam, non provenit, & ubi illa non reperitur, ibi nec reperiuntur serpentes) *Uffel* / *Siennassel* *Hulsvær* sive *Hyllstern* *Jvenholt* / *Jæeg* & *Selic*. Hæ autem sequentes ibi non existunt, quercus, fraxinus, tilia, Rhamnus solutivus, salix, oxyacantha, prunus sylvestris, fagus, sambucus, coccognidium, *Len* / *Bragered* / *Korsbed* / *Uredvøndæl* & *Orberttræ* / nec ulla fativa, ut malus, prunus, pyrus, cerasus; qvæ tamen omnes in cæteris Norvegiæ locis reperiuntur.

De morbo in Nordlandia frequentissimo.

Hæc ditio, ob sereni aëris frigidam temperiem, peste, aut variis morborum generibus, rarissime laborare dicitur, exceptò tantum uno stomacace hic frequentissimo, qvo multi mortalium absuntur, præsertim advenæ, qvi ea qvæ hic suppetunt alimenta, passeres sc: majores, aliosque pingvissimos pisces, qvi recentes, & maximam partem sine sale, quotidie consumuntur, minime tolerant; provenit autem iste morbus, ex malâ stomachi constitutione, contra quem Angelicæ, cujus ibidem immensa est copia, tam caulem qvam radicem recentem atqve viridem comedunt, utet chamæmorum, è qva etiam pultes in hujus morbi remedium conficiunt. Invenitur hic quoque herba, qvam *Erichs* *Græs* vocant (cochleariæ, ut existimo, quoddam genus) præcipuum ejusdem morbi remedium, cujus superflua in insulis qvibusdam datur copia, qvam æstivo tempore onustis aliquot cymbis domum vehunt, ejusque folia in ingentibus vasis condiunt, iisdem hybernâ tempestate olerum loco usuri.

Ingens hominum multitudo circa Norlandiæ oras naufragio quot annis perit, tam piscatores, quam mercatores, qui merces suas Bergas vehentes, aut inde domum redeunt, ante Stadenſe litus haud raro periclitantur, & procellâ vehementiori derepente oborta, cum uxoribus & liberis, quos omnes ſeptentrionales Norlandiæ incolæ, Bergas proficiscentes ſecum habent, obrutis navigiis undarum cumulis abſorpti vitam finiunt, ut anno Chriſti MDXCIV. accidisse memoratur, cum quindecim Norlandarum naves, quarum ſingulæ viginti vel triginta, vel etiam quadraginta homines vehebant, uno eodemque tempore ante Stadenſes oras, omnes aquis ſubmerſæ ſunt.

Totius Norlandiæ, utet reliquarum hujus regionis provinciarum, oras, vehementiſſimi ſæpe venti perſlant, qui inter aſpera montium cacumina proruentes, impetuoſiſſimi inſtar turbinis, naves etiam ad anchoras ſtantes, quaſi in girum circumactas frequenter abripiunt, eaſdemque, vel in altum, vel in brevía, rudente diſrupto, non ſine naufragio compellunt, cujus ventorum impetûs eminentia montium juga cauſas eſſe conſtat. Itaque Nordlandorum naves (quas latas non altas fieri oportet, quò melius vim ventorum perferre poſſint) tum quod omnes aperta, arefactis piſcibus, in ingentem altitudinem congeſtis, & tabulis tantum aliquot contectis oherantur, tum etiam prælongos malos, cum graviffimis e lanâ contectis velis habent, dum promontoria in æſtuoſum protenſa mare, ſævientibus ventis ſuperare nituntur, facile eorum vi & impetu ſubvertuntur. Quidam etiam ſolâ temeritate in certam ferè mortem ruunt, ſive parvis ſive magnis navigiis vehantur, juxta ſuperbi, ſtultâ quadam procacitate, pro dedecore reputantes vela contrahere, aut in tempore jacturam facere, vel cuiquam occurrenti cedere; quapropter in anguſtis quandoque fretis concurrentes, inter ſe colliſæ naves demerguntur, aut in ſcopulos ſeu brevía æſtuum ventorumve vi coactæ feruntur, confractæque unâ cum mercimoniis pereunt, ut in freto Kiſeſtrom / quatuor milliariſibus in ſeptentrionem a Bergis diſtante, accidit, ubi ſeptem (ut ſuprà diximus) Nordlandorum navigia unius horæ ſpatio perierunt, quod majori ex parte ſultorum hominum temeritati adſcribendum eſt.

De Sacerdotibus Norlandiæ, eorumque redditibus.

Hæc diœceſis Thrandenſis, utet Bergenſis, de quâ dictum eſt, amplas divitesque habent parœcias, ſecus atque auſtralioris vel orientalis regionis provinciæ. Uni quippe ſacerdoti ſexcenti vel octingenti coloni decimas ſolvunt, præter eos, qui villas aut agros non excolunt, annuas tamen decimas pendere tenentur. Fuerant olim in Alſtehouſenſi Halogiæ paraciâ nongenti coloni, quorum jam multitudo ſuprà millenarium excrevit numerum, ubi præter ſolitas piſcium frumentique decimas, aliosque ejusmodi redditus, quotannis ſacerdoti ducentas vel trecentas Baager (id ponderis genus eſt) æſelli arefacti honorarii loco offerunt, qui, viciffim plurimos comminiſtros, non ſine maximis ſumptibus, ſuſtentat, licet quibusdam eorum vitæ neceſſaria coloni ſubminiſtrent, qui non ſine gravi vitæ periculo, duobus vel tribus milliariſibus a continente diſtantes, ſævôque oceanô circumfluas inſulas, rem Divinam facturi ad-eunt.

Graviffimas quoque jacturas hi quandoque patiuntur ſacerdotes, cum navigia piſcibus ſiccatis, & oleô ex eorum inteſtinis factô, onuſta, quæ

Bergas

Bergas ad commutandas merces ablegant, (non enim tantò domi quantò hìc pretiò vendi possunt) pereunt: Verum si prosperè res cadat, bene & feliciter in omnium rerum abundantia vivitur. Haud pauci nihilominus in hoc Regno sacerdotes, omnium prope rerum indigi, servilem ferè vitam agunt, qvi tamen defectus superioris magistratus curà emendari facile potest. Verum boream versùs ultra Trumsem districtum angustis finibus parœciæ circumscribuntur; duo enim vel tres, vel quandoque plures, viculi piscatorii unum habent sacerdotem, & templa exigua, eaque lignea, quæ Roréhus vocant incolæ, sacerdotique suo, more antiquo, decimas offerunt, unde honestè vitam sustentat, commodèque vivit.

CAP. XXVI.

DE FINNMARCHIA.



Ultra Trumsem præfecturam, ditio, vulgari nomine Finnmarchia dicta, sita est, quæ apud insulam piscatoribus frequentissimam, nomine Foppen/ Batavis Nordkapen/ incipiens, deinde propius austrum ortum versus ad insulam Vardeyam, & hinc in euronotum ad Karelstrandam, ultimum regni limitem, reflexò litore procurrit. Nec eapropter Finnmarchia appellatur, quod soli tantum Finni eam inhabitant, verum quia isti Finni, quos Siofinnos, sive maritimos Finnos, vocant, interiora cujusque sinus litora, & Lappones, qvi Lappefinni, seu Fieldfinni nuncupantur, mediterranea montemque Kiolum, tenent, insulas verò omnes, promontoriumque & lingularum in mare exporrectarum extremitates Norvegi piscatu vitam sustentantes occupant.

De insula Vardeya.

Ad septimum in septentrionem milliare a Finnmarchiæ litoribus, sita est hæc insula Vardeya, vasto circumfusa oceanò: unam habet parœciam, & castellum Bardhus nuncupatum; a quâ euronotum versus, ad insulam Lîngestuén Norvegia terminatur, ut in libello quodam, de ipsius finibus conscripto, haberi repertum est. Universi porro Finnmarchiæ maritimi tractus longitudo, quadraginta seu quinquaginta milliariis constat. Qvi hic habitant, æstatis aliquot mensibus sole tam noctu, quam interdiu lucente, continuum habent diem, & e contrâ hybernò tempore tot mensium spatiò, perpetuam noctem & tenebras, nisi cum Luna forte interluceat, tum enim piscatum prodeunt, & reliqua opera, quæ foris peragenda sunt, faciunt. Exiguum in his locis vaccarum aliorumve armentorum alunt numerum; quas hyeme algâ marina, piscibus arefactis, contulis & semicoctis, eorundemque ossibus comminutis, pascent, uter fanò, quod tempore æstivo in insulis hinc illinc per oceanum sparsis, modò eas per maris violentiam accedere possent, defecant. Hi uno quovis anno profectionem ad Bergas inter se partiuntur; illi enim, qvi ineunte vere hoc iter suscipiunt, cum autumno iniequente, ob itineris longitudinem, domum redire nequeant, Bergis, vel in septentrionalioribus quibusdam Norvegiæ locis, hyemem transfigere necesse habent, quibus tandem reducibus, proximo vere cæteri suum iter Bergas institunt.

unt. Circa interiores omnium Finnmarkiæ suum recessus, utet universæ Nordlandiæ, Finni habitant, Lappones vero montana vagabundi tenent. Qui omnes, cum antiquis temporibus suum haberent Regem, ne ullus quidem Norvegorum, hoc in districtu habitavit. Regnante enim Haraldo Pulchricomō, qui universam Norvegiam, præter eam ditionem, subegerat, Regem, cui Mötulli nomen erat, agnoverunt, tam ante quam post illa tempora Regibus parere sive, & his quidem propriis & indigenis, Nec Regnum Norvegiæ ea tempestate ultra insulam Loppem extendebatur. (In his Undalino Haraldi Pulchricomi vita adversatur, quæ commercia cum Finnis, jusque tributorum ab iis, sed Regis nomine, exigendorum, præfectis Halogensibus, a Regulis Halogiæ ante Pulchricomi tempora, mox ab ipso Pulchricomo, datum affirmat, & demonstrat, Reges tamen suos Finnos habuisse, sed Norvegis subiectos, nihil impedit.) Univerfus autem Nordlandiæ tractus, cum eâ, quæ hodie Helgelandia dicitur, præfectura, Halogalandiæ seu Halogiæ (vel, ut jam pronunciant, Heljelandiæ) nomine insignebatur. Hisce verò diebus, maritimi isti Finni Norvegiæ Regno adscribuntur, Lappones autem tribus parent Regibus, haud exiguum sanè regionis portionem occupantes. Ingens quippemons Kiöulus, totius Nordlandiæ orientale perstringens latus, à Jamptia ad ultimam Finnmarkiæ oram nivosis jugis procurrit, centum longus milliaria, latitudo autem ab Helgelandia in ortum versus Nordbotniam, ad intimum sinus Botnici recessum sitam, octo dierum itinere vix conficitur, ad minimi octoginta milliaria adæquans.

Omnium Nordlandiæ, ut & Finnmarkiæ, ad Regni usque terminos, sinuum litora, ut sæpius dictum est, Finni incolunt, per immensum autem montem Kiölum, quem etiam Lappomarchiam vel Vildfinnlandiam vocant, multa Laponum millia vagantur, & venatione vitam sustentant, ferinas carnes absque pane comedentes, cum exiguo aut prope nullo sale.

CAP. XXVII. DE FINNIS.



ersus septentrionem extensæ regionis a Naumudalo & Jamptia, sinuum intima Finni accolunt, & universum Kiölum tenent, & hi Lappefinni sive Fieldfinni, illi vero Siofinni, & utriusque simul Ganfinni, a Familiari illis diabolico Spiritu, *Gan* dicto, nuncupantur.

De Finnorum religione.

Sunt autem omnes isti Finni pro ethnicis admodum habendi, in verâ enim Christiana religione sese informari & institui haudquaquam patiuntur. Nam licet Siofinni, seu Finni maritimi, liberos suos ad sacerdotem, quandoque tres vel quatuor annos natos, ut sacrò fonte abluantur, ducant, & quidam eorum semel in anno sacris intersint rebus, Sacramque Domini coenam more Christianorum accipiant, (quam tamen illis sub Pontificibus, ut & post eorum tempora, non consecratam, datam fuisse existimantimò & quidam sciunt, in eâ ad quam pertinent partem,

ciam, suoque sacerdoti annuas decimas offerant; nihilominus tamen, horrendis suis incantationibus & idololatriâ, hæc omnia nihil præter simulationem habere abundè testantur, ut ex subsequētibz ad oculum cuiusvis faciliè patebit. Deæstros suos in sylvis & telſquis habent, quorum singulos complures adorant, nec aliud sunt, quam aut saxum insigne, aut celsa pinus, aut statua lignea; quos in antris aut specubus collocare solent, taliaque sua numina *Sanſſe* / *or*: Deos tutelares, vocant, quos peculiari-bus unus quisque notis & characteribus insignitos, ethnico more sacrificiis omni-que cultu prosequuntur, & hæc omnia occultè inter se ipsos peragunt, haud secus ac Biarmii olim, qui ligneam statuam, quam Jo-mala appellarunt, pro Deo coluerunt, ut in historia S. Olafi legitur. Accidit paucos ante annos in Helgelandia, ut vir quidam, etiamnum superstes, cum ursos venatum per montana tenderet, ad ingens antrum perveni-ret, ubi ingentem ligneam invenit statuam, quæ Finni cujusdam fuit dea-ster, ibidemque illius *Sanſſe* seu pixidem, quâ suum *San* incluserat, re-posuit; hanc cum aperuisset, muscis colore caruleo refertam animad-vertit, quas Finni *San* vocant, suntque diabolici quidam spiritus, quos quotidie emittunt. Statuam ille dissectam ad nocturnum frigus arcendum pro ignis alimento habuit, pixidem vero seposuit, nec ultra quicquam agere ausus, primò diluculo sine cunctatione abibat. Sunt præterea omnes isti Finni horridi incantatores, adeò ut in toto terrarum orbe nec un-quam habuisse pares, nec adhuc habere crediderim. Suum illi *San* hæ-reditariâ quasi successione accipiunt, nec tamen potentiâ æquales sunt, sed quædam familiæ in arte magicâ reliquis excellunt; quin & nonnulli Lapponum incantationum peritiâ superant Finnos maritimos, qui eapro-pter liberos suos illis in magicâ arte erudiendos tradere solent, quod & ne-cessarium illis; Omnes quippe incantationibus instructissimos esse opor-tet, cæteroquin enim ad sui defensionem infirmi, cum ab aliorum insultu sese tutari non valeant, variè vexantur, atque interdum perimuntur. Præ-terea singulis diebus singuli Finnorum unum *San* / seu dæmoniacam illam muscam, de suâ *Sanſſe* seu *Sanſſe* / *or*: pixide vel sacculo coriaceò, emittere tenetur, & cum homines non sint in quos, eum immittant (quod non sine causâ, aut interveniente fortè simultate, facere dicuntur) aërem illis conturbant, repente cum magna vehementiâ procillas ciendo, ho-minibus vel animalibus, vel aliis quibuscunque rebus nocituras, quan-doque etiam rupes, aut ingentes montes eas emittendo diruunt. Haud ra-rò levem ob causam homines diabolicò illo spiritu infestant Finni interfici-untque, ut ipsi credunt, quam illis potestatem mortalium certè incre-dulitas concedit; sed nec ulli incantationibus nocere queunt, nisi patris ejus nomen sciant. Possunt insuper quicquid in remotis agitur locis, ex-iguo temporis spatio persequari, quod peracturi negotium, in terra recum-bunt, spiritumque ad id perficiendum emittunt, mortuoque similes, ni-grò atque lividò colore facie distinctâ, horæ circiter aut semihoræ inter-vallò jacent, pro itineris, quam emetiri necesse est, longitudine; spiri-tuque redeunte, velut somno soluti, quid in illis locis, quos adire rogati fuerant, unus aut alter agat, probè exponere valent. Cujus rei experi-mentum Bergis in domo Johannis Dellingi, Hanſeaticæ societatis cujusdam mercatoris, Finnus quidam, cum viro, cui Jacobus Smaafvend nomen fuit, huc profectus, apertè dedit. Rogatus enim explorare, quid tunc temporis dicti Johannis Dellingi patronus in Germania ageret, rem aggres-sus est: primum itaque quietus confedit, cepitque velut nuniâ ebrietate

gravatus titubare, deinde repente exiliens, hac illac circumcurſitavit, & paulo poſt cecidit, jacuitqve, ut aſtantibus viſum eſt, haud ſecus ac ſi plane fuiſſet mortuus; tandem verò, velut excuſſo ſomnò, ſurgens, qvid eadem hora dicti Johannis patronus perageret, expoſuit, qvòd extemplo adverſariis inſcriptum; poſtea verum fuiſſe eognitum eſt. Ex quacunqve placet aëris regione ventum pro libitu excitant Finni, eum tamen potiſſimum, qvi in eorum nativitatſ tempore ſpiravit: qvoties favorabilem vendunt, lorum vel funiculum, tribus conſtrictum nodis, emptoribus tradunt, qvorum primum cum diſſolvant, optato & ad votum ſpirante ventò fruuntur; ſi ſecundum, adeo vehementi, ut vix ſummo cum labore navis regendæ fiat copia; at ſi tertius ſolvatur, impetuoſiſſima oboritur procella, quæ tam naufragium, quam nautarum interitum immani violentiâ cauſatur. Accidit & haud rarò, ut inter ſe diſſidentes, unus alterum incantationibus & arte Diabolica è mediò tollat: ut non multos adeò ante annos Finnorum qvidam; nomine Asbiornus, ob magiæ; quâ inter ſuos excelluit, peritiam, Gantonge / quaſi Ganis vel dæmoniâci ſpiritus Rex, vulgò dictus, maximo ſuo malò expertus eſt, quem infeſtus inimicus, cum ab omni ſuo inſultu ſatis tutum probè cognosceret, ſub alta rupe forte dormientem, occidendi tandem oportunitatē nactus occaſionem, ſuum Gan in rupem emiſit, cujus illa repentina ruina ſomno ſecurè indulgentem Asbiornum coöperuit, atq; exanimavit. Qvidam etiam nefandæ huius artis myſtæ inter ſe paſciſcuntur, ut alius ſuum Gan in miſeros homines immittat, alius eundem expellat, illſoque variis modis divexet, ut at opem ferendam, ingenti pretio conducti, eorum fruantur opibus, nec id aliud quam jocum reputant; ex qvorum numero qvidam, nomine Hallſteinus Garpus, in Heljelandia habitavit, qvi juvenilibus annis in Daniâ profectus, aliquot rangiferos Sere-niſſimo Daniæ Regi Chriſtiano obtulerat, qvi paucis abhinc annis cum uxore ſua, Skaner-Catharina dicta, ob plurima malificia patrata, qvibus multos mortales vita & ſanitate privaverant, vivo rogò cremabantur; aliquot illa homines, qvos tamen una cum marito incantationibus impiè vexaverat, ſanitati reſtituit.

Dicuntur etiam aliquando certamen iniſſe, qvi potentiorē vel fortiorē Ganicam muſcam emittere poſſet, itaqve unus immane ſaxum fretum qvoddam tranare curavit, cui alter caput adeo retorſit, ut facies prope tergum ſpectaret, qvòd alii Finni, omni arte adhibita, in priſtinum ſtatum reſtituere neq;viverunt, effecerunt tamen ut à latere faciē haberet.

Hæc de ſcleratis illis hominibus non adeò lubens literis conſigno, neqve de his qvicquam iudicare jam animus eſt. Scimus qvòd Sathanas mille technarum ſit artifex, & in incredulis hominibus plurimum poſſit, magnamqve habeat poteſtatem. Sunt præterea Finni macilenti & ſtrigoſi, nihilominus tamen hominum robuſtiſſimi, qvòd in eorum arcubus experiri licet, qvos Norvègi vix ad dimidium ſinuare valent, ſunt & nigro fuſcoqve cutis colore, ingenioqve iracundo & agreſti, tanquam urſinæ naturæ participes.

De Finnorum tantum maritimorum ſtatu.

Maritimi hi Finni ad ſinum ſemper litora habitandi locum eligunt, & præſertim ubi abietinæ vel pineæ abundant ſylvæ, qvibus exciſis focum alunt, navigiaqve ex hac materia faciunt. Habitant autem in caſis & exilibus tuguriolis, dimidia fere ex parte in terram defoſis,

sis, exceptis paucis, qui satis splendida pro sua facultate ædificia habent, excisisque circa unum sinum omnibus sylvis, ad alium, arboribus undique circumfusus, transeunt, ibidemque, quoad sylva suppetit, fixas habent sedes, pro quibus annum tributum, & hoc quidem exiguum, Regi persolvunt, terræ excolendæ & arandæ operam minimè navantes, ac itaque sæpe usu venit, in australioribus Nordlandiæ ditionibus, ut à Finnis succis sylvis, relicta loca Norvegi occupent, quæ probe exulta frumentum bene subministrant, & in optima prædia vertuntur.

Præterea Finni e navigiorum ædificatione haud exiguum capiunt emolumentum, sunt enim fere omnes fabri lignarii minimè contemnendi, omniaque Nordlandorum navigia domi propriis sumptibus faciunt, divenduntque, haud inconvenienti pretio; carinæ quippe longitudinis ratione habitæ, quamcunque ejus ulnam ad vigesimam usque, nummo unciali cum tetradrachmo, à viginti autem ad triginta, tribus uncialibus, quamvis ultra talis navis centum tonnarum dodecades facile vehit. Faciunt & infinitam cymbarum multitudinem, unde bienniò quovis decimarum nomine unam, quam complures communibus sumptibus struunt, tantæ magnitudinis, ut tres aut quatuor tonnarum dodecades capiat, nomarchæ offerunt. Hi quoque haud secus atque alii Nordlandi piscatum prodeunt, piscesque sole tostos, illis, qui ad eos proficiscuntur, mercatoribus vendunt, ipsi enim neque Bergas iter faciunt, neque frequentiora hominibus loca libenter adeunt, præsertim cum nemini eorum grata sit præsentia. Multum præterea phocis delphinisque capiendis student, ut pingvedine seu oleo, ex iis presso potiantur, usu sane magno, cum singuli ad coenam vel prandium sesquiseptarium exhauriant, uxores etiam partui vicinæ duplum, eamque saluberrimam potionem ægroto corpori vires suppeditare existimant; idcirco Finni ex piscium, quos ceperant, jecinore, utet phocarum & delphinatorum recentis pingvedine, quo dulcior evadat, eam conficiunt, Hydromeli etiam inexplebili ferme desiderio inhiant, adeo ut ejusdem tres sextarios lutreâ pelle, vel consimilis valoris pretio illud adæquanti labore coemant. Devorant & butyrum avidissime, quoties ejusdem ad Norvegos venientibus copia datur, ac ea propter Finno, cum ad cibum invitatur, plus butyri non apponitur, quam hospes in eum impendere decreverat, nec multum ab ipsis Norvegis, universisque hujus Regni incolis, in eo differant, qui sua edulia maxima ex parte butyro constare volunt.

Piscatum vel venatum euntibus, phoca in undis obvia ut sinistrum omen, nihil omnino ea diè prosperè casurum persvadet, domumque convertit, nisi interficiendi potestas fiat, si post cymbam primum appareat, optatam fortunam pollicetur, quæ etiam superpositione omnes in hac regione piscationem exercentes Norvegi tanguntur. Si prodeuntes Tied avem, quam etiam picam marinam vocant, videant, omnibus illam diris devotent, donec mortua in eodem quo fedit loco jaceat, ipsa namque venantibus semper ingrata, cum ubique viso homine garriat, ac ea propter phocæ atque aves ejusdem voce excitati, venatorem non procul abesse intelligant.

In omnes Finnmarchiæ, utet universæ Nordlandiæ, sinus, ingentes amnes & montibus devoluti eduntur, salmonibus fecundissimi, quibus tamen piscandis nemo operam impendit, præter quod Finni primo quandoque vere aliquot ad quotidianam sustentationem capiant, & hic salmones tantæ magnitudinis reperiri ajunt, ut ingentis corporis vastitas obstet, quo minus irretiri, vel alio quovis modo capi queant. Dicitur tamen in Finnmarchiæ fluviò quodam salmonum piscationem, cujus usus fructus Regi debetur,

betur, exerceri, unde quotannis complures tonnarum dodecades salmonibus refertæ vehuntur, quod certe in pluribus ejusdem tractus locis, modo labor & industria adessent, fieri posset.

Habent præterea Finni mansuetorum rangiferorum ingentem numerum, è quorum lacte butyrum & caseum conficiunt, illos tempore autumni Norvegis mactandos venum exponunt, unum quemque bene habitum, tribus tetradrachmis dividentes, alunt quoque caprarum plurimas greges, sed oves omninò nullas, venanturque alces & cervos, ingentemque rangiferorum copiam, quorum illis in locis infinita suppetit multitudo. Eos interfecturi, inter mansueti cujusdam rangiferi cornua arcum cum jaculo tenent, intendoque, unum post alterum sagitta transfixum exanimem prosternunt, sunt enim stolidia animalia, quæ sibi ab imminenti periculo minimè præcavere sciunt. Hi etiam, de quibus jam dicimus, Finni maritimi, ex avium sylvestrium, utpote tetraonum & attagenum captura, magnum capiunt emolumentum, majus tamen e ferarum venatu, cum lutræ, castores, lynces, martes (& hæc quidem præstantissimæ) lupi, vulpes, sciuri & mustelæ alpinæ, cum reliquis animalibus, hic proveniant, utet summa leporum abundantia, sed ab eorum usu tam Finni quam Norvegi prorsus abstinent.

His ita breviter commemoratis, huic qualicumque Norvegiæ descriptioni, ne lectorem nimiam prolixitate fatigemus, finem imponere visum est.



HISTORIÆ RERUM NORVEGICARUM PARTIS PRIMÆ

LIBER TERTIUS, DE ORIGINE GENTIS NOR- VEGICÆ.

SECTIO I. DE GIGANTIBUS.

CAP. I. DE ORBIS LINGVARUMQUE DIVISIONE.



Entem Norvegicam, sicut singula corpora ex quatuor elementis, nos etiam ex totidem hominum ribus, tempore præsertim, partim etiam origine, distinctis, educimus. Omnium antiquissimum gigantes memorantur. Iis tempore par, vel saltem suppar, aliud, a communi sortis humanæ modo vel indole nihil discrepans. Extranei Getas, Gothos, Cimbros, Cummeriosque appellant, unamque & eandem gentem ut plurimum statuunt. Successerunt duæ, altera quam nos Asas & Scythas appellamus; altera quam Gothos Posteriores licet appellare. Verum utra harum præcesserit, jamdiu definire nequivimus, contenti rationes pro utraque militantes in medium producere, lectorisque judicio, quid sequi liceat, permittere. Ex sacris oraculis constat, orbem terrarum ultricibus aquis, cum omni animante absorptum, & veteribus incolis, irritatò Numine, orbatum, post annum demum diesque decem, hominum, animaliumque terrestrium ac volatilium, &, ut ratio dictitat, piscium quoque, cavernis aut vallibus inclusorum, tetrìs cadaveribus coopertum, arborum præterea truncis, limoque & arena sabuloque interpersis, obseptum, funesta ubique facie emeruisse. Sola quatuor hominum paria, duce Noa, cum delectis ex singulis animalium generibus, paucis admodum in semen & propagationem servatis, ingentis molis arcæ inclusa, Divina providentiâ incolumia evasisse,

fuisse; quam inter decumanos fluctus hinc inde pullam repulsamque, auctor fabricæ Deus, supra montium cacumina longe levatam, ab attritu & collisione, decrefcentibus undis, ipse gubernatoris officio functus, securam præstitit, statuitque super editissimæ terrarum, altissima montium juga Caucasia, proxime Margianam & Bactrianam regionem, vitis omnium feracissimam, (alii Armeniæ montes intelligunt, auctoritate, quam rationum pondere, majore) ibi primam hominum animaliumque, decedentibus aquis, stationem longo tempore fuisse, argumentis haut levibus evincitur.

Tres erant Noæ filii, Sem, Cham & Japhet, totius generis humani traduces. Tradit Epiphanius, Noam velut hæredem mundi à Deo constitutum, universum mundum sub sortem misisse, & unamquamque partem singulis filiis distribuisse. Et ipsi quidem Semo primogenito, cecidisse sortem (quæ iacta fuerit in confinio Ægypti & Asiæ (qui lacus Nahhalah vel Neel, hoc est hæreditas, Hebraice vocetur apud Rhinocorura) à Rhinocoruris ad Persidem Bactra & Indiam usque: Chamò terram obvenisse, a Rhinocoruris usque ad Gadira ad meridiem: Japheto obtigisse ea quæ spectant aqvilonem, à Rhinocoruris usque ad Gadira & Mediam. Mundo itaque trifariam diviso, jusjurandum ab iis per patrem exactum, ne quis alterius sortem ipsi invideret, qui jurisjurandi religionem violasset, vi ejus exterminaretur, & universa quoque ipsius posteritas. Hæc quidem jam nascente Peleg fieri potuerunt, anno, quo lingvæ confusæ fuerunt, si, ut computant, Noa ducentos quadraginta octo annos postea vixerit; Anno enim mundi MMV. denatum statuunt, Abrahamò annos quinquaginta septem natò. Verum antequam in sorte divisas terras dispergerentur, profecti simul ab oriente, in convalle Schinearis confederunt: ibi placuit, in æternum memoriæ suæ monumentum, urbem turrimque immensæ altitudinis excitari. Verum procedente opere, insensus tantæ superbix vesanoque proposito Deus, communem omnibus ad eum usque diem lingvam sermonemque, a nativa formâ, forte etiam significatione, in plures alias inusitatas & inauditas traduces, aut certe dialectos novas, & inter se dissonas discordesque, distraxit. Quibus cum animi sensa exponere sibi invicem non possent, nec quid imperaretur, aut expeteretur constaret, rupto in continuando opere consensûs vinculo, re infectâ destitutum est. Sublatò hoc modo lingvarum commerciò, etiam convictûs desiderium mutuique ex conversatione voluptas mutata videtur, tractique in sectas pro lingvarum dissidiis, qui prius inter se erant conjunctissimi, factionum studiis dissidebant, donec societatem turbatam discordis communitatis fastidium dirimeret: singulæ itaque familiæ, quas sermonis communio sociaverat, novas sibi sedes, sobolique procreandæ patrias delegerunt, unus quisque secundum lingvam suam & familias suas in nationibus suis, Gen. 10, v. 5. Sic Cajo Julio Cæsare oculato teste Lib. 1. de bello Gallico, Galli in ipsa Gallia tribus lingvis juxta totidem distinctas gentes usi sunt. Multi lingvarum discrimina, principum familiarum, in sacro originum libro recensitarum, numero metiuntur, duasque supra septuaginta colligunt; alii tres primos patres eximunt, quod invisî ædificii structoribus interfuisse, giganteosque conatus haut promovisse videantur. Sunt qui solis Chamî posteris immanem hanc structuram ascribant, cum consensus in tam impio conatu pietati cæterorum repugnet. A Chamidis ergo omnes gentes lingvis dicretas descendisse statuendum esset, nihil enim in absentibus novatum legimus. Nos in gentium septentrionalium originem inquirentes, singulis Noæ filiis ali-quid nos debereprehendimus. A Semo Messias descendit, in quo rege-

nerati

nerati sumus. A Chamo gigantes, pars quoque generis nostri, ortum trahunt. A Japheto gens utraque Gothica provenit; nec aliam sibi Scythæ, septentrionis incolæ, originem vendicant. De singulis ordine dicendum est, & primò de gigantibus.

CAP. II.

DE NATURA GIGANTUM



Gigantum nomine non intelligo ferum illud & monstrosum genus, quod in historiis sub Trollorum vocabulo describitur, & vulgi sermonibus, etiam Edicis odis, decantatum circumfertur. Illud enim aut prorsus confictum, aut malorum geniorum ludibrium existimo, speciem quidem humanâ, sed valde monstrosâ mole corporis, cum tauris sacrificio delectis certans, carbone nigrius, interdum calvastre, interdum comâ in speciem densissimâ jubæ equinæ explicatâ deforme, qvale in vita Ketillis Hængi describitur, ubi eorum comitia Rexque memorantur. Extant etiam in Islandorum monumentis quædam istius generis exempla, conflictus cædesque, variæque etiam in hunc diem & miræ de eo narrationes, vel ideo suspectæ fidei, quod nulla generis multiplicatio, tot annorum centuriis facta sit; dudum enim insulam illam evastâset, colonisque nudâset, si vel unum par superstes fuisset. Nec constat quomodo illuc pervenerit, nec unde vitam sustentârit. Istius tamen generis fuisse videtur Surtus ille, de quo Origines Islandiæ, magnæ autoritatis monumentum, memorant, pag. 103. quod ei antrum montanum incolenti Thorvaldus Holbarkius Thordi de Höfdio, viri primarii, filius, carmen encomiasticum obtulerit; utet alter ille monstrosus, qui Sigmundo de Laugabreckis apparuit, editæ rupi insidens, pedibus in fluctus subjecti maris depressis, cujus carmen, quod tunc modulatus traditur, idem Originum liber pag. 38 exhibet. Notat & presbyter quidam Islandus, Jon Eigilis filius in suis Annalibus ad annum MDXX. narrâvisse avum suum, sacerdotem quoque, nomine Einarem, relatum sibi fuisse, quod circa istum annum in deserto Solheimasandensi, gigantea mulier æstu maris expulsa, tantæ proceritatis fuerit, ut viri quoque procerissimi eam ne quidem genu tenus attigerint: Id quod Johannes Wolfius in sua Norrigia illustrata ad annum MDXXXV refert; ex montibus Grænlantiæ fabuli ruinæ implicatam decidisse existimatum ferunt. Verum cum hoc in fide dignis annalibus, quos Biornus de Skardsa collegit, nusquam inveniatur, mihi valde suspectum est. Nec scio an majorem fidem mereatur, quod de talibus monstris in historia Gretteris memoratur; nimirum quod in antro sub præruptâ rupe, altitudine quinquaginta orgyrum, quam terribilis vasti fluvii cataracta præterfluebat, par unum habitaverit, adeo infestum, ut vicinum colonum præcedentâ Natalitiorum feriâ, de nocte rapuerit, & anno sequenti eadem nocte ejus famulum. Cumque nemini constiterit, quid de ipsis factum esset, advenam Gretterem ejus rei explorandæ causa, tertio anno, territis omnibus, cum lamia ipsa congressum, post acrem longamque luctam, januis domus vestibulisque dirutis, cum certamine ad ripam usque fluminis abreptus esset, complexu ejus se exsolvisse, eamque, brachiò acinace, quo accinctus erat, amputatò, è celsa rupe deturbatam vitâ spoliâsse; Rem deinde

inde, parœciæ istius pastori fidem adhibere detrectanti, fidem scilicet superante molimine, confirmasse, se ipsum in subjectum flumen recti demittendo, adversoque fluctui obnitendo, donec urinando in subjectum antrum pervenisset. Ibi molis ingentis maritum ipsum improvisum occidisse; in testina deinde prono amne devoluta, pastori, qui relictis, saxo alligata, custodia relictus erat, jam de Grettère actum esse colligenti, tantum metum incussisse, ut relictâ statione subito domum profugerit. Ipsum deinde, auxiliô catenæ se allevando, ægrè licet, tandem arduam rupem superasse; quorum singula mihi fabulæ quàm historiæ propiora videntur. Ut o mittam quæ Wolfius his ex aliorum relationibus adnectit: nimirum quod grandem lebetem antro simul, sed majori difficultate, eductum, voverit se templo cathedralis Ecclesiæ Holanæ donaturum, si emerferit, idque præstiterit; cum tamen constet, illo tempore, nimirum anno MXXVII, quo hæc gesta perhibentur, nullum ibi Episcopum aut Episcopalem sedem institutum fuisse. De tali quoque monstro, nomine Hrimgerde, Oda in Edda Sæmundi extat; quæ Helgi Hiorvardi filii Qvida inscribitur. Ejusdem generis aliud in historia S: Olafi cap: XXXV infra describitur, in redivit Thoroddi Snorrii filii è Jamtia ab Arnlioto Gellinô, transfixum, & quidem eodem anno, quo Gretter in Islandia hæc gessisse traditur. *Ælegd/ Slessur/ gigit/ gifrur/ bruntunigar* appellantur; mihi fas erit vulgi relationes hac descriptione comprehendere, nimirum esse genus feritate immane, duorum generum; quorum aliud lucifugum, cum diem viderit, instar uxoris Lothi continuo in lapideam statuam transmutetur, monstranturque in Norvegiæ mediis rupibus consistentia talia monumenta, impetitorum credulitate celebrata; aliud diei juxta ac noctis patiens, utrumque tamen suapte natura trux & immane, mole etiam corporum imensa turget, & quasi cum hominibus divortio facto abdit se & subducit, ab omni, præterquam sui generis, consortio, solitudinibus, tesqvis, & præsertim montibus, iisque interdum editissimis & perpetua glaciè rigentibus, ut plurimum delectatur. Piscibus, lacubus vel fluminibus retium aut hamorum beneficiis irretitis, vel extractis, carnibus etiam armentorum, & in his eqvini generis, gregaliumque animalium per montana herbida, pascusque virentia loca, oberrantium, etiam humanis vescitur. Excoriatorum deinde animalium pelles, non quidem alutæ, sed crudæ & inconcinnae, amictum præbent. Lingva, quæ indigenis, illis etiam propria. Artis magicæ tanta peritia, ut hominum oculos hebetare, ne præsens etiam videatur, posse creditum sit. Fides religiosa est. A promissis pactisque recedere, id solum flagitium censetur. Extat tamen etiam unum vel alterum perfidiæ exemplum. Aliorum etiam promissa ex sua integritate, magis quam usu æstimant. Hinc Trollorum fidelitas in proverbium abiit, *Troll* in casu recto, utriusque numeri & olim & hodiè, ubi prisca lingua Danica in usu est, voce genus illud solum, quod hic describimus, exprimente, nuncupatur; licet interdum ad monstrosa, etiam veneficos designandos, translata legatur. Usus hodiernus ubi vetustissima illa lingua exolevit, ad sagas tantum & veneficiis deditos transtulit, procul dubio quod prodigiosas res patrare, & quæ vires humanas excedunt, more Trollorum, statuuntur. His partim ex vulgi relatione, partim Scriptorum documentorum fide expositis, quemlibet pro arbitrio pretium statuere velim. Genuini autem gigantei generis, de quo nobis sermo, prodigiosæ quidem staturæ, *Risar/ Bergisar/ Bergbuar/ Jotnar/ Busar* appellantur: montana loca, specus & antra, invitante naturâ, inhabitasse traduntur,

tur, cujus vestigia, diversæ formæ faxa ingentia, super stratam lapidibus basin erecta, passim hodie videntur, etiam in extremâ Islandiâ, quo pars quædam transfretâsse proditur, utpote familia (ut Dostrinam præteream) Brunina, pluresque alia; quarum, si non originem, nomina tamen historica monumenta exprimunt; licet gloriam elvatorum faxorum fero isti generi invisam ad alios transfulerint, minore herle verisimilitudine, cum moles eorum etiam gigantei roboris superbiam excedere videatur. Fortissimos Alfheimorum (jam districtus Bahusensis) incolas soli venustate superâsse perhibentur, teste Thorsteini Vikingii historiæ exemplari Regio, editioni Svedicæ hac in parte contrario, quod Alfheimorum gentem, secundum Rîfâs seu gigantes, formâ toto septentrione incomparabili polluisse testatur. Commisti nostri generis hominibus hybridas procreârunt, Hâlsfrîar / Hâlsfrîoll / Þusþublingar / id est semigigantes, vere vocatos. Hi in mores & mansuetudinem humanam, feritate paulatim mitescen- te, & processu temporis evanescente, transierunt. Jam in eorum origi- nem inquiramus.

CAP. III.

DE ORIGINE GIGANTUM, EORUM-
QUE IN VARIAS TERRAS DISPER-
SIONE.

E origine opiniones variant; in diversis enim orbis partibus, iisque inter se dissitissimis, antiquitus genus giganteum extitit, proximoque & præfenti sæculo iterum repertum est. Nota in libris sacris & profanis terra gigantum, genera Anakim & Rephaim, inter Philistæos Goliath, in Græcia Orestes, gens quædam Lybiæ, Eudoxo Cnidio memorata, provincia præterea Patagonum, circa fretum Magellanicum, à Magellano Anno MDXIX detecta, ubi gigantes tantæ magnitudinis, ut Hispani vix ad cingulum eorum pertingerent, visi, & postea anno MDXCVIII à Belgis eò navigantibus conspecti; crebra & in Peruvia gigantum famâ monstru- sæ magnitudinis ossibus frequenter erutis, satis superque confirmata. Ta- ceo multa ad Viennam antiqva monumenta è terris eruta; & pene vetu- state exesa, dum difficili & diuturno opere munitiones urbis pararentur, in quibus insolentis magnitudinis ossa reperta sunt, nec notii illustrium vi- rorum epitaphia, Hebræa lingua & Hebræis characteribus, sine puncto- rum subsidio exarata, inspectante Lazio, qui è multis quatuor tantum ex- scripsit, quorum præcipuum ita latinè redditum est: Mordecai ex genè- re gigantum, vir magnus, anno à creatione mundi bis millesimo, quin- gentesimo & quadagesimo. An verò hi omnes per tot terras tantis in- tervallis distantes, etiam per novum orbem sparsi, ab uno eodem Noâ filio, nepote an pronepotè, procreati fuerint, quis deciderit? neque enim à dæ- monibus, cum nostri generis faminis congressis, cum Athenagora Philo- sopho, Tertulliano, Lactantio, Flavio Josepho, Severo Sulpitio, factos pu- tem; nec è viris, equibus aliisque generis magnæ molis brutis, ut nupes- rus Scriptor argutè colligit, commistis, nam ut talis generatio procedat exemplo Aristonimi Demonstrati filii, quem ex asina formosissimam puel- lam, nomine Onoscelim, sustulisse tradit Plutarchus in parallelis, & Fulvii Stelli ex equâ aliam puellam pulcherrimam procreantis, nomine Eponam

seu Hipponam, minus crediderim; nullam quoque speciem ex iis, qui ita procreantur, produci constat, magis quam ex Mula aut Pardale. Pro ostento enim habitum est (præterquam in Cappadocia, ubi id non infrequens) si quando mula peperit, quod Darii Hyllaspis & Galbæ temporibus contigisse notatum est. Ut igitur genus giganteum per monstruosam cum brutis commisionem propagari posse diffiteor; ita nec mihi probatur, quoties ex vulgaris staturæ hominibus æmula giganteæ molis proles gignitur, genus inde simile propagari, uti nec ex pygmæis, tali satum procreatis, pygmæorum speciem produci. Restat igitur, ut ad filiorum Noë aliquem origo gigantum referatur, & ad quem potius quam Chamum, ejusque filium Canaan? Abrahami enim tempore istud genus extitisse Lib: Gen: cap. XIV perhibet, easque terras incoluisse, quæ Chami posteris obtigerunt. Isti gigantes a Rege Kedorlaamor, ejusque sociis in Astaroth, Karnaim, Susim, Ham & Emim, & planitie Kiriathaim cæsi sunt. Omnem autem gentem eorum deletam esse non constat; in alias terras sparfos credere par est. Hi sunt inter progeniem Noë generis gigantei primi, quorum mentionem sacer. codex facit. Memorantur & Sarnesaim, Deuter: II. v. 20. ante Ammoritarum, Lotho satorum, tempora, ab illis deinde deleti. De Ogo Rege Bafan, & aliis postea à Josva sedibus suis pulsus, fuisse sacer codex, quos Cananæos fuisse nemo dubitat. Phœnices autem sive Cananæos, patriâ profugos, in Græciam, Siciliam, Hispaniam, locaque vicina, præcipue autem in Ægyptum ad agnatos suos venisse, atque inde (cum jam à prima antiquitate fecunda populis Ægyptus, tantam multitudinem non caperet) in Numidiam usque ad oceanum oras, ubi Hercules columnæ postea posite sunt, sedes longius provexisse & castellum extruxisse, in loco quo urbs Tingis postero tempore condita est, hodie Tanger appellata, & à Carolo Secundo Serenissimo Anglorum Rege illic collocata, totidem verbis docet Robertus Sheringhamus, Libro de origine gentis Anglorum, adducto in maiorem fidem Procopii testimonio, quo proditur illius tempore ibi steterisse duas è candido lapide columnas, propter magnum fontem inscriptas Phœniciis literis, quarum è sermone Phœnicio interpretationem talem reddidit. Nos illi sumus, qui latronem effugimus Jesum filium Navæ. In Germaniam quoque Cananæos à sua terra abactos migrasse ab Hebræis proditum, idem Sheringhamus ex commentariis Aben-Ezræ in Abdiam tradit, cujus verba adducta interpretatur hoc modo: In terra Alemania sunt Cananæi, qui fugerunt a facie filiorum Israel. Quæ traditio gigantum sepulchris ad Viennam, ossibusque inde effossis, quam evidentissime firmatur. Cum itaque pateat, Germaniam eos aut Pannoniam insedisse, quid obstat, quominus inde in septentrionem penetraverint, terrestri in Daniam usque itinere deinde, sed multo posterius, nec nisi multiplicatâ sobole, trajectu per insulas, in Scandiam, inde in Norvegiam & Sveciam; vel si malis è Scythiæ parte, Thussagetarum patria, cujus Plinius meminit, Borystheni fluvio vicinâ, (similitudine nominum suffragante; **P**usè enim vel Thusi giganteum significat,) in Norvegiæ aut Sveciæ Septentrionalia, inde in amœniores illorum partes, tandem etiam in Daniam trajecisse. Nec vocum repugnantia obstat, quominus Jotunheimi a Jotis, Scythiæ intra Imaum montem populis, Saronibus & Syebis finitimis, quos Strabo Asurgianorum nomine comprehendit, primos incolas nomenque sortiti sint, quos gigantes fuisse nihil impedit. Certè viri docti magnam linguæ nostræ vocumque haut paucarum cum Hebræa convenientiam deprehenderunt, quam

âgigan-

â gigantibus Phœnicibus promanâsse, forte haut absurdè statuum; quod si historiâ Britannicâ in rebus antiquissimis fides, gigantes quoque eam incoluisse, cum Brutus eò adveheretur, traduntur; quos ille omnes oppressisse & insulâ fugâsse perhibetur. Quod si verum est, ait Sheringhamus, vix dubitari potest, quin Phœnices fuerint; qui periti navigationis ab Hebræis patriâ ejecti, totum pene orbem pervasisse dicuntur. Sunt qui partem illorum ad Americam delatam, gentes Americanas condidisse arbitrantur, quorum Septentrionales a L. Herrero in Louysiana ita describuntur; nimirum quod contra famem & frigora a pueris ita obdurati sint, ut media hyeme ipsi pueri nudi per nives inambulent, sequæ pervolvunt pro ludo habeant; tam firmis & proceris corporibus, ut rarissime gibbosum reperire liceat. Quæ eadem plane sunt (verba sunt Cl. Otthonis Sperlingii in Boreâ sui Cap: 4.) quæ de nostris borealibus tot veteres historiæ deduxerunt. Hujus roboris & agilitatis eximie recenset argumentum p. m. 105. ubi fœminas carnis feræ & venaticæ, trecentas libras dorso suo longis itineribus ferre scripsit, etiam prægnantes, & liberis eidem adhuc oneri superpositis, nec magis defatigatas videri aut anhelantes, quam nos cum gladiis accincti pergimus, proceritatis aliquos tam immensæ refert p. m. 196. ut, cum Europæi non nisi nando flumina transire potuerint, illi usque ad scapulas exstiterint, iisque binos Europæos transportârint, vestes autem suas capite. Atque hæc de gigantum origine dicta sunt.

CAP. IV.

QVO ADSTRUITUR, GIGANTES SEPTENTRIONEM OMNIUM PRIMOS INCOLUISSE.



HOs primos septentrionis Aborigines priscae memoriæ agnoscunt, eorumque antiquissimum Eda fab: VIII. Norvium seu Narsium producit, Noctis patrem Dieique avum, quem primum Jotunheimos incoluisse perhibet, tractum circa sinus Gandvici septentrionalia, teste historia Hervoriana, situm trans mare Album (ex quo Oddus Monachus Norium primum Norvegiæ Regem exstruxisse videtur, eumque cum Nore Norvegiæ Rege, regionis eponymo; Rudbeckius etiam cum Niordo Sveciæ Dynasta confudisse) ab ejus posteris Finnmarkiam deinceps, Norvegiæque, utet Sveciæ, extrema; deinde quæ magis in austrum protenduntur, accepisse colonos, licet nulla ab eò generis series ad posteros texitur, haut inepte colligi posset, si ex fabulis historia exstruenda esset. Solidius testimonium Historia Hervoriana in ipso limine nobis suppeditat his verbis: Antequam Turcæ & Asiani Septentrionem infederent, incoluere eum gigantes & semigigantes. Quam assertionem malus etiam genius, specie Thori Deastri, Norvegiæ Regi Olaso Tryggvino, oras Hælogiæ in austrum præternaviganti, oblatus, narratione sua confirmavit; quam vitæ ejus inserui; hic paucis referendam. Cum enim humana specie conspicuus, recipi se in navem Regiam obnixè peteret, impetraretq; mox; si quid priscae notiæ memoriâ teneret, exprimere jubetur: Ordinar igitur, ait, narrationem à primis terræ hujus cultoribus, gigantibus quibusdam (vita Olasi Tryggvini ab Oddo Monacho conscripta, non hæc de

tota Norvegia dici declarat, sed tantum septentrionalibus partibus; ita enim habet. Terra hæc, quam prætervehimur, a gigantibus quibusdam quondam culta est; provectus autem est per partes Halogia, unde prima toto septentrione gigantum memoria Historiæ Hervorianæ ducitur) qui repentinâ morte, casu quodam, tantum non simul sublati sunt, duabus duntaxat foeminis superstitis. Exinde homines (hos giganteo generi opponit) orientales terras, præsertim hanc, incolere cæperunt. Fœminæ autem istæ giganteæ populos illos multis damnis affecerunt, novisque incolis varias molestias creârunt, donec in auxilium rubra hæc barba invocari capta est; malleo igitur meo utramque occidi. Exinde invaluit, ut, quoties magna necessitas incolas affligeret, me votis usque in præsens vocarent. Tu autem, Rex, omnes meos propemodum delevisti, id quod ultionem meretur. His dictis obversus Regi, ridensque, tanquam telum nervo emissum de navi se concitans in mare, Rege cæterisque omnibus aspectantibus exsiluit. Augvaldum, cognomento Rogium, prædii Augvaldznæfiæ, quod sedes pastoralis est, cui hæc nostra parœcia, ubi habito, subjacet, eponymum inibi situm memorant. Ibi cum Olafus Tryggvinus festum, quod in gloriosissimæ Særvatoris resurrectionis memoriam institutum est, celebraturus esset, malus quidam genius larvatus ei apparens, inter cetera rogatus de statu & conditione Augvaldi, retulit, fuisse illum Regem, vaccam quondam præ omnibus Numinibus præcipuo cultu profectum, quam etiam moriens secum discreto tumulo condi præceperit. Rex, postquam spectrum evanuit, collem utrumque effringi fecit, deprehenditque ossa, humana aliò, aliò vaccæ condita esse. Hujus quoque spectri relatio ipsorum gigantum confessione stabilitur, qui in vita Grimi Hirsutigenæ, de domitis colonis gloriantur. Edda nihil operosius tradit, quam quæ Afis transnigrantibus cum gigantibus istis intercesserunt. Sed & Historia Hervoriana cap: I. conceptis verbis exponit istorum gigantum nomina, qui inter primos septentrionem incoluerint, eorumque primas sedes ex situ describit: Jotunheimos nimirum circa Mare Album, seu sinum Gandvikam, editis præter nomina quibusdam etiam gestis, & quidem adeo accuratè, ut continua stemmata ex iis ad hæc usque tempora texantur. Verum penitus insipienti facile apparet, eos ne ad Christi quidem tempora assurgendo deduci posse. In hac opinione alii quoque scriptores versantur, licet in tempore, quando gigantes primò septentrionem infederint, dissentiant. Primos Daniæ incolas Saxo Grammaticus gigantes, gigantes Arngrimus primos Norvegiæ agnoscit: illos autem posteros fuisse & reliquias Cananæorum agro Palæstino à Josua & Calebo divinis auspiciis in Palæstinam moventibus, expulso; circa annum mundi MMDVI. hancque orbis plagam ad ea usque tempora, aut forsitan diutius, prorsus incultam mansisse existimat, Genebrardi auctoritatem allegans, qui Josuam Cananæos partim depulisse, partim interfecisse tradit, perhibetque horum reliquias migrasse in Germaniam, Slavoniam, & regiones vicinas; cui, Pontano vel maximè repugnante Hist: Danicæ pag: 55 & 56. suffragatur Rabbi David Kimki ad finem Abdiæ, qui Cananæos ex agro Palæstino ab Hebræis ejectos in Illyricum & Pannoniam migrasse tradit, citante Bodino, methodo historiarum cap: IV. Accedit Messenius, qui Tomo primo Scandiæ illustratæ, a Josua Palæstinâ ejectos Scandiam intrasse existimat, tum minus frequentem, ob recentem Gothorum egressionem, quod ultimum de egressu Gothorum ante gigantum adventum, cum nostrarum antiquitatum sententia non consistit, quæ gigantes primos incolas agnoscunt. Celeberrimus Antiquitatum septentrio-

ptentrionalium Professor Olaus Verelius solos gigantes hunc tractum quondam incoluisse, creditu arduum iudicat, adjecta ratione his verbis, Notis ad cap: I. Historiæ Hervorianæ pag: 11. Neque enim, inquit, e terra hic potius quàm alibi prognati sunt, si vero aliunde advenerunt, aliorum injuriis huc pulsi dicentur. Atqui hoc truculentorum hominum ingenium esse solet, ut injurias inferant potius quam patiantur. Deinde si integra eorum hic exstitit natio, quomodo postea ab aliis supervenientibus, robore illis multo inferioribus, ejici potuerunt? Vero proinde similis est, gigantes hic quondam fuisse, at non ita magno numero, ut soli illi terram occupaverint, sed pauciores & seorsim in montibus degentes: fuere enim omnes Bergnæ, id est monticolæ, qui cum diu hic perdurassent, penitus tandem interierunt. Quando & unde huc accesserint, cum nihil certe adferre possum, quid aliis verisimile videatur, contentus ero indicasse. Indicabat autem Arngrimi Messenique opiniones. Certè longo tempore genus illud in Norvegia permansisse, nec tamen subito, ut spectri narratio tradit, extirpatum fuisse, longi temporis historia, gentis præsertim illius, satis declarat. Nam & Regis Olafi Tryggvini tempore circa extrema æræ Christianæ primi millenarii, quidam illius generis deleti sunt. Anno autem MCCCXXXVIII. Magno Eirici Norvegiæ Sveciæq; Rege, gigantem quindecim cubitorum a quatuor viris occisum esse, in Annalibus notatum est; id quod etiam historiæ suæ Johannes Pontanus in tractatu de gigantibus pag: 55. in additamentis, occasione Teuthoboci, inseruit, lectu dignissimus. Incipici & merentur Olai Verelii Notæ ad Historiæ Hervorianæ cap: 1. pag: 12. Conferunt itaque his in terris gigantes omnium primi, non jure divisionis inter filios Noë, sed necessitatis, quâ sedibus suis expulsi, compulsi sunt ad novas sedes turasque quærendas, experti quippe nec robur corporis, quantumvis magnum, nec ingentes spiritus, nec armorum vim, aut castellorum firmitatem, tanti esse, quin artibus & consiliis, aut certe Numinis pie culti auxilio superari possit. Hos tales sub Trollorum nomine Boatæzer Babylonæ Soldanus in epistolâ suâ (modò genuinâ) ad Serenissimum Daniæ & septentrionis Regem Christophorum Bavarum ad annum Christi MCDXLIV. pro gente quadam septentrionis accepit, quos inter cæteros Arctæos populos, magna & varia in suis regnis olim triumphaliter fecisse, suisque Divis prædecessoribus angustias posuisse faretur. (Variat enim nostrum exemplar ab eo quod Pontanus ex Messenio exscripsit.) Literæ autem hic coronidis loco subnectendæ tales sunt.

Cui nostri Dii favent, de quo in Oraculo nostro Deorum nostrorum responsa habuimus, & quo forte spiritus Alexandri Magni operatur, Magno Regi Gelidorum, Trollorum & Purgatorii, Norvegiæ, Danorum & Svedorum, Gotorum, Slayorum & Bavariorum, Principi excellenti, collatali nostro percharo. Boatæzer Soldanus consanguineus Deorum, Babylonæ imperator, continuus Alexander Macedo, Dominus Dominantium Africa, Rex Regum, Arabiæ, Chaldeæ, Persiæ, Lybiæ, Barbariæ, Armeniæ, Assyriæ, Mosteniæ, Nubiæ, Alexandriæ, Ægypti, Parthiæ, Mediæ, Mesopotamiæ, Hyrcaniæ, Custos Speluncæ Crucifixi; salutem & amicabilem felicitatem. Nuper per tuum nobis dilectum Johannem de Europa auribus nostris innotuit, te fore Magnum Regem Trollorum, Purgatorii & districtum Gelidorum Septentrionalis plagæ, scilicet Norvegiæ, Svedorum & Magnæ gentis Danorum & Principem Gothorum, & victorem impugnablem Bavariorum, qui magna & varia in Nostriis Regnis olim triumphaliter fecerunt, & nostris Divis prædecessoribus angustias posuerunt

„runt. Igitur de Tua persona & potestate amicitiam volumus, & his au-
 „ditis valde gavisi sumus & erimus. Ideo in Basilicis nostris Deorum no-
 „strorum offerta obtulimus, quod de Deo tonante Tibi data sit talis & tanta
 „potestas, laus & gloria hujus mundi in tam juvenili ætate. Et miramur
 „quod obedias Magno Sacerdoti Romanorum, cum etiam Dii nostri Maho-
 „metus, Ammon, Euromethus, Tibi prosperitates faveant. Ea propter sci-
 „as Nos in brevi Te cum zephyro personaliter visitare decrevisse, navigio
 „Nostro magno versus septentrionalem plagam, versus Arathesiam, Vest-
 „gintem, Medtoniam, tuam regionem tangentem, & ibidem filiam Nostram
 „Peizatam pulcherrimam consignare te ei in maritum, & eam tibi in ux-
 „orem. Jocò misimus tibi Capellanum præsentem Nostris cum munusculis,
 „vas aureum puro balsamo plenum, per Tuum dilectum hominem, comen-
 „salem nostrum continuum, qui tibi ex parte nostra multa dicet. Datum
 „Babyloniæ per Julium Mahometi & Grometi Deorum nostrorum, 12. Ameti
 „Amonii Elgeristii. Conveniunt hæ literæ ad annum qui proxime inter-
 „cessit nuptias Christophori Regis cum Brandenburgica, quæ erant anno
 „MCDXLV. Circa id fere tempus scribitur Usus Cassanum exuisse impe-
 „rio quendam Malaonchrem Regem Persarum, qui erat ex Genisæ Magni
 „apud Parthos Sulthani progenie; de quo Philippus in Chronico Carionis
 „pag: 652.

SECTIO II.

DE GOTHIS SCANZIANIS.

CAP. V.

DE SECUNDO HOMINUM GENERE,

quod septentrionem, & partem ejus Norvegiam, primo in-
 coluit, cujus apud indigenas scriptores memoria
 restat exigua.



Liud genus ab his diversum septentrionem in-
 coluisse antiquis rerum septentrionalium memoriis
 haut obscurè proditur, quod Gothos appellant; à qui-
 bus terras septentrionales Gothlandias in universum
 dictas, inque continentem, quæ Reidgothlandiæ, seu
 Reidgothiæ, & insulas, uno Eygotalandiæ vocabulo
 insignitas, in universum divisas constat: quâ notâ
 posterioribus sæculis sola Dania censebatur: nisi quod Gothiæ nomen, sed
 sine hac distinctione, notissima Sveciæ imperio subjectæ provinciæ hodie-
 que retineant. Sinum quoque Codanum ab his denominatum multi sta-
 tuunt. Sed cum hæc nomina ante Odini, (de quo postea dicam) tempo-
 ra, introductæque literarum elementa, recepta fuerint, nec ullæ fide di-
 gnæ memoriæ veteres literis consignatæ extent, quæ de hujus gentis ori-
 gine aut migratione, migrationisque occasione, processu, aut harum ter-
 rarum occupatione posteros erudiverint, ad excutiendos peregrinos scri-
 ptores, Græcos pariter ac Latinos, posteri necessariò animum adverterunt.
 Apud quos cum Getarum Gothorumque frequens memoria occurrat, si-
 tusque terrarum septentrionalium, cum terris, unde gentes istæ in ea lo-
 ca, quæ olim in Scythia tenuerant, egressæ perhibentur, conveniat;
 eorum gesta, & quicquid de eorum posteris apud illos auctores invenerunt,
 ad

ad gentis suæ gloriam (ut par erat) retulerunt, consiliò certe haut illaudabili, si intra moderationis limites se continuissent. Sed decursu temporis, quidam gentium suarum exornandarum nimis cupidi, integros libros ediderunt, quævis originem earum, ingressus, egressus, migrationes, stemmata, bella, stupendos successus, variosque eventus ita notârunt, ut longissimâ licet distantia continuò tamen nunciorum intercurfu his gentibus notificatum, earumque prope auspiciis perpetratum videatur, quicquid illi eorumque posterì in remotissimis regionibus singulis tantum non annis gesserint. Hinc Nobiliff: Jacobus Reenhielm notis in Historiam Thorsteini Vikingii ad Cap: II. concludit, ex similitudine morum nostratium cum Scythis Asiaticis in Justino Trogi Abbreviatore nobis exhibitâ, inductum Johannem Magnum, ut omnia de illis a Trogo relata nostris majoribus adscriberet. Nos in libro, quem Seriem serenissimorum Daniæ Regum inscripsimus, pluribus de his egimus. Nunc cum de gentium septentrionalium origine sermo sit, cum ex patriis documentis (ut antea dictum est) hanc ejus partem eruere nequeamus, externorum adminiculo id, quoad fieri possit, aggrediamur.

CAP. VI.

DE GENTIUM, QUÆ ANTE NATUM

Christum septentrionem incoluerunt, a peregrinis
scriptoribus notatis nominibus.



DE Getis & Gothis acerrimè disputatum est, unanè an diversæ gentes fuerint? vicique, quantum assequor, sententia affirmans, multis argumentis à Salmasio, Hornio, Boxhornio, Loccenio, absolutissimè demum à Sheringhamo asserta, quò lectorem remittimus. Idem etiam Gethas de genere Cimbrorum fuisse Cap: III. docet, quod easdem sedes tenuerit gens eadem, his tantum nominibus discreta; assignat autem iis sinus Codani Insulas omnes, totam Jutiam (quæ exinde Cimbrica Chersonesus olim nominata est) & reliquas Germaniæ provincias ad litora maris sitas; Frieslandiam item & Bataviam in ditione sua tenuisse perhibet; totum enim mare a Cimbrica Chersoneso ad utrumque Rheni ostium, id est, ad ipsas Flandriæ oras, Cimbricum olim mare appellatum esse, Claudiani testimonio probat, ita canentis:

Te Cimbrica Thetis

Divisum bifido consumit, Rhene, meatu.

Cimbros quoque fuisse in mediterraneis, qui procul à mari degerint, qui, ut alii fere omnes, ratione sedis & regionis, quam populus unusquisque possederit, sua peculiariter habuerint nomina, sed conjunctim universi, uno communi nomine Cimbri dicti sint. Eos tamen qui ad partes septentrionales Chersonesi habitabant, soli Ptolemæo Cimbros peculiariter nuncupatos, (sicut etiam soli peculiariter Saxones dicti sunt, qui ad dorsum Chersonesi habitabant, qui tamen initio pars tantum Cimbrorum fuerint,) & Romanis Græcisque sub Cimbrorum quàm Saxonum nomine notiores, reliquis autem Cimbris ab ipsis cæsis victisque, aut factâ deditione in amicitiam susceptis, omnes, mutato nomine, Saxones dici cepisse. Cimbros

qvoque Cimmerios vocatos esse ex Strabonis Lib. 7. & Diodori Siculi Lib. 5. demonstrant. Locus est prolixior, sed a nobis in Serie Regem Daniæ Lib. II. Cap. 8. adductus. Habuisse autem Cimbro alia qvoque cum aliis gentibus communia nomina, idem dicto cap. pag. 85. fusè docet his verbis : Qvos aliquando, inquit, Celtas, aliquando Germanos, aliquando Gallos, aliquando Galatas veteres appellavere. Germaniæ olim pars Celtica erat, & Cimbria pars Germaniæ, unde Cimbris Celtarum & Germanorum appellationes datæ sunt. Postquam vero maximam Galliæ partem ad imperium suum adjecissent, Gallorum etiam ex subacta Gallia, sicut ex subacta Britannia, pars eorum alia Britannorum nomen adepti sunt. Cimbrorum sane in Gallos reportatæ victoriæ, Cæsarem modo testem citavimus. Svidas etiam Germanos illos, qui sub Brenno militarunt, qvos Cimbro fuisse mox ex Appiano ostendam, Senones Gallicos populos divicisse tradit, his verbis. Celtæ, qui dicuntur Germani, circa Rhenum fluvium sunt, qui olim intursaverunt Albanorum regionem, qvos Senones dicunt, Celtæ illi contra Romanos militaverunt. Hunc Cimbri tum Celtæ, tum Galli, & a Græcis Galatæ vocantur. Antequam Germanis Gallisque sua nomina data sunt, utraque gens Celtarum appellatione Romanis Græcisque innotuere, postea vero quam iisdem hæc nomina addita sunt, quicquid super Massiliam peculiariter Gallia Celtica, quicquid citra ad Ulricynium montem & ulteriora Germaniæ usque ad Sarinatas & Scythicas gentes, nunc Germania, nunc qvoque Gallia à veteribus nuncupatur, Romanis vero omnes in universum illæ regiones, Gallia dictæ sunt. Ita Diodorus Siculus gentes illas distinxit. Qui interiora supra Massiliam tenent, & qui circum Alpes & cis Pyreneos montes habitant hos Celtas nominant, qui fero infra hanc ipsam Celticam partes Austrum versus, & ad Oceanum Hercyniumque montem sitas incolunt, omnesque ad Scythiam usque protensos, Gallos vocitant; at Romani gentes hæc universas unâ Gallorum appellatione comprehendunt. Hinc, quam Plutarchus Germanicam, Festus Gallicam linguam appellavit. Hinc Florus Cimbro Romanum imperium invasuros, ab extremis Galliæ effusos esse tradit. Hinc Cimbro etiam, qui Brenno Duce Romam diripuerunt, & in Græciam subinde progressi, templum Apollinis depeculati sunt; Justinus Gallos, Paulanias, Ælianus & Athenæus Galatas, alii Celtas appellant; Germanos eos fuisse, multis iisque firmissimis iisque firmissimis testimoniis confirmarunt, quibus ego addam ipsius Livii testimonium, qui ipsos sæpe Gallos, sed aliquando, Germanos appellat, de eorum enim ex Gallia transitu verba faciens; alia, inquit, Germanorum manus priorum secuta est. Addam insuper Appianum qui in Illyricis illos Celtos & nominatim Cimbro nuncupat. Autarios (inquit) fama est æpollinis indignatione in extremam cladem venisse, quippe eosdem cum Celtis, qvos Cimbro vocant, ad Delphos posuisse castra. Multa alia hujusmodi testimonia adduci possunt, quibus Celtarum, Gallorum & Galatarum nominibus Cimbri intelliguntur, & proinde nisi hoc lector animadvertat, in legendis historiis non facile errores effugiet, quibus hæc nomina sæpissime confunduntur. Video enim viros doctos aberrare atque hallucinari, & antiquos Gallos sive Gallicæ aborigines pro Cimbris Gallis sumere.

Olaus autem Rudbeckius, Danis omnem Cimbrici nominis gloriam detractus, in Sveciam, vel potius Norvegiam, nomen illud inter plura transfudit; derivatque a voce Svedica *Sinn*/ quâ quicquid tenebricosum est significetur, Inde Cimbram ad promontorium Finnmarkiæ *Sinn*/

tiun / quod Kimmernes appellat , traducit ad gradum lat: 71 , totumque tractum qvi inde ad portum Scaniae Kimmerisnium ad gradum lat: 56. long: 36 extenditur, sedibus hujus gentis tribuit, adducto ex Orphei poemate loco , qvi Cimeriorum patriam tenebris obfuscatam , lumineque perpetuo cassam scribit , sitam prope Mare Mortuum, montosamque perhibet, quorum neutrum in Jutiam competat, confirmatque Strabonis auctoritate , qvi Cimmerios Homero notos adstruit. Esto ; cecinerit hæc Orpheus de iis, qvi extrema Scandinavia incoluerunt , eosque Cimmerios ac hyeme tanquam *χυμείους* vel etiam proprio gentis nomine appellaverit ; non tamen inde conficitur, Jutiam Cimbriam non esse, maxime si Cimbri aliunde nomen acceperint , puta a voce *Scimper* / vel si hic tractus pars fuerit Cimbriae latè sumptæ, non statim evertitur. Jutiam , ut caput gentis , Cimbriam propriè dictam fuisse ; quod si Juti ex Cimbria ad Bosphorum, vel ex Cimbria illuc sedes transtulerint , ibique Cimmerii à Græcis appellati sint, an ideo in Jutia Cimmeriæ proprietates requirendæ, montes Tauro similes, aut eadem cæli solique constitutio ? Locum vero Homeri citatum, ad Cimmerios Italos, qvi in Campania ad finem Bajanum juxta Puteolos sedebant, multi referunt, quem veteres ob tenebras tetrosque odores inferni limen esse putabant. Silius quoque Italicus Homerum secutus his eum versibus describit.

Juxta caligante situ longumque per ævum

Infernis pressas nebulis pallente sub umbra

Cimmerias jacuisse domos , noctemque profundam

Tartaria narrant urbis. — — — — —

Eqvidem non nego, Cimbrorum nomine tam Svecos & Norvegos quam Danos gentesque Flandriam usque protensas , antiquis Scriptoribus exoticis comprehensas , nec solam Jutiam tot myriadibus pugnatorum emitendis imparem fuisse. Jutiam tamen Cimbriam peculiariter dictam, Cimbrica Chersonesi nomen, tot deinceps seculis, atq; etiam hodie, proprium facile persvaferit ; nec aliter universus Septentrio nostris Scriptoribus Gothia antiquitus ab indigenis appellatus perhibetur , quod tamen nomen Gothia Svedica peculiariter sibi vendicabat , hodieque tenet. Fusc de his differentem consule , si placet, Johannem Lyschandrum Antiqu: Danicarum Serm: II. & III. ubi super hæc Aventini verba commentatur. Cimbro-
rum partes sunt Dania, Scandia, Sellandia, Scandinavia, ubi Nordovici &
Normanni, Sviones, qvi & Svefii & Svedi, Fenni, Gothi, ab his sinus Gô-
danus nomen habet, Græci Getas, Latini Dacos vocare solent. Certe Pro-
lemæus ex proprio cerebro Cimbricam Chersonesum situ Jutiæ proprio non collocavit , nec Taciti locus commodius ad alias terrarum partes applicabitur.

CAP. VII.

DE GENTIBUS IISDEM NOMINIBUS

insignitis, ad lacum Mæotidem & in Sarmatia Asiatica olim habitantibus, deinde per regiones Ponto Euxino vicinas, Thraciam quoque, Mæsiam & Daciam dispersis.



Etas five Gothos Cimmerios esse Sheringhamus his argumentis probat, quod Justinus ex Trogo Tanaum cum Vesofe, qui & Vesoftris, Rege Ægypti congressum Scytharum Regem vocet, Valerius autem Flaccus Argonaut Lib: V. eundem Getarum Regem, & Auchum ejusdem gentis Regem Cimmeriorum Regem appellet his versibus:

Ut prima Scsostris

Intulerat Rex bella Getis, & clade suorum,
Territus hos Thebas patrumque reducit ad annem;
Phasidis hos imponat agris Colchosque vocari
Imperat. (De Aucho autem.)
Tertius unanimis veniens sub millibus Auchus.
Cimmerias ostentat opes.

Getas autem five Gothos Scythicas gentes fuisse vel inde compertum est, quod Strabo, Plinius, Ptolemæus, Getas, Alanos & Massagetes inter Scythicos populos numerant. Diodorus Siculus & plures historici idem testantur. Postea verò quam Getæ Gothorum nomen sumpserunt, Scytharum quoque appellatio iisdem passim ab authoribus tributa est. Anastasius in Historia Chronographica ita scribit: Cum plurimi, Scythæ, qui Gothi dicuntur, Histrum fluvium sub Decio transmisissent, Romanum imperium devastabant Theophanes ad annum incarnationis cccclxx. Scythas patrio sermone Gothos appellatos Trajanus Patricius narrat. Idem Georgius Syncellus his verbis confirmat: Scythæ, inquit, patrio sermone etiam Gothi dicti. Trebellii Pollionis Gallilones. Pugnatum est in Achaja Macrino Duce, contra eosdem Gothos, unde victi per Achæos recesserunt, Scythæ autem, id est pars Gothorum, Asiam vastabant. Trebellii Pollionis Div. Claud: Scytharum diversi populi, Pevcini, Trutingi, Austrogothi, prædæ cupiditate in Romanum solum & rempublicam venerunt. Procopius ipsam, inquit, Mæotidem & os ejus, quod dixi ultra ipsum statim litus Gothi, quos Trapezitos dictos memoravi, antiquitus obtinebant, longius Gothorum gens, quæ propriè sic dicitur, Visigothi & Vandali, & ceteri Gothicæ originis populi habitabant, quos vetustiora secula Scythas appellabant. Nam quicumque homines illa mundi extrema tenent, universè quidem Scythæ appellantur. Getas in hisce locis sedes fixisse notius est, quam ut probatione egeat, in Asia Massagetes Sacarum partem, una cum reliquis Sacis, Geticâ quoque gente, à Caucasii montibus usque ad Araxim Armeniæ flumen, in oriente rerum, potitos esse, atque Thomyrim Massagetarum Reginam explicata acie Cyrum Regem prælio superasse atque occidisse, ex Herodoto & Diodoro Siculo liquet. Dionysius quoque Massagetes in illis Scythiæ partibus collocat his verbis: Hos vero post orientem versus trans resonantem Araxim Massagetæ degunt velocium emissores sagittarum.

Versus Septentrionem vero à Caucasii usque ad Hyperboreos & Riphæos montes Massageticum imperium expansum est. Alani siquidem, qui plagas illas Scandiæ & Sarmatiæ adjacentes tenebant, Massagetarum populus erat. Getas porro circa Tanaim amnem, qui ex Riphæis montibus in Mæotida præceps ruit, degisse Valerius Flaccus his innuit:

Atque

*Atque ubi Riphæa stupuerunt flumina bruma
Jam paridi cum prole Getæ jam pervigil illum
Medus, & oppositis expectat Iberiâ claustris.*

In Asia denique ad Mæotida paludem inter Tanaim & Cimmerium Bosphorum, Thyrsagetæ vastas silvas occupasse Mela Pliniusque authores sunt. Plinius autem Thussagetæ vocat. In Europa vero ex altera parte Cimmerii Bosphori Getæ in Thraciam, Daciam, Mæsam & loca adjacentia cum valido exercitu irruentes, gentes istas omnes vel abegisse vel subegisse, scriptores plurimi testantur. Herodotus Getas Thracum fortissimos & iustissimos vocat, Herodoto autem Getæ populus Thraciæ, non gens tota fuit, qui soli hoc nomine peculiariter fortè notati sunt, quia primi fundos agrosque Thraciæ possidendi copiam habuerunt, sicut iisdem rationibus soli veteres, Saxones Ptolemæo peculiariter Saxones vocantur. Sic etiam Plinio, Melæ, Solino, Getæ populus Thraciæ perhibentur, omnes tamen Thraces unam fuisse, id est Geticam, gentem Mela testatur. Jotarum Ptolemæus sedes ad mare Rhymmiorum refert, quibus vicini Sæones & Syebi ab eodem memorantur, nomina cum Jotnis, gigantibus vel etiam Jotis, nobis Jutis, Saxonibus & Svevis convenientia.

CAP. VIII.

DE LINGVA AC MORIBUS MEMORATIS JAM POPULIS COMMUNIBUS.



IN hoc demonstrando sæpe laudatus Sheringhamus Discept: de Anglorum gentis origine cap: XI. prolixus est, adducitque primò authoritatem Hugonis Grotii, qui ex paucis Scythicis nominibus id evincere conatur, nimirum a Scytharum nomine, quod *sagittarium* denotat, & paludis Mæotidis accolis *Temerinda* dictæ, quasi maris finis, & montis Caucafi, a candore *Graucasi* vocati. Improbatur tamen ejus sententiam, quod Scythicam lingvam matricem Germanicæ statuatur, de quo alio Cap: plura. An Scythæ à sagittando dicantur, dubitat, cum id à Græcis impositum malit, æque iracundia derivatum, quod Græcis *Ζωζαῖ* sit irasci. Legibus Islandorum titulo *Refaball* / *Styti* sagittator appellatur & passim alibi; tamen *Stiþiód* / quæ ab Odini patria, quæ Scythia erat, denominationem sortita, illud non usquequaque admittat. *Temerinda* à *May* / quod mare, & *enda* : finis, præposito articulo, cum significatione finis maris magis venit, quàm cum illa, quàm affert ex Plinio desumptam, & matrem maris interpretatur: Mæotim autem Gothici nominis esse vere coniecit; *Mæot* enim lingua Gothica stagnum significare, cum lingua Islandica ex parte consentit, cui id *Mooda* est. *Graucasum* a verbò *Grar* quod colorem cineraceum & *Maas* / quod montem denotat, *Grá Maas* Islandi adhuc dixerint. Recitat deinde quosdam Scythiæ populos, quorum etyma ex Gothica lingua derivat. *Sacas*, *Massagetæ*, *Svevos*, *Cattos*. Transit deinde ad *Cineros*, *Getas*, *Sigunnos*, *Graucenios*, *Syndos*, *Mosynæos*; quæ cum omnia ex Gothica lingua explicasset, duobus testimoniis omnia confirmat, *Luciani* nimirum & *Busbequii*; quorum ille lingvam Gothicam per totam Scythiam invaluisse testatur. *Alanos* enim gentem fuisse Gothicam notissimum est. Scythas vero

vero omnes eandem linguam, eundemque corporis cultum cum Alanis habuisse, nisi quod illis quam Alanis promissiores capilli fuerint. Busbequius autem Friderici Imperatoris ad Turcos Legatus testis auritus, perhibet inter Procopienses, qui hodie in Taurica Chersoneso ad Cimerium Bosphorum sedent, Gothicam linguam superstitem adhuc permanere, aliquantulum licet immutatam, quia Procopienses Turcico jam imperio subditi cum Turcis permiscantur. Is enim duos homines nactus est; alterum gentis ejusdem indigenam, alterum ortu & sermone Græcum, sed qui frequenti commercio non contemnendum ejus lingvæ usum habebat, exque multis verbis pauca exprimebat, quæ Germanicam linguam sapiebant, quæ antiqua Danica parum abludunt, quorum indicem pag: 214 exhibet. Hæc Josaphatis Barbari nobilis Veneti, Petri Baptistæ Burgi, Procopii denique testimoniis uberius confirmat; quorum ultimus Vandalorum historiæ Lib: 1., nationes omnes Gothicas invicem multiplices, unâ tamen lingvâ, quæ Gothica dicitur, suo tempore usos testatur. Jam vero & olim hæc eadem lingua, Septentrionalibus populis Germanisque communis fuisse traditur. Caroli enim Magni tempore omnes barbaræ fere nationes, quæ inter Rhenum & Vistulam fluvios, oceanumque & Danubium positæ erant, lingvâ quidem pene similes fuisse Eginhardo memorantur, morum tamen inter utrasque similitudinem Sheringhamus Cap: X. multis probat. Index quoque vocum, qui tam propria quam appellativa nomina exhibet, à Grotio congestus, idem probat; quæ singula monstrant generis & sanguinis communionem, nec inde tamen concluditur, quænam alteri originem debuerit.

CAP. IX.

AN GOTHİ AD MÆOTIDEM PONTICASQUE provincias inhabitantes, Gothis Scandianis, utet Germanis, originem linguamque suam dederint, an ab iis acceperint.



I Audatus Sheringhamus Hugonis Grotii judicium improbat, qui Scythicam linguam matricem esse Germanicæ (cujus pars Svedica & Norvegica) in præfatione ad Procopium scripserat; eo tantum argumento, quod Gothi, postquam has terras occupaverunt, longoque tempore infederunt, prima migratione sub Bericone in occupatas devictasque ad Vistulam terras, deinde in Mæoticas Rege Philimiro transgressi, linguam moresque suos secum transfuderint: nec propterea Scythicam linguam Germanicæ matricem appellare oporteat, cum Scythia Germanicam seu Gothicam non pepererit, sed à se ipsis inductam Gothi usurparint; id quod concedendum esset, si probari possit, primas illas familias, quæ ex Asia in Scandiam migrarunt, nullis suorum reliquiis in prioribus sedibus, vel interjectis regionibus repositis, totas se huc transfudisse, sic enim linguam sibi soli propriam, unâ secum transportassent. Deinde etiam, postquam hinc egressi provincias Germaniæ invaserunt, etiam linguam gentibus illis genuinam plane extirpaverint, suamque vicissim induxerint, ut, quæ postea in usu fuerit, Germanica ab iis defluerit, per totam deinde Scythiam una cum victricibus armis propagata. Prius certe

certe confisteret, si, ut Rudbeckius ratiocinatur, quatuor aut quinque paria, statim à turris Babylonica ædificatione rectà in Scandinaviam migrantia, ibi sedes sibi posterisque delegissent. Jam verò constat, quantumcunque hominum terra sustinuit, in campos Babylonicos, illo quoque suffragante, concessisse, prius quam lingvæ confusæ sunt, familiæque, jam lingvis distinctæ, dispersæ. Certè a campis istis remotior fuit Scandia, quam ut magnis itineribus statim adiri possit; nec scio an situ & indole & invitamentis ullis ita nota, ut velquirenda vel expetenda videretur, illò præsertim tempore, cum proxima quæque vacua cultoribus alimentorum affatim præbuerunt; nec ab eorum usu ulla vel vicinorum vel externorum vi prohiberentur. Ut iterum difficultatem, alibi satis monstratam, omittam, si fluminum cursus, ut statuit Rudbeckius, secuti sunt, quot quantique anfractus, hinc inde in devia eos abriperunt? qui alibi lenius, alibi rapidius fluentes, nec scaphas nec piscationes admittunt; alibi cataractæ ingentes, ex editioribus devolutæ, quam vel ab esocibus transiliri possint, pisces procul arcentes, id genus alimenti spem omnem absciderunt, facultatemque subtraxerunt. Non igitur consentaneum videtur, paucas familias statim à lingvarum dispersione continuo itinere in septentrionem profectas, sed intermediis, forte Sarmatiæ Asiaticæ, terris prius habitasse, ibique postquam suboluerant, parte suorum relictâ viciniore pedetentim insedisse, donec & iis repletis, vel incolis à superveniente magna aliqua vi vacuatis, orbem Scanzianum occuparunt; quod si admiserimus, planum est, lingvam illam, quam primi Scandianorum traduces in Babelicâ confusione acceperunt, per interjectas provincias sparsam, illis nostratibusque communem in Scandinaviam tractam fuisse, inde postea cum Scandianorum migrationibus in Germaniam pervenisse, sequè per illius provincias latè diffudisse, vel eorum, qui illas incoluerunt, labiose permiscuisse. Quo posito, facile sequitur, Scythicam lingvam Germanicæ matricem esse, non vice versa, Gothones citra mare Balthicum inter Albim & Wistulam Tacitus posuit; quos cum Gothos statuat Cluverius, negat Gothos unquam in Scanzia fuisse. Cui Grotius respondet; quod sicut alii Gothi, qui amplissima constituerunt regna, nomen è Scanzia delatum retinere, ita & istos relictos iis in locis, multò ante Taciti tempora, cum primum ad Mæotidem paludem transirent, idem nomen retinuisse; id quod perinde valebit de iis, qui a primis Asiaticorum familiis in Septentrionem concedentibus, in intermediis terris relictî sunt, quos & nomen & lingvam conservasse, tantum non dubio caret. Quod si etiam illos, Germaniâ primò peragratâ, huc tandem devenisse posuerimus, certè prius in Germaniam lingvam suam introduxerunt, nec ab illa diversâ posteros eorum sub Bericone aut Filimire usos credendum est. Sed hæc ita distinctè à veteribus Scriptoribus tradita non sunt, ut dilucidè decidi possit, utra gens alteri originem debeat. Ipse Sheringhamus notis ad cap. XVII. pag. 477 versimile putat, Getas primos fuisse Sarmatiæ incolas, partemque illorum Scandiam partemque alteram Sarmatici maris litora occupasse. Samogetas enim, qui istam Sarmatiæ partem ab antiquo tenebant, Gothicam fuisse gentem semper Gothica lingvâ usam hodieque uti; non igitur illi a Gothis Scandianis lingvam acceperunt, sed iis dederunt. Recentiores autem, ut nihil viderentur ignorare, hæc, quamvis a seculo suo remotissima, quam enucleatissimè tradiderunt; nimirum à quo filiorum Noë Gothi genus duxerint, quas post diluvium universales sedes occupaverint, quamdiu iis immorati, qua via in Septentrionem migraverint,

rint, quas terras ibi primò infederint, & quo tempore, quando colonias inde in alias terras miserint, & quid illæ postea gesserint. Nos de primis gentis traducibus primaque statione minus solliciti, ab oriente cum iis in septentrionem properabimus.

CAP. X.

DE GETARUM PROFECTIONE VIAQUE
a campis Babyloniciis in septentrionem.

Erodotus Lib. IV. Scythas pecuarios, qui Asiam incolebant, Araxe transmissis in Cimmeriam abiisse tradit, Massagetæ autem eorum sedes occupasse. Postquam verò inde digressi essent, in iis Asiæ terris sedes fixisse, quæ inter Paropamisum Inaumque montes interque Oxii confluentem & Carambucis seu Obii fluminis magnum lacum sitæ sunt, Cluverius explicat. Inde vero non per Germaniam sed per Scythiam in Scanziam transiisse, strenue urget Sheringhamus Cap: VII. cum Scanzia Scythiæ Asiaticæ, quæ hodie Tartaria dicitur, contermina sit, à Germania longe disjuncta. „Utrum igitur, inquit, verisimilius est, populos istos septentrionales, qui in confiniis Scanziae sedebant, in Scandiam rectâ perrexissent, an per Sarmatiam, longo suscepto itinere, per occultos tramites, viasque transversas in Germaniam abiisse? Si una sane & altera, aut etiam plures turmæ id præstiterint, dum inter Germaniam & populos istos liber ad huc, nullisque difficultatibus impeditus transitus esset, omnibus tamen, qui deinceps Scanziae confinia per vices subierunt, id præstare difficile fuit, postquam via ab aliis populis obsessa liberum transitum impedivit, tum quidem sedes relaxare cupientibus, Scandiam ingredi necesse erat. Sed ex vicinitate, ut facilius, ita quoque citius ad Gothlandiam pervenire poterant, quò Getas iter maturasse, nec diutius uspiam constitisse, quam ut clausas & obscuras vias superarent, fas est existimare. Id enim usi venire solebat, ut qui novas & vacuas regiones inhabitare vellent, terram undique explorarent, ut in locis pingvibus maximeque opulentis sedes figerent, Gothlandiæ totius Scandiæ regio amænissima est, & aspectu situque jucundissima, quam propterea olim Gutegutland, id est bonam bonam terram appellabant, ibi Getæ initium sui imperii statuerunt. Id quod Cap: XVII. impensius urget his verbis. „Gothicas gentes per Scythiam ad Scandiam & Sarmatiam venisse mihi adeo constare videtur, ut nesciam, quâ ratione iter secus in primordiis mundi instaurati, in illas aut alias Europæ regiones expediri poterat, sola enim Scandia & Sarmatia per isthmum Asiæ conjunctæ sunt, atque illic tantum ante artem nauticam inventam in cæteras Europæ partes, janua aditusque apertus est. Mare enim Bosphoricum & Mæoticus lacus, quo Asia ab Europa ex parte separatur, nunquam ita gelu constringeretur, ut homines per glaciem & mare congelatum transirent, aut si in illis aquæ coisissent, ut hominibus per glaciem iter impervium non fuisset, ne hac quidem in alias regiones nisi per Sarmatiam transiri potuit, quæ per totum mare Bosphoricum & Mæoticum lacum usque ad montes Riphæos prætensa est. Ubi notandum in primordiis instaurati mundi migrationes has eum referre, alias tamen posteriores innuere; dum subjicit: Postquam via ab aliis populis obsessa liberum transitum

impedivit, sedes relaxare cupientibus Gothis, Scandiam necessariò ingrediendam fuisse, idque adeo constanter asseverat, ut nescire se quidem fateatur, quã aliã ratione iter in illas Europæ regiones expediri potuerit. Cap: autem IV. varias Europæ gentes in Germaniam migrasse, & ex Asia colonias Phœnicum seu Cananæorum, Chelcorum & Trojanorum; ex Africa Ægyptiorum. Quid itaque vetat, quominus Gothi per mare Euxinum, & Istri-
ca Danubii ostia in Germaniam transiverint, indeque in Daniam. Johannes Magnus Historiæ Gothicæ Lib: I. Cap: IV. tradit Magogum, Noë ex filio Japheto nepotem, primò in Finlandia imperasse inde in Gothiam, transmissò Venedici maris sinu, in Scandianæ peninsulæ partem navibus vectum, magnæque populi multitudine sociatum, pervenisse ad eas gentes, ex suo nomine Magogos nominasse, quibus postea Græci Scytharum nomen impo-
suerint, quæ Getæ Gothique deinde dictæ sunt. His concessis sequitur, Svecos Finnis originem debere: sed quomodo ergo commercium lingvæ Danicæ a progenitoribus diversum ad Svecos pervenit? à gente nempe recentiore: nam si esset antiquior, & Svedicæ mater, quomodo Sveci Finnicæ & Russicæ loqui obliti, novam cum Danis communem, & a Germanis sola dialecto discrepantem, linguam didicerunt, alias itaque ejusdem lingvæ nationes, sive per Finnos vel alios circumjacentes, sed diversæ lingvæ populos perrupisse oportet, quæ Svecos procreaverint, sive etiam ex Hyperboreis terris Biarmia & Lappia, vel Riphæis montibus: atqui nec hîc lingvæ societas cum illis communis, quare ex linguarum diversitate gentium diversitas arguitur, nisi forte aliis gentibus una gens ita mixta fuerit, ut in ejus linguam & mores concesserit, quod hic locum non habet. Per Finnos gentem aliam viam sibi in Sveciam aperuisse nuspam extat, nec ullum argumentum quidem, quod conjecturæ ansam præbeat. Itaque illud, quod ipsimet negant, confiteri opus habent, se Finnis esse antiquiores. Nullum enim est dubium, quin Finni vel Russi, si Svecis originis auctores, iidem & lingvæ fuissent: linguarum autem collatio, ne vestigium quidem unitatis exhibet. Classibus profectos abnuît Sheringhamus Cap: XV. pag: 340. „ Omnes enim ante dispersionem gentium, inquit, in Mediterraneis degebant, nec adeo classibus instructi fuerint, ut fami-
liarum principis poterant e vestigio cum tota gente, suppellectile, re pecuaria cæterisque impedimentis in Europam transfretare. Nemo adhuc navigandi peritus erat, non ipse Noha, cujus navis non suo sed Dei nutu ductuque ferebatur: huic sane Deus vela, remi, anchora & naucerus fuit. Loca igitur Babylonî undique vicina primum ab hominibus obsessâ sunt, qui multitudine aucti, limites suos in circuitu Babylonis latius tendebant, nec prius gens ulla à continente in insulas, aut transmarinas regiones trans-
gredere poterat, quam ars nautica (quod pluribus a confusione linguarum seculis contigit) inventa est. Johannes Lyschander Serm: VI. ex Syria & Mesopotamia conterminis oris in australes Europæ tractus regiones, & præsertim in Italiam, profectos statuit, eoque duodecimo migrationis anno pervenisse, indeque in Daniam extremumque in Balthico Aquilonem occupasse. Sunt & plures rationes, quæ transitum terrestrem potius per Germaniam quam Russiam directum pervadent. Sic regressus Gothorum & Scandia in Scythiam Asiaticam apud Jornandum Cap: IV. dūce Bericone, navali primum itinere, per mare Balthicum in Rugiam vel Vandaliam Germaniæ regionem processit. Pariter Odinus Upsalensis è Scythia Asiatica Russiam Poloniamque transgressus, in Holsatiam & inde in Cimbriam pervenit, conseditque in Fionia, donec in Svecia sedem fixit. Equidem fau-
tores

tores hujus sententiæ vel iter ex Asia in Europam deinde per Germaniam in has terras directum, vel Germaniam prius incolis auctam statuit, haut pauci prostant. Grotius ex Armenia & Syria trans illas, quas nunc dicimus Sarmatarum terras, in Germaniæ septentrionalia processum autumat. Idem Hunnos iter ex iisdem locis multis post sæculis in Germaniam capessivisse eadem viâ, perhibet. In Germaniam, Slavoniam & regiones vicinas Cananæorum reliquias Genebradus migrasse tradit. In Illyricum & Pannoniam Bodinus locis antea citatis. Omnium Clarissime Micrælius descriptione Pomeraniæ pag: m: 34. & seq: testatur, Gothos Pomeraniam & Borusiam olim inhabitantes, & à vicinis Teutonibus adjutos nomen suum in Jutiam, Jutlandiam vel Gutlandiam non tantum, verum etiam in insulas duas Regias Zelandiam & Gothlandiam, Godanoniam, utet Gothaniæ nominibus olim notas, quoniam & in Guthos in Scandia Ptolemæi qui alias Gothi in Gothlandia nominari solent, imò per totum mare Balthicum ab ipsis Godanium vel Codanium denominatum propagasse. Institutaque quaestione, quoniam pacto Sveci, Gothi & Dani in regiones suas pervenerint? num terrestri profectione? inquit, sed tota illa regio, quæ ipsis transeunda fuisse, quam à Riphæis & Sarmatis populis occupata erat, imò quovis tempore latus Boddici sinus orientale Finno-um fuit sedes, qui jam Taciti tempore à Germanorum moribus & natura alieni, etiam hac nostra ætate lingvâ utuntur à Svecorum idiomate penitus abhorrente, Svecorum & Gothorum & Danorum sermo ab antiquâ Celtarum dialecto parum abludit. Num igitur meridianos Sarmatarum & Finno-um populos penetrarunt, & cum uxoribus & libris in ejusmodi peregrinationibus unâ ducendis Boddico sinu trajecto Lappiam pervaserunt, & in loca ipsis habitata se contulerunt? An verisimilius est, ipsos cum ceteris Germanis Viistulâ secundâ descendisse, ubique populares suos à tergo reliquisse, & navibus conscensis, pro se & suis sine intermissione regiones novas investigasse. Tradit autem superius eodem loco, Vandalos, Cimbro, Sveones vel Svecos, antiquos Ingevanes appellatos, in Holsatiam, Megapolitanum ducatum, Pomeraniam & Prusiam venientes, Balthici maris litoribus cohiberi non potuisse, sed navibus conscensis Scandiam peninsulam maximam explorasse, & non solum maximis montibus inter Norvegiam & Sveciam longa serie se multo sequentibus à Svevo, generis sui auctore, ut Plinius nominat, sed etiam Sveciæ regiones in occasum vergentes, ac sinum Boddicum (Botnicum) tangentibus Svionibus, & Norvegiæ regnum Sithonibus vel Sithoniis replevisse. Hactenus Micrælius, qui in multis, sibi assentientem habet Cluverium, sed quantum ad Svecos adversantem Pontanum: Verum cum Holsatiam cultam velit, omnino colonos inde in Jutiam derivare debuit, indeque in insulas, tandem etiam, ubi brevissimus trajectus est, in Scandiam; rudes enim navigationis illos populos ratio dicitur, qui terrestri itinere per Mediterranea in inferiora Germaniæ pervenerint: nec statim iis mare tentatum videtur, cum istis temporibus flumina feræque & pecora alimenta iis præbuerint, piscatorias scaphas, pontones, quibus flumina trajecta sunt, fabricari forte docuerunt, non item naves, quæ alto committerentur; istis autem insula Danicæ mutuo prospectu incolas invitantes facile peti poterant, Scandiamque adiri.

CAP. XI.

DE OCCUPATIONE TERRARUM SE-

ptentrionalium, deque ejus falsâ epochâ. Rudbeckii error notatur, qui ex fabula Eddæ de Dellingo Neptunum & Odinum fabricat, utet alter, quo Trojanos Gothi Scanzianis prognatos persuadere conatur.



Væstionem hanc nemo confidentiùs explicat, quam author Chronici Gothlandiæ, qui Gomerum Juniores primum Cimbriæ Regem nobis exhibet, ad annum mundi MDCCCL. ejusque progeniem recensuit, & quot annis singuli regnaverint accuratè, exposuit, usque ad annum mundi MMCC. Gutiumque Ostrethi filium, quem Scandiam vicinasque terras, quas Geta incoluerant, subegisse tradit, nomenque iis de suo indidisse, ut Gothi postea vocarentur. Singula Claudius Lyschander, Serenissimorum Daniæ Regum genealogiæ Lib. III. explicavit, Gomerum nempe Japheti filium; non nepotem, Cimmeriorum, Italoꝝ, Gomoritarum & Galatarum patrem, ad paludem Mæotidem primò confedissee, suamque progeniem ad Taurum & Imaum montes dispersissee, deinde in Italiam concessissee, ibique sedes fixissee, anno mundi MDCCXCVIII. in Asia autem filios tres reliquissee, Riphath, Thogormam & Aschenazem, Aschenazem autem ad aliud latus Phrygiæ Bithiniam occupassee, à cujus nomine terra Aschania, Lacus Aschanius, & mare Aschanium, denominationem sortita sint. Ibi Cimmeros propagassee, terminosque ad Bosphorum Cimmerium extendissee, inde cum suis Cimmeriis Caycisque, flumine Tanai superatò, in terram, quæ postea Germania dicta est, circa Hircaniam silvam trajecissee, ibique Aschanezæos & Rhegios profeminassee, unde postea gens Aschania, quæ principatum Anhaltinum condidit, profuxerit. Cimmerios autem seu Cimbros in Aquilonem profectos mare usque, inde in Nordalbingam, ubi nunc Holfatia, pervenissee, totumque illum tractum incoluissee, partem autem istius gentis, Vistas dictam, australem tractum ad marginem maris occidentalis infedissee, in provincia, quæ postea Lynder dicta est, ubi nunc Witte & Bidingeherrid / unde totius regionis nomen, quæ Wittersland / jam vero Julland nuncupatur, emanaverit. Boream versus Varinorum terram Vare & Werssissel / nec procul Salios & Sabalingos sitos, qui Saling incolunt. Trans sinum in Aquilonem Vandalos & Vinnulos habitare, quorum Provincia Wendississel. Ad austrum vero in Orientali latere circa sinum amnemque, antequam terram excolere cæpissent, casas fixissee, ad instrumenta piscatoria remosque conservandos, quas exinde Wævershus / *remorum domum*, appellaverint, ubi nunc civitas Aarhufensis, Ptolemeo peregrinisque scriptoribus Charudes dicta. Præcipuos autem proceres in meditullio terræ principale domicilium condidissee, quod à se, Vitis nimirum, vel ut alii volunt, ab idolo eorum Wige Viburgum appellaverint; processu autem temporis provinciam illam ab Haraldo Cærulidente, & in hunc usque diem Himmerississel / seu Cimmeriorum vel Cimbꝝum provinciam, appellatam, exinde Cimmerios insulam de suo nomine Cimmeriam dictam, quæ nunc Fimbriæ vel Fimmeriæ, quasi parvæ Cimbriæ, nomen obtinet, occupassee, in cujus rei memoriam auream coronam

insulanos illos in insignibus suis usurpare. Accessum Cimbrorum in Jutiam ad annum mundi MDCCCL. ipse quoque refert: Johannes autem Lyschander ad MDCCCXLVIII. Quæ de Aschania gente tradit, ex Archivis Anhaltinis confirmat, quæ hic, ipso teste, his verbis describuntur.

„ Aschania gens nobilissima & vetustissima, originem suam deducit ab
 „ Ascano filio Gomeri, nepote Japheti, pronepote Nohæ Patriarchæ, custo-
 „ de sacri ignis, hoc est, religionis & doctrinæ (unde nomen ipsi inditum est
 „ consentaneum) qui cultuum profanorum fugiens Idolomanniam, quæ orien-
 „ tem cum Tyrannica quadam sævitia invaserat, ex solo natali, quod est su-
 „ pra Phrygiam in Bithinia versus Cimmericum Bosporum ad Aschaniam
 „ Paludem fuit; sociis Caycis & Cimbris in septentrionis plagis migravit.
 „ Et Caycis quidem Mediterranea, & Cimmericis occupantibus, ipse sedem
 „ ac dominium suum ad nemus Heroynium transtulit, ubi inter tot rerum
 „ humanarum vicissitudines, imperiorum ruinas multiplicesque Regnorum
 „ conversiones, posterius ejus Aschanii, a primo ipsorum adventu, in hunc us-
 „ que diem, soli & nomen & sedes retinuerunt primas. Johannes Magnus
 „ Lib: I. Cap: IV. ut antea dictum est, Geticarum terrarum occupa-
 „ tionem Magogo adscribit, anno a diluvio LXXXVIII. mundi MDCCXLV.
 „ duodecimo ante confusionem lingvarum & dispersionem gentium, ejusque
 „ filios ejusdem Lib: Cap: V. quinque recenset, quorum primus Sveno, Svec-
 „ nicæ gentis propagator & rector, eò, me iudice, nomine infelix, quod tot
 „ postea seculis nemo filiis suis aut posteris nomen ejus aptaverit: secundus
 „ tar (aliis Gogus) qui nomen suum Getis, quibus præerat, applicandum
 „ curavit. Reliqui tres Thor, German & Ubbo. Ab Ubbone ante tem-
 „ pora Abraham Upsaliam ædificatam perhibet. Sunt quidam complures in
 „ Islandia villæ, Upsali appellatæ, omnes ab edito situ, superna palatia reddi-
 „ deris: Sast enim palatium est, in plurali Sastir / hinc Upsastir / quod ego non
 „ Upsalium, sed Upsalos verto: at illarum nullam Ubboni nomen debere exi-
 „ stitem. Rudbeckius ipsum Japhetum Sveciam incoluisse statuit, mul-
 „ tisque rationibus stabilire conatur. Eum vero aut filios ejus ex Asia dis-
 „ ccessisse, cum a ratione dissentire, tum etiam nequivisse judicat Sheringha-
 „ mus. Illos in primis, inquit, vires deficiebant, qui si ante dispersionem
 „ gentium mortui non fuerint, id tum ætatis erant, ut inde ducendis coloniis
 „ in longinquas terras impares omnino & inhabiles redderentur, cum à dilu-
 „ vio ad illa usque tempora anni quadringenti, aut non multo pauciores, ef-
 „ fluxerant. Hallucinantur, ut mollissime loquar, qui Noachum ab arcæ e-
 „ gressum statim per mediterranea, quo vellet, totum incesse, & classē
 „ instructum, prius navibus mare, quam terram aratrō sulcasse affirmant.
 „ Noachus certe maximam, ut verisimile est, ætatis partem super Imas
 „ montes transiit; illic nos arcam constitisse supra diximus, idque Goro-
 „ nidis testimonio confirmavimus. Quod ad epocham hujus occupationis atti-
 „ net, satis credo in Serie Regum Daniæ Lib: II. monstratum est, antiquita-
 „ tem harum gentium ad Japhetica tempora exaltari non posse. Nec veri-
 „ tati litat, gentem Sveonum, septentrionalesque populos, quibus commu-
 „ nis lingua, primigeniam illam antediluvianam, confusionis exsortem, so-
 „ los tenuisse, & in hunc usque diem conservare, quod tamen necessario se-
 „ quitur, si Magogus cum familia suâ duodecim annis ante lingvarum con-
 „ fusionem huc concesserat, ut Johannes Magnus ratiocinatur. Nec majori
 „ dexteritate Olaus Rudbeckius Atlanticæ Cap: VII. ex Dellingo, quem Not-
 „ tis (seu Noctis) Norvii vel Narfii gigantis, primi Jotunheimorum infessoris,
 „ filiæ tertium maritum, sed ex Asarum stirpe prognatum, fabula Eddæ VIII.
 „ exhi-

exhibet, Neptunum exstruere conatur, Atini seu Odini nomine insignitum, cui uxor Jörd, Platoni Clyto, & ex collatione Eddæ cum Platone institutâ utriusque parentes eruere nititur. Burium sive Cælum avum, Borium seu Saturnum patrem, focerum vero Anarem, Platoni Evenorem, focerum Nottem, Platoni Levcippen, cujus currum præfixus equus Hrimfaxius ducit. In filiorum tamen numero Edda cum Platone non consentit; decem enim ille Neptuni filios, illa sex tantum recenset, Scalda autem 25. alii ei viginti tribuunt, alii præterea quatuor, possuntque in universum ad triginta tres usque colligi. Haud igitur è Sveciæ in decem partes, secundum filiorum illius numerum, divisione, argumentum procedit ad Platonis Neptunum ex Odino fabricandum, territoriiqve Atlantici divisionem vindicandam; id quod dicto Cap: Rudbeckius pluribus demonstrare laborat, dum Odinum Neptunum facit, Auniiqve Annosii Sveciæ Regis historiam ei applicat. Nam licet ab ejusdem Cap: §. 55. ad pag: 238. horum filiorum nomina (adduxit enim decem) è Niordorum distinctione elicienda indicet, numerum tamen adæqvatum Platonis traditioni, ita ut nec redundet, vel deficiat, haut probat; quantumvis ex nominum hinc inde petita significatione, utrique eosdem intellectos monstrare fatagat, a Sect. 55. ad Sect. 96. eodem Cap: Niordos autem tres facit, primum Dellingi focerum, secundum Odini filium, tertium gente Vanium, qui Odino obles datus est; quorum primum Norvium seu Narfium, gentis Norvegicæ conditorem, apud solum Oddum Monachum Norium, sed nescio an Dellingi focerum, usitatus apud alios Norem, etiam sine relatione ad Dellinum; Niordum nusquam lego. Hæc ego non magis historica fide niti existimo, quam quod ibidem legitur de prole illius, quam pater omnium Deus Cælo imposuisse traditur, dedisseque equos duos & currus, ut circumirent terram. Noctem priorem decurrere cum equis albis & pruinosis, qui rigent terram spumâ morfu fræni decedente. Diem insidere eqvo fulgenti, qui juba sua æthera terrasque illustret. Nos in Serie Regum Daniæ lib: II. Cap. III. per Dellinum Solem, vel qui omnium primus in Asia sub Odini nomine cultum ejus ibidem fundavit, intelligendum statimus. Non tamen dissimulabo, valde dubium videri, an hæc fabula aliud intendat, quam ut demonstraret, ex diversis principiis, calido & frigido, exque materia prima indigestoque chao lucis beneficio omnia provenisse; quod si veram historiam sub his involucris contexi largiamur, nullum tamen inde certum tempus elicitur, sive de accessu Norvii, sive Dellingi in septentrionem, sed hi tanquam antiquissimi introducuntur, & proinde iis, quæ in rerum natura antiquissima, poetico more tribuuntur, quæ tamen Odino posteriori Norique cum illis communicantur, id quod ex genealogia a Nore descendente apparet, ubi Finnalfus Noris ex Raumo nepos è Svanhilde Auripenna, Dellingi ex Dago nepte, filium genuisse, nomine Svanum Ratum, traditur, quorum tamen tempora supra Odinum Upsalensem elevari non possunt; operam igitur lufuros credo eos, qui ex Eddicis fabulis historiam sibi contexendam proponunt. Sed nec idem Rudbeckius, antiquitatem gentis suæ omnibus nervis adstruatur, majori successu Atlanticæ Cap: XXXVI. ex Herodoti cum Edda Islandorum consensu persuadendam suscepit, Trojanos à Gothis Scanzianis ortos esse; id vero adstruit primò auctoritate Mathie Monasteriensis, cujus verba ex Chronicis pag: 113. adducit, quod nempe Gothi jactentur Trojanos ex suâ stirpe processisse, utet Claudiani versu ex lib: 2. in Entropium:

— — *Ostrogothis colitur, mistisqve Gothunis
Phryx ager.* — — — —

Verum inde male concluditur, siquidem de Gothis septentrionalibus magis quam Mæoticis hæc intelligantur; nec si plures gentes unam regionem aut urbem incolunt, statim earum unam aut alteram reliquas progenerâsse statuendum. His præmissis, fundamenti loco arripit seriem generis, quæ *Langfedgatal* inscribitur, quamcum *Diodoro Siculo*, Apollodoro & Homero confert, nihil tamen minus hæc collatio evincit, quam ut Trojanorum originem à Gothis repetat, sed ordine potius inverso, horum ab illis. Hæc confirmaturus Thorigautum quendam, nobis incognitum, excogitat, quem pro Thorgitao Jovis filio, Herodoto Lib. IV. celebrato, nobis obtrudit, qui Thraciam ad Borysthenem antea desertam occupavit; mox ex eodem Thorem exstruit, cui illa applicat, quæ prologus Eddæ de eo prædicat. Nos utriusque testimonia adducemus primum, deinde excutiemus. *Scythæ*, inquit, *gentem suam omnium novissimam esse ajunt, idque hoc modo extitisse. Virum quendam in hac terra, quum deserta esset, primum fuisse, nomine Targitauum, & ejus parentes* (quod tamen mihi non probatur) *forem Borysthenisque fluvii filiam. Tali genere ortum ajunt Targitauum, ejusque tres liberos fuisse, Lepoxain, Arpoxain, novissimum Coalxain. Et pluribus interjectis: Hunc in modum se extitisse Scythæ memorant, & ex quo extiterunt a primo Rege Targitao, usque ad Darii adversus ipsos transitum annos omnino mille non amplius fuisse.* Darii autem expeditionem in Scythas ad annum MMCDXXXIX. refert *Calvisius*, Targitauum itaque anno mundi MMCDXXXIX Thraciam occupasse necesse est. Locus autem prologi Eddæ, quem huc refert *Rudbeckius*, ita translatus est a *Stephano*. Rex quidam Trojanus, nomine Memnon, Archiregis Priami filiam Troan uxorem habuit, cumqva filium Tror dictum (nostra lingua Thor) suscepit. Hic in Thracia apud Ducem quendam, nomine Loricum, educatus, decimo ætatis anno armis paternis donabatur. Ita cæteros anteibat pulchritudine, ut ebur fagum splendore, cum eidem insculpitur; siquidem capillus supra aurum nitebat. Annum habens duodecimum in tam perfectum viri robur adoleverat, ut decem pelles urfinas uno impetu à terra faciliè allevaret. Ducem præterea Loricum, proprium nutritium, una cum uxore Lora (vel Glora) interemit, sibiqve regnum Thraciæ (nobis Trudheim) subjecit, multas denique regiones peragrans, mundiqve plagas perlustrans, centauros omnes & gigantes solus prostravit; adhæc draconem immanem, multasqve feras trucidavit. In Septentrionali mundi plagâ fatidicam mulierem investigavit, nomine Sif, eandemqve in uxorem accepit. Nemo est, qui hujus Sif, sive Sibyllæ generationem noverit. Capillo erat auro simili, superavitqve formâ omnes, quæ tunc erant, mulieres, cum hac filium habuit Loricum, patri similem, cujus filius erat Henredo, pater Vingethori, patris Vingineri, patris Møddæ, patris Magonis, patris Cefpheti, patris Liedingi, patris Athræ (nos vocamus Annareim) patris Urmanni, patris Hermodi, patris Schioldunni (nobis Schioldur) patris Biaferi (nobis Biar) patris Jatonis, patris Gudolphi, patris Finni, patris Trialafi (nos Fridleif dicimus) qui filium suscepit, nomine Voden, quem nos Odinum vocamus. Is erat vir ob sapienti-

am

am & multa alia dona celeberrimus, uxorem habens Frigidam, nobis Frigidam. Hæc quanto intervallo inter se distent, cuius obvium est, nam Thor (de quo hic agitur) post excidium Trojanum tribus ante captam incensamque Trojam seculis vixit. Consensus igitur Eddæ & Herodoti hac in parte merus videtur dissensus. Monstratô itaque Thorem hunc à Targitao tantò annorum intervallo diversum esse, tollitur omne fundamentum de Trojanorum origine à Gothis Scanzianis repetenda; neque enim in ejus genealogia Dardanus & Erichthonius Thore seu Troè Memnonis filio, quem ille Minnur appellat, adque annum mundi MMDC. collocat, prognati conspiciuntur, sed inter parentes ejus Dardanus semper octavos in tribus istis genealogiis apparet, quas historia Regis Sverreris, Langsedgatal & Origines Norvegiæ exhibent. Quod si Eiricus ejus nominis primus, qui primam navalem expeditionem è Scandia in Gothlandiam suscepit, Erichthonius erit, idemque Jornandi Berig seu Bericon, certe intra hunc Thorem Memnonis filium collocandus erit, & per consequens etiam Trojæ excidium, eoque multo inferior Filimer, qui Gothos è Germaniâ ad Maoticas terras deduxit, quorum pars dimidia, quæ con fracto ponte a reliquis separata, ulterius pervenire nequibat, tandem principatum omnium earum terrarum, quæ post terga usque ad sinum Veneticum, seu Sarmaticum vel Esthonicum, longo & lato tractu porriguntur, affecuta est: an vero inde processu temporis magnus ille Forniotus ortus fuerit, qui Gothiæ, Finningiæ, & Qvæniæ Rex fuisse perhibetur, de quo postea nobis agendum, tutius dubitabimus quam adstruemus. Et hæc de secundo Septentrionis & partis ejus Norvegiæ, quæ una cum Svecia, Gothoscandia dicta perhibetur, genere suffecerint; ad tertium transeamus.

SECTIO III.

DE SCYTHIS SEU ASIS.

CAP. XII.

DE TERTIO HOMINUM GENERE,
 QVOD SEPTENTRIONEM ET PARTEM EJUS
 NORVEGIAM INCOLUIT, SCYTHIS SIVE
 ASIS DICTO, UTET DESCRIP-
 TIONE SCYTHIÆ.



Lariss. Sberinghamus *Tractatu de Origine gentis Anglicanæ*, Scythiam a filio Semi Aramo Arameam denominatam tradit, incolasque ejus primos Scythas Arameos dictos, deinde Massagetas. Hos ad flumen Armeniæ Araxim habitantes, Scythas Magogo fatos, atque exinde Magogæos appellatos, è Cælo Syria progressos trans Araxim pepulisse ad vastas illas solitudines, quæ à Græcis Scythia & Cimmeria dicta est. Massagetas exinde relictis ad Araxim primis sedibus (Nomades enim fuisse, nec diu in uno loco constitisse) Scandiam per varia itinera, donec ab iis redeuntibus, sub Filimero iterum cæsi, ultra Caucasios montes (ubi nunc ex parte habitent) & in alias Asiæ regiones fugere coacti fuerint, inde totius Scythiæ dominationem & imperium penes Getas permanisse, unde ipsos postea, quòd Scythiam & Cimmeriam inhabitarent, a Romanis Græcisque Scriptori-

ptoribus Scythas & Cimmericos ab iis, in quorum sedes successerant, appellatos, alteram Scytharum nationem constituisse. Ab utrâ vero harum gentē genus hoc hominum descenderit, definire ego nescio.

Scythiam Snorrius Sturlæus his verbis describit:

Orbis, inquit, terrarum; quem homines incolunt, aqvis passim interfectus, profluentes a vasto illo Oceano, qui terras omnes ambitu suo complectitur, ingentes sinus, freta internaque maria gremio suo recipit. Constat enim quod a freto Gaditano (Normannis Norvafund) usque ad Palæstinam, mare Mediterraneum diffusum, in longum, boream versus, sinum se extendat, qui Mare Nigrum appellatur: ibi trientum orbis limes. Ad Orientem qui jacet Asia, ad Occidentem Europa, (aliis Enea) appellatur; ad Aquilonem autem Scythia Magna vel Frigida, multorum iudicio Persia & Assyria (Normannis Magna Serklandia) haut minor; alii eam Æthiopiam (Normannis Magnam Blandiam) esse statuunt. Ejus pars septentrionalis continuo frigore adusta, sicut Æthiopia australior nimmio Solis ardore inculta jacet. Scythia multas magnasque continet provincias, multas item diversasque gentes, variis lingvis distinctas, al'tigantes puta & nanos, hominesque Æthiopes colore referentes, pluresque alias gentes miri habitûs, animalia præterea & dracones molis ingentis. Ab Aquilone è montibus, qui extra omnia, quæ ab hominibus culta sunt, jacent, per universam Scythiam funditur amnis, qui vero nomine Tanais appellatur, antiquis Tanaquis seu Banaquis dictus, influitque Mare Nigrum: tractus intra eum, Banaheim: Vanorum terra, vel Vanorum domicilium, illo tempore nuncupabatur. Quæ iste fluvius orbis trientes dividit ad Orientem est, Asia, ad Occidentem Europa, appellatur. Tractus Tanai flumini ab ortu in Asia adjacens, Asaland seu Asahimur: Asorum terra, nuncupatus, metropolim habuit Asgardum, quam Princeps, nomine Odinus, regebat. Hæc verbis Snorrii ideo præmittere libuit, ut nemini dubium esset, unde ille Odinus, qui in septentrione celeberrimus habitus est, huc profectus fuerit, cujus patria hic utcunque describitur: nam licet de motibus Scythiæ & Tanais fontibus haut ritè scripserit, communem eorum temporum errorem secutus, veram tamen nobis Odini accolarumque Vanorum patriam monstravit, inter enim Volgam & Tanaim, pars ditionis ejus sita, in austrum, deinde ad Bosphorum usque Cimmericum extensa videtur, ubi Strabo Aspurgum, Stephanus Byzantinus gentem Aspurgianam, hic circa Mæotida paludem, ille verò Geograph: Lib: XII. circa Syndicam collocat, Asiamque ad mare Bosphoranum Lib: II. appellat, non Asiam Majorem aut Minorem, sed peculiariter ita dictam, docente Sheringhamo, qui præeunte Matthia a Micovio ipsorum Ptolemæum adducit, qui hanc ipsam terram Alcardum, eodem nomine quo Snorrius Sturlæus, appellat, adducitque locum ex Mela, qui Gothos, in Aspurgianis trans Tanaim prope Mæotim confidentes, Turcas vocatos testatur, Lib: I. Cap: XXI. quos contracto vocabulo a monte Taurô, quasi Tauricos Turcos dictos existimat, & hæc de Origine gentis Anglica Cap: XIII. & XVII. habet: Vani Forte Tartariam Crimeam vel partem ejus ad Occidentalem Tanais ripam insederunt. Confirmantur hæc quoque autoritate Procopii, qui Historia Goth: Lib: IV. hæc nobis reliquit: Tanaim accolæ vocant os ipsum fluminis, quâ Mæotidi illabitur, & continentes aqvas ad ipsum usque pontum, quod intervallum iter dierum viginti efficere ajunt.

CAP. XIII.

DE GENEALOGIA ET POSTERIS ODINI.



Amplissimum illud territorium princeps Odinus, non titulo, sed potestate Regia tenuit, a Trojanis longâ patrum serie genus ducens, quod hoc Ordine antiquitas recenset: Odinus satus Frialaf (nobis Bore,) Bor Burrio (nobis Finno) Finnus Gudolfo, Gudolfus Bear, (nobis Biar,) Biar Skiallden (nobis Skiold) Skiold Heremoth (nobis Hermod) Hermodus Trinan, Trinan Atra, Atra Bedvig, Bedvig Seseeph, Seseeph Mage (nobis Magne) Magne Mode, Mode Vingener, Vingener Vingethor, Vingethor Eredei, (nobis Endride,) Endride Lorich (nobis Hloride,) Hloride Tros, qvi & Thor, Thor Trojana, Trojana Priamo. Priamietiam genus ad Noam usque pertexitur. Fuit itaque Pater Priami Laomedon, Laomedontis Ilus, Ili Tros, Trois Erichthonius, Erichthonii Dardanus, Dardani Jupiter, Jovis Saturnus Cretensis, Saturni Cretus, Creti Celius, Celii Cyprus, Cypri Zechem, Zechem Javan, Javan Japhet, Japhet Noa. Est igitur Odinus trigessimus secundus a Noa. Verum ex serie posteritatis ab Odino ad nostra usque tempora, planum est, plures generationes inter Odinum & Noam, imo inter Odinum & Priamum, intercessisse, cum novemdecim generationum interstitium, annis plus centum supra mille, conspiciatur. Apparet etiam ingens lacuna inter Noam & Priamum, annorum MCIX. spatio, nam in linea descendente decimus tertius conspicitur. Hic quoque Odinorum confusio conspicua est, nam Odinus hic Frialaf filius cum altero illo antiquissimo Boris filio, pro universi opifice, *Edda mythol.* VI. celebrato, confunditur, ut et utriusque gesta; hujus quoque avus Finnus cum antiquissimi illius patre Bure, non alia ratione, quam quod hic posterior in Majestatem superioris cultumque successit. Nos reliquarum genealogiarum contextum ex aliis autoribus his subnectimus; & primo eum, quem Edda nobis suppeditat, qui hoc ordine ab Odino ad Priamum contextitur. Odinus patrem habuit Frialaf (nobis Fridleifum,) Fridlifus Finnum, Finnus Godalfum, Godalfus Jat, Jat Biaf (nobis Biar) Biar Skiallden (nobis Skioldum,) Skioldus Modarem, Modar Urmannum, Urmannus Atram (nobis Annarem,) Atra Lieding, Lieding Celsphet, Celsphet Mage, Mage Mode, Mode Vingener, Vingener Vingithor, Vingethor Henedi, Henede Loridem, Loride Troem (quem nos vocamus Thorrem) hic Troana matre natus Priami nepos fuit. Sequuntur Jam ex Anglicis Scriptoribus depromptæ genealogiæ, quarum hanc *Simon Dunelmensis in historia de gestis Regum Anglorum*, majores Regis Anglo-Saxonum Elfredi enumerans, recenset. Elfredus, inquit, Rex erat, Regis occidentalis Saxonum, filius Athelwulfi, qui fuit Ecgberti, qui fuit Eathmundi, qui fuit Eaphæ, qui fuit Eoppa, qui fuit Ingles, qui fuit Coenred, qui fuit Ceolvald, qui fuit Cutha, qui fuit Cuthvine, qui fuit Ceaulin, qui fuit Cinrich, qui fuit Creoda, qui fuit Cerdic, qui fuit Elefa, qui fuit Esia, qui fuit Gewis, qui fuit Wig, qui fuit Freavine, qui fuit Freothegar, qui fuit Brand, qui fuit Beal-deag, qui fuit Voden (sive Oden) qui fuit Frithevald, qui fuit Frealaf, qui fuit Fridleulf, qui fuit Fingoldvulf, qui fuit Geta, qui fuit Ceatuna, qui

„ fuit Beau, qvi fuit Sceldva, qvi fuit Heremod, qvi fuit Itermod, qvi fuit Hatra,
 „ qvi fuit Vala, qvi fuit Beadving, qvi fuit Sem, qvi fuit Noe. Ailredus Abbas
 Rievallenſis de genealogia Regum Anglorum, Davidis Scotorum Regis ge-
 „ nus his verbis enumerat. Tu igitur, Vir optime, (Davidem Regem intelligit)
 „ filius es glorioliſſimæ Imperatricis Matildis, cujus fuit mater Regina Anglorū
 „ Mathildis, filia Reginæ Scotorū Margaretæ. Hujus pater Edvard⁹, qvi fuit filius
 „ Edmundi, Regis invictiſſimi, cujus Pater Edelred, cujus Pater Aedgarus Pacifi-
 „ cus, cujus Pater Eadmundus, cujus Pater Edvardus Senior, cujus Pater Alfre-
 „ dus, qvi fuit filius Adelwlf Regis, qvi fuit Regis Egbrichti, cujus Pater Aleh-
 „ mundus, cujus Pater Eſſa, cujus Eppa, cujus Pater Ingles, cujus Pater Ceon-
 „ red, qvi fuit filius Ceolvald, qvi fuit Cutha, qvi fuit Cuthvine, qvi fuit
 „ Cheulni, qvi Cheuric, qvi fuit Creoda, qvi fuit Ceordic, qvi fuit Eleſa,
 „ qvi fuit Eda, qvi fuit Gewis, hujus Pater fuit Vig, cujus Pater fuit Frevi-
 „ ne, cujus Pater Freodgar, cujus Pater Brand, cujus Pater Bealdag, cujus
 „ Pater Woden, qvi fuit filius Fredevald, qvi fuit Freoſof, qvi fuit Frede-
 „ reulf, qvi fuit Fingendulf, qvi fuit Geta, qvi fuit Gearva, qvi fuit Beu,
 „ qvi fuit Celdva, qvi fuit Heremod, qvi fuit Itermod, qvi fuit Hathra,
 „ qvi fuit Vala, qvi fuit Beadvig, qvi fuit Sem, cujus Pater Noe. Radul-
 „ fus de Diceto de majoribus Offæ, Regis Merciar, qvi vixit circa annum Ch.
 „ DCCXCIII. hæc habet. Offa juvenis nobiliſſimus fuit filius qvidam Ving-
 „ ſerd, filii Canulf, filii Osmod, filii Epa. filii Wibba, filii Creada, filii
 „ Cynevald, filii Cnibba, filii Ycil, filii Cam, filii Angelreu, filii Offa,
 „ filii Vermund, filii Vitlat, filii Voden.

CAP. XIV.

DE HARUM GENERATIONUM EX-
PLICATIONE ET DE RUDBECKII CALCULO.

IUce meridiana clarius eſt, unum eundemq;
 Odinum tot diverſis gradibus à Noa removeri non
 poſſe, nec tamen ideo tot exſtruendos exiſtimandum,
 quot genealogiarum varietas perſuadet. Hiatus & la-
 cunas immenſas agnoſcimus. Auctor prologi Eddæ,
 a Thore, Priami Regis nepote, ſeptemdecim genera-
 tiones numerat ad Odinum, Upſalenſem vulgò appel-
 latum, multò laxiore annorum ſpatio. qvàm hac generationum ſerie exple-
 ri poſſit. Inquirendum igitur, an ullius Odini ſynchroniſmus in finem il-
 larum incidat. Biorni de Skardza teſtimonium in *Serie Regum Dania*
Lib: II. Cap: III. adduxi, qvi in Annalibus Oddenſibus, qvos Sæmundus
 conſcripſit, legiſſe ſe profiteatur, Odinum anno DCLXVII. poſt excidium
 Trojanum, alibi anno mundi MMMCDXLIX. (qvod idem eſt) regnaſſe
 in Dania. Qvod ſi ſingulis generationibus quadraginta demus annos, in
 hos certè deſinent. Verùm nulla hujus Odini circa hæc tempora in noſtris
 Annalibus memoria uſqvam occurrit. Si conjecturis locus eſſet, ſuſpicari
 liceret, cum Thraces Dario Hyſtaſpi circa hæc tempora ſe dederunt,
 Regem eorum aliquem ab hoc Thore Memnonis filio Oriundum (ibi enim
 filiorum aliquem reliquiſſe videtur, cum in ſeptentrionem migravit) metu
 ſervitutis in Scandinaviam conceſſiſſe, Daniamqve, vel armis vel indige-
 natarum ſuffragiò, obtinuiſſe, Odiniqve nomen uſurpaſſe; qvod ſi ita eſſet,
 nulla

nulla tamen generis series ab illo descendens ullibi invenitur. Nec scio unde Samundo quicquam de eò constiterit, cum supra Odinum Upsalensem nullæ fide dignæ memoriæ, literis consignatæ, ascendant, vel illius tempore existerint. Rüdbeckius ex Godolfo, qui quinque generationibus Odinum præcesserit, primò Gothilam exstruit, Dario Hytaspis synchronum, moxque (pag: nimirum 826.) ex eo Odinum; hoc fundamentò nixus, quòd Odinus ille celebratissimus Philippo Macedoni, Alexandri Magni patri, æqualis vixerit, Atheæ nomine scriptoribus insignitus, cujus filiam Medopam Philippus duxerit (cum tamen Jornandes eam Gothilæ filiam fuisse tradat) illum itaque, post infelicem cum Philippo pugnam, Scandiam ingressum existimat, exque illo metu tractum, quòd Odinus, successum Romanorum adversus Mithridatem expavescens, huc migraverit, quòd hic uberior excutiemus. Certe nec Godolfus ille, qui in Rüdbeckii tabulâ in Majorum Odini numero quintus est, nec ille Odinus, qui hujus Godolfi atnepos ei est, habeturque pro illo, quem Strabo, Justinus & Plutarchus Atheam appellant, in tempora Philippi aut Alexandri incidit, quorum ætas Odino Upsalensi applicari nequit, sive per majorum ejus, sive posterorum seriem ducatur. Et de majoribus quidem monstratum est, cum in Darii Hytaspis ætate desinant, Nepotum numerum interdum Rüdbeckius, unò aut altero, qui in antiquissimis libris non habetur, insertò, auget, idque vel turbatò ordine, vel locò vice nominis vacuò relictò, utin Eigile Aunii filio conspium fecimus: sub Getæ nomine Odinum etiam ad annum mundi MMMDCC. collocat. Marmor autem Arundelianum in annum mundi MMMDCVII. ipso teste, retulit Philippum Macedonem, cum quo ipsi res erat. Inter Ottarem & Adilsem Hunmundum collocat, ad annum Christi CDLXX. nostris Annalibus ignotum. Olafum præterea Geirftada-Alfum ad annum Christi DCCC. inter parentes Haraldi Pulchricomi numerat, cum patruus fuerit; his tribuuntur anni CXX, quibus si addas XCIII. annos, quibus juxta marmor Arundelianum Philippi ætatem Odinus, secundum Rüdbeckii Chronologiam, in annum mundi MMMDCC. relatus excedit, annis CCXIII. infra Philippum deprimitur. Verum res facilis est. A Niordo Sveciæ Dynasta ad Haraldum Pulchricomum viginti octo generationes numerantur; ejus annus natalis incidit in annum Christi DCCCLIII. singulis generationibus ex Rüdbeckii methodo XXX. anni si dentur, universæ DCCCXL. requirunt; addamus his annos CXX. quos vixisse supponimus Aunium, antequam successorem procreavit, sunt CMLX. nam reliquos triginta annos, qui ei præter hos ascribuntur, in reliquis gradibus computavi, ita ut CL. annorum fuerit, cum illum filium generaret. Ab his CMLX. annis si annos a navitate Christi ad DCCCLIV. Pulchricomi natalem auferamus, in annum ante Christum decimum supra centesimum incidet Niordus, quò tamen ipse Odinus, generationibus XXVI. ab Haraldo remotus, non assurgit, nisi in singulos gradus XXXVII. anni fere distribuatur, vel uni alicui Danorum Regum tanta ætas assignetur, quantum Aunio, vel etiam genealogiarum à Saxone petitarum adjectione defectus suppleatur. Verum cum Alexander Magnus secundum Calvinium mortuus sit anno ante Christum CCCXXI. mundi MMMDCXXVII. qui Phrygioni & Samundo est MMMDCXXXIX. annis plus CCXI. Odini hujus ætam, quantumvis exaltatam, antecedit; nullum ergo Synchronismum inter nostrum Odinum & Alexandrum Magnum, aut Philippum ejus patrem, agnosco, nec ullum alium Odinum, à quo linea ad Sveciæ, Norvegiæ, aut Daniæ Reges per ordinem successionis ducatur, quam illum, qui posterius

in Svecia sedem fixerat, Sigtunasque condidit. Unde autem Gudmundus Andree habuerit, quod tradit, notis in Voluspa, titulo *de genere E^o Ortu Vola*, nimirum, Asas ante centesimum post Alexandri tempora annum huc venisse, mihi planè non constat; parum tamen inde discedit Langhornius Antiqq: Albionensium indicis pag: 19. qui adventum Odini in Scipionum & Antiochi Magni tempora, circiter annum ante Christum natum centesimum nonagesimum, refert. Eò enim tempore Romanos per Asiam victicia arma circumtulisse nemini ignotum. Sed cum idem Ariovistum, qui cum Julio Cæsare bellavit, Odini quoque filium agnoscat, suam ipsè sententiam evertit; nec mihi, ut illi, mirum videtur, si Odinus, Julio Cæsari & Pompeio Magno coævus, Saxonibus, Polonis, Russis, pluribusque aliis imperasset, eaque facinora perpetrasset, quorum magnitudine tot populi in admirationem rapti, ipsi Divinos honores exhibuerunt, id universos Scriptores Latinos latere potuisse. Nam scriptores Cis-Rhenanas regiones maximè cognitatas habuisse, de septentrionè autem nostro nihil fere scivisse, monumenta eorum docent. L. enim Domitius, Tiberio imperante, flumen Albim exercitu transcendisse Tacito memoratur, longius penetratà Germanià quàm quisquam priorum, easque ob res insignia triumpho adeptus. Certe ab Antiochi temporibus nullus generis ordo textitur, sed Pompeji Magni expeditio, Christi que nativitas, quæ in pronepotem ejus, Daniæ Principem Frodium, Sveciaque Freyrem, incidit, termini sunt intra quos famosa illa Asiaticorum migratio, horumque Principum periodus vertitur.

CAP. XV.

DE STATU REIPUBLICÆ ASGARDI-
NÆ ET GESTIS ODINI IN SCYTHIA, EJUSQUE
MIGRATIONE IN SEPTENTRIONEM, SNORRI
STURLÆI DESCRIPTIO.



Eleberrima illa totius imperii metropolis Asgardus duodecim proceres habuit, qui inter omnes eminebant, quorum officia circa sacrificia ritè & ordine admistranda, litesque judiciis dirimendas, versabantur, Diar/ (Dii) sive Drottnar/ (Domini) dicti. His universus populus inservire, obedientiam & honorem exhibere tenebatur. Fuit Odinus Princeps rei militaris peritissimus, longoque usu exercitatissimus, quippe qui latè diversos terrarum tractus cum exercitu pervagatus, multa regna in suam ditionem redegit, ad admirationem usque felix, adeo ut cum Victoria commercium illi intercessisse videretur, bellis quippe omnibus & ubique superior, religionem injecit, victoriam se in potestate habere; quam is opinionem animis suorum ingeneratam fovere peritus, quoties eos ad bella gerenda, sive alia negotia expediunda, aliquò ablegasset, manibus capitibus eorum impositis, fausta cum appreciatione eos negotiis suis feliciter expediundis consecrassè credebatur. Crevit inde fiducia rerum benè gerendarum, eoque processit, ut quoties pericula imminerent, nuncupato nomine ejus liberari viderentur. Spes igitur omnis in ejus Majestate sita putabatur. Sapius peregrè profectus, in multis annos reditum distulit, Odino duo erant fratres, quorum alter Ve, alter Vilius nuntupatus est, qui vicem ejus absentis in regni administratione sustinuerunt. Contigit forte,

cum

cum longo, præter omnem spem, tempore abfuiſſet, nec ulla de ejus conditione notiſia conſtaret, jamqve de reditu ejus omnes deſperarent, ut fratres bona ejus, velut hæreditate relicta, inter ſe dividerent, uxorem autem ejus Fryggam communem uterqve conjugem duceret. Verum poſt exiguum tempus redux Odinus eam recepit. Exinde expeditionem in Vanos ſuſcepit, qvi fortiter illum exceperunt, patriamq, reſpreſſo illius impetu, acerrime defendentes, dubiam ipſi palmam fecerunt, cum per vices victoriam reportarent, mutuiſqve cladibus ſe invicem attererent, donec pertæſi utriqve ad pacis conſilia inclinarent. Loco igitur & tempore conventui deſignatis, pace facta obſides invicem dederunt, & Vanis quidem procerum ſuorum præſtantiffimos, nimirum Niordum Divitem cum filio ejus Freyre. Aſiani contra virum, Hænerem nomine, ſtatura corporis formæqve decore valde conſpicuum, qvem Imperatoriis artibus inſtructum, principatu dignum prædicârunt, cui adjunxerunt alium qvendam, Mimerem dictum, prudentia & ſapientia valde inſignem. Vanis tantum officium penſaturi, cæteris adjecerunt virum, nomine Qvaſerem, collegii ſui prudentiffimum ſapientiffimumqve. Hænir, cum ad Vanos perveniſſet, princeps creatur, dignusqve tanta Majeſtate viſus, qvoad Mimeris conſiliis ſuffultus, ad ipſius nutum imperabat. Cum vero lites eſſent dirimendæ, aliæqve magni momenti res decidendæ, nec præſto eſſet Mimer, ſemper ex ore ipſius idem reſponſum exceptum, qvô aliorum arbitrio cauſam omnem committebat, Vanis certò perſaſit, in permutatione obſidum deceptos ſe ab Aſianis eſſe. Ideo Mimeri amputatum caput Aſianis miſerunt; qvoad Odinus ambabus ulnis acceptum, herbis à putredine conſervantibus ſeu baſamo conditum, magicisqve carminibus ſcâtinatum, vocale reddidit, ut articulata voce multa ſcitu neceſſaria, antea quidem ignota, commemoraret. Niordum vero & Freyrem ſtamines ſacrificiis obſeandis conſtituit, qvi titulo Diarum inter Aſianos inſigniebantur, Freyram autem filiam Niordi ſcæmineo ſacerdotio hoſtiis litandis ornavit. Hæc Aſianos, Vanis uſu crebram magiæ ſpeciem, Seid dictam, prima docuit; qvam Gudmundus Andreas ritum Necromanticum interpretatur, qvô cabus veneficiis reſertus foco appendebatur, oſſibus humanis, lignorum, ad focum alendum uſurpari ſolitorum, vicem ſuſtinentibus; hinc talis coſtura Seid/ pro ipſis maleficiis ex hypotheſi poſita & uſurpata reperitur, ipſo teſte. Cum inter Vanos degeret, Niordus propriam ſibi ſororem matrimonio ſociavit, eo qvoad tales nuptiæ legibus ibi receptæ eſſent; nati inde Frevr filius & filia Frena: Aſiani autem tam arctam ſanguinis copulam, ut illicitam neſasqve abhorruerunt. Majorem Scythiam prærupti montes continuam aggeris formam referentes, tanqvam terminus naturalis, ab Aquilone libonotum verſus producti, à vicinis regionibus dirimunt. Non longe ab his montibus meridiem verſus Turcia ſita eſt, ubi Odinus ditiones multas ſuo imperio ſubjectas tenuit. (Caucasum Snorrius hic videtur intelligere; Ubi vero illa Turcia ultra illum auſtrum verſus ſita ſit, deſinitu arduum eſt, Snorrii tamen narrationem perſeqvar.) Eodem tempore Romani orbem terrarum victricibus armis latè pervagati, omnes gentes ſuo imperio parere compulerunt; qvare multi principes, regnis & ditionibus cedere coacti, fugâ ſibi conſuluerunt. Verum Odinus, qvoad magus eſſet inſignis, rerumqve futurarum ordinem calleret, progeniem ſuam Septentrionalem orbis partem inhabitaturam, imperioqve reſturam, præſcivit, ideo fratribus ſuis imperium Aſgardia demandavit. Ipſe cum Diis omnibus ingentiqve hominum multitudine ſeptentrionem petiturus, primo,

mo in Ruffiam pervenit, (ibique filium Svafrilamium principem constituit) inde in Saxoniam, quam passim imperio suo subjugatam filiis regendam commisit. Orientalem Saxoniam Vegdeg, potentissimus postea dynasta, à quo Heingestus Anglo-Saxonum princeps & primus Cantiaë Rex originem trahit, inter quos Vitrgils avus, & Pitta seu Fitta pater, intercedere memorantur. Verum cum ille cum fratre Horfo, accitu Vorfingerii Regis, in Britanniam venerit, anno post Christum natum CDLXIX. planum est, plures generationes requiri, quamvis Petrus Albinus Niveomontanus in Nova Saxoniam progymnasmatibus, metricè conscriptis, cum nostris antiquitatibus maximam partem consentiat. In promptu est ratio, nam & hic, sicuti alibi, idque frequentius, homonymia scriptores decepit. Successores enim de nominibus majorum nuncupati, primi ejusdem nominis fuisse existimati sunt, in quibus negligens in temporum cum personarum serie conferendâ posteritas, cum acqvieverit, avorum inter primum generis auctorem, & hunc idem nomen referentem, intercedentium nomina prætermissa sunt. Alter Vegdegis filius, Vitrgilsis frater, fuit Sigar Svepdegi pater, cujus nomen in Svipdagi usus, qui postea invaluit, trunfultit. Beldegem, aliis Baldum, Saxoni Balderum, Vestphaliaë præposuit; hic filium habuit Brandum, Brando natus Frodigar (aliis Frodius, Saxoni Frotho) Frodio Yvig, Yvig Purg, Purg Gevis, aliis Gave. Tertio filio, nomine Yggio, aliis Siggio, territorium illud assignavit, quod sequioribus seculis Francia usurpatur. Illius filius fuit Rerir, Volsungi pater: Inde præpotens & numerosa familia Volsungorum descendit, quæ summòs totâ Europâ Monarchas, atque in his utrosque totius Septentrionis Reges potentissimos, qui hodie imperant, felicissimè produxit. Pacatâ Saxoniam, rebus ad arbitrium ordinatis, in Cimbriam movit, quæ id temporis pars Reidgothiæ præcipua fuit, & sibi soli nomen illud postea adscripsit; primò namque universâ continens, quam Gothi præci infederunt, Gothia dicta est, quæ in Reidgothiam & Eygothiam distincta, insulas a continente hac notâ secrevit; verum postquam Dania nomen illud sibi reservavit, Cimbria ab insulis tantum Danicis, unico Eygothiæ nomine comprehensis, distinguebatur. Unversum illud territorium Odinus in suam potestatem facile & ad votum redegit, sedemque in Fionia fixit. ubi in hunc usque diem oppidum celebre, Odenfè ab illo dictum, memoriam ejus conservat. Postea totam Daniam potestati filii Skioldi submisit, principis quidem eximii, & tantâ moderatione regnantis, ut ad civium suorum utilitatem omnia converteret, quem ob tanta mèrita in Deorum numerum relatum constat; nam Skioldum in Scania pro Deo cultum invenio; nescio an illum filium Sceaf, qui novem (aliis decem) generationibus hunc præcessit. Ab illo, tanquam radice, Illustrissima Daniaë Regum stemmata in hunc usque diem promanârunt, ut ex contextu historiarum patet. In Norvegiam quando infesta signa protulerit Odinus, proditum non est, subegisse tamen universam constat, & filio suo Semingo jure hæreditario dedisse, à quo tamen nulla progenies præter Haleyensem retexitur, fide dignis monumentis prodita. Quando vero in Angliam concesserit, filiosque suos magnis ibi provinciis præfecerit, explicare nequeo. Vildegium (soli Malmesburiensi memoratum) Regum Cantianorum, Caseram Anglorum Orientalium, Exanietam Saxonum Orientalium, Vilelgetam Merciorum (Malmesburiensi Vittegium, ni forsan ille ejus ex filio nepotem Vittegium intelligat) Vegdegum Deiorum, Beldegum Saxonum occidentalium Regum, & Vintam Regulorum Lincolnienfium progenitores ex Anglicis Scriptoribus colligitur.

CAP. XVI.

FABULA DE GEFIONA, ET NARRATIO
DE PROFECTIONE ODINI IN SVECIAM, IBIQUE
IMPETRATO TERRITORIO, ET INTER PROCE-
RES DIVISO.

X Fionia Odinus virginem raræ prudentiæ & perspicacis ingenii, blandiqve eloqvii, nomine Gefionam, ad inspiciendas circumjacentes regiones, earūque indolem & habitum cognoscendum, ablegavit. Regnabat illo tempore in ea Scandinaviæ parte, quæ postea Svecia dicta est, princeps Regia auctoritate, nomine Gylfius; quem accedens virgo, verborum suavitate, morumque comitate, & facetiarum sale, adeo demulsit, ut petitis Odini annueret. Quam conducibilis fuerit hæc Gefionæ legatio, facile concludi potest ex fabulis, quibus involuta est; nam narrant eam cantando Gylfium exhilarasse, atque mercedis loco impetrasse arvum in regno ejus, quantum viginti quatuor horis quatuor tauri arare possent. Eam vero in Jotunheimos profectam, quatuor filios ex gigante quodam suscepisse, eosque in tauros conversos aratro præfixisse, vomerem autem adeo latum & profundum fecisse sulcum, ut regio haut contemnenda exsolveretur, quam tauri africum versus per æqvorum traxerint, consisterintque in ponto quodam contra Odinsøyam, ubi hanc terram Gefionæ collocaverit, & nomen indiderit Sælund; verum ubi eruta fuerat regio, lacum remansisse: indicio esse lacum Melerum in Svecia, magnitudinis cum Sælandia ejusdem, promontiorum hic & Sinuum ibidem similem situm, quæ relationi fidem faciant. Quæ mythologiâ nihil aliud adumbratur, quam solertia ejus in Dania adaugenda & ornanda, cum Sveciæ detrimento. Syada autem verborum, cantu exprimitur, ob quod meritum Odinus eum filio suo Skioldo matrimonio junxit, constituitque Reginam vel Dominam Daniæ, qui communi consilio arcem Leidranam, Regiam totius regni metropolim, multis seculis celeberrimam, exstrui curarunt. Hac industria in Dearum collegium ascita, Divinosque honores assecuta, immortalis memoriæ à gratâ posteritate consecrari meruit. Ut verò Odinus deprehendit, pluribus naturæ dotibus Sveciam exornatam, eò profectus fædus cum Gylfio inivit, neque enim Gylfius virum sibi satis adversus eum animadvertit, licet artibus & præstigiis sæpe cum eo certare non dubitaret, eo tamen eventu, ut semper inferior recederet. Odinus juxta lacum Laugum sedem fixit, quæ postea vetus Sigtuna dicta est. Ibi magnificam basilicam exstruxit, sacrificiaque ad Asianorum consuetudinem instituit, territoriumque in circuitu adeptus est, omne id quod Sigtunarum nomine comprehendi voluit, interque flamines partitus, singulis suas sedes assignavit, Niordo Noatunas, Freyri Upålos, Heimdallo Himinbiorgas, Thorî Thrudvangas, Baldo Breidablik, omnibusque comòdas habitationes providit.

CAP. XVII.

DE INDOLE, HABITU, ARTIBUSQUE
ODINI.

Cum



Um Odinus in Septentrionalem partem orbis, Diis comitantibus, pervenisset, pro certo referatur, eos primò calluisse, deinde alios docuisse, eas artes, quæ exinde longo tempore in usu fuerunt; namque Odinus omnium spectatissimus eminentissimisque fuisse perhibetur, quòd omnium magicarum artium notitiam professus, reliquis aperiret, quarum omnium peritiam ipse calluit, quædam tamen sibi reservavit, quæ cum aliis non communicavit; plura etiam ipsum mortalibus commendabant; primò formæ venustas, cum inter amicos assideret, prorsus augusta, ut omnium amorem ad se alliceret, inter hostes verò truculentus & terribilis conspiciebatur, novit enim varias formas & colores assumere, nedum vultum ad temporum locorumque opportunitatem componere: Secundo, eloquentiæ Svada admirabilis, quæ omnes, qui audirent, adeo demulset, ut statim in suam sententiam traheret, dictorumque fidem, iam verà esse pervasis, exprimeret, ornavitque præterea sermonem intermixtis crebrò rhythmis, interdum singulis vocalis & tota oratione in illam formam redactis, id quod summam venustatem & ornamentum conciliavit. Hinc tam is, quam socii ejus, Skaldorum seu poetarum titulo insigniti sunt, quòd hanc artem primi in Septentrione prodiderint. Tertio, terror, quæ hostibus prælio decertantibus injicere consuevit, quos etiam occæcatos aut surdos reddidit, gladiisque & telis eorum hebetatis, ne magis quam virgæ feriendo hosti, utiles esse possent, in quos milites ipsius, more raborum canum aut luporum, admorsis clypeis, furore perciti, loriceis haudquæquam testis, robore adeo monstruoso, ut urfos aut tauros æmulari viderentur, irruerunt, dilaniaruntque obvios, cædibus omnia complentes, nudi ipsi, tam ab ignis quam ferri vi liberi atque immunes. Illud ferociæ genus postea Berserkeragard / seu *Berserkorum incessus* dictum est. Præterea se in diversas species transformare ab hominibus, quorum oculos præstigiis illuserat, credebatur, nam corpus quasi exanime solum jacuisse visum est, dum spiritum, formam avis, vel quadrupedis, serpentis vel piscis indutum, remotissima loca exiguu temporis momento peragrâsse, propriis vel alienis negotiis expediundis, pervaderet. Incendia denique nudis verbis restinguere, maris æstum sistere, ventos ad voluntatem vertere, callebat. Vastissima maria nave sua Skidbladnere transfretare consuevit, quam lini aut panni instar complicare poterat, quotiescunque libuit. Mimeris caput tantæ apud illum existimationis fuit, ut quocunque iter susciperet, secum deportandum curaret, quod tanquam oraculum de futuris rebus, aliisque incognitis, consultebat. Interdum manes incantamentis sepulchris exciebat, aut sub iis, qui in crucibus pendebant, confidebat, unde *superscrum* seu *lemurum dominus* audivit. Et ne quid ad rerum cognitionem comparandam desideraretur, corvos duos, humani eloqvii usum ab ipso edoctos, possidebat, qui multas regiones pervolantes, rumores, quos perceperunt, ad ipsum detulerunt. His artibus incomparabilem scientiam consecuto, ut nihil improvisum obveniret, effectum est. Omnes has artes per runicas literas & metra, quibus Galdrar nomen, tanquam istius scientiæ prima & propria elementa, docuit. Inde magicarum artium inventores Asæ vulgo perhibentur. His accessit artium omnium efficacissima, quam etiam exercuit, Seidr appellata, fatis hominum & futuris eventibus cognoscendis, mortalibus evincendis, morbis aut infortuniis inferendis, rationis usu vel corporis robo-

re aliis privandis, aliis eadem, quæ his erant ablata, augendo inventa & apta; cui tanta spurcicies (ergo habetur) conjuncta erat cum exerceretur, ut viri eam abominarentur, ne tamen illius tam præclaræ scientiæ notitia & usus interiret, Deabus eam edoctis demandata fuit. Thesauros terra absconditos eorumque loca probè cognovit, quos ablaturus, carmina magica adhibuit, quorum tanta erat vis, ut terra, rupes, montes & colles sponte aperirentur, nudis tantum verbis infessoribus eorum constrictis, denique ad arbitrium suum quantum libuit abstulit. His mirabilibus artibus fama ejus latè per septentrionem sparsa, omnibus eum celebrem mirabilemque reddidit, hostibus quidem adeo formidolosum, ut tantis veneficiis territi, vim ei nullam opponere auderent, amicis verò & sociis tantam sui fiduciam instillavit, ut ipsius artibus tutos se ubique degere arbitrarentur, ipsumque Numen esse crederent, & pro Deo venerarentur. Plurimis his artibus Deos sacrificiis præfectos seu Pontifices imbuunt, qui eò profecerunt, ut maximam præ omnibus earum peritiam, si Odinum exceperis, assequerentur; tantarum deinde artium officinam multi frequentârunt, magnosque profectus fecerunt, licet ad consummationem earum cum Diis comparandam non pervenerint; Deinde ex iis dispersæ scientiæ istæ, latè per multarum terrarum spatia gnavitè & longo tempore excultæ, & ad posteritatem propagatæ sunt. Odinus vero, cum collegis duodecim sacrificiis, religiosè, divinisque honoribus coli cæperat, Deusque vocari, diu in hisce oris hoc cultu frequentato. Eorum quoque nomina liberis suis adoptabant, factis ex Odini nomine Audun, ex Thoris Thorer vel Thorarinus, aut aliis appellationibus admixtis, ut Steinthor, Hafthor, & quæ his sunt similia.

CAP. XIIX.

DE LEGIBUS AB ODINO LATIS, EXACTIONE TRIBUTORUM, EJUS EXCESSU, EXEQUIARUM SOLENNIBUS, FILIIS, PONTIFICIBUS, ET SACERDOTIBUS FÆMINIS, SAXONIS TRADITIO COMPENDIO EXPONITUR.



Legibus etiam sancendis curam intendit Odinus, easque introduxit, quæ apud Alos antea in usu fuerant, universæ posteritati sanctè servandas. Primò ne quis mortuus alio sepulturæ genere efferretur, quam ut igne cremaretur, pretiosissimis rebus unà in rogum conjectis; nam quantas quisque opes eò conciceret, aut in terra defoderet, tantas ipsum possessurum, propriisque uibus reservaturum, cum aulam Valicam ingrederetur, perivasis: cineres autem in mare abjici aut in terrâ defodi voluit: memoria Principum procerumque tumulos erigi, lapides autem sepulchrales iis, quorum vita quovis modo commendabilis & honorata fuisse visa esset, decrevit, qui mos longo tempore posteris observatus duravit. Terna quotannis sacrificia solenniter celebranda instituit: exitu autumni pro anni felicitate; media hyeme pro fertilitate terræ & annonæ proventu; circa finem hyemis pro victoria. Per universam Sveciam genus monetæ, quod patria lingua Penning usurpatur, (denarium vertit Stephanus) in singula capita (pro quovis naso) Odino tributi loco solvebatur, qui vicissim obligabatur, terram eorum ab hostium incurfu & irruptionibus defendere, & Deos sacrifici-

sacrificiis pro publico propitiare. Hanc Sveciam seu Scythiam Mannheimum hominum habitaculum) appellarunt, illam vero majorem Asiaticam Godheimum (Deorum habitaculum) unde varios rerum mirabilium rumores referebant. Demum Odinus in Svecia ex morbo decessit, cumque mors immineret, frameæ vel veruti mucrone notas sibi imprimi mandavit, sibi-que hoc facto omnes, qui in bello occumberent, vendicavit, in Deorum orbem Scythiam magnam se migraturum professus, ibique amicos quam laudissimè excepturum. Hac professione & his pollicitis persuasi Sveci, certò credebant, eum Asgardum veterem concessisse, ibi æternâ & beatissimâ vitâ fruiturum. Inde denuo orta est religio, quâ is pro Deo colebatur, vota-que ipsi, tanquam propitio & potentissimo Numini, nuncupabantur, visusque sæpe Svecis, quoties horrenda bella ingruerent, conspectum sui præbere, aliis victoriam pollicendo, alios ad se invitando, quarum utraq; conditio felicissima censebatur. Post mortem Odinus rogo, sicut præceperat, impositus, magna solennitate & pompâ crematur. Creditum est, quo altius fumus in aëra ascenderet, eo nobiliorem qui cremaretur, cæloque acceptiorem esse, & hoc locupletiores, quo plus secum rogo intulisset. Versio Danica, Odinum carni suæ incidi novem vulnera, veluti totidem cuspides in orbem dispositas passum, habet: quemadmodum *Rudbeckius Atlant. cap. VII. §. 5. pag. 205.* id latine reddit, verum interpretis Danici explicatio saltem, parenthesi inclusa, non auctoris verba, hic apparent, cum in neutro exemplari Pergameneo extent. Ritus hinc Hunnis etiam longo tempore postea in usu fuisse ex Jornande observare licet, ubi de funere Attilæ agit. Cæterum de familia & posteritate Odini hæc a scriptoribus memorantur: Niordus uxorem duxerat, cui Skade nomen, quæ illius matrimonij pertæsa Odino nupsit, ex qua multos filios suscepit. Inter illos numeratur Semingus, de quo Eyvindus Skaldaspillir (poëtarum crux vel corruptor) licet in patre dissentiens, ut Partis hujus Lib. IX. fine Cap. II. notavimus, carmen pepigit. Hunc Semingum Odinus Norvegiæ præfecit, ad quem Reges Norvegici, Hacon etiam Comes ille potens Hladensis, genus suum referebant, & hic quidem istâ serie: Semingo natus Godhialtus, Godhialto Sverdhialtus, Sverdhialto Hodbroddus, Hodbroddo Himinleigus, Himinleigo Vedrhallus, Vedrhallo Havar Manufortis, Havare Manuf: Godgestus, Godgesto Heimgestus Huldæ frater, Heimgesto Gylaugus, Gylaugo Gudlaugus, Gudlaugo Mundill Senex, Mundile Herfer, Herfer Brandus Comes, Brando Brynjolfus, Brynjolfo Bardus, Bardo Hergils, Hergilse Havar, Havare Haraldus Trygill, Haraldo Thronodus, Throndo Haraldus, Haraldo Herlaugus, Herlaugo Herlaugus, Herlaugo Griotgardus, Griotgardo Hacon Hladarum Comes, Hacone Sigurdus, qui pater erat Haconis Potentis. Nomina filiorum Odini, præter ea quæ Anglicis scriptoribus memorantur, hæc referuntur: I. Baldus. II. Meilius. III. Vidar. IV. Nefus (Gegarum vocant) V. Valius Rindâ natus. VI. Alius VII. Thor. VIII. Hildulfus. IX. Hermodus. X. Siggus. XI. Skoldus. XII. Asabragus. XIII. Oldner. XIV. Itreksjod. XV. Heimdallus. XVI. Semingus Skade natus, XVII. Haudus. XVIII. Bragius. XIX. Ermilangus. XX. Endridus. XXI. Bior. XXII. Hloridius. XXIII. Hardveor. XXIV. Sonnungus. XXV. Vingethor. XXVI. Rymus. XXVII. Sigrlamius. XXVIII. Vegdeg. Herraudi & Bosii vita his Gautium, Saxo Frøgerum Norvegiæ Regem, & Boum Rindâ natum, Langfedgatal & Verelli notæ in historiam Hervorianam pag. 44. Hrugnerem, Svipdagum, Torvium,

vium, addunt. Filiarum nullam mentionem inuenio; consentaneum tamen est, non solos mares genuisse. Subjungam & nomina Pontificum, & Antistitum foeminarum, Divini collegii membra, quæ singula Edda exhibet hoc ordine. I. Odinus. II. Thor. III. Baldus. IV. Niordus. V. Freyr. VI. Tyr. VII. Bragius. VIII. Heimdallus. IX. Haudus. X. Vidar. XI. Ullius. XII. Forsetius. XIII. Lokius. XIV. Hæmir. Illarum autem ita recenset. I. Frygga. II. Saga. III. Eyr. IV. Gefiona. V. Iduna. VI. Fua. VII. Freya. VIII. Siofn. IX. Lofn. X. Var. XI. Vaur. XII. Syn. XIII. Hlyn. XIV. Snotra. XV. Gna. XVI. Fulla. His adjicit Solem & Bilem. De ministrantibus virginibus in Valhalla, ad Eddam lectorem ablego. Hæc sunt quæ Snorrius de Odino scripta reliquit. Saxo plura Libris I. & III. addit; nimirum, statuam à septentrionis Regibus in ejus honorem Byzantium missam, ab uxore ejus Frigga auro per fabros spoliata, ab ipso deinde, iis sumptibus consumptis, in crepidine collocatam, mira quæ artis industria ad humanos tactus vocalem redditam, iterum à Frigga, operâ famuli, cui se stuprandam subjecerat, auro nudatam, inque privati luxus instrumenta ornatus ejus conversos; quorum singula arguunt, Odinum & Friggam isto tempore Byzantii habitasse, quod alibi nusquam inuenio. Hac gemina uxoris injuriâ affectum, ingenui pudoris exilium carpisse, suffectumque in sui locum alium, Mithothini nomine celebrem, qui redeunte ab exilio post mortem uxoris Odino, in insulam Pheoniam latendi gratia migraverit, ibi tandem concursu incolarum occisus, cujus post mortem immanitas ibidem describitur. Lib. autem III. ingens ejus sollicitudo in progenerando filio, aliquando vindicæ cædis Baldi futuro, varique doli artesque in allicienda Rinda Ruthenorum Regis filia ad concubitum suum, exponit, ex qua tandem filium Boum suscepit (Edda illum Valum appellat, Rinda natum). Hac turpitudine offensos Byzantinos Deos, eum collegio suo summovisse, deinde exilio multasse, substituisse autem in ejus locum Ullerum quendam, Odini quoque nomine cohonestatum, qui decem annos Divini collegii principatum tenuerit, sed Odino tandem in integrum restituto, Byzantio pulsus in Sveciam concefferit, ibique tandem à Danis interfectus sit; singula eò collineant, Byzantii utrumque, tum Odinum tum Ullerum, habitasse. Saxonem hic quoque Johannes Magnus secutus est, Islandorum monumenta ignorans. Hinc manifestum est, Saxoni per Byzantium Asgardum intelligi. Prolixè itaque satis hisce Annalium priscorum narrationibus vel figmentis de Odino immorati subsistimus. Quæ etsi absurdiora videantur, & veteris ævi tenebras, nimio plus quam dignum historiâ est, referre, vix tamen impetrare à nobis potuimus, ut de Originibus gentis nostræ differentes, Odini, qui potiorum earum partem constituit, gesta pleraque & facinora omitteremus. Ideo tamen scriptores nostros tanta onerare calumnia non licet, quod ex scriptis nonnunquam Poëticis, quibus mos semper fuit facta Heroum augustiora reddere, quædam in historias suas transferant; hæc verò si non omnia fidem mereantur, tutari tamen se possunt exemplis omnis, ætatis & gentis historicorum, magis interdum incredibilia referentium. In dicti fidem vel sexcenta adducere loca possemus, nisi & notiora orbi, meliori jam luce collustrato, essent, & à contextu historiæ nimium quantum aliena.

SECTIO IV.

DE GOTHIS POSTERIORIBUS.

CAP. XIX.

DE FORNIOTO EIVSQUE POSTERIS,
AD NOREM USQUE.

Iversum ab his mortalium genus, Norvegiæ in primis incolis augendæ natum, Origines Norvegiæ *Codici Flat. pag: 8. contentæ*, ut & locus alter ejusdem libri pag: 110. cujus quoque partem continent vetusta quædam fragmenta, longe prius scripta, nobis exhibent. Nos Originum descriptionem, verbis nihil immutatis, ita sistimus.

Quomodo Norvegia primitus inhabitari cæperit, familiæque Regum, tum ibi, tum in aliis terris, exortæ sint, & cur sic verba sonant, vult autem dicere, cur familiæ Regiæ) Skioldungi, Budlungi, Bragningi, Audlingi, Volsungi, Nisfingi, appellentur, a quibus Regum familiæ processerint, in præsens exponam. Vir quidam nomine Forniotus, trium filiorum pater memoratur, quorum primus Hler, secundus Logius, tertius Karius; ventorum hic, ignis ille, iste maris imperator fuit. Karius Jokulis pater erat, Jokull Regis Snæris, Rex autem Snær filium habuit Thorrium, filias Faunnam, Drifam & Mjollem, Fuit Thorrius Rex celebris, imperabatq; Gothiæ, Qvenniæ, five Qvenlandiæ, & Finnlandiæ, ei Qveni sacrificabant, pro impetranda nive xylosoleis proficiscentibus vehendis idoneâ. Hæ illorum deliciæ. Media hyeme id sacrificium celebrari debebat, inde mensi nomen Thorrii enatum. Tres erant Thorrio liberi, filii Nor & Gor, filia Goe, quâ furtim surreptâ, Thorrius mense qui sequebatur eum, qui solenibus sacrificiorum ritibus consecratus erat, Diis suis litabat; inditum inde mensi, qui tum caput, Goës nomen. Nor & Gor ad investigandam sororem se contulerunt. Nor ad occidentale montis Kioli latus magna prælia gessit, occisis Regibus, quorum hæc sunt nomina, Vee & Vei, Hundingus & Hemingus, universo tractu mare usque sibi subiecto. Convenierunt deinde fratres (Nor & Gor) in sinu illo, qui nunc *Norafjærd*: Noris sinus, appellatur. Inde Nor ascenso monte ad locum, Ulfamoas dictum, pervenit, transgressusque Eystridalos (*Osterdaten*) orientales valles ad Vermalandiam delatus, ductum lacus, qui Væmir dicitur, secutus, inde ad mare processit. Quicquid terrarum his limitibus distinctum in occidentem patet, id universum Nor sibi subjecit, quod nunc Norvegia appellatur. Media hyeme ad Heidmarchiam pervenerunt, ibi Rex residebat, nomine Hrolfus de Bergis, filius Svadii gigantis de Dofris septentrionem versus, cui mater Ashildis, filia Regis Eylteini, qui longo tempore in Heidmarchia regnavit. Hrolfus de Bergio rapuit Goen, conjugioque sibi sociavit. Hæc de Noris fratris sui adventu certior facta, comitante marito, ad eum profecta est: Hrolfus deditioe factâ Noris imperio se submisit, deinde Nor a sororio convivio exceptus, sororem ejus Höddam, Svadii gigantis filiam, uxorem duxit. Inde occidentem versus ad mare profectus, obvium habuit fratrem Gorem, a septentrionali oceano (Mari Mortuo glaciali) eo delatum, qui in ea expeditione omnes insulas cultas & incultas suæ ditioni subjecerat;

cerat ; divisione deinde factâ , Noris ditioni continens omnis a Jotunheimo versus septentrionem in meridiem usque Alfheimum cecidit , quæ nunc Norvegia appellatur. Gori vero omnes insulæ , sinistrum navis Ellidii a septentrione navigantis latus spectantes. Hæc verbis libri Origium , Codice Flateyensi contenti , a principio exposui : quæ de filiis eorumque posteris habentur , deinceps referam. Hic tamen obiter notanda *Jona Rami* opinio , quæ insulam Raumsdali Gorfœen , hodie vulgò Goffen , multis tumulis gigantumque mole conspicuam , a Gori nomine deducit.

CAP. XX.

CODICIS FLATEYENSIS DE IIIS-
DEM RELATIO.

Index Flat: pag: 110 in historia Regis Olafi Trygvini , hæc paulo aliter , sed distinctius , tradit , his verbis. Fuit Rex quidam , nomine Forniotus , qui Jotlandiam (quæ & Finnlandia & Qvenlandia appellatur) imperio tenuit , spectat illa ab oriente istum sinum , qui Gandvichæ opponitur , nobis Helsingiaborn / seu Helsingorum finis , appellatur. Tres erant Fornioti filii ; primus Hler , nobis Agir , secundus Logius , tertius Karius , is pater fuit Frostii , patris Snæris Antiqui , cujus filius Thorrius. Duo illi filii , Nor alter , alter Gor dictus , filia autem Goë vocabatur. Fuit Thorrius ingens sacrificulus , utpote qui quotannis media hyeme immolaret , id sacrificium Thorrinum appellabant , mensisque inde denominatus est. Quadam hyeme dum Thorrius sacrificaret , Goë rapta est , mox etiam quæsitâ , sed in cassum. Evoluta itaque mense , Thorrius novum sacrificium ad hoc instituit , ut certior fieri possit , ubi esset , id Goes sacrificium appellabant , nec tamen ullam ejus notitiam assequeretur. Exacto trium hyemum spatio , fratres se eam inquisituros voverunt , partitque inter se regiones , singulis lustrandas , Nori continens , Gori insulæ majores ac minores , scopulisque classe petendi , obtigerunt , uterque magnis copiis instructus est. Gor , classe ad ostia sinus directâ , mare Alanum inVectus , scopulosque Sveciæ objacentes percurrit. Omnibus deinde orientalis maris (Enstra solum) insulis , mox Gaurorum scopulis , perlustratis , in Daniam navigavit , ubi singulis insulis pervestigatis , cognatos suos à Hlere Antiquo , qui in Hlesfeya habitavit , ortos , salutavit , nihilo de sorore Goë certior , inceptum iter persequeretur. Nor domi expectabat , donec nix tesquis illapsa , iter xylosoleis aptum redderet. Deinde è Qvenia profectus , supra limitem , quo sinus clauditur , itinere facto , eo pervenit , ubi habitabant vlrri , qui Lappi sine Lappones vocantur , nimirum pone Finnarchiam ; quibus transitum prohibentibus , bellum exortum est. Nor ejusque milites incantationibus adeo pollebant , ut hostes eorum , audito militari clamore , visisque strictis gladiis , in silvas atque solitudines metu percussi properarent , ferinamque ingenium induentes , in illarum habitum processu temporis degenerarent , tandemque omnino obbrutescerent. Lappi itaque in fugam versi sunt. Inde Nor in occidentem converius , in monte Kiolo longo tempore detentus , ne hominis quidem vestigium agnovit , feris tantum & avibus arcutis , ne hominis quidem vestigium agnovit , feris tantum & avibus arcutis confixis vita sustentata est. Itum deinde , quoad aquæ præcipitio montium

„tium in occidentem delapsæ, ad mare decurrunt. Ibi sinus ingens, maris
 „limiti similis, habitationibus in circuitu frequens, vallibus profundis ab u-
 „troque latere cinctus, quò indigenæ confluentes Norem ad pugnam elicie-
 „bant. Eodem eventu, quo prius cum Lappis, certatum. Nor cum suis in
 „modum flammæ fata depascentis, universum sinui vicinum territorium
 „peragrans, latè subegit, provinciarumque, quas sinus circuit, Regem se di-
 „xit; ibi per ætatem moratus, donec solitudines nix obtegeret, tunc in val-
 „lem, quæ in austrum è sinu procedit, profectus est, sinus is jam Thrandia
 „appellatur. Partem autem exercitûs inferius trans Mæriam ablegavit,
 „inque transitu quæcunque calcaret sibi subiecit, Transmisso deinde mon-
 „te, qui vallem ab austro claudit, annis ductum secutus, in austrum ten-
 „debat, donec ad ingentem lacum perveniret, quem Miors appellabant.
 „Ibi cognitâ clade suorum, à Rege, qui Soknius vocabatur, illatâ, in occi-
 „dentem conversus, montem iterum conscendit. Descendentes provincia,
 „quæ Valdresia nuncupatur, excepit. Inde ad mare eventum, ubi sinus
 „longus & angustus occurrebat, hodie Segn dictus. Ibi Soknius cum exer-
 „citu præsto erat. Ingens prælium exortum est, neque Soknium præsti-
 „giæ eorum terruerunt. Nor cominus cum Soknio congressus, acerrimè
 „pugnabat, tandemque eum cum magna exercitûs parte occidit. Deinde
 „Nor in sinum, Sogniæ ad Boream vicinum, prociectum movit, Soknius autem
 „imperabat, ubi nunc Soknadalus appellatur. Longum ibi Nor tempus
 „trivit, hodie Norefjordus seu Noris sinus vocitatur. Ibi Gor ad eum per-
 „venit, neutro de Goë ad id tempus certiore facto, Gor dum ab austro pro-
 „cederet, terram omnem exteriori sibi subjugavit. Tum demum re-
 „gionem inter se dividerunt: universam continentem Nor, Gor autem insu-
 „las omnes, quas inter & continentem navis gubernaculo directâ transire
 „poterat, sortitus est. Deinde Nor ad Uplandas itinere directo devenit eò,
 „ubi nunc Heidmarchia. Regnabat illic Hrolfus de Bergio dictus, qui filius
 „fuit Svadii gigantis de Dofris versus septentrionem. Is è Qvenia, sive
 „Qyenlandia, rapuerat Goën Thorrii filiam, statimque Nori obviam pro-
 „cessit, eumque ad Monomachiam provocavit. Certatim diu neutro vul-
 „nerato, tandem autem reconciliati sunt, Nore sororem Hrolfi, Hrolfo
 „Noris, conjugio sibi sociantibus. Inde Nor in Septentrionem ad regnum,
 „quod suæ potestatis fecerat, conversus, illud Norvegiam appellavit, quod
 „is quamdiu vixit, deinde rexit, filique ejus post eum, qui etiam regionem
 „inter se dividerunt, tantumque regna minuebantur, quantum Reges mul-
 „tiplicabantur, atque ita in provincias divisa sunt. Gor maris Rex appel-
 „latus est, cujus filii Heitius & Beitius. Reliqua hic non persequar, cum
 „aliò pertineant. Hæc Codicis Flati verbis & formulis, ex utroque loco de-
 „promptis, nihil omnino immutatis, in curiosi lectoris gratiam (neque
 „enim horum copia omnibus promiscua est) transcripta, simpliciter verte-
 „re, quam exornare stilo malui, quo facilius lector suum de singulis judi-
 „cium, absque obstaculo ferre, inque primos incolarum Norvegiæ ortus
 „liberius inquirere, possit. Interea quæ mea de his sententia sit, candide ex-
 „ponam; notandus tamen est dissensus Originum in itinere Goris, qui
 „ibi a mari septentrionali ad fratrem Norem delatus, hic
 „vero ab austro perhibetur.

CAP. XXI.

DE HORVM EXPLICATIONE SEQUENTIBUS CAPITIBUS AGITUR, ET QUIDEM PRÆSENTI DE EXISTENTIA FORNIOTI, EX AUTHORITY THIODOLFI DE HVINE.



Enus Noris ab atavo an fabulosè texeretur, an historica fide notatum esset, jamdiu dubitavi; in ipso enim Fornioti nomine fabulam latere existimabam; denotat enim eorum, quæ prius extiterant, participem. Ipsum Noam hoc involucri tectum putabam, utpote qui orbem antediluvianum, & hunc, qui cessantibus undis iterum emerfit, & vidit, & incoluit, utrumque etiam civibus auxit. Accedit utriusque filiorum triga. Semus orientem forte tenuit; Camus austrum. Japheto occidens cum septentrione obtigit. Fornioti filii, Hler, Karius & Logius, ignis hic, ventorum ille, maris iste, imperium tenuisse perhibentur. Per ignis imperium orientis regna, quippe solis æstu ferventia, intelligi; ventosâ Africæ plagâ Æoli ditionem denotar, mihi persvadebam. Hler alio nomine Ægir usurpatur, quod ipsum oceanum significat; quod autem principum septentrionalium genus à Logio non repetatur, nec auctoris scopus fuerit ultra septentrionem narrationem extendere, omisâ ipsius progenie, solam eum, quæ a Kario descendit, familiam sibi enarrandam proposuisse divinabam, quod tamen sine confusione assecutus non est. Nam cum Hleri, sive Ægeri (qui, teste Skalda, tertio nomine Gymir appellatur) utpote aqvatili Numini, sedem in celebri Cimbrici maris insula, de ejus nomine Hleleya (Ælfie) dicta, teste fabula Eddæ quinquagesimâ, assignaverit, nihil ultra de Logio seu flamma sollicitus. quod vires istius elementi in septentrione longè minus, quam in regionibus quæ perpetuo Solis æstu torrentur, se exerant; hunc Karii imperio subjiendum forte existimabat, utpote ventorum præsidis, Neptuno longè potentioris, ad cujus afflatum hic vel intumescit vel derumescit. Ab eo igitur omnia Septentrionalium herorum genera derivari forte placuit. Karii symbolo aërem intelligi, filii neptunumque nomina persvaserint, qui sub Zona boreali frigidus, frigida producit, ideo ei filius tribuitur Jokull, aliis Frostius, id est congelata & lubrica glacies, vel intensum gelu. Jokuli Snær seu nix, Snæri seu Nivi filius unus, nomine Thorrius; filia Faunn, id est nix coacervata; Drifa, 3: nix stillans; Mioll, 3: nix candida, mollis. Hæc nomina, ex frigida cæli constitutione petita, progenitoribus Noris aptata videntur: verum à Christianis, quibus in septentrione solis de Noa ejusque filiis constitit, hæc minime conficta esse, vel inde liqvet, quod ante introductum Christianismum, hic in usu fuerint; nam Thiodolfus de Hvine, qui Haraldi Puchricomi poëta erat, in epicedio Olafi Lignarii, primi Vermia Regis, ignem, seu flammam, cujus incendio absumptus est, Fornioti filium poëtice appellat, evidenti argumento, Forniotum olim extitisse, filiumque nomine Logium procreasse. Idem etiam nexus synchronismorum inter posteros ejus, cum iis, qui à Niordo & Odino descendunt, perspicuum facit, præsertim ubi pari gradu, aut haur magnâ distantia, inter se conjungitur, cujus exemplum capite proximè sequenti exponam.

CAP. XXII.

DE SEculo, QVO FORNIOTUS ET
NOR VIXERUNT, ET RATIONIBUS, QUÆ NOREM
SUPRA CHRISTI IN CARNE MANIFESTATI TEMPO-
RA EXALTANT, ODINOQUE ÆQVALEM, FOR-
NIOTUM UTROQUE ANTIQVIOREM,
CONSTITUUNT.



Orniotum extitisse, argumentis, ut spero, satis probabilibus evicimus, restat ut qvo tempore, tum ipse, tum etiam atnepos ejus Nor, vixerint, dispiciamus. Et cum geminæ opiniones de hac quæstione inter se dissentiant, una quæ Norem supra æram Christianam Forniotum longe ultra extollat, altera quæ Norem infra hæc tempora deprimat: nos rationes pro utraque parte pugnantes in medium proferemus. Primum & palmarium argumentum duo prima historiæ Hervorianæ capita suppeditant, quæ Odini & Asarum adventum in Septentrionem, in Alfi Prisci, Alfheimorum Regis, tempora referunt, quæ, licet nullam Noris mentionem faciant, constat tamen ex libro Originum Norvegiæ, eum Noris nepotem, Raumi filium, aliàs Finnallum dictum fuisse, qvo antiquiorem nullum invenire licet. Confirmat hæc æra Starkadi Aludreingi, à Thore Deo postea occisi, qui proneptem Noris, Alfi filiam, Alfildem rapuit. Antiquior itaque Odino Nor Alfildis proavus sine dubio fuit tribus generationibus, seu nonaginta annis; inciditque ejus æra, si Odini accessum in annum seculi istius sexagesimum referamus, in annum circiter CL. ante caput æræ Christianæ. Nec minus antiquitatem Noris provehit fastuosus ille titulus, qui Originibus Norvegiæ præfigitur. Pollicetur enim se expositurum quomodo Norvegia primitus inhabitari cæperit, familiæque Regum, tum ibi, tum aliis in terris, exortæ sint, fidemque liberaturus, non modo Norem Regionis eponymum, sed etiam ejus patrem, amitas avosque ad atavum usque Forniotum repetit, provinciarumque antiquissima nomina à filiis ejus deducit.

Tertia ratio pro vetustate hac tantâ Noris ex Haldani Prisci ætate sumitur. Is Noris pronepos, oraculi fide certior factus est, post trecentos demum annos à sacrificio, quod in auspicio regni perpetraverat, primam familiam in posteris ejus nascituram; neptem autem ejus Dageidem, Dagi Doglingorum conditoris filiam primam, non Origines Norvegiæ, sed *Snorrius Sturlaus* in stemmate Haraldi Pulchricomi, a Sveciæ Regibus repetito, in Alreco & Eirico nobis exhibet, ipsius Alreci uxorem. Natalem illius nos in Serie Regum Daniæ Lib. III. pag. 232. ad annum Christi CLXXII. retulimus: illam autem marito octennio juniorem sine absurditate constituemus, ita ut nata sit anno CLXXX. Verum cum hanc Chronologiam, ex synchronismis & proportionem graduum, tum inter ipsos Daniæ Reges invicem, tum etiam inter eos & Reges Sveciæ, maximam partem ex Hypothesibus Snorrii, præcipue illâ, quæ Aunio Sveciæ Regi tam monstrosam ætatem conciliat, collegerimus, non habito respectu ad utriusque gentis Principum nexum cum Principibus Norvegiæ, duobus & sexaginta annis Aunium multavimus, quos in novem progenitores ejus distribuimus, ad conservandam trium horum regnorum Principum syn-

chronismos,

chronismos, eo tutius quod ex iis aliisque facile traditio illa Snorrii vanitatis convincatur, ut suo loco monstrabitur. Alreci itaque nativitas in LXVIII annos deprimatur, ita ut natus fuerit anno Christi CCXL. Dageidis ejus uxor CCXLVIII. Nos ex utroque fundamento rationes subducamus.

Inter sacrificium Halfdani & nativitatem Dageidis CCCXX annos interfuisse ponimus, cum viginti fuisse annorum videatur, cum sacrificaret, si ab illis CLXXX annos, natalem Dageidis, secundum Seriei calculum, subduxeris, emergit natalis Halfdani CXL ante natum Christum. Si vero secundum reformationem nostram annos CCXLVIII. natus erit Halfdanus anno LXXII ante caput æræ Christianæ. Hinc progredientum ad natalem Noris investigandum, qui tribus generationibus ab Halfdano determinatur: dati in singulas XX anni, faciunt annos CXX, qui additi natali Halfdani CXL, faciunt natalem Noris annum CCLX, ante æram Christianam. Sin vero LXX annos iis adjeceris, occupat natalis ejus annum ante Christum CXCII. Duobus gradibus Snær, utpote avus, Nore superior est, hi autem LXXX annos requirunt, qui additi ad natalem Noris sive CCLX sive CXCII, natalem Snæris sive in annū CCCXL, sive CCXXXII referunt. Hunc tribus gradibus Forniotus precedit, qui & CXX annos requirunt, & ad natalem Snæris accedentes; aut CCCXL sive CCLXXII natalem annum Fornioti produciunt, sive CDLX sive CCCXCII ante Christum. His rationibus adstruitur Nori Fornio quoque tam eximia & remota antiquitas.

CAP. XXIII.

DE RATIONIBUS, QUÆ ALLATAS OBJECTIONES CONFUTANT, GENEALOGIARUM VANITATE, VERAQUE, VEL VERO PROXIMA, FORNIOTI NORISQUE EPOCHÆ EX SYNCHRONISMIS ERUTA.



Raccedenti capite exposui rationes pro stabilenda ingenti Fornioti Norisque antiquitate, nunc ad singulas respondebo; & primo ad raptum Alfildis Alfi Prisci filiæ a Starkado Aludreingo Asiaticorum Deorum tempore. Fateor quidem Alfildem illam Finnalfi filiam fuisse, Noris proneptem. Nor autem multum affuit, ut ad Asarum tempus assurgeret, cum is & Visbur, a Niordo quintus, amittini essent; fallitur itaque auctor historiæ Hervorianæ, dum migrationem Asiaticam in Alfi & Starkadi Aludreingi tempora refert, tantum ob lacunam graduum inter Eyvorem & Svafrilium, ubi septem generationes desiderantur, ut a nobis in Serie Regum Daniæ Lib. II. Cap. IV. pag. 126 monstratum est. Nec magis cohæret, nepotem Starkadi Aludreingi, Starkadum quoque vocatum, æqualem fuisse Alreco & Erico Sveciæ Regibus, iisque a Niordo undecim gradibus remotis militasse, si avus ejus Aludreingus aut Odino & Afis æqualis aut antiquior fuisset, præsertim in juventute, cum septem supra viginti annos natus eos accesserit. Invocasse Thorem pro recuperandâ filiâ Alfus ibi traditur, impetrasseque, ut & Starkadum occideret & filiam ei restitueret; quod de numine Thoris, jam mortalibus exempti, supplicibus precibus

cibus exorati subiecta tabula intelligendum docet. Unde locus quoque in limine historiæ Sturlaugi Laboriosi occurrens, de Haraldi Thrandiæ Regis Gullmudi seu Chrysofomi, juvenis synchronismo cum Afis huc migrantibus; senis, ut & Sturlaugi, cum Freyre Sveciæ dynastâ, vanitatis arguitur.

Schema tale est:

	Forniotus		Niordus	Odinus
<i>α</i> Hler	Logius	Karius	<i>α</i> Freyr	
		Froftius	Fiolnir	
		β Snær	Svegdir	
		Thorrius	β Vanlandius	
		Nor	Visbur	
		Raumus	Domaldus.	
<i>Arngrimus</i>	Alfus	Alvor	Hringus	Domar
Starcadus Aludreingus	Alfhildis <i>Halo. gius</i>	Glod	Haldanus	Dyggvius
	Storvircus Bauggerdis	Eyimiria	Dagus	Dagus
<i>γ</i> Starcadus	Arngrimus	Vikingus		Agnius
<i>ANNUARODDUS</i>	Angantyr	<i>Sturlaugus Laboriosus</i>	Thorstein ⁹	Dageidus — Alrecus <i>γ</i>
		Fridthiofus		Yngvius
Nota lector, nomina in hac tabulâ literis cursoriis notata aliorum Principum Synchronismos denotare.		Gunnthiofus		
		<i>γ</i> Herthiofus natus 228.	<i>Haraldus Agdensis</i>	<i>Gautius Gautre-</i>
			<i>Uikar R. Nerius</i>	<i>cus</i>
			(Comes	

Decepit harum historiarum scriptores, quod constaret ante Odini adventum septentrionem a gigantibus fuisse infessum; hos autem cum prisca memoriæ antiquissimos producerent, ad eos statim recurrerant.

Nec magis antiquitati Noris fastuosus ille titulus, Originibus Norvegiæ præfixus, velificatur. Ipse enim author sui immemor, alios indigenas his longè antiquiores, cum quibus his fratribus res fuit, simul producit, bellique non occupationis jure vel injuria infessam ei posterisque Norvegiam monstrat, id temporis latè longoque tempore habitatam. Ashildis enim, Noris focus, filia dicitur Eysteini Heidmarchiæ Regis, qui longo tempore Heidmarchiam rexerit, quam hæreditario jure nepos Hrolfus de Bergio, Regio titulo tum possidebat. Noris quoque filius Raumus uxorem dicitur habuisse Hildem, Gudbrandi Prisci filiam, neptem Sölvii ejus, qui primus tractum Soleyensem excoluit, teste hoc ipso Originum libro, de quo postea alibi. Gudbrandus itaque Priscus Nori erit synchronus, Sölvius utroque prior: unde luce meridiana clarius evadit, non magis primorum Norvegiæ Regum stemmata à Nore ejusque sociis, quam primos

primos incolas promanâsse, nec linguam aliam ab ea, quæ prius in usu erat, a Nore importatam, nomina virorum hic conspicua evidenter monstrant. Addo etiam quòd prologus Eddæ tradat Odinum filium suum præfuisse regno, quod nunc dicitur Norvegia, argumento, illo tempore id nomen non fuisse adeptam.

Tertium argumentum, ab Oraculo desumptum, se ipsum evertit; nam Halfdanus Priscus pro consequenda trecentorum annorum ætate Diis sacrificasse traditur, exemplo Snæris Antiqui, qui tam insigni pietate tantum regnandi spatium impetrasse traditur. Id quod Halfdanus tanquam ex antiqua relatione accepisse videtur. Jam vero constat, siue Snær ille, anno ante caput æræ Christianæ CCCXL, siue CCLXXII natus fuerit, aut regnare cæperit, eum aut Halfdani tempore vixisse, aut etiam ei supervixisse, siquidem vel CC, vel XCVIII annis ante Halfdanum natus est, centumque aut duobus annis minus ei coævus vixit. Nec constat, an Halfdanus ætatem eousque extraxerit; inde conspicuum, hæc historica fide non niti, sed meras esse fabulas. Et quis historiæ leges à fabulis requirit? Atque sic argumenta pro Noris epocha nimium exaltatâ confundimus. Sunt & alia quæ eam plus justo deprimunt; numerus scilicet generationum, ab eo ad posterorum quosdam, quos certo tempore vixisse constat. Tanta in eo diversitas est, ut si quis æquali annorum spatio eas metiri aggrediatur, retroque summam computet, nullum certum principium sit inventurus.

Quinque genealogias a Nore ad Haraldum Pulchricomum Origines Norvegiæ exhibent, sextam ad uxorem ejus Gidam, duodecim tantum gradibus constantem. Quina ista stemmata his nominibus insigniuntur. Hildingi, Bragningi, Döglingi, Budlungi & Lofdungi, undecimum primò, secundò & tertio duodecimum, quarto decimum quartum, quinto decimum sextum ramum Haraldus à Nore ducit, nec ultra removetur. In horum singulos gradus XXX anni expensi faciunt annos CDLXXX, qui ab anno Pulchricomo natali DCCCLIII subducti, Noris epocham in annum CCLXXIII exaltant, reliquæ generationes ne eo usque ascendunt, nam duodecim in anno CDLX consistunt, undecim in seculum sextum Norem referunt, annum scilicet DXX.

Series genealogicas à Nore ad Pulchricomum descendentes vidimus, quarum nulla a tempore nativitatis Servatoris, nedum Odini Upsalensis, incipit reliquas, quæ ad incolas primos Islandiæ ducuntur, excusiam. Sunt autem duæ, à Nore per Gardum Agdium, & Raumum filios ejus demissæ: Primam Gardus orditur Agdius, inque duos ramos distendit, primum Rugalfus, alterum Griotgardus producit. Hic ad Kolgrimum, Ketilbiornum & Liotum Sapientem, & cum his pari gradu Haconem Hladarum Comitum, tempore licet posteriorem, quippe Pulchricomi pronepotem. Ille ad Geirmundum & Hamundum Heliarskinnos, Ulfum Skialgium, Eiricum & Ketillem Gufam. Inter hos & Norem decem, illos novem generationes intercedunt. Alteram Raumus triplici ramorum serie explicat, orditurque à filio primo Alfbiörno, aliis Jotunbiörno, adque Bessium, celebris viri Tungu-Oddi seu Oddi de Tunga (id prædio cuidam nomen) proavum, & Ingimundum curionem Vatzdæensem, decem gradibus à Nore remotos, procedit. Secundus ramus per filium quintum Haudum, ad Ingolfum, qui omnium primus Islandiam incoluisse tertur, & Hiörleifum gradibus a Nore duodecim ducitur. Tertium filius Hringus ad Audurem Prædivitem & Hrolleifum dirigit, quorum quilibet sedecim gradibus a Nore determinatur. A Gore Hrollaugus Raugvaldi Mariarum Comitibus fi-

lius septimus est, Bodvar Hvitiſius â Goë decimus, Thordus Hreda, Ulfſſi-
tus Legifer & Flokius, tertius Islandiæ repertor, ſinguli in undecimum
gradum rejeſti. Omnia ex tabulis ſeqventi libro inſertis conſpectiora ſi-
unt. In ſingulis complures gradus deſiderari manifeſtius eſt, qvâm ut
probatione egeat. Prolixiffima ſeries ad Hrolleiſum â Nore decimum ſex-
tum extenditur. Quid dicam de decem tantum generationibus â Nore ad
Comitem Haconem Hladenſem, aut ſextam a Gore ad Rognvâldum, &
ſeptimam ad filios ejus Einarem Orcadum Comitem, & Hrolſum ſeu Ro-
bertum primum Normanniæ Ducem, qvo nihil abſurdius fingi poterit, ſic
enim Nor in ſeptimum ſeculum deprimeretur.

Evicimus ex graduum paucitate, qva pene omnes genealogiæ labo-
rant, Forniotum Noremqve plus nimio deprimi, nec quid certi de eorum
epocha ſtatui poſſe. Reſtat ut ſynchroniſmos inter eorum poſteros, qvi
Daniæ Sveciæqve Principes intercedunt, excutiemus; nam ubi ex ſingu-
lis lateribus pari gradu aut non nimia diſtancia concurrunt, facile mon-
ſtrant qvo ſeculo ii, â qvibus descendunt, vixerint, ſimul & graduum lacu-
nam, ubi nimium ab invicem ſeparantur. Occurrunt autem inter eos &
Sveciæ Principes novem, Daniæ vero qvatuor. Nexum cum Svecis pri-
mum exponam.

I. Inter Hleris, Hleſſeyæ (qvæ hodie Leſſø appellatur) domini (qvi &
Ægir & Gymir appellatur) filiam Geridem, & ejus maritum Yngifreyrem,
teſte Snorrio. Idem fabula Eddæ X. confirmat, qvæ illum Afas convivio
excepiſſe tradit, cujus magnificentia ibidem fabuloſè deſcribitur.

Forniotus

Niordus

Hler

Yngifreyr.

1 Gerdis

II. Inter Snæris Priſci filiam Drifam, â Fornio to qvartam, & Vanlan-
dium, â Niordo qvartum, hoc ſcemate.

Forniotus

Niordus

1 Karius

1 Yngifreyr

2 Froſtiſius

2 Fiolnir

3 Snær

3 Sveudir

4 Drifa

4 Vanlandius.

III. Inter Starcadum II. â Fornio to decimum

IV. Inter Dageidem qvoq; ab eodem decimam

V. Inter Herthioſum, ab eodem decimum
qvartum.

& Alrecum & Eiri-
cum a Niordo unde-
mos.

Thorrius Snæris filius

5 Nor

5 Viſbur.

6 Raumus

6 Domaldus

7 Finnalfus

7 Hringus

7 Alvor

7 Domar

8 Alfchildis

8 Halſdanus

8 Glod

8 Dyggvius

9 Storvircus

9 Dagus

9 Eymiria

9 Dagus

10 Starcadus

10 Dageidus

10 Vikingus

10 Agnius Skiolfæ mari-

11 Thorſteinus

11 Alrecus

(tus

12 Fridthioſus

13 Gunnthioſus

14 Herthioſus

Nota. Starcadus Alreco militavit, Dageidis ejus uxor fuit; & hæc qvi-
dem amicè concordant; Herthioſus autem ad Alrechum exaltari, vel hic ad
eum

eum deprimi nequit, nisi de Aunii Annoſi ætate anni ſexaginta duo detracti in ſuperiores tribuantur, convellaturque quod Snorrius de filiorum victimis, provinciisqve ab eorum numero denominatis, tradit, de quo ſuſius ubi de Herthioſo, ut & Aunio, nobis tractandum eſt.

VI. Synchroniſmus in Angantirem ejus nominis primum à Fornio- undecimum, & Yngvium hujus Alreci filium, à Niordo duodecimum, Cujus ſchema tale eſt.

Storvirchi Alfhilde nati a Fornio- noni

Soror erat

9 Bauggerdis

10 Arngrimus

11 Angantyr

Alreci Sveciæ Regis filius

12 Yngvius

Hæc mirè conveniunt: Starkadus enim Junior, & Arngrimus, Angantyris Pater, fratres amitini erant, Starkadi Aludrengi nepotes, gradus æquales, Starkadus autem Alrecho Yngvii patri militavit, Angantyr, Arngrimi filio, gradu tantum remotiore, cum Yngvio Alreci filio res erat.

VII. Inter Starkadum ſecundum prædictum, à Fornio- decimum, & Hugleikum, Yngvii ex fratre filium, a Niordo decimum tertium.

9 Storrirkus

10 Starkadus

12 Yngvius Alfus

13 Hugleikus

VIII. Inter Starkadum eundem & Aunium, à Niordo decimum quatum, nam Olum Danum, dum ille in Veſtrogothia exularet, Starkadus occidit.

10 Starkadus

12 Alfus Yngvi frater

13 Hugleikus

14 Aunius

IX. Iſqve omnium abruptiſſimus inter Sölvium de Niardeya, à Fornio- undecimum, & Eyſteinum à Niordo decimum octavum intercedit, cujus evidentiæ ex Snorrio, cum Halſi Herois vitæ collato, facile poteſt monſtrari.

5 Nor

6 Griotgardus

7 Salgardus

8 Griotgardus

9 Sölvius

10 Hognius de Niardeya

11 Sölvius S. R.

14 Aunius

15 Eigill Tunnica

16 Ottar Vendilkraka

17 Adils

18 Eyſteinus

Genealogiæ itaque, quæ tanta tam abſurda graduum paucitate, in longa annorum ſerie, ad certum aliquem terminum referuntur, eatenus admittendæ ſunt, quæ traduces primos, celebresqve in lineis perſonas oftendunt, non tamen ut tempora inde dimetiamur, ſed ſynchroniſmi, qui veris fundamentis inniuntur, probandi ſunt & ſeqvendi. Atqve hæc de Synchroniſmorum nexu, inter Fornio- progeniem & Sveciæ Reges. Jam quomodo cum Daniæ Principibus cohæreant, diſpiciemus.

I. Inter Starkadum II. & Frodium IV. cujus ille fratrem Olum in Svecia occidit, teſte Snorrio. Prodit quidem Saxo, noſtris ſuffragantibus, tamen eum ætatis humanæ curricula ab Odino donatum, ſubqve hoc Frodio ætate marcidum, cum Saxonum pugile Hama ſingulari certamine conſiſſe, nobis anno quo Frodius cæſus eſt: calculo Snorrii CLXIV. annorum putatur, quod quamvis fabuloſum videatur, id tamen Macroborum exemplis ſuſtinetur, ſed nec graduum numero in abſurdum diſterminantur. Starkadus à

Forniotus decimus, Frodius ab Odino decimus tertius in tabula graduum conspicitur. Alter calculus longè clarior est, interqve omnes triumphat, nimirum inter Hildem Heidrici Ulfhami filiam & Haraldum Grandævum, ejus maritum, paribus à Fornioti & Odino gradibus diremptos; quorum nepos Ivar Vidfadmus Daniæ Sveciæqve Regum, qui postea & in hunc usque diem feliciter regnant, communis parens & tradux, omnibus Islandorum memoriis, quæ illud argumentum tractant, celebratur.

Ordinem præfens tabula monstrat.

Odinus	Forniotus		
1 Skiöldus	Karius		
2 Fridleifus I.	Froftius		
3 Frodius I.	Snær		
4 Fridleifus II.	Thorrius		
5 Havar Manufortis	Nor		
6 Frodius II.	Raumus		
7 Vermundus Sapiens	Finnalfus	Odinus	Gylfius
8 Olafus Manfvetus	Alfhildis	Sigrlamius	Heidis
9 Danus Magnus	Bauggerdis		Svaflamius
10 Frodius III.	Arngrimus		Eyvor vel Eyfura
11 Fridleifus III.	Angantyr I.		
12 Frodius IV.	Hervor I.		
13 Halfdanus II.	Angantyr II.	Heidricus I.	
14 Hroar		Angantyr III.	
15 Valdar		Heidricus II.	Ulfhamus
16 Haraldus Grandævus		Hildis	

Reliqui duo ad Ragnarem Lodbrochem relati, alter per familiam Lofdun-
gorum, alter Budlungorum, uterq; ad uxorem ejus posteriorem extenditur;
prior eam decimam sextam, posterior decimam quintam nobis exhibet.

Halfdanus Priscus octavus à Fornioti

	9 Lofdius	Budlius	9
10 Odinus	Skylius	Atli	10
11 Siggis	Egdir	Virkir	11
12 Rerir	Hialmtherus	Leefna	12
13 Volfungus	Eylimius	Budlius	13
14 Sigmundus	Hjördis		

15 Sigurdus Fafnericida	Brynhildis	14
Aslaug Ragnaris uxor		15

Utraqve hæc Lofdunorum & Budlungorum series, aut duos Sigurdos Faf-
nericidas, totidemqve Ragnares Lodbroches & Aslauges indicant, aut sex,
alias septem graduum lacunam, cum Ragnar in generum scala, tum ab ipso
Fornioti, tum etiam Odino vicesimus secundus descendat. Apposita ta-
bella decem graduum hiatum ad Odinum ostendit, si alium Ragnarem in-
feriore priorem admittimus. Sin autem illum Hringi filium solum appro-
baverimus, sedecim desiderantur. Idem de illo Odino statuendum, qui Go-
thrici Munifici Regis Vestrogothiæ avus celebratur; nam inter illum &
Gautium, Gothrici patrem, lacuna duodecim graduum intercedit. Idem
de reliquis genealogiis Anglicis Saxonisqve statuendum, quæ graduum
paucitate conspicuæ, Odinum tamen primum traducem profitentur.

Ex his manifestum est, Forniotum Asiaticæ migrationis tempora
ibi

sibi vindicare, idque ætate suâ provectiore, ita ut satis spatii intermediis progenitoribus ad atnepotem Noren suppetat, quem nos circa tricesimum annum Christi natum statuimus, Visburis aerâ pervasi, cum fratres amittini fuerint, simulque vixerint; nec hic par annorum spatium in singulas generationes requiritur. Suffecerit si eodem modo, quo inter Daniae Sveciaeque Principes, hic quoque distribuatur.

CAP. XXIV.

DE SITU DITIONIS FORNIOTIANÆ.



Currunt hic in Libro Originum primò Gotlandia, quam Codex Flateyensis Jotlandiam nominat, G litera in J consonam, secundum observationem Grotii superius memoratam, inflexâ, qui locus e profundo antiquitatis penu depromptus, quin satisfecisset candidissimo Verelio (qui hæc notis ad cap: X. hist: Hervoriana pag: 142 improbat) si illum legisset, nullus dubito. Non tamen per hanc Jotlandiam vel Gotlandiam Jutiam vel Sveciam statuo intelligendam; quarum alia à Finlandia vel Finnozia & Kvenia nimis remota est, alia certè vastior, moleque longe gravior, quam ut ultra sinum Botnicum transferri, & ad ejus orientale latus collocari queat. Unde Nor è patrio regno profectionem orsus perhibetur. Neque enim Jotlandiam hanc eandem cum Kvenlandia & Finlandia, vel has inter se confundendas censeo: errorem codicis liber Originum corrigit, qui singulas distinctius exponit. Vastissimum Fornioti imperium fuisse, Noris Gorisque expeditio, apparatu pariter ac successu incluta, pervaserit, quâ tantum terrarum spatium subjugatum, perpetuaque possessione firmatum est, hauri subactu facile, & ne facile quidem, à gente licet populosiore, qua tamen longe diffusiore fuisse oportet eam, unde isti ferocissimæ gentis domitores profecti sunt; Amplissimum territorium Pytheas Massiliensis Guttronibus æstuarii, sub Mentonomi nomine assignavit, spatio stadiorum sex millium. Gothos orientale sinûs Bothnici latus incoluisse, non, ut explicat Rudbeckius, occidentale, Codex Flat: hoc loco perhibet. Pomerillie nimis arctis finibus Cluverius suam Gothiam inclusit, id si minus rectè, partem tamen Gothiæ ibidem agnovit, extensæ forte a sinu Finnico (cui hic tanquam contermina introducitur) austrum versus, nescio an in eam longitudinem, quam Pytheas descripsit, cujus terminis Russiæ quoque interjectus amplissimus tractus continetur. Gothiæ enim Finlandiam, seu Finningiam, hic auctor noster confinem innuere videtur, diversamque ab utraque Kvenlandiam, (quam Verelius notis ad cap: I. hist: Hervoriana pag: 5 in confinio Russiæ & Lapponiæ statuit,) Conogardiamque antiquitus vocitatum existimat, ab Adamo Bremensi terram fœminarum vocitam, quod vocabulum Messenium jam in Karanland detortum putasse perhibet. Certè nihil verius quam Adamum Bremensem hoc nomine Kvenlandiam, vocis etymologiam secutum, cum quædam fœminâ denotet, intellexisse Cap: CCXXII & CCXXVIII, nec Messenium in sitûs conjectura à vero aberrasse, cum consentientem sibi habeat Codicem Flat: hoc loco. Adami verba ita sonant. A parte æquilonari revertentibus ad Ostium Balthici freti, primi occurrunt Normanni, deinde Sconia prominet, regio Danorum, & supra eam tenso

„tenio limite Gothi habitant, usque ad Bircham, postea longis terrarum
 „spatiis regnant Sveones ad terram scæminarum, supra illos Villii, Mirrii,
 „Lamii, Scutii & Turci habitare feruntur, usque ad Russiam. Ei Arn-
 „grimus Crymog: Lib: II. fol: 214. his verbis consentit. Est autem Qven-
 „landia, ut ex pervetusta mappa didici, ex latere sinus oceani (Botnicum in-
 „telligit) modo commemorati, quod Norvegiæ limites spectat, Finnmar-
 „chiam versus ditio sita. Historia Eigilis Skallagrimii, aliàs Eigla, haut
 „diverso situ Qveniam commemorare videtur, his verbis: Naumudalos,
 „Halogiæ in Norvegia provinciam, versus orientem excipit Jamtia, & il-
 „lam Helfingia, sequitur Qvenia, tum Finnia, quam excipit Karelia. Cod:
 „Flat: Eiglæ suffragatur. Qveniam sc: sitam esse ad orientem, juxta sinum,
 „qui sinui Gandvixensi oppositus est; hic sinus Botnicus describitur. Ost-
 „botnia itaque, forte etiam, secundum Arngrimi Observationes & Mercato-
 „ris mappas, Vestbotniæ pars, imo & tota Nordbotnia, ubi urbs Totnia (ho-
 „dieque iis qui in Finnmarkia habitant eodem nomine nota) Qvenlan-
 „dia olim dicta fuit, id quod ex itinere Thorolfi præfecti Halogiæ constat,
 „qui Qvenorum Regi suppetias adversus Kirialos (Karelos) tulit. Sunt au-
 „tem Kiriali, vel Kareli, gentes sedibus distinctæ, sed cognomines. & hi qui-
 „dem, de quibus nobis sermo, litus Carelstrandas, vicinumque tractum circa
 „maris Albi septentrionalia incoletes, uti id ex descriptione Petri Clau-
 „dii Undalini Cap: II. nostræ versionis I. in flexu litoris à castro Vardhufenfi
 „ad Carelstrandam, & Cap. IV. nobis II, ex Finnorum divisione, in Siofin-
 „nos Fialfinnos, Lappfinnos, Carelos (rectius Kyrialos) & Gandfinnos, a-
 „liisque locis manifestum est. Reliqui Kareliam Finnlandiæ australi late-
 „ri adsitam inhabitant: cum prioribus Qvenis res fuisse videtur. Iter Tho-
 „rolfi, congressusque Qvenorum cum Kyrialis eo auxiliante, in vita Haral-
 „di Pulchricomi cap. XVII. descriptus est. Meminit & historia Regis Ha-
 „conis Senioris, legationis Alexandri Gardarikæ, seu Holmgardiæ Regis,
 „de mutuis Finnmarkiæ civium, Norvegiæ subjectorum, & Kyrialorum,
 „qui Russis parebant, cædibus injuriisque componendis. Observandus ita-
 „que error calami in Cod: Flateyensi & eum secuto editore Historiæ Olai
 „Triggvini part: 2da Cap. 32. pag. 140. ubi scribitur quod Kuri & Qvent
 „oppugnantes ditionem Sigurdi Hringi, Sveciæ Regis, eum ad defensionem
 „compulerint; pro Kuris enim Kyrios substituo, nam Kareli Kyriali idio-
 „mate Normannico scribuntur, per apocopen Kyri. Confirmant hæc An-
 „nales Islandici, qui ad annum MCCLXXI. imperante in Norvegia Magno
 „Haconis Senioris filio, notant Kyrialos & Qvenos in Halogiam infusos,
 „crudeliter sæviisse, id quod Kareliis in limite sinus Finnici constitutis appli-
 „cari non potest. Notant quoque laudati Annales, ad annum MCCC I,
 „incursum Karelorum à Septentrione in Norvegiam, contra quos Rex Ha-
 „con Augmundum, cognomento Jungadans, cum magniscopis miserit.

Observacionem quoque merentur limites, quibus Noris ditio in-
 cluditur (Alfheimus nempe & Jötunheimus.) Per posteriorem univer-
 sa Lapponia, & quicquid a sinu Botnici fine in Boream extenditur,
 intelligi ideo videtur, quod Nor horum nihil intrasse, nedum subjug-
 gasse, legatur; favetque locus hic opinioni Rudbeckii, qui Jötunhei-
 mum hoc situ describit, verum, ut mihi quidem videtur, apparenter
 tantum. Qvenia, paternæ ditioni, totus iste tractus paruisse, here-
 ditatisque jure, vel donatione paterna, filiis ejus cessisse poterat; vel
 si for-

si fortè non paruit , a Nore Goreqve processu temporis expugnari , licet id , ut & plurima eorum gesta , in literas non sit relatum. Non itaque unicus hic locus ad everrendam nostram sententiam , tot tantisque argumentis antea stabilitam , sufficere videtur.

CAP. XXV.

DE TERMINIS TERRITORII A NORE
OCCUPATI, UBI GANDVICHÆ, HUNDINGIÆ, BIAR-
MIÆ, AMNIUM ELEVOGARUM, JOTUNHEIMORUM,
MARIS QVOQVE DUMBICI ET RISALANDIÆ SITUS
EXPENDITUR.



Terminos territorii, quod de suo nomine Norvegiæ Nor appellavit, Origines definiunt, continentem omnem à Jotunheimis versus Septentrionem, Alfheimos usque, scilicet ad australem Alfheimorum terminum; nam hic inclusive sumuntur. Ad Vermalandiam enim delatus Nor, ductum lacus Væneris secutus, inde ad mare processisse secundum amnem Gotalbiam dicitur, Finnalso quoque nepoti suo, totos Alfheimos hæreditarios reliquisse, sibi que subjecisse, quicquid terrarum his limitibus distinctum in occidentem patet, lacu nimirum Vænere, montibusque, qui Norvegiæ Sveciamque determinant, quos Kiolum seu Carinam appellant. Terminus septentrionalis hic non exprimitur. Tantum ad Occidentale montis Kioli latus magna prælia gessisse, occisisque quibusdam Regibus, universum tractum ad mare usque sibi subjecisse dicitur. Sed nec vel locus certaminis, vel Regum ditiones referuntur, nec historia Regis Olafi Trygvini hæc satis explicat, cum iter ejus ex Qvenia supra limitem, quo sinus (Bothnicus) clauditur, ad Lappones, qui pone Finnmarkiam habitant, directum, iisque superatis montis Kiöli desertis longo tempore peragratis, nec ultra sinum Thrandensem continuatum describit. Hinc non liquet, an Reges, quos ad occiduum montis Kiöli latus devicit, sinum Thrandensem incoluerint, an (ut ita dicam) septentrionaliora. Nam si post cæsos Lappones nulla humana vestigia prius invenerunt, quàm eò delati sunt, planum est, hunc alterum regni Norici limitem statuendum. Nec ea quæ longius in Septentrionem porriguntur, Norvegiæ nomine censenda, & per consequens, quæ ultra sunt, Jotunheimos appellata fuisse, Halogiam nempe, Nordlandas & Finnmarkiam. Petrus Claudius Undalinus in descriptione Finnmarkiæ, Norvegiæ non ultra insulam Loppen, Nordlandiæ ultimam, Haraldi Pulchricomi tempore nomen suum extendisse: Reenhielm notis ad cap: 1. historiæ Vikingi & Thorsteini primis temporibus Halogiam ista nota cognitam, arbitrantur, eo quod Halogium illius eponymum Nore antiquiorem, utpote illius patrum maximum, Arngrium secutus, putavit, historiæ Eigilis Skallagrimii reclamante, quæ præfectos Halogiæ, Regum beneficio præfecturam Finnmarkiæ, etiam ante illius tempora, obtinuisse perspicuè tradit, uti id in Pulchricomi historia à nobis declaratur. Halogium autem Noris majoribus accensendum non esse ex tabula capitis XXIV. libri hujus perspicuum est, & libro quinto hujus partis, ubi de Halogiæ agendum est, uberius monstrabimus.

Inde suspicari licet, Norem Finnmarkiam primò hac ipsa expeditione domuisse, vel postea, cum ab austro ad oras Septentrionales rediit. Si enim Thrandià regnum Noris conclusum fuisset, malè cohæreret, quod Beiter Goris filius patris hæreditatem (nam ei omnes insulæ in divisione obtigerunt) asserturus, isthmum Ellidæid navigio transvestus, omnem exteriorèm districtum circa Naumudalos, Noris filiis detractum, ista strophæ sibi vindicaverit. Certe Noris filiis illam paternæ hæreditatis portionem eripere nequivit, quæ patris illorum nunquam fuit; sed nec insulas istis oris conterminas, si patrium imperium illuc non extendebatur. Hinc patet, minus accuratè Noris Gorisque expeditiones descriptas ad nos pervenisse. Certè tantum abest, ut historia Hervoriana Halogiam, nedum Thrandiam, Jotunheimis accenseat, ut inter istam & illos Ymislandiam (exemplari Svedico malè Lunslandiam) inferat, Cap. I. in ipso limine, his verbis, exemplari Bryniolfi Svenonii excerptis, quæ latine ita sonant: Invenitur in libris antiquis, quod Jotunheimi appellabantur circa Gandvicham septentrionem versus, ad austrum autem Ymislandia Halogiam inter. Jam vero Origines, Jotunheimos Septentrionalem ditionis Noris, id est Norvegiæ, terminum constituunt, ergo etiam Halogiam & Ymislandiam, interjacentesque provincias; situm quoque Jotunheimorum per Gandvicham explicat. Snorrius Sturlæus, carmine quod in honorem Regis Haconis Senioris, qui anno MCCLXIII vivis excesserat, fecit, limites Norvegiæ ad Gandvicham usque a Gotalbia extendit, citante Verelio, notis ad eundem locum, voce *Gandvich* / quem & ultimum Norvegiæ terminum ex Snorrii mente interpretatur. Atque hæc latissima est Norvegiæ significatio, quam presbyter *Styrmer Polyhistor in vita S. Olafi*, à se composita, etiam adstruit, citante *Codice Flat*: ubi quæ inde excerpta sunt a col: 750 ad 754 leguntur, & de præsentis argumento hæc verba: Is (Sanctus Olafus) inquit, fuit Monarcha Norvegiæ, ea latitudine, qua Haraldus Pulchricomus, propinquus ejus, (hac voce qualiscunque sanguinis nexus latissimè describitur) imperavit, terminis à Septentrione Gandvicha, ab austro Gotalbia, ab oriente nemore Eidenfi, ab occidente freto Aungulseyensi. Idem Fagurskinna in vita S. Olai tradit, titulo: *Her gengr Olaf af stivum synum i ortadale* / his verbis, quæ ita explico: Olafus rex ille Crassus subjecit sibi totam Norvegiam, ab australi termino Albi (Gotalbia) boream versus Gandvicham usque. Quò vero ad Jotunheimos perveniamus, sinus Gandvici situs primò excutiendus, si tamen in antecessum monuero, eadem non semper appellatione constitisse, sed nomen cum incolarum sedibus variatum, interdum latius explicatum, interdum arctioribus limitibus comprehensum, ita ut totum quoque sinus Gandvici circuitum complexum fuerit, Kyrialos usque, quorum sedes, extremi ejus ab austro in occidentem, inde ad Septentrionem, procedentes flexus indicare videntur. Latissimam hanc Jotunheimorum significationem historia Herraudi cap: IX. tuetur, ubi tradit Jotunheimorum Regem Gudmundum, cum Biarmiarum Regis filii, sororem ejus raptam ex Ostrogothia reduxissent, ejusque nuptias illà invitâ postulassent, respondisse: ejus elocandæ jus sibi competere, nec permitturum ut Principibus extraneis jungeretur. Biarmenses itaque inter cives & indigenas accepit. Sed nec aliter constat Norvegiam Jotunheimis claudi, cum inter illos propriè dictos plures, nec angustis terminis conclusæ, terræ intercedant, sinus nempe Gandvichenfis, Hundingialandia, Biarmia, & quicquid

quid inde ad annes Elivogas extenditur. Hæc enim distinctio in historiis præcipue observanda est, quarum concinnatores alii eos non semper describunt, prout habebantur tempore personarum, quas celebrant, sed ex posteriorum seculorum usu, id quod scriptor Originum facit; Thorsteini autem & Vikingi historia situm eorum proprium, qualis Halogii tempore, imo & Noris, fuerat, exponit; Herraudi autem & Bosii, ut & Hervoriana Historia, sicut illo seculo, quo vixerant, censebatur. Reliqua excutiemus. In situ sinus Gandvici mirum quam hallucinatus fuerit Clar: Schefferus, qui Lapponiæ suæ Cap: II. eundem esse, qui jam Bothnicus appelletur, Helsingiæ vicinus, statuit. In qua etiam opinione Verelius aliquando fuit. Nam notis ad historiam Herraudi, in voce *Biarmia*, flumen *Ötine* / cui silva cognominis vicina est, in sinum Bothnicum se exonerare tradidit. Notis autem ad historiam Hervoriana Cap: I. in voce *Gandvich* melius edoctus, per Gandvich sinum Gandvichum, sed rectius Cranvicum, ut Plinio Lib: IV. Cap: XVI. mare Cronium & Lib: VI. Cap: XIII. Carambicum, vel, ut ad nostrum idioma Cronius scribit Stephanius, Carambycam, Mare Album interpretatur. Id quod Grimi Hirsutigenæ historia perspicue ostendit his verbis, quæ ideo huc transferenda duxi, quod sine ullo respectu ad transmarinas terras situm ejus ob oculos ponant. Accidit, inquit, quod alias non erat infrequens, ut annonæ penuria Halogiam affligeret, navem igitur suam piscatoriam, tribus tantum remigibus instructus, Grimus (habitabat autem in insula Hrafnista propter Naumudalum) domo expedit, prætervectusque septentrionalia Finnmarkiæ, ortum versus deflectens, Gandvicham ingressus est. Ibi piscatus abunde est. Hæc certe via in sinum Bothnicum minime ducit. Possunt uberius eadem ex terrarum transmarinarum situ monstrari, ad quas hic sinus transmittendus erat. Prima illarum versus occidentem Hundingia occurrit, quam ex Naumudalo accessurus Sturlaugus Laboriosus, Halogia Finnmarkiaque, & promontorio Vatznesia (fors Carlogenes) transmissis, in sinu Austrvicha (alias Gandvica) anchoris jactis noctem exegit: Inde postero die solventi, ferente vento, terra silvis obrita in conspectum venit; meridiano tempore Hundingiæ allapsus est. Inde digressus in Biarmiam pervenit. Clarum hinc, ultra sinum Gandvichum, non citra Hundingiam, jacere. Forte tractum circa promontorium Orlevones antiquitas hoc nomine designavit, qui ad orientem d' Winam fluvium, & cognominem provinciam habet, situ Biarmiae proprio. Biarmiam dico, regni quoque titulo olim celebrem. Illam Johannes Schefferus Cap: citato, sedulo quidem inquisivit, sed nusquam invenit. In citeriorem & ulteriorem Saxo & Johannes Magnus eam dissecunt: posteriorem, eamque solam, vetusta, quotquot legi, documenta fide digna tuentur, de priore altum ubique silentium, utramque intra Lapponiæ limites Schefferus collocat, amissoque veteri nomine in ejus transisse statuit, eam ob causam potissimum, quod eâ admisâ spatium Lapponiæ non deur. Nam si Scritfinnia & Biarmia extendant se ab una parte versus Helsingiam, Jamtiamque, ab altera versus Finnoniam, habueritque hinc Estiam, illinc Jamtiam, vicinas provincias, si ad sinum Bothnicum etiam procedant, nihil super sit ad Lapponiam. Si denique districtus, qui hodie Grenne Svecis vocatur, sola veterum (ut quidam putant) Biarmia fuerit, quomodo in ea fluvii, qui in sinum Bothnicum decurrunt? quomodo Finn-

Finnlandiæ vicinæ? Hæc quidem vera sunt, sed ex haut concessis hypothësisibus conclusa, & frustra se hic vir Clar: torquet, nam neque Biarmia se versus Helsingiam & Jamtiam, aut ab altera parte Finnoniam extendit, nec ad sinum Bothnicum procedit, itaque hoc situ in casum quæritur, sed ultra Mare Album commodissimè, cui licet certos terminos, tacentibus veterum scriptis, Verelius vix posse assignari credat, sed nec ego, quâ longitudinem latitudinemque, existimem, fluvium tamen d' Winam, antiquitus Winam vel Vint/ circa urbem Michaelis Archangeli in Biarmiam decurrere, præcorum hominum itineraria abunde monstrant, quæ secundum temporum ordinem exponam. De Sturlaugo Laborioso jam diximus. Eadem via Aurvaroddis, æræ Christianæ seculo tertio, è Hrafnista, Naumudali quoque; insulâ, in idem flumen pervenit; ita & Hiorleifus Mulierosus seculo sexto, Alrechstadis, adjacente Bergis, celebri deinde Norvegiæ oppido, villa, quæ tunc Regia sedes erat, in Naumudalum profectus, inde ex insulâ Niardeya Halogiam orasque Finnmarkiæ prætervectus, transmissò sinu Gandvicha, in Biarmiam amniūque Vinam pervenit. Nec alio itinere Herraudus & Bosius ex Ostrogothia in Biarmiam seculo septimo profecti videntur. Id quod ex caphist: illius XII colligi potest: nam digressi Glæsisvellis, qui tractus Biarmiæ orientalis est, a recto in Ostrogothiam cursu in Biarmiam deflexerunt, alias iis, sinu Gandvicho transmissò, recta ad oras Finnmarkiæ navigandum fuisset. Satellites quoque Haraldi Pulchricomi, Haukus Habroch, & Vighardus, seculo nono in Biarmiam a Rege missi, ad Gandvicham prius pervenerunt. Eodem seculo Eiricus Blodoxius, Pulchricomi filius, ab expeditione in Biarmiam facta in Finnmarkiam rediisse traditur, & filius ejus Haraldus Grafeldus in ripis fluvii Vinæ, Snorrio teste, bellasse, perhibetur. Thorer Hundus cum Karle & Gunnsteino extrema Halogiæ septentrionali provincia anno MXXVII. in Biarmiam profecti amnem Vinam ingressi sunt, inde in reditu sinum Gandvichum transmississe traduntur. Regis Haconis Senioris Cap: ultimo, sub initium, inter ejus opera primo numeratur ecclesia in insula Trumbsa ædificata in usum Biarmorum, a Tartaris expulso, quos Christianis sacris imbuendos curaverit, eorumque habitationi suum Melangrum assignaverit. Tartaros autem cum in Finnmarkiæ citerioribus maris Albi provinciis habitasse nusquam legimus, ideoque illinc Biarmos ut vicinos expellere nequivant. Tot testimoniis conspicuum credo esse, Biarmiam in sinu Bothnici circuitu non quærendam, nec in ulla Lapponiæ parte. Non igitur mirandum, cur flumina ex districtu seu provincia Tennes in sinum Bothnicum non defluant, cum nulla Biarmiæ flumina istuc devolvantur: nec Tennes antiquitus Biarmiæ nomen obtinuerit. Idem Rudbeckio visum fuisse Tab: ejus II. monstrat, ubi situm Biarmiæ prope fluvium Vinam statuit, quam tamen Tab: VI. in extrema Scandinaviæ seu Lapponiæ ora cis sinum Gandvichum posuit. Jam vero Jotunheimi Biarmiæ Orientaliores erant; ad spatium igitur, quod illi occupant, cognoscendum, amniū quoque Elivogarum positus investigandus. Elivogas in frigidissima Septentrionis parte, perpetua glacie constrictos, tanquam principii frigidi symbolum,

symbolum , polo arctico tantum non subjacentes Fab: Eddæ IV. nobis exhibet. Verelius notis ad Hist: Hervor: Cap: I. pag. 26. in ultima Lapponiæ vel septentrionalis Russiæ parte labentibus amnibus hoc nomen inditum , vel etiam mare glaciale sic appellatum, existimat. Illic tamen ad septentrionem Jotunheimos, aut certe eorum partem, Fab: Eddæ LVI. collocat; quippe quæ tradit Thorem Orvandilem, ferreo inclusum calathotho, ex Jotunheimis redeuntem humeris suis trans Elevogas portasse. Verelius loco citato eos fluminibus Elevogis utrinque claudi arbitratur. Nec alium amnem Saxo intelligere videtur, loco prius citato, per eum, quem aureo ponte permeabilem, cujus alveo, humana à monstrosis naturam, secretevisse, nec mortalibus ultra fas esse vestigiis, Thorkillius narrat. Non igitur satis coheret, fluviuos hos & in Lapponia, & simul in terra ultra Gandvicham & Mare Album existere; nec magis quod Jotunheimi in Dalacaria ideo consistant, quod lacus cognominis Elivogi; ibi quoque detur, ut Reenhielm notis ad historiam Vikingi & Thorsteini Cap: I. pag. 11. ad titulum: *Samu var risafylis*; monet, consentiente Rudbeckio, qui ob eandem causam eis omnem agrum a grad: lat: 65. ad 72. assignavit. Mihi per Elevogas si flumen Petzora intelligatur, à veterum scopo minus aberrare videar; provincia enim ejusdem nominis magis etiam in Boream (Nordost) extensa descriptioni eorum convenit. His præmissis, ad Jotunheimos redeundum. Historia Vikingi & Thorsteini Cap: I. Gymisgardos, Ex: Sved: Grimsgardos, Jotunheimorum sive Regiam sive provinciam, memorat. Illos autem tum temporis, Halogio scilicet regionis illius eponymo regnante, in Elevogis Boream versus ita vocatos testatur: inde concluditur, nomen terræ cum incolis sedes transferentibus, deinceps quoque translatum fuisse. Antiquissimum certe situm; nec tamen Noris temporibus antiquiorem, scriptor iste describit. Finnfusus enim & Alvor, cujus filiam Halogius duxerat, patrem habuerunt Raumum Noris filium, quo tempore Jotunheimorum nomen in Elevogis mansit. Locum quem istis fluviis assignavi, Hrolfi Pedestris vita, in locorum quàm rerum gestarum expositione minus suspecta, confirmat his verbis: Hrolfus è Dania in regnum Holmgardense decem navibus profectus est, totiusque Gardarichiæ Rex constitutus. Triens Gardarichiæ Kænugardus appellatur, adjacetque isti montano aggeri, qui Jotunheimos ab Holmgardarichia separat, ibi multa regna sed parva. Urbem Holmgardiæ, Gardorum Reges maximè incolunt. Hic Gardarichia & Holmgardia eodem significato totam Russiam denotant, quorum metropolis Holmgardus, Regium illis temporibus domicilium celeberrimum, concursu quoque advenarum frequentabatur. Hinc Reges Holmgardi pro Gardarichia seu Russiæ Regibus intelliguntur, qui & Gardorum Reges appellantur, Gardi enim in plurali Gardarichia vocatur. Est quoque Holmgardus magna Gardarichiæ provincia, forte ab urbe Holmgardo, quæ ibi sita est, ita dicta, docente historia. Eymundi, fratris Hræchi Cæci, à Sancto Olaf oculus orbat, quæ Gardarichiam inter Regis Valdemaris tres filios, Jarislaum, Burislaum & Vartislaum ita divisam tradit, ut Jarislao cesserit Holmgardia seu Holmgardus, Burislaos Kænugardia seu Kænugardus, Vartislao Paltescia cum subjectis provinciis (forte Plescovia) quarum Kænugardiam cæteris majorem refert, quæ scriptoribus Helmoldo & incerto auctori Chronicorum Sclavonorum Chunegard, quod Hunnorum sedes prima fuerit, pro tota Russia accipitur, non secus ac scriptori vitæ Hrolfi Pedestris hoc loco Holmgardia

dia & Holmgardus passim. His igitur montibus, quos alii Hyperboreos, alii Riphæos, alii cingulum mundi appellant, cum Jotunheimi à Gardarichia seu Russia, parteque ejus Kænugardia, disternuntur, peripicue situs illorum, nempe ad Septentrionale dorsum, indicatur ad fluentia Petzoræ, & nescio an tractus omnis flumen Obium usque. Certè commentator in Eddæ Resenii Fab: XII. ita de iis sentit: *Jotunheimar/ seu Kæmpeland/* sunt juxta fabularum harum documenta extremæ oræ terrarum extra orbem habitabilem, gigantibus tamen non inhabitabilem. Sigurdus Stephanus, doctus Islandus, Scholæ Schalholtinæ quondam Rector, in delineatione terrarum Septentrionalium, quam anno MDLXX. confecerat, in extremis Gronlandiæ desertis eos collocat, sub grad: lat: 72. inter meridianos 350. & 360., ubi Regiam Gudmundi & Geruthi statuit: quicquid sit, Biarmiâ illuc profecturus in apelioten (Nordest) iter dirigendum Eddæ Mythol: LVII. monstrat, dum iter Thoris ad Geirraudargardos describit, amnem enim *Þittir/* dum illuc pergeret, vado transiisse perhibet. Saxo quoque Lib: VIII. pag: 161., ex ulteriore Biarmia brevem ad Geruthum transitum affirmat; id quod Herraudi historia pluribus locis stabilit. Cap: enim VII. Biarmensis quædam unius noctis amica Bosio exponit, quod fani Biarmensis sacerdos Hleidem Gudmundi sororem ex orientis tractu Glæsisvallis rapuerit. Eundem quoque situm Cap: XII, in reditu Herraudi & Bosii ex Glæsisvallis, & Cap: XIII in protectione filiorum Biarmia Regis Harechi inde in Biarmiam, & Cap: XII in protectione Bosii ex Biarmia Glæsisvallos usque monstrat. Sunt autem *Glæsisvellir/* teste historia Hervoriana Cap: I. Jotunheimorum provincia dicta, forsitan à glacie vitrea, quod vitri instar perpetuo splendeat. Vitrum enim *Siet/* five *Glæs/* hinc *Glæsa* splendere, & *Glæsi* splendor; non tamen hunc tractum Romanis ita cognitum existimem, ut inde Glessiarum nomen emanaverit; nec illinc succinum ad eos translatum. Cum itaque tam à peninsula Scandinavia remoti, antiquissimis temporibus Jotunheimi propriè dicti fuerint, facile colligitur, sedes eorum imperiumque postea latius diffusum, Biarmiam cæterasque circa sinum Gandvichum provincias ad Kyrialos usque ambitu suo complexuque tenuisse, licet non illo tempore, quo Nor Norvegiam subegit, quamvis scriptor Originum id non observaverit, sed ex posteriorum seculorum usu ditionem ejus censuerit; postea vero nomen illud, universis commune, à singulis provinciis, sua propria retinentibus, plane exhaustum est; donec & illæ sua perdidissent. An vero Rifalandiæ quoque nomine appellati sint, svadente id synonymia (*Risi* enim & *Jettur* pariter gigantem denotant) affirmare nescio. Bardi Snæfellzas dicti, id est, nivei montis Dei, historia, vel potius fabula, situm trans mare Dumbicum collocat; quod licet Arngrimus in Crymogæ & Verelius notis ad Cap: I. hist: Hervorianæ pag: 27 pro sinu Bothnico accipiant, mihi tamen illud hucusque non persuaserunt. Vidit quidem Verelius mare Cronium quondam *Dumbéshaf* appellatum, ideo vastissimum illum intermarinum tractum Dumbum ditione tenuisse, sinuique tam Bothnico quam mari Cronio, nomina de suo indidisse existimabat; cui opinioni fulciendæ locum historiæ Bardi, haut ad authoris mentem vel verba explicatum, applicuit, his eum verbis interpretatus. Gestus, inquit, Bardi filius septentrionalia litora legit, & supra Halogiam & Finnmarchiam mare Bothnicum fulcavit, superatoque Dumbshafe, cum in boreali

boreali litore esset, advenit quispiam e continente, & itineris societatem cum eo iniit, tandem, fenesciente jam anno, ad desertam Gronlandiæ pervenerunt. Qua interpretatione Risalandiam nobis inter mare Cronium & sinum Botnicum obtrudit. Verum quàm absfona hæc sint, ostendunt ipsa autographi verba, quæ tam exemplari Regio, quàm eo quod secutus est Verelius, adscribam. *Gesir Bardarson siglbi Nordr med Landi/ oc alt (ex.R: Nordr) fyrir Halogaland oc (ex.R. i) Finnmork/ oc so til Hasebotna/ oc er þeir komo Nordur Yfer (ex.R. fyrir) Dumb's Haf þa kom madr af Landi.* Hæc ad verbum fere ita sonant. Gestus Bardii filius, litora versus septentrionem legens, Halogiam & Finnmarchiam prætervectus ad fines maris pervenit (seu, secundum exemplar Regium, Halogiam prætervectus) in Finnmarchiam, & inde ad fines maris pervenit. Hos autem maris fines Dumbi ditionem fuisse, eadem historia his verbis in limine profitetur. *Dumbur hesur Kongur hetted/ hann ried fyrir Hasebotnum þeim er ganga af Risalandi i Landsudur/ eum fyrir sunnan geinge þat haf sem nu er kallad Dumb'shaf / og kient var vid Dumb Kongu/ og liggia þar Morg Lond fma/ og þo eyar/ id est, Dumbus Rex præfuit finibus maris, qui à Risalandia in ortum brumalem protenduntur; ad meridiem autem mare est, quod Dumbicum appellatur, a Rege Dumbo sic denominatum, ibi multæ parvæque insulæ. Eqvidem quicquid a nova Zembla ad Spitzbergam Gronlandiæque desertæ orientales oras interjacet, nobis quidem incognitum, veteribus longè notius fuit, quorum manuductiones secuti quidam Islandorum docti viri, inter eas spatium quoddam angustum, freti tamen latioris capax, in tabulis suis reliquerunt; adque illius occidentale latus Risalandiam Dumbiq; regnum statuerunt. Mare autem, quod inter Gronlandiam & Septentrionales has Russiæ extremitates ad Finnmarchiam usque protenditur, Dumb'shaf appellarunt, quod quidem à meridie illas terras alluit, sinus autem, qui ab illa Risalandia, ibi locorum sita, in brumalem ortum protendi dicuntur, nobis sunt incogniti, & (ut credo) omnibus, qui hucusque scripta sua publicarunt, geographis. Creditum est, terrestri via a sinu Gandvicho in illas oras iter patere, profectumque unum tantum virum, nomine Hallum, per congelata freta memorant, comite caprâ, cujus late vitam toleraverit, id quod me certè magis credulus Doctiss: Verelius annotare non est dedignatus, loco citato. Si ergo Dumbus filium suum in Norvegiam ex his locis ad Dofrium, Dofrinosque montes educandum adduxit, itinere, terrestri amnes Elevogæ transmittendi erant. Quod si per Risalandiam nova Zembla intelligatur, sinusque, qui inde in ortum brumalem porrigitur fretum Veygatz, ibi Dumbi regnum habemus, habet enim ex parte ad meridiem mare quod ad Finnmarchiam extenditur. Atque ita singula, quæ Bardii Historia descripsit, ipsa sitis ratio probat. Proximi huic tractui sunt Jotunheimi, ubi & flumina Elivogæ proficiscentibus ad meridionalia trajicienda. Hoc tractu terrarum Hellsulandia, sinus Skugganus, quem vita Ketillis Hængi nobis exhibet, ut & Aurvaroddi, fabulis resperia, qui è mari Gronlandico austrum versus, mox in occidentem navigavit; forte a nova Zembla versus oppidum Archangel, nam ex Dumbicis rupibus & his omnibus locis ad comitia gigantes coire solebant. Hunc Dumbici maris situm Liber Originum Islandiæ confirmat, dum refert Helgium Macrum Islandiæ allapsum,*

sum, oraculum consuluisse, de loco sibi occupando, Thorem autem finum septentrionalis Islandiæ Eyafjordum ei monstrasse, nec permisisse, ut cursum a monstrata sibi via aliorsum defleceret; tandem filium ejus Hrolfum, longioris navigationis, antequam sinus aperiretur, pertæsum, quævisisse à patre; si Thor eum in mare Dumbicum ad hyemandum mitteret, num & eò profecturus esset? Id autem de sinu Bothnico intelligi nequit, sed de eo mari tractuque, qui in septentrionales Islandiæ provincias proficiscenti ulteriusque navigaturo patet. *Olaus Rudbeckius* Tab: II. in Atlanticam, ad lacum Lapponiæ Enachazæ, sub grad: lat: 70. long: 52. Dumbshaf retulit, qui Scheffero Enare Trost appellatur, quod cum citatis documentis, & ab iis indicato Risalandiæ situ conciliare superfedeo, contentus meam opinionem indicasse, rectioraque afferentibus, etiam non sine gratiarum actione, acquiescere. Atque hæc sunt, quæ de origine gentis Norvegicæ, tum ex patriis, tum etiam alienigenis scriptoribus in præsens colligere potui. Cætera, quæ huc pertinere nonnullis forsitan videbuntur, ut & mores ingeniumque gentis, ipsa historia enucleatius pandet.



HISTORIÆ RERUM NORVEGICARUM PARTIS PRIMÆ

LIBER QVARTUS,
DE DIVISIONE NORVEGIÆ ET
PRIMA PROGENIE, USQVE
AD HALFI HEROIS
EXITUM.

CAP. I.

DE DIVISIONE NORVEGIÆ INTER
TRES NORIS FILIOS.



Xpositis, præter nominis rationem, utcun-
que situ regionis, gentisque Origine, proximum est,
ut quæ ante Monarchiam, in quibusdam, si non o-
mnibus, Norvegiæ partibus gesta sunt, quantum Scri-
tores quidem prodiderunt, nec sinistra fata nobis in-
viderunt, stylo complectamur; eâ methodo, ut pri-
mo seriem à Thorrio ejusque filiis Nore & Gore,
filiæque Goë, ex libro Originum Norvegiæ præmittamus, mox ex aliis
quoque documentis erutam progeniem eorum enarremus; inde transitu
ad eos factò, qui aliunde ortum trahunt, quicquid de illis scitu dignum
prisce memoriæ reliquerunt, in hos libros congeramus.

Norem duas uxores duxisse verisimile est, prima fuit Hauda Svadii
gigantis filia, Rolfi de Rupe soror, Thrandum & Gardum, cognomento
Agdium, ex illa procreasse memoratur; Thrando autem territorium, de
nomine ejus postea Thrandiam seu Thrandheimum dictum, reliquisse.
Vita tamen Haldani Eysteini filii, Thrandum, à quo tractus ille nomen
contraxit, Semingi ejus, qui Odini filiorum unti fuit, filium agnoscit,
Naumamque ei uxorem tribuit, quæ Naumudalo confini provinciæ no-
men de suo communicaverit. Snorrius in prologo historiæ Norvegiæ
Semingum non Odini, sed Ingifreyris fuisse filium perhibet, à quo genus
Haleyngorum longa serie ad Haconem Potentem Hladarum Comitum
Eyvindus Skaldaspiller texuit, haut exili argumentum, non solum genus,
Tom. I. Y sed

sed etiam imperium inter posteros pedetentim in miniores partes divisum promanasse. Mihi diversas authorum traditiones indicasse suffecerit. Cum autem à Semingorum altero descendencia stemmata, sub titulo *Halcy ingatal* / priscis monumentis satis decantata, continuâ serie tradita sint, sed in librum Originum Norvegiæ non item relata, ea quæ de Noris posteritate supersunt, in medium proferam. Equidem à Thrando nulla generis series superest (Eysteinum enim & Eiricum illum Peregrinatorem seu multivagum, quem immortalium agrum, seu Paradysum, stolido voto inquirendum sibi injunxisse fabulantur, Semingi quidem nepotes, Thrand tamen, ab hoc diverso, natos nugantur; hos verò duos Halfdani Eysteinii vita fratres facit) Gardus autem Agdius prole felicior, patrimoniiqve parte longe auctior, Haurdum, Rugalsum, Thrymum, Vegardum, Freygardum, Thorgardum & Griotgardum genuit. Haurdus Haurdiæ Rex & eponymus dicitur, cujus posteritatis series quædam, sed perperam tradita, in libro Originum Norvegiæ conspicitur, quam meliora documenta secuti rejicimus. Ne tamen lateat error, etiam eum bona fide producemus. Ejus enim filius Josur seu Josur Hioris pater, Hiorleifi Mulierosi avus, illic nobis obtruditur, ipsius Hiorleifi Mulierosi vitâ, antiquiori membranæ inscriptâ, repugnante. Rugalsus Rogiæ seu Rogalandiæ (quæ tractu nomarchiæ Stafangriensis continetur) Rex constitutus, Rognvaldum genuit, Augvaldi patrem, cognomento Rogii: Ab ejus cognomine Rogia seu Rogalandia, nomine verò Augvaldznescia, celebre prius Regum prædium & sedes, nunc pastoralis villa, nomina sortita sunt. Eorum progeniem in alium locum reservabimus, ubi de iis pluribus agendum erit. Tertius filiorum Thrymus, in Agdiam Regio titulo successit, filii ei Agdius & Agnar. Agnare natus Ketill Thrymus, qui in insula Agdiæ Thryma, (hodie *Tromsø*) habitavit, vir celebris. Quartus Vegardus Sogniæ Rex, filius ejus Vedormus pater Vemundi Senis, Signatrofi, id est, Sognensium fiducia, dicti. Hæc nomina pluribus ex posteris ejus communia sunt. Quintus Freygardus, Fiordorum & Fialarum Regulus; filii ejus Freysteinus Senex dictus, qui in Gaulis habitavit, & Freybiornus (forte quem *Prebet* hodie vocamus) filius ejus Audbiornus, pater Arnbiorni Fiordorum Comititis perperam quidem, nam alter Audbiornus Fiordorum Rex sequioribus temporibus vixerat, ut ex vita Pulchricomi patet; facilius autem à Regali fastigio ad Comitum sortem descensus erat, quam à comitatu ad Regiam ascensus. Sextus filiorum fuit Thorgardus Sudmæriæ Rex, filius ejus Thorvidus, pater Arnvidi Tresferkiabani, seu Tresferkiaciæ: Arnvidi nati Slævidus & Bravidus. Ultimus Griotgardus Nordmæriæ Rex; hujus filii Salgardus & Siggarr, Salgardi genus prius exponendum; ejus filius Griotgardus Secundus, filia ei Hildis, quæ nupsit Sigmunundo illius Siggarris filio, cui pater erat Halfdanus Priscus, Hringarichiæ & Valdresæ Rex. Sigmundi ex Hilde filius fuit Siggarr, avi nomen gerens, qui filiam habuit Signyam Hagbardi amasiam. Sigmundi frater fuisse dicitur Siggeir, is qui duxit Sygnyam Volsungi filiam, Filii Griotgardi Secundi, Hildis frater fuit Solvius, pater Hognii, Domini de Niardeya, insulæ Naumdalo, qui à plaga Septentrionali Thrandiam respicit, adjacentis. Hognii liberi Solvius, qui, deturbato de Sveciæ Regum solio Eysteino Adilfis filio, Rex Sveciæ postea factus est; & soror ejus, Hognii nimirum de Niardeya filia, Hildis Gracilis dicta, Hiorleifi Mulierosi uxor, eorum filii Hiðrolfsus, & Halfus Heros, de quibus alio loco pluribus agendum. Siggare Griotgardi Primi filio nata Signya, Harald Comitis Naumudalensis uxor, eorum

rum filius Herlaugus Griotgardi pater. Griotgardi filius Hacon Comes, figurdi Comitis pater, qui Haconem illum Potentem creavit, Hladarum Comitem, cui Olafus Tryggvinus successit. Addunt Origines Islandiæ Haconis Griotgardi filii sororem Ranveigem, cujus filius fuerit Thorgri-mus, Lioti Sapientis pater, inter primos Islandiæ incolas numerandi, ad-ditæque conceptis verbis Ranveigem illam Griotgardi Hladarum Comitiss filiam exstitisse; Haconem autem Comiti duas tribuunt filias: Asam, matrem Ketilbiorni, celeberrimi illius inter primos Islandiæ incolas viri, qui trabi-bus argenteis exstructum delubrum ornare gestiebat, inter Islandiæ primos habitatores nobis porro memorandus. Altera Haconis filia fuit Unnur, mater Kollgrimi Senis, qui tractum Hvalfiardarstrandarum, ad septentrionem ma-gis vergentem, in Islandia occupavit; quod si ab eodem Hacone Comite orti sunt, certè Haconis Potentis Comitiss consobrini videntur. Verum omnes hæ genealogiæ intermediarum avorum defectu plus nimium latent. Tertius Noris filius, incertum quâ matre natus, Raumus memoratur, ei Alfheimi & tractus universus inter amnes, qui inibi fluunt, cessere (ho-die districtus Bahusensis) & quicquid inter Gothalbiam & fluvium Raum-elsam interjectum est, ditione illius continebatur.

CAP. II.

DE SOBOLE RAUMI, NORIS FILII.



AD convivium Jolenſe invitatus Raumus à Berg-fino, Thrymi gigantis filio de Verma, sororem ejus Bergdisem stupravit. Nati ex hoc congressu filii tres, Alfbiornus, Brandus & Alfus; hunc Bergfinnus e-ducavit, à posteriore nominis sui parte Finnalfum ap-pellans. Biornum nutrit mater, Jotunbiornumque vocavit; Brandum ad patrem miſit: verum ille Diis puerum confecravit, de nomine etiam Deorum Gudbrandum appellatum, datis ei vallibus, hanc ipſam ob cauſam Gudbrandzalis (non, ut corrupte, Guldbrandzalis) poſtea dictis. Jotunbiorno autem Raumsdalum; Alto ſive Finnalfi Eyſtridalos ſive orientales valles, & omnem tractum à ſep-tpentrione Væneri obverſum, quique Gautelfam & Raumelfam inter-jacet, is Alfheimorum nomine inſigniebatur. A Jotunbiorno Ingimundus, Curio Vatzdalenſis, inter primos Islandiæ incolas magni nomi-nis vir, gradu decimo deſcendit, cujus genus in primis Islandiæ in-colis reſenſetur, haut ſine magna intermediarum lacuna. Eo etiam vir præcipuus, Tungu-Oddus dictus, decimo tertio gradu remotior eſt. Brandus Audleifum creat, Audleifus Gudmundum, Gudmundus Gudbrandum, qui anguſtos regnorum limites Regio nomine inferiores exiſtimans, ultro tanti faſtigii titulo reſignatò, Comitiss nomen aſſumpſit, præſatus, malle ſe potestate Regibus parem, Majeſtatis nomine abſtinere, quò Comitibus omnibus toto ſeptentrione major non haberetur modò, ſed etiam eſſet. Inde filius ejus Geirmundus, neposque Rodgeir, nec non pronepos Gudbrandus, Comitum nomina uſurpârunt. Verum hic proavi factum imitatus, etiam Comitiss titulum Herferis, ſeu Baronis, permutavit, amplitudine ditionis, & liberâ in cives ſuos potestate, ſui temporis Regibus nullâ parte inferior: ejus exinde ſucceſſores Baronum titulo uſi ſunt. Jotunbiornus Priſcus pater erat Raumi Regis, avus Hroggbiorni, proavus Ormi Skeliamolii, abavus Knat-ti, atavus Thorolfi Halmii, & Ketilis Raumi. Thorolfus pater erat Helgi, cu-
jus

jus filius Berfius, nepos Thormodus, proneptis Thorlaug, abnepos Tingu-Oddus, Islandiæ celebris incolæ. Finnalfus Priscus uxorem accepit Svanhildem, cognomento Gullfiedur / 3: Auripennam, cui parentes erant Dagus Dellingi filius, & Sola Mundilfarii filia. Finnalfi filius Svanus Rufus, nepos Sæfarius, pronepos Ulfus, abnepos Alfus, pater Ingimundi & Eyfsteini. Raumus Noris filius uxorem postea duxit Hildem, Gudbrandi Prisci filiam, cujus pater, idemque Hildis avus, fuit Solvius, is qui primus tractum Soleyensem excoluit. Illius filii fuerunt Gudraudus Raumarichiæ Rex, Haudus, Haddingus & Hringus. Gudraudi filius Eyfsteinus Astutus, idemque Raumarichiæ Rex, alias Dives seu Potens dictus. Is bello Thrandenses adortus, satrapias Eynensium (hodie Øyefylde) & Sparbyggensium (hodie Sparreboen) subegit, iisque filium, quem Codex Flateyensis Aunundum, Petrus Undalinus Sorqverem, appellat, præposuit. Quem cum occidissent, infesto exercitu iterum in Thrandiam movit; latè eam populatus cum domuisset, optionem civibus fecit, vel servum suum, nomine Thordum, seu, ut aliud exemplar MS. habet, Thororem, cognomento Faxium, in Regem eligendi, vel canem, quem Saur vocabat. Qui servile jugum designati canem prætulerunt, libertatis qualicunque specie ignominiam ex parte solari sese existimantes, si à bellua, nomine tenus, non revera, regi se paterentur. Electo siquidem servo inevitabilis necessitas incubuit, & re ipsa serviendi, & quod durius erat, abjectæ fortis homini: quo vero haberent, quod vicinis forte exprobrarent, etiam belluas, si Thrandenses regere viderentur, Regibus illorum sapientiores esse, incantationibus & magicâ vi tantum sapientiæ ipsi infuderunt, quantum tribus sufficeret hominibus; duo semper verba latrando edebat, tertium quodque articulata voce: aureo & argenteo nullo decoratus incedebat: quoties lutulenta viâ gradiendum esset, humeris eum satellites gestabant: solum ei in publico monumento in superficie collis exstructum: insula Ødre (hodie Øndre) Regia erat sedes, locus tamen palatii, de nomine ejus Saurshaugus hodieque appellatur. Vitæ ejus exitum dederunt lupi, ovium enim gregem ab iis infestatum, incitatus à satellitibus, dum defendere saggit, dilaniatus est. His quidem ita ex vetustis memoriis narratis, fidem qui velit habeat. Multa præterea monstroſæ crudelitatis genera in interioris Thrandiæ incolas exercuit Eyfsteinus, unde compulsi sunt quovis modo tyrannidem ipsius subterfugere. Multi igitur proceres, plebisque magnus numerus, necessarium sibi exilium indixerunt, relictaque patria, cum omni pecorum ac suppellectilis genere, solum vertere coacti sunt. Inter hos fuit Ketill Jantius, Comitiss Sparreboënsis Aunundi filius, qui transmissio monte Kiolo civium oppressorum multitudini ducem se præbuit, ibi exustis silvis, planicies agrorum cultui & habitationibus accommodatas ad semences & ædes ibi faciendas applicavit, deductisque magnis coloniis, primus eum tractum de nomine suo Jantalandiam, seu Jantiam, dictam incolere cepit, cujus nepos Thoror Helsingus, homicidii postea in Jantia perpetrati reus, vitæ suæ metuens, trans solitudinem orientem versus secessit, novisque ibi collocatis coloniis, plures secum adduxit socios, provinciæ latus excolendæ causâ, quam de suo nomine Helsingiam appellavit. Situs autem Helsingiæ antiquissimis monumentis ad finem usque Bothnicum in orientem protendi traditur, cujus orientale latus sinui adjacentis Sveci inhabitabant, nec primis temporibus in austrum æquè ac postea extendebatur. Hinc conspicuum est, Reges, qui in Helsingia Saxoni bella gessisse memorantur, antequam Helsingia culta esset, vel nunquam extitisse, vel

vel post hæc tempora illam oppugnâsse. Patet etiam, Eysteinum, quem index poetarum, sive *Staltatal*, Belium appellat, & memorat quoque Her-
voris historia, ubi Haraldus Hilditanni Daniæ Regis filius statuitur, Astu-
tusque audit, longe post hunc Eysteinum vixisse, nec Haldanum Albi-
pedem generum habuisse. Eysteinus etiam Dives & Imperiosus dictus
hanc æram sibi vendicat, licet ab hoc descendisse videatur, multo a minus
Eysteinus Hognii avus, de quo in vita Olafi Geirstada Alfi. Haudus Ha-
dalandiam, de suo nomine dictam, titulo imperioque Regio possidebat.
Hujus filius Hoddbroddus, nepos Hrolfus, pronepos Hromundus Berfer-
kus, abnepotes Hamundus & Hakius, abnepotis Gunnlaud. Hamundus
Comes in Hordia fuit, filii illius duo cognomines Hrochi, colore distin-
cti, Albus alter, alter Niger vocati. Hrochi Nigri filia fuit Gunnlaud,
Hromundi Greipii celebris athletæ mater, Gunnlaud Hromundi filia
Steinosis progeneravit, Utsteinus alter, Innsteinus alter vocabatur, de qui-
bus infra plura. Hakii filius Hrodgeir, nepos Hrodmar, pronepos Ha-
kiaus Berferchus. Haddingus Raumi filius Haddingiadalum & Thelemar-
chiam sortitus est, inde valles Haddingiadali nomen traxerunt, quas hodierna
lingua corruptè Hallingdal appellat; filius ejus & nepos Haddingorum
nomen retinererunt, pronepos Hognius Rufus dictus, quem tres Haddingi,
ordine successionis se excipientes, sequebantur, uni ex his Helgius Haddin-
gia-Skatus, seu Haddingorum athleta militavit. Quartus filiorum Rau-
mi fuit Hringus, Hringarichæ, à te denominatæ, & Valdresæ Rex: uxor ei
filia Visilis nautici Regis fuit, ex qua Haldanus postea, quem Grandævum
vel Priscum salutamus, natus est.

CAP. III.

DE HALFDANO PRISCO, EJUS-
QUE PROGENIE.

IS cum primum ad paterna sceptra promotus
esset, magnificum sacrificium Diis instituit, pro ob-
tinenda trecentorum annorum ætate, exemplò Snæ-
ris Antiqui, quem totidem annos vixisse fama (vel po-
tius fabula) tradidit. Respondit autem oraculum,
modum humanæ ætatis haut excessurum ipsum, pro-
ximò tamen trecentorum annorum intervallò, nec fa-
minam, nec ignobilem in familia nasciturum esse, (id quod parem cum
Snæris ætate fidem meretur.) Hic deinde vir bello strenuus, celeberr-
musque evasit, orientales terras, Russiam puta & Livoniam, cum adacen-
tibus finibus, Bothnico & Finnico, cum exercitu peragravit, singulari cer-
tamine cum Sigtryggo, magni nominis Rege, pugnavit, eoque occiso Alm-
veigem (Codici Flateyensi Alfniam) Eymundi Holmgardiæ Regis filiam,
uxorem duxit; novem ex eâ filios progeneravit, horum nomina Thein-
gill, aliàs Mannatheingill, Ræfir, Gramus, Gylvius, Hilmir, Jöfur,
Tiggus, Skilius & Harrius. Omnes hi ætate pares, simul uno prælio mor-
tui perhibentur, adeoque famâ celebres, ut horum nominibus poetarum
natio, & sequens ætas ad epitheta Regum Principumque usa fuerit. Si-
mul natos quis credat? mortuos simul esse quid prohibet? Duces militiæ
Haldani fuisse ad diversas provincias debellandas, spoliaque colligenda
haut

haut absonum est. Novem præterea filios habuisse dicuntur; nomina horum: Næfill, Audius, Skelfir, Dagus, Bragius, Budlius, Lofdius, Siggarr & Hildir. Hildir, Siggarr, & Lofdius, exercituum Duces, Regio tamen titulô, fuerunt. Audius, Budlius & Næfill classium præfecti, Regesque maris dicebantur: Dagus, Skelfir & Bragius ditiones tenebant. Dagi uxor fuit Thora, Drengrta modit/ id est, athletarum mater, dicta. Olius, Amus, Jofur, Arngrimus, nec plures filii eorum recensentur. Ab Olio Sigurdus Hiortus, Haraldi Pulchricomi avus, descendit, hac serie. Olii filius erat Dagus, Dagi Oleifus, Oleifi Hringus, Hringi Olafus, Olafi Helgius, qvi erat pater Sigurdi Hiorti, & avus Ranghildis, matris Haraldi Pulchricomi; appellabaturque hæc genealogia Doglingorum familia, quam tamen in Halfdanis, Albipede & Nigro, refellimus. Arngrimum hunc cum illo Eyvoris marito, Angantyrus patre, Origines confundunt, forte quod Dagus matrem ejus post parentis fata uxorem duxerit, neque enim gradus hic cum iis, quæ historia Hervoriana exponit, pugnat. Bragius Antiquus Valdresæ Rex filium habuit Agnarem, Alfi patrem, Eirici avum, Hildis proavum, Halfdani Munifici abavum, Gudriodi atavum, Halfdani Nigri tritavum, Haraldi Pulchricomi tritavi patrem, Bragningorumque familia illa cluet, inque Eyfsteinio Halfdani Albipedis filio enumeratur. Ab Hildere Dagi filio Hildingorum familia promanavit, hac serie: Hilderis filius erat Hildebrandus, Vigbrandi pater, Hildis & Herbrandi avus, Haraldi Grænfkii proavus, Asæ imperiosæ abavus, Halfdani Nigri, Haraldi Pulchricomi patris, atavus, ut in Gudriodi Venatoris vita demonstratur. Siggarr pater fuit Siggeiræ mariti Signyæ Volsungi filia, ut & Sigmundi, mariti Hildis Griotgardi Nordmariæ Regis filia, Griotgardi filius Sigar Signyæ pater, qvi Hagbardum jussit suspendi necari; appellaturque hæc Siklingorum familia, de qua in Griotgardo agitur. Illud hic notandum est, Siggarris Halfdani filii ex Sigmundo neptem Signyam Hagbardi amantiam primam (fide Originum Norvegiæ, quippe cæteris monumentis Halfdano gradu propiorem) fæminam fuisse in familia Halfdani, natam post trecentorum annorum excursus, à sacrificio inusitati senii consequendi causa facto. Verum Halfdani abneptem fuisse Signyam, haut quisquam pervaserit, nisi in decrepita senectute proavus avum, avus patrem ejus, & ille iterum eam progeneravit. Sed cum hæc ex fabulis desumpta sint, lectoris arbitrio permittimus, quicquid ipsi statuere libeat; quod si vera essent, statuerem hæc incidisse in tempora patrum Davidis, Israelitarum Regis. Snorrius autem Sturlæus, Dageidem, Dagi Daglingorum authoris filiam, Halfdani neptem, Signyâ priorem nobis ostendit, unde vanitatis convincitur, quod de trecentis illis annis hucusque ex Originibus exposuimus. Skelfir Vaurfæ Rex fuit, filius ei Skioldus, nepos Eiricus, pronepos Alrechus, prædii Alrechstadi, ut viderur, fundator & eponymus, abnepos Eiricus Disertus, atnepos Alrechus Vegetus, trinepos Vikar, cujus filius Vatnar Hialli pater & Snialli (Codex Flar: corruptè Imaldum appellat) item Eirici, cujus filia Gida Generosa virgo, quæ Haraldum Pulchricomum, monitu de invadenda Norvegia, jam absolutum universi regni Monarcham factum, maritum meruit. Verum haut exiguum hiatum produnt duo coævi primi Islandiæ incolæ, Audur nimirum Prædives, & Hrolleifus, quorum quilibet a communi stipite Vatnare quinto gradu distant, illâ secundum tenente, utpote nepte; Hiallo enim natus Grimus Ventosus; ejus filius Biornus Buna (Arngrimo vertente, pedo; mihi cataracta)

tracta,) filius ejus Ketill Flatnefus, Auduris pater. Sniallio natus Einar, cui filius Aulver, Infantum Vetulus dictus, quod more piratis usitato abstinere ab infantibus crudelitatem, hastarum aliàs cuspidibus in sublime levare solitis, ibique immiti cruciatu genere enecari. Ejus filius Einar Hrolleifi pater, qui inter primos Islandiæ incolae recensetur. Næfill Rex Niflungorum familiam condidit, erat enim pater Heimaris, cui filius Egnefus, nepos Ratin, pronepos Giukius, abnepotes Gunnar & Hognius; abnepotes Gudruna, Gudnya & Gullraund. Tres residui Halfdani filii intra patriæ limites consensere dedignati, peregrinas terras armis occuparunt; Lofdius quidem Reidgothiam, seu Jutiam, ubi etiam Rex factus est, ejus milites Lofdat seu Lofdii denominabantur. Filii erant ipsi Skeckill maris Rex, & Skylus, cui filius Egdur, nepos Hialmther, pronepos Eylimius, abneptis Hiordys, atnepos Sigurdus Fafnericida, trineptis Aslaug mater Sigurdi Angvioculi, patris Aslaugis, quæ suscepit Sigurdum Cervum, Ragnhildis, Haraldi Pulchricorni matris, patrem. Familia illa Lofdungorum titulo insignitur. Budlius & Audius Saxoniam vastarunt, magnamque partem domitam suo imperio subjecerunt. Budlius in Saxonia remansit, genusque ibi reliquit, quod Budlungorum familiam appellant; hoc modo autem recensetur in Norvegiæ Originibus, Budlius erat Attilis, Attilis Virferis, Virfir Leenfui, Leenfui Budlii, Budlii Saurlii, seu Serlii, Atlai, & Brynhildis matris Aslaugis. Hinc forte fama emanavit, Vittikindo Monacho in fronte libri primi Historiæ Gestorum Saxoniorum notata, de Saxonum a Danis Normannisque origine derivata. Audius longius in Vallandiam, forte Galliæ septentrionalis partem, processit, subjectamque magnam partem posteris suis reliquit, inde Audlingorum familia. Filius ejus Frodius, nepos Kiar, proneptis Aulruna, artis magicæ peritiâ in Odis nota. An ab horum altero profluxerint Comitum Zimbrensiū in Palatinatu stemmata, qui pro signo militari habent leonem, gestantem pedibus suis bipennem, Regum scilicet Norvegorum insigne, alii viderint. Adjicit adhuc author Originum Norvegiæ unam hujusmodi genealogiam: Rex Alfus Priscus præfuit Alfheimis, is pater fuit Algeiris, patris Gandalfi, patris Alfildis, Alfildis mater fuit Ragnaris Lodbrochis, patris Sigurdi Angvioculi, patris Aslaugis, matris Sigurdi Cervi, patris Ragnhildis, quæ mater fuit Haraldi Pulchricorni. An vero hic Alfus, à quo hanc genealogiam orditur, sit ipse Finnalfus, an verò ejus abnepos, Alfus quoque Priscus dictus, definire nequeo, quicquid sit, iusto tamen brevior hic ordo proponitur.

CAP. IV.

DE PROGENIE A GORE, NORIS FRATRE, ET GOE EORUM SORORE DESCENDENTE.



Actenus familias a Nore descendentes, secundum Originum fidem, nullâ excepta, sed ne una quidem personâ omisâ, & exscripti, & ex aliis authoribus supplevi, compleri enim eas posse valde dubito. Duæ tamen restant, in libro Originum omisæ, una ad Ivarem Vidfadmium ab Alfo, in Serie Regum Daniæ dudum exposita, altera ad Hertkiofum Thelamarchiæ

chiæ Regem, per Raumum, Alvorem, Glodem, Eymiriâm, Vikingum, Thorsteinum, Fridthiofum & Hunnthiofum, quorum vitas infra recensëbimus. Goris, qvi Noris frater erat, genealogia, sororisque eorum Goës supersunt, prior qvidem ex libro Originum Norvegiæ, posterior ex Originibus Islandiæ petita. Goris filii fuerunt Heitius, Beitius, Meitir & Geitir, omnes maris Reges & injuriis infames, qvi Noris filios, patruales suos, multis injuriis affectos crebris bellis fatigarunt, partesque imperii eorum sæpius invadentes variâ cum iis victoriâ pugnarunt. Beitius maris Rex, navi, Ellidio dictâ, Thrandiam ingressus, in mare Beitinum penetravit, ibique stativa habuit, ubi postea Beitisslær & Beitisstod, Jonæ Ramo *Þrittsaðir* / nomen remansit, navem autem trahæ impositam, ipse celsa in puppi sedens, clavumque tenens, per tectam nivibus terram, expansis velis, trans isthmum *Askureid* (Originibus *Ellsða eid* / fragmentis vetustissimis *Ellbueid* / hodie, teste Jona Ramo, villam *Elden* sitam in eodem peninsulæ colle, qvi hodie *Númedals eid* appellatur) in Naumdalos septentrionales nautis suis ducendam curavit. Atque ita vi pacti, qvò inter patres ipsorum intercessit, qvò insulæ omnes, tractusque maritimus navigio Ellidio inter continentem pervius, Goris familiæque ejus ditioni debebatur, Beitius sibi hoc vassamento provinciam à læva isthmo adjacentem vendicavit. Illius filius fuit Heitius (à cujus nomine Jonas Ramus *Hiterœn* derivat) Svadii nautici Regis pater. Geiteris filii erant Glammius & Gylvius, Meitir autem Goris filius, filios habuit Mævillum & Mindilem, Mindilis filii Eckill & Skeckill. Heitius, quartus Goris filius, filium habuit Svadium, ejus filius Halfdanus Grandævus, diversus a cognomine Noris pronepote. Illo natus Ivar Uplandarum Comes, cui filius Eyfsteinus Glumra, & ejus Rognvaldus Mæriarum & Raumsdali Comes, qvi & Potentis & Sapientis cognomina vivus reportavit. Hujus filii fuere Thorer Tacitus, paternæ ditionis dignitatisque hæres; alter Ivar, qvi in prælio, Hæbudibus ab Haraldo Pulchricomo illatò, occubuit; tertius Einar Orcadum Comes; quartus Halladus, etiam Orcadum Comes, quintus Hrollaugus, qvi in Islandiam concessit; sextus, qvi omnium maximus, Hrolfus (qvem exotici Scriptores Rollonem appellant) qvi postea cum superiore religione Roberti nomen assumpsit, primus Normanniæ Dux. Verum quanto defectu hæc genealogia laboret, quis non videt? Certe Halfdani Eyfsteinini vita plures Eyfsteini Glumræ majores recenset, verum locum, ubi huic catalogo inferantur, non indicat, nec tamen eorum numero compleri poterit.

Agmen claudit prosapia à Goe deducta, cujus maritus Rolfus de Rupe, Svadii filius de Dofris, matre Ashilde natus, Eyfsteini Regis filiâ, ejus nempe, qvi in Heidmarchia longo tempore regnavit, filius Goes Solvius Rex, Solvio natus Kaun Rex, Kaune Bodvar Porcus, Bodvare Thorer Rex, Thorère Aurn Hyrna, Aurne An vel Unnar. Unnare duo filii, Thorleifus Hvalaskufus & Bifrukarius, Thorleifo Bodvar Snæthruma, Bodvare Thorleifus Midlungus, Thorleifo Bodvar Albus, qvi ex Vossia in Islandiam tempore Pulchricomi trajecit, filius ei Thorsteinus pater Halli de Sida, viri in Islandia primarii. Bifru-Karii Ane vel Unnare nati filius Aslacus, Aslaco Ketill Haurdakarius, Ketille filia.

Thora, cujus filius Ulfiotus, primus in Islandia nomotheta.

CAP. V.

DE AUGVALDO ROGIÆ PROVINCIAE
REGE, ET PRÆDII AUGVALDZ-
NESLÆ EPONYMO.

Xpositâ Noris ex libro Originum Norvegiæ desumptâ progenie, eam quæ de Gardi Agdii præfapia a Rugalfo descendit, latiusq; describere statui, his subnectam. Rugalfo Rogiæ Rege Rognvaldus paternæ ditionis hæres satus est, ejus filius Augvaldus, in prædio Roga resedit, quod territorio Josurheide continetur, sito inter Rogiam & Thelemarchiam, & postea Vide & Videseu/ sive Vides paræcia, nuncupatô; dehinc in prædium Augvaldznesciam concessit, quod hîc in insulâ Kornte situm est. Coluit inter alios Deafros vaccam admodum religiosè, cujus lacte pro remedio morborum semper usus est, quàm etiam itinerum comitem, sive mari fide terra proficisceretur, ducebat, secumque moriturus discretis tumulis condi curavit; testes sepulchrorum duæ columnæ lapideæ, quæ inibi nuper visebantur, quarum alia a terra longitudinem triginta pedes, alia viginti sex erecta prominuit; prior etiamnum perstat, posterior anno millesimo sexcentesimo nonagesimo octavo, fortuito incendio simul cum universis ædibus conflagravit: de sepulcris hisce Codex Flati: pag: 139. etiam testatur. Venatum fortè, satellitio aulico comitatus, profectus erat Augvaldus, cum Regina partu levata Josurem ei peperit, cui Gunnvaldus Stordia) Stolen hodie vocant) Comes educationis officia præstitit. Bello cecidisse omnes Scriptores profitentur, quo vero inferente, variant. Vari- no hoc omnia Chronica Norvegica, tam illud quod typis vulgatum est, quàm MSS. tribuunt, quem Oddus Monachus Skoruftrandia Regem, jam paræciæ freto tantum distinctæ, fuisse tradit. Codex Flati: pag: cit. Dixium nominat. Hæsi vero Herois vita cum Hæklingo congressum vitæque spoliatum proficitur, firmatque relationem, sive umbræ Augvaldi, sive alicujus genii ipsum repræsentantis, testimonio. Nam circiter septingentos annos ab obitu ejus (nam circa annum Christi ducentessimum decessisse colligo) cum Finus Locuples Stafangriâ ad Islandiæ provinciam Akranesciam occupandam nave vectus in portu juxta tumulum Augvaldi ad anchoram navem ligasset, & inter alia à fociis nauticis jocò quæreret, quantum temporis effluxisset, ex quo ibi Augvaldus prædii eponymus habitasset, vocem intra tumuli penetralia rhythmum modulantem hoc sensu excepit. Longum quidem tempus elapsum est, postquam Hæklingum secutus ferocium canum manipulus, falsam præternavigans salmonum viam, cursum huc direxerat, tunc hujus villæ (tumulum intellexit) dominus evasi. Per salmonum viam mare intellexit. Colles propinqui hodieque ab Hæklingo, quem propria dialecto Kœklingum incolæ pronunciant, nomen sortiti fidem huic traditioni faciunt. Plures sive Duces, sive Reges conjunctum eum impugnasse videntur, nec omnium nomina singuli scriptores, sed tantum unius quilibet expressisse. Anno post natum Christum nongentesimo nonagesimo octavo, apertus est jussu Olafi Tryggvini tumulus uterque, ossaque bovina in alio reperta. Occasionem in vita illius lector cognoscat.

CAP. VI.

DE ALRECHO VEGETO HORDIÆ
REGE, EJUS UXORIBUS, ET BELLO CUM
JOSURE AUGVALDI FILIO, ET UTRIUS-
QUE EXITU.



Ugvaldi tempore in Hordalandia regnavit Alreclus, à militarium artium peritia, animique & corporis robore, nec non rerum gerendarum dexterritate *Frættin* dictus, quod Vegetum Saxo vertit; mihi latina vox non occurrit, quæ hæc omnia simul unico symbolo complectatur; placet tamen Saxonem sequi, & Vegeti vocabulo hæc omnia intellecta exprimere. Pater hujus Alrechi fuit Eiricus Disertus, avus Alrecus, prædii Alrechstadi ad oppidum Bergas siti (hodie *Orstad*) fortè conditor, proavus Eiricus, abavus Skioldus, à quo posterior Skioldungorum familia, à Danorum Regum diversa, promanavit, Atavus Skilfir, inde Skilfingorum familia, quæ & Skioldungorum, nam ab utraque denominatur, tritavus Halfdanus Priscus, Raumi nepos, Noris pronepos. Alreclus Vegetus Alrechstadi resedit, uxor illi Signia, Regis *Vorsæ* filia; magister aulae Kollus fuit, qui Regem in Sogniam proficiscentem comitatus venustatem Geirhildis Drifi filia, visæ sibi dum in coqvenda cerevisia occupata esset, identidem commendabat, quam postea ad summæ dignitatis gradum Dii propiti, licet neutiqvam gratis, promoverunt; nam dum linum tractaret, ultero ipsi Odinus, Hötti, nescio cujus, personâ assumptâ, se exhibuit, matrimonium Regis perpetuâ invocatione nominis sui utenti pollicitus. In reditu visa Regi, legitima uxor torique socia solenni nuptiarum festivitate efficitur: Kollus præmium fidelis operæ Comitatum & habitandi locum in Kollsey (Kolli insula) quæ *Hardfœ* ab aquilone respicit, reportavit, populò abundantem provinciam, (nescio an Kollsey in *Hallsfœ* posteritas commutaverit) ubi celebre monasterium. Non tulit Regina Signya æmulam Geirhildem, injuriam sibi novis nuptiis factam interpretata, itaque inter ipsas jurgia & continuæ rixæ ortæ, perpulerunt Regem ad alterutram repudiandam. Certamine igitur coqvendæ cerevisiæ institutò, eam se ducturum pollicetur, quæ sibi ab expeditione nautica redeunti pretiosior rem propinaret cerevisiam. Magno studio & sollicitudine utrinque coqvitur, conjugium Regium vel confirmatura vel diremptura. Signya Dea Freyæ, amorum conciliatrici, Geirhildis Hötto veteri & expertæ fidei amico vota vovit. Is sputum fecis loco præbuit, hoc antea stipulatus, quod intercederet inter illam & vas, dum cerevisiam vasi infunderet; uterum autem ferebat. Alreclus redux Geirhildem vicissè judicavit, se tamen vidisse filium ejus in alta cruce pendentem, Odino immolatum, modulatus est, significans zythi nobilitatem carè emptam. Ex Geirhilde postea Vikarem filium suscepit. Equidem fallor, si historia de Vikare Haraldi Agdenfis filio, præcipue exitu vitæ, in hunc Vikarem non quadrat, nam & hic Odino in utero materno devotus est, paterque hunc illi finem omninatus est.

Post obitum Ugvaldi Regis Jöfur filius successit, paucosque regnavit annos, cum simultates inter nutritium ejus Gunnvaldum Stordia Comit-

tem & Kollum, ejusdem fœminæ rivales, exarderent, tandem etiam æmulatio in apertum bellum evaderet. Interjecto tempore ex improvîso cum agmine militum Kollus in insulam Stordam deveniens, domum Gunnvaldi Rogii incendit, qui per medias flammâs erumpens non tamen evasit, sed protinus occisus est. Josur nutriti vindictam sitiens, milites anxie conqvisitos classi imponit, Kollumqve persequitur; quem is conspicatus, naves conscendit, boream versus vela daturus, cum Haroset prætervectus esset, sinum Grafdalensem intravit, ubi ei Alrechus Hordiæ Rex cum exiguo comitatu (neqve enim hostile quicquam metuebat) occurrit. Josur urumqve adortus magno certamine cum maximâ exercitûs parte occidit, universumqve Kolli comitatum in suam potestatem redegit, tanta celeritate, ut compositis rebus prius inde recesserit, quam Vikar Alrechi filius cum exercitû, quem interea undiqve collegerat, suppetiâs veniret. Postea â Vikare, dum fortè eo profectus esset, & præter spem diutius moraretur, de improvîso cum classe, â copiis instructissima, superveniente impetitus est. Adeo cruentè bellum illud gestû est, ut Josure cum exercitu ad internecionem deleto, omnes virilis sexûs, & quicquid colonorum esset, unâ occumberet, folis viduis & virginibus relictis, unde provincia nomen Övindherrid nacta, hodieqve obtinet. An in impuberes & infantes mares sævitum sit, silente historiâ haut dixero. Comitatus Kolli præmium victoriæ fuit, dono qvondam ab Alrecho Vikaris patre datus.

CAP. VII.

DE HIORE JOSURIS FILIO, ET VIKARE ALRECHI FILIO, EJUSQVE FILIO VATNARE, ET NEPOTIBUS HIALDO ET SNIALLO.



Uccesit Josuri filius Hiör, ditionis paternæ & vindictæ simul hæres; illam jactura Comitatus Kollsfœnsis minuerat, hæc omîssa famam hæredis omnino imminutura videbatur. His accensus Hiör, Vikari bellum intulit, quod longo tempore vario Marte gestum, tandem conditionibus, nobis incertis, pace tamen finitum est. Vikaris filius fuit Vatnar, cujus gesta præclara quidem fuisse constat, verum quæ ad nostram noticiam non pervenêre. Origines Islandiæ Vatnam Vikaris filium tradunt conditum esse in tumulo, petram Hachonianam ab austro spectante, duobus miliaribus ab oppido Bergis. Verum cum Vikarem illius patrem filium Harald Agdarum Regis fuisse volunt, vereor ne nomina eadem hic, ut sæpius, personas confundant. Credibilis nobis est, hunc Vatnam, utpote provinciæ hujus Regulum, ibi situm esse, quàm Vatnam eum quem inter liberos prioris Vikaris nunquam reperimus. Nec minor nobis suspicio oboritur de defectu quarundam personarum inter Augvaldum & Josurem, ob gradum inæqualitatem inter Josurem & Hiorem, & Alrechum & Vikarem, quorum isti decem & undecem, hi quatuordecem & quindecim â communî stipite Fornioतो remouentur, nominum fortè communione gestorum ordinem confundente. Post mortem Vatnaris tradit laudatus liber, mercatorem qvendam, dum navi prope bustum illius veheretur, vitam & gesta Vatnaris exposuisse, magntanimum Regem eum memorando; cumqve

sub tumulo in navi, ad anchoram commorante, somnum caperet, visum ei per quietem Vamarem, adstantemque dicere: Exposuisti historiam meam, accipies & præmium, quare in tumulo meo pecuniam & invenies; quod etiam expergefactus fecit, reportatâ vi æris haut exiguâ. Duos filios (tertium Eiricum Origines Islandiæ, quàm rectè nescio, adjiciunt) Vatnar reliquit, nomina illis Hialdus & Sniallus, quorum gesta præclara fuisse, quidam genius, post annos ab obitu eorum ultra septingentos, secundum nostrum calculum, prodidit. Etenim cum Haraldus Imperiosus Norvegiæ Rex, S. Olafi frater, in Hallandia ad Glumsteinum (prædium ne an parœcia sit, compertum non habeo) cum exercitu excubaret, vidit ibi duos colles eximie magnitudinis, alium super petram ad marginem maris, alterum paulò superius erectos, quæsitque, quinam illic siti essent? nec erat, qui illius rei notitiam haberet. Nocte proximè secuta, vidit vir quidam, nomine Sigurdus Hvitus, per quietem, virum sibi adstantem & cantilenam modulantem, quæ prodidit tumulum, quem petra sustineret, sibi, alium fratri Hialdo excitatum esse, memoratisque fortibus suis factis, monuit, postridie cruentum certamen instare, victoriamque illis protendi. Credo contigisse hæc, cum bellum ad Nissam gestum esset. Eadem nocte dormienti Biorno Buckio, ejusdem Regis militi, exhibuit se vir quidam habitu (ut postea compertum est) haut dissimili ab eo, qui Sigurdo conspectus est, rhythmumque canens, quò se Hialdum nuncupavit, indicavit se unâ cum fratre adversus hostes fortiter præliantem, hoc in campo cecidisse, instans certamen victoriamque ominatus, strageque futurâ gavisus, quam rarò nimis contingere quæstus est. Confecto bello, cum Haraldus Rex in regnum rediisset, retulit illi Karius Nigër, cognatus Thiodolfi de Hvine, quod illi fratres Sniallus & Hialdus fuerint filii Vatnaris, Regis bellicosissimi. Hialdi uxor fuit Hervor, filia Thorgerdis, cujus pater fuit Helgius Halogiæ Rex. Numerosa prole ab utroque fratre progenerata est.

CAP. VIII.

DE HIORLEIFO MULIEROSO ET EJUS
UXORIBUS.

Hior Rogiæ Regulus per incrementa fortunæ, industriam domi forisque sustentantis, cum potens admodum evasisset, morbo extinctus, in Rogia magnificè tumulatur, relicto filio Hiorleifo, non magis imperii, quàm virtutum paternarum hærede. Hic etiam Hordiæ Rex fuit; an verò pater illam acquisiverit, an Hiorleifus, nusquam invenio. Crediderim Vikarem conditionibus pacis, cum patre Hiore initis, inferiorem fuisse, exinde filiorum ejus res accisas incrementum Hiori attulisse. Uxor Hiorleifi prima fuit Æsa Candida, Eysteini Comitis Valdrensis filia. Tantum ipsi libertatis & benevolentie comparandæ studium fuit, ut cum magnam mobilium bonorum partem in amicos & benè meritos erogasset, ipsemet indigeret. Navem igitur magnam exstrui curavit, quâ Biarmiam peteret, rei familiaris lacunam inde suppleturus. Insula Naumudalensi ostio adjacet, nomine Niardeya (Nerdæ hodie nuncupatur) incoluit eam magni nominis vir, Regia profapia oriundus, nomine Hognius, ab insula Hognius de Niardeya dictus, cujus genus in Gardi Agdii progenie prolixè explicatum

tum est. Hic Hognius opulentiae famâ celebris, Hiorleifum magnificô per triduum excepit convivio. Duo illi liberi erant, filius Solvius, avi; filia Hildis Gracilis, amitae magnae, nomina referentes. Hiorleifus visâ filiâ, licet uxorem domi haberet, hujus tamen amore captus totus exarsit, quippe virgo Venerem ipsam formae decore vel superare, vel certe exprimere videbatur, virtutibus etiam magnis praedita; quarum specimen postea exhibuit. Illam igitur, consentiente patre, uxorem denuo ducit, convivio in festivitatem nuptiarum converso. Potius virgine Hiorleifus susceptum iter persequitur, nova nupta & fratre Solvio comitantibus. Cum ad ostium fluvii Vinæ (Dvina est, Biarmiae fluvius) perventum esset, classiariis numero nonaginta in tres partes divisus, sua cuique munia obeunda commisit; una eum ad indigenarum impetum repellendum secuta, alia navium custodiae sub imperio gubernatoris relicta, reliqua, duce prouta, tumultibus mortuorum effringendis, opibusque tollendis adhibita. In australi Fimmarchiae parte Gardeyargeinis (sive Gardeyae portus, vel finis) dum stationem haberet, visus est gigas quidam, ejus generis, quos Brunnmigas appellarunt, dum famulorum pars succensu igne focum aleret, alia aquarum profecta prope rivulum monte delapsam consisteret; quod ut cognovit Hiorleifus (nam aqua famulos prohibebat) hastam aculeatam igne excandefactam in eum conjecit, cecinitque cantilenam, quâ ipsum capto desistere hortatur. Fontem, inquit, dimitte, monstrum, neque intueri, mancipium detestabile: in tuam domum hastam ardentem sum conjecturus, usturam ora tua. Gigante ergo recedente tuto aqvabantur. Cum vero Rex foco affladeret, monticola ex rupe hæc modulatus est: Uxorem tuam, ô Rex, probè novi, etiam id quod ipsius felicitatem subvertet. Praesagire visus est ea, quæ mox narrabimus. Rex arreptum idem telum per oculos monticolæ trajecit. Nec alia memoratu digna in itinere illo acciderunt, usque dum in Niardeyam delatus, æque socero summâ lætitiâ & mutuâ gratulatione exceptus, invitabatur ad tempus aliquod ibi tarendum, filiaque in paternâ domo exhilarandæ concedendum. Verum propriae domus occupationes, moræ longioris impatientes, cum excusaret, dimittitur. Hildis duabus tantum pedissequis comitata est, Solvius etiam frater viginti famulantium satellitio stipatus. Reditum Regis universa domus effusissimo gaudio prosecuta est. At sola æmulam moleste ferebat, sibi decedere rata, quicquid amoris conjugaliter alteri daretur. Conceptam igitur iram in occasionem vindictæ suppressit. Contigit autem, ut eadem, quæ in Biarmiam nave vectus erat, ad Konghellam navigaret, non id temporis oppidum, sed à petra, quæ Reges eo ad comitia universalia convenientes, de communi regnorum utilitate deliberaturos exceperat; sic dictam. Ibi inter alios Hreidar Sialandiae (Sellandiae) Rex tentoria sua tabernis Hiorleifi contigua fixerat, unde ex vicinitate inter Hiorleifum & Hreidum Hreidarum filium colloqvii, mox visitationis, mutuæque invitationis & conviviorum commercium exortum, ad amicitiam nexum processit, quo vero studium suum Hiorleifo testatus esset, patrem Hreidum hortatur, ut eum inde secum domum ad convivium invitet. Aegrè pater petitis filii acquievit, suspectum sibi rei ejus eventum testatus, se tamen exorari passus ad ultimum annuit. Navigant simul in Sialandiam, celebratur convivium, magno sane apparatu. Ibi Hringia Regis filia, eximia formæ virgo, Hiorleifum, virum à natura moribusque Mulierosi cognomen exinde sortitum, amore sui adeo accendit, ut intercessione Herii fratris illam sibi uxorem à patre, sed consentientem, impetraret. Nuptiis igitur cele-

bratis, dictâqve dote, navi remigibus instructâ , pretiosisqve mercibus onustâ, cum novâ nupta domum repetit. Medio inter Cimbriam & Norvegiâ pelago, sudo tranquilloqve cœlo, prodigiosâ magnitudinis mons sub ortum Solis, humanâ formâ, mediis undis exurgere visus est, rhythum hoc sensu modulatus: Video Hringiam tumulo coopertam, Herium etiam hastâ transfixum, Hiorleifum perplexis impeditum vinculis, sed Hreidari crucem paratam. Inde navis quasi immobilis nusquam impellebatur; expediuntur itaqve remi, sed mox inhihentur, eo quod Hringia gravi morbo repente affecta concussionem sustinere nequiret. Horâ sequentis diei eâdem, qua in morbum incidit, decessit, feretroqve imposita in mare projicitur, locus autem tanta celeritate retrogressus est, ut sex remiges scapham agentes assequi nequirent. Herius frater omnium primus loculum prope navalia patris appulsum conspexit; inde suspicio sublata a Hiorleifo conjugis, illo persuasore, patrem subiens, eum, tanquam sceleris atrocissimi manifestè convictum, infamem Danis & execrabilem reddidit.

CAP: IX.

DE EXTRACTO A PISCATORIBUS TRITONE, EJUS PRÆDICTIONE, IMPRESSIONE HREIDARIS IN DITIONEM HIORLEIFI, HERII CÆDE, ET VINDICTA IN HREIDAREM.



Ander & Hinder, alter parens, filius alter, piscatores in Hordia erant, hi eodem autumnno, quo hæc contigerant, homunculum marinum, ejus generis, quod Tritones vocant, hamo mari extraxerunt, eumque Hiorleifo exhibuerunt. Is fidelis fœminæ custodiæ traditum benignè haberi mandavit, nullis tamen blandimentorum illecebris, nullo obsequii studio, vox ei ulla elici poterat. Accidit forte ut qui a candelis erant, lucta ludoqve se exercentes, lumina inter strepitus extinguerent, Hildisqve liquore lucernæ, tenebris derepente obortis, langvente manu, Asæ Regiæ conjugis togam aspergeret, qua re offensus Hiorleifus alapam ei impexit. Asâ vero causam in recumbentem in pavimento canem transferente, etiam eum verberavit, id quod Tritoni risum movit. Regi causam risus inqvirenti, respondit: Quia stultè fecisti, uxorem & canem verberando, futuros vitæ tuæ conservatores. Plura qværentem responsò dignari noluit. Rex libertatis conditione proposita, mari se redditurum pollicitus est, si id, quod sua interesset, ederet. Rhythum ergo cecinit, quo immittens à Hreidare bellum ut præcaveret monuit. Sensus hic erat: Austrum versus ardere pelagus visum mihi, Danusq; Rex in vindictam filiæ, navibus innumeris instructus, ad Martis aleam Hiorleifum provocans: præcave providus, modò velis. Ego mare desidero. Rex demitti eum eodem loco, quo extraxerunt, jussit; cumqve eo perventum esset, versus tres, ejusdem cum priore sensûs, modulatus est, verbis tamen periculum exagitantibus. Satis suppetit, quod Halogensium filiis (Norvegos intelligit) referam, haut quidem acceptum, si tamen audire libet. Ruit ex austro procella, sanguinolenta quidem, acta vento ex Dania; caput galeata, tegmen Martis ferreum gestans. Brevi, pueri (ventura namqve prospectio) Bel-

Bellona hic grassabitur, intonans arcuum sonitus increbrescet, namque has provincias oculis lustravi. Quilibet domesticus gladiō & hastā instructus esto, priusquam procella belli excitabitur: quod si verum sit, certe nimium malum, antequam ver appetet, omnes carē emisse constabit.

Reidarī vīctoriā innuisse videtur. His finitis in mare demergitur. Rex meritis gratiam rependere sūetus, Handero & Hinderō usum villæ liberū unā cum servo & ancilla donavit. Inde militē ex omni ditioni subiecto territorio conscriptū, in ipsa regia præstituto die convenire iussit. Eadē nocte canis ejus Flokius latratum edidit, nunquam aliās nisi imminente periculo latrare solitus. Prælagivit is & præmonuit, Hreidarem numerosa cum classe & ingenti exercitu appropinquantem. Qui simul ut litori improvisus appulsi, regiam militibus cinxit, ardentēque faces subjecit, qui undiqve domum circumfistentes, ne quis elaberetur, anni sunt. Hiorleifus, ut se ab altera parte ardenti tecto urgeri, ab altera armatorum inevitabili manu, tantā agilitatis exemplum edidit, ut libratō per auras corpore, agmen militum saltu transmitteret, simulque hasta magno nisu retrō coniectā Hreidarium transfixum exanimaret, quod tamen magis ex hostium vociferatione, quā cæco ictu cognovit. In saltu deinde cum delitesceret, Regiam universam concepta flamma in rogam conversam, Hreidaremque spoliis onustum, cum utraqve conjuge sua captiva, vīctoriā ovantem & recedentem conspexit. Angebat ingentis spiritus virum tam atrox injuria, nullo suo merito ab homine, non solum amico, sed etiam socero, illata, tum domus opesque Regiæ in favillas redactæ, spoliaque hostium etiam uxorum suarum accessione nobilitata. Itaque quā primum ante autumni exitum poterat, navem unam lecto potissimum milite instructam adornat, ventisque ad votum spirantibus, ad Regiam Hreidarī, nemine sentiente, vespere quodam pervenit, militibusque ad navem relictis, solus ad Gynæceum processit. Omnes præter Asā uxorem suam lectis excessisse deprehendit. Hac igitur occasionis oportunitate usus, oravit illam, ut se ad Hreidarem, jam securum & nihil mali metuentem, duceret. Illa tempus locumque exequendæ vindictæ aptum, curā sibi futurum præfata, quo minus obviatorum observationi pateret, arcæ (vadæ sibi habetur) se ut includi pateretur, hortata est. Libenter Rex consiliis, quæ conjugalī sollicitudo & charitas suggessisse videbantur, paruit. Sed illa injuriis connubiorum jam satis diu patienter dissimulatis, nec ultra ejus se arbitrio permittere, nec vindictam intermittere sustinuit, stimulabat etiam novi domini promerendi, tantoque sibi officio devinciendi cupidō & oportunitas; maritum igitur arcæ tanquam nassæ inclusum, Hreidari, insidiatorem vitæ suæ & propemodum interfectorem, prodidit. Qui se non hostis solum potentissimi potitum, sed etiam ipsius opera conjugis, ejusdemque communium liberorum, eorumque superstitem & tenellorum parentis, gratiam suam, mariti tam celebris & opulenti præferentis, præsentissimum vitæ periculum evasisse valde gavisus est, ipsius igitur arbitrio quid de illo fieri vellet permisit. Illa fortitudinis ejus felicitatisque conscia, vindictam forte, si elaberetur, verita, feralem sententiam edixit, suppliciique modum, ut inter duos ardentē focos in aula regia, propriis corrigiis in cruce suspensus necaretur, judicavit. Ad nutum ergo edictumque Regis, & arbitrium Asæ, periturus tublevatur Hiorleifus. Quo ad hunc modum de cruce pendente, lætitia exultantes aulici ministri omnes dilapsi sunt, perfunctos se supplicii spectaculo

culo rati: quod ut Hildis, quæ sola mariti vicem ægerimè, sed sup-
presso dolore, ferens remanebat, observavit, vitamque adhuc in pectore
residuam palpitare, ardore primum ignis infusâ cerevisiâ extincto, cor-
rigias ensè rescavit. Ereptus ad tempus, magis quam periculo libe-
ratus sibi visus est Hiorleifus, igitur absque mora se in Regis triclinium
conculit; ibi dormitantis Regis gremio insidentem Æsam deprehendit,
quem infesto cuspide petens, per pectus transossium exanimem reliquit.
Inde ad navem celeri cursu se prorapiens, collectis classiariis, quam ci-
tissime in Regiam domum cum infesto agmine rediit. Omnes Hreida-
ris domestici in vincula coniecti vita deinde donantur. Hreidar mor-
tuus cruci, quam evasit Hiorleifus, propriis corrigiis suspensus affigitur.
Ferunt eadem nocte, quæ Hiorleifus venerat, auditum Hreidari carmen,
quo & Herii filii mors in memoriam revocabatur, & Hiorleifus ventur-
us nunciabatur, verum, ut dici solet, surdis narratur fabula, quoties iis
salubria consilia dantur, quos extrema fata urgent. Ditionem deinde
universam, imperio Hreidar ante subiectam, suæ potestatis fecit, civi-
bus ad sacramentum fidelitatis adactis, præposuitque Solvium uxoris suæ
fratrem, Comitatuque donavit. Eum denique partem Jutæ sibi subjecis-
se tenuisseque, ex Chronicorum Norvegorum loco, qui de Eyfsteino A-
dilis filio agit, colligitur.

CAP. X.

DE SEVERA POPULI SENTENTIA IN
ÆSAM, HIORLEIFIQUE CLEMENTIA, EORUM LI-
BERIS ET PROGENIE, ET HIOROLFI HILDE NATI IM-
PRUDENTIA ET VILITATE.



Hiorleifus ancipiti primum, deinde obsequen-
tissima fortuna sublatus, auctus peregrino imperio,
præda ingenti & opimis spoliis onustus, victor in pa-
triam rediit, ambabus uxoribus receptis atque re-
ductis. Redux comitia valde frequentia indixit,
ibi Æsæ causâ cognitioni populi subijcitur, ipsâ reâ
& Hilde, quò utriusque merita conspectiora essent,
præsentibus. Vivam paludi immergendam populus pronunciavit. Rex
clementiam severitati præferens, ad suos eam una cum dote remisit, mo-
tus forte causâ muliebris iræ, licet nequaquam justæ, tamen in causâ
zelotypiæ infrenis, & sexûs vitiò insuperabilis, suâ quoque culpa pro-
vocatæ, tum etiam consunium liberorum respectu. Primi Islandiæ incolæ
ad Hiorleifum & Æsam genus retulerunt. Filii eorum fuit Oblaudus, pa-
ter Otryggi, Otryggo nati filius Hognius Candidus & filia Signya, quæ
nupsit Orlogo, eorum filius Ketill Gufa, inter primos insulæ illius inco-
las vir celebris. Högnii Candidi filii fuere Ulfus Skialgius (â quo inco-
læ provinciæ Reikianesiæ in occidentali Islandia se ortos profitentur, ve-
rum profectò longiore serie quam hic traditur) & Eiricus, filius illius
Geirleifus, Bardastrandæ primus incola; eò genitus Oddleifus Gesti
Sapientis pater, cujus in historiis nomen præclarum, hodieque per u-
niversam insulam memorabile viget. Quomodo Solvius deinde potitus sit
Svecia, alio libro latius exponam, quò etiam lectorem remitto.

Hor-

Hiorleifus totâ vitâ rerum præclare gestarum famâ nominatissimus, ad ultimum piraticam strenuè sectando, medio pugnae ardore occiditur, relictis ex Hilde duobus filiis, Hiörolfo & Halfo, fratre septennio minore. Fuit Regulus nomine Asmundus, cui Hildis postea nupsit, hic tutoris nomine regnum pupillorum administravit, eosque, pro temporum illorum conditione regiè quidem educavit. Octavum supra decimum annum ætatis Hiorolfus agebat, cum classẽ, milites, armaturam, comæmentum, & quicquid ad nauticam militiam vel utile vel necessarium videretur, comparavit. Cura ei maxima illius pompæ, quam numerus, non item virtus, speciosam redderet. Coiverunt in eam classẽ navigia magna parvis, vetustate trita novis commissa, militiam partim servi, partim liberi, utraque turba maximam partem imbellis & imperita, constitebat. Arma erant fudes, clavæ, baculi & unci. Contentus erat speciem justi exercitus, vel potius umbram, præbere. Itaque in proverbium, etiamnum in Islandia usitatum, abiit, ut vilissima quæque Hiorolfi instrumenta nuncupentur. Verum brevi didicit, fortes homines nequam vano terrore duci, nec peritos ac veteranos ab imperitis & tyronibus impunè laceffi. Nam cum ad manus ventum esset, una eademque ætate quater fufus fugatusque, militibus quoquoversum dilapsis, ut quibus omnis salutis spes in pernecitate pedum latebrisque sita esset, sub exitum autumnii, amissâ classe, domum reversus contemptui fuit.

CAP. XI.

DE GESTIS HALFI REGIS SEU
HEROIS.

Alfus detrimento fratris cautior, ingenio viribusque melior, licet admodum adolefcens (duodecimum namque annum agebat, inque ea ætate nemo illi, vel animi vel corporis fortitudine etiam justæ ætatis, æquari poterat) subsequente vere, quod in annum Salvatoris, calculo meo, circiter quingentesimum vicesimum septimum incidit, unicum tantum myoparonem, noviter ex materia exquisitissimâ firmiter ædificatum, expedit, quem delecto milite, virium fortitudinisque experimentis probato, instruxit. Stabat in areâ saxum, singulis roboris specimini edendo collocatum, cui qui levando impar esset, inhabilis judicatus in collegium admitti nequibat. Duodecim virorum robur in singulis requirebatur. Verbum qui meticulosum ediderat, aut in faciem vulnere uno fauciatum vultum mutaverat, pariter repulsus est, justis etiam roboris ætas requisita, senibus quidem annum sexagesimum transgressis, adolescentibus infra decimum octavum exclusis. Fuit in Hordia satrapa, nomine Hamundus, Hromundi Berferchii filius, Hrolfi nepos, Hoddbroddi pronepos, Haudi Hadalandiæ eponymi abnepos, Raumi atnepos, Noris trinepos. Frater illi Hakius, soror Gunnlaud, Codici Flat: (Halftamen Vita ex sorore genitum memorat) filii duo Hröchi dicti, sed colore discreti, unde Albus alter, alter Niger nuncupabantur. Gunnlaud nupsit Comiti in Hordia Alfo, illis etiam duo ejusdem nominis filii, Steini dicti, fuerunt, provectior alter annorum octodecim Halfo Regi à consiliis.

liis fuit, minori ætas, qvò minus admitteretur, obstitit, nam duodecimum annum non exceſſerat. Cæteri omnes in expeditionis focieratem recepti ſunt. His acceſſerunt Eigill & Erlingus, inſignes viri, ruſtici cujuſdam opulenti, nomine Aſlachi, filii. Vermundo erat ſignifero nomen. Quatuor tantum intra aulam inventi ſunt idonei, inde per undecim provincias delectus habitus, nec ultra duodecim admiſſi. Viginti & duo fuerunt, cum primum portu ſolverent. Præter jam commemoratos hi etiam numerantur: fratres duo Haukus & Valus, Stir Robuſtus, Dagus Generoſus, Borchus, Bryniolſus, Bolverchus, Hachius Hringus, Halſdanus, Starius, Steingrimus, Stufus, Gautius, Bardus & Bior-nus, omnes invicti animi, prodigioſiqve roboris pugiles. Piratica certis etiam legibus conſtabat, variae erant conſtitutiones, nimio ardori oſtendendo excogitatae. Nemini fas gladium ulnâ longiorem gerere; cominus cum hoſte congredi oportuit; gladii unica tantum acie ſuperius craſſi, tubo lato, iſtibus aggravandis idonei; ſœminæ & imbecillis ætas captivitati exemptæ; vulnera poſt viginti horas primum obliganda; navis nec velis integenda, nec vela in medium malum demittenda, quantumvis horrendâ tempeſtate ſæviente. Primo vespere, cum portum peterent, plueretqve admodum, quæſivit Steinus, navis nê velis eſſet integenda? Cui Rex: An & hic triclinia, perinde ac domi, obvelanda duceret? inde illi Innſteini nomen inditum. Poſtero die adverſo vento acrius ſpirante, cum promontorium aliquod ſuperare anniterentur, vir quidam è rupe clamans navi ſe recipi poſtulavit. Annuit Rex, modo ad anſam gubernaculi uſqve ad vesp̄eram iisdem veſtigiiſtationem perageret, qui acceptâ conditione, hōc ſe Regi propiorem futurum reſpondit. Hic fuit Steinus junior, Alfi & Gunnlaudiſ filius, exinde Utſteinus dictus, contra legis verba, non item mentem, receptus, cum iſ duodecim annorum, robuſtiſſimos vel æqvaret, vel ſuperaret, & hic erat militum decimus tertius, quorum numerus ultra ſexagenarium nunquam exc̄ſcere per-mittebatur. Communit̄ Halſſerectar (Halſi heroēs) dicti ſunt. Ante promontoria excubare mōs erat. Octodecim anni hoc vitæ genere evoluti ſunt; multæ interea gentes & populi tam parvâ manu laceſſiti, rapinæ & ſpolia undiqve congeſta victorias eorum præclaras reddiderunt; quarum fama ingens, hiſtoria nulla, præter fragmenta quædam, ad nos pervenit. Illud tamen extremæ temeritatis magis quam fortitudinis exemplum nulla ætas obliterari paſſa eſt, qvò geſtorum etiam eorum pen-ultimum fuit. Nam cum in Hordiam tendentes ſubitâ tempeſtate obortâ periclitarentur, maluerunt ſortiri ad levandam onere navem, qui ſe in mare vivos præcipites darent, quam demiffis ultra dimidium malum velis, leges nauticas violare; quaſi hominum ſalus legibus ſervandis, non leges ei conſervandæ, inventæ eſſent. Sed ſupervacuum erat ſortis experimentum, ſingulis vices damnatorum ſibi vindicantibus, certatimqve præripientibus. Itaqve cum latera navis ſumma cum alacritate tranſilirent, pari clamore ſe invicem exhortantes: Extra latera navis nulum eſſe ſtramen, vociferati ſunt. Quæ jactura univerſis fati omen & tanquam nunciuſ extitit. Nam Halſus cum reſiduâ militum manu in Hordiam ad vitricum cum perveniſſet, ſummâ benivolentiæ ſimulatione, exhibitis ſingulis ad officia deferenda pertinentibus honorum generibus, exceptus eſt; nam & vitricus ei venienti ad naves uſqve obviam proceſſit, paternum regnum reſtituit, juramento firmavit, ſe fiduciario in poſterum jure tributariōqve illud adminiſtraturum. Cumqve redi-tum.

tuum rationes reddendæ essent, abunde se ei satisfacturum, statimque soluturum pollicitus, inque eum finem instructo convivio, cum dimidia comitum manu eum invitavit. Credidit Hulfus phaleratis versutissimi Reguli verbis, inque posterum diem edixit, ut dimidia parte ad naves remanente, residua eum ad convivium sequeretur. Fuit Innsteinus vir sagax & solerti ingenio, cui Asmundi humanitas & pronus in privignum animus valde suspectus erat, quem imperio tutelari pro arbitrio frui, quam restitutio ad obsequendi necessitatem devolvi malle facile perspexit. Igitur exquisitis verbis metricè conabatur Regem à convivio avertere. Svasit ergo, ut facinus, quod is animo volveret, ipse occuparet, dolumque malum, fraudes, & fallacias in ipsum retunderet, quod si simul omnes navibus egressi eum obruerent, facile sceleris machinati technas eludi, & vindictam de ipso auctore sumi, postea spreti consilii seram fore penitentiam, occasionem exsequendi nullam, propositum namque Asmundo omnes simul, unà cum ipso Rege, sub specie fœderum & benivolentiæ per insidias tollere, nec aliud apparere vel ipsi Regi, si amicorum consiliis quam proprio impetu moveretur. Rex Juramentum intercessisse, indignum ipsi Asmundo visurum alium Regem fidem suam secutum, nedum privignum, decipere, gazam & opes apud eum reservatas se recepturum, interque milites distributurum affirmavit. Instat Innsteinus regerere, Regem Odini iram sibi conscivisse, eo quod insidiosus Asmundi promissis illectus mentem sanam exuisset. Eò Rex increpatò, quod quæ ad metum inclinarent, sæpe loqueretur, opes, aurum, & cætera, quæ in villis Asmundi essent, sua esse identidem repetivit. Innsteinus, ubi Regem adeò obstinato animo vidit, ut nulla quantumvis salubria consilia admitteret, ad somnia repetenda se convertit, visamque sibi flammam socios depascentem, adeo ut difficile se inde explicare possent, commemorat. Rex loricas eximias humeros eorum ornaturas, claritate materiæ præfulgidas, ardentium carbonum speciem præbituras, conjectavit. Innsteinus etiam per quietem visum sibi in humeris eorum ignem ardere. Nihil aliud denotare ait Rex, quam galeas auratas, & loricas splendidas, quæ præcùl è montibus conspectæ flammam imitari viderentur. Tertium deinde somnium Innsteinus exposuit; quod sub aquas demersi viderentur, nec emergendi spes ulla. Rex satis eum insanivisse, tales quisquillas nullius esse momenti; vetuitque, ne ex illo tempore somnia se præsentem referret. Cum autem se nihil bene monendo profecisse animadvertit, Hrochos ambos & Utsteinum fratrem hortatur, ut magis salutis Regis, quam imperii rationem habeant, omnesque simul classarii ad convivium Regem comitentur, Rege quantumvis repugnante. Utsteinus imperia Regis antea omnia observanda esse monuit, sibi cum sociis obsequendi gloriam relativam, ejus prudentiæ vitam & fortunas omnium commissas, petit ut frater optimo Regi debitum obsequium non retrectet. Tandem Innsteinus, quamvis eventum feralis convivii & animo facile prælagiret, & ex certis indiciis prævideret, cessit tamen, quantumvis ægrè, imperio & voluntati Regis, urgentis fati inclementiæ, tanquam mente moti, utilitati honestum præferens, admodum questus, consilia sua, quorum, quoties magnum quid gerendum esset, neque se unquam, neque Regem, neque socios poenituerit, jam postquam ad Asmundum ventum sit, tanquam vesana contemni.

CAP. XII.

DE HALFI REGIS EXITU, UTSTEINO ET HROCHO NIGRO, PERICULO EREPTIS.



Um in domum vitrici convenissent, magna alacritate excepti sunt; multa ibi hospitum invitorum turba, specie honoris privigno deferendi, domum deducendi, convivium vel confesum vel administratione exornandi, undique convenerat. Potus in primis generosus de industria apponitur; quo liberior hausto, omnes periculi immemores securique obruuntur; tandem omnes & singulos gravis somnus oppresfit. Afundus interea armatorum militum stationes, rusticorumque turbam triclinium circumfistere jubet, qui exitum singulos prohibeant, egresosque trucidant, ipse facies subdi curat. Primus pugilum Halfi somno excitus, ut universam domum fumantem animadvertit; sudant, inquit, accipitres nostri, nec plura locutus quieti se iterum reddidit. Qui proximus evigilavit, ut ardere triclinium vidit, cera ex gladiis nostris stillat, ait; nec exsurgere ipse vel alios excitare sustinens, iterum acquievit. Ipse Halfus novissimè expergefactus, ut domum, tecta, parietes, & laquearia concepto igne flagrantia ab armato insuper milite obsideri vidit, omnibus excitatis author fuit, ut arreptis armis exitum; ruptis angularibus triclinii commissuris, molirentur. Facto igitur in parietes impetu, compage domus ab ea parte soluta, omnes eruperunt. Verum tantus erat obsidentium numerus, ut elabi somno vinoque sepulti, fumo etiam & flamma prope oppressi, nequirent, in confertissimos igitur hostes invecti, multis cæsis, a pluribus pauci, verum hautquaquam inulti, trucidantur. Ferunt Innsteinum cum excitatus vidisset, quas prædixit, insidias ad exitum perductas, hortatum socios, ut eruptione per parietes facta, in hostium globum se inferrent, dolumque & technas ipsorum sanguine vindicarent. Deinde Regia munera donaque quæ vitricus pollicitus est, ad quæ etiam persolvenda ex fœdere tenebatur, comiter perstrinxit, novissimè se ipsum solatus, neminem esse dictitans, qui in perpetuum vitam prorogaret. Tanta ejus in Regem fides, cum antea semper, tum præcipue hoc conflictu enituit, ut nusquam à latere ejus discederet, sua pro ejus defensione ubique objiendo, cujus incendio elapsi, fortissimeque & ad admirationem omnium prælium cientis, cum cædendo defatigatus occumberet, virtutem metrico elogio ad medium noctem superstes celebravit, incredibilis sibi voluptatis loco fuisse professus, quod ridens Rex occubuerit, in mortem perinde ut omnia pericula invictus. Deinde singulorum laudes carmine in medio dimicationis ardore prosecutus extulit, quodque singuli & universi Regem usque ad mortem constantissimè secuti, fortium & fidelium militum munia expleverint, optabat ut salvi omnes iterum convenirent, vitamque morte faciliorem esse negabat. Cumque clasarii ad navem relictis supervenirent, pugnam redintegrarent, omnesque tandem ab undique collectis Afmundi copiis occiderentur, rhythmum ultimæ fortitudinis & invictæ constantiæ & fidei

dei testimonium edidit, quo Odinum inculavit; quod victoriam fortissimo Regi inviderit, eripueritque, Hrochos etiam amittinos suos laudabat, quod intrepidè cum Rege suo mortem oppetiverint, (ambos namque Jacentes confexit, mortuosque credidit) se duodeviginti annos militiam auspiciæque Regis secutum testatus; tandem in morte comitem ad caput ejus se jam moribundum collocaturum. Atque hac ultimâ in Regem pietate & observantiæ studio animam efflavit, præclarum sæculi sui decus, ut qui militaris fortitudinis fideique singulare ad perpetuam imitationem exemplum reliquerit. Hunc exitum habuit Halfus, Rogiæ Hördiæque Regulus, annos tantum triginta agens, ab invictâ animositate magis quam prudentia commendabilis, isto tamen sæculo & sequioribus celeberrimum nomen, quousque audacia & temeritas virtutis titulum raptu vindicatum possidebant. Fuerunt tamen iisdem temporibus, qui temeritatem ejus improbarent, tanquam inconsultam & stultitiæ plenam, ut ex natiâ Hrochi Nigri, injuriam manibus ejus hac calumniâ fieri querentis, manifestum est. Mortem Halfi in annum Christi circiter DXLV referendam, avunculi Solvii, qui eum ultus est, synchronismus persvadet. Gunnlaud Steinorum mater ad locum certaminis intempesta nocte profecta, inter strages cadaverum filios requisivit, & Innsteinum quidem exanimem, Utsteinum verò vulneribus valde confossum, palpitante tamen intra præcordia spiritu. Biornum etiam & Bardum graviter vulneratos reperit: omnibus domum deductis vulnera obligavit. Sanatos deinde Bardum & Biornum in Sveciam ad Regem Solvium Halfi avunculum ablegavit. Utsteinus in Daniam ad Regulum quendam Eysteinum cognatum suum concessit. Hrochus Niger multis vulneribus saucius, ad pauperem quendam villicum, nomine Skogkall, pervenit, ibi vulnera ejus obligata, mansitque donec eum in Sogniâ navicula deportaret, ad patrum suum Geirmundum, eundemque provinciæ præfectum, ubi clam omnibus sanabatur. Præcipite autumno ad Uplandas profectus, inde in Gothiâ concessit, nec prius quievit, quam ad Hakium Skaniæ Regulum perveniret, ubi etiam hyemem transiegit.

CAP. XIII.

DE UTSTEINI GESTIS IN AULA EYSTEINI DANIÆ REGULI.



IN aulâ Eysteini Reguli, ubi Utsteinus morabatur, fuit vir quidam valde potens, aulæ Regiæ magister, nomine Ulfus, octo filiorum, omnium inter suos exquisitissimorum pugilum, parens; nomina illis Oddus, Aurnulfus, Atlius Niger, Borchus, Bryniulfus, Bujus, Hardskufius & Raudus Robustus. Hi cum patre & gloriam Halfi, heroumque ejus laudes, & honores Utsteini iniquo animo tulerunt, gliscibatque in dies invidia, quæ inter potandum dum Halfi Regis gesta Utsteinus mortisq; contemptæ gloriam magnificè prædicaret, in aperta jurgia erumpebat. Nam cum Eysteinus pro more modularetur carmina, quibus Asinundo proditori mala imprecatus est; Ulfusque se Halfo Regi, heroibusque filios suos

componeret; vanitatem hominis, solâ arrogantia inflati, repressurus, cum omnibus se congressurum pollicitus est, adjectiqve, fortunam Haldi arma sua in Daniam secutam. Cui Ulfus ligatè eadem metri forma regessit, Qvâ sequi possit, cum univèrsa cum iis occumbentibus interierit? Ostensum sibi per quietem filios suos palmam reportaturos. Ad hæc Utsteinus; quamvis certus sit propitiam sibi fortunam futuram, animetqve Haldus, certò sibi per somnum victoriam pollicitus, quoties per quietem quicquam promittere, toties etiam præstare solitus, tamen haut multum se fortunæ auxilio ad filios ejus superandos, neciqve omnes tradendos indigere, neqve enim fratrem suum vel Starium sodalem, dum vixerant, congressum cum talibus, aliud quam ludum existimaturus. Ut Hrochos Haldanumqve fileat, qvî se comite quatuor tantum capita, ad promontorium Annisnesiam octo comites trucidassent. Accingerent se protinus ad pugnam octo viri adversus unum, nihil se numerum eorum morari. Utrum cum singulis, an omnibus simul congressus fuerit, non exprimitur, omnes occidisse constat, peractâqve strage ad Eysteinum Regem ingressum carmineqve professum, jam nuncium cladis filiorum Ulfi adesce, necem ipsorum manu sua & gladio peractam patri indicaturum, qvòd si Regi virtutem suam pluribus experiri libuerit, paratum ad morem illi gerendum. Eysteinus respondit, ulterioris experimenti desiderium si quem tenuerit, profecto sibimetipsi frænum injecturum, satis jam constare, qvòd fortitudinem heroum Haldi nemo possit assequi. Te, inquit, novi virum longe maximum, acerrimum, cum octo fuderis. Ad hæc Utsteinus, si necessitas urgeret, aut inimicitia intervenissent, satellites Eysteiini omnes eodem tenore trucidare se posse dictabat, neminem enim esse, qvî secum contendere velit; sibi enim infanti Odinum ætatis metam terminumqve constituisse, ad quem pertingeret, durumqve intra pectus cor condidisse.

CAP. XIV.

DE HROCHO NIGRO.



HROCHUS NIGER ad Hakium Scaniae Regulum pervenit, neqve nomen, nec conditionem sortemve prodidit, interqve inquisitores ignobili loco collocatus hyemem transegit. Erat Hakio Regi filia, eximiae formæ virgo, Brynhildis dicta; illius nuptias amebat Regulus Sveenus quidam, cui propitia in bellis fortuna, eaqve diuturna, Victoriosi nomen indidit, quam cum impetrare neqviret, adeo excanduit, ut tum patrem illius, tum futurum aliquando maritum occisurum se minaretur, repulsæ ignominiam tum foci, tum generi sanguine vindicaretur. Fuit quidam Comitatus dignitate clarus in regno vir, nomine Hedinus, cujus filius Vifill Regius gener destinabatur, si tamen regnum ab impetu & persecutione Sveni intrepidè tutaretur. Contigit forte, ut Rex cum aulico satellitiâ venatum, sed gynæceum in silvas avellanarum feraces, proficisceretur, eò se etiam Hrochus occulto tramite conferret, nec prius deprehensus, quam Brynhildis vidit virum vasto corpore ad arborem stantem, carmenqve, cujus hic est sensus, modulantem. Tandem tempus esse ait,

ait, ut quo quis genere, quove parente ortus esset, indicaret, & parente quidem heroë animosissimo insigni; viro, ipsi Regi Hakio longè præferendo, se fatum commemorat. Prociū autem virginis Visilem, ne opiloni patris sui, Visili & ipsi dicto, comparandum esse, imo nullum se in domo paternā porcorum custodem timidiorē illo vidisse unquam. Deinde gestorum suorum seriem, ut militiam Halfr Regis secutus fuerit; exponit, novemque nationes bello laceffitas gloriatur. Traduci Halfrum a multis, tanquam audacior quā prudentior fuerit, queritur; verum ignorare Regis mores, qui temeritatem ei objicerent, multitudini hostium nunquam cessisse, nec singulos adversus undecim pugnam detrectasse, unum scivisse æquè gloriosum; Sigurdum Regem ad palatia Giukii. Ad singulorum sociorum laudes celebrandas inde digreditur, inter quos Hringum & Alfrum memorat, Danicæ gentis iudices, vel ut Saxo in Haraldo Hildetanno, eandem forte vocem interpretatus, forenses athletas. Operæ pretium esset, singulos rhythmos exscribere, quo facilius cum versione conferri possent; nos scopum hic tantum exprimimus, ne idiotismus tedium patreat. Se etiam inter præcipuos æstimatum refert, causam tamen moderatè subjungit eam, quod certatim alter alteri honorem detulerit.

Fratris deinde excidium lamentatus, spe tamen ultionis de Asmundo quandoque sumendæ, æquitate causæ erectus, se consolatur. Adjicit deinde, quamvis in aula Hakii ad infima subsellia detrusus videatur, tamen si contingat Svenum Victoriosum bello Regem lacescere, facile suæ fortitudinis & ministrorum Regiorum discrimen eventum declaraturum. Multis denique Regiam virginem laudibus extollit, ejusque se conjugium petiturum refert, modo id permisit ejus & voluntate liceat, quod si impetraverit, confluxurum ad se magnum præstantissimorum pugilum & athletarum numerum, quorum ministerio invictus postea futurus sit. Brynhildis ad patrem hæc omnia detulit; quo cognito, Hakius eum in intimum amicitiae gradum receptum à latere suo collocavit, filiamque in matrimonium elocavit. Appetente vere minas Sveni Victoriosi præventurus, ad persequendum eum proficiscitur; verum neque eum pariti cognominis decus, nec constans ad id tempus victoriarum cursus, nec invictus bello animus, vel militaris artis peritia corporisque robur adversus virtutem Hrochi tutari potuerunt, quin vitā simul & victoriā orbatus occumberet. Hrochus victoriā ovans, ad socerum cum opimis; spoliis rediit, unicæ expeditionis gloriā ostendens, quantum instat in novo genere prædestinato prius sponso esset. Ex Brynhilde suscepit Hrochus Niger Gunnlaudem Hromundi Greippii, viri celeberrimi, matrem.

Ætate proximā conveniunt Hior, Halfr Regis filius, Sölvius Sveciæ Rex, Halfr avunculus, Hakius Skaniæ Regulus, Hrocho genero comitatus, Eysteinus in Daniæ parte aliquā Regulus, Ustfeino comitatus, conjunctisque viribus classe ingenti in Hordiam movent, eadem Halfr Regis ulturi. Facile apparet, admodum potentem fuisse Asmundum, cum tot tantique Reges, inter quos Sölvius eminebat, ad eum debellandum conspiraverint; nec is imparatus aut demisso animo fuit, nam justo prælio cum iis & magnā alacritate congressus est, sustinuitque longo tempore fortissimorum Regum impetum; sociorum auxilio fultum credere par

par est , ad ultimum victoria causæ patrociniū suscepisse viſa , numero & viribus potiores ſecuta eſt. Aſmundus prælio cæſus occubuit. Ex-
itum vitæ Sölvii in fine vitæ Eyſteini in Sveciæ Regis, Yngvaris patris, ex-
ponam. Hrochus & Utſteinus ad intermiſſum piratici vitæ generis e-
xercitiū redeuntes , longò id tempore ſeqvebantur , Hiör vero Halſi
filius, paternæ ditionis hæres, idemqve vindex, duxit Hagniam Hakii Re-
gis Hamundi filii filiam , quæ quidem fuiſſe videtur Brynhildis Hrochi
Nigri uxoris ſoror , eo quod hunc Hakium (licet cujus filius fuerit non
exprimatur) tamen tanquam notum Regem hiſtoriâ nobis venditat. Ac-
cedit etiam ſocietas in vindicatâ patris nece , & æctus cæteroquin a-
micitiæ nexus inter eum & Hrochum Nigrum , qui vel ſolus ad affinita-
tem conciliandam ſufficiens fuiſſe videtur. Accidit verò , cum Hiör forte
regno abſens unâ cum cæteris Regibus de rerum ſummâ deliberaret, ut Re-
gina interim partu levata duos eniteretur filios, formæ perquam mamænæ,
furvæq; cutis ; Hamundum unum , Geirmundum alterum nuncupavit.
Eodem tempore ancilla etiam filium peperit , Leiſumq; nominavit. Hic
cum formâ egregiâ membrorumq; ſpectabili concinnitate præditus eſſet ,
inceſſit Reginam filios cum ancillâ permutandi cupido ; quod poſtquam
factum eſſet , Leiſum hunc Regi reduci oſtendens pro ſuo venditavit fi-
lio. Cæterum ſuo ſe indicio forex prodidit , apparuitq; intra breve ,
ſuppoſititium hunc Regis filium non regiò ſanguine , ſed ſervili, natum ; a-
nimos enim non Regios , ſed abjectos gerens , quòq; plus acceſſit anno-
rum , eò magis in pejus ruens , generis ſui ſatis manifeſta documenta de-
dit ; cum e contrariò genuini Regis filii virtutis & magnanimitatis incre-
menta quotidie caperent. Cum itaq; dolo tegendo res ipſa obſtaret, ma-
ter puerorum , jam tres circiter annos agentium , marito Regi eos adſpor-
tavit , ipſius eſſe filios profeſſa. Tum Rex ; aufer, inquit , Heliarskin-
nos iſtos (Lethæas cutes dixeris : innuebat autem furvas , & moribun-
dorum ſimiles) non enim pro meis agnoſco. Atq; hinc Heliarskinno-
rum cognomen utriq; poſtea adhæſit. Cæterum de his plurali pecu-
liari libro inter primos Islandiæ incolas poſt vitam Ha-
raldi Pulchricomi referam.



HISTORIÆ RERUM NORVEGICARUM PARTIS PRIMÆ LIBER QUINTUS,

DE VIKINGI, THORSTEINI,
FRIDTGIOFI ET GAUTRE-
CI GESTIS.

CAP. I.

DE REGE HALOGIO EJUSQVE FILIA-
RUM RAPTU, RAPTARUM EXILIO,
NOVISQVE SEDIBUS.




HActenus progeniem ex libro Originum Nor-
vegicæ, & Hathi Herois historiâ, a Thorrio exposuimus:
proximum est, ut aliorum quoque Principum, quos
historia Vikingi, Thorsteini & Fridthiofi nobis exhi-
bent, ab eadem origine descendentes, eorumque ge-
sta, licet non omnino, tamen in quantum fieri po-
test. à fabularum vanitate liberata explicemus, inque
præsentem librum congeramus. In Halogiâ, Norvegicæ provinciâ, Naum-
dalo, quæ Thrandheimo seu Thrandiæ adjacet, conterminâ, Logius, ob raram
proceritatem roburque eo tractu inusitatum Halogius, tanquam cella flamma,
dictus, Regio titulo jureque imperavit, deque nomine suo provinciæ, cui
præfuit, nomen Halogalandiæ seu Halogiæ communicavit, ex gigantum
stemmate prognatus, majores suos, quoad robur & proceritatem, referebat.
Uxor ei Glod, Gymeris, aliis Grimi de Gymisgardis seu Grimsgardis, (quo-
rum situs in Jotunheimis, qui id temporis boream versus in Elivogis ita
vocabantur, ponitur) insignis Berserki, & Alvoris, Alfi Prisci sororis, filia,
Hallucinatus videtur Arngrimus, & eum secutus Reenhielmus, dum hunc
Logium Noris patrum maximum statuit; nihil enim certi ex his nomi-
nibus de isto nexu concludi poterit; nec veritati consonum est, eum fra-
tris sui Karii triptem Glodem uxorem duxisse.

Tom. I.

B b

Schema

Schema tale est.



Nec uspiam traditur, illum Logium Halogium appellatum, aut in Norvegiam unquam concessisse. Alfum autem Priscum Finnalfus Raumi filio Noris nepote antiquiorem neminem invenio. Hic etiam illius ditio describitur, Gautelfa enim & Raumelfa terminabatur, ab illius nomine fluvii communiter Elfar appellati: differentia autem a vicinis singulis Regibus profluxit; a Gautio quippe Gautozum Gautelfa austrum versus, a Raumo Raumarichia Rege Raumelfa ad boream, nomina traxerunt; nam ita inter eos convenisse videtur, ut fluminibus istis finitimorum Regum nomina celebrarentur. Ditiones etiam singulorum ab ipsis quoque denominatae sunt. Alfus Bryngerdem Raumi, non illius antiquissimi, quippe patris sui, sed forte filii fratris sui Jotunbiorni, qui etiam Ramus dictus est, filiam matrimonio sibi junxit, virginem staturae procerae & roboris gigantei, nec formae venustate commendabilem, retulit enim paternum genus; nam *Raumi* vastae corporis mole turgentes turpesque dicuntur. Alfus vero geniti formosi erant omnes, istique gigantum generi, quod antiqua lingua *Risar* usurpatur, venustate proximi. Versio Svedica Alfus ortos, Alfus generis omnes, aliis hominibus post gigantes deformiores tradit; verum ex sequentibus versionis error manifeste apparet; nam Halogius ex Glode duas filias progenuisse perhibetur, Eysam & Eymiriam, generis parentumque more formam incomparabili, unde splendidissima res flamma, pruna, carbones, & cineres corruscantes, nomina in hunc usque diem mutuata referuntur (quod tamen invertendum opinor, cum virginum forma his assimilata, nomen quoque conciliaverit) quod si generis quodam privilegio tales erant, patet deformes non fuisse. Testantur idem Historiae Haraldi Hildetanni fragmenta, a nobis in vita Ragnaris Lodbrochis Cap: XXXI. adducta, ut & Bardi Nivosi montis Dei fabula, sub initium, dum Risas aliis hominibus majores formam etiam praestare tradit. Erant duo fratres Comitum dignitate conspicui, qui militiae regniisque custodiarum praefecti erant. Nomina illis Vifill & Vesetius, animi corporisque robore pariter insignes, multum in piraticam a teneris exercitati, qui virtutum suarum fiducia & gloria, fideli administratione militiaeque laboribus longo tempore partem, sublati, filias Regis, Vesetius Eysam, Vifill Eymiriam, uxores postularunt. Verum impar conjugium aspernantibus parentibus,

Re-

Regum copiâ suppetente, denegatum fuit. Illi repulsâ simul & amoris stimulis exacerbati, quas precibus impetrare nequiverunt, vi rapuerunt. Eos igitur Rex extra ditionis suæ pomeria proscripsit, adhibitis insuper diris Seidicis, ne unquam redirent, effecit, necessitatemque posteris eorum omnibus patriis agris exulandi, possessionibusque allodialibus in æternum carendi, veneficiorum vi imposuit. Proscripti in Borgundarholinum (Bornholmiam) concesserunt, quæ cum esset insula familiæ amborum minus capax, convenit ut Vefetius ibi remaneret. Vifill autem in insulam propter Kalmariam (conjectante Reenhielmo) sitam recessit, quam postea de nomine suo Vifilseyam dixit. Vefetii nomen in Borgundarholmo postea inolevit, ab hoc Vefetio primò deductum. Mendum autem à sciolo quodam in editionem Svedicam irrepsit, de Bujo & Sigurdo Kapa ab eo victis, nec in editione Regia habetur, nihil enim præter insaniam spirat.

CAP. II.

DE HARECHO JARNHAUSE, SEV FER-
REO CAPITE, NUPTIAS FILIÆ REGIS EXPETENTIS,
PROVOCATIONEQUE REGIS AD SINGULAREM CON-
GRESSUM, SOLLICITATOQUE VIKINGO AD LIBE-
RANDAM E PERICULO VIRGINEM.



Vifili ex uxore filius erat, Vikingus nomine, ingentis à teneris spei; pollebat enim ingenii virumque supra ætatem admirandis dotibus, formæque elegantia singulos æquales præstabat. Eodem tempore inter provinciales Sveciæ Reges Hringus quidam floruit, cui ex legitimo conjugio filia, eaque unica, formâ, moribus, artiumque muliebrium præstantia eximia, nomine Hunvor, quæ gynæceo, paulum ab aula discretô, magnam virginum matronarumque numerum aluit. Proxima ei fuit Ingibiorgis, Principis de Ullarakro filia, sola prudentia generisque nobilitate ei inferior, his enim virgines alias Hunvor toto regno antecelluit, id tantum vitio vertebatur, quod sibi nimium tribuens, Regum Regionumque juvenum, sæpius sese ambientium, nuptias aspernaretur; tantum fastum aliquo incommodo fortunam quandoque presuram jam tum multi augurabantur. Interjecto tempore quinqvertio quidam, gigantibus quam hominibus similior, Harechus nomine, cognomento Jarnhaus, illius nuptias a patre postulavit, abnuentem patrem ad singulare certamen provocans, vel alium qui vicem ejus suppleret, idque intra sequens triduum. Rex convocato satellitio nuptias filiæ præmium duelli victoriæque singulis proposuit; nemo autem spem incertam certissima vitæ jactura emere sustinebat. Erant etiam complures, qui hæc indignè haut accidere inter se musitabant, insolentiæ mercedem conjugio Harechi uberriam relaturæ.

Eyvindus erat inter famulos Hunvoris, fidus, & ad exequenda imperata promptus; ei tabulas, notis runicis inscriptas, Regia virgo tradit, cum mandatis ut navicula ad insulam Ullarakro adjacentem, Vifilseyam dictam, protinus petat, omninoque diei sequentis vespere eò perveniat, solumque villam per occidentales fores ingredi jubet, ibi senem patremfamilias,

miliæ, viribus vegetum, senescentem etiam mulierem, nec plures contemplantur: esse iis filium, nomine Vikingum, quindecim annos natum; solum eum, aut etiam neminem, præsentem se periculo exempturum. Clanculum domum ingredi jubet, conspectumque parentum declinare, in filii autem ingredientis gremium tabulas conjicere, subitoque ad navem regredi, domumque sine ulteriore responso reverti. Eyvindus quæ præcepta erant executurus, naviculâ cum duodecim remigibus in insulam trajecit, ingressusque domum ex angulo quodam senem cum uxore contempsit, qui ad focum combustis nutrimentis, inque prunas reductis, sedentes, hæc inter se colloquebantur. Materfamilias ita: neminem videri cum Harecho congressurum; præstare ut ad definitum duello tempus filius eorum adesset, nuptias Regiæ virginis hoc conflictu promeriturus. Maritus autem ætatem & vires, audaciam, usum & prudentiam eum ad tantas res aggrediendas destituere; præsentissimam mortem haut quâquam evasurum, si ullius illecebris ad hoc se induci permittat, futurum tamen in potestate matris, quicquid ei consuleret. Paulo post filius ingressus, ingenti statura juvenis, apud matrem confedit; mox Eyvindus tabulis in sinum ejus conjectis, quâ citissime navem, indeque domum repetit. Hunvorigue tabulas accepisse Vikingum nunciat; iis continebatur petitio virginis, nuptiis suis cum Harecho certamen paciscentis. Quibus visis, ut vultum filii subito mutatum pater observabat, scopum earum quæfivit, quo cognito, simul & matris ad gloriam, sine periculi respectu conciliandam, impetu, consilium suum præferendum distitans; nihilominus filii voluntatem explorabat. Ubi ad liberandam virginem propensum animadvertit, metu periculi, certissimo vitæ ejus interitu, nullo ad virginis libertatem profectu constituri, dehortari conatus est. Id cum frustra esset, nec se amplius moraturum respondit; genus tamen indolemque adversarii paucis expositorum.

CAP. III.

DE FAMILIA KOLI, DUELLIQUE
EXITU.

Pater, inquit, ei Kolus, cognomento Gibbosus, gigas immanis, corpore monstroso, tanta artis magicæ peritiâ, ut intra terræ viscera se, cum liberet, conderet, dæmoniacoque itinere per aëra provectus, equos stellis jungere videretur. Hic occiso magno prælio Thyro (Forte Tyre) Rege Indiæ valde celebri (provinciam aliquam Sveciæ, Gothiæ aut Norvegiæ hoc nomine intelligi existimo, forte Inderöen Thrandiæ insulam, oppido Steinkeris olim celebrem) filiam ejus Thronam, virginem speciosam, una cum ejus regno in suam potestatem reductam uxorem duxit, ex quâ multos liberos, sibi quàm ei similiores, suscepit; quorum vetterimus Biornus, Cærulidens dictus, quem filia Dys ætate proxima secuta est, tertius Harechus, a capite ferro inviolabili Jarnhaus seu ferreum caput dictus, is cum quo congregari exoptas. Quartus Ingialdus, quod bronchus esset, Tranæ cognomine insignitus. Seidicis incantationibus adversus omne ferrum, præter unum gladium Angrvadilem, familiæ depositum, singulos filios suos Kolus obdurabat. Tandem mente motus infami morte

morte obiit. Filium deinde posthumum Throna genuit, de patris nomine Kolum quoque dictum, patri ut genere, ita quoque indole similem, qui à moribus Krappii cognomen reportabat. Dys berlercho Jokuli, Ferrea Spina cognominato, nupsit. In hæreditatis divisione gladius Angrvaddill, quo celebriorem illo seculo nullus gestavit, Bjorno Cærulidenti obtrixit. Dysi autem cornu magico genio imbutum, cujus liquor ab inferi ori loculo haustus, potionato cum omnium rerum oblivione derepente etiam lepram induceret, remedium superiori contineretur (haut secus atque de Achillis gladio poëtæ fabulantur, & de Hrolfi Krakii Skofnungo Laxdælensium historia adeo præfens, ut inveteratum etiam morbum occlusus depelleret. Armilla pretii inæstimabilis, à splendore Glæfir dicta, Harecho tuo adversario, regnum Ingialdo, reliqua mobilia Kolo cesserrunt. Tribus annis à morte Koli elapsis, ad secundas nuptias Throna pervenit, maritum nactus Herfinnum Comitem, Regis Hrodmaris de Marfa filium (ut habet editio Svedica: Regium exemplar Jarnberiz Comitem tradit, unde etiam error de India facile refellitur, est enim Jarnberia Sveciæ provincia) suscepitque ex ea filium, nomine Framarem, indolis melioris, fratribusque suis valde dissimilem. Genus Harechi exposui; itaque te dehortor a congressu cum talibus, quibus nulla arma nocere possunt. Vikingus negabat se propositò terrore periculi destitutum. Plura itaque exponam, respondit Vissil. Contigit, inquit, dum Regi Hælogio ego & frater Vesetius militaremus, ut in portu Græningio (inter Mænam & Falsterbuam situs videtur, teste Reenhielmo) in Bjornum Cærulidentem incideremus, eique inter configendum Vesetius ictu clavæ brachio impacto, gladium Angrvaddilem excuteret, quem ego statim arreptum, per præcordia ejus transegi, præmiumque victoriæ, quod tibi donabo, reportavi. Tradito ensē gavissus Vikingus, eodem die ad Regiam se contulit, nec prius eo devenit, quam ad definitum monomachiæ diem, omnesque in aula mæstos deprehendit, ingressusque Regiam, aspidem patri filiam rogavit, an se ad duellum deposceret? quæ affirmante, quo præmio sibi certandum esset? ulterius quæ sivit: nuptiis filiæ magnæque dote; à Rege responsum. Hac lege Vikingus certamen se subiturum promisit, virgoque ei statim desponsata est, multis præsentissimam mortem conjugium præventuram augurantibus. Magno deinde comitatu in campum ductus, adversarium sibi obvium habuit, interrogantem cum quo sibi esset certandum. Vikingo se offerente, indignum quidem se suisque viribus certamen cum illo, levi tantum ictu exanimando, testatus, responsum retulit; majoris molis quam pro viribus suis congressum hunc eum jam formidine correptum reputaturum videri. Tum Harechus falli eum respondit, nec tamen sibi salutem ejus, in præcipientem perniciem ruituri, ulterius curæ futuram: tantum monuit, ut quandoquidem leges duelli provocato primum ictum præscriberent, suo uteretur jure, se interea immotum constitutum, utpote damni ab eo periculi que omnino securum. His dictis Vikingus gladium Angrvaddilem protinus eduxit, qui flammantes aciei scintillas late vibrabat. Quo viso intrepidus antea hostis, & hactenus invictus, tanquam sibi fatali, valde trepidans, mortem actutum ominatus est, præsagium patris animo recolligens, brevem filiorum ætatem futuram vaticinantis. Nec mens eum mali præsaga fefellit: siquidem primo ictu capite corporisque universâ compage dissectâ, Vikingus in ingens spatium ruentem porrexit. Regii ab statione magno clamore triumphantes obviam progressi, laudantes gratulantesque ad

Regem ducunt, qui magno eum cum honore excepit, copiamque nuptiarum cum filia protinus obtulit. Is triennii morâ requisita, edendis pluribus facinoribus, quibus dignitatis discrimen iuste se pensaturum credidit, nec imbelli diutius ætatem agere sustinens, piraticam statim quinque navibus aggreditur, nec sine fructu, nam victoriis ubique inclaruit.

CAP. IV.

DE CÆDE DYSIS, ET MARITI EJUS
JOKULIS JARNHRYGGI, INVASIONE INGIALDI TRANÆ
IN DITIONEM REGIS HRINGI, EJUS CÆDE ET FILIÆ
CAUTIVITATE, CONFLICTU VIKINGI ET
HALFDANI CUM INGIALDO, ET VIRGINIBUS RECEPTIS.



Voluitis duabus æstibus, cum astu Dysis in ultionem fratris prædicto cornu potionatus Vikingus per integrum annum periculosissimo morbo oppressus decubisset, à superveniente viro insigni, nomine Haldano, ex provincia Svavia oriundo (quamvis Rugiam Reenhielmus sitam existimat, cum tamen Svastadium Holsatiæ nomen indicet) septem piratarum navium præfecto, sortem ejus tanti viri miserto, quantumvis desperatæ valetudinis & duodecim mensium clinicus, in societatem adfiscitur, ejusque industria (astu, ut fabulantur, nani cujusdam, qui Dyfi cornu eripuerat) sanitati restituitur. Ambo deinde simul a provincia Svavia in ævilonem classẽ direxerunt: præternavigantes Balagardfidam, sive latus Balagardense (quod in Finnlania, secus ac putat Reenhielm, magis quam ad paludem Mæotim quærendum historia Sancti Olafi monstrat) ad Svinafundam (cujus situm Holmveriensium historia non procul inde ostendit) pervernerunt. Ibi Jokull Jarnhryggus, veneficæ Dysis maritus, cum instructis tredecim navibus deprehensus, navali prælio cum iis longo tempore certavit, tandem lethali vulnere, gladio Angrvadile, toti familiæ fatali, sauciatus interit. Mox cum in terram conscendissent, inventam uxorem Dysẽ, jam seminecem lectoqve affixam, diutius superesse non passi, capite culeo involuto lapidum jactu coopertam ad orcum miserunt. Secundum illam victoriam domum reduces, cognoverunt Ingialdum Tranam, dum peregrinarentur, Regis Hringi ditionem invasisse, expugnato belloqve cæso Rege filiam ejus Hunvorem, sponsam Vikingi, una cum Ingiborge Comitissæ filiã captam secum duxisse. Igitur ad persequendum Ingialdum classẽ viginti duarum navium adornant, ipsiusqve ditionem invadunt, vastant, villas agrosqve incendunt, homines occidunt, prædasqve & manubias undique congerunt. Ille, instantis damni præscius, castellis provincias omnes munivit, diruta aut vetustate detrita aut exstruxit, aut reparavit, milites ferocissimos ex omni angulo conscripsit, hostibusqve intrepidè occurrunt. Magnis animis & longo tempore anceps eventus per septem dies integras pugnatum est; tandem Ingialdus objectu clypeorum solus suis superstes, nullo accepto vulnere, capitur. Verum cum Sol occidisset, piculum visum est per noctem supplicium de eo sumere: nervo igitur arctui detractio manus ejus vinciuntur, pedesqve compedibus ligantur: hoc habitu supra foros navis duodecim custodibus observandus traditur. Hun-

vor

vor cum Ingibiorge recuperatæ ad naves deducuntur. Luce proximâ deprehenduntur custodes omnes sine ullo vulnere mortui, Ingialdusque vinculis nequaquam ruptis elapsus. Omnes novitate rei perculsi obstupere. Inde Sveciam petunt. Halldanus ingibiorgem Comitis Herfinni filiam uxorem expetivit. Re ad patrem delata, promeruisse nuptias ejus visus est; festivasque simul cum Vikingi nuptiis celebrata. Hyems deinde domi, non sine ingenti ad bellum gerendum apparatu, acta. Proximo vere quindecim navibus ad piraticam se conferunt. Feliciter per triennium magno opum auctu exercitium illud cessit: hyemes domi transactæ, gloria ingens comparata, adeo ut sui temporis æqualibus pene omnem gloriam præripuisse visi sint.

CAP. V.

DE SOCIORUM CONFLICTU CUM NIORFIO UPLANDARUM NORVEGICARUM REGE, ET CONTRACTA INTER EOS SOCIETATE.



Nterea, dum litora Danica perlegunt, in sinu Limico in naves novem, & decimam draconis formâ insignem, inciderunt, videruntque præfectum celsâ in puppi stantem, virum vasto corpore & compacto, qui se Niorfium nuncupabat, Regem Uplandarum in Norvegia, & jam pridem paternam hæreditatem crevisse referebat. Halldanus conditiones ei sicut cæteris piratis offerendas retulit; aut enim certamen ineundum, aut si magis placeat, navibus opibusque cedendum, depositisque armis excedendum. Ille se ignominiosam conditionem subiturum negabat, pugnaturum potius, quantumvis viribus iis & numero navium inferior esset. Vikingus haut impari manu conflicturos respondet, tot namque naves extra belli aleam futuras, quot ejus classem numero superarent, eam domum victoriam reportaturum, cujus se nunquam pudeat. Niorfius ejus magnanimitate laudatâ, ad bellum se sine morâ præparavit, naves invicem proris ligatis junguntur. Mox utrinque summis viribus & magnâ contentione certatur, dubio quidem Marte, adeo ut quò victoria inclinaret, nulli constaret. Triduum hoc tenore extractum. Tum Vikingus clarâ voce quærit, quantas opes navibus vehat. Niorfius exiguas, quocumque enim per totam æstatem exscenderit, semper incolas abditis opibus aufugisse respondebat. Quæ igitur, ait Vikingus, pugnamus, manifesta damna nullis præmiis pensaturi? nostri & commilitonum sanguine abufuri? quin potius societatem & fœdera inimus. Niorfius adhæc: placere sibi cum illo pacisci, paria illis jura fratrum instar futura, dignitatis tantum, tituliqve hæreditate parti privilegio sibi reservatò, futurum se tam domi quam peregrè Regem. Illum familiæ decus, Comitis titulum, conservaturum. Halldanus illis loquentibus siluit. Vikingo causam inquirenti, haut equidem, inquit, quo minus amicitias fraternaque fœdera jungatis, impediam, præfigit tamen anirius, haut exigua damna molestiasque tibi quandoque ab illius propter inquis exspectanda. Id quod Vikingus nihil moratus, fœdera cum Niorfio sanciebat. Conjunctis inde viribus totâ æstate spolia prædæque collectæ.

etæ. Imminente hyeme Niorfius in Norvegiam, illi in Sveciam tendunt. Haut longum tempus domi tritum, cum Hunvor uxor Vikingi ex morbo decessit, relicto filio, nominis aviti & ditionis hærede, sed minus longævo, à quo tamen magna progenies profuxit. Hæc deinde sociorum tria singulis æstatis communi consilio impensa, lucrò piratica exercitia continuabat, classisque ad sexaginta naves excrevit.

CAP: VI.

DE CERTAMINE CUM INGIALDO TRA-
NA, EJUSQVE CÆDE, NOVISQVE VIKIN-
GI NUPTIIS.

INterea Ingialdus Traña, quem prius occulta adjuratorum dæmonum vis integris vinculis, necatis custodibus, eripuit, classe quinquaginta navium adornatâ Vikingum cum sociis ubique per maria requirit. Conveniunt in mari Balthico, pugnaque navalis exorta ancipiti fortunâ longo tempore extrahitur. Vikingus in navem Ingialdi primò insiliens, reliquis sociis comitatus est; magna ibi strages edita. Ingialdus cum maximam diei partem omnes hostium ictus elusisset, ad ultimum gladio Angrvadile, familiæ fatali, ictu Vikingi bipartitò dissectus corrui. Cursu deinde in Norvegiam flexo, pervenerunt ad insulam Thrumann: ei præfuit Princeps quidam, nomine Refill; pater illi Mæfill vel Mifill, filia Finna vel Feïma; eam sibi in conjugem Vikingus, prævio patris consensu, Niorfio annitente, & propria virtute commendante, ascivit. Domum deinde Niorfius, eumque secutus Vikingus, Comitatu cum adjecto titulo ab eo donatus, concessit. Halfdanus satrapa magni uomnis factus est, inhabitavitque prædium, Vogas dictum, inter quod & Vikingi habitationem longa per montana via magnumque iter intercescit. Inter Regem Niorfium & Vikingum constans amicitia ad finem vitæ incorrupta permansit; inter Halfdanum vero & Niorfium non pari studio culta est.

CAP. VII.

KOLI KRAPPÏI, KROPPINBACHÏI POST-
HUMI FILII, GESTA ET EXITUS DESCRIBUNTUR, QVA
OCCASIONE STURLAUGÏ LABORIOSI VITA, QVI ILLUM OCCE-
DIT, SUMMATIM EXPONITUR, UTET FRAMARIS, KRAP-
PÏI FRATRIS UTERINI, MAGNA FELI-
CITAS.

Purimorum Koli Gibbosi liberorum gesta ex-
itusque exposui. Restant tamen Kolu Krappius, &
uxoris ejus ex alio marito filius, nomine Framar, qui-
bus describendis dum immoror, interrumpendæ sunt
res, quæ inter Vikingum & Niorfium, utet utrius-
que filios, intervenerunt, introducendusque in sce-
nam Sturlaugus, cognomento Labriosus, iisdem tem-
pore æqualis.

Hic

Hic juvenis egregius, regnante in Thrandia Haraldo Gullmudo seu Chrysofomo, tum quoque sene, in villa provinciæ Naumudalensis Skarstadis, patre Ingolfo, viro opulento & totius provinciæ satrapa natus; non, ut scriptor hujus historiæ, temporum minus peritus, computat, tempore quo generis humani Redemptor se in carne manifestavit, sed secundi sæculi circiter medio, uti hæc aliàs ex ordine liberorum Koli clarissimè demonstrata sunt. Fidem gestis si non ex ordinaque, ne modoque, quo conscripta sunt, summatim tamen conciliant situs novillarum hominumque, quorum hic fit mentio, uti sunt villa patris ejus in proximâ Naumudali litori adjacente insula Niardeya, juvenes que, qui è viciniâ societatem ejus sequébantur, Jökull & Guttormus, patre Asgauto, matre Grima in prædio Tunglheimo nati, Sotius & Hrolfus, cognomento Nefia, seu Nasutus (à quo ego illud & nomen & cognomen, quod maternus Hrolfi seu Roberti primi Normanniæ Ducis avus gessit, in septimum deinde seculum dimanasse existimo) parentibus Thoragauto & Helga, insulæ Lokæ incolis. Sigvatus patre Hrafno, matre Helga de insula Urga progenerati, ut & Akius, matre Jarngerde natus, de villâ Borg, haut procul ab Ingolfi prædio sitâ. His sociis comitatus Sturlangus cum ludis & spectaculis, non item necessariis, animum intenderet, increpatus à patre, nuptias virginis eximiæ Asæ à rarâ formæ gratiâ Formosæ appellatæ, Comitissæ Hringi, qui in ditione Regis Haraldi erat, filiæ, expetivit, nec sine contemptu repulsus, ad ignominiam demendam latrociniiis navibus exercendis se dedit, eadem hybernis otis interpungere solitus. Evenit autem ut Rex Haraldus jam senex in mortuæ uxoris locum eandem virginem in matrimonium postulaturus, patris consensum comiter expetere dignatus, è Majestate suâ duceret illam vi exprimere; improvisus itaque magno comitatu accedens, ne virgine quidem consultâ, invito patri suffragium extorquet, atque ita domum regreditur. Nec multo post Kolus Krappius Regem ad singulare certamen de nuptiis puellæ provocat, factâ potestate, ut si ipse id recusaret, supponeret vicarium. Cumque iis, qui a consiliis erant, recordiæ proximum videretur, senile Regis corpus tanto periculo objicere, magni nominis pugilem Hemingum, civem Naumudalensem, sed obsitum annis, nec satis Regi conciliatum, ad id destinant, qui id tandem in se recepit, quod senum morte nihil perire existimaret, arbores enim vetustas caducas esse. Hunc cum Kolus eodem congressu interemisset, sive quod indignum sorte sua duellum cum obruto annis viro, magisque minuendæ quam augendæ existimationi duceret, sive ut contemptum Regis pluribus quoque cædibus cumularet, sive denique, ut victoriam illustriorem causamque suam ex eventu justiore ostenderet, sequè hoc magis virgini commendaret, iterum Regem aut alium ejus loco athletam deposcit; qui ascito Sturlaugo, id temporis juvene, aut eum, aut neminem tanti gigantis immanitati opponi posse credidit: sed nec ille periculum a Rege in se avertere sustinuit, ni præmium certamine, quod exudandum erat, & discrimine majus ostentaretur, ipsa nimirum virgo, de qua tantis contentionibus & aleâ vitæ certaretur. Verum cum id ipsum pomum esset, de quo lis erat, parum referre visum est cui cederet, si id sibi Rex eripi pateretur, honestius tamen in civem à Rege raræ gratiæ & spontaneæ voluntatis specie transcribi, quam ignaviæ & fœcidiæ confessione cumulatâ ignominiam permitti, ut ab extraneo abriperetur. His nodis implicatus remissa sponsione, quam patri per vim expresserat, renunciatoque omni jure,

inque Sturlaugum translato, quod in sponsam consecutus erat, vicem suam ad rem cum provocatore gerendam deligit. His ita compositis, Sturlaugus ad Comitem Hringum, virginis patrem, qui urbem (nescio quam) ripis maris aditam, forte Steinkeras insulæ Idriæ, incoluit, se confert, nuptias filiæ, quæ eum prius fastidiverat, facili paciscitur, & ne castitatem ejus hostibus delibandam servaret, appropinquat, cujus commendatione instructus, mox inde ad nutricem ejus Freyam, quæ à villâ, quam incoluit, Ve, Vefreya dicta est, accedit, exactæ ætatis anum, sed veneficarum artium peritissimam, quarum cognitione alumnam suam jamdudum imbuebat. Hæc cum arcani generis fomentum corpus ejus inunxisset, inque societatem lecti per unam noctem, ense seqvestro à suo direptum, admisisset, inusitatas vires magnumque robur ei impressit, donatumque lacernâ, & invicti acuminis gladio, jam adversario haut imparem præstigiens dimisit, qui deinde cum Kolo decertans viribus eum & vitâ spoliavit. Talis erat Koli Gibbosi quarti filii, ejusdemque posthumi, exitus; restabat illius frater, non patre sed matre eadem natus, Framar, vir melior, melioreque patre progeneratus. Hic jure sanguinis proximus vindex, non dolo sed aperto Marte ultionem executurus, Sturlaugum ad certamen evocat, diemque & locum præfinit: sed Vefreya claritudinem generis & condignas tantâ forte virtutes ejus commemorans, in id unice annitebatur, ut ad amicitiam societatemque reducerentur. Sed oportuit ut se invicem experirentur. Præludium monomachiae a gigante quodam & Hroflo Nefia captum ingenti contentione cæde tandem gigantis claudubatur. Cum altero comitum Framaris, nomine Thordo, è Svecia oriundo, Hrafnus Procerus de insula Urga malo suo fato congressus occiditur. Jökuli deinde collectorem poscenti Frostius à Framaris parte oppositus exitio fuit, id quod Sturlaugus adeo ægrè tulit, ut longo post tempore receptum in familiam suam Frostium, militem fidum & strenuum, tunc cum mandata ejus impigrè & fideliter exequeretur, nec tamen sine ulla necessitatis umbra, necandum curaret. Tandem quidam natione Finns cum Svipudo Vefreyæ alumno commissus mutuis præstigiarum ludibriis ad internecionem certabant. Ad ultimum duces ambo in campo cadurco pedibus substrato, paribus animis viribusque, sed imparibus gladiis concurrunt. Framar venenati ensis ictu concisus in remedium doloris accelerari sibi necem poposcit. Sed artibus Vefreyæ conservatus, mox etiam sanatus, & in societatem Sturlaugi receptus, arcanorum arbiter, gestorumque socius, longo deinceps tempore ad eum remansit, eumque in Biarmiam ad inqvirendum uri sevis fontis cornu, quod in templo Biarmorum recondebatur, secutus est. Rei gestæ ordinem occasionemque compendio exponam. Postquam Sturlaugus occiso Kolo, & Framare superato, Asæ Formosæ conjugium affectus est, adeo in iram excanduit Rex Haraldus, ut armata in Comitem Hringum invaderet, ejusque domum incendio deleret, ipsumque Sturlaugum, via pariter & loco ignoto ad inqvirendum sibiq; deferendum ingens illud uricoru, quod nemo præter illum, nec ubi reservaretur, novit. A Vefreya itaq; Sturlaugus sororem suam Jarngerdem consulendam monetur; quæ consulta suam quoq; sororem Snælaugem Hundolfi Hundingiae Regis uxorem, utpote talium gnaram, per ardua & periculis immanibus obsita viarum diverticula, in certâ licet reductis spe, adeundam svasit. His cognitis socii domum repedârunt; mox unicâ tantum nave instructa domo navigant, transitisque Halogia, Finnmarkia, & promontorio Valznelia (forsân Corlogenes) anchoris in sinu Austrvika, aliâs Gandvika, jactis noctem exegerunt. In-

de

de ferente vento, terra sylvis obsita in conspectum venit. Ibi finum quendam ingressi in abdito portu navem collocant, horâque meridianâ Framar eos ad Hundingiam provectos pronuntiavit; ipse relictis ad navem focis, Sturlaugum cum Akio comitatus in terram descendit. Simul sylvam ingressi, arbores, quâ transitus erat, notis ad reditum monstrandum insigneabant. Hâc egressi in camporum plana, magnificis ædificiis sparsim exculca, interitis quoque castellis distincta provehuntur. Inter omnia palatium cæteris splendidius eminebat, quod Regium conjectantes confidenter accesserunt. Ibi janitores duo, adeo monstrofi, ut menta pectoribus accrevisse viderentur (vestitus forte Pythæ Masilensi, cernua capita Sturlaugo observata, materia fabulæ sunt) latrantibus quàm loquentibus similiores. Ipsa Regina, Akii matertera, in editiore loco inter fæminas confidebat. Ab eâ edoctus cognovit in Biarmia esse delubrum, Thori, Odino, Fryggæ & Freyæ consecratum, materiâ opereque speciosissimum. Ante Thoris simulachrum bifontis cornu in mensâ appositum, auri instar coruscans, sed venenô plenum, nec nudis manibus tractabile. De his certior Sturlugus, superato ingenti vitæ periculo (quod hîc, utpote fabulosum; describere superfedeo) in Biarmiam navigat, ingressusque ostium fluvii Vinæ navem litori alligat. Ab occidente patentes campi cum magnifico delubro, circumsitam planitiem radiis repercussis illustrante, conspiciebantur: auro gemmisque intercurrentibus sanum radiabat; quod ingressus, supremô locô in mensâ inauratam statuum Thoris ingenti magnitudine conspicatus est, ante quam uri cornu auro simile collocatum refulsit. Ibi alveus lusorius ex electo factus, vestisque pellicuda, armillæque aureæ hastis appensæ spectabantur. Hæc sexaginta fæminæ custodiebant, inter quas una, veste magnifica, ornatu eximio, nec minus monstrosa specie, staturâ giganteâ terribilis, Hrolfum Nefiam, dum alveum lusorium rapit, celeriter infecuta comprehendit, illisumque saxo, fractâ dorsi spinâ, crudeliter trucidat: inde à Sturlaugo, in quem cornu similiter abripientem, fugamque maturantem, se converterat, bipenni per præcordia adactâ perimitur; ille vero excitam tubarum clangore persequentem se turbam effugiens, propereque ad navem relapsus, mox præcis anchoralibus alto se committit, relatusque in patriam comperit, focerum suum cum uxore Asâ familiaque omni in Sveciam migrasse. Accedens ergo Regem Haraldum Chrysofostomum, cornu prævalido ictu naribus ejus adactô, quatuor illi dentes excussit. Inde in Sveciam profugus focerum uxoremque adit. Supremum ibi imperium Ingifreyr tunc tenuisse falso perhibetur; quod licet cum cætero contextu conveniat (Haraldum enim Chrysofostomum Thrandiam rexisse, quo tempore Odinus cum Asis septentrionem ingressus est, anonymus hic noster statim in limine retulit; in fine autem obitus Sturlaugi, proximè tempora Frodii Pacifici, Danæ Regis) id tamen ad Ingifreyrem assurgit, cujus loco ego Agnium reponendum statuo; nam is a Niordo decimo tramite descendit, eodem quô Vikingus à Fornio: nec tamen secundum revisam hanc nostram chronologiam istius Agnii tempora nisi senex assequi potuisse videtur. Ab hoc igitur receptus, exercitui ejus classique ad domandos prædones præficitur, cumque annos duodecim id munus feliciter administrasset, unam regni provinciam, cum Regio titulo clientelari jure ab eo impetravit, foedibus suis in prioris muneris partes suffectis. Tantâ potentiâ auctus, Biarmiam cum exercitu invasit, Regemque Rodolfum magno prælio occidit, totamque gentem sibi subjecit. Inde in Hundingiam victricia signa trans-

ferens, Regem Hundolfum fudit, Regis autem uxorem Snælaugem, Vefreyæ Ingigerdisque sororem, fæminam Norvegicam, secum in Sveciam devexit. Diverſa hæc Hundingia videtur ab Hunnia, diverſa etiam ab Hundlandia, quæ ab Hundingo nomen, nec id, ut eredo, perpetuum, ſed ætati ejus connexum, ſortita eſt. Jamque cupido eum inceſſit cognoscendi, unde illud uri cornu, quod tantis laboribus periculisque quæſivit, originem traxerit. Id verò cum nemo præter Finnmarkiæ Regis Snæris, (neſcio in communi nomine qvoti) filiam Miöllem reſcire crederetur, eam per miniſtrum ſuum Froſtium, qui in certamine ſocium Sturlaugi Jökulem olim occiderat, magicis artibus ad domum ſuam allicit, ſpe conjugii ſecum contrahendi, celebratoque nuptiali convivio, illi in ſuum locum ſubſtituto, communi thalamo jungit, ipſe pone periſtromata latitans, hæc illam Froſtio, quem Sturlaugum eundemque ſuum maritum putavit, exponentem audit: nimirum cum Biarmia qvondam vicinæque terræ multis, iisque continuis, annis dirâ fame premeretur, magno hominum pecudumque, alimentis deſtitutorum, interitu, qvod qvidam urus in tantæ peſtis remedium ſacrificiis coli cæptus in eam molem adjectis incantationibus excreverit, ut modum aliarum ferarum longè ſuperaret, qvippe qui primum aurum argentumque ori injectum abſorperit, tandem etiam animantia hominesque depaſcens, omnem tractum ad occidentem fluvii Vinæ deletis cultoribus vacuaverit, ne uno qvidem animali elapſo, nec ullo tanti animi viriumque athlethâ ſuppente, qui ei congregi auderet, donec tandem Haraldus Chryſoſtomus, gloriæ prædæque ſpe incenſus, cum magna claſſe eò moveſ, conſilio auxilioque cujuſdam fæminæ eum ſuperaverit, quæ operis mercedem cornu feræ ſtipulata acceperit, acceptumque ſano ſanctificaverit; id verò eſſe, qvod omnino deſperato labore & diſcrimine omnium judicio inſuperabili inde ſuſtulerit. His cognitis Froſtius mirè lætatus eſt, qvod tantæ rei notiâ Sturlaugum inſtruere liceret. Ipſe autem Sturlaugus jam votis ſuis deſideriisque ſatiſfactum arbitratus, excedens cubili, actutum geniali thalamo faces ſuccendi curavit, quæis uterque ſimul conflagrârunt, Vefreyâ omnia diſpenſante, ne forte Sturlaugus Miölis machinationibus aliquando ſuccumberet: ſatius igitur viſum ſociorum unius, quantumvis fraudulenter circumventi, jacturâ, reliquorum totiusque collegii ſalutî conſulere, forſitan etiam ſocii prioris Jökulis, ſingulari certamine à Froſtio interempti, memoria ulciſcendi curam ingeſſit. His geſtis Dagum Veſtrogothiæ Regem armis ad filiam Ingibiorgem Sigvato Magno nuptiis collocandam adegit. Ingvarem quoque Aldeigiuburgi Regem tri-duanâ pugnâ occidit, ejusque filiam Ingigerdem Framari ſociat, eumque ibi Regem conſtituit: ipſe tantis geſtis inclytus Sveciam repetit, ibique qvod reliquum erat vitæ exigit, in ſupremi Monarchæ fiduciâ perpetuò conſtans, relictis ex Aſa duobus filiis, Henrico & Ingolfo, quorum in multis hiſtoriis memoriam fieri, quæ tamen mihi non occurrunt, author hic noſter teſtatur.

CAP. VIII.

DE NIORFII REGIS NUPTIIS, EJUS
ET VIKINGI FILIORUM NUMERO, INDOLE
ET EXERCITIIS.



A tempestate in Fiordis, Norvegiæ provinciâ, regnabat Olafus Eyfsteini filius, ejus qvi frater fuit Aunundi, patris Ingialdi Astuti (non illius qvi in Sve- cia regnavit, sed forte alicujus partis in Norvegiâ Re- guli.) Hic familiæ vitiô fluxæ fidei, ingeniique ma- le feriati fuerat. Filia illi Brynhildis Niorfio Regi Uplandorum elocata est, ex qua novem filios procrea- vit. Cessatum hinc ab expeditionibus, piraticaq; tranqvilliore vitæ gene- re mutata. Vikingi frater, Vifilis filius, fuit Brenner, qvi primus Brenn- eyas incoluit, quæ insulæ Danaholmum ab oriente spectantes, ab eo no- men sortitæ hodieque retinent. Filii Niorfii fuere Jokull, natu maximus, ingenio & corporis viribus præstantissimus, Olafus, Grimus, Teitus, Tirsingus, Biornus, Granius, Geir & Tochius. Singulos robur & decus cuique proprium commendabat. Jökull nimio sui amore inflatus nihil non sibi arrogabat; proximus ei Olafus, imperiosus & ipse: omnes nimio fa- stu inflati & odiosi alios præ se contemnebant. Pari etiam filiorum nume- ro Vikingus inclaruit: maximus ætate simul & virtute Thorsteinus, pro- ximus Thorer, quos excipiebant Finnus, Bergus, Steinus, Hromundus, Finnbogius, Eyfsteinus & Thorgeir, omnes militarium & civilium artium, quas usus tulit, apprimè periti, animi etiam & corporis fortitudine per- eximii: singulos Thorsteinus anteibat, staturâ, robore, & armorum tra- ctandorum peritiâ pariter insignis, in amicis eligendis & retinendis juxta circumspectus, fidus & constans, ad cædes minimè pronus, si tamen la- cessitus esset, vindictâ acer. Omnes intra paternam domum educati sunt: Niorfius, Vikingus, & Halfdanus consueverunt virium suarum specimi- na ludicris certaminibus edere. Fissura ingens à supremo monte ad mare usque pertingens, triginta ulnarum, ubi angustissima, jugum, quod inter Vikingi & Halfdani prædia intercedebat, secabat, omni animanti, præ- ter ea quæ volant, impervia: hanc saltu transmittere certabant; Vikin- gus transiit etiam cataphractus, Niorfius armaturâ depositâ, Halfdanus si Vikingus exporrectâ manu eum exciperet: pacati sic multos annos trans- igebant.

CAP. IX.

DE DIRIS ODIIS INTER FILIOS NIORFII
ET VIKINGI OB CÆSUM A THORERE VIKINGI FI-
LIO OLAFUM NIORFII FILIUM, FIDE VIKINGI ET
FILIORUM EJUS FUGA.



Postquam Vikingus & Niorfius consueverunt, quæ ad id usque tempus illibata servaverunt amici- tiæ fœdera, inter filios illorum ortæ similitates, jurgi- a, conflictus, tandemq; mutux cædes, & hinc se- quens singularum propemodum familiarum interi- tus, non tamen corruerunt: illi ergo cæte digni sunt ab oblivionis injuriâ in æternum vindicari, ut qvi omni seculo rarum, & vix, ac ne vix quidem, auditum invictæ con- stantiæ & fidei mutux exemplum omni posteritati admirabile relique- rint. Etenim cum animadvertisset Vikingus, inter filios suos & Regios adoles-

adolēcentes frequentes ludos, juveniliāq; roboris & agilitatis exercitia agitari, suosq; Regiis, ætate paribus, plerumq; superiores, Regios ab æmulatione ad indignationem concitare, prudenter filios monuit, ut habitā dignitatis ratione, vires peritiāq; inter certamina dissimularent, primasq; & palmam iis ut plurimum deferrent. Ægrē illud fervente certamine concitatus juvenilis ardor permisset, etiā si Regii juvenes intra moderationis terminos se continuissent, sed postquam insultatio & arrogantia consciam virtutem in dies magis magisq; provocavit, non se cohibebant, quin vera illius indicia exhiberent. Evenit aliquando cum pilā ludus institueretur, Jökullq; cum Thorsteino, vicenarius vicenarius, Olafus cum Thorere, natu minimi filiorum minimis, singuliq; cum singulis pro ætatis ratione colluderent, ut Thorsteinus pro more Jökuli cederet, Thorer autem pilam supra Olafum magnā vi impulsam jaceret; qui indignatus, ludibrio se exponi judicans, pilam quidem requisivit, quam cum reportasset, à ludo domum singulos repetituros deprehendit; ingenti igitur vi pilam in Thorerem retorfit, qui ictum subeundo declinaturus, non tamen evasit, quin caput ruptā cute vulneraretur: igitur concitatis singulis, cum ad arma utrinque concursus esset, se Thorsteinus cum pluribus aliis medium interposuit, Jökull injuriā contumeliosis etiā verbis in Thorerem jactis auxit. Sedatō magis quā sopito tumultu ab se invicem diemti domum quisque suam reditum meditabatur. Parum viæ procefferant, cum Thorer chirothecas se reliquisse qvestus, metum in causā inter, pretaturum Jökulem, nō repeteret, adjecit. Disvasit Thorsteinus, mali, si Olafum fortē offenderet, exitus conjecturam ab utriusque præcipitantia fumens. Verum moræ impatiens Thorer citato gradu in campum, ubi ludi celebrati erant, recessit. Inde cum omnes abiisse cognovit, ad aulam properans, eodem fortē puncto quō fili Regis illuc devenit, protinusq; Olafum simul ac deprehendit, per medium corpus adactō ferō transfixit, qvo exanimi relicto, insequentium manus frustratus subito aufugit, reliquis fratribus horrore tam subiti & inopinati casus percussis; nec prius destitit, quā ipse sanguinolentus cædis author, idemq; nuncius, ad fratres suos rediret; cumq; cruentam hastam gestaret, quærenti Thorsteino, unde cruor iste profluxerit? Olafum fortasse tetigi, respondit; mortuum ergo nobis indicas, adjecit Thorsteinus; sic autumo, respondit, neq; enim Jökulem, quantumvis peritus insignisq; sit, fratrem suum naturum existimem. Thorsteinus rem pessimam peractam qvestus, maxime quod hoc facinore patrem supra modum læsum nosceret, ob ærtissimum amicitia nexum illi cum Rege Niörfio intercedentem. Cum domum devenissent, pater Vikingus ante fores tristes venientes excepit, prius Thorerem affatus, quā ullus rei gestæ indicia deferret. Infelicem, inq;uens, te, Thorer, futurum jam dudum prælagivi, id quod re ipsa cæde Regiæ sobolis temerē perpetrata declarasti. His auditis Thorsteinus: Rectius, o pater, inq;vit, filium in summo jam vitæ periculo constitutum consiliis & operā, quandoquidem potes, juvabis, quā objurabis; viam namq; modo velis, optime calles, quā præsens discrimen evitabit: fidem conjecturæ facit, quod gestorum seriem nemine pandente nosti, nosq; indicaturos ipse prævenisti. Ad hæc Vikingus: utut eripere sciam, nequaquam tamen tanti faciam illius incolumitatem, ut perjurio redimam; intercescit enim inter Regem Niörfium & me sacrosanctum jusjurandum, quod ad mutuam fidem præstandam palam clamq; obstricti sumus, id quod is modis omnibus quā religiosissimē observavit, neq;

neque me hac in re ab eo superari patiar, neque mihi filiorum ullus illo magis dilectus unquam fuit: frustra itaque Thorer hic solanen subsidiumque expectabit; actutum ergo hinc se proripiat, conspectuique meo subducatur, nec deinceps se mihi videndum sistat. Thorsteinus omnes simul fratres comites ei futuros asseruit, periculumque unius omnibus commune futurum. Videns ergo Vikingus Olafi mortem non unius filii sed omnium simul orbitate constitutam, rectius facturum ratus, sibi ac suis consulens, si nocentem consilio ad propriam defensionem, nullam vero Regis offensionem protegeret, quam innocentes culpæque immunes obijceret morti, Thorsteino respondit: Licere ei, si libeat, fratrem sequi, prævidere tamen magnum infortunium, cuius infelix Thorer causa esset, morte nempe sua fratrumque suorum, tantum non omnium, suo etiam (quod seni minimè arduum) funere cumulandum. Solatio esse quod Thorsteinum, licet valde affligendum, invictum tamen futurum, omnibusque superstitem cognoscat; nec Thoreris mortem inter levia damna reponendam, quippe pugilis strenui, roborisque magni; illud vero ægerimè laturum, si forte gratiâ Regis, viri undique maximi simul & optimi, excidat. His dictis gladium Angrvadilem Thorsteino dedit, donum parentis sui, Biorno Blatanno ab ipso interfecto detractum, nec aliud sibi melioris notæ armorum genus esse referebat, præter id quod mortuo Jarnhaufi detraxisset, nemini eorum (quod crederet) ad gestandum habile. Quod si Thorsteinus fratris exilio se cum fratribus reliquis jungere, quam securus vivere malit, esse in lacu Vænere insulam parvam, ibique domunculam quærendam, quâ inventa, annonam etiam omnibus per integrum annum sustentandis sustenturam deprehensuros, scapham etiam pictoriam in litore occultatam prostare, iis transportandis idoneam, hanc cum eo devenerint, quam accuratissimè custodiendam, neque enim alterius in vicinia esse copiam. His monitis animati digrediuntur, armis, quæ pater iis, antequam hæc acciderent, dederat, quam optimè instructi. Cum ad litus perventum esset, deprehensâ scaphâ in insulam delati, omnia parentis dictis ad amissum respondentia comperiunt. Hæc narratio valde suspecta videtur, cum terræ marique omnia effugio paterent, aulæque Regulorum, tam intra quam extra Norvegiæ fines, fortibus viris luxuriarent, casam ignobilem exilii eos sedem elegisse, tanquam Cauci speluncam aut Polyphemi antrum, ubi tristem solitariamque & fortibus viris indignam erubescendam ac vitam, morteque ipsa duriorem, transigerent, nec id Vikingi prudentiæ consentaneum: exiguu forte tempore, dum undique quærentur, ibi delituisse crederem.

CAP. X.

DE MODERATIONE NIORFII ET SUMMA IN FIDE ERGA VIKINGUM CONSTANTIA.



T jam cædem Olafi fratres communi patri Niorfio nunciârunt, syadentes ut vindictam in tecta Vikingi protinus converteret, incensaque domo ipsum cum omnibus filiis domo edio tolleret, vix tamen ultionem parricidium in Olafum æqvaturam. Ipse vero negabat Vikingum quicquam in culpa ista communi-

municare, quam sine consilio ejus, consensu aut voluntate, ipso invito, commissam probè nosceret, quin etiam filios ejus omnes, præter solum Thorerem, immunes scelerisqve puros pronunciavit, amicitias & fædera, quæ utrinqve intercesserint, sanctissimè à Vikingo servata, se nihilominus quàm antea obligare ad injuriam ab ipso quovis modo arcendam, neqve sibi amissum jam filium restitui, si vel maximè talionem occiso Thore reddat, nam isto modo Vikingo nullò suò meritò se agrè facturum, tantum innocentem & amicum & socium priorem, sed primò omnium Deos fæderum jurisqve jurandi testes, ejusqve violati vindices, læsurum. Nullum igitur Jökuli fratribusqve ad persequendum Vikingum sobolemqve ejus auxilium suppeditabat. Olafus itaqve pro more tumulabatur, Jökull autem satellitum, quo stiparetur, comparavit. Ingravescente deniqve in dies patris ætate, ditionem ipsius vice capiti gubernare. Cito inde rumor increbuit, quod Vikingus filium Thorerem domo expulerit, fratresqve reliqui ipsum comitati patrios penates reliquerint; nihilominus Jökull cum manu haut exigua ad villam Vikingi profectus est, quâ sollicitè lustratà nihilo certior domum rediit.

CAP. XI.

DE INQUISITIONE IN LATEBRAS
FILIORUM VIKINGI, EXCITA VENEFICIIS TEMPESTATE,
TRANSITUQVE STAGNI CONGELATI, CONFLICTU
JOKULIS EJUSQVE FRATRUM CUM FILIIS VIKINGI,
EORUMQVE MUTUA CÆDE.



Hæc Uere duo viri in eò districtu, nemini quidem noti, nomen alteri Gautantis, alteri Ogautanus, hospitio excepti, Niorfio quidem renitente, quòd vultus facieqve notæ suspectæ eos probitatis arguerent; auctore vero Jökule, professione notitiæ abstrusarum artium commendante. Ab illis ergo Jökull postulavit, ut statum filiorum Vikingi, locumqve, ubi deberent, indicarent. Illi contra poscebent, ut solitariam domum utriqve sufficeret, ubi somnum tres noctes, nullo se interea accedente, vel nominatim appellante, securi caperent, quo elapso ipse primus se inviseret. Paruit Jökull, & sub pæna capitis vetuit, ne quis eos intra illud tempus vel accederet vel nominaret. Primus deinde, ut præceptum erat, præstituto tempore ingressus ad eos, ubi percepit, in insula, quam lacus Væner ambit, intra domunculam eos latere, inexpugnabiles naturâ loci inaccessi factos pronunciavit. Ogautanus consimilem illum pueris matre orbatis sibi videri ait, qui consilio destitutus statim ut leve obstaculum eveniat, fratricidæ persecutionem omisurus, nec cædem unquam suo ipsius ductu ulturus videatur: suppetere sibi consilium, quo intra triduum intensissimo gelu confrictus lacus etiam centum equites simul transmittentes sustinere possit; follem namqve sibi esse, qui prout inflaretur, aërem afficiat, ejusqve habitum variet, ventosum utrem nuncupari (propriâ lingvâ Vætrabælg.) Jökull tanto artifice impense laudatò, eam solam viam probavit, quâ insula peti posset, nulla ibi navi suppetente, nec iis quæ ad mare essent illuc deducendis tacilem aliam se pandere. Proximo triduo tanta tempestas cum nivibus grandine mistis coorta est, ut dubium nemini esset,

esset, incantationibus excitam esse, neque enim foras procedere satis erat tutum. Rigit illo tempore universa lacus superficies, singulique fluvii, & quotquot in vicinia erant aquarum scatebræ. Tum Jökull fratribus sociisque, præter duos hospites, ad triginta usque comitatus, ad persequendos Vikingi filios se accingit. Difficuit Niörfio propositum filiorum, valdeque id disvasit, molestias mæroremque sibi plurimorum orbitate creaturum, non levaturum, prædicens, consultius fuisse principio cum Thorere pacisci. Verum nunquam verbis aut sobriis consiliis moventur in mortem ruituri. Illius diei tempore antelucano expectatus Thorsteinus Thorere excitat, monetque, ut subito omnes simul inde discedant, quippe Jökulem hoc ipso die eos impugnatum adventurum. Quid hodie magis quam hucusque? quæsit Thorer: Thorsteinus somno se monitum asseruit, viros nempe sibi viginti duos lupos, septem etiam urfos, octavum rubris genis, valde infestum, adhæc duas vulpeculas (quarum conspectum horruerit) agmen præcedentes, atque in se fratresque suos impetum facientes, omnesque tandem dilaniasse, præter se & Thorere, qui tamen ceciderit, omnes lupos se solum occidisse, & multos ex ursis sociis armis stratos, minorem etiam vulpem suo gladio occubuisse visam, tandem se etiam corruisse. Quid portenderet? quærenti Thoreri Thorsteinus respondit, ursum rubicundis genis à cæteris distinctum, genium Jökulis agnosco, reliquos fratrum illius, vulpes verò cujus genium repræsentent, plane ignoro; perigrinos quosdam, sed omnibus ignotos, noviter adventisse conjicio, modum imminenti pugnae eventusque ostensum mihi per quietem auguror, ideoque periculum ut declinemus valde fveado. Thorer phantasmata dormientibus occurrentia interpretatus est, nec sibi congressum cum iis displicere, experturos hostes persecutionem ipsis quam maxime perniciosam futuram. Thorsteinus haut æquo Marte congressuros pauciores cum pluribus, consulere sibi, dum tempus permetteret, debere; postea occasionem dilapsuram. Præfractor Thorer, nullò modo ad salutem turpi fugâ quærendam passurum se adigi regeffit. Atque hæc sententia prævaluit. Omnes tamen, auctore Thorsteino, arma corripiebant, solus Thorer etiam ad ea segnis ibat. Vix ea elocuti erant, cum Jökull repente superveniens, fores, quæ binæ erant, armato milite obsideret. Thorsteinus cum duobus fratribus alias, alias Thorer & reliqui fratres defendebant, ingressu hostes prohiberi. Verum Jökull cum sociis fortiter eas fores oppugnabat, quas Thorer propugnabat, nec is segnius resistebat, donec quatuor trucidatis, quintoque ad Thorsteinum dilapsò, solus aliquantisper omnium impetum sustineret. Tandem crebris acceptis valheribus, cum diutius nequivisset, nec tamen se pelli pateretur, per medios oppugnantium globos erumpens in glaciem citato cursu se proripuit, qui agmine facto ipsum undique circumvallarunt. Videns igitur Thorsteinus fratrem hostium globo velut indagine septum, in præsentī vitæ discrimine versari, sine morâ in glaciem suppetias unâ cum residuis fratribus veniebat, hostesque in se paulisper convertit. Redintegratur certamen, magnâ ex utraque parte contentione, nec quisquam Thorsteinum impunè adortus est, gladio enim Angrvadile obvia quæque proscindente tantam cladem intulit, quantum numerus hostium prævalere videbatur. Omnes ex utraque parte fratres ad duos usque occubuerunt, soli Thorsteinus & Thorer ab alia, Jökull & Grimus ab alia remanebant; omnes præterea Jökulis milites, præter Gautanum & Ogautanum trucidati sunt. Fessus Thorer vulneribusque saucius tandem concidit. Per universum diem

certamen durabat, & jam crepusculum appropinquantem noctem præcebat, cum Thorsteinum vires deficere cæperunt; ut igitur se haut amplius suffecturum vidit, impetu in Gautanum facto, ipsum per medium petus mucrone gladii transsossu exanimem reliquit, quò peractò inter cadavera concidit. Tres, qui superstitès erant, Jökull, Grimus, & Ogautanus, tenebris se intendentibus, Thorsteinum inter cadavera dum requirebant, deprehenderunt Finnum mortuum, quem similitudine decepti Thorsteinum rati sunt. Grimus non amplius dubitandum ait, quin Thorsteinus mortuus esset. Ogautanus omnem se dubitandi ansam abrepturum professus, caput amputavit, at constrictus intrâ venas sanguis nequaquam promanabat. Victoriâ, quantumvis carè emptâ, magisque imaginariâ quàm solidâ, exultantes, ad patrem funestum nuncium remiserunt, quò prior orbitas novâ & numerosiore cumulatâ mærorem aggravabat. Igitur necem filiorum lamentatus multum Jökulem incusabat, quod authoritate sua consilioque spreto, seniles annos tranquillos sibi non permisisset.

CAP. XII.

DE THORSTEINO ET THORERE,
OPERA PATRIS CONSERVATIS, SANATIS,
ET OCCULTATIS, SED AB OGAUTANO INVESTIGATIS.



Thorsteinò inter strages mortuorum longo prælio fessò, non item vulneribus saucio jacente, carpento vectus intempestâ nocte supervenit Vikingus, inter cadavera filios requirens, magno robore corpora huc illuc projecit, longeque durius quos ex hostibus non planè mortuos deprehendit ad glaciem collisit: omnes prope filios ut obisse novit, Thorerem tamen vulneribus undique confossum, an inter vivos mortuosve computaret, ignoravit: quæsit igitur, an vocis compos esset? cui ille, loquiquidem posse, sed valde aggrè affirmabat. Thorsteinum verò fessum tantum animadvertit: Thorerem igitur in carpentum sustulit. Thorsteinus, ut erat armatus, ipsemet conscendit. Interea rigor cœli emolliri, nivesque in pluvias resolvi cæperunt, tam repentina mutatione, ut prius glacies decessura videretur, quàm Vikingus emetiri posset; mira tamen celeritate vix, ac ne vix quidem, in terram pervenit, eò ipsò punctò, quo glacies resoluta satiscibat, domumque delatos filios in domuncula subtus cubile suum abscondit, ibique Thorerem sanavit. Subterranea erat domus, meatus è cubili in sylvas pertingebat. Præcepit igitur Vikingus, ut quàm accuratissimè caverent, ne unquam extra fores procederent, hoc enim modo Ogautanus certior fieri, quod supra terram à morte erepti adhuc viverent, intra verò penetralia terræ prospicere haut perinde proclive fore. Interea fama per omnes provincias sublatos filios omnes Vikingi dispersit. Ogautanus tamen mussitabat, non sibi perfecte constare, an Thorer mortuus esset. Petiit ergo Jökull, ut hanc rem penitus rimari dignaretur, qui cubiculum ingressus, vestibulum nocturnis se profundè immerisit, verum eventu industriam frustrante. Postquam Thorer è vulneribus convaleuit: tædium eum tam diutinæ tristisque mansionis cepit, hortatur igitur fratrem, ut in saltum animi gratia secum expatiaretur, Thorsteinus & impie

impiè & imprudenter salubria sapientissimi patris præcepta eos transgredi testatus repugnabat, quoad solum processurum à proposito nequaquam retrahi posse viderat. Declarato itaque, eo sine se ei comitem addidisse, ut & solatio & subsidio esset, solum dimittere non amplius sustinuit. Egressi ergo simul ludis per integrum diem se recreabant; domum vero regressuri viderunt vulpeculam, naribus nunc aërem haurientem, nunc terram vestigantem. Hanc Ogautani genium interpretatus Thorsteinus, hastam in eam projecit; quæ terræ se statim immergere visa evanuit. Vix in domunculam regressi sunt, cum Vikingus accederet, increpans quod egressi domo Ogautano, ubi essent, indicaverint, Jökulemqve ad se propediem impugnandos provocaverint.

CAP. XIII.

DE CERTAMINE JÖKULIS CUM VIKINGO, ACCEPTAQVE MAGNA CLADE,
MUTUA NIORFII ET VIKINGI
MODERATIONE.



U^T autem Jökull ab Ogautano percepit, filios Vikingi apud patrem absconditos mortem evasisse, collegit octoginta viros, quos inter triginta aulici Niorfii erant. Vespere, qui destinatum in proximam lucem persecutionem præcessit, forte duo adolescentes, quorum nomina Vottus & Thumall, stipem petentes in aulam pervenerunt, qui ut cognoverunt periculum Vikingi, surgentes lectis, ubi erant pernoctaturi, omnem rei seriem ad eum pertulerunt. Quibus ille collaudatis gratias egit, renumeraturum quandoque pollicitus: surgens itaque, triginta ex vicinia comparavit, filiisque mandavit, ut intra domunculæ latebras remanerent, donec necessitate compulsus ipse tectum pede quassans eos ad suppetias ferendas evocaret. Thoror prælio statim à principio interesse malebat, patris tamen monitis fratribusqve suffragio cessit. Vikingus igitur cum sociis, ne imparatus offenderetur, arma corripuit, ingentemqve hastam, quam juvenis Harecho Jarnhaufó mortuo abstulerat, nulli facile tractabilem, ultrò citròqve versabat, visusque est senex tanquam denuò juvenis. Agger altus juxta & latus domum Vikingi cingebat, ne circumvenirentur ad hostibus, tutamen idoneum; ibi armati omnes impetum hostium expectabant: Votto etiam & Thumali arma data sunt, Jökulem cum armatis accedentem benignis verbis affatus Vikingus domum invitavit; ille vicissim ut filios dederet, postulavit. Vikingus præsentem eos quidem esse ait, apprehenderet modò se verò domum suam, & quod ea contineretur, defensurum. Acre itaque prælium exortum est, his pari ardore oppugnantibus, illis se defendentibus. Vikingum loci situs, Jökulem numerus militum juvabat: ad aggrem superandum omnes coeunt, sæpius repulsi: tandem conscendunt, non sine magna suorum jactura, nam tres quatuorve interdum solus Vikingus trucidabat. Ad ultimum, postquam omnes fere, qui à partibus ejus stabant, occisi essent, signo, ut antea conveniebat, filios excivit; qui ut è domuncula exsilebant, cognoverunt patrem valde fessum, nullo tamen vulnere affectum, tribus tantum, præter Vottum & Thumalem, sumperstitibus adjutum prælium sustinere. Thoror Ogautanum tredecim militibus

militibus stipatum adortus est, quos omnes exiguo tempore occidit; cumque Ogautanus se impeti videret, fugâ sibi consuluit. Thorsteinus cum Jökule longo tempore congressus, ad ultimum eum extra aggerem repulit; qui tandem fessus domum confugit. Jamque aulici Niorfii Vikingum longo tempore impetebant, cum is ictus nunc declinando, nunc inferendo, eos defatigavit; ad ultimum Jökule & Ogautano fuga dilapsis comprehensi â Vikingo, benignè habiti epulisque excepti sunt, nec absque muneribus ad Niorfium remissi, cum mandatis, ut referrent Regi, nihil sua voluntate contra eum admissum, illibatam se fidem ei datam ad extremum usque halitum servaturum. Hæc referentibus admiratus est Niorfius, quod oppugnantibus mortemque machinantibus non pepercisset modo, sed providisset etiam, & in sui gratiam beneficia exhibuisset, addito elogio, quod injurias officiis rependere mira animi celsitudine nosceret. Jokuli dehinc interdixit, ne ullas ei in posterum molestias crearet. Cui respondenti, haut æquo se animo laturum, fratricidas in vicinis prædiis receptacula quærere, regessit: experturum se, si fine an ipsius studio subditi magis tenerentur, nam quocumque tempore cognoverit infesto milite Vikingum impeti, extemplo se collectis copiis ad opem ei ferendam accursurum, nec Vikingo hac sua pertinacia consultum magis quam filio fore, nam ad vindictam ejus etiam nece filii sumendam, si eo interfecitore occubuerit, jam dudum sacramento obstrictum. Inevitabilem itaque necessitatem sibi incumbere, aut parricidio se contaminandi, aut perjurio.

CAP. XIV.

DE FILIIS VIKINGI AD HALFDANUM ABLEGATIS, OCCISISQUE AB IIS IN VIA DUOBUS PRÆDONIBUS, HALFDANI MOROSITATE IN HOSPITALITATEM CONVERSA, EXERCITIO PIRATICO, ET THORERIS NUPTIIS.



Is peractis Vikingus filiis retulit, potentiorum esse Jökulem, quam ut filiis domi remanere integrum sit, se itaque ad Halfdanum, veterem amicum, qui ad alterum montis latus habitet, occultè eos remissurum, licet viâ valde periculosa, quam duo latrones discretis domibus, longoque intervallo distinctis, obsideant, Samus alter, alter Fullasius nomine, natura fratres, instituto prædones & ficarii; intercedere etiam hiatum valde profundum, medium montem secantem, in triginta cubitos patentem, quem qui superaverit, præter se & sodales, neminem novisse, Thorsteinum tamen non excludendum videri. Ipsi se patris consiliis mandatisque quam piissimè obsecuturos polliciti sunt. Abeuntibus anulum aureum Vogas Halfdano deferendum, generis sui parentisque certissimum testimonium, tradidit, monuitque, ne indignarentur rigorem senis, notitia crescente paulatim emolliendum. Thoreri hastam Jarnhausi detractam sub discessum donavit, eisque fausta omnia apprecatus est, lachrymisque genas rigantibus tandem dimisit, oculisque in discedentes contortis infit: Ultimus hic dies est quo mihi vos contueri licebit: te, Thorsteine, virum celebrem longævumque futurum prædico. Valet. His dictis recessit. Ipsi

Ipsi consensu monte ad domum prædonis Sami pervenerunt, qui domum rediens prior eos cognovit, hominesque infortunatos filiorum Niorfi interfectores appellavit, se vero infortunio eorum statim finem impositurum, utrumque simul occidendo, minatus est. Illi nimis se repente perituros, si ambo simul ejus manibus caderent, solum Thorsteinum, Thorerem spectatore tantum, haut ei imparem futurum sponponderunt; quo dicto in Thorsteinum Samus irruit, tanta celeritate, ut ne ejus attingendi copia esset, nullo tamen casu subsecuto; itaque Thorer hastâ latus ejus hausit, & utroque trajecto exanimem prostravit. Magna ibi opum vis, sceleratis ausis congesta, quam intactam reliquerunt. Ibi nocte peractâ, summo mane captum iter emensuri, totam illam diem usque ad vesperam progrediuntur, donec ad domum Fullasii ventum esset. Ingens domus, lectus etiam magnitudine terribilis, quo incubantis statura modusque facile concipi poterat, fratum erat rotundum ingens quod miræ feritatis cani, quovis athleta fortiori, qui dominum sectari solebat, nomine Gramo, proprium agnoverunt: mercium etiam acervus spectabatur. Janua molis tantæ fuit, ut Thorer totis viribus adnixus solus frustra aperire tentaret. Nocte appetente ipse prædo advenit, tergo ursum bajulans, dextrâ manipulum avium tenens, ingressusque advenas nominibus propriis compellavit, & quomodo ejus manibus fratris sui elapsi fuerint, quæsit. Postquam eum occidimus, ait Thorsteinus; Thorer namque frater meus mecum colluctantem neci dedit. Nequaquam, ait Fullasius, sceleratam cædem committam, vos nocturno tempore interimendo, cibo potuque refocillati noctem transigetis, extremam horam in crastinum expectaturi. Atque his dictis ea quæ venatus est elixans mensæ deinde apposuit. Illi intrepidi securè cibum capiebant; per noctem verò lectis se applicarunt, ita tamen, ut suspectum hospitium observarent. Post modicum tempus experrecti surgunt, prædonem intra penetralia domus expectare periculosum rati, in campum eum excepturi processerunt. Nec is segnior, nam cane committante in Thorsteinum irruit. Thorer canem in se aversum longo tempore sustinuit. Tres horæ interfluxerunt, quibus fratribus omnis impetendi facultas prærepta est, solummodo insultus declinantibus, tantique Thoreri victoria canis constitit, ut furâ mutilaretur. Thorsteinus Fullasii viribus longe inferior, agilitate corporis & acumine gladii tandem prævaluit, nec prius discessum est, quam prædonem cum cane interfecissent. Inde ad scissuram montis cum pervenisset Thorsteinus, celeris saltu eam transmisit, ejus vestigia premens Thorer, in extremitate ulterioris ripæ hæsit; quod animadvertens Thorsteinus eum quidem manu sublevabat, increpabat autem quod prodigus vitæ inevitabilem mortem minime formidaret, quam suo auxilio destitutus jam, & fortè longè prius, oppetivisset. Captâ deinde viâ progressi, ad annem quandam pervenerunt, qui rapido cursu labens vadum occultabat, quod Thorsteinus inquirendum monuit. Thorer supervacaneum regerens præcipitem se in aquas dedit, & actutum tranavit, quem Thorsteinus actutum secutus est. Verum dum aquis innatant, subita ventorū grandinisque procella erumpebat, (e folle Ogaurani emissâ credebatur) adeo sæa & immanis, ut vestes gelu constrictæ, priusquam aquâ emollitæ indui nequirent, uvidis itaque amiciebantur; progressi deinde, usque dum Vogas perventum esset, occlusas ibi fores multum diuque nequicquam pulsabant; nulla ibi domesticis advenarum cura: trabem igitur ulnarum viginti, propè fores jacentem, supra tecta elevârunt, extremitatibusque infidentes, totam domum assiduo

corporum libramento quassabant, ut singulæ intra domum trabes & tigni fragorem insignem ederent. Vehemens inde formido domesticis injecta, omnes ab egressu prohibuit, solus Halfdanus in plateas exiens, testis insultantes advenas ut vidit, quinam essent rogavit. Illi suam parentisque salutem deferēbant, Vikingique filios se professi sunt, patrocinio ejus à patre commissos. Quibus ille respondit, complures ortum genusque ementitos multis hoc titulo imposuisse, neque se receptum illis præstiturum, per noctem tamen penatibus non eliminaturum. Ingressis humidæ vestes detractæ, atque ita, donec cubitum eundi tempus appropinquaret, nudi confidebant: inde in solitariam domum cubitum deducti. (Versio Svedica Halfdanum iis primò respondisse tradit: non posse se adoptivam inter Vikingum & se fraternitatem reputare, neque enim videri nexum illum ad posteros promanaturum, cum ipsi complures Regis Niorfii liberos occidissent, nec tamen se nocturno hospitio eos prohibiturum, mox subito ingressum triclinium secutos eos, nec iis humidæ vestes detractas.) Lectus in pavimento stratus erat, vestibus obsoletis, vas ligneum formâ quadrangularem apponebatur, addita duo coclearia cornea prægrandia, & illa ex diversis vasis angulis sibi invicem opposita. Ipsi quantum libuit comederunt: deinde Thorer vas in postes coniectum minutim confregit. Die sequenti ante Solis ortum exsurgentes, ad iter se accingebant. Accessit Halfdanus quæsitique, quosnam hesterno vespere se professi essent? Thorer, qui hoc jam melius, quam cum primo retulissent, percipere possit? quæsit. Thorsteinus vero Vikingi Comitæ filios se esse respondit, anulumque in fidem relationis ei tradidit, Thorere licet repugnanter, nulloque id suo commodo, sed potius detrimento, fieri dictitante. Ut vero anulum accepit, tum demum vera se relationis ipsorum indicia habere testatus, benignèque se excepturum pollicitus, ut hyemem ibi transigerent svasit. Verno autem tempore navem eis prædatoriam, remigibus sociisque nauticis apprime instructam, tradidit, quibus cum in australes Norvegiæ oras vecti essent, binas à patre, armis classiariisque quam optime instructas, obvias habuerunt, iisque receptis, reliquam ad Halfdanum remiserunt. Inde prædatum longè latèque itum. Accidit forte, ut ad insulam quandam appellerent: habitabat, ibi vir, nomine Grimus, totius insulæ dominus, qui eos ultrò, nec sine invitatione, hospitio per hyemem excepit. Ex uxore filiam unicam habuit, nomine Thoram, corpore vasto, formâ eximiâ, quam Thorer sibi uxorem ut frater peteret postulabat: verum postulata illius à Thorsteino exposita Grimus omninò abnuvit. Ad monomachiam itaque à Thorsteino provocatus, haut seguis assensit. Primò die ferarum exuviis pedibus substratis acerrimè dimicatum, absque tamen vulneribus sub vespere discessum. Secundo tertioque die victoria nulli partium adhæsit. Pugnatum igitur, donec Thorer per filiam ipsius cognovit, gemmam inesse galeæ, quam gestaret pater, quæ insuperabilem eum reddiderit. His ad fratrem delatis, cum quarto die pugnandum esset, Thorsteinus projectò ense in adversarium fertur, galeæque ruptis vinculis ereptâ, sine negotio humi sternit, stratòque pepercit. Quærenti, unde illi hoc consilium? filiæ indicio suggestum respondit. Nubere itaque cupit, nubatque, regessit, Thorerique eam elocavit. Principio veris Thorsteinus piraticam reparaturus, domi apud uxorem Thorerem reliquit; qui ex ea Haraldum genuit, qui cognomen à gæso, quod hereditate post obitum patris nactus est, contraxit, Haraldus Kæsja in posterum appellatus.

CAP. XV.

DE BELIO SOGNIAE REGE, EJUSQVE
GENERE, FABULA DE SORORE EJUS IN MONSTRO-
SUM HABITUM TRANSFORMATA, OGAUTANO INCEN-
DIO ELAPSO, ET JOKULIS NUPTIIS.

Interea Jokull admodum agrè tulit, non mo-
do vindictam in præsens, sed etiam in posterum, fa-
cultatem quoque ejus ereptam videri, itaque quovis
modo enitebatur Vikingi filios de medio tollere. Ad
Belium igitur Sogniæ Regem legatos muneraque mi-
sit, illumque ad societatem contra Thorsteinum &
Thorerem sollicitavit, effecitque, ut accepto pretio
eos se oppugnaturum, inque omnem occasionem ad subvertendos idone-
neam promptum paratumque futurum polliceretur. Natus erat Belius
Skatio nautico Rege. non, ut versio Svedica habet, patre Eirico, sed, secun-
dum exemplar Regium, manumque Episcopi Skalholtensis Brynjolfi in
margine adjectam, Eckile, proavo Mundile, abavo Meitere. Cum autem
Origines Norvegiæ Meiterem Goris filium faciant, planum est, hujus Skat-
tii genus hac serie ab eo derivari: accedit graduum ad ultimum Sogniæ,
Regem, Vemundum Priscum, Sognensium fiduciam appellatum, cum pro-
genitoribus Skatii iusta proportio. Is enim à Nore quartum ramum du-
cit, quem ab hoc Skatio, utpote maris Rege, qvales erant qui à Gore de-
scenderunt, expulsum facile colligas, eo quod hic Skatius in flore juven-
tutis pugil insignisque pirata ditionem Sognensem invasisset, sibi-
que subdidisset tradatur. Sed de his in Serie Regum Daniæ Lib: I. cap. IV. fusius dis-
seruimus. Hujus Skatii liminarcha Thorgrimus quidam, athleta Strenuus,
audacior quam fidelior fuit; Belio tamen Regio juveni in deliciis. Præter Be-
lium filiam habuit Ingibiorgem, exsuperantis formæ virginem. Senescente
Skatio piratæ duo, iidemque fratres, Gautanus & Ogautanus, ex improvise
ditionem ejus invaserunt, belli aut deditionis conditione proposita, Comita-
tu Comitisque titulo contentum esse iusserunt. Is, quantumvis viribus in-
ferior, pugnam tamen quam vilem subjectionis sortem experiri malebat,
fatis arbitratus, si integra Majestate bello præsertim finiretur. Itaque
solo aulicorum satellitio in pugnam progressus, rem strenuè gerendo, glo-
riosam mortem oppetivit. Belius cum Thorgrimò meliori sorti se reser-
vaturus secëssit, Ingibiorge sorore in gynæceo domi relicta. Post mor-
tem Regis satellitum reliquiæ in silvas & avia loca se abdiderunt. Victor
Ogautanus cum ditione Regium titulum assumpsit, Ingibiorgemque ux-
orem petivit; cujus calamitosa conditio fabulæ de ea confictæ occasionem
dedisse videtur. Illa enim prius sibi violentas manus illaturam respondisse
fertur, quam in nuptias intersectoris patris sui, præsertim tam scelerati
viri, atque is esset, consensuram, utpote malis genus quam homini simi-
lioris. Offensus hac contumeliâ Ogautanus: illud, inquit, malitiæ tuæ præ-
mium reportabis, ut transfigurata in teterrimum Skellineshiæ habitum
naturamque, antrum ad fluvium Diupamodam inhabitares, nec speciem
illam unquam me vivo exuas, sed nec aliter, quam si nobili satù qui-
dam te sibi conjugem asciscat. Ad hæc Ingibiorgis respondit: hoc e-
go regnum nec felix tibi, nec diuturnum auguror. Neutrum votum
effectu

effectu caruit, nam & Ingibiorgis omnibus infciis abscellit, & paulo post Belius & Thorgrimus nocturno tempore cum magnâ militum manu supervererunt, ædibusque superioribus, ubi Ogautanus cum fratre dormiebat, facibus subditis omnes quotquot inerant incendio cremârunt, solis fratribus per cuniculum qvendam elapsis, inque aulam Niorfii Regis ignotâ viâ delatis, ubi receptum, ut antea dictum, invenerunt. Ogautano iſafore Jökull, postquam filios Vikingi extra ditionis suæ terminos, patre nequaquam consentiente, pristinaque amicitia fœdera cum Vikingo inita ad finem usque vitæ religiosè colente, proscripſisset, ad Vilhelmi Vallandæ, seu septentrionalis Galliæ partis, Vallonum patriæ, Regis, forsitan ex Audio Haldani Prisci filio ortum trahentis, filia nuptias expetendas, sexaginta hominum comitatu, & in his ipso Ogautano, profectus est. Eum Rex honorificè, tum celebritate patris Niorfii, etiam in illis oris decantata, tum Ogautani studioſa commendatione motus excepit. Re ad filiam delata, Belius Sogniæ Rex eodem tempore cum triginta satellitibus aulam ingressus est: quo viso, Ogautanus malè sibi conscius, Jökuli quædam in aurem insufurrans monuit, ne vel ille, vel comitum ullus proprio vocabulo se compellaret, quoad peregrini isti ibi morarentur. Illò quoque filia Regis nuptias expetente respondit pater: Jökulem Niorfii filium eandem sibi uxorem depolcere, optionem penes virginem futuram, Belioque sibi a latere collocato convivium per triduum celebravit, quò elapsò cum utroque proco ad palatium virginis profectus, eligendi ex duobus quem vellet potestate factâ, subito apparuit, prioniorem eam in Belium esse. Verum eodem momento Ogautanus tabulam in gremium ejus coniecit, quæ mox abalienatò ab eo animò Jökulem prætulit. Belius sine ulla in rivallem ira, utpote suffragio virginis sibi prælatum, ad naves recessit, domumque rediit. Jökull etiam finitis nuptiis cum Ogautano proprios Lares repetivit.

CAP. XVI.

DE NAUFRAGIO THORSTEINI, A FABULOSA SKELLINEFIA CONSERVATI, ET OGAUTANI MORTE.



Non sufficiebat Jökuli Belium in caput fortunasque fratrum auro conduxisse: tempestatem etiam Ogautani opera procurabat, quæ in reditu ad domum Grimi, fratremque, qui ibi remanebat, adeo incubuit, ut post universas Thorsteini naves submersas, singulosque nautarum fluctibus obrutos, ipsum etiam naufragum in undas præcipitaret, quibus natando multum diu obnixus cum ad litus pervenisset, ulterius defectu virium contendere nequivat. Dum autem mergeretur, anum staturâ giganteâ, turpifacie, pallium scortum, ante quidem prolixius, pone natibus brevius, indutam, ad se gressus maturantem vidit; quæ eo protinus fluctibus erepto, quæsivit, an & sibi vitam debere vellet? nomenque Skellinefiæ professâ conservatæ vitæ mercedem suo arbitrio permitti postulabat. Annuit ille, modo id sibi præstare integrum foret, instititque quærere, quando id esset exactura? Alio tempore, respondit. In insulam, quam Grimus fraterque inhabitabant, perventum est, ubi in litore cum illo colluctata frigore repulso

repulso eum refecit, atque ita ab se invicem discesserunt. Thorsteinus domum delatus a Grimo & fratre amantissime accipitur, ibique hybernavit. Interea dum Jokull domum navigaret, repente oborta monstrosa caligo classi incubuit, atque adeo terribilis, ut singuli facies velarent, qua depulsa Ogautanus ad malum suspensus mortuus inventus est. Hæc autem & sequentia quæ de Skellinesia memorantur, arguunt certe ejus, & tunc quidem in afflictissimo statu constitutæ, qualicunque auxilio Thorsteinum fuisse sublevatum; abditus enim sensus his fabularum involucris quin occultetur, nemo sanus ambiget; mihi authoris traditionem transcribere fas erit.

CAP. XVII.

DE CERTAMINE THORSTEINI CUM
JOKULE, CÆDE THORERIS, SOCIETATE CUM
BELIO, ET NUPTIIS CUM SORORE EJUS
INGIBIORGE.



Primo vere Thorsteinum & Thorerem cupido incescit patrem invicendi. Medio itinere ignorantibus & securis Jokull una cum Grimo fratre triginta comitibus instructus occurrit, conjunctimque in eos magnis animis feruntur. Thorsteinus Angrvadile cinctus erat, Thorer hastam domi reliquerat. Grimus cum Thore congressus tandem post longum certamen exanimis concidit. Octodecim interea Thorsteinus occidit, deinde vulneribus valde saucius, longaque fatigatione lassus, vix ultra impetum hostilem sustinere valuit. Tergis ergo fratres junctis, adverso corpore ictus omnes vel excipiebant vel retorquebant; undecim præter Jokulem eos impetebant, & ad ultimum Thorerem trucidabant, quo mortuo tres ex omnibus Jokulis militibus, & quartus ipse, remanebant. Prælium ad editissimam fluvii crepidinem gestum est, in cujus extremitate cum Thorsteinus staret, magno insultu à Jokule supra pectus compunctus, præceps per prærupta ruit, Jokule pressis vestigiis lapsum vix cohibente. Tanta erat altitudo montis unde deturbabatur, ut nemini dubium foret, vitam eum cum morte commutasse; verum fortuna præsentis periculo eum mortique subtraxit; nam in locum herbis consitum & mollem delapsus deliquium passus est. Cum ad se rediret, vires eum adeo defecerunt, ut nè loco se movere posset. Præter spem itaque personata Skellinesia superveniens rogavit, num jam promisso se exsolvere vellet? in eo jam se statu esse respondit, quo nec ei nec cuiquam alii in posterum gratificaturus videatur. Nihilofecius illa sanitatis restituendæ mercedem conjugium ejus postulavit, monuitque, ut sacramenti sibi præstiti, periculi que præsentis memor esset. Itaque quamvis ortum ejus genusque plane ignoraret, sortemque abjectissimam duceret, tamen ducturum promissit, si præter sanitatem etiam gladium Angrvadilem casu amissum restitueret; quod illa intrepide in se recepit, nec longa interjectâ morâ præstitit. Tandem genus parentesque professâ, pristinæ formæ restituta est (a captivitate servilique conditione in libertatem forte asserta) Belioque Sogniæ Regi fratri suo se prope diem impetituto victo ut parceret, rogavit. Processu temporis commisit fortuna Thorsteinum cum Belio, quinque viris comitato, in his erat Thorgrimus, de quo antea dictum est, qui prior Thorsteinum affatus, be-

ne habere ait, quod liceat mercedem capitis ejus exiguo impendio mercari. Thorsteinus ante victoriam triumphandum esse negabat. Omnium deinde impetum non modo sustinuit, sed etiam repulit, nec impulsisse contentus, impetentibus etiam exitialem reddidit. Thorgrimo cum quatuor comitibus cæsis, solus Belius superstes magno animo in Thorsteinum fertur, qui ictus declinasse contentus inferre noluit. Verum postquam tandem certaminis eum capit, manu Belium apprehensum sibi assidere iussit. Vides, inquit, in potestate meâ esse, quicquid de te statuere libuerit, sed quem finem supervacuas inimicitias nullis injuriis lacessiti fovebimus, quin potius amicitias, fœdera, societates, fraterno nexu munitas jungimus. Regia dignitas tibi illibata esto, satrapæ mihi succederit; sororem tuam mihi elocato, quo affinitatis nexus reliquam necessitudinem arctet; dotem dicas prædia possessionesque, quæ ipsi in Sognia hæreditati obvenierunt. Ad hæc Belius: placere sibi omnes has conditiones, nec sororem generoso magis aut strenuo viro jungi posse: Verum obesse, quod ubi terrarum sit, nemini, quantum sciat, in hunc usque diem constet. Thorsteinus obstaculum illud facile removeri dicebat, redituram namque scire. Hæ igitur conditiones utrinque initæ jurisjurandis religione confirmabantur. Regium palatium in Syrstranda fuit. E regione ad aliud ejusdem sinûs latus prædium Fræmnesia jacet: ibi Thorsteinus post nuptias cum Ingiborge celebratas habitavit, prædium erat uxoris suæ dotale, cui subiacebant universæ villæ ad idem sinûs latus sitæ.

CAP. XVIII.

DE CERTAMINE SOCIORUM CUM
SLISA-UFFIO, EJUSQUE CÆDE, CONFLICTU CUM
ANGANTYRE, EJUSQUE CUM BELIO SINGU-
LARI CONGRESSU, IN SOCIETA-
TEM DESINENTE.



Is ita peractis, ad piraticam se accingebant, quinque navibus instructi, cum domo navigarent, septem sub autumnum reduces appulere. Proxima æstate spoliis parum partum, piratis congressum eorum ubique fugientibus. Cum ad scopulos Gaultelfæ confisterent, speculatum in continentem progressi, deprehenderunt duodecim naves ab averso promontorii latere ad anchoras stantes, tentoriaque in terra fumantia, lixasque cibariis coqvendis intentos conspiciebant, vili ergo veste tecti, adque coquos progressi fores corporibus obstruxerunt, ut ne fumus pro arbitrio lixarum evolvi posset. Qui indignati quæviserunt, quid mendicorum esset, qui fumo culinarios suffocare gestirent? illi senes simulando rauca voce cibum se fami depellendæ mendicari, simul quinam classis præfecti essent? rogârunt. Mentionemne Slisa-Uffi & Otulfaxii, Herbrandi Capitonis filiorum, unquam audiverint, virosum omnino incomparabilium, responsum est. Qveis cognitis, ad naves redierunt. Summo mane remigando promontorium superârunt, ingenti clamore in piratas inveci: nec isti segnius ad arma concurrebant, impetu hostium, quantumvis improviso, fortiter represso. Uffius numero superior & ipse robore & rei gerendæ peritia insignis fuit. Integrum Biduum

duum certatum est, ancipiti eventu, tertio die Thorsteinus & Belius triremem Uffii (draconem nominant, quod illius formam repræsentaret) con-
 scendunt, & omnes ante malum pugnautes occiderunt. Quod ut Uffius
 ex celsa puppi conspexit, ad suppetias suis ferendas impetumque hostium
 coercendum provolvit; congressusque cum Belio superior fuisset, ni
 Thorsteinus stricto Angrvadile cassidem cum capite, lorica cum corpore
 universo uno ictu penitus in duas partes dissecuisset. Prodigiosum
 ictum admiratus Belius obstupuit, vaticinatus, famam illius quoad septen-
 trio coleretur nunquam interituram. Classiariis militibusque supersti-
 tius conditiones oblatae, vel deditiois, vel redintegrandi praelii; qui jam
 tanquam capite destituti, & à militiæ sacramento liberi, nec cui pugna-
 rent vincerentve, vel obstricti, vel certi, praelio deditioem prætulerunt.
 Manubius in naves congestis magna prædā, & in his trireme prætoriam lo-
 cupletati socii domum redierunt. In divisione prædæ singularis pretii ci-
 melium Belius, sive jure, sive pacto præcipiebat, æquò pretiò Thorsteino
 redditò. Si duo pariter pretiosa in prædā essent, optio Belio compete-
 bat, itaque myoparonem elegit, adjectā conditione, ut si quando alia navis
 pariter egregia in potestatem redigeretur, possessio ejus Thorsteino con-
 cederetur. Hyems domi pro more transacta: exinde prædatum quinde-
 cim navium classe itum est, duodecimque magnæ naves juxta promonto-
 rium quoddam deprehensæ, rectore juvene conspicuæ formæ, Anganty-
 re Herraudi cujusdam Comitis in Gothia filio (Vestrogothiæ, an Ostro-
 gothiæ, non exprimitur) Octodecim annorum adolescente. Belius eum
 configere aut bonis cedere jubet. Is certamen, licet iniquum, quod clas-
 sem suam trium navium numero excederent, prætulit. Belius æquali nu-
 mero pugnaturos pollicitus est. Toto die certamen extracsum est, æqua-
 tà ex utraque parte clade. Postero die Angantyr compendium certami-
 nis quæsiturus, Belium ad duellum provocat, nec is conditionem abne-
 bat, substratoque pedibus sago, quod egredi fas non erat, manus conse-
 rebant, pari utrinque pertinacia, sed dispari successu, nam Belius fessus
 vulneratusque, victoriam hosti concessurus videbatur. Quod ut animad-
 vertit Thorsteinus, Angantyr alloquitur: videre se eum Belio superio-
 rem, nec conflictum aliter, quam morte ipsius finiturum, posse quidem
 se præsentis periculo socium subtrahere, iniquamque Belii fortunam in eum
 se convertere, verum malle se Belium mori, quam scelere servari, nec tan-
 ti eum usuram vitæ facere; quod si contingat Belium hoc certamine oc-
 cumbere, ultionem tamen ex fœdere sibi incumbere, alio illam modò ex-
 sequi nolle, quam quo Belius sublatu fuerit; itaque se ei singulare certa-
 men indicturum: verum constare sibi, quod, in quantum is Belium viri-
 bus excedat, in tantum se eum superare: perniciosam igitur ei victoriam
 de Belio, nec diuturnam, omnibus etiam luctuosam futuram: certamen
 igitur in societatem vertant, communibusque viribus & bella gerant, &
 præmia reportent. Ad hæc Angantyr: non iniquas eum condiciones of-
 ferre, nam inter se & Belium societatem non indigne contrahi, quod vero
 suæ insuper copiam faciat, id se pro beneficio agnoscere. Fœdera igitur
 & societates tolenni id temporis juramenti ritu, elicitò e volis singulorum
 sanguine, deinde commixto, subitoque cespite in fornicis modum erecto,
 hastæque pro fulcro subnixo, contrahebant, seque ad mortem alterius ul-
 tiscendam mutuò obligarunt. Deprehensa est postea duarum navium in-
 ter confligendum facta jactura: viginti tribus navibus residuis in Sogdham
 delati in hyberna recesserunt. Compluribus annis exercitum illud sine

intermissione cultum est, tantaque nominis sui fama septentrionem impleverunt, ut in Saxonia perinde ac in Norvegia atque Finnmarkia crebrò sermone nomina eorum celebrarentur.

CAP. XIX.

DE PUGNA CUM OTULFAXIO, ET
EJUS EXITU, DEVICTISQUE ORCADIBUS
ET AGANTYRIS POTESTATI COM-
MISSIS.



Tulfaxius cognito fratris excidio, per universum triennium lustratis omnibus promontoriis & sinibus cum sexaginta navium classe eos inquisiverat. Contigit autem dum sub Brenneyis excubarent, ut ad aversum promontorii latus Thorsteinus classem appelleret, solusque in intulas exscendens videret ante fores virum, valde senem, veste viridi amictum, corpore crasso, statura mediocri. Is Thorsteinum nominatim salutavit. Cui ille, mirum sibi videri, quod se antea nunquam visum cognoscat, & nomine proprio compellet, cum sibi nulla illius sit notitia. Arcum tamen cognationis vinculum intercedere regessit senex, nam se illius esse patrum, Vikingi fratrem, Visile satum, quo tempore is militiæ Halogii præfectus piratas per vicinas oras persecutus fuerit, nominabatque se Brennerem, habere autem quod eum moneret, nimirum, Otulfaxium, qui jam dudum copiam ipsius exoptaverit, ab altero promontorii latere cum ingenti classe adesse, adventus illorum prorsus ignarum, quem ut improvisum primò diluculo opprimeret, ivasit; esse illi navem prætoriam, Ellidium dictam, tanta arte factam, ut parem habeat neminem, mirifico genio præditam, ita ut voci humanæ tanquam intellectæ parere videatur, (quod quamvis absurdum videatur, tamen ea, quæ absurda sunt, adjurationibus & arte magica sæpius perpetrata constat, nec hoc magis absonum, quam statuas posse loqui, de quibus Natalis Comitum judicium Mythologiæ Lib. VI. Cap. XII. de Dodone legi dignum est. Qvin & Argo navis loqvacem malum e quercu Dodonea habuisse perhibetur, ideoque Lycophroni loqvax pica appellata.) Ad hunc ergò improvisum aggrediendum se conferunt. Non aliàs acrius aut periculosius prælium Thorsteino gestum est. Dæmoniaca ibi vis, dæmoniæ opposita, fortioreque auxilio victoria parta apud socios remansit, sed nec illa incruenta, nam omnibus navibus amissis sola trimemis Belii supererat. Otulfaxium ferrum nullum, ne gladiis quidem Angrvadill, penetrare poterat, faxicolæ, nomine Sindrii, cultellus solus prævaluit, clava etiam ingens, mediocri robore instructo viro vix levatu facilis, a Thorsteino tamen levis stipulæ instar rotata, Brenneris donum, si non ad penetrandam duratam incantamenti cutem, enervandum tamen contundendumque Otulfaxium idonea. Sindrii etiam è singulis digitis nullum frustra emissum telum, Brennerisque adversa è rupe conjectæ sagittæ multum efficiebant. Otulfaxius nonaginta prælia gesserat, monomachias tredecim, ætatem ad centum triginta (versioni Svedicæ nonaginta) annos prorogaverat, tandem fatali cultello in necem suam machinato concidit, postquam sub undis longò tempore cum Thorsteino conflictatus esset. Hic autem dum mortuo similis viribusque cassus super aquas volutaretur,

taretur, scapha sudorum exceptus ægrè imminentem mortem evasit, cumque sociis ad Brennerem, triginta tantum ex omni militum sociorumque nauticorum numero, pervenit. Myoparo Ellidius ex pacto jam Thorsteino cessit; pretiosarum rerum tantundem Angantyr; Belium, qui triremem ante reportaverat, cæteram prædam ex æquo sortitum licet conjicere. Navium devictarum magnus erat numerus, ex iis omnes ad tres usque, nec illæ satis à nautis instructæ, cum pluribus aliis muneribus Brenneri datæ. Ab eo insulæ Brenneyæ nomen contraxerunt (ut supra memoratum est) circiter annum à nato Christo centesimum. His peractis Sogniam repetebant, ibique hyemem transegerunt. Proximo vere in mare occidentale expeditio suscepta, Orcadesque expugnata. Præfuit iis Comes Herraudus, qui integrum biduum cum iis in insula Papeya dimicabat, tum demum naves ejus diripi, milesque deficere capit, tandem ipse occisus victoriam & imperium iis reliquit. Insulæ omnes Regi solicesserunt, quas cum annexa Comititis dignitate Thorsteino in feudum obtulit; is autem malle se ei satrapæ titulo cohabitare respondit, quam Comititis titulo conspicuum ab eo distrahi. Angantyr igitur Comititis titulo præfectus est, beneficio Belii, ad annuam pensionem obligabatur, ibique custodiæ earum relictus est, Belio & Thorsteino domum redeuntibus.

CAP. XX.

DE PUGNA JOKULIS CUM THORSTEINO
AD BORGUNDARHOLMUM, CAPTIVITATE-
QUE THORSTEINI, ET EFFUGIO, SECUTAQUE
RECONCILIATIONE CUM JOKULE.



Iorsius & Vikingus ad extremum usque diem amicitia fœdera sanctè coluerunt. Post mortem eorum Jokull tam paternum territorium jure successione, quam Vikingi Comitatum defectu hæredum idoneorum sibi vendicavit. Tanta insuper ira & odio plusquam Vatiniano æstuabat, ut dum Thorsteinus solus e numerosa Vikingi sobole superesset, non passus sit sibi persuaderi fratrum necem vindicatam esse. Solebat is more Regulis usitato, quotannis mare Balthicum & oras Germaniæ Sveciæque & insulas Danicas piraticis navibus infestare, indeque prædas & ingentia spolia avecta domum deferre, quibus familiam splendide satis aleret, & militibus stipendia distribueret, nec tamen eadem, qua Belius & Thorsteinus, moderatione in mercatores usus est. Hunc eundem tractum prædatoria classe Belius & Thorsteinus prædæ destinatum per partes exspoliare consueverunt, Saxonia hoc anno direptionibus patebat. Inde spoliis onusti in Daniam cursum vertunt. Ad ostium finis Limici pervenerunt, cum nimborum vis ingens classem in altum abactam universam dissipavit. Thorsteinus Ellidio victus, in tanto discrimine periclitabatur, ut remiges fessi agenda navi minus sufficerent, plurimi in exhaurienda sentina occupabantur: ad Borgundarholmum tandem appulit. Illuc Jokull decem magnis navigiis delatus, de improvviso supervenit: nec mora, unicam illam navem nautasque longo remigio fessos, vixque armis gestandis idoneos, circumfistit, & impetu facto in navem insilit, hortaturque socios, ne hanc prædam, quam fortuna obtulerat, e manibus dilabi patiantur, perpetuam infamiam & publicum probum cæteroquin incurfuros.

Thorsteinus, quamvis resisti posse desperaret, tamen, ne omnino inultus caderet, ad arma se expedit. Necessitas præfens & desperatio animum addidere, itaque fortius eos excepit, quam vel Jokull, vel ipse Thorsteinus sibi pervasissent, nec socii nautici sibi defuerunt, quamplurimos unoquoque sibi ex hostibus mortis socios ministrosque in aula Valica destinante. Verum pauciores à pluribus, fessi ab integris vincuntur, tantaque strages facta est, ut omnibus occisis solus Thorsteinus superstes esset, quem cominus accedens Jokull gladio per femur transfodit. Thorsteinus autem gladio retrahentis manum vicissim amputabat; capitur tamen, inque vincula coniectus in proximam diem, quod nocturnæ cædes nefariæ censerentur, duodecim custodibus reservandus traditur, quorum tamen custodiam elapsus per varios anfractus, iis occisis in Sogniam ad Belium Regem pervenit. Tradunt antiquitates, quod nuncupato Saxicolæ nomine, illius, qui ad Brennevas auxilium præstitit, præfente numinis illius operi imaginemque sentiens, fractis demum compedibus evaserit, malo spiritu superstitionem illius hominum mentibus ingerente. Jokull iacturam manus nece hostis proxima die vindicaturus, ut elusos custodes comperiebatur, erubuit. Ex illo diē contumelioso nomine Unimanus vocabatur, nec aliud cladem, quā Thorsteinum afficiebat, reputavit, quam ad ultionem evidens irritamentum, nec eum conjectura fefellit, nam Belius & Thorsteinus per faciales bellum illi & certaminis locum indixerunt, qui copias collecturus, plurimos deprehendit partibus Thorsteini faventiores, quos cum autoritate sua vel cogere, aut si vel maxime posset, in fide continere cum desperasset, veritus ne a suis proderetur, voluntarium, vel potius necessarium, sibi exilium indixit, concessitque in septentrionalem Galliam ad Wilhelmum Regem socerum. Interim Uplandas Belius & Thorsteinus, fugā ducis defensore vacuas, occuparunt, perque vicarios rexerunt, ipsi in Sogniam ad proprios penates remeantes. Nec longē post, oratores a Jökule ad Thorsteinum missi pacem petierunt, locus ubi convenirent, singuli tribus navibus instructi, sinus Limicus electus, ibi conditiones proponendæ. Placuit Thorsteino inimicitias finem aliquando imponere, se enim necessitate defensionis, non voluntate & sponte sua, ad arma processisse testatus est, semperque à se parentum amicitias, etiam in filiis Niorfi, cultas: itaque in æstatem conventus dilatus est. Ne vero insidiis Jökulis circumveniretur, duodecim speculatores præmisit, qui cognoscerent, quanto cum navium numero accederet. Ut vero omnia ex fide agi cognovit, nec pluribus navibus advenisse quam convenerat, ipse quoque ad definitum locum Ellidio vestus, duobusque aliis navigiis se cōfert. Concluditur pax, nullis unquam simultatibus violandā, cædes cladesque & vulnera compensata, neutri parti pecuniis luenda. Jökuli regnum restitutum; eidem etiam Comitatus Vikingi, successionis & belli jure Thorsteini factus, amissæ manus solatium cessit; inimicitia in posterum sopita æternæ oblivioni mandabantur. Jökull itaque postliminio in regnum rediit, Belius & Thorsteinus in Sogniam, nec exinde piraticam exercuerunt. Excesserat illo tempore Ingiborgis Thorsteini uxor, ejus nomen Belius frater filia suæ indidit; habuit insuper duos filios, Helgium & Halfdanum. Thorsteini filius Fridthiofus dictus est, filia Vefreya, fratre natu major, abstrularum artium, quas à matre didicerat, peritissima.

CAP. XXI.

DE EXCESSU BELII THORSTEINIQUE,
EORUM SEPULTURA ET BONORUM THOR-
STEINI DIVISIONE INTER LI-
BEROS.

Belium jam senio gravem sumptuosa rei fami-
liaris administratio, expensarumque moles ad mobi-
lium rerum indigentiam propemodum retraxisset,
ni Thorsteini industria & fides nutantem familiam
sustentasset; trienti ditionis præfectus est, atq; hinc
tertio quovis anno Regem cum familia satrapiam
suam perlustrantem magnis impensis sustentare, con-
viviusque excipere tenebatur, reliquis annis Regiis sumptibus publica ne-
gotia obiri, gratisque convivabatur. Belius ad ultimum jam moriturus
filios hortatus est, ut veteres amicitias colerent, Thorsteinique & filii ejus
consilia operamque minimè aspernarentur, quorum industriâ prudentiâ-
que scirent se indigere, injuriis eos irritare sedulo caverent: tumultum
præterea ut sibi exstruerent, mandavit, Thorsteinus quoque decessurus
filium monuit; ut Regibus (nam Belius prior mortuus erat) obsequi,
quàm adversari mallet, invidiam injuriasque dissimulando declinare, iram-
que mingare quàm ulciscendo provocare studeret, nec tamen sibi mode-
rationem ejus suspectam esse, nec paterni præcepti in eo metuendam ne-
gligentiam. In litore Framnesiano, e regione collis sepulchralis Belii Re-
gis, tumulo exstructo se inferri præcepit, quo facilius mutua cum Rege
voces communicari colloquiaque institui possint, quoties edito clamore
impudentia quædam invicem significare libuerit. Situs est igitur Thor-
steinus, ut præceperat, oppositique colles alter in Syrstranda, alter in
Framnesia, sinu tantum discreti, indicio fuerunt, nunc, ut audio, diruti.
Fridthiofus in paternâ domo & interdum apud Hildingium, virum pri-
marium, qui etiam Ingibiorgem Regis filiam enutriebat, educabatur. In
herciscunda familia, inter res mobiles pretiosas myoparo Ellidius cum ar-
milla, possessiones præterea Framnesia cum subiectis prædiis villisque
Fridthiofo; gladius Angrvadill Vefreyæ, obtigit. Quindecim remis à
singulis lateribus Ellidius instructa fuit, singulos selecti duo juvenes age-
bant, latera ferreæ laminæ obducebant; ex selecta materiâ constabat, ad-
que perennitatem facta videbatur, nec magnitudine onerariis cedebat.
Fridthiofus tanti roboris fuit, ut duobus remis longitudine tredecim ulna-
rum solus in prora constitutus navem agitare, cum tamen singuli remi
duos (ut modo dictum) remiges requirerent.

CAP. XXII.

DE FRIDTHIOFI CUM REGIBUS SOG-
NIÆ, BELII FILIIS, HALFDANO ET HELGIO SI-
MULTATÈ, NUPTIARUM SORORIS
REPULSA.



Erum nihilo firmior inter Belii Regis & Thorsteini filium Fridthiosum, quam inter Niorfi Regis filios & Vikingi amicitia permansit; virtus quippe Fridthiofi, robur præsertim & corporis dotes, illo & superioribus seculis felicitatis & tantum non summi boni loco æstimatæ, tum etiam in rebus gerendis prudentia & dexteritas, Reges Helgium & Halfdanum in invidiam accenderunt, iniquo animo, ut fieri solet, ferentes, privati cujusque sortem in suæ comparationem venire, nedum præferri. Accessit quod inter illum & sororem ab educationis communione orta familiaritas in vota conjugii utrosque accensura videretur, invisa etiam patris Thorsteini apud Belium Regem gratia in sobolem etiam successorum odium vertit. Et jam tempus erat, cum Fridthiosus more parentibus recepto Reges ipsius præfecturam, juri reddendo, judiciis exercendis, litibusque dirimendis perlustrantes sustentare, conviviisque excipere tenebatur, id quod ille alacriter & summa cum magnificentia præstitit, illamque nominis existimationem comparavit, ut solo nomine Regio illis inferior, cætera etiam potior videretur. Dapsilis hæc liberalitas, tum etiam inter convivium cum sorore Regum assiduum colloquium, magis animos eorum irritavit, quam conciliavit. Verum post interlapsum a convivio Regumque discessu modicum tempus, animo solito magis anxius apparuit, more communi, quoties aliquid obstinatè expetendum deliberandumve esset comparatu arduum, nec tamen prætermittendum. Ex duobus igitur familiaribus juvenibus, educationis sociis Biorno & Asmundum, quorum illum veneratus est, hunc ad commune utriusque famulitium adhibuit, iste solitudinis causam requirebat, cognitoque, sororem Regum sibi deprecere conjugem in animo esse, cæterum repulsam metuere, facile amantis animum ad propositum exequendum impulit. Ascito igitur modico comitatu Reges, dum in colle confiderent, adivit (magni enim ponderis negotia supra parentum busta, tanquam in eorum conspectu tractari solebant) ibique nuptias sororis expetebat, verum responsum reportavit, inferioris conditionis viro elocari sortem illius non pati. Magis illud ob similitates tacite conceptas prætextum, quam sic revera visum arbitror, cum is etiam Regia familiâ oriundus Regum esset amittinus, paterque illius decessoris Regis sororem duxerit. Itaque Fridthiosus valde indignatus obsequium auxiliumque eis actutum renunciavit. Illi nihil interesse responderunt, quoquò demùm se veteret. Hinc apparet, Regulorum gratiam pro utilitate, necessitate etiam ut plurimum potentiores cives coluisse, obsequiumque ad arbitrium exhibitum revocasse, quoties visum est. Fridthiosus hoc responso accepto domum rediit, discussaque solitudine ad hilaritatem, prout antea consueverat, conversus est. Verum valde deminuta prudentioribus visæ sunt Regum vires ejus secessione, adeo ut etiam Regulis vicinis Majestas eorum vilescere cæperit.

CAP. XXIII.

DE BELLO REGIBUS A HARINGARICHÆ REGE HRINGO INDICTO, ET FRIDTHIO MILITIAM DETRECTANTE.

Hringus



Hringus, ea tempestate Hringarichia Regulus, habitavit in prædio, Streitulandia dicto, pro temporum illorum conditione valde potens, sed ætate proventus, cujus debilitatem glorioso aliquo facinore pensare cupiens, commodam occasionem affulsisse ratus, Sognia Regulos, cæteroqvin consiliorum inopes, nunc etiã præsidio opeqve Fridthiofi, viri in primis strenui, & tota Norvegia hoc nomine celeberrimi, destitutos, oppugnandi, sibiqve subijciendi, eoqve majorem gloriam futuram ducens, si ætate senili effecisset, quod juvenes aggredi non ausint. Misit ergo legatos ad Regulos, cum mandatis, ut vestigales sibi fierent, tributaqve in recognitionem imperii mitterent, secus bellum expectarent. Reges illud in juventute nolle se discere responderunt, cujus in senectute pueret, nimirum obsequium cum dedecore pari exhibere; quamvis prope opprobrium esset cum sene decrepito confligere, tamen se ipsum nequaquam domi expectaturos, sed mediã viã cum exercitu occursuros. Legati responsum Regum domum denunciant. Utrique igitur copiis, quã poterant maximis, collectis ad bellum se accingunt. Placuit ad Fridthiofum Hildingum nutricium mittere, imperatum ut militiam suorum Regum sequeretur. Forte taxillorum ludo intentus erat Fridthiofus, cum legatus ingressus ei nunciat salutem Regum, cum mandatis, ut eos ad pugnam adversus Hringum Regem sequeretur. Nihil adhuc Fridthiofus respondit, sed ad Biornum collusorem ait: Inter orbis interstitium est, quod non turbabis, sed rubrum orbem ego elegero; experiar an ei cautum fuerit. Iterum legatus ait. Mandavit mihi Rex Helgius, ut nunciarem, te, si proficiscaris ad pugnam, penas transgressi spretiqve mandati, & obsequii; subtrãcti omnino expectaturum. Tum Biornus ad Fridthiofum: orbis hic in bivio est. Ego vero, ait Fridthiofus, propius eum ad pugnam attractam: nunciumqve sine responso dimisit. Qui ut ad Reges rediit infecto negotio, quibus inter ludendum formulis usi fuerant, exposuit. Regibus quid his denotare voluerit? sciscitantibus. Per rubrum orbem, inquit, sororem vestram intellexit, quã deperit, per interstitium autem, dilaturum se auxilium significavit. Cum vero pugnam nominaret, cum ego ipsi minarer, Hringum intellexit, qui minis prius, modo fieri possit, terrendus fuerat. Postquam ad pugnam parata erant omnia, priusquam proficiscerentur providendum censebant, ne sororem Ingibiorgem Fridthiotus vel raperet, vel violaret. Ad ostium sinus Sognici occidentem versus litus procurrit, ubi prædium magnum situm est, Baldo Deastro dicatum, deque ejus nomine Balldrshagium denominatum, ibi asylum tutissimum Basilicaqve magnificentissima, sepe ligneã septa; simulacrorum ibi numerus magnus; Baldus tamen ante omnia cultus. Locus iste longè sanctissimus habitus est, atq; adeo, ut si vel homini vel ulli animanti ibi quis nocuerit, piaculum commississe consensus approbaverit. Sed nec viris faminis illic misceri permissum, aut eas quovis modo contrẽtare licitum. Ibi forem religione tutam securẽ, dum abessent, servari posse, nec ullum eò audaciã processurum, ut sacra Deorum delubra temeraret, perfrasi, ad bellum proficiscuntur.

CAP. XXIV.

DE FRIDTHIOFO, SE IN SACRIS Æ-
DIBUS CUM REGIA VIRGINE OBLECTANTE,
ET REGUM PACIFICATIONE.

IX Reges aberant, cum Fridthiofus navem El-
lidium expediri jubet. Quorsum tenderet, quæren-
ti Biorno respondit: Balldrshagium ad Ingibiorgem.
Cui consilii atrocitatem, publicum humani generis
odium, tremendam Deorum iram, demumque vin-
dictam subsequituram regerenti, pluris sibi esse Ing-
biorgis amorem, quàm iram Baldi, respondit. Atq[ue]
his dictis pretiosissima veste, armillâque, cui parem id temporis Nor-
vegia nullam habuit, se exornans, Balldrshagium petivit, ingressusque tri-
clinium, Ingibiorgem octo virginibus stipatam accedit, totidem & ipse fa-
mulis comitatus. Quærenti, cur invitis fratribus suis, iisque Regibus, in-
vitis etiam Diis, illuc veniret, quorum iram, si vel maxime hominum, ta-
men nullo pacto se effugiturum sciret, gratiam ejus omnium Deorum in-
dignationi se prælaturum testatus est; nec illa amicum, sui quàm Deo-
rum observantiorē, tpe destitui ultra passâ, cum omni comitatu ad convi-
vium invitat, inque intrati pretiosis tapetis palatii loco sibi proximum col-
locat. Inde vina & præstantissima quæque potuonum genera illata convi-
vas exhilarant. Interea armillam illam pretiosam, brachii sui ornamen-
tum, ei dono obtulit, si tamen pronuba in posterum haberetur, nec ad alium
unquam transferretur; quod si contingeret, ut in suarum rerum numero
amplius esse nollet, ad se remitteret. Datis in hoc invicem dextris, aliam
contractus symbolum, vicissim ab eâ accepit. Sæpe noctes integræ ibi
transactæ, nec ulla intermissa dies est, quin eam accederet, quoad Reges
bello detinerentur. Interea Reges Hringum navale etiam bellum paran-
tem (quod mirum videri poterit, cum Hringarichie Rex fuerit) in Rog-
landiæ freto Soknarfunda offendunt. Servat nomen in hunc usque diem rei
gestæ memoriam situ inter cœnobium Utsteinense & oppidum Stafangriam,
unde sesquimillari, parvo quoque intervallo à cruce lapideâ, quæ ibi olim
erecta, sed fariosi rustici ausu nuper disrupta est, distat. Hringus classe co-
piisque longè præstabat, cui cum Sogniæ Reges se omnino impares vide-
rent, intercessione amicorum res conditionibus transacta est, sororque
eorum cum dote ingenti, omnium paternorum bonorum triente ei nuptui
collocata, præfinita nuptiis die, eorundem impensis in Sogniâ celebra-
dis. His peractis ad suos quisque penates redierunt, fratribus, quod con-
ditiones duriores visæ sunt, malè acquiescentibus.

CAP. XV.

DE CONDITIONIBUS A REGIBUS PRO-
POSITIS, QUIBUS FRIDTHIOFUS PACEM REDIMERET.

Um jam Regum reditum propediem exspe-
ctandum conjiceret Fridthiofus, virgine salutata, pa-
trem quoque familias Baldum (sic idolum appellabat)
impensè commendavit, quòd nec se, nec socios limis
oculis intuitus convivales voluptates benignè indul-
serit. Ne autem, dum Balldrshagium, pro more,
pergeret,

pergeret, à redeuntibus Regibus de improvviso opprimeretur, convenit, ut Ingibiorgis supremi Disarum palatii, quod inter omnes aedes eminebat, tectum, quâ Framnesiam spectabat, candidis velis inferneret, signum sistendi itineris, quo die visum esset. Quod ut è domo conspexit, vindictæ facultatem Regibus prærepturus, milites vicinosque congregavit, quos illis opponeret. Qui ut omnem rei gestæ seriem cognoverunt, id unice admirati sunt, quod Baldus tantam ignominiam pati sustinuerit. Verum cum majoribus viribus Fridthiofum suffultum animadverterent, quàm ut se ulcisci possent, Hildingum ad eum cum amicis ejus pluribus mittunt, qui impunitatis viam monstrarent, si in Orcaades ad Angantylum Comitem profectus, tributa à morte Belii patris intermissa exigeret, Regibusque, magnas jam impensas in dotem nuptiasque sororis erogaturis, deferret. Quibus auditis Fridthiofus parentum defunctorum amicitia illud se tributurum, non autem Regum gratia, quorum lubricam fidem probè cognosceret, respondit, juramentum tamen Regum intervenire prius oportere, quo possessionibus bonisque suis ab omni vi & injuria in reditum ex omni parte caveretur: id quod illi impigrè præstiterunt. Fridthiofus igitur cum remigibus octodecim navem Ellidium conscendit: prius tamen, quàm è portu solveret, suadebant comites, ne detrectaret ad Regem Helgium proficisci, & ab eo delicti plenam gratiam poscere, simulque Baldi iram deprecari, quod adeo præfractè negabat, ut votum statim nuncuparet, se pacem ab eo nunquam petiturum. Atque his dictis ex portu solvit, sinumque Sognensem emensus in altum navigavit.

CAP. XXVI.

DE PROFECTIONE AD ORCADES,
LEGATIONEQUE IBI FELICITER ABSOLUTA.

Vix e conspectu Sogniæ aberat Fridthiofus, cum Reges prædium Framnesiam prius exspoliatum incenderunt, duasque lamias, Heidem & Hardglau-mam, ad concitandas tempestates, quibus Fridthiofus cum sociis omnibus obrueretur, mercede conduce-rent. Quæ in edito tabulato incantamenti speciem, Sed patria lingua dictam, exercebant. Extemplo nimborum vis ingens exorta cælum terrasque miscere videbatur. Fridthiofus in medio pelagi fluctuabat, nec tamen in præsentissimo quantumvis periculo constitutus sibi temperabat, quin carminibus raptim pactis animum mentione Ingibiorgis convivique Baldrshagenfis subinde refocilletaret. Ad insulas Soleyas, boream versus, acti sunt, cum subita tempestas concidit, fulsitque serenum cælum, cumque optata, eaque lenis, aura secundis ventis flaret, ad navigationem ulterius producendam alliciebantur; favebat ea tantisper, dum nulla spes superesset portus subeundi. Tum demum, ut inquit poeta:

Incubere mari, totumque a sedibus imis

Unâ curusque notusque ruunt, creberque procellis

Africus, & vastos volvunt ad litora fluctus. (Et paulo post)

Eripiunt subito cælum, noctemque diemque

Sygnorum ex oculis; ponto nox incubat atra.

*Intonuerē poli, crebris micat ignibus ather,
Præsentemque viris intentant omnia mortem.*

Pœtæ versibus in consimili causa uti placuit, eo quod graphicè magis exprimi nequeat incantationibus excita, quæ hic describitur, monstrosa tempestas. Verum longè fortius se gessisse Fridthiofus perhibetur, quam Virgilianus ille Æneas, qui ingemens & duplices tendens ad sydera palmas, lamentabili voce mortem in remedium vocabat; nam hic noster absque intermissione se sociosque suis subito versibus recreavit, animavitque amariæ dulcedinis, convivorumque & chorearum Baldrshagensium memoriâ; inque mediis periculis, nave, quam fluctibus repletam vortices quovis momento absorpturi videbantur, exhaustiendâ nullis laboribus percit, animo præsentis & invicti. Digni sunt moduli, qui ab interitu vindicentur, & magis quod tumultuariè & inter ingentes labores periculaque fusi, nihil nisi fortitudinem spirent. Et jam omnis ulterior vitæ conservandæ spes præcisa videbatur, undis in cælum minantibus, cum friderent funes, curvaretur malum, gemerent gubernacula; tum versum eo sensu fudit, quo diversam sibi ab illa Baldrshagensi epulari sortem instare, culcitram Ranæ, id est, Thetidis (mare intelligit) mox corpore pressuro, aliò vero Ingibiorgem significavit. Illud cum Biornus ut desperationis timorisque notam ilico reprehenderet, negabat Fridthiofus itinerum priorum, licet superfluum, mentionem eo extendendam, subiecitque adhuc alium versum ad animos sociorum reficiendos, quo & armillam illam pretiosam reciprocaque donâ celebravit. Vix finierat, cum ingens fluctus navem obruit, veliqve pede turbine correpto, quatuor nautæ extra navem rapti, latè per pelagus dispergebantur. Hoc exemplo monitus providendum, ne tecta Ranæ (scilicet mare) omnino egeni subirent, iterato carinine iussit, consultissimum videri ut vestem convivalem assumerent: & ne auro vacui essent, armillam, quam Ingibiorgis ei prius dederat, in capita partitus, singulis partem ad viaticum donavit, Biorno neque convivium illud adhuc certum, sed neque inopinabile, dictitante. Jamque navem rapidò cursu ferri animadversum, verum nix grandine mista tantam caliginem tenebrasque induxit, ut à puppi in proram, & vice versâ, prospectus adinerebatur, quo evenit, ut ubinam volutarentur, incerti essent. Igitur Fridthiofus supremis mali partibus conscensis, descendens narrabat, balenam se vidisse navi circumfusam, dorso duas fæminas sustinentem, quas tempestatem tam fædam concitasse suspicaretur; habitum etiam maris repente mutatum arguere, non procul terrâ abesse, cui prohibendæ balenam excitam videri; mandat ergo ut clavum teneant, cursumque quam scitissimè moderentur, se vero lamias stupidibus pulsaturum, haut vanò experimento, suæ fortune an beneficia illarum prævaleant, carmenque cecinit, quo dissecturam se eas, legatos quippe Helgii Regis, minabatur; injectaque in alteram fude, in alteram navi plenis velis impulsâ, ambarum terga perfregit, balæna vero per undas rapido cursu sublata abscessit. Inde cælum mitescere, fluctusque sedari capti; navis in brevem impulsâ est. Cumque Fridthiofus, ut exhaustiendæ navi omnes operam conferrent, hortaretur, Biornus valde affectus, id jam superfluum esse clamitabat. Tum Fridthiofus; mirum, ait, virum adeo fortem ad metum desperationemque adactum; salutis facile conservandæ rationem negligere: virilis animi esse, sibi nequaquam. Quo ad liceat, deesse; animosque addidit recensendo somnium, quo sibi Ingibiorgem uxorem destinatam monstratum esset; id quod eos mirum in modum animavit, atque adeo, ut navem, licet ægrè, conjunctim tamen exhaustirent.

rarent. Tum demum excussa caligine prehenderunt Orcadibus se appulisse, ad fauces portus Efiæ (Esfiaund) non tamen præ lassitudine ultra contendere valebant. Igitur Fridthiofus octo è litore ulnis gestans sustulit, duos Biornus, Asmundus unum. Atque ita singuli procuratam veneficiis procellam evaserunt, quod etiam Fridthiofus carmine persecutus eâ ipsa hora cecinit. Novem dierum totidemque noctium spatium navigatio peracta est. Angantyr Orcadum Comes in portu Efiæ fundâ morabatur, cum appelleret Fridthiofus. Confeverat is, quoties in conviviis esset, per excubito rem, sævo quantumvis cælo, tecto ad fenestram insidentem, procul adventantes prospicere, tum ut insidias irruptionesque præcaveret, tum ut si quisquam periclitaretur, maturè subveniri posset. Excubitori cornu, Cereali liquore plenum, ne jejunus aut animo minus præsentilangvelceret, ministrari, evacuatumque actutum repleri solitum. Ministerium illud vicibus distributum, quo die Fridthiofus cum sociis navalibus, immani tempestate vexatus fessusque, & tantum non naufragus, in portum Efiæ fundam appulsus est, Hallvardo cuidam obtigit, qui ut navem peregrinam virosque conspexit, cornu exhausto per fenestram in triclinium projecto, carmine, quid videret, exposuit; fessos nimirum navitas, quassam vento navem, Ellidio haudquaquam dissimilem, adesse; inter eos unum miri roboris, qui cæteros in terram ulnis sublato exponat; nescire se alium tantæ præstantiæ virum, præter Fridthiofum, famam ubique notissimum, auxilioque advenas indigentes sublevandos movit. Quo cognito Angantyr misit qui eos exciperent. Fuit ibi pirata quidam, nomine Atlius, novem athletarum, ingenio moribusque similium, dux, adeo ferox, ut more berserkorum, id est, athletarum furiosorum, haut semel atque iterum, sed repetitis sæpius vicibus fureret; hic te jam experturum minabatur, num Fridthiofus, qui ferrum se nunquam formidaturum voverit, idem etiam perficere sustineret. Occurrens itaque interrogat, num hoc etiam statu pugnam minus detrectet? qui metricè respondit: insulares barbas (barbatos insulares sive insulobarbos, sic enim se ipsi vocitabant Orcadenfes, hac notâ viros se declarantes) meticulosas, terrori sibi nequaquam futuras; solum cum decem congressurum; quantumvis cælum salumque in perniciem suam sociorumque conjurata, quibusdam peremptis, reliquos, inque his se ipsum, fuderint verius quàm fatigaverint. His responsis superveniens Hallvardus, & nomine Comitæ eos benigne invitans, Atlium a proposito deterruit. Fridthiofus ad utrumque paratus, præeunte Hallvardo, viamque monstrante, ad Comitem deductus, maximâ cum benevolentia ab eo, paternæ amicitia societatisque memore, excipitur, honoribusque maximis affectus, per integram hyemem ibi remansit. Legationem exponendam Comes ipse prævenit, scire missum præfatus ad vestigia à morte Beli præstantia referenda, quæ quidem Helgio Regi vel fratri ejus se delaturum negabat, ipsi vero pecuniæ quantum expeteret traditurum; cui si tributum nomen imponere placeret, vel secus, per se quidem licere. Fridthiofus accepturum se respondit.

CAP. XXVII.

DE REPENTINA LAMIARUM MORTE,
NUPTIIS REGIS HRINGI CUM INGIBIORGE, RE-
DITU FRIDTHIOFI, ET INCENDIO
BALLDRSHAGII.



Væ interea in Norvegia gesta sunt, paucis exponam. Cum veneficæ incantationibus ad necem Fridthiofi sociorumque accelerandam vacarent, ambæ celsò in theatro sedentes, subito casu delapsæ, fractis dorsi spinis exspirârunt, facete Dæmone eas illudente, cum sibi in remotissimis locis versari imaginantur, ictumque, nihil ad se pertinententem, se non solum collineare, sed etiam enecare posse credunt & experiuntur, Satanâ alium eodem momento insilgente. Eodem autumno Hringi Regis cum Ingibiorgi nuptiæ in Sognia magno apparatu confectæ sunt. Is autem armillam illam, tam pretiosam, uxorem ad Fridthiofum remittere iussit, pollicitus, haut, cum domum deveniret, aurum defuturum; fratriæ itaque, uxori nimirum Helgii Regis, eam Fridthiofo reddendam tradidit. Vere proximo dimissus donatusque ab Angantyre Fridthiofus, assumpto secum Hallvarðo, ex Orcadibus in Sogniam transfretavit: ut vero domum incensam, dirutam, cultoribus vacuum, ablatam suppellectilem resque pretiosas deprehendit, rythmo vindictam minante se solatus est; cumque consilia amicorum requireret, rem omnem arbitrio ejus detulerunt, se imparata facturos polliciti; qvi tributa primum se redditurum affirmavit. Navi vero ad Syrstrandam directâ cognovit, Reges sacris Difarum (Dearum omnium) Balldrshagii operari. Eò igitur profectus præcepit Asmundo & Hallvarðo, ut naves quotquot deprehenderent, (omnes autem inqvirendas monuit) terebrarent, ne usui subitaneo forent. Qvod, sicut mandatum erat, ex tempore factum est. Inde ad ædem ascendit. Solum ingressurum Biornus monuit, ut circumspicere & providè procederet. Ille eum cum sociis præ foribus stare mandavit, ignemq; Regiis testis subjicere, si eodem vespere reditum suum desiderarent; se interim solum ingressurum. Rara in Difarum palatio hominum congregatio erat, compluribus in discretis cœnaculis convivantibus. Reges autem sacrificiis interfuerunt, potabantque. Ad focum in pavimento suscitatum fœminæ assidebant, idolaque ad ignem unguentis delibuta mappisque deterfa siccabant fovebantque, distributis inter singulas singulis ministerii partibus. Fridthiofus Helgium Regem accedens, tributis se reddendis jam coram adesse professus, marsupium argento refertum elevans naribus ejus tanta vi impegit, ut primores duo dentes ore excussi deciderent, ipseque de folio in solum præceps ruens animo derepente linqui inciperet: cadentem, ne in ardentem focum incideret, Halldanus retraxit. Mox Fridthiofus, edito extemporaneo versu, thesaurum primoribus dentibus arreptum mordicus tenuisse Regem, argentumque in fundo natutalum odoratum cavillatus est. Egressurus armillam, quam Ingibiorgi dederat, à brachio uxoris Helgii, idolum Baldi ad ignem soventis, pendentem ut agnovit, apprehensam eripere nequivit, qvòd arctè connexa esset. Dum igitur Reginam per pavimentum supinam traheret, Baldum gremio excidentem ignis statim depascitur: cui Halldani uxor succursura, simulachro, qvòd gerebat, pariter in ignem lapsò nihil profecit. Interea idola pingvedine imbuta vorax flamma exurebat, unde in superiores conflagrationes transmissa sopiri nequivit, quam Fridthiofus quoque torribus injectis promovisse dicitur; facile itaq; armillâ, anteqvam excederet, potitus est. Cum ad socios rediisset, gestorum ordinem rythmo complexus exposuit. Inde ad navem properans flagrantia Balldrshagii ædificia, ædemque Deorum reliquit. (De inunctione simulachrorum. vide

vide quæ Dyoniſius Woſſius commentatus eſt in R. Moſis Maimonida librum de idololatria Cap. III. parag. ix. pag. 46. ut & Thomafii notas in Plinii Secundi Epistolam XXXIII. Lib. IX. pag. 682.

CAP. XXVIII.

DE EXILIO FRIDTHIOFI EXERCITIO-
QVE PIRATICO.

Oſtquam Helgius ſurrexit, linquentemque revocavit animam, univerſum ſatellitium, & quotquot ad ſacrificium confluxerant, ad perſequendum Fridthiofum convocavit, Numinum cauſam agi dictitans, quibus ſcleratas manus intuliſſet. Verum priuſquam concurrerent, teſta univerſa deſlagrare animadverſum: pars igitur, duce Halſdano, ad ſopiendam flammam converſa, pars Helgium ſecuta ad Fridthiofum comprehendendum effuſa eſt. Verum ubi navium uſum interceptum viderunt, paucis, qui mari ſe commiſerunt, demerſis, aliis metu mortis ad reditum compulſis, adeo exarſit Helgius, ut de ſtatione mentis abiſſe diceretur, medioque furore arcum tanto robore ſinuabat, ut utrumque cornu ſubito confringere-
tur. Nec minus virium ſpecimen editurus Fridthioſus, ambobus remis, quos ſimul agebat, contractis, verſu raptim fuſo monſtraturum dixit, viribus ſe Helgio minime inferiore eſſe; gnarusque Fridthiofum capi non poſſe, parum à litore receſſerat, cum ſubito exorto ſubſolano, Bior-
no, quò curſus dirigendus eſſet? quærenti, rhythmo reſpondit; alodium ſuum (Odal habetur; unde alodii vox originem traxiſſe videtur: Odal autem ab Oda/ quod aviam magnam denotat, audacter derivarem) pridem exarſiſſe, cui Baldrſhagium, jam flagrans, quaſi parentare videatur: ſcire lupum in aſylo ſe judicatum (id eſt, aqua ignique ſibi interdictum) proinde in Norvegia non ultra, neq; tuto, permanſurum, ad piraticæ exercitium animum inclinare. Cum conſilium omnibus probaretur, repente Sogniâ diſcedentes, inſulas & promontoria luſtrârunt. Æſtas hoc tenore tranſacta; prædæ undique collectæ; quas victoriæ de piratis congeſſerunt: mercatores autem & ruſticos innoxio proventu, laboribus & indiſtriâ parto, ſecurè frui, remque familiarem tuto augere permiferunt. Præcipite autumno ad Orcades in hyberna conceſſerunt; Reges autem Fridthiofum extra omnes
ditionis ſuæ terminos proſcripſerunt, bonis omnibus in fiſcum Regium redactis. Halſdano prædium Framneſia ceſſerat, quod magnificè ædificari curavit; magno quoque ſumptu, nec niſi longo tempore, reſtituta ſunt ædificia Baldrſhagii, quorum maxima pars in favillas redacta erat. Omnium autem graviffime Helgii idolorum jacturam tuliffe perhibetur.

CAP. XXIX.

DE ACCESSU FRIDTHIOFI IN AU-
LAM REGIS HRINGI, ET QUÆ IBI GE-
STA SUNT.



Ntegrī tres anni excurrēbant, dum Fridthio-
 fus piraticam exercuit: magna vis opum, major etiam
 gloriæ, brevi comparata, interimissum Vegeti cognō-
 men resuscitabat. Imminebat q̄vartus autumnus, cum
 Fridthiofus, classe in Vikam delatus, mandavit lociis,
 per inseq̄ventem hyemem excubarent, piratasq̄ stre-
 nuē infectarentur, se verò, q̄vandoqv̄idem satietate
 illius exercitii teneretur, in Uplandas ad Hringum Re-
 gem, Ingibiorgemq̄, veterem amicam, accessurum, æt̄um desiderio co-
 gnoscendi status & conditionis utriusq̄. Id verò Biornus, tanq̄vam minus
 prudens periculiq̄ plenum dissuasit; q̄vòd Hringus, licet senio valde prove-
 ctus, sagax tamen & longo rerum usu exercitatissimus esset, longē consultus
 ratus, classē in Sogniam dirigere, si forte Reges de improv̄iso opprimi pos-
 sent. Verum tenax propositi Fridthiofus, suoq̄ve consilio usus, sub æt̄atem
 ut in eum locum, unde jam discederent, redeuntēs se exciperent, mandavit.
 Ad Hringarichiam ergo profectus, vestem habitumq̄, ne forte internoscere-
 tur, mutavit. Palliō ad talos usq̄ve demissō vestes interiores, faciem vela-
 mento texit, senemq̄ve ætate provectum simulavit. Incidit deinde in pa-
 stores, a quibus viam ad Regiam edoctus est; q̄vò cum pervenisset, intra-
 vit, nec tamen longē à foribus locum delegit. Rex Hringus advenam,
 staturā corporis aliis dissimilem, observans, Reginæ insusurravit, accessis-
 se virum ingentem, ceteris proceritate eminentiorem. Illa nihil notatu
 dignum egenorum confluxu accidisse respondit. Non ademit Regi re-
 sponsum illud conceptam semel à statura magnam de advena opinionem;
 famulum itaq̄ve ad eum misit, iussū prodere nomen, natale solum, lo-
 cumq̄ve, ubi præcedente nocte versatus esset. Palliatus advena respondit.
 Thiofus (furem denotat) vocor; apud Ulfum (lupus est) noctem, q̄væ præ-
 cessit, egi; in Angre vel Angria (cura & sollicitudo vertitur) educatus sum.
 Hæc ad Regem cum famulus retulisset: Novi, inquit, provinciæ nomen
 q̄væ Angt nuncupatur, ad cuius nomen alludit, forsā & hic solitudine
 premitur; agnosco responsum acuminis plenum, q̄vòd virum, q̄valis sit,
 prodit; moxq̄ve arcescendum curavit. Ille incurvus accessit, tremulaq̄ve
 voce salutavit. Rex, quid tibi nomen, vir magnē? Fridthiofus rhythmo
 respondens, ad nomen suum a fure deductum allusit, nam Fridthiofum
 (pacis furem) se dictum refert, q̄voties pacem sectatus fuerit: Herthiofum
 (furem exercitus) cum uxores in viduas converterit, maritis eas in præliis
 orbandō (Herthiofi nomen in Hertvig nulla ratione transiit), Geirthiofum
 (veruti furem) cum verutis hostes transfixerit; Gunthiofum (belli furem)
 cum bella gesserit; Eythiofum (insularum furem) cum insulas populatus
 esset; Heldthiofum (Bellonæ vel necis furem) cum infantes & tenellos ha-
 starum vel gladiatorum mucronibus sublevatos sopiverit; Valthiofum (tra-
 gis furem) cum editā stragē victor evaserit. Exinde, ait, inter falsamenta-
 rios versatus sum, indigens valde, q̄voad huc perveni. Cui Rex: plurima
 sunt, q̄væ tibi Furis nomen indiderunt, ubi verò hanc noctem peregisti?
 aut ubi habes domiciliū? Palliatus respondit, natus sum in Angre sive
 Angria: animus me huc incitavit: domiciliū mihi nullum est: apud Ul-
 fum (viri nomen est, q̄vòd & lupum significat) noctem præcedentem egi.
 Ad hæc Rex: in Angria (solitudine) forte aliquantisper fuisti educatus,
 altā tamen pace natus, in sylva etiam proximē pernoctasti, nullus enim
 vir in vicinia Ulfi nomine prostat; q̄vòd autem domo carere profiteris,

ea forsitan præ cupidine hanc nostram invifendi tibi vilefcit. Regina peregrinum aut aliud hofpitiū qvære juffit, aut ad inqvifitores concedere, more hofpitiū. Rex contra; ea jam ætate ſum, ut hofpitibus locum assignare probè norim. Exue palliū, inquit, advena, locumqve mihi proximum cape. Tum Regina, deliras, inquit, ſeniō ſenſus turbante, Rex, dum mendicos à latere tuo conſtituis. Advena rectè & ordine Reginam diſpensāſſe reſpondit, neqve enim eum locum ſibi competere, ſalſamentariis non principibus aſſveto. Rex nihilominus ut mandatis pareret juſſit. Pallio itaqve exutus apparuit veſte cærulea amictus, armillam illam pretioſam brachio geſtans, cinctuſq; baltheo argenteo admodum crasſo, à quo marſupium pendeſcit, à latere vero gladius; pileum pellibus ſubductum gerebat; facies erat villoſa, parumqve lippiebat. Rex bene actum confeſſus, mandavit Reginæ ut ipſi tunicam ad ſtaturam ſuam accommodatam ſuppeditaret. Regina imperio quidem Regis ſe parituram aſſirmavit, minus tamen Furem hunc ſibi placere. Accepta deniqve tunica in ſolio Regi ipſi aſſidebat. Ut vero Regina armillam, quam gerebat, agnovit, erubefcens conticuit, nec eum alloqui ſuſtinuit. Rex vero valde hilaris facetuſqve pretioſam ejus armillam commendavit, ſalique coqvendo diu operam impendiſſe, priuſqvam tantum lucratus fuiſſet, quo illam cōmīſſet, diſcitavit. Fridthioſus hæreditate paterna obveniſſe reſpondit. Forte etiam plura, ait Rex, &, niſi fallor, inquit, ſalſamentarios tui ſimiles paucos dari credo. Illic hyems non ſine voluptate tranſacta, Rege favorem & benignum affectum qvotidie declarante. Regina vero, ſive amolendæ ſuſpicionis ſtudio, ſive caſtimoniæ propoſito, redintegrandi per alioqvium priſtini amoris occaſionem præciſura, affabilitatis ſigna nulla præbuit. Fridthioſus de omnibus bene merendi materiam arripuit, liberalis, accēſſu facilis, & alloquio blandus fuit. Ad convivium magno comitatu Rex cum Reginā fortè profecturus explorat, an Fridthioſus comitari ſe, an domi remanere mallet? Cum ſe ſecuturum aſſirmaveſſet, magis illud ad votum ſuum factum Rex teſtatus eſt. Forte lacus glacie conſtrictus in tranſitu erat, quam tranſmiſſuro Regi minus firmam cum aſſeveraret. Thioſus, nec tamen ſiſteret. curruſ. qvo Rex Reginaqve vehebantur, perfractā glacie in aquas proruit. Edidit ergo Thioſus admirandum roboris ſpecimen, qvippe curruſ cum eqvis Regeqve & Regina & omnibus quæ continebantur ſubito in glaciem retraxit. Rex collaudato eo, virium roborisqve hic tantum conſpectum ait, ut ſi vel maxime Fridthioſus Vegetuſ aſſoret, plus oſtenſurus non fuiſſet, incomparabiles tales comites diſcitans. Nec aliud memorabile illo convivio accidit. Ver erat, cum Hringuſ Thioſum ad ſylvas animi gratia perluſtrandas ſecum invitaret, plurimis licet comitantibus, Rex tamen & Thioſus ſeorſim progreſſi ſoli remanebant; cum Rex ſonnum ſibi obrepere qverebatur. Thioſus reſtituſ & ex dignitate facturum, ſi in redituſ eum diſſerret; qvippe indignum eſſe, Regem in aprico humi ſtratum dormire. Rex inhiberi non poſſe reſpondit, itaqve ſoporatus recubuit, multumqve ſterrens ronchos duxit. Thioſus interim enſem vagina extractum mox in diſtans ſpatium longe projicit. Poſt modicum tempus excitatuſ Rex: itane, Fridthioſe, inquit, variæ cogitationes anxium animuſ hinc inde verſabant, quas conſilio prudenti & magnanimitate domuiſti! hinc nobiſcum opatuſ hoſpes manebis, majorem ſati clementiam exſpectaturuſ, nam cum primum aulam meam ingreſſuſ eſſes, haut me qvis eſſes latuit. Fridthioſus gratias egit, optime ſecum actum confeſſuſ, verum ulteriores moras ſocios ſuos,

ad præstitutum tempus propediem affuturos, non permittere. Inde domum reditum est, convivium magna pompa celebratum, publicèq; proclamatum, quod Fridthiofus Vegetus is esset, qui hospitio per hyemem exceptus fuerit.

CAP. XXX.

DE HRINGO, SUCCESSOREM UXORI-
QVE MARITUM FRIDTHIOFUM DELIGENTE, BEL-
LO CUM SOGNIÆ REGIBUS, ET CÆDE HELGII HALFDANI-
QVE DEDITIONE, RESTITUTO PRIVIGNIS REGNO, ET
SOGNIÆ IMPERIO ADAUCTO, EJUSQVE EX
INGIBIORGE LIBERIS.



QUODAM die tempore matutino, foribus cubi-
culi Regii pulsatis. Fridthiofus dicturum se Regi vale af-
firmavit, quippe itineri accinctum. Intrmissus igitur
metrice gratias egit, Reginaeque armillam illam pre-
tiosam titulo mercedis basiorum dono dedit. Rex
subridens majores gratias eam quam se, licet minus
meritam, nec affabiliorem, reportasse testatus, men-
tas iterni, edulia & præstantissima potionis genera inferri, neque enim je-
junum se eum dimissurum, utque simul accumberent, mandavit; Regina
horam nimis matutinam excusante. Quinimo, ait Rex, omnes jentabi-
mus; quod & factum. Cum modicum tempus potassent, Fridthiofo signi-
ficat, cupere se ut apud se remaneat, quod filii sui pueri, ætate nimis te-
nera essent, se veronimis profecto ad arcendos hostiles imperus, si quis forte
impugnaret, inhabilem, ideoque ipsum militiæ se ducem delecturum;
quod ille abnuens, apobaterio tali Regem salutavit. Vive feliciter & lon-
gum, formose; vale Rex, Regum toto orbe eminentissimè, regnò con-
jugeque felix esto; in posterum Ingibiorgem non accedam. Rex metricè
iterum a protectione dehortatus, donum se majore munere compensatur-
um asseveravit, quam ipse vel speraret, vel optaret, uxore quippe bo-
nisque suis universis. Ille vero tam immane se donum admissurum per-
negavit, ni in puncto mortis constitutus hæredem se constitueret. Rex se-
cus nec daturum testatus, ni certus esset, se cum ineluctabili morbo con-
flictari, jam vero de fine vitæ properè instante indubium eum se singulis
tota Norvegia cujusunque conditionis statusque viris præferre, uxorem-
que ei rectissimè locari; ne vero fratres ejus habeant, quo impar conju-
gium arguere jure possint, prætextumque in nuptias non consentiendi. Re-
gium etiam nomen dignitatemque se adjecturum. Igitur Fridthiofus tam
ingens incomparabileque beneficium magno verborum honore extollens,
Comitis titulo se contentum fore affirmabat. Probato consilio, regno tu-
toris nomine in adultam filiorum ætatem præficitur. Contractus hic, si-
cut cæteri fere omnes, reciproca manuum apprehensione confirmabatur.
Post paucos dies Hringus expiravit, in edito colle cum magna gaza, sicut
præceperat, sepultus. Postea exequiæ simul Hringi, & nuptiæ cum Ingi-
bierge magno apparatu celebratæ sunt. Administratio deinde regni susce-
pta felicissime, nec sine admiratione processit; quod ut in Sogniam dela-
tum est, miraculi instar Reges ut novitate inauditum commovet; Satra-
pæ nempe filium Regiæ se familiæ commiscere ausum esse. Hoc prætex-
tu

tu bellum ei intulerunt; id cum uxori exposuisset, simulque malle se iis regno cedere, quàm ipsam quocumque modo lādere, responsum retulit, eo jam rem redactam esse, ut illum in summo honore constitutum, feliciter agere, remque quàm optime gerere præoptaret. Jamque accessu Biorni cum phalange classiariorum, quos latrocinio piratico adhibuit, confirmatior, obviam iis armatus procedit. Media acie Helgius & Fridthiofus concurrebant, cominusque pugnantem sua manu Helgium occidit; quo peracto, niveo clypeo pacis signo sublato prælium stitit, Haldanoque conditionem obtulit aut mortis aut deditionis. Qui facile animadvertens, affectis rebus suis resisti non posse, quibus integris succubisset, victori absque ulla pactione se dedit. Regnum dignitasque adempta in præfecturam Sogniæ, satrapæque nomen subjectionemque desivit. Fridthiofus utrumque adeptus Regem se Sogniæ dixit, quoad Hringarichiam administravit, Haldanus satrapæ titulo tributis è Sognia colligendis adhibitus est, factaque est inter eos imperiorum dignitatumque & conditionum statuumque valde inæqualis permutatio. Cum filii Hringi maturæ ad capeffendum regnum ætatis essent, regnum eis bona fide, quàm optime administratum, reddidit. Inde in Sogniam concessit, quàm adeo florentem reddidit, ut universam Hordiam bello domitam ei subjecerit. Filios duos ex Ingibiorge susceptos decedens reliquit, Hunthiofum & Gunnthiofum, qui paternæ virtutis vestigiis insistentes, præclari nominis famam reliquerunt posteritati, licet acta gestaque eorum, scriptorum penuriâ, vel posteritatis incuria, interciderint: quæ tamen de nepotibus superant, persequamur.

CAP. XXXI.

DE NEPOTIBUS FRIDTHIOFI ET INGI-
BIORGIS, HUNTHIOFI FILIIS, PRÆCIPUE HERTHIO-
FO, EJUSQUE DOLO OCCISO HARALDO AGDARUM REGE,
FILIOQUE VIKARE ET STARKADO STARKADI ALU-
DRENGI NEPOTE, CÆDE HER-
THIOFI.



Unthiofus Hordiæ Rex, Fridthiofi Vegeti & Ingibiorgis Formosæ filius, tres filios reliquit: Herthiofum nimirum, avitæ paternæque ditionis Hordiæ hæredem, Geirthiofum Uplandarum Regem (quo vero jure illud regnum adeptus fuerit, ambigitur, cum filii Hringi Regis, nati quidem Ingibiorge illius avia, hæredes ejus fuerint, forte iis absque prole mortuis, regnum ad uterinos fratres devolutum est, vi testamenti, quo Fridthiofus à Hringo hæres fiduciarius primo, forte etiam filiis substitutus fuit, aut alio quovis pacto) & Fridthiofum avi nomen referentem, Thelamarchiæ Regem. Omnes illi, prout tempora erant, potentes Reges, impigrique bellatores fuerunt, licet Herthiofus cæteros præstaret, consilio præsertim & rerum gerendarum prudentiâ, diuturnarum expeditionum bel-
lorumque usu acquisitâ. Agdis eo tempore præfuit Rex præpotens, nomine Haraldus, a subiecto territorio Agdicus vocatus; huic erat filius, nomine Vikar, id temporis puer, spei & expectationis magnæ. Militiæ Haraldi præfectus fuit Storvirchus Starkadi Aludrengi filius, cui mater Alfhildis, Alfi, Alfheimorum, (hodie districtus Bahufensis) Regis filia, Raumi neptis,

neptis, Noris proneptis, quam ille Dearum sacris operantem rapuerat. Hic forma conspicuus, cæsarie nigra, robore staturaque alios præcelluit, prædo pirataque valde famosus; deditque illi Haraldus insulam Agdarum Thrumam, inter præcipuas territorii sui celebrem, libero jure possidendam. Is domi & militiæ tempus vicibus distingvere solebat. Quoniam Frekii Hælogiæ Regis filiam raptam domum devexit, ex qua filium Starkadum procreavit. Quam contumeliam fratres virginis Fiorvius & Firvius vindicaturi, de improvilo eum domi de nocte oppræsserunt, domumque subiectis facibus, unâ cum forore familiaque omni, exusserunt, nemini egressum permittentes, veriti, ne ista occasione Storvircus elaberetur. Eadem nocte navigatione in boream directâ ad Stadas tempestate postridie obruti naufragium fecerunt, nullo superstite. Starkadus Storvirchi filius teneræ ætatis erat, cum pater excefferat; itaque in aulam Haraldi ascitus, ibi, sed brevi tempore, educabatur, Herthiofus Hordia Rex Haraldum contra datam fidem securum per noctem invadens oppræssit, filiumque ejus Vikarem, plurimosque nobilium virorum filios, & in his Starkadum Storvirchi filium, tunc trimulum, secum avexit, titulo obsidem, cum ditionem suæ potestati subjecisset, civesque in sui obsequium jurare compulisset, atque tributa pendenda adegisset. In exercitu Herthiofi fuit vir quidam, nomine Hrofsars-Granius, habitabatque in prædio *Uch* sito in insula Hordia *Fenhring* dicta (hodie *Ushœn* / prope Bergas) hic Starkadum captum domum deduxit, novemque annis ei educationis officia præstitit. Herthiofus, cum plurima hostilia molitus esset, multos hostes sibi comparavit, igitur ad improvisam eorum irruptionem præcavendam pyras in celsis montibus erigi curavit, custodesque adjecit, cum mandatis, ut perspecto hostium adventu subditis de more facibus omnes ditioni suæ subditos ad signum datum armatos excirent, impetui hostium propulsando. Prædium quoque proprium tantum non in castelli firmitatem ædificatum munivit, & septuaginta armatorum præsidio fulsit, præter mercenariorum cæterorumque inconditam turbam. Vikarem pyræ, in qua erat maximum momentum, quippe in insula *Fenhring* extructæ, & omnium primo incendiendæ, unde reliquis exemplum capiendum erat, tribus famulis instructum præfecit, magnâ sane incogitantia, periculum a capite suo avertendum committendo ei, unde jure periculum erat metuendum, id quod exitus etiam probavit. Nam & Vikar exiguo tempore excubias egerat, cum statione decedens, in Aschum ad socium suum Starkadum invensum exspatiatus est, duodecim tum annorum adolescentem, quem barbatur, carbone nigriorem, fuligine oblitum, ad focum humili strato recubantem offendit. Miratus tam ingentem tantillæ ætatis molem, erexit eum, armaque & vestes tradidit. Inde nave sociisque tredecim comparatis discessum, quorum hæc sunt nomina: Sörqvius & Grottius, Haraldus, Hildegrimus, Erpus, Ulfus, Aur & Skumus, Hrocus, Hrothius Herbrandi filii, Seir & Steinthor de Stadis, & Gunnolfus Blesius, Senex item dictus. His instructus Vikar Herthiofum aggressus est, qui quantumvis munitionis oportunitate, numeroque militum superior, inter quos haut pauci strenui erant, tamen impetum eorum non sustinuit, nam per portas, effractus januis ruptisque repagulis, castellanis nequicquam defendentibus, irruerunt. Primus Vikar in acie pugnam ciebat, quem Starkadus cum selectissimis pugilibus impigrè seqvebatur, tantisperque hostes fatigabant, donec victoriam Vikar obtineret. Herthiofus cum triginta suorum cecidit, plures etiam lethalibus vulneribus faucii, licet non in ipso conflictu, ex vulneribus

bus tamen occubuerunt; ex Vikarianis nullus desiderabatur. Classẽm deinde Vikar om̃em cum copiis, q̃antas cogere poterat, instruxit, inq̃ue Agdas deduxit, ubi ad eum magnus paternorum amicorum numerus actutum confluit, ibiq̃ue Rex Agdarum Jadriæq̃ue omnium suffragiis creatus est. Accessit regno præmium victoriæ Hordia & Hardangria, univrsũq̃ue territorium q̃uod possederat Herthiofus, factusq̃ue est Rex præpotens.

CAP. XXXII.

DE GESTIS VIKARIS, BELLO CUM SIFARE GEIRTHIOFOQ̃UE THELAMARCHIÆ REGE, TANDEM ETIAM FRIDTHIOFO, VICTORIAQ̃UE DE SINGULIS REPORTATA.



Vikar assiduus militiæ cultor, præsentis fortunæ blanditiis non contentus, in Vicham etiam exercitum duxit; inde in Vestrogothiam escendit, ubi ingenti præda potitus, non prius substitit, q̃uam in lacum Vænerem pervenisset. Ibi obviam habuit Sifarem Kænugardiæ, Septentrionalis Russiæ partis, Jotunheimis proximæ, totiusq̃ue Russiæ trientis, teste historia Hrolfi Pedestris, Regem, athletam inter præcipuos validis copiis instructum. Non aliàs majoribus animis certare incaluit, Sifare milites Vikaris passim prosternente, donec Starchadus necessitate suorum, simul & fortitudine Sifaris, suæ prorsus æmula, provocatus se opposuit. Magna animorum, virium ictuumq̃ue in primis validorum, contentione, prælium in longum tempus extractum est. Sifar sexto Starkadi clypeo, duobus ingentibus vulneribus caput sauciavit, humerus tertio ictu dissectus est, quartum coxa, quintum latus hastâ bifurcatâ transfixum excepit, sed nihil horum impune; infesto siquidem gladio Starkadus infra genu magnum Sifari vulnus infixit, tandem talo tenus pede mutilatum concidentemq̃ue, nec prius q̃uam exanimem reliquit; reciproci utrinq̃ue clade prælium illud memorabile fuit. Vikar superior, reliquiis hostium infugam actis, victor domum rediit. Ibi cognovit, Geirthiofum Uplandarum Regem magnis adversus se copiis tendere fraternam cædem vindicturum, igitur collectis singulis suæ ditionis, armis tractandis idoneis, in eum movit, priusq̃uam regni terminos egressus esset. Continuos septendecim dies pugnatum est, ad ultimum occiso Geirthiofo, Uplandæ Thelamarchiæq̃ue in provinciæ formam redactæ sunt, præfectiq̃ue, qui administrarent, absente Fridthiofo subornati. Hæc in Thelamarchia regno ejus gesta sunt, ipse in Agdas rediit, ibiq̃ue pro temporum ratione satis magnificè vixit, agmine satellitum quotidiè stipatus. Deinde uxorem duxit: dignam sorte sua, ex qua duos filios procreavit, Haraldum natu majorem, Nerius minor appellabatur, qui vir factus, omnium sui sæculi longe prudentissimus habitus est; nam & consilium in arena, uti dicitur, capere novit, sapientiã tantâ, ut exinde sapientum comparatio ad eum facta fuerit; bello etiam egregius erat. Verum has tantas virtutes sordida tenacitas fædabat, nihil enim donabat, cujus eum statim non prætineret, unde tenaces ei quoq̃ue comparari siverunt. Fridthiofus deinde redux, ut cædem fratrum suorum cognovit, Uplandas Vikari ereptas in potestatem redegit,

etque per legatos imperavit, ut regnum suum sibi submitteret, vel armis defenderet, qui consilio habito, legationem exposuit. Tanta erat Fridthiofi potentia, ut diu illa consultatio tenuerit, dubitantibus consiliariis, quid potissimum e re Regis sui foret; ad ultimum Rex respondit, armis se tutaturum regnum. Deinde Olafus Skignius seu Lynceus partis Sveciæ Regulus in auxilium sollicitatus accedebat, copiis e subiecta sibi provincia undique contractis: conjunctis igitur viribus cum Fridthiofo concurritur. Fit ingens prælium, athletic Vikaris, quorum potissimus Starchadus, Regem suum intrepide sequentibus, quem in medias turmas, absque lorica promiscue cædendo, proVectum, cæteri quoque secuti, tanto impetu in Fridthiofum inVecti sunt, ut acies ejus nutare cæperit; ne igitur extrema tentaret, dum suos ab omni parte cædi, reliquosque fugam spectare animadvertit, pacem petivit. Suos igitur sistente Vikare, Olafus conditionum pacisque arbiter ab utraque parte deligitur. Fridthiofus provinciis Uplandarum & Thelamarchiæ Vikari cedere, Norvegiæque excedere jubetur, qui nec cunctanter consensit. Vikar, filio majore Haraldo Thelamarchiæ Rege creato, Nerio Uplandas Comitibus titulo commisit. Ipse domum hac victoria valde celebris rediit. Olafus Skignius amicè dimissus est, duravitque eorum necessitudo, quoad uterque viveret. Accessione potentia Vikaris etiam magnificentiæ, athletarumque selectissimorum numerus crevit; quorum princeps erat Starkadus, Regi intimè dilectus, & ab eo inter omnes amicos præcipuo honore cultus, militiæque universæ præfectus, consiliorum omnium arbiter, locoque honoratissimo ornatus, in quem magna liberalitate munera conferre solebat, inter quæ tres auri marcæ memorantur, consimili munificentia genere à Starchado repensæ, insulâ nempe Thrumâ, quam pater Regis Storvircho prius donaverat.

CAP. XXXIII.

DE EXITU VIKARIS, FABULAQUE INDE
CONFICTA, TEMPORUMQUE ILLORUM CUM
SVECIAE REGUM ÆRA CONCILIATIONE.

Quindecim annos in satellitio Vikaris Starkadus fuerat, cum Rex Agdis classe numerosoque milite in Hordiam moveret, quò itinere repugnantibus ventis in holmis longo tempore morabantur. Consultum itaque Oraculum respondit, sorte legendum e toto exitu virum, Odino suspendio sacrificandum. Quæ cum in Vikarem incidisset, mirum quàm id procerum animos afficiebat, pro Regis salute, ut par erat, sollicitos. In sequentem igitur diem concilium indictum, quo religioni Regique simul consuleretur. Simulachrum sacrificii edi placuit, hoc tenore: Nectuntur collo Regis recens maculati vituli intestina, a vimine abjegnæ arboris dependentia; vice laquei stipes vicina arboris pedibus suppedanei loco substernitur; vicem gladii præstat tenella arundo corpori Regio impingenda, Starchadoque traditur, qui præmonstrata Regi supplicii forma, eum ad subeundum accivit. Is haut periculosum ratus, si, inquit, hoc processurus iste peragetur, lutus ero, sin secus, fortunæ seu fato me committo, laqueoque collum impaleari passus est. Scenico hoc apparatu superum mandatis satisfactum juxta ac Regiæ securitati provisum videbatur, desivit tamen ludus in luctum, veram-

veramque tragædiam , mimicam illam Numine & aspernante & eludente , dum demptis præstigiis intestina in catenam ferream, arundo in gladium , vimen in solidam arboris compagem converterentur , stipēsque & scabellum subito decideret, Starkado arundinem pectori Regio adigente, cum solenni sacrificantium formula : *Jam te Odino do*: Rexque funestâ, non imaginariâ , morte sopitus appareret. Saxo fabulosam relationem arguens exponere tamen sustinuit, magis probans, quod Starkadus vimineo laqueo Regem in speciem pænæ implicatum gladio trajecerit, quem ab hoc facinore gerendorum seriem auspiciatum memorat , licet alia ante id tempus sub hoc Vikare ediderit , quæ nuper exposui. Impulfore Odino id quidem factum tradit, quod licet fabulam, sive ab ipso Starkado velandæ facti infamiæ causâ, sive alio quodam, fictam, redolet. ascribere tamen non pigebit, cum nihil ab eorum temporum sive præstigiis , sive etiam figmentis diffideat. Nocte illa, quæ diem concilio destinatum præcessit, Hrofsarsgranius alumnum suum Starkadum excitâsse perhibetur , parvuloque navigio in proximam insulam deductum in consito herbis loco , sylva undique cincto constituisse , ibi magno hominum confluxu forum judicarium celebrari visum est , sellisque undecim judices infidebant, duodecimâ vacuâ , quam Hrofsarsgranius occupabat. Odinus ab omnibus salutatus. Hic fata Starkado omnium votis dispensari jussit. Inter omnes infensus ei perhibetur Thor , quod avus ejus maternus Alfus sibi in nuptiis filiæ gigantem, odore canibus similem, prætulerit, nam & inter Finnorum artes narium beneficio hostium vestigia legere , haut infimum reputatur. Patet hinc confusio Starkadorum, nam Starkadus Aludreingus , quem hujus avum paternum Gothrici historia perhibet , unde hæc descripsimus , neq; ab Alfo in generum lectus est , neque Alfus, sed Frekius Halogiæ Regulus, hujus Starkadi avus maternus fuit. Huic igitur Thor ex aliâ quavis causâ infensus , inter fata præscripsit, ut improlis moriens familiam suam finiret. Hanc ob delictum avi irrogatam pœnam mitigaturus Odinus, vitam ei ad trium humanarum successivarum ætatum mensuram prorogavit. Singulis execrabilium operum patratorum necessitatem Thor adjunxit. Odinus armaturâ omnium præstantissimâ compotem futurum ; Thor bonis soli seu prædiis cariturum : Odinus aliis abundaturum omnibus ; Thor nunquam tamen ad facietatem, pronunciavit : Odinus perpetuam in certaminibus victoriam gloriamque largitus est ; Thor, semper magnis vulneribus corruptam, addidit : Odinus etiam inexhaustam fundendorum carminum venam ; Thor cum recensitorum oblivione conjunctam adjecit, Odinus Principum procerumq; favore & gratia inclytum futurum ; Thor vulgo exosum invisumq; pronunciavit. In hæc fata Starkado adjudicata judices omnes communibus suffragiis consenserunt. Adeo venustè, ut notavit Verelius ad hunc locum, in dispensandis Starkadi fati unum numen ipsi fingitur secundum, alterum adversum, nemo quippe tam iratis vel faventibus astris natus est, ut de utraq; fortuna non aliquid participet. His peractis Hrofsarsgranius cum Starkado scapham repetebat , cujus formam Odinus indutus , præmii loco ministerium ad cædem Vikaris peragendam deposcit, promittenti gladium tradidit, arundinis speciem omnibus præbiturum, quoad cædes peracta esset. Atq; ita antelucanis horis in castra reditum est. Vikarsholmi insulæ nomen remansit, ubi Rex proditione consiliarii sui interiit. Infamis tanto flagitio Starkadus ex Hordia primò profugus , inde Norvegiâ excedens, in Sveciam proprio scelere, Regis etiam, ejusdemq; sui, cruore

ore aspersus pervenit, cujus patri, præter in patrem collata beneficia, etiam tenellæ ætatis, quoad licuit, educationem, ipsi vero honores eximios, opes etiam ingentes, acceptas debuit. Eo tempore Eiricum & Alrecum Agnii filios in Svecia regnasse perhibent, quibus super Vikare rogitantibus lessum ei fecit, quo scelus illud suum valde execratus, inter summa flagitia, jam pœnitentiâ ductus, reputavit. Diverfus ab hoc Vikare Nerii illius pater videtur, qui Refo Donatori rarus fautor obtigerat; Nerius enim filius ejus coævus fuit Hrolfo Krakio, qui tempore Adelfis & Eysteini Sveciæ Regum vixit, distantq; Eysteini & horum imperiorum primordia annis circiter ducentis quadraginta quinque. Starchados autem plures fuisse alibi demonstrabimus. Viginti septem annorum hic noster fuit, cum Vikarem interemit, filiis ejus tum adultis, ut supra dictum est. Neque unquam in Norvegia post id tempus habitasse traditur, non, ut credo, metu filiorum, sed in pœnam facti, perpetuo à patria exilio sibi indicto. Hac narratione nihil aliud, quàm levitas Starkadi notatur & excusatur. Vikari primo favens adversus Herthiofum arma sumpsit, post longum tempus corruptus à nutricio Hrofsarsgranio vetere Herthiofi milite, domini eadem indignè ferente, Vikarem occidit: culpa in Deos excusationis loco conjecta est. Filii Vikaris cognito parentis fato, ditionem paternam inter se diviserunt. Haraldus ætatis privilegio Agdas Hordiamque & interjacentes provincias, Nerius Uplandas cum Thelamarchia, cui Haraldus antea a patre constitutus præfuit, sibi vendicavit. Nericiam præterea, Vestrogothiæ forte quondam annumeratam, ut placet Stiernhelmio, citante Verelio in notis, non paterna hæreditate, sed beneficio Regis Gautrici, Comitis, ut cætera, titulo obtinuisse, eique a consiliis fuisse, quoties necessitas urgeret, communicandis (consiliarium extraordinarium intelligimus) sunt qui perhibent.

Hic nobis lector monendus erit, nequaquam cum chronologia Regum Alreci & Eirici, quam in Serie Regum Daniæ confecimus, consistere, quod Starkadus post eadem Vikaris, annos natus viginti septem, ad eos profugerit. Illis enim natalem annum Christi CLXXII, regni exordio CXCLII ibi dedimus. Herthiofus autem, qui Vikaris patrem occiderat, Starkadum trimulum captum abduxerat, a Fornio, qui Odino synchronus erat, decimus quartus; a Nore vero, quem anno Christi tricesimo natum statuimus, nonus, recto tramite descendit. Nos ponamus Herthiofum id temporis annos viginti natum. Jam verò constat Starkadum post elapsos inde viginti quatuor annos, ad Reges Alrecum & Eiricum, tanquam ad aram confugisse; id duodecimo imperii eorum anno factum statuimus, qui est æræ Christianæ CCIV. à quibus duos & quadraginta annos ætatem Herthiofi & Starkadi si subduxerimus, natus erit Herthiofus anno Christi CLXII. Ab his trigesimus annus, qui Noris natalis est, subductus, relinquit novem generationibus annos centum triginta, duos qui inter omnes generantes divisi, singulos, annos natos quatuordecim, parentes faciunt. Id cum absurditate non careat, sexaginta duo ab ætate Annii Annofi, & imperii ejus periodo quinqueviginta quatuor anni detrahendi sunt, inque novem superiores distribuendi, non habita ratione fabulæ de filiorum victimis, provinciisque ab iis denominatis, quam Snorrius affert. Hac ratione Alreci & Eirici anni ad Fridthiofi ætatem deprimendi sunt; mox Regum Daniæ chronologia cum his concilianda, ut trium regnorum principum tempora inter se concordent; nos enim in Serie Regum Daniæ, Daniæ Sveciæque Regum tempora digessimus, sine ullo respectu ad Norvegos. Aufpicabimur itaque a Visbure, qui Noris amicitinus erat.

Illum anno Christi XXXVIII. natum, sceptris admotum ponimus XLVIII. ætatis X. procreaverit Domaldum anno Christi LXX, ætatis XXXII, regnaverit annos L, decesseritque anno Christi XCVIII. ætatis LX.

Domaldus natus anno Christi LXX, cæperit regnare anno Christi XCVIII. ætatis XXVIII, genuerit Domarem anno ætatis XXXVIII. Christi CVIII, imperaverit annos XXXII, mortuus anno Christi CXXX. ætatis LX.

Domar natus anno Christi CVIII, regimini admotus ponitur anno Chr. CXXX. ætatis XXII, procreaverit Dyggvium anno ætatis XLVII. Christi CLV, imperaverit annos XXXII, mortuus anno Christi CLXII. ætatis LIV.

Dyggvius natus anno Christi CLV, patri successerit anno CLXII, ætatis VII, procreaverit Dagum anno Christi CLXX. ætatis XV, regnaverit annos XXVIII, decesserit anno Christi CXC. ætatis XXXV.

Dagus natus anno Christi CLXX cæperit regnare anno Christi CXC. ætatis XX, genuerit Agnium anno Christi CXC. ætatis XX, imperaverit annos XXX, mortuus anno Christi CCXX. ætatis L.

Agnius natus anno Christi CXC, regno admotus erit anno Christi CCXX. ætatis XXX, Alrecum procreaverit anno Christi CCXL. ætatis L, regno præfuerit XL. annis, mortuus anno Christi CCLX. ætatis LXX.

Alrecus natus anno Christi CCXL, regnare cæperit anno Christi CCLX. ætatis XX, genuerit Yngvium eodem anno, imperaverit annos XX, decesseritque anno Christi CCLXXX. ætatis XL. Cum hoc Alreco Eiricus frater in Svecia regnavit, quibus hic noster Starkadus militavit.

Yngvius natus anno Christi CCLX, regnum occupaverit anno Chr. CCLXXX. ætatis XX, eodem anno Jorundum genuerit, annos autem XX. regnaverit, mortuus anno Christi CCC. ætatis XL.

Jorundum Yngvio patre procreatum statuimus anno Chr. CCLXXX, regni gubernacula suscepit anno Christi CCC, ætatis XX, eodem anno Aunium procreaverit, regnaverit annos duodecim decesseritque anno Christi CCCXII. ætatis XXXII.

Aunium Grandævum anno Christi CCC. natum esse statuimus; regnare cæperit anno Christi CCCXII. ætatis XII, progenuerit Eigilem Tunnicidam anno Christi CD. ætatis C. Imperii illius tempus CXXXVI. annos duraverit, vitæque periodus CXLVIII, atque ea ratione mortuus erit Christi CDXLVIII.

His jam Regum Daniæ annos aptaturi à Frodio Secundo auspicabimur.

Illum natum anno Christi XLIV. statuimus, successerit patri anno ætatis XV. Christi LIX, procreaverit Vermundum Sapientem anno ætatis XXVIII. Christi LXXII, regnaverit annos XXVIII, decesseritque anno LXXXVII. ætatis XLIII.

Vermundum Sapientem natum anno Christi LXXII, regno admotum ponimus anno Christi LXXXVII. ætatis XV. Olafum Mansvetum genuerit anno Christi CXXII. ætatis L, regno præfuerit LIII. annos, decesserit anno Christi CXL. ætatis LXVIII.

Olafus Mansvetus natus anno Christi CXXII. cæperit regnare CXL, ætatis XVIII, genuerit Danum Magnificum anno ætatis L. Chr. CLXXII, regnaverit annos L, decesseritque anno Christi CXC. ætatis LXVIII.

Danus Magnificus natus anno Christi CLXXII, patri successerit anno Christi CXC. ætatis X. Frodium Tranquillum genuerit anno Christi CCXXVII. ætatis LV. regnaverit LXXX. annis, decesseritque anno ætatis XCVIII. Christi CCLXX.

Frodium Tranquillum seu III. anno Christi CCXXVII. natum, patri successisse statuimus anno Christi CCLXX. ætatis XLIII, procreaverit Halfdanum I. anno ætatis XXXV. Christi CCLXII. Fridleifum vero III. anno ætatis XLVII. Christi CCLXXIV, imperaverit annos XL. mortuus anno Christi CCCX ætatis LXXXIII.

Halfdanum I. anno Christi CCLXII. natum esse statuimus, præfuisse Svecis X. annos, ibique ad regimen pervenisse anno Christi CCCXIV. ætatis LII. mortuus itaque erit anno ætatis LXII. Christi CCCXXIV.

Fridleifus III. Halfdani frater, natus anno Christi CCLXXIV. patri in regno Daniæ successerit anno Chr. CCCX. ætatis XXVI, genuerit Olium Vegetum anno Christi CCCXII, ætatis XXVIII. Frodium autem IV. anno Christi CCCL. ætatis LXXXVI, regnaverit annos XLVIII. decesseritque anno Christi CCCVIII. ætatis LXXXIV.

Olius Vegetus natus anno Christi CCCXII, ad Sveciæ regnum pervenerit anno Christi CCCXXXIV, ætatis XXII. præfueritque X annis, à Starkado vero occisum anno Christi CCCXLIV. ætatis XXXII. conjectamus.

Fródus IV natus anno Christi CCCL, octennem ad sceptra pervenisse ponimus, anno videlicet Christi CCCLVI, fuisseque annorum XXXVIII cum Ingialdus ei nasceretur, anno Christi CCCLXXXVIII, imperasse annos XLIX, decessisseque anno Christi CDVII. ætatis LVII.

Ad Aunium quod attinet, equis quæso crediderit, capularem senem, integrum decennium lecto non egressum, in tantum autoritate valuisse, ut pro libitu filios, jam viros, quosdam etiam senes, pro vita sua, regno subditisque non solum inutili, sed etiam noxia, imò erubescenda, cum arbitrio Tunnii servi obnoxii essent, proroganda, aris mactandos admove-re posset, neminemque illorum, vel parentis nece, se ab imminente periculo liberare ausum, si vel maxime concesserimus, senatores & Ordines regni id ei permisisse, quod tamen quid absurditatis habeat, nemo non videt. Certe eum, qui infantum lactantium more ex cornu potum exfigeret, vocem simul & rationis usum defecisse oportet, ut nec quid ipse præciperet, vel confuse cognosceret, quod si aulici ministri sub umbra ejus vim omnem imperii ad se traxerunt, id diu consistere nequibat, neque enim populus aut Ordines regni, aspectu Regis tam longo tempore carere poterant. Certe, ut tunc mores erant, iudicii præsidere, omnium querelas audire, omniaque regni munia obire tenebatur. Quod si se illis conspiciendum permisisset, an unbram illam, aut verius larvam, adorassent, illique vitam suam fortunasque ulterius regendas permisissent? Certè Dani, Regis sui, omnis memoriæ bellicosissimi, Haraldi Hilditanni, nimia senectutis pertæsi, agitabant, eum, ut imperio inutilem, de medio tollere. Taceo quòd post ætatis annum CL. non videatur idoneus proli progeneranda, eo tamen provectum oportet, si successor Eigill tum sexagenarius fuisset, cum ille exspiraret; quem si juniorem statuimus,

seniorem patrem eum quoque procreasse una erit concedendum.

CAP. XXXIV.

DE IIS QVÆ DE GAUTRECO ANTI-
QVITAS CONFUSE TRADIDIT, ET PRIMO DE
EJUS PARENTIBUS: QVI PRIMUS ID NOMEN
GESSERIT.

IN Nerio Vikaris filio præcedens caput finivi-
mus, eumque Gautreco Vestrogothiæ Regi a consi-
liis fuisse retulimus; par igitur est, ut quid de hoc
Gautreco antiquitas, licet confuse, nobis reliquit,
heic exponamus. Patre Gautio, matre Snotra, Skap-
nartunga coloni, familiam segregem in abdita silva
& avia solitudine sustentantis, filiâ procreatus est. Is
dum feras forte persequeretur, dulcedine venandi longius productus, à su-
is aberrans, in villam illam solus, imminentibus tenebris, incidit, depre-
henditque familiam ab hominum commercio alienam, in summa simplici-
tate vitam transigentem, quæ, quoties vitæ satietate teneretur, fatum occu-
pavit. Rupes erat Gillingehammar dicta, prope quam saxum Eternistæ-
pi / a familia sic dictum: inde se in mare rectâ, ut credebant, ad Valhal-
lam seu Odini aulam, viâ, præcípites dare solebant. Erat tamen inter illos
imperii domesticæ certa ratio; nam pater familiæ præerat, uxor liberique
in ejus potestate, libertate à servo distinguebantur, cui aditus ad Odini au-
lam per hanc mortem, quantumvis violentam, Odino pariter cum cæde
occumbentium acceptam, sine intercessione patrisfamilias præclusus cre-
debatur. Eo delatus Gautius, domesticæ canis latratum secutus, virum
ante fores ligna cædentem offendit; qui advenam ægre ferens, canem in
penam indicii proditiqve hospitibus tugurii occidit, veritus ne magnæ
staturæ vir, omnia cibaria unicâ cæna abliguririt; mox ingressu Regem
nequicquam prohibetur, viribus inferior cessit robustiori. Rex repulsò
servò facile in ædes irrupit, offenditque senem cum robustis tribus filiis
totidemque filiabus & uxore, nec quisquam eorum eum salute dignatus est.
Pater autem familias servum affatus, cur hospitem admiserit? interrogavit;
quod viribus prævaluerit, respondit; quid igitur, ait, egisti, cum canis
latraret? occidi eum, nolui enim tales hestiones, qualis hic videtur, sæ-
pius ab eo huc deduci, regessit. Tum rusticus, evge, fide serve, quantum-
vis successu frustratus sis, præmium tamen, & quidem crastinâ luce, dignû
hac industriâ reportabis, mecum namque vades, nostramque domum æ-
dibus splendidis ornatam, familiâ hominum eximiis corporibus conspicu-
orum instructam, invases. Apponebatur deinde cibus, nec quisquam Re-
gem invitavit, is tamen non vocatus accubuit & intrepidè cænabat.
Expavescebat Skapnartunga, bardocucullique parte, quâ caput tegebat,
oculos velavit, ne eduliorum jacturâ irritati animum nimium exulcera-
rent. Finita cænâ, velamento sub lato, vacuas jam patinas ut reserarent
(neque enim reliquias supereffe) mandavit; exinde cubitum itum, nec
Rex acquiescere dubitabat. Eadem nocte filia familias, nomine Snotra,
eum accessit, suam, si quâ indigeret, operam liberaliter offerens; vetabat
hospiti mores mirari, cum nemo eorum hospitem unquam vidisset. Rege
respondente, posse se, cum domum redierit, impensas patrisfamilias repen-
dere; aliam respondit filia sortem illi expectandam, quâm emolumen-
tum ex illius liberalitate; sequenti quippe die eum bona omnia inter libe-

ros divisurum, deinde cum uxore & servo erupe gentili se in mare præcipitaturum, adque Odinum majoresque suos migraturum, qui consimile mortis genus præcipitio ruentes mortem oppetere soliti sunt, quoties metus vel famis, vel incommodi alicujus obrepisset, neque enim illis opus esse cum ejusmodi malis conflictari, quæ beatissimam mortem, perpetuamque exinde voluptate eluctari licuerit; in præmium verò fidei servum in societatem hujus gaudii secum accepturum, cum sciat Odinum ei extra suum comitatum haut obviam processurum: nomen autem patri suo Skapnartunga, matri Totra, quod pannosa semper esset, fratrum autem primum Fiolmodium, secundum Ymsigulem, tertium Gillingem, sorores Hiötram & Tötram (larvas denotat) se vero Snotram, quod reliquis cultior esset, vocari retulit; mirari autem Regem exalceatum, laceram vestem ad tugurium suum delatum; inter vepres quippe & dumeta, cum cervum hasta transfixum persequeretur, & calceos amisit, & vestes laceravit. Rex virginem lecto receptam compressit, filioque nomen ex suo errore, quod eo in devia delatus est, indijussit, Gautrecumque vocari. Istum autem Odini Upsalensis nepotem non fuisse, præter allatas rationes, etiam relatio Snotræ evincit, quæ majores suos præcipiti saltu e rupe ad Odinum descendere solitos memorat, avo autem vel proavo majorum seriem censitam vix credo; Gautreci tamen illam notationem non huic Gautreco, de quo nunc agitur, quem seculo æræ Christianæ tertio vixisse statuimus, sed alii superioris ævi, applicandam censeo, quæ deinde huic confusè aptata videtur. Eundem eventum fata Skapnartungæ, quem filia prædixit, sortita sunt, omnisque familia, fratres, sororum propriarum mariti, cum conjugibus, præter solam Snotram, Gautrecumque, eo mortis genere interiit. Gautrecus autem cum matre ad Regem Gautium profecti exceptique sunt, patrisque testamento, consentientibus civibus, Gautrecus Rex constitutus est.

CAP. XXXV.

DE REFO QVODAM REINERIS FILIO, AMENTIAM SIMULANTE.



Duxit Gautrecus Alfhildem Haraldi Regis Vandalie filiam, ex qua filiam progeniit, nomine Helgam; nec plures ex illo conjugio liberos habuisse memoratur; munificentiam omnes sui seculi principes, ipsorum Regum de hac virtutis palma certantium iudicio, superabat; cujus documentum in Refo quodam, ab acceptis postea muneribus cognomen sortito, dedit. Fuit iste Refus Reineris rustici divitis filius, qui incoluit in sulam Sidam, provinciam Jadriam à Septentrione spectantem. Plures quidem inter Jadriam insulam intercedunt, & hanc, quæ hodie Syria / alias Utisra / quod extima sit illo situ insula, nomen tamen haudquaquam abludivit, neque enim alia illo tractu vel simile nomen obtinet, situs etiam nomini favet, cum tanquam latus reliquis objiciatur, præcipue huic nostræ Kormti, cui proximè adjacet, a quo milliari tantum distat, brevissimo trajectu. Inter piratarum præcipuos Reiner fuit, antequam quietiore vitam armorum studium mutaret. Dissimilis illi filius erat, culinam & carbones amans, cortices & virgas mandere confvetus, nec manus lavare, aut sordes abluere, aut utilem ulli operam navare sustinuit, famamque nominis sui, non ingenuo

ingenuo homine, dignis artibus, sed torpore inertiâque latè sparsit, omnibusque passim ludibrio fuit. Infaniam illam degenerantis animi vel eo nomine pater ægrius tulit, quòd hunc unicum totius familiæ omniumque bonorum hæredem haberet. Res præ cæteris cara fuit illi bos miranda magnitudine ac specie, quem ingentia cornua decorabant, quæ arte sculpta, apices auro argentoque incrustatos ostentabant; catena argentea tribus annulis aureis distincta utrumque connectebat, tantamque curam illius gerebat, ut sine custode vagari nunquam permetteret, prudenter id quidem ad occasionem furti præripiendam. Forte Reiner culinam ingressus, ad prostrati circa focum filii pedes nutabat, valdè igitur excandescens liberius eum increpavit, iussitque patria domo excedere, nec in suum conspectum, ante mutatos in melius mores, redire. Refus respondit, quandoquidem se domo exturbaret, haut iniquum videri, ut rem sibi carissimam comitem quoque exilii fieri pateretur. Pater, nullam sibi suppetere tam caram ait, quam in id impendere gravaretur, ut is conspectui suo eximeretur, utpote totius familiæ propudium. Paucis interjectis diebus abiit, assumpto secum bove, quem ad navem alligavit, remisque nixus ad continentem pervenit. Fuit statura magna, roboreque eximio; vestis ei pallium, sed curtum, & femoralia ad talos usque demissa. Jadriam permensus, recta ad Uplandas bovem secum ducens tendit, nec prius destitit, quam ad prædium, ubi habitabat Comes Nerius, Vixaris Regis filius, pervenit; nam & inter parentes eorum familiaritas intercessit, Reinere militiam Vixaris assidue secuto. Refi hovisque fama ubique increbuit, statim igitur agnitus est ab aulicis, qui Comiti retulerunt, adesse Refum Reineris filium, celebrem fatuum, bovemque eum famosum secum ducere. Comes eum subsannari vetuit. Refus fores accedens ubi considere Comes consueverat, janitoribus mandavit, ut eum ad alloquium suum accirent, quod illi irridentes ad Comitem retulerunt; qui se ad eum accessurum renuntiare iussit; nec longâ morâ interjectâ egressus, quid ei negotii esset? percontatus est. Is patrem se penatibus exegisse retulit; esse tamen sibi bovem, quem ei donare decreverit. Comes num fando audiverit, quod omnia munera tædio remunerandi averfaretur, quæsit. Ille notam satis tenacitatem ejus testatus est, nec munus remunerationi destinasse, quod verbis impensè rependi possit (ex hoc Nerio, ejusque fordida tenacitate, proverbium invaluit, etiamnum in Islandia superstes, ut fordidi Evcliones insignes Nerii dicantur). Movit Comitem & parentum necessitudo, & juvenis in virtute sua fiducia, quodque longe alio ingenio animadverteret, quam cujus simulationem induerat; itaque hac conditione donum se accepturum pronunciavit, adque hospitium nocturnum invitabat, vestemque decentem ei exhibendam curavit. Tum demum Refus, ablutis sordibus, cultiore habitu assumpto, satis conspicuus apparebat.

CAP. XXXVI.
DE REGUM GAUTRICI, ELLÆ ET
HROLFI KRAKII PROFUSA IN REFUM
LIBERALITATE.



Univerſæ Comitæ aulae parietes, clypeis ſe invicem excipientibus ornabantur, unum inde deſumptum eumque inauratum Refo donavit; verum cum inter prandium locum

Hh 3

quem

qvem tegebat vacuum conspexisset, statim doni pœnituit, rhythmumqve edidit, qvo repente se egenum futurum qverebatur, si clypeos plures donaret, eoqve pœnitentiæ processit, ut solum in aliam partem converteret, ne vacui loci conspectus ægritudinem sapius incuteret. Qvod ut Refus animadvertit, Comitē accessit, bonoqve animo esse iussit, nam clypeum se ei iterum donaturum, neqve enim usui sibi fore, armaturā reliqva destituto, affirmabat. Comes impensē gratis actis recepturum se respondit; repleti enim lacunam restitutione clypei, magno aulæ ornamento; esse tamen rem, qvam sine detrimento donare possit, licet ei parvi momenti videretur, nec tamen omni prorsus usu destitutam, cotemqve ei porrexit. Refus usum ejus se nescire testatus, responsum retulit; otiosos homines oneri sibi esse, ideoqve se ad Regem Gautrecum eum cum illa ablegaturum. Refus negabat se legationibus ad Principes vel idoneum, vel assuetum, neqve quid sibi cos ad Regem deferenda conduceret, constare. Nerijs frustra suam prudentiam decantari, ni ultra caput ejus laperet, nec legationem arduam futuram, utpote sine colloquio Regis peragendam. Decessit per idem tempus Regina, Gautreci uxor, qvam maritus valde lugebat, remedium desiderio, tumultum ubi condita est, adhibuit; ibi præsentia ejus se exhilarans, tempus semper solus, accipitres exercendo, fallere solebat, qvos longioris moræ tædio procedente tempore pigrescere solitos, jactu lapillorum, & his deficientibus eorum, qvæ circa collegerat, torpentes excitabat. Hæc Nerijs Refo retulit. Tu vero, inquit, collem pone Regem ascendes, intentus in occasionem, cum missilia Regem deficiunt, inqve reqvirentis manum cotem repones, recipiesqve si quid reddiderit, receptoqve redibis. Nihil ex mandatis transgressus juvenis, pretiosum annulum a Rege sibi porrectum, detractum brachio, poneqve tergum extensum reportavit, id qvod postea munificentia laudem auxit, vulgato qvod fontes liberalitatis omnibus absqve discrimine paterent, qvos tamen brevi exhaustos, deficiente venâ, prorsus exsiccare oporteret, si promiscuo fluxu in cives, peregrinos, nobiles & ignobiles, ingenuos & servos, pariter derivarentur. Reversus tanto successu ad Comitē, benignē accipitur, hyemeqve illius, quantumvis ad rem attenti, liberalitate sumptibusqve transactâ in Angliam, illo consulente, transfretat. Regiqve Ellæ providâ liberalitate annulum donat, qui ut hominem peregrinum, veste armisqve satis cultum, cognovit, unde ipsi tam pretiosa res? rogavit. Cognito deinde fortuitum Regis Gautreci munus, subministratæ cotis præmium, tantæ liberalitatis monumentum, ut præclarum exemplum & imitationis invitamentum, alacriter accepit, addito præconio, qvô munificentia palmam ipsi adjudicavit, qvod lapides auro rependeret, Refusqve, ut apud se permaneret, invitavit; qvo redditum ad nutricium necessarium excusante, ut moras aliquantisper neceret, perpulit. Deinde navem mercibus idoneis onustam nautisqve instructam donavit, præfatus, se haut permissurum, ut conductoria in posterum uti ei necessarium foret, neqve tamen se Gautrecum adæqvare confessus est, qui cotem aurô remuneraret. Sub discessum catulos duos melitæos, aureis millis, qvos annuli argentei aurique interfecabant, ornatos adjecit, magni pretii, nec in eo genere aliud præstantius visum est, benigneqve dimisit. Ille haut minore alacritate receptus muneribus ad Comitē sub hyemem rediit. Is adventum gratulatus, obviam ei processit, honorificeqve exceptum ad hyemem cum universo famulatio secum transigendam invitavit, nam & complures famu-

los assumpsérat. Refus agnitâ benevolentiâ propriis se sumptibus sustentari jam posse respondit, id quod Comes haudquavquam permisit, neque tamen hoc officio bovem compensatum adjecit. Refus solâ bovem mentionem, sæpius ab eo injectam, sibi displicere qvestus est. Sub exitum hyemis Comes pro more eum rogavit, quid ultra proposuerit? Qui consilii se haut expertem, opibus, sive ad mercaturam, sive militiam affluentibus, respondit. Comes quæstuosam liberalitatem ulterius extendendam, ratus, ad Hrolfum Krakium Daniæ Regem, seculi sui apicem, amandavit; quò cum pervenisset, simul ac Refi nomen interrogatus professus erat (jam enim famâ etiam Regibus innotuit) an is, qui Munificus appellaretur? quæsiuit. Ille dona quidem se accepisse a principibus, interdum etiam donasse, respondit; ne verò diffideret, esse præsentem catellos, muneris ipsi destinatos. Quibus aspectis, quætit Rex, quinam tam pretioso dono eum ornaverit? Ella, inquit, in Angliâ. Tum vero Rex ulterius percontatus; quo munere, inquit, id meruisti? annulo aureo; cuius dono? Gautreci Vestrogothiæ Regis; quo provocati? coticulâ, respondit. Omnes quidem, ait Rex, liberalitate excludit, qui lapides auro remunerat, catellosque se accepturum inqviens, ut secum maneret, invitavit. Reditum obtendens Refus, navem optimis mercibus nautisque, pariter ut ab Ella Rege, instructam, insuper singularis artificii galeam loricaque auro cælaturâque eximiâ meruit; atque ita duabus navibus instructus ad Comitem rediit: ibi nautæ universi cum ipso, Refo nequicquam obnitente, ejus impensis proximâ hyeme sustentabantur, Comite ne sic quidem bovem repensum quiritante.

CAP. XXXVII.

DE PERICULO REFI, FORTUNÆ BENEFICIO SUPERATO, INCREDIBILIQUE OLAFI PIRATICI REGIS IN EO PROMOVENDO STUDIO, ET OMNEM FIDEM SUPERANTE SUCCESSU, COMITIS NERII REFIQUE EXITU.



TRansacta hyeme Comes quò consilia sua dirigeret, sciscitatus, ut sibi curam eorum commissam cognovit; experire, inquit, fortunam, nam Olafus quidam maritimus Rex, valde strenuus, octoginta prædatoriis navibus per hyemes perinde ac æstates excubat, nauticorum Regum celeberrimus: huic tu galeam loricaque donabis; quæ si accipit, pretium eligere jubebit; petes autem imperium totius classis ad dies quatuordecim, cum potestate dirigendi quocunque libuerit; verum cavebis a consiliario ejus Refnere, viro malo; cum cujus ingenio pravo & fascinato fortunæ tuæ certandum erit, fatoque eventus committendus. Impetrato classis usu, huc navigandum erit, experimentumque faciendum, num bos quondam donatus rependi possit. Refus crebram nimis mentionem ejus fieri qvestus, salubribus ejus mandatis paruit. Ut verò Olafus oblata munera vidit, tantum abesse confessus est, ut talia unquam viderit, ut ne famâ unquam perceperit. Cognitaque munerum ultro citroque datorum serie, omnibus impensè laudatis, Gautrecum tamen prætulit,

tulit, conversusque ad consiliarium, num sibi munera isthæc accipienda essent? quæsit: minimè, inquit, si rependere nescis. Deinde utroque arrepto in mare profilit, præsentem jacturam prævidens. Refus audacter eum persequitur, configuntque sub aquis. Tandem emergens Refus, lorica, amissâ casside, affectis viribus retulit. Refner in furorem versus de statione mentis vitæque excessisse traditur. Refus donum, licet haut integrum, offerre se; tamen magis pro præsentis statu, quàm voto, professus; pares gratias retulit, ac si integrum fuisset, Rege voluntatem donantis, non casum, spectandam asserente, sibi que damnum, quod incidit, ascribente, eo quod utrumque oblatum tantisper accipere distulisset, quoad maligni viri consilia cognosceret; laudatæque Refi fortitudine, eum virum acerrimum pronuntiavit, factæque potestate rei alicujus expetendæ, usum classis ad præfinitum tempus elegit, impetravitque, universamque in Gothiam non procul à domo nutriti deduxit, ipsumque occulto nuncio excitum, de iis quæ fieri vellet consulit. Ille se adnixurum pollicetur, ut Rex se præsentem tam prope accedat, ut mutuas voces uterque assequatur, se autem pacis condiciones, tanquam ab ipso præscriptas, jamque belli calamitatum impendentium minis impensius urgendas & extorquendas proposurum; agi namque de universa ejus fortunâ, se enim eum filia nuptiis Gautreco generum destinasse. His consiliis cum Refo communicatis, Comes ad Regem sine mora profectus, media nocte eum excivit, professus periculum præsens, unde haut tutum esset effugium, ei se annunciare, quod ab immodica classe, intra fines ejus receptâ, immineret: Regi ducem requirenti respondit, esse quem minimè putaret, quemque sibi rebellem & refractarium unquam futurum, nemo post tanta beneficia crediderit, Refum nempe alumnum suum, Regi repente hostem, sui que contemptorem factum. Rex haut tam subito occaluisse videri, quin ab eo se magnam partem flecti pateretur: colligendum undique, quantum subita perturbatio patiatur, militem, armæque armis opponenda respondit. Nerijs, vereri se, ne prius ager omnis, & præsertim suus Comitatus, ut proximus, vastaretur, quam resisti posset, malle se cum pacis conditionibus ad eum proficisci, ne vero mora longior obstet, placere ut Rex ipse præsens propositas condiciones vel probet vel improbet. Profectus igitur ad naves Comes, e litore alumnus inclamavit, ejusque impudentiam verbis exaceratus, quod suam Regisque ditionem necessitudinis immemor oppugnare non vereretur; se vero haut perinde ejus, atque eum sui oblitum, etiam condiciones pacis, modo earum copia fiat, non modo cum illo initurum, sed ultro etiam, easque honorificas, consentiente Rege oblaturum; neque enim se dubitare, ingentia quæque pro dignitate sua familiaque postulaturum, cum avo materno ejusdem nominis, Comite & ipso, patre vero milite strenuo pugileque prognatus sit. Refus condiciones eum proponere jussit. Ille vilibus haut exasperandum crudele ingenium simulans, Comitatum suum, quem beneficio Regis habeat, filiamque Regis uxorem, tantarum impensarum mercedem exposci diuinabat. Refus rectè eum & providè desideria sua concepisse, hanc unicam componendæ pacis viam fore. Conversus igitur ad Regem Comes, instans periculum, & quæ peterentur, extorqueri majori Regis civiumque detrimento, dedecoreque captivæ filia posse differuit; nec affinitatem Refi aspernamdam, viri Comitibus orti, magnæque jam rerum experientiâ clari, valdeque ad obeunda regni munia senectutemque ejus sublevandam idonei. Rex classe

classe militumque numero confecto, præcisam avertendæ imminentis cladis, damniqve irreparabilis occasione cernens, pacem his conditionibus jurejurando firmatis, redemit, atqve ita domum rediit. Tantam prudentiam, vel potius astutiam, Rex Olafus admiratus, maximè verò quòd præter opinionem ipse tantas res promoverit, cum integrâ classe discessit. Liberatus hoc metu Gautrecus, licet astu se circumventum sacramentumque necessitate fraudeqve inopina expressum qvereretur, rescindere tamen passus non est, Deos prius quàm homines offendi ratus, quos in testimonium datæ fidei adhibitos eluserit. Tanta in ethnico homine religionis numinisqve reverentia fuit. Deinde nuptiæ magno apparatu celebratæ sunt, Refus & affinitate Regia & Comitibus dignitate illustris factus. Tum demum Nerius bovem rependisse, non tamen ex omni parte, visus sibi est; nam tantò se inferiorem in rependendo agnovit, quantò opulentior esset post redditum pretium, quàm erat Refus post donationem, cui nihil præterea suppetebat; donum enim remunerationemqve non ex magnitudine sui, sed utriusqve conditione aestimabat. Hactenus illa relatio, cui quantum fidei habendum sit, cordatus lector ipse viderit; ego certè, cur Refus, claro quidem genere ortus, infanum, complurium illis temporibus more, se ostentaverit, nulla cogente necessitate, non video. Longè alia Bruti & (si fidem meretur,) Amlodii ratio fuit. Nec quid Nerium ad sordidæ tenacitatis simulationem impulerit, cum tanta in Refo profusæ liberalitatis documenta deinceps dederit, nisi quòd majorem laudem ex simulata, sed repentinâ munificentia castigatâ, quàm ex temperatâ liberalitate quæsierit. Neqve Refus, neqve Nerijs diu superfuerunt, hic etiam repentina morte sublati memoratur, cui justa magnifica Gautrecus pro amplitudine dignitatis fecit, qui interea vergente in senium ætate orbatus genero consiliarioqve, regni administrationem magis quàm in publicum conduceret, intermiserat. Igitur ab amicis exoratus, ad novum conjugium animum adjecit, duxitqve filiam baronis prædivitis Sogniæ, nomine Thoreris, Olufam, conspicuæ formæ famæqve virginem, quam alter extraneus, titulo Rex, nomine Olafus, ætate juvenis, ambiebat; verum virginis judicio, cui eligendi potestatem pater fecerat, posthabitus, cui vicinitas, nominis celebritas, & gestorum gloria juvenili ætate potior fuit. Ex hac nati sunt Ketill, cognomento Kregda, Vestrogothiæ Russiæqve septentrionalis, & Hrolfus, Vestrogothiæ primum, deinde, ut volunt, Sveciæ, Reges, quorum vitas publici juris factas, notisqve Clar: Verelii, Antiquitatum Svedicarum quondam professoris, illustratas, qui volet, inspicere poterit. Ego certe inter summos Sveciæ Monarchas neqve illum, neqve filium Eiricum, quantumvis historiâ obtrudente, agnosco, uti nec inter provinciales fuisse abnuo.

Ut ad Gautrecum redeam, diversos hic confundi, vel æra Ingialdi Astuti Sveciæ Regis persvaserit, quem nostro calculo circa annum DXL Gauthildem Algaufi filiam, Gautreci neptem, uxorem duxisse Snorrius auctor est, quod optimè convenit cum illius Gautreci ætate, qui Ellæ Australium Saxonum Regi æqualis vixit; nam imperiû illius annis CDLXXXVIII & DXIV includitur, convenitqve cum ætate Hrolfi Kraikii. Inter Gautrecum autem, qui statim post Alreici & Eirici Regum tempora vixit, & Ingialdum undecim generationes & anni circiter CCLXVIII intercesserunt, spatium longe majus, quàm ut nepte terminetur.

minetur. Plures adhuc quoque Gautreco Thoræ Ragnaris Lodbrochis uxor nobis ostendit, nam unus eorum ejus patruus magnus fuerat, Hringi Ostrogothiæ Regis frater, qui nec hujus Gautreci ætatem attingit. Quod si Vikaris æram inspexerimus, datur alter ab hoc diversus, Ellæ & Hrolfi Krakii, & proinde Nerii & Refi, temporibus propior, decimus a Nore, cujus cum Hiore Hiorleifi Mulierosi patre gesta antea descripsi. Hiorleifus autem Mulierosus a Nore septimus vixit tempore Solvii piratæ, qui Sveciam anno ex nostra calculatione DXXXI oppugnavit; Facile itaque fieri potest, ut qui hic describitur Nerius, istius Vikaris filius fuerit, nam tempora mirè concordant. Quod autem devotus fuerit Odino antequam natus esset, ut & prælagium patris de exitu vitæ ejus, id magis in priorem quadrat, & Starkadi & Eirici & Alreici Regum tempora. Quod si Gauthildis maternum genus inspicimus; mater ejus fuit Alofa, Olafi Skygnii seu Lyncei Nericiæ Regis filia, cujus quoque tempora cum hoc Gautreco & Vikare posteriore conveniunt, ut ex iis, quæ prius cap: XXXII hujus libri exposuimus, planum est, quæ omnia sagacis lectoris examini relinquo, qui & facile pendet, an Saxo ex liberali illo Gautreco Godefridum exstruxerit, inque Caroli Magni tempora retulerit.

DISSERTATIO DE STARKADIS.

Sed quoniam Starkadorum mentionem hic fecimus, unumque tantum Saxo agnoscit, qui tres humanas ætates impleverit, locus exigit, ut quæ de eo antiquitates tradunt, hic subjungam. Ad nomen quod attinet, in primis Johannis Magni sententia, qui Starkadi patriam Esthoniæ contra Saxonem negat, haut videtur prætereunda, quam petito ab erymo vocis argumento probare nititur historiæ Sveo-Goth: Lib: V. cap: VI. Erat enim (inquit) Sveticus sive Helsingius, non autem Thavesthius aut Esthius, ut quidam putare videntur. Testantur id non solum nostræ veteres historiæ, sed Svetici nominis interpretatio, quæ starker fortem significat, quasi dixeris fortem atherum, qui Thavestio vel Esthio sermone Vege ather dici debuisset. Similis ratio nominis est de patre ejus Storvercho, qui Esthia lingua Surevercho dictus fuisset. Lpsum Saxo in vita Sivaldi fortissimum Sveonum appellat, qui locus in testimonium, sibi ipsi contrarium licet, adductus videatur: mihi tamen magis de iis, qui militiam Svecorum id temporis sequebantur, quam ad discernendum ex qua gente prodierit, agere videtur. Certissimum tamen est, nomen illud Danicæ lingvæ proprium esse, quod ubique in veteribus historiis obvium, pluraque exempla suppetunt, quam ut hic referenda sint. Patriam itaque illius Starkadi, qui primus omnium vel in prisca monumentis occurrit, vel deinde occurrentes in nominis communionem traxit, haut aliam statuo, quam quæ Gothicâ lingvâ utebatur. Quod si periodum annorum, cum Starkadorum nomen in septentrione inclaruit, penitus inspexerimus, vastissimam quidem eam deprehendemus. Enimvero pluribus gentibus usu venisse constat, ut celeberrimi Regis aut dynastæ nomen in plures processu temporis translatum, deinde latius sparsum, singulæ tandem divinis honoribus coluerint, certatimque sibi ejus originem adscripserint. Sic Jovis nomine fabulosa vetustas dignata est Reges principes, qui sui Ordinis cæteris potestate antestarent.

starent. Inde factum est, ut nullo prope seculo defuerint sui Joves, usque ad bellum Trojanum. Tot autem heroum, qui Joves dici meruisse ex nationum tantum opinione, bona, mala, vera, ficta, uni Jovi Cretensi tribuerunt poetae. Idem de Neptunis conspicuum est, quorum tot fere nomina vetustas finxerat, quot Reges insularum extiterunt. Idem tot Hercules evincunt, quorum nomina gestaque uni Thebano tributa sunt.

Nihil, aut omnino parum, diversum in nostro Starkado deprehendimus, neque enim à primis seculi post Christum natum annis, sive ad annum CDLXXIII, sive DXLIII. ullum seculum, sed nec octavum suo, caruit Starkado.

Omnium primus Starkadus cognomento Aludreingus Halogiae ad cataractam Alufossa (aliis Galufossa) incola se offert, Alfo (qui Originibus Norvegiae Finnalfus) Alheimorum, nunc Bahusensis praefecturae, Rex. Hic Alfi filiam rapuit, calculo, ex hypothesi Snorrii, seculi secundi medio, Thorsteini vero & Vikingi historiae, ejusdem fine.

Hujus nepos Starkadus II Alreco & Eirico Sveciae Regibus juvenis annorum viginti septem coevus vixit, calculo ex hypothesi Snorrii circiter CCIV Thorsteinino CCLXXII illius vitae exordio, si secundum Saxonis nostrorumque consentientem traditionem CCC annos adjicimus, ad annum CDLXXIII vel DXLV extenditur. Fabulosa sunt quae laudata historia de Odini in illum indulgentia, & Thoris saevitia tradit, parum à fabula de Tiresia Caeco abludentia: septem illius aetati secula à Jove data perhibent, huic tria. Extant tamen exempla Macrobiorum multa, etiam sequioribus seculis. Omnes excedit Johannes de temporibus Caroli Magni Stabuli praefectus, ob anno MCCXX aetatis CCCLXI testibus Vincentio Pellovacensi & Naclero. Id quod non consistit etiam si ultimo Caroli Magni anno illud ei ministerium praestitisse largiamur, anno nimirum DCCCXIV. inde enim CDVI anni effluerunt. Adde aetatem cum ad officium illud evectus esset, XX ad minimum anni requiruntur. Erit itaque integra ejus aetas annorum CDXXVI. Nostri Annales obitum ejus (an alterius nescio) ad annum MCCLIX referunt, nec id sine circumstantiis; tradunt enim virum in Islandia in primis celebrem, Sturlam Thordi filium retulisse, quod ex Archidiacono Folchone (qui postea Sveciae Archiepiscopus evalit) acceperit, quod Monachi Ordinis praedicatorii retulerint, ipsi eodem illo anno Brugis Flandriae visum virum è longe dissitis terris advectum, qui profiteretur se olim Imperatori Carolo Magno ministrasse, filiam autem suam urbem Brigas possessione tenuisse, cum ille Galliis excessisset; fidemque dictis astruxisse, monstrato thesauro intra murum abscondito. Relatum deinde sibi praedictus Dominus Folcho affirmavit, quod Colonia paulo post obierit. Excesserant itaque à morte Caroli Magni ad illum annum anni CDXLV. his, si aetas illius officii capax anni XX, adjiciantur, ad annum CDLXV extendetur. Taceo antiquiores Aegimium & Arganthonium utrumque Plinio, & priorem quoque Anacreonti, qui ad ducentos annos pervenit, posteriorem etiam Silio memoratum, qui ei trecentos tribuit; ut & Helionico memoratos quosdam ex gente Epiorum, qui ducentos expleverint annos, & Danthona quendam, quem Valerius Maximus ad quingentesimum usque annum nulla ex parte senescentem processisse tradit. Thorem Olsonium Olaus Rudbeckius, qui superiori seculo vixerat, CCCLX annos exegisse testatur. Non ante multos annos vita functus est praeciae

ciæ Skaanevigenſis civis , quæ non procul hinc diſtat , Thorgeir Bircheland , qui viduus centenarius honeſtam virginem uxorem duxit , filiumque ex ea ſuſcepit , triginta annos natum , cum pater excederet , id quod vir reverendus valde ſenex præſbyter eccleſiæ iſtius idemque præpoſitus , ut & Regius præfecturæ ejusdem quæſtor , ſed diverſo tempore uterque locoque mihi confirmârunt. Hunc igitur Starkadum Frodii IVti tempore & Ingialdi filii ejus ævo vixiſſe eo tutius ſtatuiſmus , quòd incentivo carmine , quo illum ad patris ultionem exacuit , ipſe juvenem ſub Rege Hacone ſe meruiſſe teſtatur. Is autem Hakius eſt , qui Hugleikum Sveciæ Regem in extremi vitæ ſuæ triennii limine occidit circa annum CCXLIV vel CCXCVII (ei enim juveni ipſe juvenis miniſtrare potuit) Frodii autem IV anno CDVII cæſus eſt , quo tempore Starkadum , calculò ad Snorrii placita directò , annos natum fuiſſe oportet CCXXXIV , ex hypotheſi autem Thorſtenianæ hiſtoriæ CLXII. Sive igitur hic idem Starkadus ad annum CDLXXIII ſive DXLV. vitam produxerit , reſtant tamen ad annum bello Bravalleni nobilitatum , DCCXXXV , CXC vel CCLXII anni , cui cum Starkadus interfuſiſſe Saxoni , omnemque belli ordinem carmine prodidiſſe tradatur , diverſum eum ab hoc Aludrengi nepote fuiſſe oportet , eundem tamen qui ad ultimam circiter Sigurdi Hringi ætatem , annum nimirum DCCL pervenit , cum ipſe contra Giukungos & Sigurdum Faſnericidam pugnaret , quo bello quoque Hringo operam navalliſſe Nornageſti (modò fidem mereatur) relatio prodiit. Ipſe eſt qui Armodium Asmundi Gnodenſis filium balneo indulgentem , eodem tradente , peremit , qui & ſub Omundo , tradente Saxone , id eſt , ejusdem Sigurdi Hringi tempore , morte multatus eſt. Atque ita Starkadorum periodus ab Aludrengi incunabulis ad provectam Sigurdi Hringi ætatem circiter DL vel DC annos exhaurit. An verò inter illum Aludrengi nepotem & hunc ultimum alii interceſſerint , explicare nequeo , ut nec quo anno ultimus hic natus ſit , aut quid præter quod his duobus noviffimè memoratis bellis geſiſſe perhibetur , ut & nefariam Armodi cædem , egerit.




APPENDIX

AD
LIBRUM QVINTUM,

Qvâ

SCHEMATE GENEALOGICO

Tota Thorrii, Gothorum, Finnorum Qveno-
rumque Regis progenies, exceptâ lineâ Haraldi
Pulchricorni, repræsentatur.



Thorrius tres habuit liberos; Norem, Gorem,
& filiam Göcn.

Nor duas habuit uxores, priorem Höddam, Sva-
dii gigantis filiam, Rolfi de Rupe sororem. Postero-
rem cujus nomen non exprimitur.

Noris ex Hödda filii

I. Thrandus.


II. Gardus, cognomento Agdius.
Ex posteriore uxore,

III. Raumus

Noris ex priore uxore filii

A

1. Thrandus Thrandiæ Rex & eponymus, genus ab eo demissum vel nullum fuit, vel ejus memoria interiit. Gardus Agdius, ejus filii. 1. Haurdus. 2. Rugalfus. 3. Thrymus. 4. Vegardus. 5. Freygardus. 6. Thorgardus. 7. Griotgardus.



12. Geirleifus inter primos Islandiæ incolæ vide Landnamam p. 67.
13. Oddleifus
14. Gestus Sapiens

α In Originibus perperam Hordi Hordiæ Regis posterii traduntur.


β Progenitores Augvaldi Origines constituunt, Halfi herois vita hos omittit, cum autem Origines Augvaldi progeniem, Jofurem puta & Hiozem, Hordo tribu-
ant, planum est, ipsum ab Hordo genus ducere, Hordus itaque Rugalfi pater erit,
qui postea Rogiæ Rex factus videtur.

γ Hiorleifi & Æsæ Candidæ filium Landn: pag: 58. tradit, Oblaudum autem Ho-
gnii Candidi patrem, ejusdem Otryggi filium.

Gardus

Gardus Agdius.


B.



^a Afa habet Landnama Cap: III. Part: V. pag: 169.

⁹ Teste Landnama Part: I. Cap: XVII. pag: 19.

⁷ Ex Landnamæ Part: II. Cap: XVIII. pag: 72.



α Ex anonyma membrana Resenii in Bibliotheca S: S: Trinitatis desumptus.

β Thorfsteinum Ketillis Raumi & Miollis filium tradit Landnama pag: 90.

Nota. Dum hic author singulorum filiorum Raumi Bergdisē natorum progeniem recensuerit, mox etiam seriem reliquorum ex alia uxore persequatur, quā expositā tandem ab Alfō Sene Alheimorum Rege, genus Ragnaris Lodbrokis deducat; vix a Finnalfō illud repeti credo, sed ab alio Alfō ejusdem districtūs Regulo, pariter Sene dicto, qui forsitan erit ultimus ille, qui in hoc ordine conspicitur, aut alius quidam. Recenset autem ab illa origine Haraldi Pulchricomi genus his verbis: Alfus, inquit, Priscus in Alheimis regnavit. Is fuit Algeiris pater, patris Gandalfi, patris Alfhildis. Alfhildis fuit mater Ragnaris Lodbrochis, & sic consequenter.

Raumi

Raumi ex uxore Hilde Gudbrandi Prisci filia,
illius Solvii nepte, qvi primus tractum Soleyenfem excoluit,
Filii

1	2	3	4	D
2 Gudriod ⁹	Haudus Hada- landiæ Rex & epon:	Haddingus Had- dingiadali & Thelamarchiæ R:	Hringus Hringarikæ & Valdresfiæ Rex, ex filia Viðilis maritimi Regis	
3 Eyfsteinus Astutus	Hodbroddus	Haddingus	Halfdanus Senex dictus	
4 Aunundus	Hrolfus	Haddingus	Siggar	Skilfer Vorfiæ R
5	Hromundus berferchus	Hognius Rufus	Siggeir maritus Signiæ Volfun- gi filia.	Sigmundus ma- ritus Hildis Griotgardi II. Nordmariæ Regis filia.
6	Hamundus Hakius Gunnlod	Haddingus	Siggar	Eiricus
7	Hrok ⁹ Hrok ⁹ Hrod- Albus Niger geir	Urftei-Inftei- nus nus	Hadding ⁹ Signya Hagbar- di amafia.	Alrec ⁹
8	Gunnlod	Hrodmar	Haddingus	Eiricus Difertus
9	Hromundus Greipius	Hakius ber- ferkus		Alrecus Vegetus
10	Hroaldus	Biornulfus		β Vikar
11	Hrodmar	Aurn	Vatnar	
12	γ Hiorleifus	γ Ingolfus	Hialdus	Sniallus
13			Grimus Ventos ⁹	Einar
14			Biornus Buna	Aulver infantium velutus
15			Ketill Flatnefus	Einar
16			Andr Prædives	Hrolleifus, inter primos Islandiæ incolæ.

α Gunlodem Hamundi & Hakii Sororis anonymæ filiam fuisse tradit hist. Hali Herois.

β Vikarem Haraldi Agdarum Regis filium esse ejusq; filium Vatnarem testatur Land-
nama pag 177. cæteramq; genealogiam ad Audurem & Hrolleifum recenset pag 5.

γ Eorum genealogia extat Landnamæ pag. 5.

Tom. I.

Kk

Halda.

E

Halfdanus Senex.

	3	4	5	6	7	8	9
4	Audius R. Vallandiæ	Næfillæ	Dagus.	Bragius R. Valdresfæ.	Hilder.	Budlius.	Lofdius
5	Frodus	Heimar	Olius	Agnar	Hildibrandus	Attils	Skylius
6	Kiar	Eynefus	Oleifus	Alfus	Vigbrandus	Leenfna	Egdir
7	Alruna	Rachn	Hringus	Eiricus	Herbrandus	Budlius	Hialmther
8	Giuxius	Olafus	Hildis	Haraldus Grænski ⁹	Brynhildis	Eylimius	
9	Gudruna Sigurdi Fafneri- cidæ uxor	Helgius	Halfdan ⁹ Munific ⁹	Afa Impe- riofa	Alaugis	Hiordis	
10	Sigurdus Cervus		Gudriodus	Halfdanus Niger	Sigurdus Angvio- culus	Sigurdus Fabneri- cida.	
11	Ragnhildis		Halfdanus Niger	Haraldus Pulchri- comus	Aslaugis	Aslaugis	
12	Haraldus Pulchric:		Haraldus Pulchric:		Sigurdus Cervus	Sigurdus Angnio- culus.	
13	Nota. Dagi filii ex uxore Thora Dreingiamodur, 3: athletarū matre, novem fuisse traduntur, Recencentur autem præter Olum, qui hic memoratur tantum, tres, Amus, Jöfur, & Arngri- mus.				Kagnhildis	Aslaugus	
14					Haraldus Pulchrico- mus.	Sigurdus Cervus	
15						Ragnhildis	
16						Haraldus Pulchrico- mus.	

Goris

Goris filii.

F


1	2		
Beitius	Heitius	Vide plures infr:	1
		lit: G.	
Heitius	Svadius vel		2
	Svæidius		
Svadius	^a Haldanus Senex		3
	Ivar Uplandorum Comes		4
	Eysteinus Glumra		5
	^β Rognvaldus Mæriarum & Raumsdali Comes		6

1	2	3	4	5	6	7
Thorer	Ivar	Einar	Halladus	Hrollaugus	Hrolfus Nordman-	
Tacitur-		Orca-	Orcadum	Islandiæ in-	niæ Dux.	
n ⁹ , pater-		dum Co-	Comes	cola		
næ ditio-		mes				
nishæres.						

^a Vide historiam Olafi Tryggvini Part: I. pag: 216. & Landnamam Part: IV. Cap: VII. pag: 138.

^β Vid: Landnamam Part: IV. Cap: VIII. pag: 138. & 139.

Goris filii



α Mæfilem Meiteris filium historia Thorsteini Vikingi collata cum Originibus Norvegiæ monstrat.

β Teste historia Thorsteini Vikingii Exemplaris Mag. Bryniolfi Sænonii.

γ Hundthiofum habet historia Fridthiofi.

δ Vide historiam Gautrici & Hrolfi Cap. III. pag. 17 & 18.

Goe Rolfi de Rupe uxor					H
Solvius Rex					1
Kaun Rex					2
Svina Bodvar seu Bodvar Porcinus					3
Thorer Rex					4
Aurn Hyrna seu Cornutus					5
An vel Unar					6
Thorleifus Hvalaskufus			Bifrukarius		7
			vid. inf. lit. J.		
Bodvar Snæthruma					8
Thorleifus Midlungus					9
Bodvar Hvitius seu Albus, qvi è Vorfia migrans prædium Hof in 10					
			orientali Islandiæ tractu primus		
Thorsteinus			incoluit.		11
Hallus de Sida, vir optimus & in sua patria potentissimus, qvi pri- 12					
mus in toto illo quadrante Christo nomen dedit.					
Thorsteinus	Eigill	Thorvaldus	Ingveldis	Thordis	13
Magnus	Gudridis	Thorgerdis	Thordis	Thoreya	Thuridis 14
Einar	Joreidis	Divus Jon Epi- scopus Hohen- fis.	Joruna	Sæmundus Polyhist. qvi Eddam collegit natus 1056.	Ospakus 15
Magn ⁹ Episcopus Skalholt- ensis	Arius Polyhi stor na- tus 1068.	Hallus pastor	Lopt ⁹ pastor uxor Thora Magni Nudi- pedis Norv. Regis filia na- turalis.	Sumarlidi ⁹	16
Gissur			Jon. procerum patriæ suo tempore celeberrimus.		Thora 17
Magnus Episcop. Skalholt.	Sæmund ⁹	Sigurd ⁹	Paul ⁹ Episcop ⁹ Skalholt. in Island. or- dinatus ad Absolone Archiep. Lund. 1194.	Divus Magn ⁹ Orcadum Co- mes martyrio coronat ⁹ 1100.	Gunnhildis 18

Divus Rognvaldus Orcadum Co-19
mes cæsus 1158. die 10. Augusti.

Prima pars genealogiæ ad Bodvarem usque Hvitium desumpta est ex Landnama Part.
IV. Cap. VII. pag. 19. de Thorsteino autem & Hallo ejusd. cap. pag. 137. Thorsteini,
Eigilis, Thorvaldi & Ingveldis progeniem vid. ejusd. part. cap. IX. pag. 140. Thor-
dilis genealogiam historia Orcadum Lib. I. cap. XVI. exhibet, ramumque ad Co-
mitem Rognvaldum cap. XVII. pag. 74.



Thorleifi, Augmundi, Thordi Hardii & Aulmodi genealogias vide in historia Olafi Trygvini part. II. cap. XIX. pag. 64.

• Ulflioti genus ad Bifrukarium & ejus avum Aurnem Hyrnam extat Landn. Part. IV. Cap. VII. pag. 137. Vid. & Partis I. Cap. IX. pag. 11.

β Floki genus adstruit Landn. Part. III. Cap. XI. pag. 104. confer. Part. I. Cap. II. pag. 3.

7 Teste hist. Olafi Trygvini Part. II. Cap. XXVIII. pag. 113. illum Hallfredus Islandus exoculavit.

8 Sæbiornum Kalii patrem fuisse historia Orcadensium Lib. I. Cap. XVII. pag. 71. testatur.



HISTORIÆ RERUM NORVEGICARUM PARTIS PRIMÆ LIBER SEXTUS.

CONTINENS VITAS ÖRVAR-OD-
DI, BODVARIS BIARKII, ET SÖR-
LII ROBUSTI

SECTIO PRIMA

DE ÖRVAR-ODDO

BREVIS IN FAMILIARUM A NORE NON
DEPENDENTIUM, PRÆCIPUEQVE IN HISTORIAM
ÖRVAR-ODDI, PRÆFATIO.



Scilicet eorum gesta exposuimus, qui à Thorrio
Noreque ad Herthiofum usque descenderunt, exce-
ptâ Alfildis Finn-Alfi filiae progenie; quæ cum
Daniæ Regum multos contineat, ejus contextum in
Vita Haraldi Pulchricomi rectius explicabimus. Oc-
casione Herthiofi, Vikaris, & Gautrici quædam ge-
sta attexuimus, & ratione Vikaris, dissertationem de
Starkadis. Jam ad eos progrediendum est, quorum genus ad Norem re-
ferre nescimus, qui tamen memorabilibus gestis, vel extra, vel intra
patriæ limites, celebre nomen & memoriam suam ad posteros relique-
runt, præmissis iis, qui vel ex privatis Reges facti sunt, regnaque ex-
terna consecuti, vel ipsi Reges alia suis deinde adjecerunt, habita ratio-
ne temporum, quibus vixerunt; inter quos primas tenet, quem jam de-
scripturi sumus, Orvar-oddus, in cujus persona gestisque describendis,
hæc minus quàm in recitatione Starkadum animo fluctuor; cum quid
ei, quid posterioribus, ejusdem nominis viris, ex iis, quæ hic de uno eo-
demque in unam historiam veteres congesserunt, competat, discernere
nequeam. Nam, sicut in Serie Regum Daniæ Lib: I. cap: IV traditum est,
exhibetur hic unus idemque Oddus, qui Angantyrus, ejus nominis pri-
mo, qui seculo tertio ipsi vixit synchronus, nunc in prælio Bravikensi
pugnans

pugnans, quod circa annum DCCXXXV. gestum fuisse ex nostro calculo apparet; nunc patre Grimo Hirsutigena procreatus, qui post seculi octavi medium natus est, avo Ketille Hængo, qui primus sagittas Gufinas in familiam innoxit, quarum hic Oddus hæres factus perhibetur, iisque sæpius usus res admirandas gessisse: Unde convincitur, si hujus Oddi parentes, avus, proavusque familiam illam constituerant, antiquitus in usu fuisse, ut nomina liberis suis utriusque sexus, ea quæ celebres majores eorum gesserant, posteris aptaverint, eosque conjugio sociaverint, qui iisdem vocabulis avos aviasque, aut remotiorum graduum, tam in linea recta, quam transversa, conjuges referebant, ad perpetuandam in eadem gente istorum nominum claritudinem; atque ita delectum conjugiorum ex aptitudine nominum magnam partem pependisse. Eò tamen animus inclinatur, ut duorum Oddorum gesta hic confusa agnoscam, illius nempe, qui seculo à natò Christo tertio, & ejus, qui octavo vixerat, posteriorisque genus & parentes prioribus attributos, nam Gudmundus hujus frater & amittinus Sigurdus, inter Grimi Hirsutigenæ aut sororum ejus filios in familiæ recensu non inveniuntur. Quicquid horum sit, ego fidem liberasse contentus, gesta hujus, uti accepi, exponam.

CAP. I.

DE ODDI PARENTIBUS, NATALI SOLO,
NATIVITATE, EDUCATIONE, ET JUVENILIBUS OB-
LECTAMENTIS, FATIDICÆQUE MULIERIS
VATICINIO.



Oddi parentes avique, iisdem nominibus cum illis, qui seculo octavo familiæ Hrafnistinae magnam partem postea in Islandiam transmiserunt, hic assignantur. Pater Grimus Hirsutigena, avus Ketill, cognomento Hængus, proavus Hallbiornus Semigigas, abavus Ulfus Generosus: Mater Lophæna, Haraldi præfecti Vikensis filia; quæ dum ex insula Hrafnista, quæ provincia Thrandiam Halogiamque interjacenti Naumudalo adjacet, jam gravida in Vikam maritum comitata veheretur, accidit in itinere, cum Jadriam prætervecta ad Soknadalum pervenisset, ut sub promontorio quodam prope villam, quam Veruri-dr (hodie Berlio) appellabatur, partus dolores sentiens, lembo litori admoto in terram exponeretur; quam villæ dominus, vir locuples, nomine Ingialdus, hospititer cum universo comitatu excepit, quæque ad necessarios usus requirerentur, abunde præbuit. Ibi puerum specie eximia, & quidem supra usitatam infantum sortem, in lucem edidit; quem aqua aspersum Oddum parentes appellârunt. Illa vero post triduum se itinere idoneam professâ, cum abitam maturarent, hospes a patre infantis, ut sibi in aliquo gratificaretur, postulavit; is verò rei, quam expeteret, ignarus, id justum æquumque affirmans, edicere jussit, se enim hospitii usum, exhibitamque benivolentiam abunde remuneraturum. Qui cum se opibus abundare testatus esset, nutricatum filii tantum deposcebat, id sibi honorificum arbitratus. Quod cum pater ad matris arbitrium retulisset, facile impetravit, ibique relicto recens nato filio, institutum iter unâ persequuntur. Cum autem in reditu ad ejusdem litoris oras pervenirent, Grimus vela demitti, navem-

ti, navemque terræ admoventi iussit, hospitum, apudque eum depositum pignus, reviviscens. Id verò mater superfluum respondit. Admiranti itaque patri, quòd, mente tanquam à pietate alienatâ, nullo sobolis amore mater teneretur, respondit ille; se filium benè diu intuitam ex oculis ejus observâsse, familiæ Hrafnistina minus æquum futurum. Atque ita, svidente ipsa, iter non est interruptum. Deinde Oddus in eadem villa educatus est, una cum nutricii filio Asmundo, qui ibi simul adoleverunt; formâ insignes, corporis viribus etiam natu æqualibus superiores; non tamen Oddum, quoad vires, affectus est Asmundus. Studia illis & exercitia, pro more seculi, nobilissima; jaculandi assiduus usus peritiam dederat. Hinc sagittarum complures quotidie Oddus fabricavit, aut fabricandi usum callentes ad faciendas sæpius impulit; non tamen servandi & conquirendi idem studium erat; anxie quæsitæ negligentè servatæ sunt; quæ hinc inde per incuriam jactæ, vulnera incautis & ignaris infixerunt; id quod illi multorum odium concitavit; donec querela ad nutricium delata est; qui increpatò alumnò responsum retulit, jure quidem se objur-gari, modò jaculis pharetram suppeditâset; quam cum se daturum pollicitus esset, caprum, quem optimum nutricius habuit, nigri coloris, in eum usum excoriandum, ita ut exuviae integram illius formam referrent, Oddus delegit; id quod etiam impetravit. Eò omnia tela coniecta sunt, nec prius destitit, quàm exuviae repletæ essent. Comes ei datus, qui, quo progrediretur, pharetram (quale genus Scrautum à veteribus dictum, observatum est) deferret. Solus venatum procedens minorem pharetram tulit; hinc *Þrvat*-oddi nomen contraxisse videri potest. (*Þrenim*, in genitivo casu *Þrvat*-sagittam denotat.) Vestis illi cultissima; frontem fascia argentea, forte diadema, texit. Cultus Asmundo idem erat; Deorum illis nec metus ullus, nec cultus: in viribus tota fiducia erat; licet Ingialdus Deos devotè coleret. Vidua erat, nomine Heidis, præfaga fæmina, futurorum scientiam professa, quæ fati pandendis hybernæque tem-periei prædicendæ adhiberi, convivisq; excipi solebat, quindecim virorum, totidemque virginum copiatu assiduè stipata. Völvm (forte Sybillam) vocabant. Hæc in vicinâ id temporis epulabatur, cum Ingialdus Oddum filiumque ad eam invitandam se ablegaturum profiteretur. Oddo verò ob-nitente, pater filium in sua potestate futurum præfatus, ad eam misit: sed indignatus Oddus, injuriamque sibi fieri quæstus, se pariter educato-ri ægrè facturum minatus est. Quod paterfamilias nihil moratus, præsti-tuto die cum omni comitatu accedenti obviam processit, inque cænacu-lum honorificè deductam epulis excepit. Remotis deinde mensis, dome-sticisque ministris cubitum euntibus, illa ad execrandas incantationes se contulit. Manè accedens paterfamilias quæsit, an ex voto ceremoniæ processissent? Illâ quæ concupisceret, promptè se explicaturam pollicente, ipse singulos in ordinem dispositos, in propriis sedibus collocavit, primusque fata sua, & si quæ plura desiderarentur, requirens, eam accessit. Illa rei familiaris abundantia, honoreque sufficiente beatam illic vitam, ubi jam habitaret, ad finem usque perducitur respondit. Asmundo verò proximè succedente: benè habet, inquit, quod huc accesseris; in remo-tas enim terras peregrinaberis, magno ubique honore feliciter & summâ cum laude bellabis, licet stamina vitæ præmaturâ morte Parcæ rumpant. Post hunc, qui aderant, fata sua requirerant. Illa omnium vo-tis satisfactis, hybernâ temporis conditionem, & alia etiam futura præ-dixit.

Jamque Ingialdus eam dimissurus erat, cum vicissim rogaretur,
Tom. I. L1 omnesne

mnesne domestici accesserint, aliud sibi non constare respondit; quid igitur in lecto jaceret, quidve ibi moveretur? quævisit. Quo cognito, Oddus exsiliens, vetabat eam, quæ sibi eventura essent, edicere, nullam enim se fidem ei habere, nec præfagiis ejus ponderis quicquam statuere. Quò auditò, carmen hoc sensu modulata est. Non terrebis me, Odde de Jадria; mea namque vaticinia eventus probabit, cum omnium hominum fata prænoscam; non transmisses sinus, quantumlibet latos, vel longa freta, etiamsi fluctus te obruant, quin in Beruriodro silicernium cremeris. Inde prosâ cum affata, trecentorum annorum ætatem decretam ipsi prædixit, famamque factis per remotissimas terras extensurum, ubique magnum, ubique gloriosum; ad ultimum tamen æquum, à juba promissa Faxium dictum, colore cineraceum, fatalem illi futurum. His auditis adeo excaudit Oddus, ut ipsam arundine, quam tenuit, pulsaret, sanguinemque eliceret. Illa vero, incalcescente ira, vestes suas poposcit, protinus abitura, nunquam se verberibus prius affectam contestata. Eam igitur paterfamilias blanditiis delinens, se multâ pecuniariâ hanc protervitatem redempturum pollicitus, per triduum detinuit, placatamque domum dimisit.

CAP. II.

DE DISCESSU ODDI ET MIGRATIONE IN BIARMIAM, TUMULO EXSPOLIATO, NAVIGATIONIS PERICULO, ET REDITU AD PATERNAM DOMUM.



Post fatidicæ discessum, Oddus, quamvis magnam sibi gloriam, inusitatam ætatis prolixitatem, cæteraque prospera & votum superantia, portendi didicisset, sive quòd vaticinio nullam fidem haberet, sive quòd istud mortis genus, quod prædicabatur, sibi, ut forti viro, indignum detestaretur, ad eludendum oraculum, cum socio Asmundo in valle quadam profundâ, tantæ altitudinis foveam fecit, ut ne ipse sine magnâ difficultate se inde extricare posset, æquumque Faxium interemtum in eam detruxit, aggestisque saxis obstructam, injectâ magnâ cespitum congerie in collis formam fastigiavit, provisorius, ne ullum sibi a fati lege periculum metuentum esset, si aliter quàm illo percussore mori non posset. Nec longum tempus intercessit, cum navigium à nutritio comitemque filium deposcit, ægreque impetrat; præsertim cum profiteretur, se inde sine utriusque reditûs spe profecturum, idque in ultionem arcessitæ famina veneficæ. Ingressus navem, cum Hrafnistam, patriam domum, se accessurum profiteretur, nimiaque via remiges immodicè fatigatura terreret, periculum faciendum pronunciavit, familiæ genius à se esset aversus; constare enim, quod quoties avus paterque suus, tranquillo quantumvis cælo, vela sustulerint; repente venti ad obsequium prompti inflare, totumque cursum sine intermissione dirigere consueverint. Id expertus cognovit, hoc numinum familiarium favore se nequaquam destitui. Itaque austris ad votum aspirantibus, spatium, quantumvis longum, brevi emensus, ad patris lares feliciter pervenit. Sed, ut erat animi nimius, ingredi dedignatus, patrem nuncio domestico excivit; ne nomen quidem, aut cujas esset, professus,

fessus, usque dum pater ex certioribus indiciis, quæ internuncius refere-
 bat, corporis scilicet: magna mole, formam staturamque insignibus, arcu, quæ
 manibus, & pharetrâ, quam tergo, gestabat, animique perviciâ, indubiâ
 gentis notâ, procerique socii comitatu, suum esse filium colligens, obviam
 ei processit, cumque socio, magnâ paterni affectûs declaratione, invitavit.
 Nec tamen detineri se passus est, patre quantumvis annitente, postquam
 cognovit, fratrem suum Gudmundum cum amitino Sigurdo in boreali in-
 sulâ parte accinctos itineri in Biarmiam, suâ quemque navis rectorem, ex-
 cubare. Eos igitur, patre comitatus, accedens, navibus per nuncium evoca-
 tos, post acceptam redditamque salutem, protinus, ut se cum socio Asmun-
 do in societatem itineris recipiant, sollicitat; qui cunctis in ordinem dige-
 stis, sine magnis incommodis id proximâ æstate fieri non posse asseveran-
 tes, in sequens vel impetraturum polliciti sunt. Ille vero repulsum, ut tur-
 pem, indignatus, domum patris cum socio rediit, magnoque apparatu ex-
 ceptus, hyemem, patre exposcente, ibidem transigere decrevit. Interea
 navigium, navalesque socios sua industria comparaturum asseverans, nec
 deinceps eorum opem emendicaturum, rediensque domum, instructo in
 accessus ejus honorem magnifico convivio à patre excipitur. Verum li-
 cet ventorum obsequium familia Hrafnistina sibi vendicaret, præcipuis ta-
 men in ea viris, sed necve id semper, solum competitivisse videtur, Gudmun-
 dus namque & Sigurdus per semestre spatium adversis ventis detenti, an-
 chorâ solvendâ nullam copiam nacti sunt. Interea Gudmundus, præsen-
 te Sigurdo sociisque nauticis, somno indulgens, per quietem turbari vi-
 sus est; excitaturos socios impedivit Sigurdus, quò melius somnio fruere-
 tur. Postquam evigilavit, album sibi ursum visum narravit, tantæ molis,
 ut omnem insulam recumbens circumvallârit, caput vero & cauda in sta-
 tione navium jungerentur, ad terrorem usque iratum. Oddi genium repræ-
 sentari, irati ob negatam itineris societatem; nec ventos ex voto spiratu-
 ros, ni admitteretur, Sigurdus conjecit. Gudmundus jam quoque vel ob-
 latam repudiaturum regessit. Placuit itaque, ut alterâ nave donatum pla-
 carent; qui illa tandem conditione flecti se passus est. Discedens à patre,
 sagittas Gufianas, tantis veneficiis imbutas, spirituque dæmoniaco obfes-
 sas, ut emissæ velut sponte sua avolantes, semper destinata ferirent, ad-
 que sagittarium revolarent, (tres erant, auro obductæ, nanorum opus)
 dono accepit, munusque omni æstimatione majus confessus ad naves de-
 scendit, velisque erectis, ventis ad votum excitis, portum quendam Finn-
 markæ, frequentibus circa litus casis notabilem, capiunt. Ibi Gudmun-
 dus, Oddo disvadente, in terram exspatiatus, faminas molestiis exagitavit.
 Post triduum transmissio Mari Albo in portu Biarmicæ ad fluvium Dvinam
 (Vinam antiquitus dictum) insulis interspersum, anchoram jaciunt; inde
 conspecto frequenti hominum in unum locum confluxu, colligebant, vel
 publicum luctum, vel lætitiâ significari: itaque assumpto Asmundo Od-
 dus eò concessit. Vesper erat, inque tenebris accensi lychni relucebant;
 per universum triclinium convivæ confidebant, ingens vas ansatum ad fo-
 res stabat, quod umbrâ suâ usum lumnis interciperbat. Ibi Oddus cum
 socio delituit. Pincerna cerevisiam convivis depromebat, quem ex gestu
 facieque alienigenam, & quidem Nordmannum, colligebat. Verum quòd
 lingua gentis illis ignota, ut & ritus, essent, pincernam ad litus ocyssimè
 raptum avehant; qui se à Trollis (gigantibus) corripui vociferatus, sed
 sociorum ope destitutus, ad naves deducitur. Interrogatus an linguam
 calleret Nordmannicam? cum metu præpeditus aliquantisper, conticuisset,

ubi se collegit, idiomate Norvegico exqvifivit, quidnam fcilicetaretur? Qvot illic annos exegerit, & qualiter habitus, interrogantibus; paucas, inquit, hyemes, magnâ moleftiâ. His cognitis qværunr, qvo vindictæ genere Biarmi potiffimum offendantur. Tum vero alacriter refpondit, promtè fe id enodaturum. Tumulus extat ingens, inquit, in aqvilonari parte ifthmi, prope fluvium Vinam, ex argento pulvere mifto congefthus: qvoties qvis nafcitur, vel denafcitur, magna illuc donaria inferuntur, qvem fi effoderitis, Biarmos magnopere læferitis. Divifis igitur nautis, aliis ad custodiam navium relictis, aliis in comitatum affumtis, tumulum effodiunt. Auri inde argentiqve vis magna egefta, nec tamen impune; nam Biarmi ad prælium excitati, collem facram religiofè & fortitèr defendebant, nec tamen erepta recuperare valentes, victoriam prædamqve Nordmannis concefferunt, licet non incruentam, nam multi ex iis, & inter eos pincerna, cæfi funt. Elapfi ad Finnos remearunt, qvos etiam populabantur: hi vero procellas excitantes medio mari eos propemodum fuffocârunt; nam & remiges prope omnes vires defecerunt, adeo ut ne ulterius obniti poffent. Qvo periculo exterritus Gudmundus, Oddi confilium requifivit. Ille fpolia Finnorum omnia in mare projici juffit; qvæ protinus in unam farcinam qvafi collecta, adverfis ventis obnixa fubito extra confpectum erant; nec longè post terra vifa delatos ad fe nautas excepit. Non conftat qvamdium in mari periclitati funt. Ibi hybernacula erecta, feris in alimentum confixis vita fufientata; luftrata terra infulæ fpeciem præbuit. Forte ingentem urfum fagittâ confignis Oddus, iterum tanqvam vivum erexit, oriqve ligneo baculo imposito continenti obvertit. Ibi homines ftatura adeo grandes, ut refpectu eorum Oddus puer videretur, qvofdam tamen ex iis occidiffe perhibetur, beneficio telorum Guftianorum. Ibi cognomen a telis ei inditum perhibetur, id qvod minus mihi probatur, qvàm ea conjectura, qvàm antea attuli, puer enim telis fabricandis delectabatur. Qvænam vero hæc regio fuerit, cujus fitus hic non defcribitur, planum non eft; nam fi borealia Ruffiæ deferta inter Biarmiam & Novam Zemblam intelligantur, perinde illorum lingua, atqve Biarmorum à Nordmannica diverfa erat, ut ab iis cognomen lingvæ huic proprium indi qviverit: venti tamen, qvibus fpolia Finnorum adverfis obluctabantur, domum repetitura, navesqve à Finnmarkia actæ, fi non Biarmicæ, certè vicinum ei tractum arguunt. Inde tempeftatibus acti iterum in Finnmarkiam, & qvidem eundem portum, unde prius difcefferant, pervenerunt; ubi tunc omnes cafæ dirutæ erant, excurfionem iterandam Finnis fortè metuentibus. Inde fecundis ventis ad Hrafniftam relati, patri accepti redibant.

CAP. III.

DE GEMINIS ODDI VICTORIIS, DE
HALFDANO ET SOTIO REPORTATIS; PUGNAQVE
CUM HIALMARE, ET JUNCTA CUM ILLO FORTUNA-
RUM SOCIETATE.



Elebris hæc expeditio famam Örvar-Oddi latè per Septentrionem divulgavit, adeo ut milites undiqve ad eum concurrerent, imperium fecuturi. Qvatuor igitur navibus auctus, centum viris singulis

lis impositis, sequenti vere Haldanum qvendam, piratarum præcipuum, in scopulis Gautelsæ (Elsfærterium) triginta navibus instructum, aggredi non formidavit; quem, licet ex conducto adoriretur, astu tamen usus, in prætoria nave, prius quam se colligere posset, oppressit, reliquosque ad dedicationem adegit, quibus omnia navigia permisit, præter duo, quorum alterum draconis formâ insigne erat, cui nomen Haldanar-nauti indidit, idque sibi soli reservavit; res etiam pretiosas omnes iis abstulit, prædæque onustus domum rediit. Sequenti anno Sotium piratam, etiam triginta navium numero superbum, pari modo apud Skidam (qui locus in Gallia esse videtur) devicit, usus navium ductoribus iisdem, quibus antea, fratre nimirum, cognato, & Asmundo, aliâ itidem navi formâ draconis in potestatem redactâ cum omni pretiosa gazâ, cæteris iis, qui se dederant, permisis, contentus victoria nequeque principis Sotii. & Haldani. Gudmundi & Sigurdo navis prætoria Sotii cessit. Ipse Haldani navem pretiolo colore pingi, draconisque caput inaurari, curavit, mansitque apud patrem per integram hyemem; majora insequenti æstate tentaturus. Deinde statim tempore expeditionem simul maturant, adque promontorium quoddam Sveciæ incidunt in duos piratas, quindecim navibus instructos, quarum singulæ centum nautas vehebant; quorum alter Hialmar dictus est, ab animositate Magnanimus denominatus; alter Thordus Stafnglamus. Solus Oddus in terram exscenderat, navesque in statione, castra in terrâ fixa observabat, & ante ea ludos à piratis celebratos. Rediens itaque, militem in duas partes dividit, aliam navibus imponit, jubetque ut superato promontorio clamorem militarem edant: ipse cum alia parte salum ingressus ingenti vociferatu indicium sui prodidit, sperans a diversis partibus circumventos hostes terreri posse. Qui auditô é navibus vociferantium sono, ne ludos quidem intermiserunt; ut vero é diversa parte horrendum clamorem perceperunt, paulum substiterunt, denique ad ludos conversi, nulla metûs indicia prodiderunt. Quo cognito Oddus ad Gudmundum reversus, non insidiis cum tantis viris agendum monuit, repetendam quam deseruerunt stationem, noctemque hîc peragendam. Luce crastina in terram cum omnibus copiis exscendentes ad piratas progressi sunt: qui, ut militem peregrinum adventantem conspexerunt, arma ocysus capiunt, obviamque iis progressi, quoniam essent? interrogant. Oddus nomen suum professus, plures tamen esse duces respondit. Quid ibi negotii haberet? ulterius quærenti; ut experiamur, inquit, quoniam nostrum fortior haberi debeat. Qvod cum Hialmar minime abnueret, ne gloriæ suæ quicquam decederet, imparem dimicationem aspernatus, navibus, quibus adversæ partis numerum superabat, sepositis, pari numero congregiendum, ita ut virum, unus unum, exciperet, pronunciavit. His dictis utrique arma expediunt, integrumque diem dimicando extrahunt; tandem nox superveniens prælium diremptura, ad signum induciarum erecto clypeo datum bellantes adegit. Tum Hialmar ab Oddo quæsit, ut ludus iste placuerit? pulchrè processe consenti, iterum an & continuari deberet? quæsit. Imo verò, respondit Oddus, eoque alacrius, quò cum potioribus fortioribusque viris nunquam congressus fuerit, placere itaque crastina ludæ prælium iterare; id quod etiam factum est, totaque proxima die bellatum; appetente vespere receptui signum datum. Tum vero Oddus Hialmare vicissim, ut hodiernus status arriferit? interrogavit. Optimè, respondit. Ulterius, anne experiiri velit? quærenti, Oddus tertium diem infumendum pronunciavit, eum demum finem alterutrius excidio

impositurum. Hos Thordus Stafinglamus interfatus, quærit quantum prædam navibus veherent. Exiguam, inquit Oddus, quod parum hac æstate partum esset. Quousque itaque, ait, insanietis? ut in prælia & cæde mutuumque perniciem interitumque, solo fastu & contentione, nullo vero emolumento, ducti ruatis, svasitque ut in societatem simul omnes coirent. Oddus sibi id quidem probari, an & Hialmari item, ignorare, cum respondisset, legibus & institutis suis piraticis vivendum præscripsit Hialmar. Oddus autem prius illa sibi audienda quam probanda regessit. Tunc Hialmar: crudis carnibus nemo vescitor, vel prætextu expressi per panum sanguinis, lupis quam hominibus similiorum more; colonos vel mercatores nemo spoliato; quantum vero urgente necessitate ad alimenta requiritur, sumito; feminis, quantumvis opulentis, nihil eripito, nec invitas ad naves ducito; qui secus fecerit, absque status vel conditionis discrimine capite plectitor. Probari sibi has leges cum Oddus pronunciasset, in eas consensum, fædusque societatis statim ictum est.

CAP. IV.

DE CONFLICTU CUM BERSERKIS IN SIALANDIA, EORUMQUE CÆDE, NAVIGATIONE IN HIBERNIAM, CÆDEQUE ASMUNDI.



Inita societate tantum militum ab utraq; parte desiderabatur, quantæ erant universæ Oddi & Gudmundi copiæ ante congressum eò advectæ. Tot hominum sanguine vesana virium explorandarum libido constitit. Communi inde consilio ad Berserkos quinque ante Sialandiam sex myoparonibus excubantes cursum dirigunt: Fratres erant, his nominibus, Brandus, Angar, Asmundus, Ingialdus & Alfus; quò cum ventum esset, comperto quod in terram ad pellices suas secesserint, solus Oddus ad eos invirendos se convertit. Fit prælium atrox, quod tandem omnium eorum cæde terminabatur, sine ullo Oddi vel vulnere vel damno. Ut vero Oddum in terram exspatium socius ejus Asmundus animadvertit, Hialmari id insinuat, dictitans, præstare ne illo absente otiosi fuisse videantur. Berserkorum itaque naves adorti, facili negotio expugnabant, tanta celeritate, ut ad reditum Oddi omnes in potestatem redactæ essent: Mutuò igitur sibi gratulati, alter alterius præclara gesta non sine admiratione prædicarunt. Deinde Hialmar illos in Sveciam secum invitavit. Oddus sequebatur, Asmundo, ut par est credere, comitatus, Gudmundo & Sigurdo Hrafnistam cum copiis suis repetentibus; convenit tamen ut constituto tempore ad Gautelsam coirent. Præcipite autumno, cum in Sveciam venissent, admodum benignè a Rege excepti sunt (Hlodverem eum Oryaróddi historia, Hervoris autem Ingium rectius appellat) Brevi Oddus eum virium & virtutum suarum admiratione captum adeo devinxit, ut villas tres, duoque nobilia prædia ipsi largiretur. Erat Regi filia, nomine Ingibiorg, formæ venustate animique decore Regia sorte haut inferior, iis imbuta studiis, quæ tanti fastigii virginibus digna censebantur. Eam quare sibi à patre conjugem non deposceret, Hialmarem interrogavit, præsertim cum propensum virginis in se affectum nosceret? Expectivisse

tivisse se quidem ait Hialmar, Regem autem Regi eam elocare statuisse, nec infra fastigii sortem devolvi sustinere. Exercitum itaque, inquit Oddus, proxima æstate comparabimus, conditionibusque propositis eum ad consentiendum adigamus. Hialmar se valde ambigere, an id facere sustineat, postquam longo tempore solô illic pacato & hospitali usus fuerit, cujus sanctiora jura existimaret, quàm ut violari deberent. Illustratur hinc locus obscurus in Historia Hervoriana Cap: IV. à Verelio sollicitatus; indigena-ne Hialmar fuerit; extraneum enim fuisse patet, verum nullo modo immigrationis Odiniæ, seu Asiaticæ, socium, prout Clarissimus vir statuerat; id quod nos in Serie Regum Daniæ ostendimus. Elapsa hyeme Hialmar Oddum consulit, quò potissimum classem per æstatem dirigerent, quæ viginti navibus constabat, Occidentale mare se ingressurum ait Oddus, ex opulentis regionibus majorem prædam quæri. Merebatur illud consilium Hialmaris calculum: itaque Scotiam rectâ petunt, maritimaque loca infestant, successuque audaciores longius progressi, tributa e provinciis quibusdam exigunt, forte quæis incendia & extrema quæque redimerentur. Inde ad Ærcades pergunt, quas pro arbitrio cum subiecissent, hyemem ibi transigebant. Verno tempore in Hiberniam delati, maria terramque infestabant: incolæ sylvis ac fossis se suaque fugientes abdiderunt; nec erant, quibus vel audacia, vel vires ad resistendum suppetere. Fortè quodam die Oddus, Asmundo tantum comitatus (erat enim ei indidus comes, quocumque tenderet) in terram exspatiatus, pharetram a tergo, arcum manu gestans, subito casu consternabatur; nam sagitta nervo propulsa Asmundum medium penetrabat, qui derepente mortuus concidit. Hanc cladem omni damno graviores cum reputaret, animo admodum exulcerato, vindictam de Hibernis promiscuè exigendam meditabatur. Tum vero longius profectus, incidit in virum specie conspicua, veste valde pretiosa amictum, qui arcum manu tenebat, jaculis in circuitu jacentibus, magno promiscui sexûs agmine stipatum. Hunc cædis auctorem conjectans cum duobus aliis ad necem usque configit; quo cæteri territi in silvam se abdiderunt. Progressus ultra, incidit in quatuor faminas, inter quas una rarâ specie eminebat, quæ illum nominatim salutabat; quod ille admiratus; quæso, inquit, quæ te, monstrosa, scientia nomen meum edocuit? Illa sociorum ejus nomina haut nimium incognita respondit, Hialmaremque & cæteros nominavit. Hæc jam prædæ captivitæque destinata, cum precibus, propositoque magni pretii lytro nihil proficeret (auri enim argenti que sibi satis esse Oddus affirmavit) interulam se ei confecturam, auro argentoque contextam, iisque dotibus imbutam, qualibus aliam nullam unquam viderit, pollicebatur; hac enim indutus, ait, terra marique frigoris expers eris, nec natatu defatigaberis, ab igne, fame, ferro immunis, omnis periculi securus; unum tamen restat, quod avertere nequeo, nam si in fugam versus elabendo salutem quæras, inutilis futura est. His dotibus modò instructa sit, ait Oddus, fugæ profectò securus ero; verum quanto tempore eam expectabo? Redibis, inquit, in hunc locum æstate proximâ, evoluti anno, eodem ipsò die & hora, quæ jam instat, recipiesque promisso ex asse respondentem. Quod si me decipis, ait Oddus, reputa, quæso, quantum damnum vobis Hibernis illaturus sim, qui me amico longe carissimò spoliastis. Nonne tibi, regessit, cædes illa sufficienti sanguine vindicata videtur, cum patre me tribusque patribus, telo tuo obrutis, privaveris? Oddus longè pluris Asmundi se cædem pensare asseveravit. His pactis discessit, Asmundique cada-

ver in reditu humeris impositum ad naves traduxit, Hialmaremqve, cum copiis ad se inqvirendum egressum, obvium habuit; qvi tam lamentabili casu consternatus, ut gestorum ordinem cognovit, an & ultio de interfectore sumta esset? qvæsiuit. Id cum metricè exposuisset Oddus, ad eam qvàm rigidissimè ferro, cæde, incendiisq; exeqvendam Hialmar hortatus est. Oddus incolumes omnes mitti velle; ignem tectis, alites ferasq; cadaveribus, manus cædibus direptionibusqve se abstenturum dixit; justisqve Asmundi de more solutis, aliò navigationem dirigendam respondit. Omnibus ingenium antea imperterritum, jam amicissimi focii clade irritatum, cujus vindictæ intermissio probrum piaculumqve videretur, tam repente mutatum, inqve ignaviam versum, admirantibus, solus Hialmar, etsi causam ignoraret, prægnantem tamen subesse judicabat: itaqve omnia voluntati ejus permisit. Exinde Asmundi exeqvia sumptuosè celebratæ, tumulusqve in Hibernia ossibus ejus tegendis erectus est. Sed ne sic quidem Oddus militum occulta sugillatione & vituperio ob remissam vindictam caruit.

CAP. V.

DE COMITE VANDRADO, DUO U S-
QVE ALIIS OPPRESSIS, REPETITA HIBERNIA, OB-

tentâq; infecabili interulâ, Oddi nuptiis cum netrice Alvøre, susceptâq; ex eâ filiâ, discessu in Angliam, Skollioqve in paternam ditionem restituto, cæ-

soqve invasore Jatmundo, expugnatissqve Hlodvere & Hakio, conflictu cum Augmundo Eythiofida, & cæde Thordi Stafnglami, reditu in Sveciam, indeqve ad Samseyam.



Hiberniâ solventes in Daniam pervenerunt: ibi ad Hlefeyam in Comitem qvendam, nomine Vandradum, classem triginta navium ducentem, inciderunt, eundemqve navali prælio superârunt. Tanta eo prælio fortitudinis specimina Oddus edebat, ut conceptam ignaviæ opinionem militum animis facillè excuteret. Deinde partes Daniæ infestantes cognoverunt, duobus Comitibus de mandata vindictam ob cædem qvinq; Berserkorum, qvos prius sustulerant. Comitum nomina non exprimuntur; qvi tamen prælio inferiores & victoriæ & vitæ jacturam fecerunt; pars deniqve provinciæ, quam tuendam susceperant, tributo submissa. Sub autumnum ab invicem dilapsi, Gudmundus & Sigurdus Hrafnistam à piratica in posterum cessaturi, Hialmar Sveciam petivit, Oddô in Dania hyemem tracturô; conditum in vernal tempus, ut ad Scaniam iterum convenirent; qvò cum Hialmar cum Thordo Stafnglamo, ut constitutum erat, accessisset, Oddum de adornandâ expeditione dirigendâqve consulu; ei verò Hiberniam repetere placuit. Miratus Hialmar, qvòd nullâ superiori anno incolas istius terræ molestiâ afficere sustinuerit, in proposito immotum suis consiliis rationibusqve uti permisit. Qvò cum ventum esset, obvelatis pro more navibus, in terram exscensurum Hialmar comitari volens, ea tantum de causa inhibebatur, qvòd cum fæminis commercium esset. Cumqve in præfatum viretum pervenisset, Alvorem (hoc enim fæminæ nomen erat) desiderabat, deceptumqve se ratus, magnâ excanduit ira, ardens vindictam, ad qvàm iteratò provocatus videbatur. Interea

Interea currus appropinquantes deprehendit; ibi Alvor ipsum prior salutans, iram ob tardatum adventum deprecata est, illumque jam interulam ab omni parte absolutam requirentem assidere iussit, dum an quadret expectiretur; quam ille raptim sibi circumdatam, ad staturam corporis aptè concinnatam deprehendit; mox, an & iis dotibus, de quibus convenerat, instructa esset omnibus? sciscitatus; ubi id quoque, fœminis, quæ præsto erant, suffragantibus didicit, tandem unius, an verò plurium fœminarum opus esset? rogabat. Illa complurium, earumque diversarum gentium, Sognensium, Hæbudensium, Hibernicarum, Saxonicarum, Finnmarkensiumque artificium illuc confluisse affirmavit; delectam enim materiam, argentum & septem alias species. Tum vero Oddus animo excitatione sibi gratulatus, carmine vestimentum extollere cepit, quod applicatum corpori non ut indusium, sed tanquam lorica cutem affecerit, impensiusque pretium mereri testatus, mox deposcere iussit. Illa à cæde patris ditionem suam omnium injuriis obnoxiam passim diripi qvesta, quippe defensoribus nudatam, opus esse ut triennium apud se permaneat, ad externorum vim & indigenarum insolentiam comprimendam; qui id quoque novo officio promerendum respondit, nec alio, quam in conjugium suum consensu. Illa properò suffragiò virosæ se speciem præbituram, nec fugillationem effugituram videri; hæc tamen necessitati postponenda commemorans, conditionem accepit. Jamque Oddus circumspiciens equitum globum animadvertit, insidias veritus, cognoscit, ut se honorificè ad naves deducant, collectum; quò majore pompâ quam superiore anno ad suos rediret. Ad naves itaque hoc apparatu progressus, exposito sociis gestorum ordine, Hialmarem & Thordum ut tres hyemes ibi secum morari dignarentur, orat, & exorat. Hyemes domi transactæ: æstates piratarum spoliis prædisque eos ditârunt. Quibus præterlapsis tædium ulterioris mansionis Oddum cepit, id enim diuturnitati vitæ adjectum videtur. Sub discessum de filia, quam unicam, nomine Ragnhildem, habuerunt, dissidebant conjuges, singulis eam, ut conjugalis fœderis unicum pignus, retinere cupientibus; lis Hialmari decidenda dereritur, qui secundum matrem pronuntiavit. Inde digressi ad Angliam appulerunt, ubi sando perceperunt, piratam, nomine Skollium, cum quadraginta navibus prædari, cui cum appropinquarent, Oddus navicula vectus eum accessit. Qui eò cognitò, quinam esset, cui fini eò processerit? rogat, ut bellum inferret professus; causam edere iussus, quòd Regi, inquit, Angliæ Jatmundo bellum inferas, quam tu temeritatem opum multâ lues. Tunc ille Oddus, inquit Skollius. qui Biarmiam ante multos annos ingressus es? non eò amentię processu, ut tecum contendere velim; causam autem cognosces, quæ me ad ditionem ejus infestandam compulsi, nimirum quod illâ patrem meum simul & vitâ exiit, cognatos exclusit, quosdam morte multavit, partem mihi hæreditate obvenientem, vi interceptam, pro lubitu ulurpat. Rectius itaque mihi injuriis oppresso opitulaberis, ipsique, cui interdum dimidiam partem, interdum trientem; idque ægrè, extorqveo, tu integram simul impiamque vitam adimes, veræ non vanæ gloriæ titulum laudemque reportaturus, quòd exciso tyranno mihi patrimonium restitueris; ne vero de veritate rei dubites, evidentibus testimoniis universum causæ contextum probabo. Oddus recte & ordine id fieri censuit, iussitque ut in crastinum diem idoneis testibus id evinceret, ipse ad naves conversus Hialmari omnia reverlit. Conclusum ut, justioris causæ patrocinio suscepto, arma in eum intulerent, cujus culpa præponderaret. Exacta nocte copie

in terram transportatæ Skollium cum magnâ rusticorum phalange , quos ex viciniâ undiqve ea ipsa nocte acciverat, obvium habent, fultum testimonio consentientium colonorum , qui jurejurando jus Skollii confirmabant. Moti igitur justitiâ causæ Oddus & Hialmar, in ditionem Jatmundi cum omnibus copiis infusi, promiscuâ cæde & direptionibus omnia fædant, incolis fugâ quoqve versum dispersis, pars ad Jatmundum dilapsa, suorum cladem direptionemqve provinciæ indicant. Coactum igitur in tanta trepidatione raptim exercitum, ad compescendum hostium insultum adversus eos ducit. Fit ingens prælium, pugna magnâ pertinaciâ ab utraque parte in triduum extrahitur. Ad ultimum occiso Jatmundo , totâqve provinciâ in potestatem redactâ, hyemem ibi agunt. Prælium illud in insulæ parte australi gestum memoratur , sine tamen ulteriore loci mentione. Hospitiî deinde jus & commeatum, quoties libuerit, pacti, Skollio regnum permittunt. Inde ad Skidam austrum versus profecti, duos Reges, Hlodverem & Hakium, expugnârunt. Inde ad scopulos Gotelficos cum navigarent, in sinu quodam, *Trenuvog* dicto, duas naves offenderunt, nigris velaminibus obductas, duce Augmundo quodam Eythioficida, â parricidio quod in nutricium suum Eythiosum commiserat, dicto , viro ad malitiæ scelerumqve culmen provecto , magicarumqve artium peritiâ facile princepe; cum quo prælio ad internecionem usque congressi sunt, Oddo, Hialmare & Thordo Stafinglamo solis superstitis, ex altera parte Augmundo cum octo athletis. Tum Augmundus, an ulterior pugna placeret, quærit; cujus eventum Hialmaris & Thordi morte , suorum etiam athletarum, & ad ultimum sua, constiturum prævideat, ipsum vero solum evasurum, eo quod fata illi prolixam vitam providerint. Oddus, nisi timorem objiceret, destitutum se respondit. Ille vero æquo Marte pugnatum censuit. Inde ad parvam insulam cum deflexissent, operas inter se partiti sunt, Hialmari naviculæ custodia, Oddo cibariorum apparatus, Thordo ferarum in alimenta venatio obtigit, quem reditum tardantem dum requirunt, hastâ in spelunca quadam transfossam mortuumqve invenerunt; auctorem cædis Augmundum concludunt, qui cladem, quam paulo majorem acceperat, turpi hac clandestina cæde rependerit, itaqve ad eum inquirendum quam celerrime se expediunt, totoqve septiduo quærant; verum dilapsus ultioni se subduxit. Corpus igitur Thordi in Sveciam delatum, exequiis magnificè celebratis, tumulo ingenti condunt. Upsalis benignè â Rege excepti per hyemem morantur. Sub æstatem Rex ad limitum custodiam eos adhibuit, tradita classe, quâ piratarum incursiones coercerent. Interea ad Samseyam delati sunt, ibiqve ea, quæ hujus partis Lib. X. Cap. X. narrabimus, gesta.

CAP. VI.

DE PRÆLIO CUM PIRATA SÆMUNDO, SUMMOQVE ODDI PERICULO ET INSUPERATA, VICTORIA, cultuqve Christiano in Aquitania recepto, vindictâqve cæsi Episcopi ab eo exactâ, Hierosolymitana peregrinatione, suscepto ex gigantea sæmina filio Vignere, ejusque interitu, nuptiis cum Russiæ Regis filia, regnoque dotali acquisito, paceqve cum Augmundo composita, reditu in Norvegiam, morte responsis fatidicæ congruâ, denique sepultura.



IN maximas angustias compulsus legitur Oddus, cum ad Gothiam (non exprimitur utra fuerit) cum Sæmundo quodam pirata, Regibus etiam potentiore, quippe sexaginta sex navium classe instructo, decem tantum myoparonibus pugnaret; ubi amissis omnibus navibus, occisis focis classiariisqve, ipse saucius inter fugiendum (quo casu interula prodesse nequivit) captus, incuria vigilum evasit, hostemqve quindecim suorum stipatum improvisus occidit, prædaque multa potitus est. Postea fratre amitinoqve focis in partes Galliarum delatus naufragium fecit. In Aquitania Christianis sacris addictus sacro fonte abluebatur, Episcopumqve in itinere à quatuor prædonibus obruncatum cæde eorum ultus est; magno deinde in honore habitus clanculum discessit; fuit enim peregrinationibus studiosus, & longioris ubiq; moræ impatiens; inde Hierosolymam profectus in amne Jordane se abluit. Plurimas exterarum terras exinde pervagatus est, sed quarum nulla descriptio extat; supersunt autem ridiculæ fabulæ, sed otiosorum oblectamenta, quæ consultò prætereo. Ex gigantis Hilderis cujusdā filii Hildigerde filium Vignerem suscepisse traditur, statura & viribus modum humanum superantem, quem Augmundus Flokius, qui & Eythiofida, cum quo Oddo continua bella, semperqve infelicia & damnosa, gesta erant, non adolescentiam egressum in Hellulandiæ sinu Skuggio, quo Oddus è mari Gronlandico austrum versus primò, mox in occidentem navigasse traditur, interemisse fertur. Cum tamen Gronlandiæ nomen id temporis extra Norvegiam ignotum fuerit, nec navigatio se probat; ut id in nostræ Gronlandiæ cap: I. p.2. ostendimus. Exinde longo tempore certamen variâ fortunâ cum illo extractum est. Tandem affinitate Geirraudi gigantis, ductâ in uxorem filiâ ejus Geirride, auctus, magnæ Russiæ partis cum Rex factus esset Augmundus, multisqve Regulis imperaret, singulisqve orientis Regibus mystaces pilosqve inferioris labii cum subjecta cute inter tributa exegisset, odiò in Oddum ex parte sopitò, pacem fecit; Oddus etiam magnam Russiæ partem imperiò tenuisse dicitur, Regiumqve nomen assumisse, ductâ in uxorem Silkiuse, Herraudi Russiæ Regis filiâ, a cujus morte regnum dotis nomine accepisse traditur, ex qua filios duos, Asmundum sc: & Herraudum, progeneravit. Verum patrii soli revivendi amore captus, post tres annorum centurias (si credere fas est) in Norvegiam, urgentibus fatis, rediit, duabus navibus, singulis sexaginta remigibus instructis, rediturus in regnum si incolumem patria reddidisset. Quòd vero Hrafnistam possessoribus donasse traditur, quorum tamen jus immemorialis præscriptio satis munivisset, haut equidem absurdum videtur. Inde Sokndalum petens, inq; villam Beruriodr delatus, rudera parietum in campo monstrabat, deinde locum ubi sagittando natandoqve se cum Asmundo exercuerat, indicavit. Tandem discessurus, multa loca; gramine prius vestita, cum exaruisse deprehenderet; quin, ait, invisimus tumulum, ubi equum Faxium immersum paludi sepelivimus. Quò cum venisset; nihil jam periculi, inquit, à vaticinio fatidicæ, mihi mortem, Faxio interfectore, interminatæ, restabit. Exaruit inter cætera palus, nec vestigia tumuli supererant (ego erutum potius lapidesqve in alios usus conversos malo credere) Jacebat nudum, sed valde putre, caput equi, quò viso; equine caput agnoscitis? inquit: circumstantes ita videri affirmarunt. Imò & hoc Faxii est, ajebat, hastaque dum versaret, nutabat. Interea lacer-

ta capite eqvino erumpens talo tenus eum pungebat; unde virulentâ tabe totum corpus intumuit. Ad naves deductus in litore residens nautis operas distribuit; sexaginta saxum excidebant, loculumque funeri præparabant, quod exstructæ pyræ impositum exuri iussit; reliqui sexaginta rhythmum, cursum vitæ suæ gestorumque complexum, ex ore ejus excipiebant. Extat in Sokndalo etiamnum Oddi hujus memoria, quem Multivagi, seu peregrinabundi, cognomine appellant, inque villa Berlio (antiquitus Beruriodr/ quod Beræ novalia denotat) educatum, præmonitumque, eqvum Faxium sibi quandoque fatalem futurum, sed elusurum vaticinium paludi immerfisse, ex cujus capite, ficcata palude, post longam annorum seriem lacertam exfiliisse, lethaliqve morsu eum infecisse tradunt. Addunt & hoc, quod in editionibus, quas seqvor, duabus non habetur, quod tumulto se condi jusserit, ubi campanæ marisque sonitus, galliciniumque audiri possit, quod minus probabile videtur, cum campanarum usus in septentrione id temporis non invaluerit. Monstratur tumultus ejus supra rupem in parte prædii proximi Beruriodri/ quod Immerstein vocatur, meæque possessionis aliquando fuerat. Lacus etiam ab eqvo Særetioru hodieque conspicuus, quo fortè caput postea conjectum est. Complura hac historia contenta vera esse ut nullus dubito, ita etiam plura fabulis interpersis referta haut invitus agnosco, quorum partem ideo operi huic inferere suspensedi. Staturâ duodecim cubitorum fuisse traditur. Nautæ in Russiam profecti uxori mortem ejus nunciabant: filii in regnum successerunt.

SECTIO SECUNDA.

DE ORIGINE ET GESTIS BODVARIS BIARKII EJUSQUE FRATRUM.

CAP. I.

DE HRINGO UPLANDARUM REGE, EJUSQUE SECUNDIS NUPTIIS.



ORvar Oddi vitam, qui seculo à nato Christo tertio vixerat, exposui; sequitur ordinis ratione Hringus Uplandarum Rex, qui ante medium seculum quintum floruisse ex synchronismo nepotum ejus cum Hrolfo Krakio Daniæ Rege colligitur; quorum vitas, licet in Serie Regem Daniæ carptim attigerimus, & separatim in vitæ ejusdem Regis, iisdem quibus hic verbis recitantur, exposuerimus; tamen cum ad Historiam Norvegicam pertineant, (cui ab aliis quàm minima possumus mutuanda relinquere destinavimus) etiam huc inferre visum est. Hic igitur Hringus ex uxore suâ jam ad senium vergens adultum filium, nomine Biornum, suscepit, indolis bonæ, pietatisque eximiæ juvenem, imperatoriis & militaribus artibus juxta inclytum, quarum peritiam continua piraticæ terrestriumque expeditionum consuetudine, patris militiam ab incunabulis prope secutus, comparavit. Forte evenit, ut Regina Biorni mater fato fungeretur, non sine publico privatoque subditorum luctu; cujus decessu contristati Regii Con-

Confiliarii fraſerunt, ut animum ad ſecundas nuptias applicaret, legatoſq; ad virginem nobilitate generis morumqve conſpicuam expetendam ablegaret; quorum monitis placidè auditis in australes Norvegiæ oras, fide, prudentiâ & ſapientiâ regni poſſiſſimos ſibiqve devinctiſſimos miſit, ad inquirendam virginem, aptam ſibi conjugem & ſubditis Reginam, cujuſ eligendæ poteſtatem legatiſ, electioniſ vero proſperitatem ſolertiæ eorum commiſit; quos, ut imperatum erat, australes Norvegiæ oras legentes oborta ab auctro tempeſtas, ſine intermiſſione dieſ nocteſqve ſtando, curſum ad arbitrium ſuum vertere cœgit; nec priuſ deſiſvit, quàm in borealiſ plagæ oram Finnmarkiam perventum eſſet, ubi portu ſatiſ commoſo recepti hyemem tranſegerunt. Interea dum quodam tempore longiuſ in terram exſpaciarentur, deprehenderunt in caſa quadam duas conſpicuæ formæ tæminas; quarum grandior ætate, ſe Regiſ Finnoꝝ concubinam, nomine Ingiborgem; reliquam filiam ſuam eodem parente natam Hvitam vocari, interrogata reſpondit. Ulteriuſ quærentibuſ, quo fato in eam ſolitudinem procul ab hominum commercio redactæ eſſent, vim & minas potentioriſ Regiſ, conjugium filię expetentiſ, ſed repulſam, virgine aſpernante, paſſi, extimuiſſe, illuc uſq; ad reditum patriſ in expeditione piratica occupati, una tantum, quæ præſto eſſet, pediſſeqve comitatuſ conceſſiſſe, fatetur. Placet virgo oratoriſ, conditionemq; offerunt nubendi Regi; mater verò reſponſum filię anticipans, non eſſe recentiſ reſponſi materiam, quæ deliberatione, imò & dilatione, in patriſ adventum, neceſſariuſ conſenſum aut diſſenſum declaraturi, omninò indigeret, niſi ipſa deliberationiſ mora majus, & forſitan præſenſ & inevitabile, periculum allatura videretur, ſibi quidem ignotum Regem cui filiam uxorem peterent, præſumere tamen bene & ex re ſua collocatam iri, utpote talium virorum, atq; ipſi eſſent, Regi; boniſ ergo avibuſ filiam Regiam Regaliſ nuptiis jungendâ, ſecum ut ducerent, hortatur. Requiſito deinde filię conſenſu reſpondit virgo, abſentiam patriſ dubiamq; ſortem, etiam patriam poteſtatem matri ex omni parte detuliſſe, cujuſ voluntati repugnare piaculum duceret, ſe itaqve conſenſum ejus approbaturam. Appetente vere navigationi ſe expediunt, ſecundiſ ubiqve ventiſ uſi. Sponſâ autem ad Regem delatâ, quærunť, in uxoremne aſciſcere velit, an domum remittere? Ille aſſutum formâ ipſiuſ captuſ, dotiſ nullam ſe habere rationem diſtitanſ, nuptiis celebratiſ Reginam eam conſtituit; cui tanto honoris ſaſtigio auctæ, reſ omneſ ad animi ſententiam fluxerunt; id unum inquietabat, quòd Rex anniſ, quàm ſalacitaſ ejus poſcebat, proſpectior videretur; nec diu dolor iſte intra animi præcordia preſſuſ ita delituit, quin illiuſ indicia, etiam mediocri perſpicaciâ prædiſiſ, ſe proderent.

C A P. II.

DE UXORE REGIS HRINGI, PRIVIGNUM AD INCESTUM SOLICITANTE, EJUSQUE DIRIS.



Uit villicuſ, non procul Regia domò habitans, cujuſ nomen non traditur, qui dives oputuſ, piraticâ juvenilibuſ anniſ partarum, inter præcipuoſ pugileſ quondam, nunc, mutato vitæ genere, colendo agro contentuſ, tranquilluſ otium ſectatur; filiam habuit, eandemqve ſolam omnium bonoꝝ hæredem, nomine Beram, formâ præclarâ, quæ cum filio Re-

gis Biorno, puerilium ludorum, nec ipsa pueritiam egressa, exercitiis, a-
dultior etiam juvenilium, assevit, crevitque inter eos ab incunabilis infi-
tus cum ætate & consuetudine haut dissolubilis amor, donec adeo excre-
vit, ut intra colloquia contineri nequiret. Consvenerat Rex quotannis
piraticam obire, Reginæ regni curâ domesticâque administratione in redi-
tum suum commissâ, cujus molem aliquando excusans, Biornum filium,
administrationis socium, ut domi relinqueret, petivit. Assensit Rex, &
ut inter se partirentur iussit. Biornus vero obnuit, piraticâ dirigendâ,
non domestico regimini se assuetum cautus. Verum Rex precibus & ob-
secrationibus Reginæ, speciosum necessitatis titulum prætendentis, victus,
non amplius pervasionibus usus, pro imperio filio ditionis curam impos-
suit; qui nequicquam summo conamine obnitens, nec patri satis concilia-
tus, domum tacitus, irâ tumens & indignatione, rubore sanguineo genas
faciemque perfusus, repetens, lecto se morbidus statim applicuit; quò de-
fixum morboque, seu ab iracundia, seu animi mala præsentis metu, con-
tracto correptum blandis verbis noverca demulsura accedit; Verum im-
placabilem iræque adeo tenacem experta est, ut verbis gestibusque delimi-
entem discedere juberet. Egressa igitur, aliquot dierum interjectu rever-
titur; jamque immodica libidine æstuans, quam malè ad eum usque diem
texerat, velut in apertum furorem rapta, concubitu privigni postulavit;
iniquè comparatum distitans, seni se juvenulam junctam, cum rectius i-
psi, utpote juveni, nupsisset. Pluribus incestum pervasuram alapâ interrui-
pit, stratumque solo foras repulit; Ea vero indignata, insuetam se injuriis
alapisque referens, indignum suo amore & benevolentia pronuntiavit, qui
villicam sibi præferret, quam & conjugio suo haut imperite condignam ex-
istimet; spinas enim se invicem complecti; ne vero se impune percus-
sisse gloriaretur. chiroteca lupina percussit, adjectis diris, quibus effecit, ut
in ursum discedens repente converteretur, nec deinde aliud quàm gregem
patris in pabulum verteret, saltusque & silvas oberraret, tantaque rabie in
armenta patris & pecora grassaretur, ut feras omnes feritate superasse vide-
retur, nec illud fatum unquam eluctaretur, sed ad totum vitæ tempus,
patriis penatibus exul, sive feris immixtus, avia tesqua saltusve pererraret,
sive armenta laniando, crudas carnes sanguinemque devoraret, sive venan-
tium tela persecutionesque pavidus fugeret, sive his transfixus moriturus
animam exhalaret, illatæ sibi injuriæ pœnas sentiret.

CAP. III.

DE BIORNO IN URSUM MUTATO
EJUSQUE CÆDE.

Biorno novercæ diris hoc modo devoto, hu-
mano habitui protinus ursi forma substituta visa est;
igitur hominum commercio exemptus, ferarum lu-
stra & labitula quæsit; in Regia denique pecora de-
bachatus, magnum damnum intulit; interim dome-
stica familia, subditorumque grex, comperto ejus sub-
itaneo discessu, ad eum inqvirendum confluxerunt,
lustratisque ditionis & vicinarum finibus, cum nusquam compareret, re-
infectâ redierunt. Ipsius discessum ingentis magnitudinis ursus, colore ci-
neraceus, adventu suo eodem tempore cum supplevisset, magis Biorni de-
siderium auxit, ut qui solus noxiæ belluæ aut abigendæ, aut capiendæ sus-
fecis-

fecisset. Contigit autem ut villici filia Bera, ursum illum terribilem, cujus fama latè per viciniam percrebuit, celeri cursu se petentem deprehenderet; quæ cum cursu evadere inopinatò appropinquantem, non possèt, metu propè exsternata in planitie confedit; Verum belluà tanquam cicure & mansuetà, illi quasi notæ adblandiente, metum in fiduciam vertit; adulantem ergo contrectare ausa, oculos amici in ursi capite agnoscere visa, digredientem sequitur, qui lento præcedens gradu, longam emensus viam, antrum quoddam intravit; quæ paritèr ingressa, Biornum, ut prius humano habitu indoleqve præditum, se salutantem agnovit. Ingens diversorum affectuum motus ultro citroqve concurrit; gaudium quòd convenissent, quos mutuum desiderium conjunxisset, veneficium separassèt; ingens vero tristitia ex tam asperi & insuperabilis fati inclementia; omnem ergo actionis hujus seriè amicæ enarravit; quæ se illum hautquaquam derelicturam, verum in antro illi cohabitaturam, quoad ejus copia daretur, professæ est. Ille minime oportere ait, ut virgo fœmina cum ipso cohabitaret; utpote qui interdium hominis, noctu vero ursi formam, vi dirarum plusquam nefandarum, assumeret. Pernoctavere nihilominus in antro simul, usque dum Rex ex expeditione rediret. Is ut rerum domesticarum mutationem cognovit, excessum inopinatum filii, nullo conscio, & ursi successionem, utrumqve magno animo tulit, orbitatis dolorem premendo, jacturam gregis, ut rem levem & reparatu facilem, neqve eà de causâ ad ursi cædem properandum censuit. Tandem pecoris magistris, hortatu Reginae, immanitatem feræ, diuturnumqve gregis dispendium exaggerantibus, ad eum persequendum se accinxit. Noctè venationem præcedente, Beram Biornus his verbis alloquitur: Hanc equidem noctem nobis inter vivos communem & mearum ultimam futuram præfagit animus, nec me tam asperæ vitæ, veneficiis insectæ, tantum tædere potest, quantum tuam doleo vicem, cujus pietate & gratâ hoc statû præfentiâ sublevatus sum: finis instat; lucem eni craftina venatum profectus Rex cum satellitibus me circumfissent, præclusaqve omni elabendi viâ, capient, captumqve interficiant: annulum ergo, quem sub sinistra ala conditum gero, dono accipies, petesqve à Rege, cum me occisum animadvertis, ut tibi donare velit, si quid sub sinistro feræ arom reperire possis; illud cum nullius pretii æstimet, faciliè tibi concedet. Regina vero monstrum, Trollorum generis una, & sàgarum præcipua cum sit, intentè, quid agas, observabit. Cumqve obsonium e meis carnibus apponitur, magna jam festivitate & publicâ lætitiâ personante, nec te illius exsortem dimittere decreverit, cave, quantumvis te ad edendum sive invitet, sive minis adigat, ne inde quicquam, ne bucceam quidem, degustes, nam, quod ipsa nosti, gravis cum sis, emanabit in prolem edulii e carnibus paternis cocti comestiqve occulta vis, formabunturqve membra ad partis illius naturam, unde id quod comedisti desumptum est. Tres enitere pueros; primus Frodius, secundus Thor, tertius Boudvar nuncupabuntur, eritqve unus ex his tibi præ cæteris carus; omnes tamen tanti evasuri sunt viri, ut memoria eorum æternitati dicata, quoad septentrio incoleatur, sit duratura; quos cum in lucem edideris, patri tuo educandos trades; quod si, cum adoleverint, intractabiles forte adeoque obstinati evaserint, ut ne domi detineri possis, singulos & solos in antrum hoc deducas; inveniesqve arcam, tribus loculis distinctam, cum characteribus runicis operculis insculptis; quolibet singulorum patrimonium continetur, monstrabisqve cuique suam, quam destinavi, ruitis monstrantibus partem; quam cum decerpserint, ostendas armorum tria

tria genera rupi interioris antri impressa, frameam nimirum primo nato, securum secundo, gladium tertio, munera paterna singulis singula testamentò relicta. Multa deinde ipsi futura prædixit, donec exuviis ursinis sponte superincidentibus induceretur. Tum egressum antro Bera lacrymans comitata, desilientem reliquit, viditque magnum venatorum gregem, numero ferocissimorum molossorum agmine saltus silvasque circumdantem, indagineque cingentem, in ursum confestim irruere, telisq; eminus & canum omni vi cominus petere; verum fera alacriter utrosque excipiendo, tantisper impetum sustinuit, donec omnibus canibus enecatîs, multis etiam viris vulnera infixisset; tum demum Rex cum venatoribus, ursum undique circumstantes iterum adorti sunt; qui cum circumventum se animadverteret, intra circum frustrâ cursitando, cum elabendi nullam inveniret viam, retro cursu ad Regem directo, proximè adstantem dilaniavit; longa autem persecutione fessus ad pedes Regis se prostravit, ubi à comitibus interfectus est; nec tamen mortuum ursinus habitus deseruit, argumento, ursum a Dæmone substitutum fuisse, postquam hominem, præstigiola illa adumbratum, peremissent.

CAP. IV.

DE TRIBUS BIORNI FILIIS BERA
NATIS, ET PECULIARITER ELGFRODIO.

Extempore Bera, ut præceptum erat, ad Regem se contulit, petiitque si quod sinistro ursi armo comprehenderetur, illud suæ potestati permetteret; qui subridens subjunxit, thesauros ferarum facile poscenti donari, quæsitivæque quænam esset? quod illa magis ex utilitate, quàm rei veritate exposuit; cumque ursum accessisset, prope excoriatum offendit, intra tamen sinistrum armum, nemine animadvertente, annulum invenit extraxitque; cum vero inde domum esset reversura, detinuit illam Regina, nomen & conditionem rogans; sed illa eadem quæ Regi prius confessa est. Verum haut latuit Reginam de quo sciscitabatur. Intentius observatam haut prius dimisit, quàm ad ursinum epulum invitasset; quod cum illa omnibus modis averfaretur, eo magis instat, nec salvâ Reginæ reverentiâ recusari poterat: publica quippe lætitia instabat, dapumque ursina præstantissima habebatur. Sed & Regina famularum ministeria obiens frustra ipsa dissecuit. Sed cum præfractis obniteretur, iram Reginæ commovit, minisque adacta duas buccas edit; quarum posterioris maximam partem cum explevisset, nec minus severe ad ulteriorem esum cogeretur, mortis potius minas eam nece sua exequi iussit; quam ut obstinate præfractam ad ulteriora adigi non posse Regina vidit; vade, inquit; quod edisti suffecerit; atque ita dimissa corpore animoque valde ægra ad patrios lares se recepit, omnemque gestorum ordinem patri exposuit. Exinde tres filios peperit; primus à plantis ad umbilicum usque alcis effigiem repræsentabat, nomenque inde Elgfrodii reportavit; alter conspicuæ formæ, nisi quod pedum digiti in caninos desiverint. Thoris nomen, agnomen canipedis (Hundsfotr) sortitus est. Tertius admodum venustus, nec ulli corporis vitio obnoxius, Bodvar dictus est, quem mater præ cæteris dilexit.

Omnes

Omnes simul ab avo materno educati, cultioribus artibus imbuebantur; ætate statim puerili æquales omnes staturâ, robore corporis, audaciâ, animiqve fiduciâ superabant, brevi etiam longo intervallo post se relinquebant, adeo ut eosdem diuturnos collutores non admitterent. Duodecennes robustissimos quosque in tota ditione præstabant, ita ut cum nemine colludere possent, verberibus & plagis eos sæpius afficiebant, Regiorum etiam quosdam occidebant, impune quidem id, cum nemo esset, qui tanta virtute polleteret, ut ab iis pœnas exigere sufficeret. Primus Elgfródus apud matrem quæstus est; tædere se inter satellites Regios, ætate juvenes, viribus siliçernia, morari, quorum nemo esset, cujus fortitudinem æmulari posset, aut cujus congressu vires corporis exercitatione crescerent, vel animi vigor intenderetur; neque enim solum non saltare, nec palæstricis exercitiis operam dare, nec currendo, nando, sagittando, aut equestres ludos xercendo, certare secum ipsum posse. Mater ad hæc respondit; prævidere se haut è re ipsius futurum, aulicorum ulterius commerciis fastus illius & contumaciæ haut quæquam patientium uti; itaque subsidia vitæ à patre relicta se monstraturam pollicita, in antrum eum deducit, arcæque admovit, promptuarium, sortem illi à patre destinatam continens, ostendit; quâ direptâ, quæ aliis continebantur simul abrepturus, cum fixa & immobilia deprehenderet, iniquum hæreditatis divisoem patrem pronunciavit: inde ad arma progressus, gladii capulum arripuit, quem petræ infixum cum dimovere nequiret, securim auferre tentavit, sed irritò prorsus conatu; frameam igitur apprehensam sine impedimento abstulit, æquè hic acque in cæteris bonis divisionis iniquitatem apparere discitans. Minimam ei portionem, forte ut monstroso præviso, pater reliquerat; tum verò indignatus frameamq; fracturus, magno nisu saxo durissimo impegit, quam capulotenus impressam cum eduxisset incorruptam, saxumqve penetrâsse comperisset, acutam judicavit, deinde à matre absque salutatione discessit, aqvilonem versus ad montem Kiolinum, ubi exstructâ domo prædo factus viatores spoliavit & occidit, lucri tantum faciendi causa.

CAP. V.

DE ALTERO FILIO THORERE CANIPEDE GOTHIE REGE FACTO.



Rajecto temporis haut longo intervallo Thorer Canipes matri discedendi propositum aperit; monstrat ergo illi paterna dona, arcamque thesaurorum paternorum custodem, simulque securim ipsi relictam. Is gladium frustra arripere tentans, securim & relicta bona grato animo abstulit, matrique gratiis actis valedixit. Inde ad fratrem Elgfródium perrexit, qui prædis & latrocinii pro more intentus, publicas vias obsidens domo affuit. Thorer domum ingrediens, pileo demisso faciem velavit, sedemque præcipuam occupavit; nec ingressum fratrem salute aut ulla gratulatione dignatus, quasi Hermes in trivio immotus, quem occupavit locum, detinuit; quem Elgfródus minacibus oculis intuitus, cum hospitum interitû aspiceret, frameâ distrinxit, disticon modulatus hoc ferè sensu.

Et manus & ferrum cadem cum sanguine poscunt,

Hoc fremit impatiens, prurit & illa nubi.

Tom. I.

N n

Sca-

Scamnum deinde valde irritatus cum frameâ percussisset, Thorer quoque aliò metro respondit.

At mea, cum libeat, simili clangore securis

Intonat; haut framea cesserit illa tua.

Statimque ex voce agnitus, quàm amantissimè excipitur, incolumis haut aliter evasurus. Invitatus deinde ad habitationis consortium, inq̃ communionem bonorum lucro partorum ex semisse, modeste recusavit, mansit tamen aliquantisper, deinde discessit. Eum frater bonis ominibus prosecutus, futurorum multorum certiorum factum, ut in Gothiam, credo occidentalem, se protinus conferret, monuit, istius namque regionis Regem recens mortuum, regnum orbem reliquissè; moris autem esse, ut ad præstitutam diem omnes, tum cives & incolæ, tum advenæ, convocati ad electionem novi Regis, vel spectandam, vel orandam, vel promovendam adhibeantur; collocari in aprico solium Regium, duorum ingentium sesorum capax, quod qvi solus mole corporis impleret, eum lege Regia defuncti Regis successorem constitui; videri sibi fratris staturam huic typo apprimè responsuram, ominari itaque, regnum eum & Regium fastigium solum ibi obtenturum. Comitatus deinde optimis eum consiliis instruxit, proluxique amoris indicii affectum fraternum ostendens, ægrè dimisit; qvi cum in Gothiam pervenisset ad definitum Regiæ electionis tempus, ad Comitem illius loci divertit; qvi statim ut Thorerem viderat, Regem eum, tum ipse, tum quotqvot aderant, futurum ominati sunt. Cum vero comitia haberentur, arbitro certo rei illius inspectio comissa est. Multi se solio applicuerunt; verùm loco isto indigni à iudice pronunciati, repulsam passi sunt; ultimus Thorer spatium lege definitum totum occupavit, moleque sua ita adæqvavit, ut ad mensuram ipsius factum esse videretur; illum ergo solum sedem illam tam augustam mereri censor pronunciavit; deinde secundum legum patriarum normam regnum illi adjudicatum est, Regisq; nomen ab universo populo inditum. Eventus electionis consilii rationem superabat, optimis siquidem, pro seculi illius consuetudine, institutis, legibusque regnum deinceps formavit, bellaque multa, plerumque felici eventu, gessit, & subditorum amorem & obsequium, post mortem etiam desiderium sui, sibi conciliavit, memoriamque historicis relationibus scriptisque monumentis contentam celeberrimam ad posteros reliquit, licet nihil eorum ad nostra tempora pervenerit.

CAP. VI.

DE TERTIO FILIO BODVARE, ULTIONEM DE VENEFICA REGINA SUMENTE.



BOdvar materna apud avum educatione contentus, cæteris moderatior, indulgentiam parentum obsequii amorisque invitamentum, non arrogantia irritamentum, interpretatus, vitam moresque ad eorum præscriptum virtutumque regulam formavit; ut venustatem formæ, qua omnes antecelluit, corporisque vires animi dotibus vel æqvaret, vel superaret. Interim matrem patris sui nomen, genus, indolem, statum fortunamque prodece postulat. Ut autem comperit monstruosum fratrum habitum,

ab offis, a matre vi adactâ devoratis, promanâsse, ultionem nimis diu dilatam qvestus, mirari se ait, Elgfrodium, ad quem vindicta maximè pertineret, injuriæ paternæ ultionisque justissimæ tam negligentem fuisse, naturæque adeo perversæ, ut teterrimum vitæ genus, innocentium hominû cædes, latrocinia & rapinas isti prætulerit; sed nec è dignitate sua fecisse Thorerem, quòd abiens veneficam inultam dimisisset. Sux igitur forti cessisse, fumendæ ultionis pænæque exigendæ provinciam. Mater maturandum hortata est, ne veneficiis præveniretur. Ea igitur insequente ad Regem pergit, omnem rei gestæ ordinem à principio pandit, causamque, cur filius ejus Biornus tam ægrè ad administrationem regni absente patre adigi se passus esset; prævisam namque mulieris petulantiam, libidinemque immodicam, denique in abnuentem diras veneficiorumque vim inevitabilem; non enim fæminam, qualem externus præferret habitus, sed Trollorum generis unam, philtro fascinatam obcæcatumque Regem in sui amorem pellexisse; quæ unâ cum matre adversam legatis Regis tempestatis vim excivisset, hisque in ultimæ Finnmarkiæ oras compulsis, præstigiisque circumventis, formam, sed fucatam, venditasset; quod si discessum filii cum surrogato urso computaret, constare utrumque simul contigisse, & quidem ursi adventum, notitiam subitanei filii abitus prævertisse; quo tamen omnis omnino dubitatio Regi tolleretur, adesse testem, ex animem quidem illum, sed omni exceptione majorem, nec minis nec muneribus aut verborum lenociniis corrumpi aptum, annulatum nempe, paternum in filium munus, quem promissu Regis donatum deinde sibi, excoati ursi alæ sinistra mater extraxisset; quem monstratum ubi Rex ingemiscens agnovit, infortunium & calamitatem suam multis suspiriis lacrimisque qvestus, annulum quidem sibi optimè cognitum respondit, subire etiam memoriam fæminæ ignotæ, ridiculum donum expetentis, & quamvis indicia haut contemnenda suspicionem suggessissent, quòd Regina fati tam inopinati, si non causa, certè tamen conscia fuerit, amorem nihilominus, quo immodico ipsam ita complexus fuerit, ne ab ea dimoveri possit, se ab severiore inquisitione continuasse: quod si orbitati filii etiam uxoris adjiciatur, non tantum lucri in vindicta, quantum calamitatis in nova orbitate positum esse: consulendum itaque & ætati suæ adeo ærumnosæ, & justæ nepotis iræ dolorique, hoc temperamentò, ut multâ quam impensisimâ conjugis pœnam maritus redimat; offerre itaque se nepoti pecuniam quantum exposceret, insuper Comitissæ titulum districtumque, & post fata sua successionem in regnum. Ad hæc Bodvar respondit, & se sortis illius misereri, & medelam protinus allaturum; videre quanto teterrimi propudii fascino irretitus teneatur, Regii fastigii oblitus; cui necem innocentis civis inultam pati turpe esset, eundem ad filii parricidium connivere, & sceleratissimi facinoris pœnam auro redimere gestire; uxorem macham in sui civiumque opprobrium novo fœdere sibi sociare, veneficæque societatem mercari; scilicet ut se, tanquam omnium scelerum conscium & participem, vel incentorem necis filii suspectum execrandumque, non civibus modò, sed omnibus populis særæque posteritati reddat. Cumque in mora maximum periculum Bodvar, jam duo de viginti annos natus, reputaret, confestim ad Reginam, inque cubile illius properavit, securæ & inopinanti saccum pelliceum induit, extractamque per plateas, verberibusque cæsam faxis illisit; quo supplicii genere malè multata perit, inmensò civium gaudio, pœnam tamen sceleribus longe minorem exactam indignantium. Solus Rex tanquam lectissimam conjugem luxit; illius

illius tamen patrocinium suscipere, panæve eam subducere non audebat, veritus tumultum populi, atrocitatem sceleris; cæteroquin in vindictam filii propensi, execrantis; nec longo post tempore mærore confectus obiit. Hæres regni Bodvar avo successit; verum ditionem animi amplitudine longè angustiores fastidians, Valsleto, qui Comes erat, clientelari jure comisit, cujus etiam fidem, matre in conjugem datâ, arctissimo affinitatis vinculo sibi devinxit, nuptiisque insuper celebratis confirmavit, iple in remotas regiones concessurus.

CAP. VII.

DE ITINERE BODVARIS IN DANIAM.



Is ex animi sententia peractis, itinere se accingit, ac primò antrum, monstrante matre, petens, munera à patre relicta recipit, ensēque nomine Løvium, quem stupendæ fratrum vires avellere nequibant, statim ut attingit, non jam ut antea fixum, nullo negotio tollit, qui singulari nobilitate insigni arte fabricatus his cautionibus observandus erat, scilicet, ne unquam nisi momento in humanam eadem, neve manubrio deorsum verso, evaginaretur, nec cervicali supponeretur, ter gestantis ætate fixus nisi provocatus stringi nequiret. Omnibus fratribus illius possidendi cupido inceserat; vaginam postea frater Elgfrodus, quâ condi posset, acernam fabricavit. Viaticum exiguo auri aut argenti pondere constabat, vestis, equus & armatura conspicebantur, quorum singularis nobilitas eminebat, & equus quidem pernecitate, glomerandisque gressibus, inter præcipuos insignis, quo vectus parvò temporis spatio longum iter emensus ad fratrem Elgfrodium pervenit. Absentis & in obsidendis viis occupati fratris tecta ingressus, equò stabulo applicatò, locum occupat honoratissimum, adventum fratris, velatâ tegmine capitis facie, expectaturus; qui ut hospitem temeritatis raræ, penetibus suis, nec invitatum, nec veniam præfatum, ingressum animadvertit, equumque in stabulum deduxisse, summumque cepisse locum, nec adveniēti sibi assurgentem, truci vultu intuitus est; quod Bodvar tantisper dissimulando sustinuit, donec equorum de stabulo acriter certantium hinnitus & prælium audirentur. Tum Frodius; hunc hominem, qui absque venia in meas ædes se intrusit, admodum audacem & temerarium esse oportet. Bòdvar pileo velatus, ne voce proderetur, nihil respondens, ulteriora expectavit; bis ergo Frodius frameam diffictam vaginâ iterum condidit; ad quæ terriculamenta ut advenam imotum comperit, metûs expertem interpretatus, vibrato ictu tanquam medium dissecturus adortus est; Igitur Bodvar indubiam mortem minime expectandam ratus, è sede diffiliens in eum magno infertur impetu. Fit longa acrisque lucta, altero acerrimè impugnante, altero fortissimè propugnante, donec pileus Bodvaris excideret. Ut vero fratrem ex facie agnovit, magna læticia perfusus, fraterno amore complectitur, testatus nimis diu certamen inter se productum, luctuosum utrique finem longius extractum allaturum. Bodvari dubiam victoriam futuram regerenti respondit, admodum viribus impares certare, cum multa illi desint, ut in illa parte se æquare possit; petivit denique ut secum permaneret, dimi-

dimidium partarum opum pollicitus; id quod Bodvar abnuens, abhorre se ait à nefandis innocentium cædibus & rapinis, opibusque scelere partis. At se multis egenis & alimentis destitutis debilibusque usuram vitæ concessisse Frodius respondit. Melius facturum, si eam nulli eriperet, nisi quorum interesset sceleratis actionibus finem impendi vitæ, publicæ securitatis ergo, imponi, Bodvar regessit. Ad hæc Elgfrodius; haut eqvidem, inquit, diffiteor, indolem meam à teneris veluti furiis, nescio quibus, actâ, à mitiore vitâ & humanioribus studiis abhorruisse; quod autem durior hæc natura consequi nequit, nec tamen minus probat, ad id velim te, mi frater, cui benigniores Dii staturam, non modò humanam, sed etiam inter homines elegantiae miræ, naturam etiam à feritate alienam, optimorum morum capacem, commercii non hominum modo, sed inter homines humanissimorum, studiosissimam indulserunt, omni opera niti; Ingenii autem corporisque vires cum illustribus hominibus conversando maximè excoles, itaque spondebo, ut ad Hrolsum Helgii filium, Daniæ Regem, qui fulgore Majestatis suæ omnium sui seculi Regum Principumque fastigium obscurat, te conferas: ibi namque Principum & præcipuorum pugilum collegium confedisse, summa cum admiratione perhibent, quotquot veram aulæ & imperii illius speciem ceperunt. Verum quantumvis spiritus altos geras, tamen vereor, ut corporis robore, heroibus illis æqualis congressum eorum sustinere valeas. Cujus rei experimentum capturus, resistentem fratrem circumegit, infirmiore prædicans, quàm ut examini eorum submitti posset; itaque, sectâ sibi in sura pedis venâ, ebullientem liquorem haurire iussit; quo epoto, iterum eum adortus, cum ne loco quidem movere posset, profuisse ei potionem, nec jam dubitandum, quin singulos Regis pugiles robore præstet; id enim se præoptasse, ait. Deinde altero pede rudi ad talos usque impresso vestigium ingens reliquit; & huc, inquit, quolibet matutino tempore vestigium scrutaturus concedam, inde mortis tuæ indicium capturus: repletum terrâ, morbo in fata te concessisse; aquâ, undis absorptum, sanguine, sanguinariâ mortem appetisse nuntiabit, monebitque officii ultionis exequendæ, cum te præ omnibus quàm impensissimè diligam. His peractis mutuo se invicem salutantes separantur, Bodvare iter propositum ingrediente. (Fabulosa quidem hæc, sed aliis pariter fabulosis se tuentur; de potionibus Hadingo & Hialtio vires conciliantibus, & expressa in rupe dormientis Starchateri effigie, Saxo prodit. Historia quoque Olafi Tryggvini de vestigiis ejus militumque in insulæ Mosturis cautibus conspicuis fidem exsuperantia memorat; nec ego horum fidem aliis commendo, sed nudas relationes expono.) Bodvar iter inceptum maturans, non prius requievit, quàm in Vestrogothiam in regnum fratris Thoreris Hundsfoi seu Canipedis pervenit. Adeo natura genitorum illorum vultus corporisque effigiem modum lingvamque sibi invicem similia formavit, ut hunc pro suo Rege, qui tunc absens in consuetis expeditionibus occupabatur, omnes cives & ipsa quoque Regina agniti colerent, Regiisque honoribus prosequentes in solio Regio collocarent, lectoque; Regiæ sociarent, Thorerem Regem rediisse rati; qui cum lectum cum Regina communem haberet, straguli tamen communionem recusavit; quod admirata Regina, ut fratrem mariti agnovit, deceptos specie ministros Regium ei honorem exhiberi permisit, ne errorem iis eximendo quicquam de ultrò oblato honore & obsequio detraxisse videretur. Mirandum tamen, quomodo Regem absque satellitio redeuntem, ne famulo quidem stipatum, veste etiam fortè differentem, hoc tenore, nisi forte bel-

lo victus salutem fugâ redemisset, rediisse pervasi sint. Illic Bodvar, Regina lecti socius, tempus in adventum usque fratris protraxit; quem redeuntem ubi agnoverant, fratremque multa caritate complexum viderant, ipsi errorem suum mirati sunt. Rex optime ipsi imaginis similitudinem cecidisse gavissus, soli illi lectum cum Regina communem se concediturum respondit. Maturanti denique abitum Bodvari, partem mobilium omnium dimidiam frater obtulit, si apud se permanere vellet; quod ille magna cum modestia recusavit, nec minus frater postulare institit, ut oblatum Regium munus acciperet, arbiterque habitationis suæ ipse foret, manereturque ubicunque locorum colliberet: satellitio præterea se instructurum pollicitus est. Verum nihil horum accepit; actis ergo quam impensissimè gratiis, nullius se indigere præfatus, licuisse, si placuisset, aviti regni sceptrâ opesque, quas pene omnes reliquerit, apprehendere; cæterum male se opes propriâ industriâ, editis majoribus suis dignis facinoribus, gloriamque nominis immortalem comparare, quam avitas fraternasque fortunas consumere; summam voluptatem reputare, fratrem opibus abundantem, regnoque amplissimo auctum ornatumque videre, non ut inde illo vivo quicquam decerperet. Cumque in recusandis muneribus & honoribus adeo obstinatum fratrem Thorer animadverteret, tandem eum, in viam honoris gratia comitatus, dimisit; nec legitur quicquam notatu dignum in itinere accessisse, priusquam in Daniam, non procul ab urbe arceque Hleidrensi, ventum esset.

CAP. VIII.

DE CÆDE IN AULA REGIS A BODVARE PERPETRATA, EJUSQUE IN AULAM RECESSU.



Ingentes fortè imbres per id tempus continuis diebus noctibusque decedentes vias liqore emollitas prope inexplicabiles reddiderunt; has peragrando equus tandem defatigatus, appetente nocte, lapsurus fortè nitabatur. Urgebat peregrinum, viarumque ignarum, larga insuper pluvia; descendens igitur ex quo tugurium quoddam offendit; unde pulsatis foribus egressus senex hospitem ut ad se divertat, Sole jam occiduo, benigne invitat; hospite igitur introducto, equoque pabulis ministratis, focoque accenso, cenam pro facultate lautam apparavit. Bodvarem namque inter ordinis summi viros ex præstanti corporis forma judicabat. Multa super Rege, famulatio item & aulæ splendore, eiusque à tugurio distantia cum Bodvar rogasset, non procul inde sitam, sed conspectum ejus tenebris interceptum cognovit; interrogatus deinde à rustico, num & illuc tenderet, affirmavit; subiecit itaque rusticus, corporis quidem istius compagem, membrorum molis congruentem magnitudinem lacertorum, nervorumque congeriem, ingentem roboris messem polliceri, invitamentum præcipuum ad aulici satellitii receptum. His auditis uxor obortis lacrymis acerbè lamentari cepit, Bodvarique tanti ploratus causam requirenti respondit: filium, viro sibiique communem prolem, nomine Hottum, animi causa aulam Regiam accessisse, ruri educatum & admodum adolescentem, moribus ejus jocusque insuetum, ludibrio expositum fuisse; quod cum nec distimulan-

do sustinere, nec facietis retorquendo eludere scivisset, iratum agrestiusque se gerentem magis aulicos in se provocasse; conjectum itaque in struem ossium, medio triclinii pavimento jacentem, ossibus obrui solere, nec satis sibi constare, an superstes adhuc sit, nec ne. Aliud hospitii præmium non expeti, quàm si forte minaci in dies morti subtraheretur, in adventum ejus vitalem auram trahat, saltem ne majoribus ossibus eum feriat; quod si minora fortè jaciat, ictum tamen temperando, parcat imbecilli; tales enim lacertos ejus sibi videri, ut quos missile inde jactum collineet, iis iteratum ictum superfluum futurum. Bodvar compotem illam voti futuram pronuntiavit; mirari tamen, aulam exteris nationibus passim celebratam tantâ morum bonorum labe defectuque laborare, nec fortium virorum ingenio convenire, debiles, & quæ humilia sunt, opprimere. Transactâ deinde nocte cum jentasset, discessit, & ad aulam Regiam undique conspicuam se confert, eqvoque, nullius veniam præfatus, inter Regiorum, optimos stabulato, triclinium ingressus, locum à janua proximum occupat, paucis è famulatio præsentibus, nec advenam vel excipientibus, vel ab eo quicquam sciscitantibus. Ibi cum horulam moratus esset, vidit intra ossium congeriem vivum quiddam, quod commota strue paulo post manum situ sordibusque squallentem exeruit; mox hospitis Filium Hottum conjectans, cujus rationem in libramine ossium habendam Mater suggessisset; manu ejus apprehensâ, quid intus lateret, interrogavit; qui magno metu correptus: *optime Bocki, inquit, Hottus ego sum; parce quæso, nam castellum molior; & quidem miseriærum*, subsumpsit Bodvar, extraxitque invitum & ejulantem, qviritantemque jacturam munitionis, multo tandem labore eò perductæ, ut ad se ab ictibus protegendû magnam partem sufficeret, parum ad operis perfectionem defuisse, quo in posterum, omni ab ossibus imminente metu liberatus, securus à jaculis, jaculorum vallo septus, intra ipsa jacula inter jaculandum tutus habitare posset. *Tu vero mi Bocki, inquit, cur me missillum turbas; liceat iterum munimentum subire: an occidere properas?* Bodvar talia castella in posterum nunquam ædificaturum interfatus; lamentantemque increpitans, extra portas, ad aquam in recessu abditam magis, quàm ut omnium oculis conspici posset, exportabat. Ibi vestibus nudatum à capite ad calcem limpidâ lavit, iterumque in aulam deducit, laterique suo applicat, ipse in locum, quem primo occupavit, regreditur. Hottus autem, quamvis pavore prope exsternatus, intellexit tamen auxilium sibi hunc virum, quem distante metu Bockium (*virum magnum*) appellavit, non perniciem machinari. Aderat cænæ tempus, ingressi triclinium satellites, inter accumbendum animadvertunt Hottum è carcere ereptum, quem ipse muniverat, assidere raræ molis advenæ. In utrumque ergo indignabundi oculos contorquent; amentis temeritatis virum ducentes, qui tantum facinus in tanti nominis aula ausus esset. Tum vero formidine prope exanimatus Hottus, reditum in castrum meditatur; agnovit quippe omnes, qui se missilibus ossibus, carne nudatis, obruere consueverant, quorum iram quovis modo subterfugere præoptabat; verum haut minor metus incesserat pænæ, si a latere liberatoris aufugeret, nec fugæ via facilis erat, adeo trepedanti, ut ne famem sitimve levare auderet; lateri insuper Bodvar suo eum velut affixum tenuit. Interim ab aulicis more solito leviora ossa per transversum pavementum in utrumque projecta, Bodvar se animadvertere dissimulavit: id moderationis argumentum terroris notam cum interpretarentur, quidam graviorum ossium jactu, an metus subesset, ulterius exploraturus, coxendicem nudam, pedi connexam,

nexam, magno jactu in eos contorsit; quam expavescens Hottus, magna voce exclamans, confessorum monuit, volare coxendicem, certum exitum collineato allaturam. Bodvar, Hotto conticere jussu, eandem vola exceptam, in jaculatorem tantâ vi retorfit, ut protinus mortuus concideret; quo casu consternati convictores, ad Regem & primores ilico deferunt, advenam execrabilem, nemini cognitum, Regium triclinium mensasque satellitis Regii sanguine cædeque conspersisse, orantque ut tantum tamque inauditum scelus intra mœnia castrî, tricliniumque Regium, gravi exemplo & sine dilatione vindicet. Rex, an innocens casus esset, quæsit, sodales, maximam partem, responderunt; inde ansa ulteriori inquisitioni data. Ut verò rem, sicut gesta erat, causamque cædis percepit, negavit crimen capitis hospitem commisisse; *etenim vos, inquit, perversum morem in aula meam sepiusque vetitum introduxistis, innocentes homines ossibus obruendo, unde Majestatis contemptus domi, foris etiam infamia sequitur, habemurque tales, qui legibus & penis talem petulantiam cœrere, aut latarum legum, nostræque adeo Majestatis, decus vindicare superseamus, otiosi speculatores, approbatoresque injuriarum, magis quam justî & severi vindices. Sed videmini mihi hospitem, virum profecto vestra opinione majorem, irritasse, eum igitur ut videam, huc arcescite.* Accitus ergo Bodvar, actutum comparuit, Regemque venerabundus salutavit; quem Rex ut primum vidit, animi excellentem ex indiciis pensitans, corporisque vires, statura moleque & membrorum magnitudine metiens, ilico illius desiderio captus, dimitendum minime censuit; nomen igitur quærenti respondit, Bodvarem se proprio nomine dici, Hotti Servatorem aulicos ejus vocare. Rex iterum quâ satisfactione homicidium redempturus esset, quæsit. Ille innocentem non occidisse, sed quod meruerit reposuisse, ait. Rex num sibi militando numerum suorum satellitum augere, occisique vicem subire liberet, quæsit? Bodvar satellitum nequaquam abnuere, modò Hottus unâ admittatur; nam haut facile â se separari posse, sed communem utriusque sortem futuram; nec tamen loco æquè humili contentos fore, ac fuit casus. Ad hæc Rex respondit, Hottum quidem honori sibi haut futurum videri, victum tamen illi haudquaquam negaturum. His dictis Bodvar ad sedem occurrendam, ubi visum erat, processit, tribusque loco detractis, & quidem ex superiore, quam præceptum erat classe, ipse Hottusque successit. Hæc omnia in Bodvarem aulicorum invidiam odiumque concitarunt.

CAP. IX.

DE LAMIA IN FERAM TRANSFIGURATA
A BODVARE OCCISA, HOTTOQUE, EX AB-
JECTISSIMO HOMINE IN HEROEM OPERA IPSIUS RE-
PENTE CONVERSO.



Inminente festo Jolensi, commilitonum animos, tanquam expectatione subiti alicujus mali, solito magis suspensos langvescentesque Bodvar animadvertit. Causa tantæ consternationis requisitâ, cognovit, Hotto referente, quòd duobus proximè præcedentibus annorum superiorum festis ingens & horrenda
fera,

fera, monstrosæ formæ, alis duabus & quatuor pedibus conspicua, (qua descriptione velocitatem poëtas adumbrasse credibile est) armen-
tis & pecori Regio admodum infesta, conspecta fuerit, quæ ictus
omnes, etiam acutissimorum ensium, refutaret; hujus reditum jam auli-
cos omnes metuere, nec id temporis præsentem esse potissimam satel-
litum & pugilum manum, bellis necessariis alibi distentam. Valde se de-
ceptum famâ hujus satelliti, quod toto septentrione gloriosissimum præ-
dicatum sit, Bodvar quæstus est; cum ad unius feræ, licet omnium fero-
cissimæ, expectationem, animos desponderent; nequaquam tamen feram
esse Hottus ait, sed lamiam in monstrosam speciem se transfigurantem.
Primo appetentis festi vespere edixit militibus Rex, ne quis insequentē
noctē domo egrederetur, ne forte exitiali belluæ præda fieret: sæviret
modò in pecora, iisque inexplebilem rabiem gulamque ad nauscam us-
que satiare. Omnes imperiò se audientes fore polliciti sunt. Verum Bod-
var ingentis gloriæ cupidine flagrans, concubia nocte mandatum trans-
gressus, cubili, assumptò, quantumvis recusante, secum Hotto, latenter
egressus est. Inde extra arcem progressus, eum metu prope exanima-
tum, nec incedere sufficientem, magnoque planctu quiritantem, in præ-
sentem mortem non eum solum ruere, sed etiam se comitem communis-
que necis socium ducere, ulnis suis portabat, bonoque animo esse, e-
ventumque ex animi sententia expectare jussim, ad persequendam bel-
luam properabat, nec longè distantem offendit. Tum vero ingenti metu
exterritus Hottus lamentabili voce periculum deplorabat; eo igitur di-
missò gladium districturus in belluam fertur. Tum primum imminente
fera, gladius fringenti parere recusavit, donec ex provocatione, forsi-
tan etiam adhibitò exorcismo, solveretur; quo vibrato, impetum insili-
entis bestię, mucrone intra armum penetralibus cordis adactò, stitit;
quæ tanto vulnere faucia ilico mortua concidit. Tantâ victoriâ partâ
ad Hottum regreditur, quem in ulva palustri delitescentem, nec ad au-
lam remeare, nec exsurgere ausum, extremeque trepidum, manibus sub-
latum, adque recenti cruore madentem belluam transportatum, ad ege-
stum sanguinem calidum hauriendum adegit, renuentemque duos hau-
stus epotare offasque ferini cordis aliquas exedere compulit. Quo per-
acto, diu cum eo colluctatus. *In tantum*, inquit, *derepente vires tibi auctæ*
sunt, ut neminem aulicorum dehinc tibi formidandum existimem. Hottus ne-
que illorum ullum, sed nec eum quidem ipsum amplius se metuere regessit. Ga-
visi uterque tam salubris potionis refectū, feram collapsam in viventis
speciem erigunt, domumque & lectum, tanquam nusquam digressi, pe-
tunt. Hanc bestiam ursum fuisse *Saxo Lib. II.* tradit, locum verò, ubi
transfixa sit, omittit. Verum in Sialandia, utpote insula spatiosæ latitudi-
nis, oceano undique cincta, illud animalium genus minime prostat. Ma-
tutino tempore quæsitit Rex, an feram, festi illius jam per biennium in-
commodum nimis hospitem, rediisse quisquam cognoverit? Responsum
est, neminem vidisse, pecora etiam præter morem intra septa illa sæpe per-
manere. Missi igitur qui ulterius inquirerent, oppidò redeuntes citato
gradu aulam petere nunciârunt. Excitis ergo satellitibus, ut pro virili
quisque in molesta monstrosa que bellua tollenda niteretur, imperabat.
Illi alacres arma capiunt; verum sive metus, sive nimius ardor edendi
in conspectu Regis suæ cuique fortitudinis speciminis, feræ currentis
speciem oculis eorum repræsentaverit, constat tamen soli Regi innotam vi-
sam; ait itaque, *præmium quemlibet casâ ferâ promeritarum video; mihi tamen*
Tom. I. *Oo* *speciem,*

speciem non currentis, sed eadem vestigia prementis, præbere videtur. Cui Bodvar respondit; equidem magna molis rem arbitror cum ferocissima bellua congregi, quod nisi veriti essent, qui jam in procinctu sunt, dudum & absque longiore mora inanique disquisitione, staretne an curreret, in occursum illius progressi essent. Tuum erit igitur, ô socie (Hottum alloquitur,) calumnias inimicorum refutare, qui te, tanquam imbecillum, timidum, & nauci hominem, hucusque contempserunt, nec amplius sustinere, tanta probra & de te dici potuisse, & non potuisse refelli; accelera igitur, ceteris cunctantibus, manusque cum hac bestia solus conferre minime dubita, objectamque ignominiam tanti nominis facinore dilue, virtutemque sub sordido pallioque dissimulatam latuisse, non exulasse, demonstra. Hottum se paratum affirmantem intuitus Rex, nescire se ait, unde tanta magnanimitas, mutatioque subita; quod si quandam conjecturam asserat tacita hominis figura, aut illum eundem Hottum non esse, quem Bodvar liberaverat, aut jam Hottum illum exuisse, aliudque ingenium sibi induisse. Tum Hottus; dato mihi, inquit, ô Rex, gladium Gullinbrialium, isto enim feram cunctis formidabilem periculi securus conficiam. Rex gladium illum nemini idoneum esse, nisi solis principibus, & excellentis fortitudinis heroibus. Talem igitur me concipe, ait Hottus. En gladius, ait Rex, & simul Hottop porrigens, quod bene vertat, inquit; etenim brevi constabit, quid hæc tam repentina portendat mutatio, nam non meis solus oculis, sed conspicientium omnium, tibi hac ipsa nocte dissimilis factus videris: I faustis avibus, & quod suscepisti, feliciter perface. Hottus, actis pro dono gratiis, intrepidus bestiam adortus, primo ictu stravit, inque terram præcipientem dedit. Tum Bodvar; vides, inquit, Rex, quanto & quam illustri documento virtutis suæ primum specimen dederit. Rex adhæc respondit; fateor illum heroico spiritu recens afflatum, feram tamen tuo, non illius gladio occidisse animadverto. Bodvar non equidem eum conjecturam fallere respondit. Quam primum, ait Rex, sub conspectum venisti meum, tantum virum te quidem animadverti, quem pauci vel animi vel corporis viribus æquent, illud ita se habere evicisti; hoc vero excedit, quod ingenium desperatum in fortissimum virum, nauci hominem in heroem momento converteris, proinde mutatus homo nomen etiam mutabit, Hialtiusque in posterum nomen à gladio Gullinbrialio contractum usurpabit. Circa hæc tempora Saxo innuit, Agnarem quendam Regis filiam uxorem duxisse, eundemque à Bodvare sublatum; quod qua causâ factum sit, ibidem tradit; quis autem qualisve is Agnar fuerit, proditum nusquam invenio, nisi quod ipse Bodvar in epilogo vitæ suæ, quem novissimè pugnaturus recitavit, inter cætera etiam occisi Agnaris Berferki, ejusdemque Regis, laudem sibi tribuit. Supplet itaque Saxo hanc Historiæ nostræ lacunam: differt tamen eo, quod sororem Regis Rutam in matrimonium duxisse tradat. Noster filiam Regis nomine Drisam memorat.

CAP. X.

DE INSOLENTIA BERSERKRRUM VIR-
TUTE BODVARIS ET HIATII REPRESSA.

*Esto Jolenfi appropinquante, cum reditus Berferko-
rum speraretur, mores illorum præcogniturus Bodvar, à Hial-
tio didicit, aulam ingressos à Rege quæstionem ordiri, orsamque
ad singulos per circuitum pertexere solitos, an tantam suæ vir-
tutis fiduciam habeat, ut sibi comparari velit. Regem verò, infi-*
gnis

gnis utilitatis ab operis eorum redundantis ratione habita, cæteris aulicis, nerixæ orientur, moderationis, non ignominiosæ confessionis, exemplò respondere consvetum: *Considerati hominis esse, vires facultatesq; suas probe dispicere, antequam tantorum virorum, gestis terra mariq; clarissimorum, gloria communionem sibi asserere gestiat.* Moderationem Regis omnes satellitii cohortes, illis palmam deferendo, imitari. Iterum, inquit Bodvar, *hujus satellitii famam gloriamque meritis majorem animadverto, si nullus contra Berserkorum insolentiam hiscere audebit, eamve comescere.* Secundo festivi Jolenfis diei vespere, omnibus palatii Regii januis subito impetu adapertis, inferebant se duodecim viri cataphracti, loriceis atqve galeis, cæteraqve armatura, comminutæ glaciei colorem referente, conspicui: longo deinde ordine permeantes, observant novis athletis satellitium auctum, unumqve cæteris compactiorem. His, quantumvis pomposè superbèqve incedenti primipilo, terrorem tamen, licet dissimulatum, primo statim conspectu incussit, quem malè tectum facies repentinè mutata prodidit, Uerum nihilo minus, sequentibus cæteris, ad Regem pergit; quo pro more salutato, consuetam proponit quæstionem, responsumqve pro arbitrio Regis ad interrogantis ingenium temperatum reportat. Postquam eadem interrogatio per singula capita universum triclinium pervagata modestis responsis excepta esset, ad Bodvarem & Hialtium, utpote novissimè in collegium albitos, pervenit. Prius Bodvar Hialtium tacitè interrogavit, *an proximè succedentem invadere ausit?* ille autem respondēbat: *non illum solum, sed & universos, nam ereptam sibi jam dudum, etiam adversus majorem vim, omnem metuendi rationem.* Berserko itaqve Bodvar respondit; *mirum illum quærere, an sibi, utpote porco ignobiliori, scilicet equa matre nato, par haberi velit; dedignari namqve se in comparisonem cum illo venire, placeat modo experiri; Marte se vel morte confessionem ei victoriæ expressurum;* exiliensqve loco, magno ardore invectus protinus humi stravit, parumqve affuit, quin pes vel ossium unum frangeretur. Consimili modo in proximè sequentem Hialtius exortus est. Inde strepitus ingensqve murmur totam aulam pervasit. Rex metuens, ne intestinum intra parietes prælium, multorum satellitum necem secum haberet, solio desiliens pacem imperavit. Bodvar occisurum se minatur, nī inferior haberi velit, victumqve se confiteatur. Rex autem rem esse exploratissimam contestatus, Berserkum solaturus, *non esse ait ignominiosum majori cedere, nec iniquo animo ferendum, licet quis se potiorē alium videat;* amicos proinde esse jubet, Bodvari primatum adjudicat, dissidiumqve & injurias mutuas, satellitibus suas capite luendas pronunciat; in hostes iras, impetus, cædes, cladem rabiemqve vertere, inter se amicitia mutuaqve benevolentia certare jubet. His auditis, omnes, quotquot aderant, venerabundi Regem circumfistentes succlamârunt, ejusqve justitiam simul & clementiam & moderationem in cælum laudibus efferentes, certatim gratias egerunt, Berserkique cum Bodvare & Hialtio concordia inviolabilisque amicitia æterna fœdera, quæ tamen postea rupta sunt, fanciebant. Bodvar deinde Regi in Sveciam proficiscendi author, tam ab insidiis, quàm incendiis eum alacriter protexit. Ad ultimum, cum fraudibus skuldæ & sororii Hiorvardi circumventus Lethræ occumberet, dignum animo suo gestisqve celeberrimis certamen edidit; unde carmen Biarkamal, à Saxone in Latialem linguam Maronianò genio metricè quoqve translatum, sive ab ipso Bodvare inter suprema, sive ab alio quodam ad memoriam ejus posteritati commendandam conditum, famæ illius & gloria

gloriæ in perpetuum litabit. Vindices necis ejus duo prius memorati fratres, simul etiam famam suam ad posteros extenderunt. Ad ea, quæ in his fabulosa videntur, in præfatione ad vitam Hrolfi Krakii respondimus, quò lectorem remittimus.

SECTIO TERTIA.

DE SORLIO ROBUSTO

CAP. I.

DE SORLIO EX CODICE FLATEYENSI,
EJUSQUE CUM HALFDANO ROSKILDÆ REGE CON-
GRESSU, ET SOCIETATE CUM HOGNIO EJUS FILIO INI-
TA, EJUSQUE PERPETUIS VICTORIIS ET
IMMORTALI GLORIA.



Ringum Uplandarum Regem ejusque nepotes in ordine temporum Erlingus, qui in Uplandis Norvegiæ Regio quoque titulo regnavit, excipit; quem *Codex Flat.* anno vicesimo quarto à morte Frodii Pacifici Daniæ Regis floruisse perperam tradit, cum initio sexti seculi regnasse videatur; ut id in *Appendice secundo ad Seriem Regum Daniæ* pag: 491. à nobis monstratum est. Huic ex legitima uxore duo erant filii, major Sorlius, minor Erlendus, viribus etiam inferior. Cum primum per ætatem licuit, piraticis irruptionibus operam dederunt. Prima illis pugna in scopulis Gautelsæ, adversus Sindrium piratam Sveigeris filium, Hakii maritimi Regis nepotem, qui cum universis copiis isto prælio occubuit, verum haud incruento, Erlendi quippe cæde nobilitato. Exinde Sorlius in mare Balthicum classe infusus, per orientales oras victricia arma latè circumferebat, tantasque res gessit, ut iis describendis haut modicum tempus (authoris verba sunt; certè posteris omnia perierunt) requiratur. Regnabat tum in Dania celeberrimus Rex, nomine Halfdanus, cui imperii primaria urbs Regiaque sedes Roskilda, id temporis magnifica, fuit; uxor autem nomine Hvedna Senior; Filii eâ nati duo, Hognius & Hacon, staturæ proceritate, virium præstantia, omniumque principalium artium exercitiorumque peritia inclyti, à prima juventute piraticæ industriæ strenuique & assidui sectatores. Ad multam senectutem proveetus erat Halfdanus, cum autumnò quodam ad Regia comitia profecturus, cerevisiam ad navigationis viaticum domi coqvendam, commeatumque reliquum apparandum curaret. Quo tempore Sorlius repente advectus, navigium ejus, à draconis forma Draconem vocatum, in statione ad anchoram ligatum observavit, tantâ præstantiâ, ut pari ornatu, artificiosa structurâ, materiæ firmitate, magnitudineque, per septentrio illo seculo nullum haberet: calybe, quantum supra undas eminebat, incrustatum erat, auròque, variis coloribus distincto, obductum, calaturâ miri artificii adjunctâ. Diversis seculis Ellidium, Gnodem, & Olafi Tryggvini Draconem longum, huic navi tantum prælatas notatum est. Gnodem Asmundus Halogiæ Rex duxit. Ellidios tres invenio; prima Goris, Norris fratris, fuit. Secunda Fridthiofi Sogniæ & Hordiæ Regis, de quibus idoneis locis dictum est. Tertia Ketilbiorni è Naumudalo, Thrandiæ vicino

vicino tractu; inter cæteros ad occupandam incolendamque Islandiam profecti; manetq; amnibus in illa insula, ab esocum captura celebribus, Regioq; prædio præcipuo Bessastadis, quod præfectorum Regionum sedes est, subiectis, ab eadem nave, quorum ostium subivit, in hodiernum diem, id quod tunc temporis impositum est nomen. Verum posteriores duas, ne in comparationem quidem cum Haldani Dracone admissas, nedum prælatas, suspicor; nisi forte genius Fridthiofianæ, humanæ vocis intelligens, pluris quam cætera omnia censitus est. Draconis in suam potestatem redigendi illaudato desiderio ardens Sörlius, arma suos expedire iussit, se occiso Rege navem in triumphum ducturum palam vociferans. Dissvadebat id prœtore ejus, idemq; Stallarius, nomine Sævar, dictitans esse Haldanum principem insignem, fortissimorum longeq; celeberrimorum filiorum, & in vindictam acerrimorum, parentem. Sorlius se dracone potiturum respondit, etiam si illi Diis ipsis majores essent. Ad arma deinde itum est, fama que ad Haldanum, in terra fortè occupatum, de instanti prælio delata, etiam eum cum universis copiis ad navem protraxit; consiliariis nequicquam svadentibus, *cederet temporì, cederet hostium numero, suos longè exsuperanti, fugâque in præsens sibi suorumque salutì, Regni que commodis consuleret.* Verum ille cum omnium internecione prius se moriturum affirmavit, quam turpis fugæ consilia circumspècturum. Conserunt itaque fortissimi Principes acerrimam pugnam, masculèque res ab utraque parte geritur; illinc avaritiæ stimuli, alieniq; cupido; hinc salutis, tum publicæ, tum privatæ, imperii que & invictæ ad eam usque diem famæ, longoque bellorum usu, vincendiq; consuetudine partæ gloriæ propugnandæ necessitas addit animos, quam jacturâ potius vitæ fortiter pugnando occumbendoque augere, quam ejus redemptione minuere, nedum in totum perdere, pro se quisque certabat. Nec istud certamen, ista honorum æmulatio, sine magna rerum conversione exercita est. Haldanus cum universis copiis ad internecionem usque deletus, rerum vitæque impendiò, fortius quam prudentius, istis tamen temporibus gloriosus, inîti gestiq; belli memoriam ad posterosextendit. Victor Sorlius Draconem cum universâ gaza, quæ ibi recondita erat, belli jure, vel potius injuriâ, sibi asseruit. Cognito autem Hognum ad Odinsøyam reducem è piratica cum classe excubare, eò etiam suam dirigit, certio remque eum facit de paterna cæde, offertque satisfactionem ad arbitrium ejus exigendam, societatem insuper, mutuâ fraternâ adoptione, arctissimâque & perpetuâ amicitia stabiendam. Quæ omnia aspernatus Hognius, paternæ necis vindictam sitiebat. Ibi prælium ingens, infestis utrinque animis gladiisque gestum, sed utrique luctuosum evasit. Hacon Sævarem sua manu occidit, gladio autem Sorlii vicissim occubuit, haut sane inultus; Erlingi siquidem Sorlii patris cæde Hognius fratris manibus parentavit. Tandem cum Sorlio singulari certamine conflixit, quem ad ultimam defatigationem redactum, multis etiam, iisque gravibus, vulneribus faucium, cum superatum occidere posset, sanandum curavit, oblatamque, quam aspernatus antea erat, conditionem, mutæ fraternitatis instituendæ, ubi suo beneficio dari posse animadvertit, ultro obtulit, laudemque non modo gratiæ hosti factæ, conservatæque vitæ, sanatiq; vulnerati corporis, sed singularis etiam humanitatis & moderationis retulit. Mansit illud intimæ amicitie societatisque vinculum quoad vixerunt, sed prior Sorlius, dum orientem popularetur, a piratis magno prælio occisus est. *Codex Flat:* vitam Sorlii, quam Sorla Strictæ singulari nomine appellat, in testimonium relationis suæ adducit, citatque

carmen exequiis ejus dicatum, adducitque singulari veteris pœseos genio illustre. Verum ne verbum quidem de ea re in vita Sorlii, quæ penes me est, legitur. Eadem ætate Hognius ad vindicandam cædem ejus piratas in orientem persecutus, non modo eos delevit, sed perpetuo victoriarum cursu latissimè pervagatus adeo profecit, ut complura regna sibi subiceret. Viginti Reges ejus imperium agnovisse memorantur, eorum credo generis, quales minorum gentium iis seculis fuerunt, tamque illustres evasisse perhibetur, ut Parisiis pariter ac in Fimmarchia, interjectoque amplissimo terrarum vastissimarum spatio, celeberrimus haberetur. Hunc tamen Hognium in universalium Daniæ Monarcharum catalogo nusquam invenio. Saxo in Frothonis, sibi Tertii, tempora refert, ut ex sequentibus planum fiet, Juriaque Regulis accenset; nec obstat, quominus Reguli illi potentes alios sibi subiectos habuerint. Hæc fide *Codicis Flat: à pag: 141* retuli, qui sequenti pagina sibi repugnans, Hognium hunc uxorem duxisse tradit Hervorem Hiorvardi Filiam, Hiorvardique Patrem Heide-rekum Ulfshamum memorat; cum tamen inter Frodium Pacificum & Hildis hujus Hervoris amitæ maritum, Haraldum Grandævum, duodecim generationes intercedant. Hic igitur nominum gestorumque confusio apparet, nec quid cuique applicandum sit, facile est dispectu.

CAP. II.

DE IIS QUÆ IPSA SORLII VITA DE PUGNA INTER HALFDANUM ET SORLIUM TRADIT.



Halfdanum hunc Hognii patrem Branæ alumnus appellat, Sveciæque Regem facit, non tamen hæreditarium, sed jure belli factum. Agnari enim Diviti eam cum vita simul eripuisse tradit; nec tamen quis is Agnar fuerit, constat; neque enim Agnarem illum intelligi autumo, quem Halfdani Eyfsteinii vita Gestricia omnibusque regnis ad orientem monti Kiolo adjacentibus præfuisse, satis hyperbolicè memorat; si enim Sveciæ Rex fuisset, futiliter Gestricia, Sveciæ nomine omisso, tanquam potissima imperii pars induceretur. Sed nec Agnari Diviti extorsit Sveciam Halfdanorum ullus, minus etiam vitam, cum uxoris insidiis circumventus regno ad hæredes relicto occubuerit. Non igitur habendi tantum libidine impulsus Sorlium Draconem Skrautium infestis armis adortum, sed prægnantibus de causis similitates cum Halfdano, utpote patrui sui Agnaris interfectore, regnique ejus invasore, gessisse perhibet; ad quas tamen componendas primum, loco satisfactionis draconem tantum expetivisse. Ad ea Halfdanum: sapius magno pretio vendi potuisse, jam vero longa possessione, eaque felici, charam sibi navem dari nullo modo posse, ereptam autem patruo ejus ditionem etiam illo invito detenturum respondisse ferunt. Fufius deinde prælium describens author: septem, inquit, navibus in Sorlium inVectus Halfdanus, omnis generis missilibus conjectis, imbre eum telorum propemodum obruit, tantamque cladem parvo tempore intulit, ut omnibus navibus Sorlium exueret, si prætoriam, qua ipse vectus est, exceperis tribus tantum suarum amissis, totidemque præter Draconem retentis. Erant inter satellites Sorlii duo præcipui pugiles, Borkus & Bolverkus, viri bello egregii. His comitatus Sorlius magno impetu in Draconem invehitur, scanditque foros, infestoque mucrone latera pervadens, fortis-

fortissimis suorum singulis, exemplo suo incitatis, subsequētibzque, in propugnatores fertur; reliquum latus Bolverkus cum socio vastabat, nec poterat impetus inferentium turmatim gradum fisti. Inter omnes Halfdani pugiles, fortitudine animi corporisqve viribus Thorer, cognomento Robustus, Thorvidi Comit̃s filius, eminebat; fortē nomen prioris illius Thoreris, pariter Robusti dicti, referens, qvem propria Halfdani vita, Hringi patris ejus Comitem, custodemqve limitaneum, in Fionia habitasse memorat, viri quidem insignis, sed qui diris foeminae giganteae obnoxius ad aspectum humani sanguinis horruerit, id quod illo seculo, cum omnes militarent, probrosum visum. Thorer hic lateris illius, quod Bolverkus obtriverat, defensor acerrimus milites Sorlii ubiqve caedebat. Interea Rex Halfdanus inflammatus ira Sorlium infestus petit. Sensit in se iri Sorlius: decorum erat tum ipsis capeffere pugnam ducibus; avidē itaqve se certamini offert. Longum tempus acerrimo conflictu, pari utrinque alacritate, viriumqve æqualitate, extractum; senii vitio Halfdanus fessus, Sorlius juvenatē vigore pugnando habilior, in puppim usque Regem, ad ultimam fatigationem provectum, pepulit; parfurum se vitæ ejus, modo vellet, identidem clamitans, contentumqve ea benevolentia futurum, quam ejus humanitas ultrò sibi deferret. Rex magis exasperatus, more Norvegorum majorum suorum, vitæ suæ illum jam timere respondit: nulli se ad eum usque diem cussisse, nec in posterum cessurum: itaqve ad instaurandum certamen eum provocavit. Sorlius morem se quidem ei, quandoquidem placeret, gesturum respondit, Verum oblatam conditionem adhuc integram ei patere. Aspernante Rege, pari animorum, non item virium, ardore pugna redintegratur, ictusqve graves multoties ab utraque parte geminati spectantes suspensos tenent. Tandem Rex ad puppim penè compulsus, præ lassitudine ita defecit, ut vix gladio retinendo sufficeret. Priores itaqve conditiones Sorlius tertio obtulit. Ille malle se glorioso exitu vitam finire respondit, quam ejus beneficio acceptam ferre. Cognitō obstinatō in mortem animō, Sorlius nullum de se beneficium promeritum dictitans, continuis eum ictibus impetit, nullo amplius ad respirandum spatio indulto. Tantisper senex à robustissimo juvene sine cessatione urgetur, donec gladius langventi manu decidit, quem protinus arreptum Sorlius pectori ejus adegit. Illud primum idemq; ultimum vulnus Halfdanus accepit, continuo victoriarum, nulla unquam labe interrupto, cursu, per totam vitam, præclaris facinoribus magnificam, ad admirationem omnium felix & venerandus. Dum hæc geruntur, Thorer Robustus Sorlii milites haut aliter, quam lupo in stabula missus cedit & obruncat. In eum Borkus alacriter investus, ictum quidem monstruosum, sed sibi ipsi fatalem, dum intentat, levi Thoreris inclinatione frustratus, tanta vi columnæ impiegit, ut gladius defixus inhæreret, quem extricaturus, sude a Thore re caput percussus, perfracta calvaria exanimatur. Inclinati ad ictum tantum verber humeris Bolverkus impiegit, ut prope interitum Thorer esset; satis tamen servatus ilico se collegit, correptisqve Bolverki pedibus, corporis universam compagem manibus versans, caput saxo illisit, adeo ut frangeretur. Verum obrutus propemodum multitudine Sorlinorum, navem jam captam tenentium, cognitā morte Regis, pronom se in mare subito projecit, celeriqve natatu ad litus evasit; draconem verò cum ingenti præda Sorlius suum fecit.

CAP. III.

DE CONGRESSU SORLII CUM HOGNIO, LATOQVE HARALDO VALDEMARIS FILIO AUXILIO.



Antum de prælio Sorlii cum Halfdano author ille prodidit: in prælio deinde cum Hognio gesto, cædem fratris Hognii, quem Haconem *Codex Flar*: hic autem Sigmundum appellat, cæde patris Sorlii Erlingi Regis repensam memorat. Deinde singulari certamine duces longo tempore congressos, donec Sorlius abjecto gladio in Hognium inVectus, diu cum eo colluctatus fuerit; quem cum summa vi correptum ad profundi putei marginem contulisset, dum ipse celeri saltu transmissurus, interqve transfiliendum Hognio se exsoluturus, eum deturbare conatur, ab eo istam stropham eludente fortius impulsus sternitur, supinusqve pronum in se incidentem Hognium excipit. Is etiam inter luctandum suum gladium abjecerat; jamqve superior, gladiò, inquit, *desitior, dentibus autem jugulum tuum more Trollorum haurire turpe duco; itaq; si tanta es animi fortitudine, atq; prædicatoris, imminensem mortem hic expecta, donec gladium assero.* Immutus Sorlius interea jacuit. Admiratione constantiæ captus Hognius, nullum, inquit, scelus, aut illata ignominia in te mihi vindicanda est; pares enim videmur; itaqve tibi hanc immerito parcam, ter enim patri meo conditione vite obtulisti, ipse ut prælio ita etiam causâ superior, itaq; quid placeat, edic. Ille tanti viri beneficio vitam deberi, hanc sibi ignominiosum futurum respondit. Exinde cum surrexisset, mutua amicitia & societas, actutum fædere inito, inter eos coaluit. Plura quidem, sed quæ hæc bella præcesserant, Sorlii gesta memorantur; expeditio nimirum in Africam, ingentis lucri, nec gloriæ minis, quæstiosa. Deinde auxilium Haraldo Valdemaris filio (qui duos Norvegiæ trientes imperio tenuisse traditur) latum, liberataqve Regis periclitantis filia Steinvor à necessitate nuptiarum cum infesto proco Gardo, fratris Tosii, cum ingenti exercitu advecti, auxiliis subnixo contrahendarum, qui magna classe ex Æthiopia in Norvegiam infusi, falsò (ut credo) memorantur. (Notam tamè Afris Norvegiam, partem Scanzæ, Gizerici Vandalorum Regis inde oriundi, cæterarumq; Gothici generis nationum historiæ non obscure indicant, eoque Thule accersitum Herculis, qui Romanum orbem incolebant, Regem *Procopius* perhibet (ei autè Thule Norvegia est.) In illo bello singulari certamine cum Gardo congressus eum neci dedit, simul ac Lodinum Polonũ ferociâ virum exultantem, qui hastam cubitos quindecim longâ, tres spithamas latam, gerebat; quem insolentius se efferentem, non verbis modò, cû se ostensurum polliceretur, quàm vana peregrinorum adversus Norvegicâ virtutem jactantia, quàm futilis fastus esset, represit, sed & eqvò hasta deturbatû in terram ita dejecit, ut fractâ calvariâ confectum moreretur, req; ipsa probavit Sörlius, se non verbis quàm factis fortiozem. Confecto etiam bello, non minorem adversus munera, licet jure sibi debita, fortitudinem inesse, quàm adversus hostes fuerat, ostendit. Nam cû navatæ operæ amplissima præmia Haraldus Rex ei offerret, omnia recusavit; dictitans, vires corporis animiq; gratis acceptas nullam mercedē pōscere, nec pericula ob injuriā ab amicorum capitis propulsatam suscepta præter gloriam. Post obitum deniq; fratris jure titulo; Regiò ei successit. Hæc de Sorlio ex *Codice Flar*: & propria ejus vita desumpta sunt.



HISTORIÆ RERUM NORVEGICARUM PARTIS PRIMÆ

LIBER SEPTIMUS,
CONTINENS VITAS

Eysteini Thrandiæ Regis, ejusque
Filii Halfdani.

Asmundi & Arani, Eigilis Unimani
& Arinnesiæ.

Ketillis Hængi,

&

Anis Bogsvæigeris.

SECTIO PRIMÆ

HISTORIA EYSTEINI THRANDIÆ
REGIS, EJUSQUE FILII HALFDANI

CAP. I.

EYSTEINUS THRANDIÆ REX CONSTI-
TUTIS DOMI REBUS HERGEIRI ALDEIGIUBURGI REGI
BELLUM INFERT, EUMQUE OCCIDIT, UXORIQUE EJUS CON-
SENSUM IN NUPTIAS SUAS EXTORQUET, FILIOQUE
SUO FILIÆ EJUS NUPTIAS DESTINAT.



Væ de Uplandarum Regibus his seculis accē-
pimus, exposuimus; cum autem Thrandiæ Halo-
giæque Reges potentiam suam extra patriam dilata-
verint, par est, ut eorum quoque gesta recognosca-
mus. Inter hos quidam Eysteini nomine celebris
memoratur, cujus parentum series, cum vel à scri-
ptore, quem sequor, vel a librario, adeo corrupte
tradita

trâdita sit; ut nihil in ea sanum, aut cum temporibus, quibus vixerat, congruum appareat; nec mihi præter unum tantum exemplar, idque chartaceum, suppetat, prorsus præterire, quam prodere malo. Coævus fuisse perhibetur Heimeri Brynhildis Budlinæ nutricio, cujus filia Ragnar Lodbrochi nupserat; quod si verum est, ad seculum septimum referendus erit. Hic ex uxore sua filium habuit Halfdanum, illamque, cum hic ad annum decimum quintum processisset, amisit. privatum itaque luctum leniturus, ad piraticam animum convertit; assumptoque secum in expeditionis societatem filio Halfdano, Ulfari Svipi opulenti civis filio, viro probo vulgoque accepto, qui ei à consiliis fuerat, curam regni commisit. Fuerunt ei fratres duo, Ulfkell nimirum, cognomento Snillingus, robustus vir, sed iniquus, nec ulla prudentiæ laude insignis; qui Regem comitatus, propriis impensis quinque subsidiariis navibus ei militabat; alter, sed natu minor, Ulfus, à moribus Malus dictus, mare Balthicum Biarmiaque litora infesta piraticâ reddidit, magnâ prædonum manu valde formidabilis. Eysteinus igitur cum triginta navium classê Aldeiguburgum vectus est. Regnabat ibi magni nominis Rex, nomine Hergeir, eo quidem tempore senex; uxor ei Isgerdis, Hlauderis, seu Ludovici, Gothiæ Regis filia, ex qua filiam, nomine Ingegerdem, formâ eximiâ, eminenti statura viros æquantem, virtutibusque egregiè præditam, procreavit; quam Comes Skulius, oppido Alaburgo subjectoque Comitatu præfectus, enutriebat. Is Heimeris, Brynhildis Budlinæ nutricii, frater fuisse perhibetur; unde certissima Halfdani hujus ætas colligi posset, Heimerem enim æqualem Sigmundo, Sigurdi Fafnericidæ patri, & Hiordis Eyliminæ agnoscimus. Erat Skulius bellator acerrimus, artiumque militarium admodum gnarus: servum habuit sibi in primis carum & fidum, nomine Kolum, statura moleque corporis insignem, robore septem viris parem; cui filia Ingegerdis, formosâ quidem, Regis filia habitu oris & corporis haud dispar, moribus licet minus compositis, edocta tamen artes muliebres, quibus eam imbui Regia virgo, cum qua conversabatur, curavit. Quam primum Eysteinus Aldeiguburgum delatus est, oppidanos impugnare capit. In tanta trepidatione cum tumultuaria manu obviam ei Rex Hergeir processit, impetumque hostium aliquantisper sustinuit, propulsabatque; tandem à multitudine pauci opprimuntur, & in his Rex eodem prælio occiditur. Eysteinus victoriâ clementer usus, post cædem Regis receptui canebat, incolumitateque omnibus proposita, urbem triumphans intrat; ordinatisque ex animi sententia omnibus, Reginam ad se arcessit; quam ut cum ira mæoreque conflantem conspexit, accensus formæ venustate: *Haut mirum, inquit, egrè tē mārīti casum orbitatēque ferre; verū nulla culpa tam atrox est, quæ satisfactione expiari nequeat: mihi nuptiis si sociaris, conditio tua haut deterior erit, senis enim orbitas facile rescirari potest. Illa senectutem ejus haut indecoram, nec ulli tediosam respondit, sed verendum, ne illius interfectorem, quantumvis maritum, conjugali fide amoreque illibatō colat. E duobus alterum tibi eligendum erit, ait Rex; aut enim pellex mihi eris, nec tamen diutius, quam mihi placuerit, aut legitima uxor, solemnitate nuptiali copulanda, uedasq; temet ipsam cum regni opibusque singulis in meam ditionem, vicissim amorem conjugalem, honorem & ornamenta, & quæcunque expetis, expertura, quibus non modo reconciliata, sed in mutuum amorem provocata, suspicionem mihi omnem insidiarum eximas. Regina, veteris diverbii veritatem, quo ex duobus malis minus eligere svadetur, se experiri præfata, haut ultra refragabatur: Id quod Rex pruden-* ter

ter factum, nec ipse satis prudens, iudicabat; peractisque nuptiis, filium suum Halfdanum & Ulfkelem Snillingum ad Comitem Skulium, qui Regis filiam educabat, urbemque Alaburgum oppugnandam cum exercitu misit, pramonitum, rem esse cum perito belli, animoso robustoque viro: præmium victoriæ Halfdano filiam Regis cessuram, Ulfkeli vero Comitatum copiamque eximiæ, quam ipse eligeret, virginis.

CAP. II.

DE HALFDANO A PATRE AD OPPUGNANDUM COMITEM SKULIUM MISSE, EJUSQUE MINISTRO ULFKELE SNILLINGO; ASTU COMITIS SKULII KOLUM SERVUM IN SUUM LOCUM, EJUS FILIAM IN VIRGINIS REGIÆ SUBSTITUENTIS, CÆDE KOLI, VICTORIA HALFDANI, ET ULFKELE SNILLINGI NUPTIIS CUM KOLI FILIA, QUÆ REGIS FILIÆ PERSONAM GESSERAT.



Interea Skulius, quæ Aldeiguburgi gesta erant, imminentemque sibi belli molem cognovit; itaque copias undique ad resistendum collegit, quibus ad mandata confluentibus, ipse in gravem morbum incidit. Servum itaque Kolum vexillum vestesque suas assumere jubet, exercitumque ducere, alumnæ suam Regis filiam uxorem se ei daturum, navatæ operæ præmium, unâ cum Comitatu aliquo, pollicitus; quod autem milites imperio ejus haut acquieturos nosceret, se Comitem fingere jussit. His conditionibus supra spem vota que fluentibus illectus servus, avidius quam prudentius imperium arripuit, adversusque Halfdanum copias omnes eduxit. Filia Regis Ingigerdis Koli sibi cognominem filiam consimiliter ad vestes secum mutandas, personamque fingendam allexit, extorto juramento, ne id, quoad viveret, ulli proderet; nec infelicem hac mutatione futuram dictitabat, cum aut Halfdani Regis filii nuptias, aut etiam Snillingi cum ipso Comitatu sibi certissime polliceri possit, si eis victoriam fortuna indulserit. His peractis Skulius in tugurio quodam prope locum prælii, jam parum revalescens, delituit, ordinem eventumque pugnæ spectaturus. Interea Kolum universas copias adversus Halfdanum Snillingumque educit, magnoque animo viribusque rem gerit, hostiumque aciem sapius perrumpit, strenueque dimicando omnibus fidem fecit, verè eum esse, cujus personam gerebat. Halfdano agnatus Skulii, nomine Herbiornus, oppositus, dum acerrimè pugnat, occiditur: cujus morte ea pars aciei, cui præfuit, subito metu confternata in fugam vertitur, Halfdano terribus fortiter ad silvam usque persequente. Impetum Koli Ulfkeli fortiter excepit, signifero suo Snæulfo haut mediocriter adjutus. Duello res similis erat, nam ictibus mutuis se invicem longo tempore impetebant, donec lorica galeaque utrinque dissectæ tutandis corporibus inhabiles essent. Tandem Kolum dissecto Ulfkelis clypeo non modò sinistram aurem ei abscidit, sed etiam humi eum dejecit, interfecissetque, ni Snæulfus uno ictu naso eum cum labio utroque & mento, excussis simul dentibus in terram dejecisset, mutilasset; nec tamen impune, protinus enim Kolum caput ei amputavit. Profuit hæc mora Ulfkeli ad recipiendum se in pedes; præ-

vento itaque Kolo ipsum istum jam minantem adacto pectori ferro exanimem in terram dejecit. Cæteri omnes effusæ fugientes ab Ulfskele fortiter instante vel cæduntur, vel premuntur. Receptui cænitibus occurrunt duo senes, discreti sexus; mulier virum humeris portans, qui eventum prælii sciscitati, postquam cognovissent, claudicanti gressu ægré in silvam feruntur. Halfdanus cum à suis, quod misellos senes allocuti dimisissent, cognovisset, increpabat imprudentiam, eum enim esse senem, quem occidi conduxisset; atque his dictis urbem ingreditur: præcessit eum Ulfskell, adque ædes palatinas Ingigerdis se contulit. Illa, ne victoriam ad suam suarumque injuriam verteret, supplex oravit, clementiam quam severitatem erga sexum imbecilliorum, præsertim virgines, tutelâ omni, præterquam spe in clementiam victoris, destitutas, exercere malit; sequæ ad matrem ducere dignaretur. Ulfskell bono eam animo esse jussit, aperiret modò thesauros, fideque & benevolentia sibi se obstringeret, cujus fructu uberrimum cum mater, tum ipsa, essent reportaturæ. Illa præsentem statum prioris oblivionem poscere præfata, apertis scriniis quicquid in thesauris erat depromsit. Victoriâ deinde moderatè usi omnibus pepercerunt, mortuos etiam sepulturæ mandârunt, funtusque Kolo, quem Skulium Comitem esse crediderunt, amplum & magnificum factum. Subiectis deinde provinciis in deditionem receptis, ad Regem Eysteinum, assumptâ secum Ingigerde, Regiâ, ut putabatur, filiâ, redierunt: minore tamen amoris affectu à matre Regina, quam sperabatur, excipi visa est. Quæ consulta ab Eysteino, filione suo eam elocare vellet? Ea ætate, eò ingenio, eâ prudentiâ eam esse, ut, quid sibi maxime conducere, perspicere, voluntatem verbis exprimere, procos eligere, vel abnuere, petita consensu suo probare vel improbare posset, respondit. Halfdanus autem animum ad connubia nondum conversum excusabat, dignam tamen virginem magno viro videri. Hac occasione arreptâ Ulfskell Snillingus virginis nuptias sibi destinans, nec eam à se abhorrere, matri suggestit, Regique merita sua laboresque & fidem ubique probatam multis commemorans orabat, ut tanto conjugio se ornare augereque dignaretur. Qui petitis matri expositis, consensuque ejus requisitò, ipsam quam optimè sibi provisoriam, se verò ejus arbitrio acquieturam, respondit. Nuptiis itaque magnificè celebratis amplam dotem addidit, Ulfskelemque Comitem creavit, Alaburgoque & adjacenti Comitatu præfecit, nec tamen sine annuorum tributorum pendendorum onere.

CAP. III.

DE PEREGRINORUM ACCESSU; EORUM IN REGEM INSIDIIS; CÆDE REGIS EYSTEINI, ET FILII EJUS HALFDANI MODERATIONE.



Universum tricinium Eysteinus domi transegit, videbaturque cum uxore mutuis officiis certare; quibus elapsis observata est magna quædam navis, furentibus ventis latus Balagardenis (quod in Finlandia situm est) prætervecta, nec exinde visa; omnes perisse existimabant. Proximo autumno viri duo, vili veste amicti, aulam accedentes, hospitium per hyemem à Rege postulabant. Magnâ erant staturâ, sed facie paleo obvelatâ. Russi

Rufos se & naufragos, cognomines Grimos dictos, referebant. Consultâ Reginâ, an hospitio essent recipiendi? rem esse Regii arbitrii respondit; sæpe tamen hospites humanitatis officia male rependiisse, se autem cum nihil fvideat, extra culpam futuram, tamen quid inopinum eveniret. Rex alimenta hospitibus sine sordidâ parcimoniâ notâ denegari reputans, inter satellites & inquisitores eos collocavit. Illi modeste se inter convictores gerebant, rebus autem alienis non ingerebant, colludebant frequenter arcu pilâque, & idgenus exercitiis, quibus satis peritos se ostendebant. Grimus autem major virium robore eminebat, neminem tamen laceſſebat, vel ludendo fatigabat, aut injuria ulla affecit, affectus verò retorqui posse monstrabat. Minor certamina, quæ vires requirebant, subterfugit, non item quæ agilitatem, nam his plerosque anteibat, sagittandique artem optimè callebat. Halfdanus Regis filius sapius cum eo colludebat, interdum latronibus, interdum aliis ludorum generibus, seduloque illos eorumque acta observabat. Festo Jolenſi, cum die quodam ludi in aula solennes ad cænam usque processissent, omnes Grimus major præter solum Halfdanum superavit. Neuter eorum Reginam ad id usque tempus allocutus est. Contigit autem, ut, dum pilam major Grimus vehementius torqueret, acrius impulsâ, ad solum, ubi illa consedit, ferretur. Dum igitur Grimus minor, qui eam referre tenebatur, requirit, fortè se incurvans sublaturus, Reginæ aliquid in aurem insurrans deinde regreditur: illa vero erubescens nihil respondit. A ludo strenuè potatum est, Rege potum largiter præbente, ut plerique, quem locum sobrii ceperant, eundem vino omni quoque sepulti retinerent, strati quoque per aulam singuli manuum pedumque ministerio destituti steterunt, præter paucos, qui non omnino obruti cubitum iverant. Rex assidente Reginâ in multam vesperam potabat. Interea quærit, quid Grimus ille minor ei in aurem insufflasset? Non observasse respondit. Quærentem igitur, quòd sapius, quæ cognosceret, sibi soli reservare, nec eorum quicquam sibi communicare contrevisset, monuit, ut sibi quàm accuratissime caveret, confestimque discessit. Uterque Grimus id temporis in aula sopiti jacebant. Tandem Rex cum filio Halfdano cubile accedens, cum Reginam abesse cognovit, in lectum se recipiens, vestibus detractis somno se, gladio spondæ applicato, componebant; lucernas famuli suspenderunt. Interea Halfdanus in aulam regressus utrumque Grimum dormientem deprehendit, minorem nudâ manu chirothecam miræ elegantie tenentem, qualem se antea vidiſſe haut meminit: ornabat illam annulus aureus, illustri, sed ignoti generis, gemmâ conspicuus, quo leniter detracto chirothecæque imposito, famulos lucernas propius admovere jubet; erant enim remotiores, quàm ut tenebras pellerent. Apud Grimos dormientes deinde consedit; mox somno oppressus & ipse dormiebat. Ut autem evigilavit, lumina omnia extincta deprehendit, Grimum autem minorem sibi adstantem, lumenque oculis admoventem tam splendidum, ut intueri nequiret, qui simul chirothecam ei abripiens; *hanc tu,* inquit, *manum annulum & chirothecam inquires, inquietus semper & anxius, nisi idem, qui tibi jam eripit, iterum reddiderit.* His dictis candelam ad propiores fores projicit, ipse remotiores petens exit. Exiliens Halfdanus ad eas, quò candelâ projecta est, pergît, oclusasque deprehendit; ad reliquas iterum conversus, eos qui intus erant, excitat: cum autem oclusæ essent, omnino effringendæ erant exituris; id quòd moram faciebat. Ad cubile igitur Regium quantoeyus itum est; ubi tum Rex gladio transfixus

fixus exanimis inveniebatur, unâ cum tribus famulis; quartus autem trabe conscensâ sibi consuluerat. Is retulit, Grimum majorem Regem cum famulis occidisse. His cognitis Regina accessit, tantôqve repente mærore percussâ apparuit, ut deliquium passâ propior morti videretur. Mox universam civitatem repentinus pavor defixit, quæ per integrum mensem in omnes circumjacentes provincias magnum exploratorum numerum ad sicarios inquirendos emisit, magnâ pecuniæ summâ corpora eorum, sive vivorum, sive mortuorum, afferenti promissâ: sed frustra. Ad successorem itaque creandum conversi Regni ordines omnium voce Haldanum Regem eligunt, obnixè orantes, ne delarum sibi imperium detrectaret. Fuit enim perspectæ virtutis princeps, ingenio moderatô, hilaris, amicis fidus, constans, nec alios eligebat ministros, quàm quos virtus commendaret; offensas meminisse, quàm protinus ulcisci malebat; artes etiam nobiliores probe callebat; accessit his robur, formæqve decus eximium. His tantis animi corporisqve dotibus incitati cives ad comitia ab ipso indicta frequentes convenerunt, imperiumqve illi offerebant. Is oblatum modestè recusabat, neque enim hæredem se Regni istius esse, nec tanti nominis mensuram implere posse, inulto patre, dictitabat: consultius videri, ut Regina fratrem suum Sigmundum arcessât, ad capiendam secum Regni administrationem; se autem ad inquirendos patris interfectores perquam ægrè profecturum, periclitaturum vindictam, fortunæqve favente rediturum, tum demum tempus fore, quo mutua de imperio capiendo aut deferendo consilia conferant. His auditis Regina studium in eum suum evidentius declaratura, summâ ope annitebatur, ut patri protinus succederet; id quod tamen frustra fuit. Quinqve igitur navibus, selectâ pube instructis, regno excedit, orientemqve pervagatus, prædis & manubiis undiqve congestis ditabatur; nec unquam mentem excidit manus illa, quàm venustissimam, pretiosissimogq; annulo decoratam, Aldeiguburgi conspexit.

CAP. IV.

DE ULFKELE SNILLINGO EJUSQVE GESTIS IN NORVEGIA, CONFLICTU CUM HALFDANO ET EJUS EVENTU.



T vero Ulfkell Snillingus, qui Alaburgi boream versus residebat, occisum Eysteinum cognovit, instigante uxore, ad foceri sui Hergeiris regnum, sibi jure hæreditatis debitum, repetendum, Aldeiguburgum ad Reginam socrum suam Isgerdem, fratremqve ejus Sigmundum proficiscitur. Regina contentum esse jubet eô, quæ teneat, Comitatu, nec injuriam interpretari, si amplior ditio denegetur, cum & ejus possessio, quam habeat, in beneficio reponenda sit. Irritatus hoc responso Ulfkell, multa minatus discessit, protinusqve exercitum comparavit; nec Sigmundus sibi defuit, nam & is collectis copiis eum insecutus ad promontorium Krakunesiam offendit; ubi magno certamine pugnatum est. Ulfkell amisso milite, navibus etiam, præter solam illam, qua ipse uxorqve vehebatur, trepidâ fugâ evasit, inqve Norvegiam ad Fratrem Ulfarem, cui

cui Eysteinus administrationem imperii commiserat, cursum vertit, postulatque, ut universam sibi ditionem tradat, longè enim amplius regnum Halfdanum in oriente possidere, quàm ut hujus jacturà gravius aliquod damnum sentiat. Ulfar orabat, desisteret tantum nefas animò agitare, nec se ad proditionem pelliceret; amissum in Russia Comitatum si libeat armis repetere, ad id se ei sumptus & militem suffecturum. His cum Ulfkell acquiescere nollet, ad altercationes & jurgia processum est, nec destitit priusquam cæso fratre universum imperium, cui præfectus erat, sibi subjecisset. Omnes factum authoremque pariter detestati, sed vi victi, cervices jugo submittere cogebantur. Partò scelere regnò, classem triginta navium copiasque coegit, quibus exules & facinorosos quosque spe prædæ illectos miscuit, navem præterea draconis formà, septuaginta loculis constantem, ipse duxit, proretà Ivare Bøggule Berferko insigni, sceleribusque satis famoso. Frater illius Rafnkell virorum robustissimus, signifer electus. Hac malorum hominum sentinà instructus, in orientem navigaturus, nullam terram interjectam à latrocinii & cædibus, cæterisque calamitatibus, quæ a piratis & prædonibus expectari poterant, immunem relinquit. Prætervecto saltus Hlynios (Hlynstoga) orientem versus, cum ad promontorium Klifandanesiam, haut procul Biarmià distans, perventum esset, Halfdanus cum decem navigiis selectoque milite occurrit. Ut autem Ulfkelem agnovit, cum eo exposulavit, quâ fronte tantum scelus perpetrasset, ut fratre, viro optimo, cæso, regnum suum & patrimonium invaserit. Plus illum suæ ditionis in oriente occupasse respondit. Negabat Halfdanus ullam ibi partem regni aliquo jure ei competere. Mox ad arma concursus est, admodum impari manu, maioriqve Halfdani damno, ni Ulfkele multitudine prævalente, prudentia Svidii Sokndiarfi (seu Strenui) viri Halfdano à consiliis, impigriqve bellatoris, provisum esset, ne circumveniri classis ab Ulfkelis navibus posset. Haut longo tempore pugnatum est, cum acies Halfdani nutare cæperat; itaque ad ultimam defatigationem bellum producere haut sibi integrum ratus, unà cum Svidio in Ulfkelis draconem insilit. Primus ei Ivar Bøggull occurrit, postque mutuos ictus, dejectò signò, brachio humerotenus mutilatur, proreta etiam Eigill à Svidio eo impetu occiditur. Exinde Ulfkell in Halfdanum invehit, ingenti impetu occiditur. Eum ferit, clypeoque & lorica transfossis, tribusque simul costis fractis, sub ala tribus vulneribus fauciat. Eodem momento Svidius, mucrone in oculum Ivaris Bøggulis intruso, eum exanimat. Halfdanus his vulneribus saucius, animò magis irritatò quàm demisso, acriter in Ulfkelem fertur, qui ictum exigua corporis declinatione evitaturus, utriusque tamen pedis digitis maximis excipit, iisque in posterum caruit, nec tamen gratis cariturus, nam hastæ jactu Halfdanum collineasset, ni trochleam transiundo evitasset; quam foramini inhaerentem pedibus contritam confregit. Eodem momento Ulfkeli Svidius scapulas tam validè percussit, ut in utrumque genu concideret, ipse ictu lapidis nave excussus in subjectam scapham decidit. Mox Halfdanus è navi à Rafnkele præceptus datus in mare ruit, sedecim vulneribus acceptis; sublevatus autem à Svidio seminecis, nec mentis, nec virium compos, in cymba jecit. Interea viginti quinque naves longæ promontorium præterlapsæ superveniunt, omnes magnæ, loricatos milites vehentes. Stabat juxta malum in prætoria navi vir statura ingens, thoracem sericum absque manicis indutus, loricatorumque. Hic, quinam tam impari Marte dimicarent

micarent, sciscitatus, ubi a Svidio, qvo in statu res suæ Halfdaniqve essent, accepisset: meumne, inquit, auxilium Halfdanus aspernabitur? Svidio quinam esset querenti, nihil referre respondit. Suppetis opus esse, cum Svidius respondisset, repente Ulfkelem adortus est. Redintegratur itaqve conflictus haut minore ardore, quàm à principio. Peregrinus iste Ulfkelis prætoriam navem sibi impugnandam delegit: Svidius autem naves minores adortus brevi vectoribus evacuavit. Et quamvis strenuè Ulfkelini sese defenderent, longo tamen prælio fessi, multis suorum orbatî, tot integris longo tempore resistere nequibant. Advena Ulfkelis nave consensâ manus cum eo conseruit. Acriter & longo tempore pugnatum est. Prior advena, cum clypeum Ulfkelis diffidisset, impactum galeæ gladium excepit, adeo feliciter, ut illâ integrâ ensis in duas partes capulo tenus frangeretur; cumqve Ulfkeli jam inermi nulla nisi in fuga salus restaret, in proximam suarum navium transfiliit, fugâqve evasit. Qvo visô, binas simul in peregrinum hastas Rafukell conjecit, qvi utramqve volantem simul arripuit, arreptamqve retorfit, singulosqve singularum jactu trucidavit; mox acinace clypeo transverberatô, utrumqve brachium transfodit, levatumqve in sublime Rafukelem extra navem deturbavit. In reliquos deinde tam acriter inVectus est, ut salutem continuò deditione pacisci cogerentur. Omnibus parcitum est; nemo in militiam ejus ascitus; singuli in terram sine armis veste nudati delati; naves omnes prædaqve intercepta, præter unicam, quâ Ulfkell cum uxore effugit. Milites Halfdani copiis peregrini adjuncti sunt. Consecto Halfdano, tot gravibus vulneribus saucio, penitiusqve perspecto, sanabilem quidem pronuntiavit, si medicum peritum nancisceretur, sineqve agitatione corporis ad eum deferretur. Itaqve ad rusticum pauperem, haut procul inde habitantem, nomine Hriflingum, uxoris Arghirnæ maritum, multorum liberorum patrê, artis medicæ apprime gnarum, per fidos custodes eum ablegat, cum ingenti sostro, mandans ut illam in eo sanando curam diligentiamqve adhibeat, quam in se esset impensurus, si quando indigeret; Halfdano deinde sanato referret, ubinam is esset, qvi eum sanandum curaverit, qvi & eum se propediem invisurum & speraret, & exspectaret. Ad Hriflingum delatus Halfdanus benigne excipitur; nec quicquam diligentiae studiique in eo sanando intermissum: octodecim hebdomadas lecto detentus est; nec erat restituendæ sanitati facilis via tot gravibus vulneribus perfollo; intra tamen annum in integrum restitutus est, totôqve eò tempore ruri moratus. Addebat tædium moræ ingens, qvo flagrabat, desiderium manûs illius, quâ Aldeiguburgi vidit, annuliq; & chirothecæ inibi sibi erectæ recuperandæ.

CAP. V.

DE ULFKELE REGI BIARMIAE FILIAM
IN MATRIMONIUM FRATRIS ULFI METU EXPRI-
MENTE, BELLOQVE UNA CUM EO GRIMUM KYRIALORUM
REGEM PERSEQVENTE, HRIFLINGOQVE HALFDANUM
AD AUXILIUM FERENDUM CONCITANTE, HALFDANI PRO-
FECTIONE, CUM COMITE SKULIO RECONCILIATIO-
NE, ET NUPTIIS CUM ING-
IGERDE.

Post



Post cladem hoc conflictu acceptam Ulfkell Snillingus, cum unica nave & quindecim tantum sociis nauticis ægrè evasisset, diligenti exploratione cognovit, fratrem suum Ulfum Malum in Biarmia versari, numerosâ classe potentem. Ambierat is Regis illius territorii, Hareki dicti, filiam, nomine Oddnyam; abnuentique patri bellum intulerat. Ad eum, quò vires reparare posset, Ulfkell legatus concessit, qui receptus a Rege admiffusque exposuit, quàm rebus ejus conduceret, filiam suam fratri nuptum dare, viro strenuo; utpote qui imperii maris possessionem, quod sexaginta navium classe pervagari consueverit, suam propemodum fecisset, nec exiguum adventu suo accessionem rebus ejus factam, quippe Aldeiguburgum & Alaburgum cum subjectis provinciis, sibi jure hereditario uxoris nomine competentia, ei perpetuò jure possidenda à se tradita; dispiceret itaque, an tanti viri arma auxiliis, inimicitie amicitie e re ejus præponderetur. Rex tempus deliberandi postulabat; his in concilium relatis, præcavendi periculi, ab iis expectandi, ergò, tutius visum est votis eorum subscribere, quantumvis incerta Aldeiguburgi recuperatio videretur; metu igitur magis quàm voluntate matrimonium illud contractum est. Mox fratres Biarmie limitum custodes constituti. Cum autem Ulfkelem prorsus lateret, quinam is esset, qui novissimè adversus Halldanum bellanti improvisus hostis accesserit, percontatus est à Rege, an ullam illius cognitionem haberet? Grimum vocari respondit, finium Kyrialium Regem, non quidem notum, nec ortu patriæ ulli adhuc cognitum, bello sibi agrum illum subjecisse; sed miræ formæ virginem, nec isto seculo comparabilis, eandemq; à teneris alumnæ suam, educare: de hoc ipso Grimo ultionem ipsi sumendam. Ad hoc auxiliis ejus se indigere, cum Ulfkell respondisset, annuit Rex, nam & sibi decretum esse, virginem suæ potestatis facere. Conclusum itaque, ut proximâ ætate validam classem exercitumque eò traducant, nec prius desistant, quàm Grimò occisò virginem Regi acquisiverint. In societatem expeditionis duo Finniæ Reges, magicæ artis magistri insignes, Fialar & Flokius, assumti. Collectis deinde copiis classiq; valida, ad Kyrialorum fines navigant; quò cum ventum esset, præmissò Ulfkele mandant Grimo, ut regnum alumnæq; suam dedat Biarmie Regi. Grimus autem negabat deditionem tam citò fieri, rebus adhuc inexpertis, nec esse quod Ulfkell meliorem fortunam quàm antea sibi polliceatur. Manè sequentis diei copias castello educit, totoqve die prælium magnis utrinque animis gestum in seram vesperam protractum est, majore tamen cum Grimi jacturâ; multis enim casibus plurimos faucios in castellum reduxit. Cum jam Halldanus sanitati restitutus esset, per Hriflingum de horum Regum expeditionis fama certior factus, cognoscit illum Grimum à Regibus impetitum, eum ipsum esse, qui sibi periclitanti suppetias tulisset, sanandumque curasset; eundemque illum Grimum, fictò nomine sibi ipsi impositò, Skulium esse, Alaburgi quondam Comitem, eundemque patris sui interfectorem, Hergeirisque Regis filiam apud eum enutritam, adhuc in ejus tutela præsentem manere, formâ omnes alias præstantem; cujus venustate captus Harekus Biarmie Rex, educatori Skulio, instigantibus Ulfkele Snillingo Ulfoque Malo, infesta arma vel intulerit, vel propediem illaturus videatur. Adjecto Hriflingus, offensam ob cædem patris, ejus liberatione pensatam; hortabatur itaque, ut recentioris beneficii memor esse

malit, opemque servatori suo, cuius forte indigeat, haut gravatim ferat. His expensis, Halfdanus haut furdas aures postulatis adhibuit, edoctusque viarum, quæ eò ducebant, difficultates, eam prætulit, quam tres immanes prædones discretis lustris infestam reddiderunt; quibus feliciter oppressis, ad castellum, quod Grimus infedit, incolumis pervenit: quo tempore ille contra Harekum impari manu pugnabat. Educebat enim quotquot armis habiles erant, sæminas autem in mœniis ad defensionem castelli disposuit; quod cum Halfdanus subiret, salutabat eum virgo speciosa, proprioque nomine inclamans quæsit, nonne tempus adesset, quo chirotecam annulumque Aldeiguburgi sibi ereptum repeteret? illi, num copiam ejus sibi facere possit? iterum quærenti, redimi posse auxilio in præfens nutricio suo periclitanti ferendo respondit. Is spe conjugii ejus latuerum se, licet immerito, pollicitus est. Projecit ergo chirothecam, fidei suæ indubitatum pignus, annulum redeunti traditura. Quæ accepta, tantam opem adventu suo tulisse perhibetur, ut Ulfkelem & ipsum Harekum Biarmiarum Regem sua manu peremerit. Ulfus Malus Grimi gladio occubuit. Grubbii cujusdam, Krabbii, & Svidii operæ in primis strenuæ memorantur. Krabbii signifer erat Hareki Regis, Svidiique manu occubuit; nec Flokium Finnum Regem aut Fialarem præstigiæ suæ eripuerunt morti. Tres naves effugerunt: ea autem quæ Ingigerdem Ulfkelis uxorem vehebat, illi scopulo cum omnibus nautis ipsaque Ingigerde periit. Victor Halfdanus in castellum rediit, Skulius autem nusquam comparebat. Post triduum convocatis qui castellum tenebant, in publico confesso Ingigerdis se suæque ei dedit. Ille autem postulavit, ut ea, quæ matri in aurem insusurrasset, cum emissam à Skulio pilam sustulisset, ediceret. Cubile vitrici ne ea nocte clauderetur, provideret, petiisse referebat, nec absque causa, repetendam enim vindictam fuisse de patris interfessore. His dictis supervenit Skulius, lorica cassideque tectus; quæ deposita, rem omnem se arbitrio ejus commissurum, elocaturumque alumnæ spondebat, si societatis fœdus secum ferire vellet; quod si abnueret, se sibi ipsi provisorum. Halfdanus ingentes quidem intervenisse offensas, pari tamen beneficio compensatas; occidisse illum patrem suum; ad ultionem domini exequendam iusto dolore stimulatam; eundem etiam se præsentissimo mortis periculo, tum, cum nulla superesset via expeditundæ salutis, eripuisset. Skulius illud novo jam beneficio repensum respondit. Mutuæ humanitatis certamen, quotquot aderant, admirati, fœdera eorum & societatem magno assensu probabant; atque ita mutua amicitia inter infensos hostes repente coaluit. Ingigerdis uxor Halfdano data, prædaque omnis ex æquo inter eos divisa est. Hriflingus, (qui tanta erat egestate, ut in proverbium deinde abierit *Hriflingi Sustentatio*, quaderetque in eos, qui anxio labore sudoreque multo vitam tolerant, auxilio externo destituti) jam accersitus abundeque locupletatus, prædonum hæres ex asse constitutus est. Onera duodecim navium prædæ cessisse perhibentur. Inexpugnabile castellum illud, quod Skulius exstruxit, memoratur. Ibi nuptiæ Halfdani cum Ingigerde magnâ cum pompâ celebratæ, convivarumque singuli haut indonati dimissi; unde liberalitatis Halfdani fama latè precrebuit.

CAP. VI.

DE HALFDANO IN BIARMIAM BELLUM
TRANSFERENTE, EJUS DEDITIONE, HALFDANIQUE
IN RECUSANDIS DEVICTIS REGNIS OMNI SEculo
INAUDITA MODERATIONE.

In-



Indicta deinde in Biarmiam intra proximum
 mensem expeditio, evocatiqve ad arma, qui idonei
 visi sunt; vacantis qvippe Biarmiae, occiso Rege,
 possessionem victores sibi vendicabant, quam Grun-
 dio, relicto Regis filio, fortiore jure, belli nimirum
 iusti, abstulisse videbantur. Nec erat res difficilis,
 Grundio arma opponere non auso, Haldaniquve
 clementiam inimicitiis hostilitatiqve praeferebat; consilio, illo potissimum
 rerum statu, dubiis subditorum voluntatibus, viribusqve affectis, prae-
 stantissimò: in amicorum itaqve numerum receptus, fiducia fructum
 haut exilem sentiebat. Educatus erat apud Biarmarem, Comititis titulo
 clarum, filium Raknaris, sive Ragnaris, illius, quem portentosam navem
 aedificasse Antiquitas tradidit. Oddnyam praeterea Biarmiae Regis filiam
 Haldanus secum duxit, moderationisqve laudem captans benignè ha-
 buit. Inde Aldeiguburgum cum uxore Skulioqve cateroqve comitatu
 profectus est, postqve exiguum temporis intervallum publicum indixit
 conventum, ubi palam fecit: *Famam pridem publicè tulisse, omnibus etiam
 persuasisse, Ulfskolem Snillingum Ingigerdem Regis Hergeiris filiam uxorem sibi
 sociasse; iis autem mortuis, se jam veram & genuinam Regis Hergeiris filiam
 omnium oculis publice monstraturum; quo factò, conversus ad matrem Regi-
 nam Isgerdem, testimonium ejus requisivit, illamne Ulfskeli elocata, an
 hanc, quæ praesto esset, filiam agnosceret? Mater autem respondit:
 Koli illam filiam, servam servo natam, quæ Ulfskeli elocata est; hanc autem Re-
 gis Hergeiris suamqve genuinam filiam conjugem ejus factam, conjugioqve tan-
 to dignam testata; simulatas omnes aeternâ oblivione sopitas novâ hac assinitate,
 perpetuis amicitiiis mutuisqve officiis commutatas; id unum, quod restaret, re-
 quirere, ut regnum, quod pater ejus justo possessori ereptum inroaserat, ipsius
 uxori, ut unica heredi, eiqve, ut marito, restitueretur: itaqve se semetipsam cum
 summo ad imperium jure, provinciisqve subjectis, & quicquid deditionis no-
 mine contineretur, in ejus potestatem transferre; id tantum petere, ne non
 modo sua fides in Regem Regiamqve donum Skulio fraudi non esset, sed etiam
 ejus fructum uberrimum sentire faciat. Exinde Skulius orsus à principio,
 ut Kolum in suum locum substituerit, cum ad Alaburgum cum Haldano
 pugnandum esset, utqve Ingigerdis illius filia, Regia virgine imperan-
 te, ejus locum subferit. Reliqua deinde, quæ ad id tempus usqve ge-
 sta erant, ordine recensuit, stupentibus omnibus, vicissitudinemqve ad-
 mirantibus fortunæ, Haldanoqve novo Regi prolixis studiis gratulanti-
 bus; ipse assurgens Reginae Skulioqve, atqve adeo omnibus regni ordi-
 nibus, pro tam honorifico de se judicio longo verborum apparatu prolixè
 gratiis actis: *Quandoquidem, inquit, res eò redacta est, ut regiones tot re-
 gnaqve imperium meum agnoscant, de iis pro arbitrio meo, id quod æquissi-
 mum videtur, hoc modo statuo: Comiti Skulio Reginam Isgerdem socrum meam
 lectissimam matrimonio jungo, partemqve Gardarikie, quam hucusque te-
 nuit, dotem dico. Biarmiam, unâ cum Oddnya Hareki Regis filia, in pote-
 statem meam redactâ, Sigundo socris meæ fratri fide administrationis,
 dum abessem, premium addico, modò neutri eorum molestum sit (id autem
 utrique placuit.) Ego verò patriò regnò in Norvegia sito contentus ero, certus,
 ejus, quod jure mihi debetur, usum diuturnum futurum. Finibus Kyrialinis
 Skulius Svidium, cognomine Acrem, praefecit, procul dubio eum, qui Bo-
 fii filius, Vilmundiqve pater, in aliis historiis celebratur. Vere autem**

cum Solis æstus, hybernâ glacie liqvefactâ, navibus maria pervia reddidisset, Halfdanus cum Sigundo Biarmiam classem petit; ibique eum, quem antea Regem pronuntiavit, etiam constituit; qui tamen Halfdanum in Norvegiâ comitatus est. Magno subditorum gaudio Halfdanus in patriam redux exceptus est, patrique in Thrandiam, reliquaque ditioni suæ subiecta territoria, nemine repugnante, successit, ilicoque omnium sibi animos devinxit. Ex Ingigerde duos procreavit filios, Thororem nempe Hiortum, seu Cervum, & Eyfsteinum Glumram, diversum ab eo Eyfsteino, qui Rognvaldi Mæriæ Comitis pater, Hrolfque primi Ducis Normandiæ avus fuerat. Ex recensitis hætenus cum hic tradatur ab hoc Halfdano numerosa progenies in Orcadibus orta, & nosmetipsi Eyfsteinum Glumram Rognvaldi patrem, etiam Orcadensium Comitum progenitorem agnoscamus, patet, posteriorem Eyfsteinum hujus tum nomen, tum etiam cognomen referentem, ab illô ipso ortum traxisse; genealogiâ, quæ à Norvegiæ eponymo Nore per nimis curtam avorum catenam ducitur, id svadente, cum numerus iste majorum annis non mediâ sui parte respondeat.

CAP. VII.

DE VALO RAGNARIS FRATRE, SVIDII
INTERFECTORE, EJUS GESTIS ET EXITU, FRATRE-
QUE AGNARE ET EORUM PATRE.



Halfdanò Sigundoque in Thrandia remanentibus, piratæ, quorum dux erat Valus, Ragnar, cujus mentionem fecimus, frater, natus patre Agnare Gestriciæ, regnorumque omnium, quæ montem Kiolum ab ortu respiciunt, Rege; matre Hildigunna, Hareki Biarmiarum Regis sorore, qui mare Dumbicum classibus infestans prædis agendis incubuit, Svidium finibus Kyrialinis præfectum improvisum invasit, occiditque, ingentemque prædam abstulit; auri præterea argenti que valde potens, quorum copiam in monte Blesamergo, qui mare Dumbicum à Borea spectat, nactus fuerat. Hic idem Valus cognationis jure Biarmiam sibi vindicabat: ad eum igitur opprimendum Halfdanus cum Sigundo in Biarmiam profecti, cognoverunt, eum cum classe in tractu, quem sinus Gandvika ab austro respicit, excubare. Quò cum perventum esset, acriter inter se confligebant. Proreta Sigmundi duo memorantur, Gaukus nimirum & Haukus, qui extremas naves, easque minores, omnes vastaverunt. Agnar autem Ragnar's filius Halfdani navi suam junxit. Duo erant Valo filii, Kauttus & Kifius, cum quibus Oddus Skrauti⁹, Gaukus item & Haukus, congressi, eos in fugam compulerunt; utrumque Oddus ad litora usque persecutus est: tandemque in ostium fluvii, quod per prona montis in mare delabitur, cum pervenissent, præcipientes a persequentibus dati perierunt. Valus autem arreptis duabus arcibus aurò plenis, pondere tantò, ut duorum virorum robur utrisque portandis requireretur, filios secutus flumini se immerisit. Fabula inde orta est, in draconem conversum auro incubasse, quousque Thoror ille Aureus, Oddi Skrautii (profecto aliùs, quàm ejus, qui hic memoratur) filius, inter quadrantis occidentalis Islandiæ primos incolas vir celebris, superato ostio, aurò potitus est: inde rixæ cædesque ortæ, quæ omnia *Thorjefiordensis Historia*

Historia latè exsequitur. Agnar unicâ tantum nave evasit, inque Halogiam delatus, rapinis per totam vitam prædisque conquirendis operam dedit. Cum autem magnam auri copiam congefisset, exemplo patris sui, tumulto secum, & quidem vivo, inferri curavit, unâ cum nautis omnibus, qui etiam vivi ipsi contumulabantur. Pater enim ipse Ragnar, in ulteriore Hellulandiae ora navem illam ingentem, quæ vehi solebat, defodit, sequæ vivum cum octingentis sociis, auroque & rebus omnibus pretiosis imposuit, collemque supra excitari ab iis, quos isti ministerio delegit, curavit; spectrum ipsius post aliquot seculorum intervallum celeberrimo Regi Olaf Tryggvino festo Jolensi, cum omnibus qui præfati erant, se conspiciendum præbuisse fabulosè perhibetur; missusque ad tumultum illius in extrema Hellulandia aperiendum Gestus Islandus, gigantei roboris vir, fabulosi istius Bardi filius, quem nivei montis Deum, *Arngrimus Crymog: Lib. II:* appellat, ubi maris Dumbici situm explicat, Secundum hanc victoriam Halfdanus & Sigmundus Biarmiam repetebant, ibique relicto Sigmundo, Halfdanus in patriam rediit, ætatemque ad longam senectutem produxit; placide denique cum uxore mortuus est: Skulius autem Aldeiguburgo præfuit, suscepitque ex Isgerde filium Hröggvidum, patrem illius Ingigerdis, quæ nupsit Hrolfo Pedestri, diverso ab eo, qui Nordmanniam occupavit, quem ab hoc longa avorum serie descendisse, nomina eadem & cognomina suggerunt, licet id antiquitatis testimoniis destituti affirmare nequeamus.

SECTIO SECUNDA.

HISTORIA ASMUNDI, ARANI, EIGILIS UNIMANI ET ARINFIAE.

CAP. I.

DE ARANI CUM ASMUNDO SOCIETATE ET NAVIGATIONE IN TARTARIAM, USQUE AD ARANI OBITUM.



Odem, quo Halfdanus, seculo, à nato nimirum Salvatore, ut videtur, septimo, Asmundus Ottaris Halogiae Regis filius, natus ex Sigride Ottaris Jutiae Comitissæ filiâ, floruit. Qui dum apud matrem avum esset, forte inter venandum, cum leporem longius à suis provectus insectaretur, equò ad ultimam defatigationem compulsò, pedes cursu quàm velocissimo, canumque agmine fugientem usque adeò urgeret, ut præcepit è jugo in subiectum mare se projiceret, per univèrsam triduum, caligine locorum notas obfuscante, solus, silvis & solitudinibus pererratis, obvium habuit juvenem formæ decore cateroque habitu insignem, flavo capillo, veste pretiosa, fasciâ seu diademate aureo ornatum, qui Aranum se, Rodiani Tartarorum Regis filium, nominabat, retulitque ob defectum in patria virtute viribusque æqualium, voto se obligatum, ad parem sibi ante reditum comparandum; jam verò longâ peregrinatione expiscatum, cognovisse As-

mundum quendam juvenem, Halogiæ Regis filium, talem videri; ejus itaque cognoscendi gratia in Jutiam, ubi educaretur, profectum; eumne nosceret, quæsit? Asmundus se eum esse, quem jam coram conspiceret, alloquereturque; respondit; mirum ergo quantum gaudium juvenis advena exultavit, fortuito oblatum, quem tantâ sollicitudine exquisivisset. Ad certamen ergo artium singularum exercitiorumque invitatum, idemque ultro prurientem poscentemque, facile traxit: censorum judicio in omnibus & singulis ita pares judicati sunt, ut neuter alterum præstare videretur, absolutoque universum, quæ ad agilitatem spectant, experimentorum circulo, tandem inter se colluctantur, usque dum defessus uterque, neuter superior, quiescerent. Tum Aranus satis certatum pronuntiavit, armorum enim certamen, ut utrisque periculosum, omittendum; æqualitati tantæ ætatum, animorum, corporum, virium, artiumque, fortunarum etiam adjiciendum. Societate itaque bonorum omnium futuræque sortis initâ, ultio necis superstiti, sepulturaque mortui magnifica, decenti auri opumque cumulo, tumulo ingerendo, conjuncta; & additum, ut qui supervixerit, tres integras noctes intra tumuli penetralia mortuo cohabitaret, exinde liber officioque functus recederet. Juramentum in hæc mutui sanguinis commixtione utrinque præstitum. Invitabat deinde Aranus socium ad naves invifendas, quæ in re eo promptius ei morem gessit, quod procul à paterna domo abesset, cæteroquin forte non absque dedecore sine invitatione convivioque dimissurus. Ad naves cum ventum esset, dimidiam classem Asmundo ex fœdere regendam possidendamque dedit. Is autem in Halogiam paternamque domum eum invitabat. Maluit Aranus suam ut simul in patriam redirent, quo Halogiam deinde splendidiùs pompofiusque repeterent. Id quod Asmundus etiam probavit. Itaque in Tartariam classe vecti sunt. Statum deinde patris regni que cum exponi sibi postulasset Asmundus, fratrem alia quidem matre, Regis nempe Hunnorum filiam, sibi esse, nomine Herraudum, moribus viribusque pariter laudabilem, ad quem Hunniæ hæreditas pertineat. Regi autem fratres duos esse, eosque Berferkos, Hrærekum & Siggeirem, acceptos quidem Regi ob operas strenuè sibi regnoque quotannis navatas, prædasque congestas, sibi; traditas, vulgo autem invisos. Domum propius accedentes, vident in portu naves, numero sedecim; inter quas præcipuæ duæ, draconis forma insignes, natabant. Possidebant illas duo fratres, Bola-Biornus, seu Biornus Taurus, & Visinus, Gormi Comititis filii, è Blodkumannorum regione, (cujus situm penitus ignoro, nisi forte Bulgaria Russica, a nominis qualicumque similitudine, statuenda sit.) Hi absente Herrauda Tartariam invaserant, vastataque ditione Rodiani, ipsum cum exercitu sibi obvium ad interuccionem deleverunt. Hoc statu Aranus redux in patriam, omnes undique ad famam adventus sui confluentes traxit, donec justus exercitus contractus esset, quem unâ cum Asmundo adversus Berferkos eduxit. Dubia in multam diem pugna fuit, nec perspicere poterat, quò se victoria inclinaret. Tandem singulari certamini quam prælio conflictus similior erat; nam Biornus cum Arano congressus ferro inviolabilis erat, cumque singulos ictus refutasset, tandem rostro incudis capiti suo ab Arano summa vi impacto cessit, mortuusque concidit. Pari fortunæ successu res in acie illa parte, quam Asmundus direxit, gesta; Visinum enim in navem suam insilientem, duasque in se simul hastas jacentem, cum aliam umbone evitasset, aliam gravi vulnere brachio excepisset, occidit. Inde reliqua piratarum manus deditione recepta, verum contra pacta universa gladio deleta

deleta est. Arano deinde urbem ingredienti, omnis civium incolarumque ordo obviam processit, Regemque salutabat. Is fæderis cum Asmundo initi scopum civibus enodabat. Vix mensis elapsus est, cum aulam ingressus Aranus subitâ morte oppressus exspiraret. Magnificum itaque tumulum ei Asmundus erigi curavit, eoque unâ cum eqvo, ephippiis, frænis, vexilloque, cane & universâ armatura illatâ, ipse sibi sellam inibi statuit, trinoctium cum mortuo amico, uti convenerat, pernoctaturus; post ingressum tumulus clausus est. Primâ nocte Aranus eqvum occidisse, eviscerâsseque, mox dentibus corrosûm universum exedisse, ejusque sanguine ora faciemque conspersisse, Asmundumque ad dapem invitasse: Secundâ canem & accipitrem consimiliter laniasse visus est. Tertia in Asmundum insurgens utramque ei aurem abripuit; quo visû Asmundus gladio caput ei præcidit, instructoque intra collem foco cremavit, omni que opum intra tumulum congestorum vi collectâ, catenâque admotâ, ab iis, qui excubias supra tumulum egerunt, eductus est: deinde tumulus, ut nunquam deinceps aperiendus, occlusus. Eandem hanc relationem *Saxo in Frothone Tertio* pertexere videtur, Asmundumque proprio nomine, Aranum Asvitum appellat, parentum tamen utriusque ditionem Norvegiæ limitibus inclusam, forsitan etiam nostrâ rectius, aut quæsitâ majori verisimilitudine, memorat. Verum Frodii illius Primi, qui Tertius Saxoni est, ætatem minimè attingit; id quod in *Serie Regum Danie* monstratum est.

CAP. II.

DE GESTIS ASMUNDI IN TARTARIA.



Deinde Asmundus, convocatis ad frequentem conventum indigenis, ut pacta inter Aranum sequenda de successione in dimidiam regni partem suffragio tuo firmarent, postulavit. Variantibus sententiis, factione tamen eorum, qui ab Arano in ejus ditionem traditi sunt, partes ejus propugnante, derespente supervenerunt ambo Regis Rodiani fratres, Hærekus & Siggeir, vacantem hæreditatem, regnumque sanguinis jure sibi debitum, nî sponte traderetur, armis vindicaturi. Illos licet singuli & universi regionis illius cives averfarentur, tanto tamen illorum timore metuque tenebantur, ut nemo eis obstare auderet, aut ductum Asmundi, defensionem justam suscepturi, sequi. Itaque ad litus se cum suis recepit, Berferkisque fædera cum Arano inita exponit, mediamque regni partem partorum testamentique jure sibi asserit, reliquam partem iis regendam obtulit. Illi monuerunt, ut si vivus incolumisque inde recedere vellet, omni sâ stolidâ interpellatione, ad tutiora loca, dum liceret, re adhuc integra, se reciperet. Is injuriam sibi fieri interpretatus, ad duellum eos provocavit, de regni possessione victorem securâ certaturus. Quia conditione irritatimâ, suos ad pugnam vocant. Numero viribusque admodum impar, cum Asmundus esset, nec indigenæ suppetias pro arbitrio ferre auderent, à multitudine facile superatur, occisisque suorum omnibus, in manus hostium captivus devenit, vinctusque oneratus, hostium suffragio ad furcam damnatur, posterioris diei mane supplicio supra collem Arano excitatum afficiendus, Odinoque, qui etiam in istis locis cultus est, pro victoria immolandus, eo quod dies ad exitum perductus in noctem inclinaret, nefaria

riæ autem cædes, quæ noctu irrogarentur, habitæ essent. Dum ita manibus ad tergum religatis trochleæ affixus relinquitur, omnibus ad tentoria, in continenti structa, dilapsis, somnumque capientibus, prospicit acuminatum ferrum è troclea protensum, quo funem manibus injectum facile secavit; & sic manibus extricatis, pedum etiam compedes facile rupit. Et jam liber ad tentoria hostium speculanda furtim progressus, discreta cognovit, intervalloque haut modico distincta. Ambo fratres cum paucis comitibus in minore dormiebant, quos, ruptis subito vinculis, cum semisomnes irruentis in se impetus excitasset, inscios unde subita vis ingrueret, majorique metu, quam periculo perculsos, dum exitum, implicatis tabernaculo pedibus, molitur, assiduus sine intermissione ictibus affligit; In primis Hrærekus hoc tumultu oppressus interit, Siggeir autem dum trepida fuga ad proximum nemus confugit, offenso gradu præceps in terram ruit, mox ab Asmundus, sectis spinæ vertebrae, interimitur. Decem etiam alii ex Berferkis desiderati. Fortunæ hic plurimum debuit Asmundus, prudentiæ nihil, audaciæ etiam multum; acuminatum ferrum, cujus auxilio vincula evaserat, fortuna monstravit: solitam navem, ad anchoras ligatam, cum anchorale secuisset, ventus in litus propulit: audacia, nec illa quidem temeraria, ad opprimendos securos dormientesque, forte etiam ebrios, animavit, victoriamque fortunæ auxilio ministravit. Biduo elapso, Herraudus Rodiani Regis filius cum viginti navium classe supervenit, comitisque indictis regnum sibi hæreditarium debitumque communi populi suffragio reddi postulavit. In ejus itaque verba omnes & singuli haut inviti jurantes, Regem eum proclamaverunt. Quotquot autem Berferkis comitati erant, regno exacti sunt, bonaque eorum in fiscum redacta. His cognitis, Asmundus ad Regem se contulit, honorificèque salutavit. Omnia quæ ante, tam inter ipsum & Aranum, quam Berferkos, gesta essent, probè cognovit Herraudus; audit itaque ejus nomine, quæsit, an is esset, qui Berferkos patruos suos occidisset? quo confitente; cur, inquit, ad me, cedis eorum vindicem, potissimum accessisti? Quia, respondit Asmundus, hoc præsertim statu consilium aliud præsentius non vidi, cum è regno tuo potestateque effugium non pateat; te itaque sponte irvisendum duxi, quo fortunam, quam feceris mihi, cognoscam, si penitendam, ferro quantum licet propulsaturus, sin meliorem, neutiquam repulsurus, neque enim cede Berferkorum, quantumvis patruorum, male tibi consuluisse videor. Idem sibi videri Herraudus respondit; nota sibi pacta inter Aranum & eum inita; fratris itaque fratrem sibi etiam fratrem futurum. Fæderibus deinde mutuis conciliati, officiorum certamine se invicem colentes convixerunt. Tandem Asmundus naves ad piraticam sufficienter instructas tradi sibi postulavit; quas velit deligere Herraudus, lectissimumque militem quemlibet imponere, jussit, semper initum semel amicitiae fœdus, utrique sanctum & religiosum futurum. Eâ erat moderatione Asmundus, ut unam tantum triginta militibus instructam deposceret. Unde patet, angustiis limitibus Regis hujus ditionem inclusam. Ab occisis Berferkis, Regis Rodiani fratribus, Berferkorum Interfectores, seu Pugilicida, Asmundus postea dictus est. In Russiam inde delatus cum Eigile unimano fortiter congressus est.

CAP. III.

DE CONFLICTU ASMUNDI CUM EIGILLE UNIMANO, SECUTOQVE INTER EOS FÆDERE SOCIALI, RECEPTOQVE AB UTROQVE ONERE RAPTAS REGIS RUSSIÆ FILIAS INQVIRENDI.



Uit Eigill Hringi Smalandiæ Regis ex uxore Ingiborge, Biarkmaris Gothiæ Comitis filia, filius, juvenis valde Strenuus, pugilqve eximius, qui custodem limitaneum Russiæ, nomine Rognvaldum, quinque navibus instructum, unicâ tantum manu, triginta militibus fuccinctus, devicit, & duo de viginti superstitibus in fugam egit, adeo saucium, ut post nunciatam Regi cladem exanimis concideret. Ad quem vindicandum Asmundus à Rege Russiæ Hertryggo missus, ut Eigilem vidit, arma cum illo se permutaturum, gladios securibus, præfatus est. Id vero Eigill haut alienum respondit videri, quæsitvique, an navi mercibus onustâ uteretur? Vacuam Asmundus affirmavit, replendam tamen præda, quam ejus navigium veheret, simulqve interrogavit; quam satisfactionem Regi ob cædem custodis limitum offerret? Is negavit, *oves & pecudes, pellende fami mactatas, pretio redimere sibi moris esse.* Se itaque cum eo dimicaturum, iussaqve Regis de capite ejus sibi deferendo executurum cum Asmundus minatus esset, mortem ejus Regem sitire respondit, *præsentius consilium videre, ut inito mutue amicitie fædere, fratrum se loco mutuo colant, Regemqve oppugnent occidantqve, filiasqve ejus, in suam potestatem redactas, uxores ducant.* Asmundus utramqve raptam respondit, nec earum copiam amplius suppetere. Eigill militum suorum periculo haut dimicandum, cum rectius duello possent, monebat; nec conditionem Asmundus abnuebat. Egressi itaque navibus, singulare certamen inibant, diesqve hoc modo transactus, paribus utrinque viribus agilitateqve: per vesperam cessatum, simul deinde comestatum est. Mane sequentis diei in prælium reditum; & jam trium clypeorum jactura facta erat, cum ad horam diei duodecimam Eigill Asmundum monuit ut cessaret. Asmundus mandato Regio nondum satisfactum causatus, insuper quot annos natus esset, percontatus, ubi duo de viginti cognovit: itaque, ait, armis te defende, modo vitam diuturniorem expetis. Paruit Eigill, tantoqve impetu in Asmundum inVectus est, ut cavendis tantum ictibus distineretur, nec tamen vulnera evasit, unoqve cum saucius esset Eigill, post sesquihoram convenientius prælio utrumqve destitutum monuit. Metu perculsum cum Asmundus exprobrasset, Eigill, ut sibi caveret, hortatus est, acriusqve quam antea impetebat, tribusqve vulneribus sauciavit. Videns autem Asmundus imminens sibi à vehementi pugile periculum, projecto gladio in eum irruit. Unimanus fertur Eigill fuisse, aliam enim gigas quidam præcidisse traditur, nanusqve non vulnus modo sanasse, sed etiam ferream manum cubitui lāminæ beneficio junctam fabricasse, quæ præstantissimum gladium affixum teneret, quem perinde ac si integer esset, rotare consueverit; quod licet fabulam sapiat, manum tamen impeditam habuisse arguit. Simile exemplum Rodericus O Flaberty Ogygia Part III. Cap. X. pag. 174. ad annum mundi 2737. producit de Dannanarum duce Nuado, Argentimano dicto, qui Belgarum in Hibernia dynastiam

delevit. In eo enim prælio; inquit, amputatæ manûs usum perdidit, pro qua argentea manus artificiosè accommodabatur, unde & Argentimanus dictus. *Crædus aurifex manum fabricavit, & Miachus filius Dun Kæti medicus corpori adjunxit.* Et recentior historia de Francisco de la Nove, seu Lanovio Bras de fer; quod sinistrum Brachium fortiter pugnando cum amisisset, postmodum ferreo usus fuerit, qui Reformatorum in Gallia dux, Henrico IV gratissimus, obiit in oblidione Lambalii Anno MD XCI. Vide *Hoffmanni Lexicon in isto nomine.* Eigilem itaque invadens Asmundus, tandem, quod manu alterâ destitutus esset, humi stravit, dejectoque significavit, *nolle se dentibus jugulum ejus aperire, cum gladio destitueretur;* id tamen ei tutissimum futurum Eigill monuit. Asmundus nihilominus periclitatus ad gladium resumendum abscessit, impetuque facto, velut icturus vibravit. Interim Eigill interritus nusquam se dimoverat, sed tanquam obstinatus ad moriendum humi jacuit. Miratus virtutem Asmundus, incomparabilem pronuncians, ultrò conditionem fraternæ societatis prius sibi oblatam detulit. Minori alacritate, quàm ei prius obtulerat, se jam accepturum respondit, utpote beneficio indultæ sibi vitalis auræ ipsi jam obstrictum. Asmundus se occisurum negabat, velle modò ut secum Regem adeat. Annitentibus deinde utriusque partis militibus, prælium amicitia societateque mutatum est. Itum deinde ad Regem, Eigillque, procurante Asmundo, in societatem limitum custodiæ receptus. Duæ erant Regi filiæ, Hildis utraque dicta, nomina autem studiorum diversitate distinguebantur; armis alia bellisque dedita, à lorica, quæ Brynnia (nescio an Russicâ lingvâ) dicitur, Brynhildis, alia à scamno, cui muliebribus artibus vacans insidebat, quod nostro idiomate *Bætt* vocatur, Beckhildis appellabatur. Idem in Brynhilde Budlina, Ragnaris Lodbrokis socru ejusque sorore observatum, posteriore forte tempore, legimus. Harum utraque cum rapta esset, nec constaret à quibus, Rex singulas elocaturum, si vivas reducerent, dotemque trientem regni futurum, sin mortuas, Comitatum intra regnum nobilissimum, splendidæque virginis alicujus matrimonium, publicè in foro pollicebatur.

CAP. IV.

DE PROFECTIONE IN JOTUNHEIMOS,
AUXILIOQUE ARINNEFIÆ IN INQUIRENDIS CON-
SEQVENDISQUE REGIS FILIABUS, ET CONSEQUENTER SIN-
GULARUM NUPTIIS ET DITIONIBUS.



Æc promissa cum festo Jolenfi durante facta essent, uterque tamen sociorum in proximum ver professionem ad eas inquirendas distulerunt. Tum demum unicâ nave, cum delectis viginti quatuor navitis, continentem juxta ac insulas ubique scrutati, sub hyemem tandem in Jotunheimos deveniunt. Ibi navitis in portu relictis, adque primum ver se expectare alimendorum per complures dies famem perpeffi sunt, mensibusque aliquot in solitudine exactis, avium ferarumque carnibus, ubi eorum copia esset, sustentabantur. Tandem in vallem quandam, quam prælabens fluvius rigabat, delati sunt. Supra saltus in summo montis jugo enatus con-
stitit,

stitit, ripæ verò amnis depressiores viridi gramine vestiebantur. Per saltus grex caprarum lætis pascuis luxuriabat, unicum inde caprum valde pingvem cum essent mactaturi, vocem supra se extensorem audiebant, quæ gregem clamore conciebat, quo commotus caper, ilicò e manibus eorum elapsus est; vident deinde monstrosam virginem, clara voce exquirentem, *qui tantâ audaciâ, ut Reginæ caprum furari non vereatur?* Cui Asmundus; *quænam tu, ô formosissima?* Illa se Skinnefiam, Reginæ Jotunheimorum Arinnesiæ filiâ, professâ, quæ non procul inde habitet: honestius eos cibum ejus liberalitate impetraturos, quàm furtò, respondit. Consensit Asmundus, annuloq; aureo donavit, ipsâ negante munus hoc sibi tutû acceptu, suspicante matre præmium esse concubitus. Asmundus munera retractare sibi invetum, lubentiam tamen si quàm sibi à matre impetraret, haut recusaturum. His dictis ad matrem rediit, peregriniquæ hominis, cibi hospitiiq; indigentis, munus ostendit; illa quòd non invitaverit, increpans, reduci eum unâ cum socio jussit. Invitati comiter excepti sunt. Agrum Regina triticeum possedisse memoratur, quod haut scio an tractui secundum mentem *Rudbeckii*, qui ad gradum latitudinis 70. situm ejus extendit, tribui possit. Capras illic lactis tantam copiam fundere, quantam alibi vaccas, author tradit, quarum quinquaginta Regina hæc habuisse fertur. Ad prandium admissi carnibus ferinis aviumque prima dape vesciebantur. Dum autem filia pulstem coqueret, requisitura quanam essent, utrumque vitam gestaque sua exponere jussit, ipsâ pari modo sua, sed postrema, expositura; nihil autem in iis continetur notatu dignum. Constant enim vel præstigiarium certamine inter illam Eigilisque matrem, vel etiam fabulis, quarum sensus abstrusior, variasque explicationes recipiens, hic nullum locum habet. Illud forte opinioni istî, quæ Svecia Acherontis aut Elisiorum camporum nominibus intellecta creditur, favet, quod Arinnesia se in subterraneum mundum ad Sveciæ Regem profectam memorat. Amputatam Eigili in lucta cum fratre Arinnesiæ manum, ipsâ statim arripuisse, herbisque medicinalibus fotam à putredine incorruptam tanto tempore conservasse memoratur, tandem etiam Brachio integram junxisse, tanquam nunquam resecta fuerit. Fabulam de Nuadi argentea manu fabularum albo velut expuncturus *O Flaberty* loco citato hæc addit: *Non ita pridem in Italia Hieronymus Copivagus, vir inaudita medendi ratione, præcelluit, qui labra, nares, aures hominibus, quibus deessent, adeo affabre reponebat, ut prope miraculum ars esset:* citatque in margine *historiam Pflaumerii in Bononia pag. 84.* Hic cognitum est, hujus gigantæ Reginæ fratres Hilderem & Gautium, filias Regis rapuisse, nuptias cum iis celebraturos propediem, incidisseq; inter eos de primatu controversiam, mutuòq; consensu ei deferri placuisse, qui uxorem potiolem nactus fuerit, cujus opus propriis manibus elaboratû, publico judicio nobilius censeretur. Singulis itaque fororibus injunctum, ut artis suæ peritiam ostentarent, publico judicio postea subjiciendam: inde nuptiæ in proximum festum Jolense destinatæ. Munere itaque fratrem sibi placandum Arinnesia statuit, asciscendumque in consilium judicem supremum, nomine Skröggum, magicæ artis peritum virum, ipsos etiam ad pocillatorum munus, in isto convivio obeundum, sibi commendandos, filiosque Regis Dumbici agri, oceano Dumbico adjacentis, singendos. His artibus Arinnesia, annitente judice Skröggo, fratres somno sepultos per Asmundum & Eigilem, jam genialem thorum confensuros, occidi curavit, sponasque captivitate eximi; præmium, erat successio in regnumopesq; cæteras. Asmundus autem & Eigill, postquam filias

has Regis domum deduxerunt, consensu patris publicoque ordinum regni, uxores sibi impetrarunt, adque nuptias Asmundus socium Herraudum Tartariæ Regem; Eigill parentes suos, ipsam etiam Arinnesium cum filia, adhibuerunt. Dona ei data, ducentæ succidiæ salitæ, butyrique quantum levare poterat; tale munus illis in locis longè acceptissimum auroque gratius traditur. Butyrum verò succidiæque in Jotunheimis cur tanti æstimentur, non assequor, si tritici ibi lactisque magna copia. Herraudus Tartariæ Regulus Asam Eigilis sororem uxorem duxisse perhibetur, Eigill autem socero in regno Russiæ successisse, Gothiâ sibi hæreditariâ Asmundo à morte patris sui relicta, qui insuper Halogiam tenuit, ibique confedit. Filius ei ex Brynhilde Armodus, qui Oddnyam Haconis Hamundi, Regis cujusdam in Dania, filiam uxorem duxit. Armodum postea Starchadus, dum balneo indulgeret, occidit, id quod flagitiorum ejus novissimum fuit, qui cum ultimis Sigurdi Hringi temporibus vixerit, post annum à nato Christo DCCXL. Armodi hujus, & consequenter Asmundi, ætatem illustrat. Fuerunt quidem plures Starkadi, hic tamen omnium novissimus, & idem qui bello Bravikenfi interfuit.

CAP. V.

DE SECUNDIS ASMUNDI NUPTIIS, ET
EXSTRUCTA AB EO PRODIGIOSE MOLIS NAVE,
EJUS EXITU, COMITEQUE ILLIUS ILLUGIO GRIDURIS ALUMNO.



Asmundus à morte uxoris, Scotiæ Regis (vel potius Reguli) cujusdam, Soldani nomine, Scotis ipsis ignoti, filiam uxorem duxit. Convenit autem, ut unica tantum nave, quo insidiis pronior esset ad nuptias celebrandas, in Scotiam rediret; navem itaque Gnodem dictam, tantæ magnitudinis, ut cis mare Græcum pari mole nunquam ad id usque tempus structa alia memoretur, fabricandam curavit, quâ longo tempore usus est, nomen inde Gnodenſis assumpsit, quæ tamen, cum comitatu ultra tria millia vectus, ad insulam Hleseyam naufragium postea passus, cum omnibus & singulis submersus est. Illum, cum in mare se projiceret, ab Odino gladio perfoſsum antiquitas fabulata est; navem enim cum onere univerſo merſam, nec particulas ejus ullas, aut rerum, quas vehebat, quicquam deinceps ad litora ejectum testatur, sibi ipsi adversa, dum genus mortis ejus narrat, neminem tamen, qui id testari potuerit, evaſiſſe. Asmundi comes memoratur insignis metusque omnis expertus athleta, Illugius Griduris Alumnus dictus, natione Danus, Svidii Sokndiarfi, seu Strenui (tres eodem nomine cognomineque claros invenio) filius, qui uxorem duxit Hillem, Eirici cujusdam in Norvegia Regis filiam, ex uxore Signya, Alii Alfheimorum, seu tractus Bahufenſis, Regis, & Alfrunæ legitimæ conjugis. Signyam viduam Sigurdus, partis cujusdam Daniæ Rex, uxorem duxit. Ejus pater Hringus Skioldi filius, Dagi nepos, Rex etiam ipſe Regibus, sed non totius Daniæ, ſatus fuiſſe perhibetur, cumque Hermannò quodam bellum geſſiſſe, vocaturque hujus ipſius Hringi vita, ut ſatis decantata, literisque prodita, in teſtimonium, quam tamen interiſſe ſuſpicor. Hæc ideo, licet exigui momenti, duxi prodenda, ut conſtaret, remotas etiam pro-

provincias, utpote Ostro-Gothiam Halogiæ adjectam, unius ejusdemque Principis dominio paruisse, simul ut fœdera amicitias & affinitates remotiorum gentium, Russorum Tartarorumque cum Danis, Svecis, & Norvegis indicarem. Fuit quidam Rex, nomine Ragnar, Agnaris Gestriciæ & omnium regnorum orientali montis Kioli seu Carinæ lateri adjacentium (licet illum inter genuinos Sveciæ Reges nusquam inveniam, Gestriciæ fortè & iis quæ inde in Septentrionem patent) Regis filius, qui haut minorem, si non majorem, navem, quam Asmundus, ædificavit, centum loculis distinctam, remiges triginta singulos occuparunt; illa Ragnarslodius vocata est. Verum quo tempore is vixerit, parum certè definire possum, nisi in quantum vita Eysteiniini monstrat, quæ tamen generationes atavorum ab Odino usque repetens omnes confundit, ætatemque Haraldi Pulchricomi paucis tantum gradibus ab Odino removet.

Admonitio ad Lectorem.

Quod hic de Tartarorum Regibus regnoque, & navali ex Halogia tejectu traditur, leviter insipienti mira videbitur fabula. Verum suspicor Tartarorum nomen latius se illo tempore & in aliquam Moscoviæ partem effudisse, nec per fretum Nassovicum transitum necessarium, sed ad maritimas aliquas Maris Albi oras extensum fuisse. Id ut statuam, facem mihi præferi Haconis Senioris Norvegiæ Regis vita, indubie veritatis, à Sturla Thordi filio, Islandiæ Legifero, anno MCCLXIV, imperante Magno ipsius Haconis filio, conscripta, ubi Cap. Ult. inter præclara ejus opera & ædificia numeratur Ecclesiæ in Insula Trumbia edificata in usum Biarmorum à Tartaris expulso, quos Christianis sacris imbuendos curaverit, eorumque habitationi sinum Malangrum ad dixerit. Biarmie situm non in Fimmarmarkia, sed trans mare Album Lib. III. de Originibus Norvegiæ Cap. XXVI. monstravimus, quo Tariari, nisi maxima Moscoviæ parte peragrata, pervenire non poterant, si non vicinas eis sedes incoluissent.

SECTIO TERTIA.

HISTORIA KETILLIS HÆNGI

CAP. I.

FAMILIÆ HRAFNISTINÆ ORIGO EXPOSITUR, ET QUÆ KETILL HÆNGUS JUVENIS GESSIT, EJUSQUE ROBORIS VARIA EXPERIMENTA; DRACONIS LATRONUMQUE DUORUM CÆDES.



Halogiæ Regi Asmundo Naumudali Reges, tum vicinitate provinciarum, tum etiam ratione temporum jure connectuntur (illis enim, qui iis antiquiores ab Odino vel Niordo Sveciæ dynasta prognati, inter majores Haraldi Pulchricomi conspicui, in aliis provinciis regnarunt, peculiarem librum destinavi) Cum autem istis Regibus res fuerit cum iis, quorum majores fortibus factis inclauverunt, magnamque & memorabilem progeniem

niem reliquerunt, eamque in extremam Islandiam postremò transmiserunt, quæ Hrafnistina appellatur, ejus satores præmittere visum est. Primus ejus conditor Ulfus nominatur, cognomento Oargus, sive Generosus, natus, ut videtur, seculo septimo. Incoluit is insulam Hrafnistam propter Naumudalum Thrandiæ vicinam provinciam sitam, vir locuples, colonorumque præfectus. Ejus filius fuit Hallbiornus, a stupendo robore *halsfressi* sive Semigigas dictus, patrii prædii cultor, opumque & dignitatis hæres; hic filium habuit Ketillem, ibidem etiam natum. Hic cum adolevit, corporis quidem ingentia, animi nulla incrementa declaravit; culinæ siquidem focique assiduus cultor, honesta consortia, juvenibusque digna exercitia fastidivit, otio desidiamque totum se dedit; monitus à patre, ut abjectum illud se familiamque indignum vitæ genus honestiore mutaret, primò quidem obmutuit, paucis vero post diebus, nemine sciente, abivit; selam affabrè factam humeris gestans, rediens matri donavit. In sano congerendo, domumque deducendo, primum roboris specimen edidit; tantum enim, patre opem suam poscente, duobus eqvis unaque fæmina adjutus, domum convexit, quantum octo viri fœnilibus inferre vix sustinerent, eqvis nimio labore ad mortem adactis. Videns autem pater stultitiæ simulatione animum gloriæ cupidine ardentem tegi, & ipse arte haut dissimili incitandum duxit. Qvestus igitur filio, se jam senio affectum, rebus domesticis obeundis minus idoneum, curam illam rectius in eum conjecturum. Abnuenti securim dedit, monuitque ut sedulò caveret, ne per vespas in insulam exspatiaretur, borealem præsertim ejus partem. Fuit accolarum quidam, nomine Biornus, piscator assiduus; is sapius Ketillem absentem falsè deriserat, amentiam & fatuitatem variis cavillis excipere solitus. Ad eum igitur piscatoriâ scaphâ solus remigavit, qui ut in conspectum venit, risum Biorno præbuit, præsertim cum piscium copiam cum sociis ad captum usque navis nactus esset, dum infelix Ketill præter unum asellum longum nihil hamo extraxisset. Tandem domum rediturus, ut piscationem magis risum subsannatori tuo movisse agnovit. *En, inquit, universum laboris mei præmium uni vestrum, qui apprehendere poterit, donum transmittito*; tantaque vi asellum in Biornum conjecit, ut temporibus ruptis è navi mortuus excideret. Quod ut pater cognovit, ne eum quidem, utpote longâ injuriâ provocatum, nec minore patientiâ dissimulantem, increpare sustinuit. Vespere quodam post diei occasum fortè periculum, quod pater cavendum præmonuerat, exploraturus, in borealem insulæ partem exspatiatus, mox à volante dracone impetitus est: nidus illi in rupibus boream versus erat, cauda longa, corpus in gyros flexum, oculi in modum ardentis rogi scintillabant, erantque totus formidabilis. Diu Ketill securi impetenti objectâ cum se defendisset, tandem in gyrum sese convertentem dissecuit. Reversus domum interroganti patri, *an novi aliquid ei obrepisset? haut novum, respondit, licet pisces nati; unum tamen eorum securi in duas partes divisi*. Tum pater; cum hæc inter minuta reputes, ea quæ verè minuta sunt; facile contemnes memoriam tamen facti in posterum Hengi cognomine celebrabis (id quod piscem denotat.) (De draconibus si inspiciantur Relationes curiosæ Hamburgi editæ, folio 43. 179. 182. hæc minimè absurda videbuntur) Nec minus Ketill focum, etiam post tantas res gestas, amabat, pater autem assidue piscabatur, cui se comitem filius obtulit. Is autem indecoram pigritiam perstringens respondit, tutius eum foco assellurum, quam in pericula maris se conjecturum. Cumque ad mare quodam tempore Hallbiornus piscandi gratia

gratia processisset, prævenit eum filius in litore adventum ejus expectans; jussit ergo, ut cymbam in mare protruderet; ipse ad proram pertiit, dumque filius trudere niteretur, nusquam dimovit. Verbis igitur increpans pater, degenerem eum pronunciabat, viribus destitutum, se namque juvenilibus annis cymbam pro arbitrio solum & sine adminiculo propellere solitum. Commotus itaque filius, unò impetu eam in mare egit, patre pronò in litus decedente; qui incredibile robur admiratus; *costas mihi, inquit, perfractus videris: obnixus sum quantum potui, experturus quanto robore polleres, jam verò te filium prognerasse gaudio.* Deinde piscatum profecti sunt; pater casæ custodiendæ curam, filius acqvirendarum rerum suscepit. Duos interim fratres Hrafnum & Hængum se spoliatus repulit, altero occisò, qui etiam Hængus vocabatur; quod cum patri retulisset, appositè ipsum Hængum vocari respondit, quòd piscibus capiendis oblectaretur. Interim annonæ magna caritas Halogiam afflixit. Sustentantur autem incolæ piscibus potissimum; iis ergo è longinquo conqvirendis operam suam patri obtulit. Pater etiam se ei comitem; quod cum Ketill abnuisset, tres sinus pater eum evitare jussit; quorum primo nomen erat Vidfiordus, secundo Midfiordus, tertio Vitalkrapius. *Ibi, inquit, casæ prædatoria, cum novissimè discederem, viatores terruerunt, fumo flammæque exitialia hospitia prodente.* Hæc pater filio, conscia virtutis specimina periculorum objectu edere gestienti, magis suggessit, quàm cavere præcepit, nec filius aliter interpretatus patris præcepta videtur; ambabus enim ulnis oblatam laudum famæque extendendæ materiam arripuit. Primâ namque ætate sinum Vidfiordum scrutaturus, in intimo ejus recessu tugurium deprehendit, profundis fossis subtus distinctum. Congesta illic erant diversi generis spolia cetorum, urforum, vitulorum marinorum, phocarumque, terrestrium etiam animalium carnes ossaque; in fundo autem corpora humana sale condita abscondebantur. Omnia Ketill eruit. Sub vesperam strepitus remorum adventantem loci dominum indicavit; torva illi facies, nigerque color, id quod ejus nomen velut inde mutuatum expressisse videbatur, Surtus enim, sive Niger, vocabatur. Ut primum scapha in litore stetit, non pro more aliorum agendo eam in stationem duxit, sed manibus levatam portavit. Ut vero effractam domum, effossos thesauros, egestam annonam, corruptamque animadvertit, secum ipse mussitabat: *Mirum cum Hallbiornus amicus vetus domi remaneat, ausum Ketillum Hængum inspidum carbonum belluonem me meaque domicilia infestare, cibaria corrumpere, & dulcissima fercula, humana nimirum corpora, mihi, imò omnium usui subducere, suo quidem damno vindictam sibi acceleraturum.* His dictis, furore percitus ad casam tendit. Ketill prius ingressus pone januam stetit. Humiles erant fores, flexumque ingredientium revirebant; itaque incurvanti se Surto ingestum caput protinus securi amputat, quod limen à corpore distinctum segregavit. Onustum deinde lembum sub autumnum domum deduxit. Appentente vere Vitalkrapium explorandi libido animum subibat. Diffvasit illud Hallbiornus, integrum plaustrum domum reducere (proverbium erat, pro salvis rebus desistere) consultissimum præfatus. Verum cum filius propositi tenax nequaquam se inde dimoveri passus esset, nihil ultra obnixus; *perspicuum est, inquit, te focos meos invisere velle.* Eò igitur progressus, tantam copiam piscium deprehendit, ut tanquam cicures manibus apprehendi possent; primo igitur die, magnò acervò collectò, dormitum ibat; qui, cum postero die ablatus esset, nocte infecutâ excubias egit. Visum deinde gigantem stationem

tionem ingressum, pisces in sarcinam collectos humeris bajulantem, securi humerotenus feriebat. Ictus erat ingens, motusque gigantis violentior immersam altius securim manibus ejus eripuit; qui omiſſâ sarcinâ effulſe in recessum sinûs, ubi antrum ejus, fugiebat; quem Ketill perſecutus, duos ejusdem generis (*Troll* patriâ linquâ vocantur) ad focum assidentes cachinnantes conſpexit. Hi Kaldranio, id ſaucio giganti nomen erat, acceptum vulnus cum exprobrarent, medicamentis quàm cavillis magis se indigere reſpondit. Interim ſuperveniens Ketill medicum se vulneribus alligandis peritiſſimum proſitetur, hortatus ut pharmaca promerent. Interim reliqui duo in interiora antri ſeceſſerunt. Ille gigantem ad necem usque vulnerabat, recedensque ad caſam tam diu morabatur, donec onerato lembo domum rediret, nec ſciſcitanti patri, quid deinde geſtum eſſet, expoſuit.

CAP. II.

DE PERICULOSA KETILLISPISCATIONE,
HOSPITIO APUD BRUNIUM, CONVICTU CUM FILIA
EJUS, CERTAMINE PRÆSTIGIOSO CUM GUSIO FINNORUM
REGE, EJUS CÆDE, PRÆDA, SUCCESSIONE FRATRIS
BRUNII, FILIO EX EJUS FILIA SUSCEPTO.



Ræcipite autumno prope initium hyemis, quam mensis october, antiquitus Gormannubr dictus, aperit, invito disſvadenteque patre, accingebat se ad piſcandum Ketill, alieno prorsus anni tempore, cæli ſalique violentiâ periculoso, eo præſertim mari, quod audaciſſimum quemque terrere ſolebat, patrisque ejus, viri aliâs intrepidi, audaciam prius retulerat; ſtatim enim expertus eſt, haut impunè paterna præcepta violari; nam ſubito exorta tempeſtas, ad æquilonares ſinus deveſtum in apertum mare compulſit, nec Hrafnſiſtæ ulterior repetendæ copia ſuppetebat. Ad boreales Finnmarkiæ rupes abreptus, lembum inter diremptarum rupium intervalla litori admovit: ibi anchorâ jactâ, quietem capienti concuſſa undique navicula ſomnum diſcuſſit, ſœminâ giganteâ proram violentius quaſſante, ruidenti itaque diſſectô naviculam ſolvit; excitatâ ſemel procellâ nequaquam deſæviente. Interea animadvertit cetum navigium circumdantem, æque vehementioribus fluctibus arcentem, humanosque oculos in illius capite agnoſcere ſibi viſus eſt (tanta erat præſtigiarum vis!) ad ſcopulos itaque lembum applicuit; ibi cymba contraſta eſt. Imaginem contentis inde proſpectam ſecutus, terram etiam, mox etiam ſemitam, aſſecutus, ad tugurium quoddam pervenit. Vir ibi ante ſeres ligna foco deſtinata findens, prior illum ſalutabat, utque ſuis teſtis per integram hyemem aſſveſcere digraretur, invitabat. Grato ſe id animo accepturum reſpondens Ketill, deducente hospite, qui Brunium ſe nominabat, domum ingreſſus eſt. Ibi duæ ſœminæ, mater & filia, Hrafnhildis dicta, ſtatura ingenti, facie licet cubitali latitudine, haud tamen deformi, quam communi ſecum lecto, offerente patre, per hyemem junxit. Primâ nocte veſtium ſuprema corio bubulo Brunius textit: Ketille, quorſum id tenderet? rogante, reſpondit; *hospites ſe illuc invitâſſe ad butyrum, quod ſecum advexerit, amicos quidem ſuos, quorum tamen oculos illis obſcisci nolle. Iſti erant Finni ex Finnmarkia, admodum macilenti, quibus butyrum Ketill, corticibus pro more contentum, tradidit*

tradidit, contentiqve convivio, ablatò butyrò, recesserunt; erat enim isto quidem seculo in illis locis multi pretii. Ibi integram hyemem variis exercitiis Ketill impendit, asperitatemqve loci amor in Hrafnhildem accensus non modò lenivit, sed sensum malorum abstulit. Jaculorum etiam exercitium crebrum, artiumqve variarum, Brunio informante, assiduum studium, venationis etiam magna diligentia, tempus fallebant. Post festum Jolense domum repetendi cupido subivit. Brunius anni tempestates, Gufsumqve Finnorum Regem in montibus & tesqvis singulis hyemibus excubantem, intentum prædis vias obsidentem, causatus, à proposito eum avertit. Sed imminente vere eum comitatus, per maritima loca deduxit, dimissurusqve monuit, ut monstratam semel viam insisteret, nec inde ad sylvas deflecteret. Multa illi tela discendenti impertivit, in quibus aculeatum unum eminebat; his in necessitate frui iussit. Inde digressi, domum suam uterqve petebat. Vix è conspectu Brunii affuit, cum compendio viæ simulac cupidine explorandi imminetis, & à Brunio tantopere exaggerati, periculi ductus, in saltum montesqve reflexit, nec multum quidem viæ emensus erat, cum videret virum pandis trabibus vectum, cursum in se acriter intendentem; qui nomen statumqve interrogatus Gufsum, se Regemqve Finnorum professus, bonis, quæ secum asportaret, cedere iussit. Cum abnueret, arcus uterqve tendebat. Tanta in utroqve diaboli dirigentis vis erat, ut mucrones telorum se invicem collinearent; duodecim ex utraque parte hoc modo emissa; restabant aculeata. Gufsus suum vacillante pede premebat, nam incurvum videbatur. Tunc Ketill moriturum eum prælagivit, cum caligantibus oculis, quod rectum erat, curvum ei videretur; cumqve utrumqve simul emitterent, non, ut prius, se invicem collineabant, sed Ketillis in pectus Gufsi penetrans vitam ei eripuit. Brunius frater erat Gufsi, ad quem successio regni proxima pertinebat, quam fatò fratris præoccupaturus, præstigiis oculos ejus hebetavit, quodqve rectum erat, pro curvo venditavit. Inter cimelia Gufsi gladius Dragvendill dictus eminebat, sui generis optimus; hic una cum tribus sagittis, quibus mortuum Gufsum spoliabat, quarum nomina erant, *Slaug*, *Hrimfa*, & *Stafa*; Ketilli cesit; qui victor ad Brunium rediens cædem fratris exposuit. Graviter se læsum testanti, *nihil minus*, inquit Ketill, *nam regnum tibi comparavi*. Egit igitur Brunius gratias, amicisimèqve dimisit. Ut vero in Hrafnistam rediit, rusticum quendam primò offendit, simulqve navem bene instructam ad insulam cursum dirigentem; causam autem adventus inquirens, cognovit ab eo, amicos & cognatos esse ad exequias suas celebrandas à parentaturo patre accitos; quem ut vivum optatumqve accessisse viderunt, in convivium gratulatorium, quod officiis feralibus destinatum erat, versum est. Insequentem hyemem Ketill domi remansit, cum Hrafnhildis Brunii filia, filium ex Kettle susceptum, Grimum dictum, attulit; cujus altera mala hirsuta erat, & ferri ictum respuebat, inde *Eodinn* sive *hirsuta gena* dictus est. Et Ketill quidem Hrafnhildem invitavit; verum Halbiörnus pater valde agrè ferebat, quod fæminæ giganteæ se commiscuisset, negabatqve se eam domo recepturum. Illa adventum suum neutri eorum fraudi futurum affirmavit, se etiam discessuram, filiumqve apud patrem relicturam, iterumqve post finitas tres hyemes revisuram. Ketill excusatione usus, majorem in modum ab ipsa petivit, ne sibi adscriberet, neve irasceret, quòd secum commorari non liceret. Illa neutrum eorum suam iram magni facturum respondit.

CAP. III.

DE NUPTIIS KETILLIS, ET NATA INDE
FILIA, NAVIGATIONE IN FINNMARCHIAM, CONFLIC-
TU CUM ALIO UPLANDORUM PUGILE, CÆDE TROLLORUM,
EORUMQUE COMITIIS, PROVOCATIONE ADVERSUS FRAMA-
REM AD ARRHAUGUM, VIA QUÆ EO DUCIT, CÆDE PRÆDO-
NIS SOTII, CONFLICTU CUM FRAMARE EJUSQUE CÆDE,
GRIMI HIRSUTÆ GENÆ NUPTIIS, ET SORQUE-
RIS CÆDE.



Discessus Hrafnhildis desiderium ejus, tristitiam
& animi quendam mœrorem Ketilli movit, quibus
depellendis pater ei aliam conjugem providere consti-
tuit. Bardus erat colonus opulentus, cui filia unica,
eximiae formae virgo, erat, nomine Sigridis. Eo pro-
fectus Hallbiornus, infcio filio & inconsulto, eam si-
bi nurum deposcebat. Pater virginis procum certe
affuturum, si animis in eam inclinaret, prædicabat. *Tunc ergo, inquit
Hallbiornus, mendacii me insimulas?* Negabat iste, *subscripturumque peti-
tioni affirmabat, cui nec vellet, nec posset refragari, ceterum periculosa magis
itineraria suscepisse Ketillum, quam esset illud, quod ambienda puella requireretur.*
Pacta nuptialia conclusa sunt, reduxque pater omnia filio ordine enarrabat;
verum quamvis hæc nequaquam approbaret, paternæ tamen reverentiæ
respectu rescindere noluit. Festivitas nuptialis cum celebraretur, geniali
thoro consensu, vestes prima nocte exuere noluit, neque virgo illius cau-
sa eum redarguit; verum postea amor conjugalis inter eos coaluit, filiam-
que ex ea suscepit, nomine Hrafnhildem, de amasiæ prioris nomine dictam.
Nec longè post pater decessit, rei que domesticæ curam hæres filius susce-
pit, & magnâ cum laude administravit, ut toto territorio ditissimus habe-
retur. Elapsis tribus annis Hrafnhildis, prout discedens promiserat, red-
iit, ut verò uxorem duxisse deprehendit, valde contristata, Ketille nequic-
quam, ut remaneret, invitante, relicto iterum filio recessit, levitatem ani-
mi & promissorum inconstantiam improperans. Quodam autumnno Ketill
Finnmarchiam versus navigavit, adducto secum filio Grimo, Brunium
Hrafnhildemque invisurus; cumque ad rupem, quam præterfluens amnis
rigavit, navis staret, aqvatum filium miserat, quem femina gigas aqvâ
prohibuit, rapturamque simulavit, qui metu perculsus ad patrem rediit,
minatam raptum feminam indicans. Ille à Trollorum genere diversam
esse affirmavit. Fuit autem revera mater illius, quæ hoc velut indicio
Ketillum ab ulteriore aqvilonem versus itinere avertit. Duo piratæ per
autumnale tempus ad Hrafnistam appulerunt; nomina illis Hialmus &
Stafnglamus, multis rapinis celebres, domicilium ibi per hyemem posse-
bant, quod Ketill concessit. Festo igitur Jolensi votisoleni ritu, se nun-
quam invitam filiam elocaturû. Illi ob votum gratias agebant. Processu dein-
de temporis, Alius quidam, Updalarum athleta dictus, ex Uplandis oriun-
dus, Hrafnhildis nuptias ambiebat; verum arbitrio filiae res tanta com-
missa est. Illa neque fata sua, neque animum se illi juncturam respondit.
Quod ut pater proco retulit, ad singulare ab eo certamen provocabatur.
Athletæ se ejus vice certaturos obtulerunt; verum is petebat, ut clypeo
se tantum protegerent, quod etiam in se recipiebant. Cum in campum
per-

perventum est, frontem Ketillis Alius mucrone feriebat, non enim clypeum objecerunt; manante sanguine iussit Ketill ut cederent, viamque sibi ad hostem patefacere; modulatusque carmen istum capiti intendit. Verum illi, qui Ketillum protegendum suscipiebant, hostem clypeo protexerunt. Is verò callidè caput dum sinuat, ictu ad pedes directo utrumque amputat, corruitque Alius in terram exanimis: nec exprimitur, utrum dolum vindicaverit, nec ne. Plures etiam ex Tröllorum genere occidisse perhibetur, inter quos fœmina foras dicta memoratur, quam in insula Hrafneya oppressit, nigram instar picis, calvastremque, dum adverso Soli objecta rideret. Aliam etiam non procul inde conspexit, capillis densissimæ jubæ equinæ non absimilibus, nigrisque; quæ, quò tenderet, rogata: *ad indicta Tröllorum comitia*, respondit, *quò Skeljungus è septentrione è Dumbici maris* (de quo *Arngrimus Crymog.* fol. 114.) *rupibus, & Rex Ofotani finis, Thorgeir præterea Holdatroll cum compluribus etiam è septentrione è Skuggano sinu conventuri essent, se verò ei ob Kaldranii cadem valde infensam.* Ob locorum situm hæc ad verbum exprimere visum est. His dictis in altum se conjecit. Creber ea nocte equitatus magicus, quem Gaudreid patrio sermone vocant, per universam insulam visus, Ketilli tamen minimè nocuit: domum igitur rediens, post exiguum tempus excipit piratarum Regem, Framarem nomine, sacrificiis valde deditum, in Hrafnistam ad se profectum, filiam Hrafnhildem in uxorem petiit; ditio ejus in parte Hunalandiæ Gestriciâ sita est (pars igitur Hunniæ Gestricia tunc fuerat) indulta ipsi cutis à ferro imunis duritiæ ab Odino perhibetur, quo privilegio securus nihil non audebat, ususque ad perniciem plurimorum, omnibus exofus malè audivit. Ketill nuptiarum arbitrium, pro more, filiæ detulit. Illa, *Alio Updalarum athleta rejecto iniquum videri, si gigantem hunc eligeret*, respondit; quò per patrem relato, irâ valde commotus eum ad singulare certamen provocavit ad Arrhaugum primò festo Jolenfis die, publicum probum reportaturum, ni compareret. (Illud voce *nidingr* exprimebatur: designat autem propriè parricidam, inde pro qualibet detestabili re probroque usurpabatur, deducitur à voce *nid* / quod *infra* denotat, vel etiam *minus*; inde *nid* / Danicè *ut* / *interlunium* significans, item *progeniem*, quòd illa descendat, sicut vox *asi* / id est *avus*, quod ascendat, *superiorem* denotat; hinc *nidingr* / qui progeniem interimit.) Supte naturâ gloriæ avidus, probrique omnino impatiens Ketill, congressurum se professus est, repulitque operam, quam hospites iterum obtulerunt, qui antea minus fideliter partes ejus propugnabant; iisque rejectis, se solum congressurum respondit. Paucis ante Jolenfè festum diebus, ad locum pugnæ delegatum profecturus, penulam (villosam) indutus, tabulis ligneis pedibus alligatis, nivosa loca, cum primum in continentem venisset, permenfus, superato saltu in Jamtiam pervenit. Inde ad Eyskeriam markam decem milliarium (raster dixerunt) longitudine, latitudine trium, contendit. Hæc Gestriciam ab Helsingia separare dicitur. (Helsingiæ itaque universam longitudinem prætervectum licet conjicere) Prope nemo habitabat vir, nomine Thorer, is operam suam in deducendo eo per sylvas, à prædonibus non satis tutas, offerebat: Sotium eorum principem vocari, fraudibus & robore præcellentem, retulit. Ketill sibi eos formidandos negavit, cæptumque iter profectus, ad domum Sotii pervenit, id temporis absentis, accensoque focò ad ignem se calefecit. Sotius rediens ingressus domum, hospitem salutare dedignatus, cibum statim, nec hospite invitato, capere cepit. Tum verò Ketill: *Sordidè quidem tenax oportet sis, Soti, & inhospitalis;*

ialis; mox Sotius frustra quædam in eum projecit; quibus comeftis Ketill, fatur recubans fomno simulato ronchos duxerat. Quam occasionem Sotius, in præparatum cæteroquin minus audax, haut intermiſſurus, exſiliit. Excitus Ketill, quò tenderet? quæſivit; ignem exſinctum ſufflaturum profeſſus eſt. Iterum ergo Ketill ſomnum ſimulabat; Sotius igitur ſecuri arreptâ occiſurus advolabat. Prævenit eum Ketill, grandia fruſtra ſecturum cavillatus. Inſomnem deinde reſiduam noctem uterque duxit. Manè petebat, ut Sotius ſe per ſilvam deduceret, viamque ignoto monſtraret. Ubi inſequentem, cum ſub arbore Ketill recubans, dormientis ſpeciem repræſentaret, demum occiſurum ſe Sotium aggreſſus ad luctam provocavit; temporisque momento proſtratum interemit; inde ad collem Arrhaugum devenit, pridie ſub vesp̄eram diei ejus, quo pugna indiſta eſt, cælo valde inclemente, nihilominus procellis ab aqvilone ſævientibus obverſus, in apice collis ſedebat. Framar habuit filium, Bodvarem nomine, qui id temporis præſens apud eum fuit. Ab illo requiſivit, num Ketill ad conſtitutum certamen adeſſet? Illum eſſe virum reſpondit filius, cuius ingenium judicia plurimorum eluderet; ſe nihilominus exploraturum. Ut vero Ketillem intenſiſſimo frigori obverſum, in vertice tumuli deprehendit, domum invitavit, cunctanctemque arreptis pedibus detraxit, monuitque, periculolum adverſus patrem conſictum fore, deditum Odino, ejusque tutelæ conſiſum, ferro inviolabilem effectum, ſe vero ipſi contra patrem, modò liberet, auxilium laturum, vel qui ferrent ſuffecturum. Nullos admittere Ketill dignabatur, præterquam illum in tantum, ut clypeo ſe protegeret, patrisque ictibus objiceret; indignatus tamen Odini nomen, ejusque mentionem injectam, cui nullum numen ineſſe putabat, quòd ejus religione nunquam teneretur. Deinde Bødmodum domum ſecutus, cum noctem ibi tranſegiſſet, mane ad locum pugnæ, Bodmodo multisque aliis comitatus, acceſſit. Framar horrendo clamore eò ſe contulit, legesque duelli recitavit. Ut vero filium ab hoſtis partibus ſtantem, clypeumque ſibi objicientem perſpexit, jura paterna nexumque mutuum violari, imò totum filium exui, queſtus eſt. Illum jam dudum paterna jura deteſtandis veneficiis incantationibusque perdidiffe filius reſpondit. Priusquam congreſſi eſſent, ex ſylva advolans aqvila impetebat Framarem, veſtesque ejus lacerabat: Framar rhythmum modulabatur, cujus hic eſt ſenſus: *Aquila irata eſt, non tamen vulnera metuo, licet ungues ſanguine tingat.* Majori itaque impetu eum inceſſit, atque adeo ut ſe defendere cogeretur, modulatus itaque: *Alis tu ſtrepiſ, arma tibi dabo, volas paſſim, tanquam ſatum meum præſagias, Hengone parcas? prius enim morietur.* Lex erat, ut provocatus prior ictum inferret; ſtriſtò itaque Dragvendile ſeriebat Framarem Ketill, vulnus tamen non inſixit, multum licet nutanti, quòd gravis eſſet ictus. Framar Ketillem petens clypeum bifariam diſſecuit Ketill iterum, cum alterum humero ictum nequicquam inſiſſiſſet, gladium hac formulâ increpavit. *Valde à conſuetò acumine degeneras, ô Dragvendill, paſſus Odinum aciem tuam obtundere, cui pariturnum nunquam credidiſſem.* Framar hebetatum gladium gaviſus irridebat, Ketillem virginis patrem, effætum ſenem, metu percuſſum, tremente barbâ culpam in gladium conſicere exprobrabat. Ketill de nihilo metum ſibi objici reſpondit, neque enim ſe terreri, quoad Dragvendill integer eſſet, terque gladium manu comprehenſum huc atque illuc rotans; *utrique noſtrum, inquit, periculum, ni penetres, imminet; immotoque Framari, utpote ictum contemnenti, ab humeris ad coxendicem*

dicem usque partem corporis abscidit, gladiô, ut putabatur, provocacione exacerbato. Qvo vulnere accepto, hæc metricè Framar modulatus est. *Animus inest Hængo, acies Draggendili, merito telum Odini, quod huic par est, dicatur: decepti nunc pater Baldi dubiaeque est fidei, mactæ esto manibus istis, ab invicem utique separabimur.* Rhythmus hic rerum Framaris verborumque ultimus erat, qvo recitatio concidit mortuus. Post fatum patris, lætæ operæ præmium filiam Hrafnhildem Bôdmodus petivit & accepit. Hic alio nomine Bodvar dici solebat. Ketill Hængus calluit artem familiæ suæ, posteris etiam quibusdam familiarem, quæ silentibus ventis quandoque libuit, erecto malô veloque, auram ad votum spirantem, quocunque cursus esset dirigendus, impetravit; filio inter alia eadem facultas hæreditati obvenisse dicitur. Plura de Ketille literis prodita non accepimus. Post ejus mortem filius Grimus Hirsutigena in Hrafnista habitavit, uxorem habuit Lophænâ Haraldi præfecti Vikensis filiam, natam ex Geirhilde Uplandorum Regis filia, quam octodecim comitibus stipatus sibi despondit. Ex illa suscepit filiam Brynhildem, quam duodecim annos natam, Sorqver quidem Svadii filius, genere Svecus (hoc loco *Svifstur* dicitur) uxorem ambivit; cui cum Grimus exemplo patris eligendi libertatem permisset, maritum abnuenti obtrudere noluit. Inde duellum inter Grimum & procum, quod intra quatuordecim dierum spatium institutum est, tantæ celeritate gestum, ut prius finitum, quam captum videretur; nam cum ictus provocato primò competeret, tanto usui fuit, ut utroque pede amputato hostis actutum exanimis rueret. Paucis annis ab hoc tempore elapsis, Bôdmodus Framaris filius mortuus est.

SECTIO QUARTA.

HISTORIA ANIS BOGSVEIGERIS.

CAP. I.

DE REGE NAUMUDALI OLAFO, EJUSQUE FILIO ET SATELLITE THORERE THEGNE.



Aumudalus, vicina Thrandiæ provincia, regni ante conditam Monarchiam, ut cæteri districtus, titulo jureque inclaruit; sæculi autem octavi à nato Christo fine, Regem habuit, nomine Olafum, id temporis senem, ingenio probum, emolumentique civium suorum promotorem industrium, omnibus carum acceptumque. Is priore uxore, cujus nomen silentio transmissum est, orbatus, alteram duxit uxorem viduam, nomine Dysen, quæ prius nupserrat Fiordorum Regi Aunundo, cognomento Upsio, ex quo duos filios progenuit, utrosque cognomines, Ulfos; à quibus deinde celebris statio Ulfasunda nomen contraxit, patriæ ditionis hæredes successoresque, ex Olafô vero filium Ingialdum. An vero filiam Asam spectatæ formæ virginem, cæterâ commendabilem, illa matre, an priore uxore Olafus procreaverit, silente calamo exprimere nequeo. In hujus aula Biorni, insulæ Hrafnistæ domini, ex Thorgerde Bodmodi filia filius, nomine Thorer, cognomine þæran (quod civem denotat) inter præcipuos satellites ministrabat, vir moribus comptis, formâ venustâ, viribus & virtute conspicuus; atque his animi corporisque dotibus magnopere

pere commendatus cultusque, virtutum suarum præmium testemque, singularis acuminis gladium, Thegnem quoque dictum, Regiæ familiæ per longam avorum seriem gentilitium, dono accepit. Hic tamen non continuo in aula, sed domo paternâ, hyemes alternare solebat. Jamque Rex Olafus senio gravis, filium Ingialdum in imperii societatem ascivit, cujus tamen indoles à patre diversa; erat enim animi subdoli, consiliisque duorum aulicorum, Ketillis nimirum & Biorni Robusti, quos ingeniorum similitudo conciliaverat, regebatur; mox avaritiâ & iniquitate stimulatus, jus hæreditatis in Fiordorum regnum, quod sibi à patre relictum uterini fratres tenebant, vindicabat, tanquam mater in illius quoque communionem ascita fuerit, bisque armis illud repetere conatus, magnâ suorum clade damnoque malè multatus rediit.

CAP. II.

DE ANE EJUSQUE MORIBUS DOMI,
ET IN AULA SIMULATA VECORDIA.

Intra An domi ignobilis adolevit, mole quidem corporis inusitatâ, & supra ætatis captum, formâ tetrica, sed ad labores omnes valde segnis, virum illius experimentum nemo capiebat, cum indicia illius nunquam ediderit: stolidâ vero ferociâ plurima. Inde patris à se animum alienavit, licet mater eum tenerrimè amaret. Solâ staturâ majores agnatosque suos referebat, cæterâ valdè dissimilis, culinæ tamen se non addixit; nihilominus delirare pluribus visus est, nam artes nullas, nulla exercitia, addiscere sustinebat. Novennis fratrem suum Thororem staturâ æqvabat, quæ tamen eum magis ludibrio exposuit, quàm commendabat, nam & veste squalidâ tritaque amictus, nudos cubitus ruptis manicis exerebat. Duodecim annos natus nemine conscio domo discedens tribus noctibus affuit; nanum enim domicilio vi carminis cum exclusisset, ad arcum sibi fabricandum compulisse tradunt antiquitates, spiculaque quinque, quorum semel quodvis emissum, optatum scopum attingeret. trinoctium requirebat iste labor; intra An opperiebatur: quò elapso, absque diris arcum telaque recepit, munus præterea, sellam nimirum affabrè factam, nam & argentò à matre donatò nanum prius placasse dicitur; hanc redux ingentemque arcum humeris bajulans, spectaculo fuit, illam vero matri dono dedit, honorandam sibi præ cæteris omnibus testatus. Et illa quidem ætate, mole staturaque corporis provinciales omnes longè excellebat, singulis tamen civilitate morum, ingeniique dotibus inferior habitus. Eadem hyeme Thorer domi apud patrem remansit, qui à gladio contracto Thegnis tunc primum cognomine innotuit. Appetente vere reditum ad Regem maturabat. An verò eum comitari cupiens, repulsam passus est, quòd mores ipsius domi quidem absurdos, aulæ certissimum ludibrium futuros obtenderet; nihilominus ab navem profecturum sequebatur, seque eo invito, quandoquidem precibus flecti nequirit, profecturum minatus est. Obstinatum igitur fratrem Thorer arbori nihil repugnantem alligavit, nec longè recessit, cum se insequentem radicatus evulsam tergo sustinentem deprehendit, miratusque robur vincula rupit, instititque dissuadere accessum in aulam, quòd esset ingenio ad mores

mores ejus imbibendos minimè apto, quem ut in proposito perseverantem animadvertit, strictò gladiò Thegne terrere conatus, contemptum sui, seposito fraternitatis nexu, se vindicaturum minatus est. *An, sibi hanc perinde atque infanti, ab ubere matris pendenti, metum incuti respondit; quo verò noscas, ait, quàm sis mibi viribus impar, victorieque pronus, si dissensus interveniat, experimento tuo discas:* arreptumque fratrem in altum levatum pusionis instar versabat. Tum verò frater eum ulterius dehortari desistebat, navigioque recepit. An autem sedulò curabat, ut eum semper locum occuparet, quo omnes offenderentur. Verùm cognito, quòd Thoreris frater esset, mores ejus patièdo dissimulabant. Frater ei novam ex panno vestem sufficiebat, exiguo fructu, cum parvo tempore duraret integra. Cum ad Regiam perventum esset, cognoverunt, Olasi excessu imperium ad solum Ingialdum devolutum. Id Thorerem adeo malè habuit, ut si hanc mutationem præcivisset, domi se remansurum profiteretur; nam deteriorem superesse dictitabat. Regiam ingressurus An, humeris lunato arcui ingestis, nervum pectori applicuit, spicula manu gerens. Hoc habitu à janitoribus intronissum fratrem pone secutus, publicum sui præbuit spectaculum. Angustiores erant fores, quàm ut eum arcu cinctum caperent; cornibus itaque magno crepitu, sed sine damno, incurvatis, redditus ilico clangor omnium aures complebat, ingredientis accessum Regi quandoque exitialem futurum sinistro omine præcìnens: An vero locum prope fores occupavit. Thorer Regem accedens debitaque reverentiâ salutans benignè exceptus est, locumque sibi oppositum, quò præcipuè dignitatis erat, capere jussus, quoniam eum secutus tam subito deferuerit? rogabatur. Fratrem moribus aulicorum minus assuetum respondit. Rex nihilominus eum sibi optatum hospitem futurum affirmat; laterique suo collocare jubet, *illud se ejus gratiæ tributurum; neque enim ejus famam sibi ignotam, viderique virum in multis insignem.* Actis igitur gratis ad Anem digressus Thorer, benevolentiam Regiam retulit, hortatusque est, ut debita gratiarum actione oblatum acciperet honorem: ille locum se haudquaquam mutaturum, hyemem tamen ibi peragere velle significavit. Thorer voluntate ejus expositâ, ilicò eum admitti impetravit, locum tamen ab eò remotiorem, quòd aptiorem duceret, absurdum visum. *Propositi, quantumvis infanti, eum ad illum usque diem tenacissimum fuisse* Thorer respondit, *nec aliorum moribus suos aptare consuetum; inde veritum se in aulam eum adducere.* Ut vero An à fratre se admissum à Rege percepit, permissumque, quem occupaverat, locum, gavisus, ad suam sedem eum mandavit, tempusque non sine risu sodalium ad festum Jolense trivit, irrisiones sannasque sociorum, & imprimis Ketillis, satellitis primarii, dissimulando. Tum vero more patris dona in singulos distributurum se Rex, vesperè, quo festum incipit, proclamabat, quò magis aulicorum sibi animos devinciret: omnibusque ad ea confluentibus solus An remansit. Rège quare is munera præter cæteros recusaret? quærente, se quidem aurum alacriter accepturum respondit, compositoque ad risum gestu, habitu aliàs satis ridiculo, Regem accessit. Rogatus à Rege, *quid adeo crepuerit, cum primum aulam ingressus esset?* Arcus meus, respondit, *dum præ angustis forium aule curvaretur, aulæ Regiæ nudum nomen omni magnificentia vacuum callidè perstringens.* Bogsvæigeris ergò cognomen reportabû, respondit Rex. *Munus igitur cognomini adjectum quid offers?* Annulus, inquit Rex, *tam festivum donum, quàm cognominis præmium explebit, traditumque; accepit; absque tamen gratiarum actione.* Rex admirandarum sibi virtum videri ait. Idem

sibi videri respondit, licet earum nulla experimenta ediderit. Inde annulo ludens pectori eum adhibuit, digitisque premens se oblectabat; qui inter gesticationes intercicens ad inquisitionem in atrio eum perpulit: lutosum ibi pavementum vestes ejus commaculavit. Confessor causam maculati tegminis quærens, sine pacto silentii enodare nolle retulit, quò adjectò; *verum*, ait, *deprehendo dverbium*, *monens quod lucrum inroisum raro perennet*; nam & *annulum perdidit*. Confessor damnum haut vulgandum monuit. *Sic est*, inquit An; *verum donum mihi fato destinatum cum dissidam, dabo invenienti*. Ilico vox stolidæ liberalitatis per omne satellitium pervasit, magnoque audientium risu excepta est; imprimis Ketill irridens, donum in amentem collatum aliter cedere non potuisse testatus est. Isigitur cum satellitibus atrium ingressus, per pavementum manibus genibusque repens luto vestes infect. Subrisit An, ut avaritiæ sordes sordibus pavimenti singulos aspersisse animadvertit, exclamans, *quidnam rei esset, quod purpuratos in sordes protraxerit?* Illi casum ejus misertos annulum ei restituendum se quærare professi sunt. *Atqui eundem*, inquit, *digito gesto, reposuique una vice ludibrium, quo me per partes exceperis*. Illi quidem se delusos agnoscebant, id autem haut injuria fieri regessit; cessatumque est parum ab irrisione, donec eam Ketill etiam acrius renovavit.

CAP. III.

DE EXPERIMENTO ROBORIS ANIS,
EJUSQUE QUÆSITA FATUITATE ET AU-
LICORUM CONTENTU.

Iorte An cum fratre Thorere in area Regiæ expatiabatur, cum satelles quidam robur ejus laudibus efferret, nec id ille improbare. Interrogatus itaque, num luctâ cum Biorno congredi auderet? fuit enim aulicorum omnium robustissimus, copiam se ejus rei facturum, modò ardentem focum instruerent, alerentque, sibi que hac in re famularentur, respondit. In id facile consensum est, quæsitumque, num calefieri vellet. Post luctam aptius, ait, rigida membra foventur. Interim congressui se uterque parant. Hirsutum erat pallium cubitali longitudine, ultra calces demissum, manicis longe extra manus protensis, donum matris, singulari genio arcanâque vi imbutum, nam induentem ab incendio protegobat, quod cum sibi circumdedisset, nullo præcinctus baltheo, monstro similis, pressis institit vestigiis. Mox Biornus instantem immotumque irruit, arreptumque in ardentem ignem projecit, humeros flamma, pedes pavementum excepit, personabatque cachinnis aula. An tardè resurgens, illæsus tamen foco excessit. Tum Rex, *haut equidem tam fortis, qualem te præferbas, videris*, inquit. Imo verò; respondit An, *qui prior cadit is fortior mihi videtur*. Quò dictò, ut Regem subridens vidit, pallium Baltheo subnectens, manicas contraxit, congressusque iterum, Biornum instar pueri elevatum in ignem projicit. Accurrunt satellites, eumque valde adustum extrahunt, omniumque suffragio virum palmam An obtinuit, id quod ipsi vehementer placebat, nam & illis jam liquere contendit, quòd Biornum ad focum calefieri voluerit, rhythmumque eâ de re modulatus est. Maxima pars hyemis effluxerat, cum Thorere & An soli in campo expa-

expatiarentur, quæreretque frater, ut hyberna mansio placuerit, cum irratione & contumelia conjuncta? Ille minime displicere, eò quod quibus indiguerit, ad votum præbita sint, donaque adjecta; famas verò se insuper habere. Ut verò ego his afficiar, experiere, ait Thorer, munus à me accipies pretiosum gladium Thegnem, quo duos quoslibet interficias & samionibus tuis, ego vero multam satisfactionemque cædum rependam. An se gladium quidem accepturum, non item remuneraturum, affirmat. Postridie inter pocula exurgens, a confessore suo singulos perlustrat, unum quemque per horulam intuitus; ad ultimum Regem accedens eum omnium diutissime inspexit; deinde fratre adito, gladioque in mensam reposito, reddere se donanti pronunciavit; id quod omnes, qui in aula erant, effusè riserunt. Thorer verò mores fratris tam absurdos indignatus est. Cumque secretò convenirent, de eo, quod adeo importunè se gesserit, cum illo exposulavit. Is singulos se inspexisse ait, nec unum deprehendisse, quem ultione dignum judicaret, cum rectius contemnerentur; in solo autem Rege diutius hæsisse, quòd dubitaret, num vindictam in illum converteret. Thorer valde eum decipi questus est, cum Rex propenso in ipsum esset animo. Atqui, respondit An, neminem minus malum totà Norvegià hoc tempore existere putem.

CAP. IV.

DE EXPEDITIONE REGIS INGIALDI ADVERSUS FRATRES; EORUM CÆDE PER ANEM PERPETRA TA, QVA IRAM REGIS SIBI CONSCIVIT.



Er instabat, cum Ingialdus comitia celebravit; ibi pro concione declarat: se patri in regnum justum heredem successisse, si quem præter jus fasque pater hactenus gravaverit, eum se onere relaxaturum, legesque in commune emendaturum. Ad expeditiones suscipiendas cives modò parati sint; esse namque sibi in animo exercitum contra fratres ducere, quòd faciliùs pax inter utraque regna coalescat; sibi commeatum civibus ministrandum cura futurum. Omnium applausu oratio Regis excepta est. Solus An, pietatemne Regis frater, perinde atque alii, laudaret, quæsit. Imo, inquit, nam pacem fœderaque inter ditiones se conciliaturum præfert. Præfert quidem, respondit An latet tamen intra versuti animi penetralia certissimus dolus, & quam fratribus machinatur, pernicies. Thorer vero præconceptam de Rege opinionem animum adhuc obsidere mirabatur. Omnibus ad navigationem paratis, interrogante fratre, comesne Regi satellitibusque fieri, an in aula remanere vellet? cum aulica mansio dubii videatur eventus, rectius se Regem comitaturum respondit, eoque libentius, quòd se comite expeditionem celebrem, verum cum famæ Regiæ jactura, ad seram posteritatem perventuram prævideat. Ad insulas quasdam stativa habuerant, cum Rex juberet vexillum pro more in portu erigi. An vero versu se peridium pernoctemque Thegnem lugere significavit. Thorer gladium ipsi se redditurum affirmavit, luctus remedium futurum. Haud equidem, inquit, illum Thegnem (civem) lugeo. Ketill astantesque vocem cum irrisu excipientes, virum eum quendam deperire dixerunt, quem lugeret. Fratrem meum, inquit, Thegni nomen cum gladio communicantem, rectius lugeo, misertus illius imprudentiam, quòd fidem hujus Regis sequatur, usuravit.

vita se quandoque privaturi. Perventum est in Fiordos, fraternam ditio-
nem; ibi Rex Ingialdus conceptum animo scelus, ægreque studio licet
ingenti, occultatum prodidit; *certoque se cognovisse refert, fratres omnes*
pacis condiciones recusasse, ideo necessitatem pugnandi, cruesque suos ab inju-
ria eorum infestationeque liberandi, incumbere. Tum verò pænitentia com-
plures, ipse pacificandi domo illectos, subivit. Fratres, ut infestis signis
fraternam classẽ appropinquare cognoverunt, collecto milite hostilem
impetum repulsuri concurrunt. Ingialdus igitur metò milites alacriores
redditurus, cum bubulum cornu liqore repletum Ani exhiberetur, eum
cum cæteris ad pugnam intrepidè ciendam adhortatus adjecit: *non videri*
clypeo nudatum, cujus latus ille protexerit, miles pòteaque pariter egregius. Ille
tamen comitatum eum damnosum æstimaturum carmine cecinit,
nec Regem in prælium secutus est; ideo graviter à fratre increpatus, *quòd*
militiam Regis, aliis fortiter sequentibus, ipse non modò detrectaret, sed etiam
inter sarcinas intra navem delitesceret; frustratum se spe, quam de animi ip-
sius fortitudine falsò conceperat; qui spreta objurgatione, postquam Rex
in aciem, quam prope sylvam ordinavit, processisset, fratresque sibi acri-
ter concurrentes obviam haberet, in sylvam progressus, truncum quen-
dam ascendit, unde facilis ad utriusque copias conspectus erat; ibi duo
vexilla fratribus prælata observabat. Subibat igitur eum Ingialdo quidem
succurrendi, sed tamen fratricidio eundem contaminandi, libidè, quando-
quidem infamiam scelere parricidioque partam ipsemet affectaret. Spicu-
lum igitur, nanorum donum, prima quidem vice scopum collineaturum,
torisit, alterumque Ulforum trajecit, quod in rubum pone tergum ejus
concidit: quo exanime in terram prolapsò, vexillum statim prorutum est;
mox & An intercepto telo ad naves se proripuit: quidam spiculo, alii ha-
stâ Regem tractum indicabant. Ingialdus victoriâ lætus ad naves se con-
tulit, variaque ibi judicia de interitu Ulfi ferebantur. An vero facile
bellum confici, quod ex dimidia parte jamjam confectum esset, publicè
conjectabat. Postero die manè Rex omnes ad prælium revocavit, victo-
riam certò sibi pollicitus. Solus An, ut antea, ad naves remansit, postea
egressus, aliud telum in reliquum fratrem evibravit; verum minore quam
antea nisu; nam cum perempti corpus non penetrasset, infixum cadaveri
authorem cædis prodidit. Communi igitur consensu judicatum, utriusque
teli unum esse possessorem, eundemque utriusque fratris interfectorem.
Ingialdus dudum sibi perspectam esse, dissimulatam consultoque suppres-
sam incomparabilem Anis virtutem, quam se digno quidem munere pro-
secuturum pollicitus, accesseri eum jubet. Nuncii Anem scapha remi-
gantem deprehenderunt, annunciabantque mandata Regis, certamque
virtutis navatæque operæ mercedem reportaturum. *Crucem,* inquit An,
certò mihi instare cognovi, jubetque ei renunciare, se haut ultra ad eum
reversurum. Ingialdus *rem acu eum tetigisse* respondit; *se enim provisorum*
fuisse, ne plures illustres viros per insidias tolleret; sibi nequaquam propo-
situm fratres, ne quidem regno ex omni parte, nedum vitâ, privare, sed bene-
ficio suo regnare permissurum fuisse. Non continuit se Thorer, quin & bene-
ficio malè illum compensare, & interpretari, palam coargueret, eo
quod dum vixerant, utriusque vitam, vel propria manu erepturus fuisset.
Meruisset, inquit Rex, *laudem præmiæque virtuti condigna, si propalam in*
acie pugnans eos occidisset, jam vero clandestina cædes capite luende sunt. Tho-
rer eandem gratiam utroque modo consecuturum respondit. Exinde In-
gialdus prædia Regia jure victoriæ cognationisque, ipsamque adeò ditio-
nem

nem sibi vendicavit, perque præfectos postea rexit, Ulfisque tumulum excitavit, qui de eorum nomine Ulforum tumulus appellatur.

CAP. V.

DE PÆNA DE KETILLE SUMTA AB ANE, MANSIONE APUD RUSTICUM, ILLIUS HABITU, CÆDE PRÆDONIS GARANI, DUCTAQVE UXORE BENE DOTATA.



Adreditum omnia parata erant, quem accelerandum constituit, cum Ketill veniam ad invensum amicum, non procul habitantem, petivit. Rex autem monuit, ne longiore mora paratos impediret. Arrepto igitur Anis telô ad villam quandam ignotumque rusticum, non procul à navibus, accessit; cui nomen quærenti, Anem Bogsvæigerem se professus est. Rusticus ad synonymiam nominis ejus alludens (*An enim patriâ linguâ sine denotat*) *Sine te quidem poteramus esse*, inquit, *qui tam memorabile damnum dedisti, nece utriusque Regis, fuerunt enim principes civibus suis utiles, multumque dilecti: interim hac nocte tectis mensisque assuesce*; qui haut gravatim hospitio excipi se passus est. Præter dominum ruris uxor filiaque, nomine Drifa, servusque domum, nec plures, incolebant. Interea An scaphâ sinum propinquum ingressus in terram escendit, adque idem rus fortè delatus, ante fores eorum colloquia percepit; nam hospes noctem filia postulat; quod ei haut indecorum futurum prædicabat, sui, tanti scilicet viri, congressu. Abnuente patre, illo vero acrius urgente, interveniens An fores pulsabat, qui egredienti servo cum Anis nomen professus esset; *satisne Anium*, ait servus, *nam & hospes alius; An & ipse tecto receptus est*; id verò acceptius respondit, quò plures cognomines cœant, ingressusque locum Ketilli oppositum cepit, moxque hospiti ad pernoctandum invitanti annuit, verum ante cœnam opus sibi incumbere causabatur, quod intermitteri nequiret, quæsitique, num Ketill ille sub Anis nomine latitans cœnam ceperit? ille joco nomen illud sibi indidisse excusabat. *Benè se res habet*, inquit An, *nam in aula Regis experimenta virtutis mee sollicitè nimis inquisivisti, meque tanquam amentem & delirum ludibrio habuisti, virum tamen te longè præstantiorem; jam enim experieris, & me medicum esse, qui motus Venereos sedare nostrum; percepi namque te concubitum filie coloni hujus expetere, & te falso nomen à flectendo arcu assumsisse, quod à pane vel caseo incurvandis rectius usurpasses*. His dictis arreptum Ketillum ad palum alligavit, abrasque cæsarie picem capiti illevit, addito cavillo, quòd *pro pennarum modò quælibet avis volare soleat*; alterò deinde oculò effosso, tandem emaseculabat, telumque receptum duobus scipionibus rependit, dictitans, *haut vulgare munus Regi offerendum esse; providisse enim, ne postea vulgaris haberi debeat: adiret itaque Regem, munerisque à se missi partibus fungeretur, tituloque satisfactionis pro interfecto altero ejus fratre, Anem verò aliàs alio munere reliquum pensaturum nunciaret*. Hac clade ignominiaque affectus Ketill, agrè quidem ad Regem rediit; gestorumque seriem omnem exponens accepta clade probavit. Rex munus quidem se agnoscere confessus, statim eum repulit. Interim An quæcunque alicujus pretii ruri erant, in proxima-

nam silvam exportari curavit, colonumque certiore fecit, Regem, qui villam incenderent, ilico missurum; id quod proxima nocte factum est. Cumque Rex incertus esset, utrum An evaserit, tribus marcis argenti caput ejus licitatus, insuper eum extra ditionis suæ terminos proscripsit, domumque beneficio Anis occisis fratribus triumphans rediit. An vero per ætatem apud villicum moratus, domum ejus de novo ædificavit; habitumque singulari, album perizonia ad calces usque demissum indutus, quod vestis cineracea ad furas usque tegebat, cui rubrum pallium circumdatum ad genua defluxit, exterior amictus ex rustico panno ad media scœmora pertigit, pileum capite, manu securim, findendis lignis idoneam, gestabat, quo virgini sæpius risum movit. Tribus ea comitata scœminis, postea fortè in familiam assumptis, cultè vestiebatur: rubra illi stola, manicis oblongis, ad pedes contractior, defluens tamen, sed ad coxendicem adstricta, more in Hórdia hodieque usitato, fascia fronti obvoluta inter ornatûs genera eminebat, color vero comam scœminis decoram commendabat, Anemque quadruplicem (vestitum perstringens,) per jocum appellavit. Ille strictam ad lumbos stolam ejus suæ quidem vesti haut præferendam remansit. Discessurus sub adventum veris hospiti retulit, filiam ejus prægnantem se reliquisse, filium, si pareret, mitti ad se mandat, cum per ætatem liceat, annulumque reliquit, quem sibi eum in generis testimonium reddere jussit; sin filiam eniteretur, matri ejusque propinquis illius curam commendavit. Sylvam inde orientem versus permensus est, ibi prædo excubabat, nomine Garanus, clypeo nigro, galea arcuque instructus, pharetram humero gestans, quem sibi obviam procedentem ut conspexit, telum in eum projecit, quod clypeo transverberato, vulnus ei infixit. Prædo miratus, & jaculandi peritiam, & jaculantis vires, arma deposuit, accedensque virum, ubi nomen audivit, famâ dudum notum, suum etiam ipsi exposuit. Celebre quidem illud, sed simul infame, nec sibi ignotum, An respondit. Mox ad lustra sua fœdera societatemque, quod conjunctis operis invicti viderentur, invitanti, fateor, respondit, mutuis operis ingens per nos malum perfici posse. Ad domum illius uti pervenerunt, quam sylva cingens occultabat, diversa armorum opumque genera deprehendit, duo ibidem saxa ingentia, quorum aliud depressus erat, quorum usum revirenti, respondit, hospitum spinas se hisce confringere solitum; eum vero inhospitalem cum pronuntiasset An, utrum eorum ipsi se forte inclinanti, existimaret aptius, quæsit; ille se id minus considerasse, si tamen optionem necessitas faceret, celsius electurum. Et jam tempus ad cœnam vergebat, cumque apparandis cibis operæ dividendæ essent, Garanus vel foci instruendi, vel aquæ ministrandæ arbitrium ei detulit; ille assuetum se foco ignique suscitando retulit; verum dum innixus genu igni inflando operabatur, gladio, quem gerebat, in tergum reiecto, supervenit Garanus, ictumque ei validum infixit, quem gladius excipiens à corpore ejus arcebat. Exfiliens itaque An, infidam, nec diuturnam, recens intam societatem futuram cavillatus, totis viribus in eum irruit, qui valide resistens negotium ei facessēbat; circa lapides alacriter certabatur, utroque feralem casum pro virili vitante. Tandem An ad altiorem lapidem Garanum perduxit, ibi alterum ejus pedem suo calcans premensque, pugnis in pectus magnis viribus impactis, ad inhospitale saxum eum perpulit, contractaque spinâ exanimavit, caput deinde corpori præcidit, interque femora collocavit, ne postea furis infernalibus obsessuris, indeque damna illaturis, usui foret.

ret. Nam communis opinio antiquitus invaluit, nec dum apud rude vulgus satis extirpata, malos homines & facinorosos post mortem velut redivos grassari, & plurimis, præsertim quibus ultionem minati sunt, nocere; remedia olim inventa memorantur combustio, cinerumque in aquam projectio, vel denique capitis amputatio, quod partibus obsecans deinde applicari solebat. In hac domo An æstatem sine ullius noxa transegit. Præcipite autumno inde digressus ad opulentam viduam, nomine Jorunam, divertit. Hæc eum antea nunquam visum, nec nomen, sortem, genusve suum profitentem, studio etiam dissimulantem, cognovit, negabatque præsidium adversus Regis iram & persecutionem ibi suppetere. Ille majori se non indigere præfatus, velle tamen ibi paulisper morari. Quæ cum ad victum pertinentia haut negatura videretur, An curâ æconomica in se suscepit, non sine magno rei familiaris auxilio ibi permanfit, tandemque ejus conjugium petivit. Re ad necessarios delatâ, consentientibus iis, nuptiæ magno apparatu celebratæ sunt. Non exprimitur nomen villæ vel provinciae, ubi habitavit: quatuor rura coluisse traditur, inque singulis triginta domesticos, armis ferendis idoneos, aluisse, provincialesque eum sibi præfecisse memorantur; verum qualis is fuerit magistratus, qui suffragio colonorum deferrebat, non exprimitur. Interim Biornus Anis pater in Hrafnista mortuus est, Gautusque sororius affinium loco villæ præerat; filius ejus Grimus admiratione avunculi Anis ejusque gestorum captus, ad eum se contulit, benignèque exceptus, diu ibi omnibus gratus permanfit. Interea Thorér sapius ad fratrem profectus, svasit, ut Regi reconciliari studeret, arduum ipsi futurum adversus tantam vim obniti. Verum ille fortasse se commissurum simultarum illarum eventum, tantum optare, ut, resignato Regis satellito, ad paternum prædium excolendum se conferret; infidamnamque fidem Regis eum sequi, nullo suo emolumento, ad ultimum in exitum versuram. Verum frustra illi prælagus frater imminens fatum, nec fortè evitabile, præcinebat.

CAP. VI.

DE IMMISSO IN ANEM SICARIO, EJUSQUE LUDIBRIO.



Uit vir quidam, nomine Ivar, genere nobilis, natione Uplandus, forma speciosus. Is post Anis abitum in aulam Ingialdi admissus, cum sororis illius Asæ nuptias expeteret, nec facile impetraret, tandem capite Anis impetrabiles ostentabantur. Procius tantam dignitatem parvo semomento levique opera promeriturum existimans, consensum virginis requisivit; quæ impletâ conditione in fratris se potestate futuram promisit. Inde ortum versus profectus, hybernium diversorium ab Ane exposulat. Ille hominis ignoti receptum intuitum causatus, sibi tamen victum denegare, aut premium ante tempus poscere, insoletum; nec illum rectius redditurum, priusquam hospitium ipsi probaretur, respondit. Exceptus hospes, fabriles Anis operas præstabat, eumque assidue comitabatur, in occasionem intentus, quam, dum exipatiarentur, oblatam apprehendere conatus, validò præcedentem ictu petiturus, velociori, quam opinabatur, incessu gradientem non attigit, frustratusque ictum in radices arborum impexit. Detectis hoc modo insidiis, An hospitii premium haut satis commodè repensum

criminabatur; nervo igitur manibus constrictis, ante se eum agebat, rediensque domum compedibus vinciri curavit, quoad supplicium de eo sumendum domesticorum suffragio decretum esset, quod perfidiâ mortem meruerit; id vero An, ut privato concilio nimium, cum improbarer, publicam curialium sententiam prætulit, ut palam ibi, quo instinctore insidias sibi struxerit, profiteretur, quô constaret, inimicitias cum Ingialdo Rege non sua temeritate, sed provocante necessitate, susceptas esse. Illo, conventu Ivar cum omnia ordine exposuisset, infrementibus omnibus, occidendum proditorem negabat; nam & procum Regium rectius remitti, notis singularibus à plebeis & vulgaribus distinctum, quo muneri majus esset pretium. Fractis igitur tibiis, plantas pedum inverti mandavit, ut hallus digitique in calcem intorquerentur, capite similiter ex parte inverso. Hac ignominia affectum ad Regem eum remisit, titulo muneris compensationisque interfecti à se fratris reliqui, ne causa regvirendæ multæ illa superesset; quem ut Ingialdus tam malè multatum redeuntem conspexit; *hostibus solemne*, inquit, *audiri, hostes suos eorumque affectas occidere, non ignominia affectos remittere, sub probroso muneris Regii titulo.* Eum igitur munus ignominiosum reputans, domum remisit. Soror vero Regis, homuncionis temeritatem in ambienda affinitate exprobrans, ei insultabat; atque ita ignominia plenus domum rediit.

CAP. VII.

DE INSIDIATORIBUS A REGE IN ANEM
IMMISSIS, FURCISQUE ALLIGATIS, OCCISIQUE
FRATRIS CADAVERE AD EUM MISSE, ET
DEPORTANTIUM SUPPLICIO.



Hoc interea, crescente in fratrem ira Regis, paulisper ex aula secessit. Interim Ingialdus in nectendis insidiis pervicax, homines duodecim subornabat, qui diverforium hybernæ ab Ane postularent, titulo communis æris ex æquo inter se dividendi, cujus arbitrum eum delegissent. Interim, muneribus corruptis domesticis, oportuno eum injuriis futurum ratus est; qui telam hanc ex præscripto ordine texendam suscipiunt. Verùm uxor Joruna, fœmina perspicax, notas insidiarum animadvertit, maritoque suggestit; qui nihil sinistri se suspicari asseverans, experimentum tamen in castrinum diem capturum pollicetur, nam domo solum profecturum se simulabat. Isti igitur in partes divisi, vias omnes obsidebant: sex speculatores, totidemque famuli Anis corrupti, per bivium divisi reditum domini observabant, totidem ex utraque parte domi remanserunt, suspicionis avertendæ causa. Interim uxor Grimum cum magna familiarium manu per occultum tramitem in occursum viri ablegat, reliquis insciis. Tempus ad vesperam extractum est, nec tutò sibi insidiatores diutius excubare posse videbantur, itaque domum redeunt; redierat & An, truciq; eos vultu affatus, jubet insidiarum, jam proditarum, seriem consiliaque pandere; dudum sibi animum eorum perspectum, sed & familiarium lubricam fidem hoc experimentò cognitam; verùm nolle eos occidere; abirent domo protinus, quoquò liberet, edicit: Regios vero nuncios insidiatoresque in potestate Grimi futuros præfatus, omnes invicem illiga-

illigatos ab infelici arbore suspendit. Qveis cognitis, Ingialdus in maiorem iram exarsit. Hoc tempore Thorer in aulam rediens, perspectâ Regis irâ, fratribusque offensâ, intimis sensibus angebatur: quod ut Rex animadvertit, causam requirit. Ille conspicuas, easque multas, esse respondit. *Atqui nos, inquit Rex, tibi bene cupimus, nec minore honore quam pater noster te dignabimur: tuum erit, si quid deficiat, nobis suggerere.* Thorer, nihil queror, inquit, pater tamen tuus liberalitate in nos profusa te superabat. *Preiosamne rem tibi dedit?* ait Rex. *Æstima,* respondit Thorer, gladiumque Thegnem ei tradidit. Quo conspecto, haut convenit, inquit, tantæ rei possessio homini infra Principum sortem. *Dono igitur à me accipe,* ait. *Nolo,* inquit Rex, *tu quidem possidebis, & quidem diuturnum comitem, exsiliensque solio gladiò eum trahet, eoque in vulnere relicto discessit: adjecto, alternis post hac muneribus se Anemque certaturum.* Navem deinde sexaginta nautis instructam expedit, cui funus imposuit, Ani deferendum, gladio vulne. i infixo conspicuum, cum mandatis, *ut cum in stationem devenirent, nuncio ad eum misso significarent, adesse fratrem de firmanda pace acturum, curarentque, ut illectum ad navem, dum ei excipiendo obviam procederet, occiderent; non omnino inultos fratres suos, si horum duorum nece illis parentaretur.* Exinde Ingialdum innocentis Thoreris excidium cunctis invisum execrabilemque reddidit, adeo ut malè tectus ingenii morbus omnium conspectui patens, cognomen ei conciliaverit, quo Mali titulo ab eo usque die innotuit. Nautæ imperata executi, navem prope habitaculum Anis idirigunt. Hac eadem nocte, quæ adventum eorum præcessit, An objectum sibi per quietem uxori narrabat, *fratrem venientem tristem, sanguinolentum, gladiòque, qui vulnere inhereret, transfossus, semper quidem, quoties in somno venire visus sit, malum aliquid sequi solitum; tali verò habitu nunquam ejus sibi speciem oblatam: nolle de nibilo nuncios Regis eum mortuum illic transportare;* Agnovit illa ominosa fomina ejus esse. Nec mora; omnem viciniam ilico convocavit ad festivum convivium, fratri excipiendo, si incolumis; vel vindictæ exequendæ, si interemptus ad se mitteretur; navemque quatuor armatis replevit, quarum binas oculus sinus abdidit, duæ ante insulam quandam jacebant; quibus ad votum dispositis, ipse domi, armati socii in navibus adventum Thoreris opperiebantur. Tandem navem rubris clypeis undique tectam cursum in stationem tendentem animadvertunt. Inde nuncius ad Anem missus, adventum fratris, jam caduceatoris munere fungentis, refert. An verò sæpe illum sine prævio nuncio penates suos accessisse respondit, jam vero præter morem se ad navem expectare. Nuncio somnum ei obrepsisse excusante, ad navem se descensurum, nec ultra, pollicetur. Nautæ venientem aggredi metuentes, funus in terram projecerunt: munus hoc esse Ingialdi Regis ad eum missum referentes; quo brachiis exepso; *& tu quidem,* ait An, *imprudentiæ penas graves tandem dedisti, fideique infido Regi habita: verum aliud magis necessarium est, quam ut te incussem;* prosiensque in navim, rubro clypeo erecto, signum pugnæ dedit, funere intra antrum quoddam tumultuariè abditò. Fit acer conflictus, Regiis ab impetu ejus sodaliumque ægrè se defendentibus. Grimus unò ictu furâ calceque mutilatur, loripedem futurum, qui vulneravit, gloriante. Non destitit An prius, quam omnes Regios satellites occidisset, ne nuncio quidem tantæ cladis superflite, idque in honorem fratris, eum namque navi impositum, cellaque in puppe sedentem, Regiis ad latera scalmosque dispositis, argumentum servitii ipsi perpetuò deferendi, tumulo condidit; atque ita singulorum sanguinem, tanquam victimam, manibus fratris

fratris dabat. Grimus ex vulnere convaluit. Rex hac clade non deter-
sam, sed auctam ignominiam ingemuit.

CAP. VIII.

DE PERSECUTIONE REGIS; MORTE GRI-
MI, SUPERATOQVE AB ANE PRÆSENTISSIMO VITÆ
PERICULO, DOMESTICORUM CÆDE, RESTITUTAQVE REI
FAMILIARIS LACUNA; FILIOQVE THORERE A PA-
TRE AGNITO, UTET EJUS
COGNOMINE.



Interjecto tempore summo dici cujusdam
mane excitatus e somno An, proximam silvam ho-
stibus actutum imminentibus repletam prædixit:
*Improvvisum adesse Regem, imparemque pugnam futu-
ram; suggessisse sibi quidem uxorem, quod obniti ei fru-
stra foret; verum damno suo consilia ejus sprevisse.*
Deinde Grimum domesticosque convocat, ipse in-
genti stipiti bina capita inducit, loco gladium eo usurus: alterum sibi
reservat, alterum Grimo tradit; coronam enim militum circumdaturum se
Regem conjecit, exiguumque gladium usum futurum; his igitur in
confertos hostes irruendum, viamque, quia fugere turpe esset, ab utro-
que latere feriendo faciendam. Deinde ad mare processit; ibi à Rege li-
tora occupata, navibusque elabendi viam obseptam animadvertens, so-
lo Grimo comitatus, multiplicatis ictibus Regios prosternit, perque me-
diam hostium cedentium phalangem in lembum uterque elapsi sunt. Rex
domesticis, quotquot assequi poterat, interfectis, feminis pepercit, classem
Regiæ portum obfidente. Interim An, Grimo comitatus, in navem spe-
culatoriam Regiam, quæ in sinu exstabat, evehit, trabem præpilatam
in eam torfit, ut rupto latere per ingentem hiatus maris undas hauriret,
quoad nautæ pene submersi Regios in auxilium vocarent. Interim An,
persequentibus Regiis, remos acerrimè torquens, Grimum incitabat, ma-
jore nisu remigaturum, si pes ei integer remansisset, testatus. Ille perin-
de, ac si integer esset, se remos versaturum professus, nihil à priorè ala-
critate remisit, nec An quicquam remissius actum sensit, priusquam exa-
nimem deprehenderet: ut igitur manus Regias tantum declinaret, cate-
ro mortis genere contemto, præceps in mare ruit. Rex ut Grimum in
lembo mortuum, Anemque exsiluisse deprehendit, scire novit, quovis
periculo atrociores manus suas eum existimare; cum igitur assequi eum
nequeat, certe continente se ipsum prohibitorium retulit; quod cum nec
ille ignoraret, ad insulam quandam, sed longius distantem, contendit,
quam ægrè assecutus in litore viribus defectus jacuit. Erpus erat colo-
nus, qui solus cum uxore insulam inhabitabat, adque litora exploranda,
si quid forte appulerit, equum duxit. Verum ut virum ingentem inter-
algas marinas jacentem conspexit, mortuum statuens trepidè accessit. An
autem increpitans forti animo esse jussit, propiusque accedere; quem ut
ex voce cognovit, commodius ipsum in uxoris amplexibus recuba-
turum subiecit, deinde domum vectum refocillavit. Ingialdus mortuum
existimans, domum rediit. An autem receptis viribus domum se contu-
lit, latæ opis præmium insulam Erpo, uxori aliquantulum auri, donabat,
nec

nec tamen auxilium his donis pensatum existimans, majus alia vice expectandum pollicitus est. Uxor recepto marito læta lacunam rei familiaris magna industriâ utcumque refarcivit; major tamen erat, quàm ut parvò tempore in pristinum statum restitui posset. Ut vero ejus industriam animadvertit, se quidem illa longe minus ad id usque tempus ad rem familiarem contulisse confessus est. Illa mutua benevolentia certans, salutem ejus quibusvis opibus anteferendam testata est. Tum recordatus prædæ, morte Garani partæ, inque domicilio ejus ad illud usque tempus reconditæ, eò profectus est, gazamque universam avexit, reulitque uxori, quò labore, quò periculò, parta in suam possessionem cesserit. Visa est suppellex ingens, & quæ rem familiarem adeò auxerit, ut par jam videretur, quàm cum esset florentissima, vel etiam in majus accrevisse. Ut verò ea fama ad Ingialdum pervenit, valde indoluit. An vero nupero jam casu cautior, omnes vicinæ partes speculatoribus repleverat: interim domi fabrilia ministeria securus obiit. Vespere quodam, dum ab officina animi recreandi causa exspatiaretur, fumum in insula vicina, cultu quidem destitutâ, sed armentis pecudibusque pascendis accommodâ, prospexit. Veritus ergo Regias technas, vel fures fortè suspicatus, parva scaphâ eò solus tendit; ibi virum magnâ staturâ, sed ætate juvenili, carnes elixantem deprehendit: culter illi manubriò osseò, lanx verò argentea, frustra ahenò viribus extracta vel depascebatur, vel minus cocta aut frigescencia iterum ingessit. Miratus securitatem, sagittâ nervo propulsâ frustum, quod manu peregrinus tenuit, primâ vice excussum in cineres dejecit. Ille telo in terram deposito, securo similis cænam nihilo magis intermisit; alia vice excussa lancem collineavit, nec magis id cænaturum movit; tertiâ manubrium osseum in duas partes discidit. Tum juvenis; *hic quidem ad res meas corrumpendas obstinatus est: arreptoque arcu telum in eum intendit.* An tritupi illud animo recolligens, quod incertum perhibet, quò emissum telum tendat, pone arborem se abscondit. Primam sagittam medium corpus, secundam pectus, tertiam oculum confixuram conjecit, si erectus stetisset, nec objectu arboris se protexisset. Tum juvenis exclamans, *jaculator*, inquit, *in conspectum prodito, si mei impetendi causam datam duxeris.* Prodiit An, cumque eo colluctabatur, miratus in juvenili corpore robur agilitatemque, qua ætatis beneficio se quoque superaret. Luctâ diutius durante, tandem defatigatus An respirandi momentum postulavit, & impetravit. Inter requiescendum nomen genusque juvenis requirens, Thorerem Anis filium se profitentem cognovit; qui cum & adversarium Anem quoque vocari cognovit, alludens ad nomen, *nec id SINE omine*, inquit, *nam SINE multis bonis vires, quem admodum SINE ovis, quam tibi eripui.* An dicacibus verbis abstinere jussit, signaque depromere, quibus se filium Anis probaret. *Prestito sunt*, inquit; *an verò tibi exhibenda, nescio;* depromtòque annulò filium agnovit, domumque deduxit, æque latere suo collocavit, domesticis jam de eo absente Regiarum insidiarum metu sollicitis. Uxore, quinam esset, interrogante, An ab ipso rectius cognituram respondit. Quo Thorerem Anis filium se profitente, *agnosco veriverbium*, inquit, *quo quisquis opulentior, quam sibi creditur, perhibetur, non enim retulit mihi An, quòd filium haberet, verum tanto patri dignus mihi videris;* cognitoque quòd annorum tantum esse duodecim, à longitudine crurum Haleggi nomen indidit: adjectum cognomini donum, haut exigua auri portio. Ani, quâ ratione educatus fuerit, quærenti, insidias Regis ementito sexu devitasse respondit.

CAP. IX.

DE VINDICTA DE INGIALDO A FILIO
ANIS EXACTA, ANISQUE POSTERIS,

Hæcta hyeme, negabat pater se cum diutius
 gratis sustentaturum: filio vero præter annulum au-
 rumque, novercæ munus, nihil in alimentorum mer-
 cedem suppetere regerente, aliam viam monstratu-
 rum pater retulit: ei namque unâ cum patri voca-
 bulo simul ejus vindictam se traditurum, sibi fato ne-
 gatam; sed nec Ingialdo de se vel victoriam, vel
 triumphum permissum; sine tamen perfectâ ultione filio redditum ad se non
 patere, gladiumque Thegnem ei reddidit, adhortatus ut in optatam ultio-
 nem usum ejus converteret; quod si fortè contingeret, ut Regem oc-
 cideret, secuturas victoriam sororis Asæ nuptias, inde filio procreato a-
 missum patrum ex animi sententiâ rependi. Intrepidus ad hæc Thorer
 statim longâ nave instructus piraticam aggressus est, quæ tam feliciter
 cessit, ut proximò autumnò quinque naves, ab armis militeque instru-
 ctas, reduceret; nam & robur immensum incredibilem addidit audaciam.
 Hinc magnum inter prædones nomen, memoriaque celebris profuxit.
 Noctè quadam aulam Ingialdi, velut repentinus turbo, obruit, militibus-
 que cinxit; faces tectis injectæ sopitos excitârunt. Ingialdus cognito au-
 thore incendi, dudum se veritum ait, ne scintilla ex coloni filia Drifa deci-
 dens in ingentem quandoque rogam exardesceret; nam & præsens incendium
 sibi suisque torrendis sufficere. Thorer vatem eum veracem futurum respon-
 dit, nam hoc demum incendio scelera illius exstingvi. Ingialdus igitur
 raptas trabes in januam impulit, quo exitus effractis foribus pateret, e-
 gressusque à Thore, qui prope adstabat, interfecit. Asa soror, gaza-
 que omnis prædæ cessit, simulque ad patrem mittitur, qui eam perbeni-
 gnè excepit. Thorer vero piraticam secutus memorabilia multa gessit,
 factaque patris vel æqvavit, vel superavit, nec prius ad eum rediit, quàm
 opibus afflueret, hyememque apud eum transëgit; quâ exacta, An in Hrafn-
 nistam ad prædium avitum recessit, filioque possessiones omnes in pro-
 vincia ea donavit. Id quod mihi suspectum videtur, cum & prædium
 uxoris ejus dotale & possessiones allodiales, aut certe hæreditariæ, fuisse
 videantur: nisi forte permutatione, eæ, quæ in Hrafnista erant, uxori
 cesserint. Possessiones autem Regias Ingialdi proprias, ne sibi vendica-
 ret, pater svasit, additâ ratione, quod brevi omnia provincialium Regum
 imperia intercasura viderentur, tutius itaque eum in statu minore man-
 surum, quam à majori recasurum. Erpum, matremque suam, avumque
 & aviam illi sustentandos commendavit. Filius Thoreris ex uxore Asa
 Ingialdi sorore fuit Augmundus, à populatione agrorum *Ultraspiller*
 o: *agrorum corruptor*, dictus, pater Sigurdi Biodaskalli, viri in Norvegia
 primarii, cujus historiæ ne mentio quidem alibi uspiam extat. Perspicu-
 um hinc evadit, cum Thorer Haleggus ditionem Naumudalensem sibi
 non subjecerit, Hrollaugum & Herlaugum, qui tempore Pulchricomi
 vixerunt, à Hrafnistina familia alienos fuisse. An, postquam in Hrafnis-
 tam rediit, filiam Miollem suscepit, quæ nupsit Ketilli Raumo: filius illo-
 rum fuit Thorsteinus, pater Ingimundi Senis, ejus, qui inter primos Islan-
 diæ incolas numeratus præfuit provinciae Vatsdalenis in Islandia, de quo
 in-

in primis Islandiæ incolis pluribus actum. Ne Anis quidem tempore gigantei generis Trolli deleti sunt, nam sæpius cum ipsis congressus memoratur. In boreali Norvegiæ parte diutissime remansisse videntur, quod eam magna etiam ex parte primitus occuparent. Aliam insuper filiam, nomine Helgam, Anem habuisse Origines Islandiæ tradunt, licet quâ conjugē susceptam, reticeant. Duxit illam Grimus quidam Lodinkinna, id est hirsuta gena, dictus; horum filius fuit An Raudfeldus, quem durum Haraldus Pulchricornis imperium in Islandiam compulit, cum tamen antea in Hibernia prædas egerit, Grelodemque Biartmaris Comitis filiam captam matrimonio sibi junxerit, interque occidentalis Islandiæ incolas numeratur, habitabatque in prædiâ Eyre dicto, unde numerosa prosapia manavit.

CAP. X.

QVOD RECENSUM FAMILIÆ HRAFNI-
STINÆ EXHIBET.

Rimus ibi occurrit Ketill Hængus, Hallbior-
ni Semigigantis filius, Ulfi Oargi seu Generosi nepos;
filia ei præter Hrafnhildem Helga, quæ nupsit Bryni-
olfo Biorgulfi filio de Torgis, quorum filius fuit
Bardus, cæsus in pugna Hafursfiordensi, anno Christi
DCCCLXXV. Amita Ketillis Hængi fuit Hallbera
Bialfi, aliis Brunda-Bialfi, uxor, Kvöldulfi mater,
Thorolfi & Skallagrimi avia, de quibus in *Haraldi Pulchricornis vita*. Bod-
modus Framaris filius ex uxore Hrafnhilde Ketillis Hængi filia, filiam
Thornyam reliquit, cujus maritus fuit Bodvar Blodruskalius, quorum
filius Thorbiornus Talknius, & alter ejusdem nominis, Skuma dictus, in-
ter primos Islandiæ incolas numerati, sinum Patreksfiordum dimidium,
& omnem Talknii sinum, de cognomine suo dictum, usque ad prædium
Kopanensiam, occuparunt, in occidentali Islandiâ; de quibus liber origi-
num fusius tractat. Post mortem Bodmodi Hrafnhildis in insulam Hraf-
nistam ad fratrem suum Grimum concessisse memoratur, isque eam ite-
rum elocasse Thorkeli Comiti Naumudalensi. Eorum liberi Thorgerdis,
mater Anis Bogfsveigeris, de quo actum est, & Ketill, pater Ketillis, de
primi illius nomine etiam Hængi dicti, ejus qui inter primos Islandiæ in-
colas numeratur, patris Hrafn, qui primus omnium in illa insula supre-
mus totius insulæ iudex (Arngrimo nomophylax) factus est anno Christi
DCCCCXXX. De hoc posteriore Hængo plura suo loco; nam præcla-
ra in Islandia stemmata & maximi nominis viri ab illo profluxerunt. Gri-
mi, Hirsutæ genæ dicti, filii fuerunt Biörnulfus pater Ornulfi, cujus filius
fuit Ketill Brimill, pater Thoreris Snepilis. Hic Ketill Brimill, etiam inter
illos qui primi Islandiam occuparunt, licet id temporis ferè ætatis decre-
pitæ, recensetur. Filiam duxit Thorgnyris, supremi in Svecia iudicis, no-
mine Jorunam. Tractum Kaldakinnem inter Skuggabiargas & Liofávatus
Skardem primò cum filio suo occupavit; postea filius amantitate alte-
rius loci ductus, in Hnioskadalum habitationem transtulit, universum-
que tractum sibi vendicavit, usque ad terminum, Odeilam dictum, habi-
tavitque in prædio Lunde, lucumque ibi consecravit, religiosèque coluit.
Quarta ab illo descendit Gudridis, uxor Thorgeiris Godii, seu Curionis,
de Liofávæne, ejus qui anno millesimo Christianam religionem nomine

universi senatus populiqve Islandi fancivit, arbiter ejus rei à patriæ Principibus constitutus, de quo in *vita Olafi Tryggvini* latius. Alter Grimi filius Orvaroddus erat, ejus nomen cognomenqve post multa secula gerens, cujus vitam descripsimus: subjungentes nunc tabulam genealogicam familiæ Hrafnistinae.

Ut pateat, quibus autoritatibus sequens genealogia nitatur, præter eas, quas in hoc lib. VII. attulimus, sequentes etiam, in tabulâ notatas, adjicimus.

- (a) Ketillem hunc nobis exhibet *Codex Flateyensis*. pag: 272.
- (β) Hanc ex *Historia Eigilis Skallagrimi* huc intulimus.
- (γ) Ex *Historia Grimi Hirsute gene* desumpta.
- (δ) Hunc inter primos Islandiæ incolas refert *Landnama* (seu liber Originum Islandiæ) *Part III. pag: 217.*
- (ε) Hos omnes *Landnama Part. II. pag: 69.* nobis monstrat.
- (ζ) Sigurdum hunc in *Anis Bogsvæigeris vita* habemus.
- (η) Ex *Landnama Part III. pag: 89. & seq.*
- (θ) De hoc vid: *Landnama Part. V. pag. 152.* ut & ejusdem Grettæri vita, peculiari libro conscripta.


Sciat etiam B. L. annos singulis natales, qvi in hac tabulâ Genealogica indicantur, ex hypothesibus, quas fide digna antiquitatis monumenta suggerunt, computatos esse.



Schema Stemmatum:

Ab Ulfo Oargo, seu Generoso, Familiæ Hrafnistinae posterioris Satore, ad nominatissimos & in antiquitatibus celebres Islandiæ incolas, cum natalibus singulorum, ad tempora usque cultæ Islandiæ.

Ulfus Generosus natus Ao. Chr. 688.





HISTORIÆ RERUM NORVEGICARUM PARTIS PRIMÆ LIBER OCTAVUS, DE REGULIS NORVEGIÆ A SA- XONE MEMORATIS.

Brevis prologus.

Quæcumque de Norvegorum ante conditam Monarchiam gestis, eorumque Principibus, exceptis iis, qui sequenti libro inter Pulchricomi progenitores recensentur, ad manus meas hucusque è MSS. exemplaribus pervenerunt, exposui; quod si plura restant, iis in hoc libro locum proprium providimus; cui secundum temporum aut contextus ordinem, absque ullo incommodo aut confusione, facile, si eorum unquam copia dabitur, inferri possunt. Ne vero quicquam eorum, quæ ad manus sunt, in hoc opere desideretur, subjungam ea, quæ Saxo Grammaticus habet, sine tamen temporum ratione, quod cum Islandorum scriptis conciliari nequeat, itaque hoc succinctius, quod omnium manibus terantur.

CAP. I.

DE SVIPDAGO, EJUS FILIO ASMUNDO, ET INDE PROGNATIS REGIBUS SVECIÆ, HAQVINOQVE NITHERORUM REGE.



Inter primos Norvegiæ Reges Svipdagerus, (potius Svipdagus) Saxoni primus, memoratur, qui bello à Gramo Daniæ Rege, sibi ipsi exitiali, ob stuprum sorori suæ illatum, læssitamque filiarum pudicitiam impetitus, fultus auxiliis Saxonibus, in ultionem interfecti à Gramo Regis sui Henrici confluentibus.

Vi-

Victor interfecto adversario Daniam Sveciamque tanti belli præmia hosti potentissimo una cum spiritu erepta Norvegiæ adjunxisse traditur; atque ita primus totius Septentrionis Monarcha longè potentissimus evasisse, Daniæque Grami filium Guttormum, uxoris suæ fratrem, eâ intercedente ab exilio revocatum tributaque pollicitum, præfecisse. Tandem à fratre ejus Hadingo, magna jam gestorum gloria inclyto, apud Gudlandiam, magna licet classe instructus, bello impetitus occidisse. Cujus filius Asmundus patrem ulturus, cum medio belli ardore filio orbaretur, magis exacerbatùs, dum fortissime dimicaret, Hadingumque, propriis viribus desperantem, ad supplicandum familiari Numini adegisset, dvino potissimum auxilio, sed manibus Hadingi, cecidisse. Nec tamen adeo potens fuisse præsens Numen, ut integram victoriam cultori suo daret: vulnere pedi victoris inflicto, perpetuæque in posterum claudicatione fædata est; invictò argumento, non modo Hadingo fortiorem fuisse Asmundum, sed etiam ipso tutelari Deo haut imparem, cujus artes potentiamque omnino elusisset, ni Hadingus hostis præsens adfuisset. Uffonem & Hundingum filios Asmundus reliquisse perhibetur, priorque Sveciæ sceptrâ tenuisse. Is cum ab Hadingo infestaretur, nec idoneas vires, quas opponeret exercitui ejus, haberet, in Daniâ arma transtulisse, mirâ prorsus audaciâ, ut quibus in regno suo par non erat, eorum patriæ bellum inferret, & qui sua tueri non poterat, impugnaret aliena; victusque victoribus insultaret. Translato itaque in Daniam bello Hadingum ad propria defendenda redire compulisse, atque ita liberatam ab hostili metu Sveciam repetivisse. Proximo vere, hoste bellum repetente, per universum quinquennium intra patriæ suæ limites cum dimicasset, his victor hostem regno exegisse. Cumque in Hadingi necem, Thuningum quendam, Biarmorum auxiliis fultum, nuptiis filiæ impletâ conditione illexisset; ipsò ab Hadingo occiso, insidias per colloqvii simulationem Regi struxisse; apertò deinde bellò ab eo oppressus, mortuum amplo funere Hadingus efferrî, conspicuique operis mausoleo condi curasse, Hundingumque fratrem ejus regno præfecisse. Qui dum postea occasum Hadingi, falsò acceptum nuncio, inferiis esset excepturus, in dolium cereali liqore repletum offensò gradu incidisset, ibi suffocatus. Hadingus autem, ne extincto superesset, inspectante populo, laqueos se ipsum interfecisse dicitur. Hundingi filius fuit Regnerus Sveciæ Rex, Saxoni memoratus, ejusque uxor Hadingi filia Svanhvita. Ex his stemma genealogicum è familiâ Norvegicâ Saxo usque ad Halfdanum Secundum, in quò relatiò cum rerum Norvegicarum Scriptoris habuit consentit; nam licet de hoc Svipdago nihil habeant, nec gentis ejus gloriam tantam, ad quantam denique, ad tempora usque Magni Boni, vel alterius Smeckii, nunquam assurrexerit, uspiam prædicent, idque primus Saxo, nescio ex quibus monumentis hausum, doceat; eum tamen in Helsingiam ad Hadingum confugisse, nullo modo cum assertione Islandorum consistere poterit; qui Eysteini Astuti, ejus qui Noris pronepos fuit, ævo Jamtiam primò cultam, nomenque à cultorum antesignano fortitam, ejusque nepotè Helsingiam, circa Noris demum atnepotis tempora. Sed cum Ynglingorum Serie aut Langfedgatale conciliari poterit, nam iis temporibus alii universales Daniæ Sveciæque Monarchæ eo ordine recensentur, ut falli nequeamus. Sed nec mihi horum dissensiones componere animus est; ea tantum, quæ utrique tradunt, producenda sunt. Hujus Hadingi tempore Haqvinus quidam Nitherorum Rex Saxoni memoratur, cujus filiam Ragnildam, giganti cuidam desponsatam, oppresso

proco, ab ignominioso conjugio, forteqve detestabili Hadingus liberaverit, eamqve deinde uxorem duxerit, ex qua progenaverit Frothonem, Saxoni primum, Daniæ Regem, duasqve filias Ulvildam & Svanhvitam, eam, quæ Regnero Sveciæ Regi postea nupserit. Atqve ita ex hoc Haqvino maternum Daniæ Regum stemma, pariter ut a Svipdago paternum, ad Haldanum Secundum promanaverit. Nitheri vel Nidarosiæ, vel Nidnesensis in Agdia provinciæ, vel, ut placet *Jonas Ramo*, insulæ Nitheröen, oppido Tunsbergæ adjacentis, incolæ appellari videntur.

CAP. II.

DE GEVARO ET HELGONE HALOGIÆ
REGE, GERITO ET HERLITO AB HOTHERO BALDERI
VICTORE NORVEGIÆ PRÆFECTIS, SUSPECTAQVE
RELATIONIS FIDE.



Evarus Norvegiæ Rex non is est, qui in Noris genealogia Jofur usurpatur, ut putat *Jonas Ramus*, is enim in Odini Upsalensis tempora referendus est; nam ipsius filia Nanna Baldo Odini filio nupsit, teste Edda Myth: XLIII. Verum qualemqve gestorum certaminumqve inter eos historiam Saxo, verius nescio an Edda, exponit, quantumvis illius concinnator pro instituto suo fabulas texat. Tradit autem Hotherum apud Gevarum educatum, intervenisseqve inter illum & Balldum æmulationem, cum uterqve nuptias filiæ ejus Nannæ peteret, Balldumqve, veritum ne sibi prævaleret, rivalis eum ferro tollere constituisse. Cum autem clandestino filiæ amore, favoreqve patris, ejusdemqve nutritii sui, Baldo præferretur, cujus potentia, invictæqve corporis firmitatis metu, utpote semidei, Gevarus tenebatur, arcanum ei consilium dedisse, quo pacto eum perimere posset; mandans ut Satyro Mimringo gladium arctissimis observatum claustris, armillamqve, mirâ quadam arcanâqve virtute possessoris opes augere solitam, eriperet. Id cum feliciter executus esset, à Saxoniarum Rege Geldero, animo cimeliis istis se locupletandi bello impetiturum victumqve, victorisqve singularem clementiam & humanitatem expertum. Helgonem interim Halogiæ Regem Cusonis Finniæ Regis filiæ Thoræ nuptias expetentem, cum sæpius repulsam passus esset, nec ipse parentis penates invadere, propriæqve voce virginem expetere auderet, quòd impeditoris esset linguæ, quàm ut sibi perivadere posset, præsentis successum aliquem subsecuturum, consilium facundia Hotheri, eum oratorem, sed armatum, cum classe à Dania supplici prece evocatum delegisse, eòqve partes suas promovente filiam Regis impetrasse. Deinde auxilio Helgonis subnixum Hotherum bello Balldum, Odini Thorique, cæterorumqve Deorum confluxu partes suas propugnantium, superbum, postquam eum Nanna facundis jocis elusisset, aggressum fuisse, Deorumqve, fugâ sibi consulentium, victorem factum, Helgone Thoræqve magnifice donatis, cum novâ uxore Sveciam petiisse: verum paulo post à Baldo prælio victum ad Gevarum confugisse, iterumqve bellum jam Daniæ dynastæ populari suffragio facto inferentem victum: tandem Balldum sibi in colle quodam obvium occidisse: demum Gevari Gunnonis sarcapæ sui dolo oppressi, ultionem de interfectore acerrimam sumnisse, quæm inter-

interceptum, atque ardenti pyræ injectum cremavit, quod ipse Gevarum ante per insidias occupatum nocturno vivum igni consumisset, taliter educatoris manibus parentando: Geritum & Herlitum Norvegiæ præposuisse. Villam Herlam prope Bergas, & fretum Herlusfordum, vel ab illo Hiorleifo, vel alio ejusdem nominis nomina sortita esse *Jonas Ramus* conjectat. Ego villæ istius eponymum potius Herleifum dictum existimo, nomine adhuc usitato Herlöf. In his Saxo ab *Edda* valde dissentit, quæ Hotherum inter Asas memorat. Non itaque apud Gevarum in Norvegia educatum, illum Nefum appellat, filiamque ejus Nannam, eandemque Balldi uxorem, ex qua filium Forsetium *Fabula XXVI.* suscepisse tradit. Nanna vero (ut perhibet *Fab: XLIII*) luctu extincta, communem cum marito rogum sortita est. Non itaque Hotherum ei prætulit; sed nec ipse Baldus inter Daniæ Reges memoratur; Vestphaliæ eum præfuisse prologus ejus tradit.

CAP. III.

DE COLLERO, FROGERO ET VIRGINE RUSILA.



Ollerum cum Horvendillo, imperante in Dania Röreco Slingebond (nobis Slaungvanbaugio) accensum æmulatione successuum ejus piraticorum, cum eo conflixisse Saxo memorat, interposita prius mutua pactione de inferiis occumbenti celebrandis, membrique mutilatione denis auri talentis larcierendâ, cum duellum copiarum discrimini uterque præferret: secus obtinuisse alias legimus; truncatus namque pecuniâ vitam, quam ulterius defendere nequibat, redimere, vel qui extra circum propulsus esset, multam pendere tenebatur. Collerum scuto, crebris ictibus absumto, spoliatum, defecto tandem pede, exanimem stravit Hiorvendill, quem, ne pacto obesset, Regio funere elatum, magnifici operis tumulo, ingentique exequiarum apparatu profecutus est. Deinde sororem ejus, Selam nomine, piraticis exercitiis rebus, ac bellici peritam muneris, persecutus occidit. Tempus, cum Röreco Slaungvanbaugius regnavit, secundum nostram computationem, incidit in sextum æræ Christianæ seculum.

Frothone, qui Saxoni secundus est, nobis tertius, sed Vegeti cognomine quartus, imperante, floruisse in Norvegia Frogerus, Othini etiam filius, ei perhibetur; qui à Diis exoratis muneris loco obtinuit, non ab alio vinci, quam qui subjectum pedibus suis pulverem manu convellere potuisset; quem Frothonem, denis Norvegiæ ducibus bello consumtis, cum insulam, quæ postmodum ab eo nomen sortita est, accessisset, invasisset, simulatâque dimicandi imperitiâ, instrui se ab eo petiisse, quem in arte pugnandi plurimum exercitatum longo usu præcepta omnia singulasque regulas exactè callere nosceret. Gavissus Frogerus se laudum suarum, nec earum quidem indebitarum, præconem hostem nactum esse, eundemque ex adversario discipulum repente factum, petitis annuisse, atque è diverso bina quadratæ formæ spatia cubitalibus figurata lateribus humi denotasse; quibus descriptis, assignatam uterque sibi partem complexi feruntur (Ejusmodi certaminum vestigia *Domnus Ramus in sua Norvegia antiqua* multis hodieq; in locis cerni perhibet, notatque unum in nobili

bili Raumsdali villa *Desnes* ubi circuli lapidibus strati se multuò attingentes extent, extra quos non licuissè iis excurrere, qui in circo decertabant, erectiqvè prope victos monticuli, in quibus sint tumulati.) cumqve Frogerum Frotho arma secum ac locum permutare jussisset, pulverem loci, unde Frögerus excefferat, corripuissè, id sibi omen victoriæ datum existimans, nec augurio elusus, continuò Frögerum occidissè memoratur. Observandum, Frogerum patre Odino illo, quem in Hotheri tempora Saxo refert, vix natum videri, cum inter Rôrecum, cujus tempore Odinum vixissè vult, & hunc Frothonem sex gradus, secundum ipsius Saxonis relata, intercedant; multo minus eo, qui Hadingo juvene propemodum decrepitis visus est; qui tamen unus idemqve fuerat.

Fridleifo Celeri negotium cum armis viribusqve inclyta virgine Norvegica Rusila fuisse deinceps refertur, quam armis superassè valde gloriosum visum est. *Jonas Ramus* eum postea, ductâ in uxorem Olonis Op-landorum Regis filiâ, ex ea Frothonem Tertium progenerassè tradit, id quod nec apud *Saxonem*, nec *Pontanum*, nec *Meursium*, nec *Crantzium*, nec deniqve *Arnoldum Hvitfeldium* invenio, quamvis uxorem ejus Fal-tam nominet.

CAP. VI.

DE GOTHARO REGE NORVAGORUM, EJUSQVE DUCIBUS EIRICO DISERTO ET RAFNO, CONFLICTU CUM ODDO EJUSQVE CÆDE.



Ub Frothone, Saxoni Tertio, nobis Primò, Gotharum Regem Norvegiæ regnassè Saxo tradit, eumqve consilia de Dania occupanda agitare cæpissè, facilem expugnatu dictitantem, dum ei à Frothone avarè crudeliterqve imperaretur, Daniqve proprium Regem fastidirent, ob consiliariorum insolentiam, legumqve turpissimarum indignitatem, quas iis auctoribus, ignarus ipse, atate puer, pessimo exemplo sanciverat. Inter quas hæc memorantur: qui conventum Regem vellet, is alloqvii honorem à cubiculariis emeret: quisqvis filias elocare, veniam ab ipsis, dato pretio, mercaretur; sine ea matrimonii contrahendi potestatem nulli fore, neqve fas virginibus nubere, nisi quas experiundo tales esse, ipsi prius cognovissent. His alienarum à Rege populum cum Gotharus probè nosceret, occasionem haut negligendam ratus, id quod defectionem moraretur, ducis nempe idonei copiam, fuissecturum se professus traditur. Fuit vir, plebeio quidem genere, nomine Eiricus Regneri, vel potius Ragnaris, filius, natione Norvegus, in insula Rogiæ Rennisõe, freto Buchensi adjacente, natus. Is magnâ sapientiâ ac facundiâ propositum Regis diffvadere cæpit; etenim Danos in præsens discordes supervenientem hostem facile & subito conciliaturum, prestare ut sumptus bello ancipitis eventus destinatos in proprii regni ornamentum converteret, periculæque securitati postponendo, suæ ipsius saluti consuleret; si tamen Danos, solâ discordiâ debiles, impugnare certus esset, illud potius per legatos attentaret; mitteretqve, qui excursionem crebra Danos passim vellicantes bellileam tentarent, militeqve suo hant secus ac sabel forcipe, uteretur. Imprudentiæ tamen fainâ ad illud usqve tempus Eiricus laborabat; audito autem sapientiæ plenò consiliò, dicendiqve facultate eximiâ, non modo illud Rex subito probavit, sed etiam Diserti cognomine, munere insuper, Tom. I. Xx impo-

impositi semper nominis comite, donavit, navigio *Screiter* appellato, ejusdem cum Halfdani Branæ alumni, sive alterius, Halfdani tamen, nominis, navigio; ut prius in Sorlio notatum est. Rasio, Norvegiæ procerum uni, lacescendi per piraticam Danos negotium datum est. Occurrebat ei Oddus, magicæ rei admodum peritus, ita ut absque carina altum pererans, hostilia sæpe navigia, concitatis carmine procellis, everteret; itaque, ne cum piratis in maritimarum rerum discrimen descenderet, exasperatos maleficio fluctus ad naufragia iisdem infligenda perducere solebat. Hic, inito cum Nordmannis conflictu, ita vi carminum hostilem hebetavit aspectum, ut districtos Danorum enses eminus jacere radios & tanquam flammabundos scintillare putarent. Cæterum hostes adeo reclusis erant obtutibus, ut ne ferrum quidem vaginâ detractum visu perspicere possent; victa quippe fulgore acies præstigiøsæ coruscationis impatiens erat. Cæso itaque Rasio cum multa suorum parte, sex tantum naves in Norvegiam relapsæ documento fuere Regi, haut facile Danos obtineri posse. Ab his etiam Frothonem, solâ pugilum ope subnixum, invito regnare populò vulgatum est, dominiò in tyrannidem versò. Quò Rolleurus (Eirici frater is, sed diversâ matre, nomine Cracâ, natus erat) corporis vi animique ipse etiam excellens, intellectò, ad visendam ejus aulam excitatur. Eiricus autem cum nequicquam diu ac multum diffvasisset, & videndæ Daniæ cupiditate cæteroquin teneretur, comitem se illi addit. Illico consilium Gotharo aperiunt, isque probat, & dat navem, quâ vehantur, ac professionis comites quotquot vellent, tum & mandat omnia regni Danici diligenter explorarent, ut reversi de quibusvis certiorum reddere possent. Inde adeunt parentes, ac subsidia longi itineris ab his petunt & impetrant. Interea patris uxor, nomine Craca, pulmentum informi cacabo ingestum apparabat, supra quem tres colubræ filo suspensæ (inter quas una colore albo) egestam ore tabem dapi immergebant; id redeuntibus domum apposuit, pro serpentum naturâ vario colore tinctum. Quod animadvertens Eiricus, id quod nigrum erat, fratri â matre destinatum, exedit; mox inusitata abstrusarum rerum scientiâ, linguarumque, tum animalium terrestrium, tum etiam volatilium, intelligentiâ imbutus instructusque, difficillima quæque consiliis explicare ingeniique vigore penetrare novit. Fabulosum subsecutis scriptoribus visum hoc est, ideoque ut vanum omiserunt. Nec inficior naturaliter ita esse, adhibitis tamen incantationibus, malisque; geniis in partes vocatis, non magis absurdum videtur per illud medium, quàm alia superstitiosâ media se eis associasse, sagacitatemque quandam ingenerasse, serpentemque antiquum serpentino obsonio viam ad se colendum non improbasse. Nec majorem fidem meruit, quod de Cracâ scribit Saxo, nimirum sub discessum filiorum monuisse eam, si suprema necessitatis violentia postularet, nominis sui nuncupatione remedium celerius esse querendum; affirmans se, Divinâ partim virtute subnixam, & quasi consortem cælitum, insitam numinis gestare potentiam. Quam etiam promissis se exsolvisse postea refert, cum ille in præsentissimo periculo constitutus, dicto novercæ nomine, promptum necessitatis remedium expertus est; clypeus enim ejus, qui sublimi et trabes pendebat, ilico in eum collapsus, inerme corpus quasi de industria, ne à latronibus confoderetur, obtexit. Verum plura talis nuncupationis exempla, eaque frequentia, occurrunt. Nec aliter id, quod de Vagnopto ab Hadingo familiari sibi numine invocato traditur, intelligo; nusquam enim Vagnoptum alias inter numina communiter culta invenio. *Nobilis: Reer-*

Reenbiehm in notis ad cap. XXII. Historiæ Thoorsteini Vikingi plura etiam enumerat, concluditque; *Disas seu genios suos, quos clientibus suis custodes tales propugnatores allegarunt, nihil aliud fuisse quam spiritus familiares, qui protinus nunciare debebant, si quod auxilium indigerent cultores sui, ipsiusque mandato eos protinus eripere.* Injuriam itaque Saxoni faciunt, qui eum hæc & idgenus alia è proprio cerebro effinxisse calumniantur. Sed ad rem. Deducti à communi patri Cracaque uxore ad naves, Daniam petunt; litoribus ejus appropinquantes, præmittunt duos Danici idiomatis peritos, fandique gratiâ pollentes viros, sed veste nudatos, ad Oddonem, quem cum septem navibus non longè distare didicerant. His Eiricus in mandatis dat, ut se ab eo spoliatos referant, actaque Oddonis & consilia speculentur, & ad se deferant. Cognito autem per eos, quod diluculo statuisset hostem improvidum aggredi, exquisitisque ad jactum lapidibus tota replevisset navigia, numero ipse navium impar, (tres enim duxerat) arte defectum supplendum ratus, lentò remigiò intempestâ nocte classi hostili advectus, omnes illius naves terebrò cavat, eòdemque remorum silentiò redit, hoste nihil horum advertente. Summo mane, cum paulatim majorem in horas aquarum vim naves sorpississent, ipse in hostem infestus provehitur, ubi gemino periculo implicitur, dum defensionem adversus armati militis insultus parat, undis abreptus cum universis classiariis mergitur; ita ut copiis omnibus ad internecionem deletis, ne nuncius tantæ cladis superesset.

Eiricus, peractâ jam strage, maturatò recessu Lessœ insulam petit, ubi non repertò quò famem lenire possêt, duobus prædam navigiis domum dirigit, comæatus in annum alterum relaturis, ipse uno duntaxat adeundi Regis copiam petit. Circa Selandiæ litora cum fame confictatus armenta deprædatur, ut se ab incolis impeti cognovit, excoriorum boum corpora funi alligata sub undis abdidit, copiamque inqvirendi possessoribus præbuit; quibus re infectâ discedentibus, furtivam prædam retraxit, ingeniosi furti comendationem, si tamen ullam recipit, hoc comento meritus.

CAP. V.

DE GESTIS EIRICI IN AULA
FROTHONIS.

Interea Frotho Oddonem cum suis occubuisse cognovit, quippe ignorato facinoris auctore famossus cladem rumor exceperat. Erant tamen qui se tera vela, litoribus appellentia, eademque rursus in boream abeuntia, conspexisse narrarent. Ut autem Eiricus portum (Isoram habet *Meyrsius*) à quo Rex non procul diversabatur, subivit, statim, ut è navi vestigiū extulit, inopinatò casu in terram decidit, in lapsu autem faustum sibi eventum ominatus est. Cognitò adventu Greppa aulæ magister (Vestmari, Regii in pueritia tutoris, is filius erat, & alter Regi pupillo tutor, idemque Vestmari frater, nomine Colo) qui jam ante de facundiâ Eirici famâ acceperat, cum sermonem contulisset, victus atque indignatus, magis etiam quòd Reginâ, quam adulterio cognoverat, consuetudinem exprobrasset, ad Frothonem similis amenti currit, ac devictum sese qverens, Regios satellites ad arma vocat, vim in illum tentaturus; & fecisset, ni

Frotho vetuisset, ne in hominem advenam & peregrinum quicquam indecorum admitteret; quâ monitione Greppa â proposito revocatus odium inhibuit potius, quâm mutavit; nam cum armis non posset, veneficio sibi patere deposcebat; quô impetratô, cum exquisita magorum turba litus repetere parat. Primum itaque immolati Diis equi abscissum caput conto excipiens, subjectis stipitibus distentos faucium rictus aperuit, Eiricum hac specie territurus. Verum is suis silere iussis, pontem ingressus, execratione quadam omnem apparatus magicum disjecit. Aggressurus Regiam, munus Regi offerendum glaciale frustum delegit, diligenter veste obvolutum. Ut ludibrio venientem aulici exceperunt, lubricam limini pellem substravere, quâm celeri funis tractu corripientes lapsum insistenti fecissent, in Rollerus pone subiens pectore nutabundum excipisset fratrem. Cum autem foror Regis Gunnvara monuisset, nihil temerè in hospites admittendum, responsum â fratre retulit: stolidum esse legatum, qui ab insidiis sibi cavere nesciret. Legem Frotho tulerat, quâ ultimo supplicio in eos animadvertendum erat, qui munera Regi delata disperderent; erat autem Colo custodiæ eorum præfectus. Is, an quid muneris Eiricus Regi attulisset, exquisivit; statim frustum glaciale, quod sinu occultarat, deprompsit; quod cum trans foculum porrexisset, tanquam manu recipientis elapsum flammis de industria tradidit. Cunctis, qui aderant, conspiciunt nitore frustum cernentibus, visum est igni liqvidum incidisse metallum, Eirico culpam in receptorem convertente, pœnamque debitam requirente, Regina procerumque sententiâ, legis reverentiam executionemque urgentium, Colo ad laqueum damnatus perimitur. Frothonem deinde Eiricus sic colloqvii subtilitate & prudentia cepit, ut deinceps magni fieret, & amaretur inter primos, Oddonisque â se cæsi, quod sub involucris prius, mox candidè fassus est, non impunitatem modò, sed armillam insuper auream dono consequeretur. Ea res cum aulicorum, & in istis quoque Greppæ, pridem graviter offensi, odium in se accenderet, ut amoliretur Greppam, supra ceteros infestum, de Regina stupro illum coram accusat. Quâ delictum mox confessâ, pœnaeque iudicium sibi delatum culpamque deprecante, intercessione Eirici tantum repudiata, cum honorem Greppæ suum vindicare statuisset, & actorem, vel potius accusatorem, innocentiam probaturus, cum fratribus suis ad certamen singulare, cum decem aliis pugilibus provocasset, tridui inducias Eiricus postulavit. Verum cum terrestriis pugnae & totius militaris operæ rudem se referret, restrictas glacie aquas certamini locum delegit; in hoc ab utrisque consensus est, poscitque â Rege recens mactati pecoris tergus. Cui Frotho; *corium meretur, qui corio cecidit*; apertè superiorem exprobrans casum. At ille, exhibitâ pelle, crepidas creat, quas abietino gummi, interfusis mixtim harenis, obtinens, quo firmius vestigia poneret, suis suorumque pedibus adaptavit. Interea, dum eodem vespere, quo conductâ dies certamini erat, apud Regem cœnaret, gnarus magnificentiae Regiæ, quâ prandiorum uti reliquiis vetitum est, frustum, cujus particulam libasset, abiecit, integrasque escas lacera ciborum fragmenta æstimavit. Ita rarefcentibus epulis novæ apponebantur dapes, parvulæque cœnæ impensum est, quod grandi suffecisset convivio: potum deinde postulanti, foror Regis ingenti paterâ porrexit, cujus Eiricus dexteram cum oblato simul cratere corripiciens; *an hoc, inquit, Regum optime, munus tua mihi delegavit humanitas? num mihi, quod teneo, irrevocabilis doni loco cessurum esse confirmas?* Rex pateram tantum postulari ratus, pronunciat donum. At Eiricus virginem sibi velut cum paterâ datam, applicat

applicat. Qvô visô Rex; *fatuum*, inquit, *opera prodit*; *apud nos intacta virginum libertas haberi solet*. Tunc Eiricus puellæ manum, perinde ac poculi nomine traditam, ferro defecturum se simulans; *etsi*, inquit, *plura, quàm dederis, ceperim, aut sitotam temerè teneo, saltem parte potiri liceat*. Rex promissi errore recognitô, puellam tradidit, nolens incuriæ vitium levitate rescindere, qvo gravior pollicentis autoritas videretur. Dimissus deinde ad naves sub sponfione revertendi ad prælium; simul ac reversus est, lubricum instabilemqve gradu hostem solearum nixus firmitate prostravit, victorqve Regem repetit. Mater autem Götvara spinosarum qvæstionum laqueis Eiricum implicitura, qvo filiorum cædem ulcisceretur, imparia certaminis pignora præscribit, ita ut illa torqvem magni ponderis, ille vitam in pignore poneret, aut aurum vincendo, aut lethum succumbendo laturus. Comprobante Eirico certamen, penes Gunnvaram pignus deponitur. Obscænam deinde qvæstionem dicax sæmina cum ordiretur, obscænitæ victa, elingvisqve reddita, gratuitam prius filiorum necem, auro, veluti mercede qvadam, insuper rependere visâ est. Vestmarus orbitatis dolore, ignominiaqve vehementer tactus, viribus non verbis cum Eirico certaturus, vincentis præmium in victi nece constituit, ut utriusqve salus in pignore posita videretur; nec Eiricus recusavit. Erat autem tale certaminis genus. Circulus vimine vel fune contextus, magno pedum manuumqve conatu decertaturis raptim distrahendus exhiberi solebat, fortiori tribuens palmam; qvem colluctantium si quis alteri detraxisset, victoria donabatur, qvem acrius correptum cum concertantis manibus Eiricus excussisset, statim propulso pede senile collum dorsumqve fregit. Qvam rem indignatus Frotho, bonus Princeps, & alumni sui amans, sicâ in Eiricum jactâ interficere eum voluit. Verum ille â Gunnvara Frothonis sore monitus, postquam ictum declinâisset, gnarus Regibus post acceptam injuriam etiam agendas gratias, è pariete extractam, in qvem altè impacta erat, summâ cum dissimulatione reddit, ac modestè; *munera, Rex Frotho*, ait, *dare amicis oportebat; non adjicere, gratiusque habuisssem, si cum ferro & vaginam dedisses*. Qvâ prudentia sermonis caput Frotho iram ponit, non tamen usqueqvaqve, qvin prævidens residuum in animo fratris rancorem Gunnvara, sponsum monere necessarium duceret, ut sibi caveret, idqve mediâ nocte cum corporum curæ indulgeretur (nam eô tacitè exitatô fugâ opus esse nunciat) Qva comite litus ingressus, classem Regiam illic forte subductam, dississâ laterum parte, navigationi inhabilem reddidit, insertisqve rursus asserculis sarfit, qvo minus ab intuentibus læsio nosceretur. Deinde navigium, qvo se comitesqve receperat, haut procul litore depelli curat; qvem Rex laceratis insequi navibus parans, mox fluctu foros æqvante, qvanqvam armis admodum onustus existeret, enare inter alios cæpit. Qvô Rollerus Eiricusqve conspecto, cum contemptu periculi incunctanter se profundo dedere, natabundiqve fluctuantem excepere Regem, jamqve eum superfusa ter unda subruerat, cum Eiricus cæsarie comprehensum pelago levat, cætera naufragorum turba, aut aquis obruta, aut ægrè litori restituta est. Ut verô Rex ad se rediit, seqve captivum agnoscit, multis verbis temeritatem suam castigavit, qvôd iis, in qvos hostilia molitus esset, salutem suam deberet, vitamqve acceptam ferret, qvibus ereptam voluit, subiitqve pudor perditæ, qvâ nihil carius habuit, gloriosæ famæ, metusqve in posterum haut unqvam reparandæ: itaqve in mortem obstinatus lucem odit, manusqve sibi violentas intulisset, ni gravi Eirici oratione, omniqve

que humanitatis studio obleqvioque delinitus, à propositô fuisset revocatus, sibi que ipsi, tum etiam iis, quos persecutus fuerat, conciliatus, quemque injuste interficere constituerat, iusto amore tanto magis mox complectitur. Tum consilio ejus usus, aulâ improbos pellit; quâre cum affectum sibi apud subditos benevolum, gloriam verò apud externos comparasset, ut Eiricum beneficio devinceret, sorore Gunnvara sub sponsalium fide & centuriatu eum donat, seu, quod idem est, militiæ eum ducem creat; at Rollero ejus fratri, quem regno exacturus erat, de sententia Eirici uxorem donat; sororis cum Eirico & Regina cum fratre ejus nuptias celebrat.

CAP. VI.

DE LEGATIONE FRATRUM EIRICI ET
ROLLERI IN NORVEGIAM AD PETENDAS REGI FRO-
THONI ALFHILDÆ REGIS GOTHARI FILIÆ NUPTIAS,
SUBSECUTOQUE SUCCESSU.



Xinde Rex Frotho Eiricum simul & Rolle-
rum in Norvegiam ad Gotharum Regem mittit, ad
filia illius Alfildis nuptias sibi expetendas, ubi per-
benignè excepti, cum legationis causam retulissent,
Rex Frothone repudiato, filiam Eirico offert, eâ le-
ge, ut Gunnvaram, quam adduxerat, viâ comitem
sibi tradat, provinciamque dotalem *Eisler-Jylse* ut
facilius acquiescat, pollicetur. Eiricus autem hanc sibi conditionem val-
dè placere simulat, collaudatque, ceu vix voto expetendam, gratiasque
ingentes agit, quòd Rex tantus homini plebeio sibi offerret filia nuptias,
quibus nihil exoptare majus possit. Inde animum Alvildæ in Frothonem
clam explorans, cum haut alienumprehendisset, ac paratam etiam in
Daniam sequi, eam abducit, & Frothoni uxorem sistit. Strategema autem,
quò usus fuerat, *Saxo*, & ex illo *Crantzius*, describit, *Meursus* ut fabulosum
omittit. Tradunt enim Gothari cum Gunnvara & Eirici cum Alvilda
Gothari filia nuptias, discretis tricliniis, pariete tantum aulae ab utraque
parte vestitò distinctis, celebratas; affedisse Gunnvaram Gotharo, Alvil-
dam Eirico, ab alterâ parte autem Cracam novercam, ob incantationum
solertiam itinerum comitem assumptam, quæ se sororem Gunnvaræ simu-
lârat, eâdem matre, diverso tamen patre progenitam, quæ adversam o-
culorum valetudinem prætexens, ita faciem peplo obstrinxerit, ut ne
sola q videri cognoscendi capitis particula prominere; nuperat ei tempo-
ris ab obitu Regneri viro cuidam, nomine Braco, qui etiam in hanc sce-
nam assumptus est, cumque delecta promissimorum militum manu haut
procul Regiâ delitescere jussus, cum res posceret, auxilio futurus. Assere
deinde à pariete sensim subducto, quantum loci humanum corpus trans-
mittere posset, apertum est, ignarisque convivis spatium meatûs pervi-
um factum. Jam sumtis epulis exeunte Gotharo ad Eirici convivium,
Gunnvara, sicut ante jussa fuerat, (id enim inter illam & Eiricum con-
venerat, postquam exploratâ conjugali fide nuptiarum Gothari copia pro-
posita invictâ eam constantia deprehendit) subducti assers loco pervium
transgressa parietem, Eirici se lateri adjunxit. Gotharus ei assidere, quam
in suo reliquit triclinio, admiratus, qualiter & quare eò venerit, percontari
impensius cæpit, auditque à circumstantibus formæ se similitudine falli;
esse

esse Gunnvaræ germanam persimilem. Ille oris habitum & omnem ornatum oculis signans, hæret stupens, regressusque in suum cænaculum venit, visurus an ibi sit Gunnvara. Interea relabatur illa loco priorē confitens. Rex iterum mutans convivii locum, ad Eiricum regressus, ante se vidit, quam reliquit in alio diverforio, Gunnvaram; hæret rursus stupens, quid tam simile in duabus esset feminis, ut nihil disparitatis posset annotari. In hac ambiguitate rei, verumne cerneret, an similitudine falleretur, convivium exit in noctem. Rex Eiricum juncta filia mittit in thalamum nuptias consummare. Eiricus puellam honorificè appellans seorsum cubare jubet, Gunnvaram suam illè amplexus consopitur. Itaque Gotharus infomnem agens noctem, altius rimari capit, quid miraculi viderit in duabus feminis: tandem id, quod res erat, mentem subit; nimirum divisum parietem creâsse errorem, misitque qui specularetur, quem præveniens Eiricus ante noctem compungi curavit. Deinde duos cognoscendæ rei causâ tacitè Eirici cubiculo intromissos subornat, ut Eiricum cum Gunnvara in eodem lecto repertum occidant. Qui inito latenter cubili, eos nexis invicem brachiis, communi toro fruentes conspiciunt, quos semisopitos rati, profundiorē quietis copiam, mandataque exequendi occasionem meliorem expectant; quæ ut affulsit, continuo districtis prodire gladiis. Expergestus Eiricus, cum imminentes capiti gladios suspexit, dicto novercæ, id temporis haut procul distitæ (aderat enim convivio) nomine, quod olim inter pericula nuncupare jussus erat, promptum necessitatis periculum expertus est; clypeus enim ejus, ut supra dictum, qui sublimius à trabe pendebat, ilico in eum collapsus, inermē corpus quasi de indurtria, ne à latronibus confoderetur, obtexit. At ille fortuna haut frustra usus, proximi latronis utrumque pedem stricto dissecuit ferro, alterum Gunnvara non impetu minori hastâ transfodit, muliebri corpore virilem animum æqvans. Mox Rollerus iis, qui cominus excubare jussi fuerant, signum irrumpendi in Regiam lituò dedit. Quo Rex audito, hostium adventum indicari ratus, præceps fugam navigio capessit. Interea Bracus, & qui cum eo irruerant, convulsam Regis suppellectilem Eirici navibus imponendam curabant. Medium ferme noctis agendis impensum est prædis, quorum mane Rex cognitâ fugâ insecutionem molitus, per amicorum quendam, ne quid subito pararet, aut cum impetu exequeretur, admonitus est; perſuadebatur quippe majori instrumento opus esse, nec expedire cum paucis in Daniam consequi fugientes. Sed ne sic quidem impatiens animus damni impetum preſſit; nihil enim magis moverat Regem, quàm quod alienæ cladis paratus recidisset in suos. Enavigans autem Rex, pervenit in portum, qui postea ab Omi vocabulum tenuit, ubi adversa tempestate obortâ, alimentis defectus, fatius arbitratus est, moriendi necessitatem ferro subire, quàm fame; itaque nautici manu in se ipsos versâ, alternis vulneribus acceleravere fatum. Rex cum paucis montium prærupta secutus elabitur. Indicium cladis colles editi præbent. Interea Eirico prosperè navigationem emenso Frothonis cum Alvildæ nuptiæ actæ sunt. Hæc Saxone referente ipsius maximam partem verbis transcripsi; minus autem se probat, convivis ignaris mentas, scamna, conclavia toties mutasse Gunnvaram: sed nec facti ratio apparet; nihil enim id ad Alvildæ raptum promovendum, cæteraque destituta, contulit. Nec ratio subest, quominus Rex suam jam conjugem in genialem secum lectum per noctem tædis destinatam, quàm Eiricus suam, duceret.

CAP. VII.

DE GESTIS EIRICI ADVERSUS SCLAVOS, REGEMQVE EORUM, DUCTUQVE FROTHONIS adversus Gotherum, ejusque cæde, gestis Eirici cum Hunnis & Russis, gestis Rollerii adversus Sunnariæ & Normariæ Regem Arthorium, Jantiæ & Helsingiæ Regem Thorum Longum, Hithino & Hognio, gestis deinde Eirici cum Alarico & Gunthiono, subjectaqve Svecia, Værmia, Helsingia, Eiricoque harum terrarum Rege à Frothone constituto, adjectisque ejus imperio Lappia, Finnia & Estia, utque hæc ab Islandorum monumentis discrepent.



Eirici deinde ingenio industriaq; Rex in omnibus expeditionibus feliciter usus est: nam & Sclavos ejus operâ domuit, Regemque eorum Strunicum occidit, primusque Daniæ Regum Vandalorum titulum assumpsisse, posterisque reliquisse Meursio memoratur. Ingenioso strategemate Sclavis maritimam cladem incussit Eiricus; nam dum piratas septenis navibus esse cognosceret, unâ tantum è suis advectus, reliquis ligneis propugnaculis cingi, tonsisque arborum ramalibus obduci jubet. Deinde, cum hosticæ classis numerum plenius speculaturus procederet, insequentibus se Sclavis, ocyus ad suos refugere capit. At hostes ut insidiarum ignari, ita fugientem comprehendere avidi, crebro incunctantique fluctus remigio concussere, naves enim Eirici liquidò cognosci non poterant, frondentis sylvæ speciem præferentes; qui cum angustioris se maris flexui tradidissent, subito Eirici classe conclusos vident, sed primum inusitatâ facie stupidi navigio nemus agi putabant, deinde fraudem foliis subesse cognoscunt. Seram ergo incuriæ pœnitentiam agentes, habitam incautiûs navigationem remetiri tentabant. Sed dum puppes obvertere parant, ab hoste eas insiliri conspiciunt. Eiricus verò, subducto in litus navigio, fundâ procul in hostes saxa torqvebat: igitur Sclavorum cæsi plerique, qvadraginta capti fuere. Interea Gothus sumendi de Eirico supplicii gratia exercitum comparat. E contrario Frotho cum magno classis apparatu Norvegiam petit. Cum ad insulam Renisœe pariter appulissent, Gothus Frothoniani nominis magnitudine territus, pacem per legatos efflagitat, *non fore sibi rem cum Frothone, sed Eirico, qui perfidiâ multiplici se lessisset.* Eiricus aderat, & de Regis voluntate respondit: *impudens videre negotium, ubi latrocinium ingressus pacem prior turbavit, priorem pacis facere mentionem.* Effectum tamen per legatos, ut pace ac fide publicâ interpositâ in colloquium Reges descenderent. Ibi gravis orta inter Gothorum Regem Eiricumque contentio, quòd Rex objiceret Eirico ingratum animum, quâsi immemor beneficiorum pessima pro magnis in se meritis rependeret. Eiricus contra; *si quid unquam sibi à Rege beneficii videretur collatum, id salutaris consilii semper compensasset obsequio.* Frothonem vero Regem ac se legatum ejus violatos esse, quòd neque legationem ejus ab initio suscepit, inde etiam acceptam rejecerit. Si volentem puellam ad regnum provexerit, nullius se eo nomine culpe videri obnoxium. Super omnia vero, quando ademptam illi voluit ejus cum conjuge vitam, tum se divina atque humana perturbantem nihil illi reliquisse, quo aut Eiricus illi obnoxius, aut ille non omni genere sce-

re scelerum obstrictus maneret. Ex verborum contentione eò perventum est, ut signa canerent, pugnaque instrueretur. Acerbis utrinque odii pugnatum est, Gotherus Normannorum Rex opprimitur; regnum Frotho, quod septem constabat provinciis, largitur Rollero, Eirici germano, quod bonam tum, ut & alias, operam sibi navasset, eundem quoque Eiricus collatâ sibi quondam â Gothero provinciâ muneratus est. Hunnicco deinde bello, quod ob repudiatam â Frothone Hunnorum Regis filiam illatum est, Eirici virtus consiliorumque admiranda vis plurimum enituit; exercitum quippe ingentem primò Russorum, mox Hunnorum, exploravit, modumque, quo superaretur, edocuit, adque delendum plurimum præstitit; legum insuper iniquarum abrogandarum, salubrium reduendarum auctorem se præbuit, Regi regnoque utilissimum. Nec Rollerus rei strenue gerendæ materiam neglexit, Sunnmæriam siquidem & Normæriam, occiso earum provinciarum Rege Arthorio, vestigales reddidit. Jamtis & Helsingis Thorus Longus Regio titulo præfuisse dicitur, ab Olimaro imperio Frothonis subiectus.

Quæ de Hythino & Høgnio Saxo memorat, quos inter Frothonis duces recenset, in II. Appendice ad Seriem Regum Daniæ exposita sunt, Gesti Blindi autem & Alrici (qui nobis Heidrecus) controversiæ, earumque eventus, hujus partis Lib. X. Cap. XVII. Cum autem Saxo Eirici hujus gesta his connectat, placet ea etiam adscribere. Eodem, inquit, tempore Alricus Sveonum Regi adversum Gestiblundum Gotthorum Regem atrox incidit bellum; at Gestiblundus viribus minor Frothonem supplex accessit, se ac regnum percipiendæ opis gratia dediturus. Qui mox Skalk Scamico atque Eirico in subsidium receptis, cum supplementis militum rediit, cumque militiæ procursum in Alricum effundere statuisset, Eiricus prius filium ejus Gunthionum Vermis ac Solungis prælatum censuit impetendum; igitur irruptione facta perit Gunthionus, nomenque ejus tumultum refert. Audiens Alricus interemptionem filii, ultum ire deproperat. Conspicatus hostes, Eiricum clandestino accersitum colloquio, recensitis patrum suorum fœderibus, ut Gestiblinde militiam detrectaret, orabat. Quod Eirico pertinacius abnuente, cum Gestiblinde dimicandi licentiam flagitat, privatam pugnam publicæ præferendam existimans; quem Eiricus senectute armis inhabilem referens, tristem ejus valetudinem maxima cum etatis excusatione prætendens, se ejus loco obtulit pugnaturum, probrosum ducens, si duellum præstare refugeret, pro quo bellum commissurus venisset. Hinc absque cunctatione dimicatum est, occiso Alrico, Eiricus quàm gravissimè affectus, egrè compertis remediis serum incolumitatis regressum habuit. At Frothoni ipsum occubuisse falsò fama vulgaverat, mentemque Regis magno ob id morore torquebat, quàm tristitiam Eiricus reditûs sui beneficio dispulit; quippe Sveciam, Vermiam, Helsingiam (quam tamen Olimarum, Rege ejus Jamtiæque Thoro Longo occiso, vestigalem effecisse, Dimaroque procurandam cessisse prius dixerat) atque insulas Solis operâ suâ, Frothonis adjectas imperio nunciabat. Quem mox Frotho devictarum ab eo gentium Regem constituit, ac præterea Helsingiam (quæ hic iterum inter devictas ab eo gentes non numeratur) ei cum utraque Lappia, Finniâ quoque & Estiam annuo stipendiorum jure contribuit. Nemo ante ipsum Svecicorum Regum Eirici nomine censebatur; ab ipso autem in ceteros vocabulum fluxit.

Quantum hæc ab iis discrepent, quæ in Serie Regum Daniæ Lib. III. Cap. IV. de Heidrico & Gesto Blindo, seu Cæco, ex Hervoris Historia, præclaro antiquitatis monumento, descripsimus, fusiusque infra describemus, lectoris judicio relinquo. Vermiam Frothonis hujus, sive Christi, tempore

cultam, ne dum armis subiectam, non affirmaverit, qui fidem Chronicis Norvegicis habet, quæ constanter affirmant, Olafi Lignatoris, Svecia pro-
fugi, auctoritate, auspiciis ductuque solum silvis tantum horrescens habita-
tioni idoneum redditum, mox etiam coloniis Svecicis plus nimium reple-
tum. Fuit autem Olafus ille Haraldî Pulchricomî, nati Anno Christi
DCCCLIII. tritavus, multis post Christi incarnationem sæculis, Heidreco
etiam multo posterior, & ipso quidem aliquot sæculis à Christi æra re-
motiore, quàm ut liceret ei cum Erico Frothonis satellite congregari.

CAP. VIII.

DE ASMUNDO ET ASVITO, DEVICTA
HALOGIA, AC TOTA DEINDE NORVEGIA, LATIS A
FROTHONE LEGIBUS, REGIBUS THELAMARKIÆ ET FINN-
MARKIÆ THENG-LLO ET ECHTERO AD OBSEQUIUM REDAC-
TIS, ARNGRIMI NUPTIIS CUM FILIA REGIS OSURA, INDE-
QUE NATA SOBOLE, HORUMQUE AB ISLANDORUM
TRADITIONIBUS DISCREPANTIA.



D hæc tempora Saxo refert Asmundum Asvi-
tumque, qui Aran nostris dicitur, quorum historiam
antea exposui; ne tamen iis, qui Saxone destituun-
tur, delit utriusque relationis invicem conferendæ
facultas, etiam ejus traditionem hic adscribam, cum
aliàs propositum sit, in hoc opus omnia conjicere,
quæ de Norvegorum actis ad nostras manus perve-
niunt, & fidem aliqualem mereri videntur. Tradit autem Frothonem
Norvegus, qui ab obsequio ejus defecerant, bello persecutum adeo terru-
isse, ut abjectâ defensionis spe in Halogiæ fines majori ex parte profuge-
rint (id quod de vicinis tantum provinciis intelligendum videtur) inter
quos Stikla virgo servandæ castitatis causa se subduxerit; ab ea forte cæ-
dem Divi Olafi notabilis villa Stiklastadæ nomen sortita est. Ericum autem
auxiliarem exercitum è Svecia terrestri itinere duxisse, in transitu autem
incidisse in tumultum recens excitatum, ad quem aperiendum opesque
inde decerpendas avidus miles cum properasset, ligonibusque perfractum
lustraturus, unum ex suorum promptissimis pendulo circumligatum fune
demisisse, qui sportâ restim sequente intromissus ab eo qui intus erat, de-
jectus fuerit, qui locum ipsius subiens, consensu corbe superne astantibus
ac moderantibus funem abstrahendi signum porrexerit; cumque in lucem
venisset moriferâ specie ignotus homo, quem recens etiam sanguis fœ-
dasset, protinus eos, qui extraxerant, fugisse, ipsum autem ad os inferni
specus relictum fugientes clamore revocasse. Docuisse deinde, quo pa-
cto tumulto illatus fuerit, hoc ordine: Asmundum se nominabat, Alfi Re-
gis Heidmarkiæ filium, accidisse autem referebat, dum parum prospere
venationi intentus feras insectaretur, cum oborta caligine longius a retia-
riis avio calle divulsus vasta juga pererrasset, tandem eqvo & vestibus de-
stitutus, fungos & tubera peredisset; ut ad Biorni Vichiæ Regis aulam for-
tuito perveniret, ubi inter se & Asvitum Biorni filium arctiori amicitia in-
tercesse, juramento in tantum firmata, ut qui alteri supervixisset, ad mor-
tuo se contumelandum obligaretur. Asvitus prior mortuus est, tumulto-
que una cum cane, eqvo & accipitre mandatus, cum quo Asmundus ob
amici-

amicitiæ jusjurandum vivis contumulari sustinuit, cibô, quo vesceretur, illatô. Alfvitus autem noctibus redivivus, crebra colluctatione lævam illi aurem, pereo prius cane, eqvo & accipitre, abripuit. In Halogiam Frotho classem traduxerat: ibi ad cognoscendam multitudinis suæ speciem, quæ numeri mensuram capacitatemque transcendere videbatur, collem à militibus congeri jubet, viritim lapide in acervum missô, eundem quoque hostis numerandi agminis modum secutus est. Conspicuos adhuc colles fidem visentibus præbere haut dubia fide Saxo refert; & haut scio, an aliâ ratione coaluerint tales acervi, pluribus in locis maritimis hodieque spectabiles. Hic Frotho, confertâ cum Norvegis pugnâ, gravem cædibus diem egit; noctu utrinque receptui consultum est; appetente diluculo terrestria permenus supervenit Eiricus; hic Regi certamen suggerit iterandum; quo bello tanta de Danis strages accepta est, ut è ternis navium millibus, solæ centum septuaginta superstites fuisse credantur. Normanni verò tam vasta clade deleti sunt, ut fama sit, ne quintæ quidem Vikorum parti remansisse cultorem.

Norvegis devictis, ut quieti publicæ consultum iret, dat easdem illis leges, quas in Dania paulo ante promulgaverat, ratus fore, ut quemadmodum uno jure uterque populus uteretur, ita etiam deinceps animo conjungeretur, utque homines à rapinis atque furtis ad honestam vitæ agendæ rationem revocaret, furem in furcam agi jussit, tum præterea lupum vivum juxta eum alligari, qui cadaver variè dilaceraret, ut spectantes pænæ ejus gravitate deterreret: eandem quoque furtorum conscis multam irrogavit. Legis autem recens natæ reverentiæ, edictæque à se innocentie experimentum, armillas duas constituit, quarum alteram in rupe, quam Frothonis petram nominant, alteram apud Vik provinciam, habitâ cum Norvegis concione, defixit; quibus subductis in omnes regionis præfides animadversum se minatus est. Jussit etiam, ne quis domum vel arcem obsideret, aut rem ullam claustrorum custodia contineret, triplicem amissorum restitutionem promittens. Statuit idem, ut navigantes reperitis ubicunque remis licite fruerentur, amnem vero transiturus usum eqvi, quem vado proximè reperissent, liberum concessit, dummodo descenderent; cum priores ejus pedes solum attingerent, postremos adhuc unda sublueret; sed capitis reum pronunciavit, qui superato amne longius in usum abduceret. Præterea tantum alieni cibi in comæatus assumi permisit, quantum uni cænæ sufficeret, qui capiendi hanc mensuram excederet, eum furem pronunciavit.

Ex Alvilda filium Alvonem & Osuram filiam procreavit, exactioque in Norvegia septennio in Daniam rediit. Interea Arngrimus Svecus athleta Osuram uxorem petit, neque obtinet; post repulsam Eiricum orat, ut pro se intercederet; sed is veritus, ne & ipse frustra foret, adhortatur, ut Frothone claro aliquo facinore potius demereretur; & occasionem esse, quando Finnarchiæ Rex Thengillus & Biarmie Echters jussu ejus detrectarent. Cujus cum consilio obsequeretur, & exercitu coacto utrumque aggressus, tandem etiam in Frothonis potestatem redigisset, negatô prius matrimonio potitus est. Ex illa duodecim filios sustulisse Saxo auctor est, in quibus Angantyr, quos omnes ab Orvaroddo apud insulam Samsœ deletos perhibet. Verum in quantum hæc ab iis, quæ alio libro tradita sunt, dissentiant, cuius patet: ibi enim genus Angantyris fratrumque longa ferie ab Ymere, Nore, Odino petum panditur; nec Eyvor, quam Saxo Osuram appellat, Frothonis, sed Svafslamii ex Fride uxore filia illic habetur.

betur. Nec Frodius Sveciam imperio tenuisse traditur, ut nec Eiricus, cum Frothonis tempore Freir, Fiolnerqve, & (secundum nostram computationem, per evidentem consequentiam ē priscis monumentis deductam) Svegdír etiam & Vanlandus, ei præfuerint. Equidem plurima, quæ de Eirico traduntur, veritati consona esse credo, depromptaque ex historico plurimæ quidem autoritatis monumento, quod Skioldunga-Saga appellatur, nec nostro tempore, quod sciam, superest; Præfecto enim cuidam Islandiæ admodum imprudenter donatum avtographum ferunt, nullo exemplari domi relicto; id tamen Saxonis tempore extitisse, partesq; quasdam & fragmenta illius visa ei suspicor, unde hæc sua mutuatus est; integrum non habuisse, ordo ab eo longe diversus, quem patriæ memoriæ religiosè observant, plane evincit. Quod autem Eiricus inter Sveciæ Reges collocetur, & quidem is, qui id nomen à se deductum sequentibus impertiverit, auctori historiæ illius haut adscribendum iudico; irrepit id procul dubio haut aliter, quàm ultimus in vitam Herraudi & Bosii paragra-phus, exemplaris illius, quod in Svecia impressum est, quem nec alibi legisse memini; ubi Herraudi Regis filius Rikardus nominatur, Conradi pater, illius qui serpentum terram visitaverit; aut alter similis in secundum caput historiæ Vikingi & Thorsteini itidem exemplaris typis Svecicis excusi, ubi Vesetius Vifillis frater insulam Borgundarholmum occupasse incoluisseque perhibetur, mox autem subjungitur, vicisse illum Bujum & Sigurdum Kapam, idque nulla ratione. Confimiliter in historiam Haraldi Hilditanni à Saxone conscriptam, athletæ Thylenfens invaserunt, Mar Ruffus ē pago Mithfrithi, Grombar annofus, Gram Brundelucus, Grim ex oppido Skerium apud Skagafyrchi provinciam satus; quæ quidem provincia in Septentrionali Islandiæ quadrante sita sunt, nec tamen eo tempore Islandiam cultam legimus; defunctq; hæc nomina in mihi viso exemplari. Hæc & his similia à librariis, nimia opinione peritiæ rerum antiquarum inflatis, profluxerunt, qui, ne nihil scire viderentur, hæc ex suo adjecerunt.

CAP. IX.

DE FRIDLEIFI FROTHONIS FILII CON-
GRESSU CUM DUODECIM FRATRIBUS NORVEGIS,
EORUMQVE, UNO EXCEPTO, CÆDE, AMUNDI NORVEGIÆ
REGIS OB NEGATAS FILIÆ A FRIDLEIFO EXPETITAS NUPTI-
AS OCCISOSQVE LEGATOS INTERITU, LIBERATA REGIS
THELAMARKIÆ FILIA AB HYTHINO GIGANTE, AVONIS ET
BIORNI DUELLO ET RECONCILIATIONE, SUSCEPTAQVE
EX VIRGINE NORVEGICA FRIDLEIFI FILIO FRO-
THONE QVARTO, EJUSQVE
NUTRICATU.



Frothonis filius Fridleifus Halfdano Eirici Di-
ferti Sveciæ Regis filio, adversus duodecim fratres
Norvegos, pugiles strenuos, suppetias tulit; quo-
rum nomina memoria conservavit, hi recensentur:
Gerbiorn, Gunnbiorn, Arnbiorn, Stenbiorn, Es-
biorn, Thorbiorn & Biorn. His sedes receptaculum-
que in insula quadam sylvosa fuit, cujus situs rapi-
dissimi fluvii undis undiqve vallabatur; decidebat is ex summi montis ca-
cumi-

cuminibus, tanto impetu, ut animalia nando defatigata plerumque subverteret. Solus Biornonis eqvus robore pernicateque tantum valuit, ut cæteris trajicere non valentibus obstrepentem indefessus vorticem superaret. Erat & Biornoni inusitatæ ferocitatis canis, horrendæ quidem acerbitalis bellua, atque humano convictui formidanda, quæ duodecim viros sola oppresserit; quod tamen in dubium Saxo vocat, quæ deliciarum quendam loco habita, Offoti gigantis inter pascua tuebatur armentum. Offotanus nostris gigas ille, vel potius gigantum Rex, appellatur: finis ab eo nomen sortiti mentio fit in Ketillis Hængi vita; plures autem eo nomine notantur; nam & Menglod, quæ Ormo Storolfio Islando tempore Olafi Tryggvini opitulabatur adversus fratrem suum Brusum, Ofotani de sinu sibi cognomine filiam se prædicabat, de quo in Comitum Eirici & Sveni gestis infra plura. Hi juvenes viciniam latrocinii infestare soliti, magnas sæpe strages edebant, fretique loci inaccessi oportunitate impunè grassati sunt. Fridleifus, superato amne, in latebris se abscondens occasionem eos invadendi sedulo observabat; trajecerat autem fluvium eqvo admodum robusto, quem prædones ab eo in insulam fugati trepidantes citra amnem reliquerant, occisioque, qui se comitabatur, servò, Regiis vestibus indutò, inque flumen unà cum eqvo præcipitatò, adque ripam fluvii appulsò, de morte sua fidem suis fecerat; qui indignatione rei permoti, intrepidum fluvium ingressi sunt; quibus ille visis pontem continentis commisit, receptisque pugilibus, primà vigiles irruptione prosternit, relictos quoque consequenter adortus, Biornone exceptò, ferro consumpsit; quem virtutis militaris laude clarum, saluum & idcirco voluit, ut deinde in negotiis gravioribus ejus operà uteretur.

Amundus quidam Norvegiæ (vel potius partis ejus) per idem tempus Rex erat, illius filia Frögerthæ Fridlevus per legatos conjugium petit. Verum incidit triste omen, quod eventum indicaret; quippe unus è legatis inter viam navi excussus, postquam vitam infelicitè amisisset, versà in cruorem aquà, cæteris spectaculum horrendum præbuit. Amundus & legatos contumeliosè habet, & petitionem eludit, dicitans, *nequaquam sibi cum Frothonis, qui Norvegiam adeò graviter infestasset, filio, affinitatem contrahi ullam unquam posse aut debere*, multum indignante filia, rejici à patre generum, qui virtute ac potentia & gestarum rerum gloria longè cæteros antecelleret. Asperum Amundi animum cum Fridlevus se constantia lenitulum existimaret, iterat legationem, quæ majore contumelia etiam excepta fuit; nam legatos, cum in Norvegiam appulissent, comprehendit & occidit. Quod Fridlevus meritò indignè ferens, ut injuriam vindicaret, bellum parat, sociosque sibi jungit Biornonem Norvegum & Halfdanum Sveciæ (provincialem) Regem. In Norvegiam ingressus obvium Amundum habet; utrinque pugnant, terra pariter marique. Frökasund appellant sinum, in quem classis utraque coierat; tandem Amundus maximà exercitus parte amissà, violati juris gentium pænas luit & occiditur; cujus filiam Frögertham postea itinere in Norvegiam instituto, bis negatam à patre uxorem sibi associat; mox Frothonem ex ea tollit; Saxoni in nominis successione quartum, Largum cognomento dictum. Notatum est, cum Fridlevus in sinu Frökasund cum classe copiisque terrestribus, ad prælium cum Amundo concindum ordinatis, moraretur, quòd noctu speculandi gratia castris egressus, cum inusitatum quendam isti aëris sonum cominus percepisset, fixo gradu suspiciens trium olorum supernè clangentium hoc carmen audierit:

*Dum mare verxit Hythin, rabidosque intersecat æstus,
Aurò verna bibit, qui lactea pōcla ligurit.
Optima conditio servi, cui Rege creatus
Obsequitur, temere mutatis sortibus, hæres.*

Deinde post ipsas alitum voces, lapsum ab alto cingulum literas carminis interpretes præferebat: Regis quippe Thelamarkiaë filium (filiam postea tradit, quæ Halfdano Sveciæ Regi (fortè Regulo) nupserit) pueriliter oblutentem, gigas Hythinus nomine, usitatum mortalium habitum mutatus, abduxerat, eoque usus remige, cymbâ in proximum litus trajectâ, Fridlevum tunc fortè speculationis officio fungentem navigio præteribat. Rex gigantem pedè manuque curtatum, liberato captivò, coëgit in fugam, cujus consequenter promontorium petens, egestam antro pecuniam asportavit.

Inter Amundi milites Avo quidam memoratur, qui vindicaturus domini sui necem, Fridlevum ad singulare certamen provocavit, Biorno autem indignum ratus Regem cum privato bellò congregi, vicem Regis subivit; cumque Biorno sinuato arcu nervo sagittam aptaret, subito emissum ab Avone spiculum chordæ summa transfixit, cujus altera mox sagitta comes mediis digitorum condylis impacta successit; his tertia superveniens, in applicatam nervo sagittam incidit. Avo quippe promptissima sagittandi opera eminus utens, de industria gestamen tantum hostis offenderat; ut idem in ipsum sibi licere demonstrans, pugilem à proposito revocaret. Biorno verò nihil ob hoc animi minuens, spreto corporis periculo, constanti mente & vultu discrimen iniit, ita ut nec Avonis quicquam ingenio deferre, neque ex consveta aliquid fortitudine deponere videretur; itaque nulla ex parte proposito deturbatus, intrepidus duello se credidit; quo cum uterque faucius excessisset, aliud iidem apud Abdernes mutua laudis æmulatione gesserunt. Evoluta anno eosdem sæpe ex provocatione congressos, Fridlevus maximâ curâ in gratiam reduxit, amicitiasque odia mutare compulit; quibus etiam filium Olavum, à primarii viri Grubbi cujusdam, Vikæ incolæ, filia Juritha Norvega progeneratum, tres annos natum nutricandum concessit, cujus matrem Avoni, jam in commilitium recepto, matrimonio copulavit.

CAP. X.

DE HELGONE NORVEGO, HELGAM FROTHONIS FILIAM NUPTIIS SIBI JUNGENTE, CONFLICTUQUE STARKATERI CUM NOVEM ATHLETIS.



Uère Frothoni Quarto Daniaë Regi è Frogertha Amundi Norvegiæ Regis filiâ, filiaë duâ, Helga & Asa. Helgam uxorem sibi Helgo quidam celebris Norvegus deposcebat, tantoque luxu navigationem instruxerat, ut inauratis malis exculta auro vela purpureis rudentibus subnecteret. Ingialdus Daniaë Rex, virginis frater, fortitudinis specimen reddi postulat, certamen cum fortissimis athletic; id cum alacritè in se recepisset, Helgoni

Helgoni virgo desponsatur. Erant apud insulam Sialandiam novem Ducis-
 cujusdam filii, viribus & audacia apprime præditi, quorum maximus An-
 ganterus fuit, ejusdem puellæ competitor, ob negatas sibi nuptias exacer-
 batus, Helgonem palæstrica provocatione sollicitat. Approbat Helgo cer-
 tamen, ei quæ dies nuptiarum condicatur. Ut verò ad animum revocavit
 imparis certaminis, sibi soli adversus novem impendentis, haut dubium
 periculum, detrectatque & rescissi simul promissi dedecus, animo fluctu-
 abat. Quò cognito, sponsa auxilio opus habiturum docet, hortaturque
 ut pugna abstineat, quia nihil præter mortem aut ignominiam petiturus
 videatur, præsertim cum eorum, adversus quos dimicaret, numerum cer-
 tum non definivisset. Svasit itaque, ut Starkatherum in Svecia moran-
 tem in auxilium sollicitaret; qui indigentibus adeste, & tristes plerumque
 casus felici interventu expedire soleat. Gratum Helgoni consilium fuit,
 nobilissimamque Sveciæ urbem Upsalam, ubi erat Starkatherus, petit, in-
 gressuque abstinens præmittit, qui eum ad nuptias filiæ Frothonis invitet.
 Indignatus vir severus, *penam haut effugiturum respondit, quòd se, ut aliene
 culinæ sectatorem, ad nidorem gulæ vocaverit, nisi amantissimi sibi cultissimi
 Frothonis mentionem mandatis insertam haberet.* Quod postquam Helgo ex sa-
 tellite cognovit, Regiam ingressus, Frothonis filiæ titulo consalutatum se-
 nem conditæ ex provocatione pugnae socium deposcit, quòd iniquæ pu-
 gnae sorte premeretur, cum secum congregientium numerum non defini-
 verit. Starcatherus, cognitò loco ac tempore duelli, adfuturum se promit-
 tit, eumque Daniam cum comitibus repetere jussit. Nec fefellit promissus;
 aderat enim tempore & loco, quæ à pugnaturo didicerat Helgo.
 Interim nuptiæ parantur. Adest Starcatherus, laceffit usque à convivantibus,
 cum latratus ederent, verbis compescuit. Sed illi convitiis non perper-
 cère, senem irridentes, qui juvenibus se opponeret. Pugnae postera lux
 destinatur. Starcatherus excubias præ foribus nuptialis thalami egit, ne
 qua vis sponso sponsæ fieret. Experrectus Helgo, cum somni stupore
 discusso promissum memoriæ subjecisset, arma induit; animadvertens
 autem parum noctis superesse, dum propinquum discrimen secum reputat,
 obrepentis furtim somni sibi snavitate præventus, gravatum stupore corpus
 lecto restituit. Ingressus cubiculum jam ortâ luce Starcatherus, ubi dulci
 sopore fufum vidit, nova gaudia interrumpere non passus, quietem per-
 misit, egressusque solus locum pugnae petivit, in campo, Danica lingua
 Relling nuncupato, subque montis cujusdam clivo sessione quæsit, ad-
 versum ventis ac nivibus nudatum vestibus corpus præbuit. Venientes
 autem athletæ montem ex opposito subeunt, aversum ventis sedendi lo-
 cum petentes, accensò frigus igne depellunt, mittuntque ex suis in verti-
 cem, qui specularentur venientes. Missus speculator senem in deversa ver-
 tice parte prospicit, percontaturque an is sit, qui promissas pugnae partes
 agere debeat? Cumque se hunc esse Starcatherus astrueret, supervenien-
 tes cæteri, simul omnes, an sigillatim singulos, excipere statuisset? in-
 terrogant. At ille; *quoties mihi, inquit, triste canum agmen oblatrat simul, non
 verò per partes, eos abigere soleo.* Initò conflictu, sex eorum absque mutuo
 vulnerum receptu prostravit, tres vero residuos, quamquam decem & se-
 prem vulneribus ita ab iis affectus esset, ut major viscerum pars ventri ela-
 beretur, nihilominus fratrum exemplo consumpsit. Is siti, vulneribusque
 & sanguinis fluxu fatigatus, cum profluentis rivuli insectam occisorum
 sanguine lympham animadvertit, degustare non sustinuit. Igitur consum-
 to penè robore, saxo, quod in vicinia forte situm erat, genibus advolutus

paulisper eidem acclinis incubuit; cujus cavam superficiem Saxo ita conspicuam fuisse scribit, ac si illam decubantis moles conspicua, corporis impressione signasset. Simile quid de Elgfrodio Bodvaris Biarkii fratre supra ex antiquitatis testimoniis, suspectæ licet veritatis, depromsi. Humanâ arte hanc imaginem Saxo elaboratam sibi videri, majori verisimilitudine existimabat. Rabulam forensam primum, secundum ancillæ conjugio sordidatum, tertiam ancillam, omnes prætervectos opem medicasque manus sibi offerentes, in extrema necessitate constitutus, ut vitæ genere minus honesto, aut forte, contaminatos repulit; rustici verò, à sordido quæstu alieni, auxiliò probatò, quò opitulante, visceraque pristino loco restituyente, vehiculo impositus in Regiam deducitur. Monitu deinde uxoris, ingenii severitatisque, Starcatheri apprimè gnaræ, quæ metui somnum prætextum judicaturum præsumpserat, vindictamque velut ab ignavo fluxæque fidei viro, conditi certaminis oblito, exacturum, in nuptiarum thalamum irrumpentem, valvasque perfringentem, lecto exsiliens Helgo adversæ ejus fronti ferrum adacturus videretur, Helga toro ocyssimè evolans, senem ab imminente exitio corrupti scuti interjectu defendit, quod tamen ab Helgone validiore ferri impulsu mediotenus umbone dissectum est. Quæ res Starcatherum ad incolumitatem Helgoni tribuendam adduxit. Quæ inde Starcatherus in Svecia, filium Halfdani Regis Siwardum in patrium regnum, (quod tamen Upsalorum Regi vel subjectum, vel aliqua ex parte obnoxium suspicor) restituendo, vel in Dania, Ingialdum ad patris ultionem sumendam acuendo animandoque, gesserit, cum Saxo exquisitissimo dicendi genere solutè profecutus sit, & illa ad Norvegos non attingant, hoc loco ut aliena prætermittito.

CAP. XI.

DE HATHERO, PROVINCIAE NORVEGICÆ ALICUJUS REGE, FILIAQUE EJUS THORILDA A REGE DANICÆ HALFDANO BIERGRAMO LIBERATA, EJUSQUE NUPTIIS.



Atherum deinde, Halfdano Biergramo Danis imperante, alicubi in Norvegia regnasse Saxo memorat, cujus filiam Thorildam à Grimmone quodam, eximiarum virium athleta, sub belli comminatione violenter expeti cum cognovisset, simulque quod pater promississet, potiturum eâ, qui pugilem amovisset, indignatus athletæ petulantiam, sortemque senis filiaque misertus, cupidine præterea puellæ potiundæ illectus Norvegiam petit, cumque Grimmone dimicat; quem cum hebetandi ferri arte celebrem cognovisset, gladium alium, quam in usum belli destinaverat, educit, mox intellecto ad obtutum adversarii obriguissè, humi dejicit, alioque evaginato hostem petit, extremos loricae nexus cum occidua clypei parte dissecuit. Quod factum Grimmo admiratus, vetulum, inquit, acrius dimicantem non memini (erat enim Halfdanus ad senium provectus) statimque ferrum exerens objectam gladio parvam penetrabili sectione convulsit, cujus immorantem ictui dexteram, Halfdanus nihil hæsitans obvia ferri celeritate corripuit. Victor Halfdanus victo residuum vitæ pecuniâ redimendi fecit potestatem, ne imbelli & maneo mi-
feras

feras animæ reliquias deformiter adimere videretur, cujus victoriæ præmium, Thorildæ nuptias affecutus, filium ex eâ Asmundum sustulit, à quo se Norvegiæ Reges originem duxisse magni æstimant, ab Halldano solennem generis sui seriem retexentes.

Non indicant, quæ supersunt, antiquitatum rudera, quæ ille Asmundus fuerit, ab Halldano tamen Hringarikæ & Waldresæ Rege plurima, eaqve nobilissima, stemmata profluxisse docent, glorianturqve principes præscorum seculorum se ab eo factos esse, cujus gesta per cœli cardines volitare visa testatur carmen, quod *Sindlukioð* verius *Voluspa brevior*, inscribitur. Senem Saxo Thorildam duxisse refert, sine tamen liberis decessisse, Ungvinoqve Gothorum Regi regnum Regiasqve opes testamento legasse, pro ipso ex opinione *Meyrsi* refellitur, Asmundum ante patris mortem prolem relinquere potuisse, à quâ multi Reges postea orti fuerint, cum nemo ex ejus posteris ad regnum Daniæ admissus legatur. Certè quæ de patrui Frothonis persecutione Saxo in hujus vita memorat, rationeqve, quæ Regno eos sub canum nominibus dilitescentes à periculo liberavit, deqve perita augurii fœmina, quæ mercede corrupta, cum latebrarum locum pandere debuisset, inscrutabilem eorum fugam retulit, pluræqve alia plane similia, vel potius eadem sunt, quæ de Roare & Helgio tradidi; nam & eorum patruus Frotho appellatur, nutritius Reginus (Saxoni Regno) qui etiam insidias Regi manifestare tenebatur, juramentoque satisfecisse videri voluit. De his in *Historia Hrolfi Krakii*, peculiari libro a nobis editâ, & in *Serie Regum Daniæ Lib. III. Cap. VI. pag. 285. & sequenti* actum est.

CAP. XII.

DE SIGGARE, HAGBARTHO
ET SIGNE.

Siggarem inter Norvegiæ Regulos à Raumo Noris filio descendentes agnoscimus, ejusqve filiam Sygmem. Siggaris maternum genus à Gardo Agdio, Noris filio, profluxit, à quo is quinto gradu distat. Saxo tamen Siggarem hunc (quem Sigarum vocat) inter Daniæ Reges collocat; Hagbardum, de quo mox agendum est, cum fratribus Hamundo, Heliovin & Hacone, Hamundi Reguli filios pronunciat, omissa ditione, cui præfuerit, quam *Meyrsus* Hyberniam nominat, *Johannes Magnus* Sveciam, qui occasione Regnaldi (quem æmulum Ungvini, bello à se oppressi, sed postea in Siælandia à Sivaldo opera Othari occisum Saxo tradit) Sveciæ Regem, Reginaldo procreatum vel comminiscitur ipse, vel aliorum commenta more suo sequitur. Nos narrationem Saxonis persequamur. Inter Sivaldum Ungvini filium, Daniæ, & Regnaldum Sveciæ, Reges atrocissimum bellum exarsit, quod tantâ contentione in Siælandia gestum est, ut uniuersum triduum mutuis cædibus infunderetur, nec quò se victoria inclinaret, discerni posset; donec Othanus quidam Ebbonis filius, Siwaldi Regis gener & sororius, irruptâ cum mortis contentu hostili acie, Reginaldoq; Rege obruncatò, subito Danis quadraginta fortissimorum Sveciæ athletarum, atqve in his Starkadò, in fugam actis, gloriosissimam victoriam pareret, pugilibus ad Haconem, piratarum maximum, confluentibus. Siggaro deinde Sivaldi filio imperante incidit inter filios ejus Alfum & Alfsgerum

rum & Hamundi Reguli filios Helivin, Hagbarthum, & Hamundum maritimum certamen, pari alacritate, mutuaque clade; sed affectis utroque adeo rebus, ut à neutra parte instaurari posset. Itaque quos par virtus exhaufit, necessitas in pacem coegit. Danici itaque Regis filios Hagbarthus domum secutus est. Fuit ei filia formâ insignis, nomine Signe, cujus nuptias Hildegisleus, claro Tevtonum loco ortus, postulabat. Verum illo posthabito, amore insinuantis se tacite Hagbarthi accensa, sub Haconis fratris nomine exquisito carmine laudes ejus cecinit. Id ægrè ferens Hildegisleus consiliarium Regis in aula potentissimum, à cujus consiliis Rex totus pendebat, virum oculis captum, animo subdolum, consiliorum pravorum & inquietorum authorem, ad amicitias inter Sigari & Hamundi filios dirimendas, odiaque belli semina ferenda muneribus impellit. Qvod cum is impigrè in se recepisset, in Hamundi filios, pleno obtreffationis genere laceratos, credulos Sigari filios armat, itaque juvenum pactione perrupta, Helivin & Hamundus Hagbartho procul agente, à Sigari filiis Alfo & Alfgero prælium inferentibus apud portum, qui sinus Hamundi dicitur, opprimuntur. Qvos Hagbarthus postmodum integris viribus superveniens in ultionem fratrum bello consumsit. Hildegisleus ambas nates telo trajectus elabitur. Post hæc Hagbarthus muliebri veste, ipse imberbis, Regiam Sigari adiit, famulam Haconis professus, cum legatione ejus ad Sigarum deferenda. Dum autem lavandis ejus pedibus intentæ famulæ callum in calcaneis mirantur: *quid mirum, inquit domina, si militari officio femina discurrens duritiem contraxit, manibus pedibusque non pensa, sed gladium, non lanam, sed arcum, armaque cetera contrectans.* Cumq; Hagbardus Regiam virginem perinde atque cubandi locum honoratiorem habiturus, tori sociam recepisset, inter mutua voluptatis colloquia rogat, quid futurum sit, si pater ejus facta deprehendens in se animadvertat severius? Illa protinus respondit, *eundem sibi cum illo vita exitum fore, & quos idem sædus tori revinxerat, idem supplicii contineat modus.* Parans abitum Hagbarthus à Regis licitoribus omnes jam fores obfidentibus invaditur, diu se strenuè defendit, compluresq; ex iis in aditu trucidavit; comprehensus tandem in medium producit, sententiæq;e rogantur. Bilwifus erat Bolwif frater, qui semper diffidentes in gratiam reducere solebat. Is aliqueve forti ejus operâ utendum, quàm crudelius in eum consulendum videbant; sed pervicit Bolwif sententia, qui filiorum cædem, ignominia illati stupri auctam, condonari posse negabat. Quam sententiam majori parte probante, damnatur Hagbarthus, stipesque eum excepturus erigitur, quem Regina porrecto poculo sitim lenire jussu minaci carmine incitat. Qvò receptò, gloriatus de cæde filiorum ejus à se interfectorum, aliud iterum carmen reposuit, rejectoq; in eam poculo os ejus contento liquore perfudit. Interea Signe famulas certiores facit, se amatorem fato infecturam, persuaditque, ut mortis societatem ineant. Qvò impetratò, jubet mox, ut signum è specula datum esset, faces thalamo subdi, deinde laqueos ex vestibus fieri, iisdemque fauces pulsò pedum fulcimine strangulandos præberi, metui deinde mortis depellendo, vel saltem minuendo, merum iis propinat. Post hæc Hagbarthus ad montem, qui postmodum ab eo vocabulum traxit, suspendendus ducitur, tunc experturus amariæ fidem, amiculum suum à licitoribus suspendi præcepit, voluptati sibi esse præfatus præsentis mortis imaginem conspiceret. Qvò impetratò, speculæ custos id circa Hagbarthum peragi ratus, conclusus intra aulam puellis conspecta denunciat. Qvæ mox datis incendio testis, capita no-

dis cum domina inferunt, pedumque fulcimenta, quibus institerunt, de-
 jiciunt. Incendiô puellaris aulæ conspectô, agnovit Hagbarthus quid age-
 retur, plusque lætitiæ se ex amasiæ fide, quam maroris in propinqua
 morte percipere perhibuit, adstantesque ad necem sibi accelerandam car-
 mine elegantissimo, quod tamen Saxo elegantius longè, pro inexhausta
 sua facundia venaque reddidit & exornavit, hortatus est, & cum dicto la-
 queo strangulatur. Locorum nomina fidem rei gestæ conservare Saxo
 tradit, cum Hagbarthus pago vocabulum extinctus intulerit, nec longe à
 Sigari oppido locus pateat, ubi paululum agger elatior, veteris fundi in-
 star protuberantis humi speciem demonstret. Qvondam etiam Archiepi-
 scopo Absaloni trabem se id loci repertam vidisse, quam agrestis vomere
 glebam rimatus offenderit, præterea refert. His *Crantzius* adjicit, relatum
 puellam post fata diu conspectam, noctibus ad ignem federe in Sudur-
 burg, cæsariemque comere, adversatam contuentes dorso non fronte con-
 spici, & in hunc usque (qvo *Crantzius* vixit) diem durare visionem. Mox
 Haco intellecta fratrum cæde, & imprimis Hagbarthi ignominiosa morte,
 exasperatus bellum infert, & in portum Hærvigum appellens, cum ex-
 posuisset militem, partem navium petere Roschildiam jubet, ipse per vi-
 cinas sylvas Lethram tendit, vetus Regum domicilium, ac tum etiam Si-
 gari. Qui cum Haconis adventum accepisset, constitutus, qui in locis
 idoneis excubarent, mox Roschildiam contendit; verum Haco elusa una
 atque alia statione, ut & tertiam deciperet, cum è sylva prodeundum
 in apertum campum foret, abjicere impedimenta & incidere ramos jubet,
 atque eos una cum districtis gladiis manu ferre. Sic in urbem rectà du-
 cens, cum a tertiâ statione cerneretur, qui in ea erant milites, novitate rel-
 territi, mittunt, qui referret Regi, sylvas ambulantes conspici & appro-
 pinquare urbi. Rex Sigarus eô nunciô acceptô, cum in aciem suos ilico
 eduxisset, præliô commissô cadit, tanta strage, ut *Balsbrunnar* sive *stragis*
puteus à cælorum multitudine locus deinceps diceretur. Hic Sigari finis
 fuit, cujus filius avo cognominis Siwaldus idemque in regnum patri suc-
 cessor, ocyus coactis copiis, cum post interfectum patrem crudelissimè
 victor Haco in quoscunque, nulla sexûs aut ætatis ratione habitâ, gras-
 saretur, occurrendum illi statuit. Haco verò non expectans venientem,
 impositâ in naves tertiâ copiarum parte fugam arripit, & Haconi, cogno-
 mento Fastuoso, reliquum exercitum tradit. Pugna initur ad Roschildiam
 adeo magna & obstinata, ut per totum biduum continuata, vix amborum
 Ducum cæde, Danis tamen superantibus, finiretur. At reliquias, quæ
 Haconis sui corpus sepeliverant, superveniens Borcharus, vir nobilitatis
 summæ inter Scanos, Scanicum equitatum ducens profigavit. Tum Ha-
 conem Hamundi filium, quem fugisse ante pugnam memoratum est, com-
 prehensus ibi navibus, & impositô illis milite, persecutus, & in mari de-
 prehensum præliô navali aggressus, ita fudit, ut in Scotiam vix evaderet,
 in quâ per biennium exul, velut in sævitie pœnam pridem exercitâ, tan-
 dem vitam miser finit. In *Serie Regum Danie Lib. III. Cap. V.* abun-
 de de his disserui, & quò referendi sint, indicavi,
 eò igitur Lectorem remitto.

CAP: XIII.

DE REGNALDO JADRIÆ IN NORVEGIA
 REGE, A GUNNARE SVECO OPPRESSO, CANE DE-
 BELLATIS REGE CONSTITUTO, HILDIGERO GUNNARIS FILIO
 EX DEVICTI REGNALDI FILIA DROTTA PROCREATO, CÆDE
 GUNNARIS PER BARKARUM SKANUM PATRATA,
 NUPTIISQVE EJUSDEM BARKARI CUM DROTTA, ET
 QVAM EX HAC TULERIT, SOBOLE.



Alamitosum illud bellum Sivvaldi Daniæ Reg-
 is, Ducisque Haconismutua cæde memorabile, om-
 nem Regiam in Dania stirpem exhaustisse ad unicam
 usque puellam, nomine Gyritham, Alfi filiam, Si-
 gari vero neptem, superstitem, sed imperio admini-
 strando sexûs vitio inhabilem judicatam, deinde re-
 fert Saxo. Creatis igitur a populo quinque principi-
 bus, regnum in provincias redactum pluribus paruisse ducibus, reparatamq;
 tandem è Gyritha gentem Regiam, & regnum in pristinam formam glo-
 riamque redactum subjungit, quod qua occasione contigerit, altius repetit.
 Memorat enim Gunnarum, Svecorum fortissimum (seu Regem, prout *Pon-
 tanus*, seu ducem sub Osteno, prout putat *Johannes Magnus*, describens scilicet
 Osteni Crudelis sævitiam in Norvegos, quæ forsitan sævi Ducis licentia & li-
 bidine magis incruduerit) concepto in Norvegos parricidiali odio, quòd, teste
 eodem *Job: Magno*, fratrem Osteni Nordianum, quem pridè in Regem assum-
 serant, structis insidiis necassent, surrogato in ejus locum Reginaldo, ætate
 & corpore debili, omnem, quâ poterat, gentem clade ac cædibus implevis-
 se, præsertim verò provinciam Jadriam, omisis rapinis, spoliisque spretis,
 flammis cædibusque informem reddidisse, & cadaveribus colles, semitas oc-
 cisorum sanguine replevisse. Rei atrocitate permoti incolæ, imminentem
 internecionem publica deditiõne præveniunt. Reginaldus inter cætera me-
 tuens, quam unicam habuit, filiæ Drottæ, eam cum armis, commea-
 tu, Regiaque suppellectili, occulto specu abditam satellinibus custodiend-
 am tradidit. Sed Gunnarus in aciem profectus senem superat. Utque de-
 victæ gentis ignaviam extremo ac inusitatò dedecore mactaret, Regis lo-
 co canem eis præsidere jubet; & ne quid contumeliæ deesset, Satrapas
 præterea attribuit, qui sub ejus titulo Regia ministeria exequerentur,
 mandavitque sub capitis pæna, eidem cani haut aliter ac Regi honorem
 exhiberi. Exinde patre Reginaldo, ut dictum, extinctò, etiam filiæ, cujus
 latebras subterranea vox prodidit, è specu deinceps, in quam descenderat,
 eductæ, trucidatis famulis, stuprum intulit, genito ex eâ Hildigero,
 crudelissimo patre longe sæviore filiò, qui deinde ob immanitatem intole-
 rabilis à patre proscribi meruit, verito, ut mihi videtur, ne terra homi-
 nibus vacuefacta, sibi omnem sæviendi in posterum materiam eriperet.
 At Borcarus nobilis Scanus, ex Daniæ Regis Haldani Secundi, teste *Pon-
 tano*, oriundus progenie, Drottæ matrimonium a Gunnare occupatum
 iniquè ferens, ubi ipsum vitâ privasset, sibi eam connubio sociavit, quæ eti-
 am nuptiis haut ægrè assensit, quòd parentis ultorem jure complexura vi-
 deretur. Ex qua illi susceptus Haldanus Tertius Daniæ Rex, cognomen-
 to Fortis, qui ducta Gyritha Alfi filia Haraldum ex ea Hilditannum pro-
 creæ

creâsse Saxoni perhibetur. Eqvidem ego in eo quidem hic consentio *Johanni Magni*, quòd quæ a Saxone heic narrantur, gesta sint sub Eysteino Astuto; sed statuo simul, diversum prorsus, ut qui Norvegus, ab eo fuisse Eysteino, qui Sueciæ imperitaverit: nec scio, quæ idem *Johannes Magnus* auctoritate afferat, fratrem Eysteini Nordianum a Norvegis, quibus antea præfectus, sublatum mox fuisse. Standum potius auctoritate antiquitatum, quæ filii cædem exasperati tyranni causam adducunt. At Noris pronepos hic, de quo ista memorantur, fuit Eysteinus.

CAP. XIV.

DE HARALDI HILDITANNI PARENTIBUS, ASMUNDO VIKÆ REGE AB HILDITANNO RESTITUTO, OLONISQVE VEGETI GESTIS, ANTE BELLUM BRAVALLENSE.



Haraldi Hilditanni parentes, quos Saxo producit, alii sunt, quàm quos nostra monumenta monstrant, diversi etiam ab iis, quos is, sibi ipsi non constans, prius recensuit, Borcaro nempe patre, matre Gro; nec tamen duos Haraldos Hilditannos *Pontano* agnitos *Stephanus* admittit. *Hervoris vita* alium ei patrem quàm vetustissimæ odæ sufficiendo ab aliis traditionibus dissentit, de quo in *Serie Regum Daniæ* dictum est. Gesta Harald, quæ ad Norvegiam pertinent, hæc à Saxone recensentur.

Asmundus illo tempore Vichæ Rex fuit (diversus credo ab illo, quem Halfdani Biergrami filium antè nominavit, quò superstitute Daniam Ungvino pater, præteritò filiò, inofficioso testamento haudquaquam legâisset) hic à sorore natu majore regno spoliatus, ab Haraldo sola nave, durante bello, Norvegiam accedente, faminaeque arrogantiam indignante, prostratâ ejus sorore restituitur. Illo bello Haraldus purpureâ amictus lacernâ, mitraqve auro variata, capillitium redimitus, inermis ac Regiis duntaxat insignibus ornatus exercitum anteivisse Saxoni traditur, fiducia scilicet corporis ferro inviolabilis, quod etiam cum nostratium relationibus benè convenit; arma tamen corripuisse videtur, cum irruentem in se hostium globum, vel ferro consumeret, vel in fugam cogeret, nec pro opera vir excelsi animi, solâ gloriâ contentus, ulla dona, quanquam maxima offerrentur, admittenda existimavit. Parem moderationis continentiaque gloriam affectus deinceps est, cum Olavum Thrandorum Regem à virginibus Stikla & Rusila regnum affectantibus tutatus est, quarum utrâque oppressâ binis portubus affixis earum vocabulis nomen reliquit. Haraldus Hilditanni nepos ex sorore Sivardi Norvegiæ Regis filius Olo Vegetus magnificis facinoribus illustis, solo oculorum obtutu etiam armatis, & in his fortissimis, terribilis fuit. Ad quindecimum ætatis annum pervenerat, cum Gunnonem Thelemariæ ducem, nemus Ethaskog cum Grimone filio per latrocinium obidentem, parabili armaturâ à patre instructus, cum cane & eqvo persequitur, prædictam silvam arctissimè speculatus, hominis vestigia nivi altius impressa cognoscit; quæ legens, superatò montis clivò, ad rapidissimum flumen defertur. Ibi vestigiorum notis destitutus, spumantem amnem ingreditur, summoque cum vitæ periculo stridulos vortices

eqvo superavit; quos emensus, in Angustias paludibus undique secus ambitas incidit, præfecto aggere, aditu difficiles, quò transenso in stabulum incidit, inde deductis eqvis, suum inducit, prohibentem se servum Gunno- nis impetentemque, cum solo clypei objectu diutius frustratus esset, ferrò interficere dedignatus, apprehensum, artuatimque contractum, testò, quo præceps excefferat, transversum injicit. Quà ignominia Gunno ac Grimo ocyus incitati, diversis elapsi posticis, pariter in eum cum contemptu ætatis ejus ac virium ruunt. A quo lethaliter vulnerati, cum corporis viribus destituerentur, se invicem carmine incitantes, ad ultionem ambo genibus nixi, cominus cum eo configere nitebantur, e quibus alterum ferro, alterum cane consumpsit. Ipse ad extremum notabili vulnere affectus; relictus demum ad vulgandam victoriæ suæ fidem, ipsa latronum cadaverum patibulis ingesta latius inspectanda constituit; quicquid autem prædæ in domo eorum invenit, clandestinæ custodiæ traditum futuris usibus asser- vavit. Olavo etiam Vermorum Regi (non, ut vult *Olaus Magnus Hist. Se- ptenr: Lib. V.* Throniæ, hæc enim tempora Olavo Lignatori exacte con- veniunt) ad Scatum & Hialium filiam ejus raptui destinantes, ni ex pro- vocatione, vel ipse, vel alius vicem ejus subiens, secum decertando eam vi- ctor liberaret, auxilio fuit. Habitu enim rusticano ad Regiam, mæsti fa- tellitii luctu repletam, pervenit, interque extremos confidens, postquam à filio Regis didicit, sororis liberatæ præmium ipsam futuram, mox præ- lato lumine hospites lustrare, attentiusque observare sventam, oculos tan- tum intuentem, faciem namque pileo velavit, sola acrimonia & ignitâ quâ- dam occulti genii virtute, repetitis ternis vicibus, ita deterruit, ut exanimi similis concederet. Quò visò, patri causam inquirenti, truculento se ho- spitis visu perculsam testata est, eundemque Regibus ortum, & si raptorum vota refelleret, suis perquam dignum amplexibus. Discussò deinde velamine, avidius omnium in se oculos eximie pulchritudinis admiratio- ne deflexit. Cæterum, ne visentibus formidini foret, dejectis in terram luminibus rariùs suspexit. Omnibus bono animo esse jussis, mirum quàm omnes in spem optati eventus exerexit. Nec in exequendo promissò, quàm præstando remissiore se gessit; Hialium nempe & Scatum, cum decem athletis supervenientes, pactus, ne quis dimicantis tergum incesse- ret, eductò gladio Lögthi dictò, solus prostravit, majusque adolescente o- pus edidisse visus est. Certatum in insula stagni cujusdam, unde non pro- cul nomina horum fratrum monumento indita, rei gestæ memoriam con- servare author Saxo memorat, quam Scatiale *Dominus Ramus* appellat, si- tum tamen non exprimit. Ex virgine Regia, jam conjuge sua facta, O- mundum procreavit. Patriam deinde à Thorone Regulo per Thothonem Victimarium & Leotarum, cognomine Monster, oppugnari cum cognov- isset, solò satelliti muliebriter cultò contentus eo perrexit. Regiæ appropin- quans, suum comitisque ferrum cavatis baculis inclusit, senemque ha- bitu exprimens, egentium se Regem apud Sivvardum fuisse professus est, filii ejus Olonis odio in exilium actum. Id ad ludibrium ejus vertentes aulici, Regis eum nomine salutantes, simulatis in submissiorem gestibus venerati sunt. Quibus ille, quod joco gesserant, ratum habere jussis, ferrò, quod baculis inclusum gestabat, ereptò Regem invadit. Inopinâ re per- culsi aulici, nec se satis in re subitâ colligentes, in factiones separantur, merò sensus obruente: quibus ex officio Regis propugnandi cura incum- bebant, iidem desertores hosti se adjungunt, religionisque prætextu, piacu- lum

lum judicantes, si fidem per ludibrium datam fallant, partem (quod in factionibus rarum) & majorem & saniozem, quasi scenico illo juramento ab obsequio vero Regi præstando liberati, novissimoque obstructi, invadunt. In hoc intestino bello Thorone non minus suorum quam hospitis armis oppresso, Leotarus lethaliter faucibus victorem Olonem, tam ingenio viduum, quam acrem operibus judicans, Vegeti cognomento donavit. Vatinatus insuper, quemadmodum Thoronem per domesticos in propriis ædibus oppresserit, ita ei à suis satellitibus intra sua tecta violentam mortem expectandam. Præfagam morientis linguam malo suo Olavus postea expertus est. Pacatâ deinde provincia, maris imperio à patre armatus, septuaginta maritimos Reges debellavit. Cujus rei famâ pugilum fortissimorum celeberrimi, ex omni angulo ad eum fortitudinis successuumque continuo cursu accensi certatim advolarunt. In his erat Starcatherus, quem deinde familiarius quam utilius coluit. Deinde ad avunculum Haraldum tantis tropæis illustris profectus, mari Balthico ab eo præficitur. Tandem ad Ringonem Sveciæ Regem se confert, inque ejus commilitum afficitur. Exarsit postea inter Haraldum & Ringonem bellum illud septem annorum apparatu nobile; nobilius fidem omnem superante, non tantum promiscuo militum gregariorum, sed ducum, Regum pugilumque fortissimorum ex omnibus, si non orbis, at certe Septentrionis vicinarumque terrarum partibus ad lanienam istam confluentium numero; nobilissimum cæde Regis, à tempore Frodii Pacifici, quâ virtute bellica, quâ imperandi prudentia, felicitate & imperii per immensa vastissimarum terrarum spatia extensi, latitudine celeberrimi, tantique dominantis momento temporis everfi, & sub externum jugum redacti, fatali periodo. Stetit tum Olius à partibus Ringonis, septem Regum manu consilioque fortissimorum stipatus, Holii videlicet & Hendillis, Holmaris, Levii & Hamæ, quibus Regnaldus Ruthenus Radbardi nepos adscribitur, quem in testimonium synchronismi, cum *Snorrii Sturlei* reliquorumque antiquissimorum auctorum traditionibus consentientis, in *Serie Regum Daniæ* ad unguem monstravimus. His perspectis, plane nescio quid ipsum quoque *Loccenium* moverit, ut Olafum Lignatorem albo universalium Sveciæ Regum insuerit, Ivarem autem Vidsadmiun expunxerit, à quo tamen florantissima non Sveciæ tantum, sed etiam Daniæ Norvegiæque potentissimorum Regum leges, successivis temporibus feliciter succrevit. Neque enim jam, ut ante hæc tempora, certissimis antiquitatum, quæ Ivarem inter præcipuos Sveciæ Reges collocant, testimoniis Svecorum doctissimi destituuntur.

CAP. XV.

DE GESTIS OLONIS IN BELLO BRAVALLENSI, ACCEPTA A RIGO SCANIÆ PRÆFECTURA, EXCUSSA JUTIÆ IMPERIO HETHA, OLONIS SÆVI-
TIA, PROCURUM IN EUM CONJURATIONE, ET CÆDE
STARKADI MINISTERIO PERACTA.



Ngentem illam classem, quam in Svecia instruxerat Ringo, dum terrestres ipse copias ad locum pugnæ destinatum duceret, Olo ductabat, inque acie eum promptissimorum militum præstantiorique armatura instructorum, cum Regnaldo, de quo actum est,

est, & Vivillo quodam, ducem in fronte Ringo collocabat. Norvegi Ringonis militiam secuti sunt, quorum plurimi numerantur, inter quos fortissimi è Telemarkia pugiles Thorlevar Pertinax, Thorcill Guticus, Gretter Iniqvus, seu *irruptionum avidus*, Haddir Durus & Roldar Articulos, hoc elogio ornantur à Starcathero, quòd iis animi plurimum, fastus minimum fuerit. Adjiciuntur his plures alii athletæ Norvegi; nimirum è Thotnia Haraldus, è Wichia Walfstein, è Sognia Findar, è Fialis (ita enim Falu corrigendum est) Bersi, è Jadriâ Od Anglus, Alf Multivagus, Enar Protuberans, Ivarusque, cognomento Thruwar, è Throndia Throndrus Thronficki, è Mæria Toki Möricus. Norvegi hi sequentes fuisse perhibentur, licet ex quibus provinciis prodierint, non exprimatur: Rafn Candidus, Haswar (legendum credo Havard) Biarni Blikar. Et notandum, neminem Norvegorum in exercitu Haraldi observari. Thylenfenses autem in utroque exercitu, & quidem in Haraldi, Blend ultimæ Thylen incolæ appellatur, (Islandos Saxoni indigitari alibi dixeram.) Verum (ut supra dixi) non occurrunt in exemplari mihi visò hæc nomina, nec quòd ullus Islandus huic prælio interfuerit, utpote ante cultam Islandiam. Thorcillo è Thelemarchia orto Wegtbiorgis, quæ Sot pugilem prius occidit, prostratæ laus tribuitur. Ubi observandum, Saxonem per Guttones Thelemarchiæ incolas intelligi velle, hunc enim Thorcill Guticum prius appellabat. Hic autem refert, quod emissò per chordam spiculo, *Thorcillus Thelemarchia* (verba ejus sunt) *ortus, eandem athletarum cadibus imminentem trajecerit*: mox sine ullo verborum interjectu hæc subjicit: *Tanta enim vi periti arcum Guttones nervos intenderant, ut clypeos quoque jaculis transverberarent, nec alia efficacior cedes extitit causa, loricas galeasque perinde ac inermia corpora sagittarum acumina penetrabant.* Hæc Saxo, qui & statim inter Guttones & Gothos distingvit; nam Ubbonem Frisicum viginti quinque delectorum pugilum interfecisse tradit. *Li omnes, inquit, Sveti fuere vel Gotbi. Eum à Thelemarkensibus athletis tribus conjunctim, nec tamen cominus accedere ausis, eminus sagittis nec paucioribus quam centum quadraginta quatuor pectus trajetum prius quam defectus viribus prosterneretur perhibet.* Cæde ejus vires Danorum maxime inclinatæ hinc colligere licet. *Tum demum, inquit, per Thrandos, eosque, qui Dala provinciam colunt (Dalakarlos) ingens de Danis clades accepta est; nam summa Sagittariorum vi recrudit bellum, nec alia res nostris perniciosior fuit; inde exorto tristi Danorum murmure, Haraldum jam cæcum hostium fortunam superiorem intellexisse, subjungit.* His *Johannes Gothus* Throndis iniquior, eos à communione bellicæ laudis, rerumque strenue gestarum cum Dalakarlis gloria penitus excludit, solisque Dalakarlis eam adscribit, pari que invidia Guttonibus, Thelemarkis jaculandi peritiam, & illo quidem bello admirabilem industriam, potissimamque cladis Danicæ Svecicæque victoriæ causam detrahit, adque suos Gothos transfert; culpa forte codonabili, si non infamam Norvegorum, quos tamen non videtur odisse, perinde atque Danorum juratus hostis, sævire proposuisset. Victor Ringo avulsam à corpore Daniæ Sveciam Oloni præfectorum jure gubernandam permisit. Hethæ reliquis regni provinciis parere jussis, quarum Sialandenses, memores prioris fortunæ, cum probrosi sibi judicarent fœminægum imperium, supplicibus votis Olonem impulerunt ad imperium ei abrogandum. Ad quod is, tam avitæ Majestatis memoriâ, quàm militum invitatus obsequio, haut invitatus accessit, jussamque ad se venire Hetham, cunctis, præter Jutiam, dominationis suæ partibus cedere, ante minis quàm armis cœgit.

côegit. Sed nec etiam Jutiam aliter, quàm sub onere pendendorum tributorum permisit. Verum si hæc ita sunt, omnem Danici imperii curam ex animo abjecisse Ringonem oportet, tamqve immodicos sumptus, immania pericula, ad abusum tum suorum, tum etiam hostium sanguinis, sustinuisse, victoriamqve non sui, sed alieni, emolumenti instrumentum censuisse. Hæc cum minus se probent, Olonem non inter absoluti juris Daniæ Reges, ut nec filium ejus Omundum, agnoscendum censeo; nec si ad Hetham imperio exuendam Ringonis consensum, uti conjicit *Johannes Magnus*, impetravisset. Supremum enim jus regniqve Majestas penes Ringonem remansit. Quod si hunc Olonem, seu Olium, eum ipsum statuerò, quem Kinrici filium *Codex Flateyensis* & aliæ priscae memoriae referunt, Oliumqve Anglum vocant; quem Angliâ exactum Jutiæ Ringum præfecisse memorant, æque eò reliquorum tributarium seriem ordiuntur; certè magis id rationi favet, quàm si otioso spectatore potentissimo tot imperiorum Rege, adqve talia connivente, Daniam per ludibrium inter Regulos versatam, vel ei penitus ereptam, confiteri velim; quod omnino largiendum, si Olonem hunc inter Monarchas Daniæ salutabimus. Sed ulterius Saxonis relatio pertextenda est. Adeptus imperium Olo adeo crudelē se præbuit, ut Hethæ superior contemptus cunctis ruborem & pœnitentiam injecerit. Unde duodecim duces, sive patriæ calamitate moti, sive aliàs Oloni olim infesti, in eum conjurare caperunt. Ex his fuere Lemmius Atyla, Thottus & Vithnus, qui licet apud Slavos præfecturam gererent, ad Danos tamen originem suam referebant. Hi viribus ipsi diffisi suis, Starchatherum pecuniâ eò redigunt, ut ferro facinus exequeretur, & Regem balneo utentem trucidaret. At ille rem infandam auspicaturus, qui pugilum ducumqve arma protriverat, inermis ac discincti Regis sustinere obtutum haut valens, relato pede, suspensum habere scelus instituerat, nisi Olo, qui sane sui vultus conscius erat, obtectâ facie propius eum accedere jussisset. Qui statim, recurrente ad destinatum propositum mente, Regem nihil ejusmodi, ab eo præsertim, expectantem districto mucrone profternit, canantique assurgere jugulum dissecat. Centum & viginti auri libræ in præmio reponebantur. Postmodum pœnitentiâ ac pudore perculsus, tantâ animi acerbitate commissum facinus luxit, ut, si mentionem ejus incidere contigisset, à lacrymis temperare non posset; præterea aliquot ex his, quorum instinctu usus fuerat, in sceleris à se commissi vindictam occidit, & cui factò manum tribuerat, præbuit ultionem.

CAP. XVI.

DE OMUNDO PLURES NORVEGIÆ PROVINCIAS IMPERIO SUO SUBJICIENTE, INITA SOCIETATE CUM ODDONE JADRIÆ REGE, CERTAMINE CUM RINGO EJUSQVE CÆDE, GESTIS CUM VIRGINE RUSLA, ET EJUS FRATRE THRONDO, BERONE ET THORIA, STARCHATHERI EXCESSU, GOTHONE REGE NORVEGICO, ET REFO THYLENSI.



Longe sublato Omundus, rectius prisco vocabulò Aunundus, sev Onundus, filius ejus à Danis Rex creatus perhibetur; cum tamen in alienam potestatem devoluti, suffragiorum jura perdidissent, à Ringone constitutum, partique Daniæ præfectum credere malo, qui exinde adolescentiæ annos ingressus, in nullo paternis operibus inferior, res ab eo gestas, vel æquare, vel transcendere curæ habuit. Præerat eo tempore Norvegiæ parti Ringo; hujus filiam cum sibi tori sociam optaret, obta-
 reque Rex ipse Ringo videretur, qui generum spectatæ fortitudinis circumspiciebat, classè Norvegiam accedit, Ringonis regnum, ut hæreditatis jure sibi debitum, impugnaturus. Excipit eum amicè Jathriæ Regulus Oddo, injuriis sæpius à Ringone laceffit. Hic jure eum patrimonium suum ab injusto usurpatore repetiturum distans, suas copias exercitui ejus adjungit, communibus viribus hostem aggressurus. Ringone piraticà apud Hiberniam occupatò, provinciam ejus adoriuntur, abstinent interim rapinas à civibus, sola Regis prædia invadunt, agros populantur, bona diripiunt, necessarios interficiunt. Redeunte Ringone, prægrande navigium moliri cæpit Omundus, unde tanquam è munimento supernè telis hostem appeteret, cui Atylonis Scanici filios Homothum & Tholam, alterum gubernatorem, præter alterum, præfecit. Ringo autem exiguum copiarum partem ostendens, a tergo hostem incursum curavit. Quo per Oddonem cognitò, qui in insidiis constitutos opprimerent, mittit, Atylone Scanico Ringonem excipere jussò. Is pronius quàm felicis obsecutus, fractis bello rebus, acceptaqve strage victus refugit in Scaniam. Igitur Omundus, reparatis per Oddonem viribus, pugnaturam pelago classem explicat. Quo tempore Atylo è somniorum visis victoriam præfagens, quàm celerrimè in Norvegiam ad Omundum, instauratis, quas pridem adduxerat, navibus redit. Cum ad manus ventum esset, ac victoria in Omundum inclinaret, Ringo lethaliter sauciatus, canere receptui jubet, manuque, ut poterat, motà, nam vox linguam defecerat, accersit. Quo adveniente, jucundè se fatum excipere asseruit, si tali filiam connubio reliquisset, nec responso accepto extingvitur; cujus excessum Omundus lacrymis profecutus, è duabus filiabus aliam sibi retinet, uxoremque ducit, aliam Homotho fidelis operæ præmium connubio donat. Inter ista Rusla virgo bellicosa sæpius de rerum summa cum fratre Throndo Norvegiæ Rege bello eertabat, indignata rebus pro parte Norvegicis præesse etiam Omundum; in omnes Danorum dedititios decreverat bellum, cum que objectas sibi copias jam profligasset, ferocior animum quoque ad ipsam potiendam Daniam intendit. Itaque Hallandiam invadit, primò hinc motura in interiora quæque; ac fecisset, ni Omundus, haut ferendam virginitis proterviam ratus, neque etiam contemnendam, misso Homotho atque fratre Thola prælio navali victam repressisset, quanquam sanè, vel sic fusa ac fugata, fratrem occurrentem, residua triginta navium classe (tot enim è prælio fugà reduxerat, reliquæ Danis prædæ cesserunt) sese impotentem vincit, totoque exercitu spoliât, ut ne comite quidem instructus, solus per alpes Dostrinas fugere compelleretur. Cujus clade Rex Omundus intellectà, in Norvegia difficulter armis eam vinci posse arbitratus, mittit interim Homothum & Tholam, qui argentum offerentes, & majora promittentes, Thelemarchiæ populum ab obsequio abducerent. Quo effecto

effecto cum à Thelemarchis illa pelleretur, apud insulas, quas spe salutis accefferat, supervenientibus Danis terga sine prælio dedit, quam Rex fugientem impensius persecutus, interceptam pelago classem internecione delevit, incruentamque victoriam ac speciosâ spolia, cum summo hostium descrimine, retulit. At Ruslâ perpaucis elapsa navigiis, dum Danos declinat, ab occurrente sibi fratre cæditur, qui ab Omundo præfecturâ donatur, reliquas dator partes vectigales fecit. Ruslâ cæsâ, Bero & Thorias pridem juramento obstricti ad ulciscendam dominæ necem, si quis eam occidisset, mox in Daniam profecti Omundum petunt, provocantque ad certamen singulare. Neque ille, uti magno erat animo, abnuebat, sed proceribus non sat dignum videbatur, Regem, in cujus salute populi totius salus verteretur, periculo præsentî obicere, itaque se ejus vicem Thola ac Homothus offerunt; qui congressi, Berone cæsô, Thorias graviter vulneratus pugna effertur, ipsi abeunt victores, Rexque, ut virtutem Thorias æstimare se ostenderet, mox vulneribus curatis & in fidem eum accepit, & Norvegiæ præfecturam item donat. Post hæc cum tributum Slavi denegarent, etiam occidere legatos ausi, & in Cimbriam irrumpere; ut & contumeliam ulcisceretur, & rebelles cœrceret, contra tendens septem principes eorum internecione delet, & tributum dare cogit; inde longa pace fructus vitæ excedit. De excessu Starcatheri post Omundi obitum Saxo ea narrat, quæ huicne, ultimo inter eos, quos à stupendis facinoribus auctores sub eo nomine celebrant, an alii competant, planè incertum est. Evidem si is, qui Olium, seu Olonem, occidit, atrocitate sceleris, morsuque conscientiæ famæque jactura trepidans, ulteriorem lucis usuram exosus, Hatherum ad necem sibi inferendam incitavit, Aludrengum eum fuisse pluribus monstratum est. Cum tamen Olaforum, Oliorum, sive Olonum, nomina hic gesta que confundantur, haut facile idem ille Starcadus occurrit, cui hæc verè competere pro certo asstruere possumus.

Fridlefi Daniæ Regis, Frothonis, Saxoni Tertii, nobis Primi, filium, Saxo Lib. IV. è Grubbi cujusdam Norvegi filia susceptum Olonem memorat, cujus ingenio Parcæ liberalitatem paritati mistam ingeneraverint. *Chronica Norvegica* Fridleifo, in nostro nominis ordine Tertio, Fridleifo tamen filium Olium, seu, secundum Saxonis flectionem, Olonem, cognomento Vegetum, tribuunt, qui Anium Sveciæ Regem regno exactum universos viginti annos, quoad is vixerat, exulare coegerit, illumque à Starcado interfectum, mortis genere suppresso, referunt, quam nostra computatione contigisse circa annum Christi CCCXXXVIII in *Serie Regum Daniæ* collegimus. Is cum Fridleifi filius fuerit, & cognomine Vegetus, ansam dedisse videtur Saxoni, acta ejus nomenque disjungendi, duobusque, quod uni proprium erat, adscribendi, itaque historiam illius solius, de his duobus, quos Saxo habet, recenseri existimo. Cum autem Sigurdi Hringi tempore Olafus Anglus, qui ipsum sanguinis nexu attingens Jutiæ præfectus est, à quo & plurium tributarium Regum series profuxit, Starcadusque novissimus illa tempestate vixerit, forsitan etiam hoc genere mortis, quod describit, occubuit: Oloni superiori quædam ex ejus fortè gestis accommodavit. De Starcatheri obitu *Pontanius* hæc è Saxone hausta, sed paulo compendiosius, describit. *Ea tempestate*, inquit, (Omundo scilicet regnante) *Starcatherus, longo jam senio causarium ac debile corpus trahens, ignobile atque indecorum existimabat, qui toties, totque excellentes strages edidisset, si incruenta morte desungeretur. Itaque aurum, quod interficiendo*



HISTORIÆ RERUM NORVEGICARUM PARTIS PRIMÆ

LIBER NONUS,
CONTINENS HISTORIAM GENE-
ALOGICAM HARALDI PULCHRICOMI;
QVÆ NIORDI PROGENIEM, ET IN EA ALIQVOT
NORVEGIÆ REGULOS, COMPLECTITUR

CAP. I. DE NIORDO



Dino in principatu Sveciæ successit Nior-
dus de Noatunis, qui etiam principatui pontifica-
tum & sacrificiorum curam, perinde ut antecessor
Odinus, adjunctam habuit, cui Sveci Drottins/ id
est *domini*, titulo ornato tributa contulerunt. Ea
tempestate felicissimus annonæ proventus, altâ &
securâ pace conjunctus, toti affulsit Sveciæ; adeo ut
Sveci certò sibi persvaderent, illum, tantæ felicitatis authorem, omnium
rerum copiam induxisse, annonamque & publicam fortunam moderari.
Eo imperante plurimi Diar (*sev Dii*) in fata concesserunt; deinde ad præ-
scriptum & leges ab Odino latas cremati, sacrificiis & divinis honoribus
culti sunt. Niordum morbus absumpsit; se tamen Odino notis præscriptis
consecrari anteqvam moreretur curavit; tandem publico & gravi luctu,
solennique funere, pompâ, & apparatu elatus cremabatur.

CAP. II. DE FREYRE.



Reyr deinde imperii Svecici habenas moderandas,
una cum Drottins vel domini titulo, omnibus suffraganti-
bus, assumpsit, tributaque annua ex institutione Odino, nemi-
ne refragante, obtinuit. Felicitas annonæ & omnium rerum
affluen-

affluentia, imperium ipsius omnibus acceptissimum reddidit; morum vero dexteritas amorem subditorum & dilectionem conciliavit. Sigtunis Upsalos migravit, ubi aulam Regiam, cum longe magnificentissimo templo exstrui curavit. Ad quæ sustentanda & amplificanda bona omnia, tam immobilia, agros nempe & villas, eorumque redditus, quam mobilia, perpetuo proprietatis & possessionis jure concessit, inde Upsalaunde / 3: *Upsalica gaze* origo ubertasque ab illo tempore in immensum aucta perpetuo duravit. In illius tempora pax toto septentrione celeberrima, quæ *Frodafritid* / *seu pax Frodiana*, a Frodio Daniæ Rege appellatur, incidit; omnibus tunc gentibus annonæ ubertate, & omnium rerum abundantia affluentibus, quam quidem Freyri, tanquam Numini omnipotenti, acceptam retulerunt Sveci, unde ipsi ampliorem cultum exhibuerunt, quam cæteris Diis, quod majoribus opibus & omnium rerum copiâ pacisque deliciis, ipso imperante, & ut existimabant, largiente, affluerent, quam antea unquam contigisset. Uxorem habuit Gerdurem Gymeris, alio nomine Hleris, filiam, quorum filius Fiolner. Postremo eum morbus invasit: verum cum proceres animadverterent, gravem & periculosum fore, paucis ad eum aditum permiserunt. Interim ingentis magnitudinis tumulum seu collem exstrui curarunt, unicis tantum foribus, tribus conspicuum fenestris, quod eum mortuum, sed perquam occulte, intulerunt, ut præter eos nemini innotuerit, in vulgus autem sparserunt eum vivere. Triennium universum excurrebat, quod & illum, celatis civibus, in aula tanquam præsentem & vivum Regiis & Divinis honoribus affecerunt, tumulumque custodibus septum obserarunt. Interim omnia Regni tributa per tres fenestras eò inferebantur, immixtis per unam numismate aureo, aliam argenteo, tertiam æneo, quo tempore captæ pacis amœnitas, rerumque copia, continua serie eam, quæ vivo Principe vigeat, felicissimè excipiebat. Agnomen ejus, quo Yngvius appellabatur, ipsius posteris, honorarii tituli instar usurpantes, in gentilitium nomen verterunt, Ynglingos se appellantes. *Præfatio in Historiam Snorrii Cap: 1.* fuisse illi filium Semingum tradit, teste Eyvindo Skaldaspillere, à quo *Halengiatat* vel *Haleyensium* genus deducitur, secus ac habet *Langfedgatal* / quod eum Odini filium statuit, æque eo *Haleyensium* genus orditur.

CAP. III.

DE FREYIA, EJUSQUE MARITO ODO.



FReya Niordi filia, quod ex omnibus Diis sola jam superstes esset, sacrificia administrabat, quam tanto honore Sveci profecuti sunt, ut ex ejus nomine indiderint præcipuis & nobilissimis fæminis, loco honorificentissimi tituli, Freyæ nomen; unde *Frit* quemadmodum hodie usurpatur. Hinc *Freyra* quælibet possessionum & villarum propriarum domina nuncupatur. Freya vario ingenio prædita fuit: maritum habuit Odum nomine, filias Hnols & Gersimi, formosissimas virgines, quarum nomini- bus pretiosissima cimelia exinde censentur.

Cum Svecis vulgò mors Freyris innotuisset, & nihilominus annonæ bonitas, rerumque omnium largus proventus vigeret, eò superstitionis processerunt, ut crederent hanc felicitatem perennaturam, quoad ejus reliquæ

liqvæ in Svecia reservarentur, quippe ab ipso divinitus concessam. Conclufum igitur, ut leges ab Odino lætæ de cremandis mortuis in ipso solverentur; haut igitur cremabatur; imò magis pro universo orbis Numine cultus, sacrificiis & oblationibus præ omnibus reliquis idolis, omnino ævo, quoad ethnicismus duraret, honorabatur.

CAP. IV.

DE FIOLNERE.



Fiolneri Yngvifreyris filio, patris successoribus Svetica sceptris, cum Upsalensi thesauro, cui annonæ affluentia, almæque pacis felicitas toto imperii tempore acceperunt. Imperabat eo tempore Frodius Pacificus in Dania, Hleidræque (Leithram scriptores vocant) resedit. Inter eum & Fiolnerem arcta amicitia, pacisque fœdera intercesserunt, ut ad convivia, regali luxu & apparatu instructa, alter alterum invitaret; cumque Fiolner in Sialandia Frodium invitatus inviseret, convivium magnificentissimum & sumptuosissimum, omniisque apparatu instructissimum, adornatum est; quò procerum, tota ditione habitantium, externarumque gentium magna multitudo invitata convenit. Frodi aula cum esset amplissima, magnum fervorum mercenariorumque numerum alere necesse erat; vas ingentis capacitatis, multos cubitos altum confici curatum, quod trabalibus commissuris nexum, sub tabulato superiorum ædium collocatum erat, contignatione rotundi ad orificii vasis circumferentiam perforata, quò liquor supernè infunderetur. Id mellitâ aquâ in convivii usum & sustentationem repletum erat. Vespere cum peractis epulis largiore potione se ingurgitassent, Fiolner cum comitibus in proximum a contignatione, unde mulsum e vase hauriebatur, cubiculum dormitum deductus, cum expergefactus, semisomnis potuque obrutus, cubiculo egressus secessum peteret; inque ingressu januâ aberraret, intraivit conclave, quod hauriendo ex vase mulso inserviebat: ignarus periculi præceps inde in subjectum dolium ruit, ubi nemine præsentis sopitus est.

CAP. V.

DE SVEIGDERE.



Sveigdir in Regnum paternum hæreditario jure successit. Is voto se obstrinxit invisendi Deorum orbem, Godheimum vocitarum, intellexit autem Scythiam magnam, ut & Odinum Priscum; quod ut exequeretur, assumptis duodecim comitibus, perplexum valde per multas ambages iter emensus, in Turciam usque & Scythiam magnam, seu Tartarium, direxit, ubi consanguineorum multis salutatis, domum post quinquennium peregrinationi insumptum reversus est, mansitque intra limites Regni per aliquod temporis spatium. Apud Vanos dum moraretur, uxorem Vanam nomine duxerat, ex qua filius Vanlandus. Nec adhuc votum sibi absolvisse visus, vel desiderio suo satisfecisse, cum Odinum non invisisset: ideo secundo Godheimum petiit. In Scythia orientali, villa vel oppidum situm

fitum est, quod Stein appellatur, ibi namque saxa ædibus magnitudine paria conspiciuntur; quodam vespere convivio excedens post solis occasum, cum hospitium peteret, incidit in vastum saxum, cujus ante fores nanus stetit. Sveigdir comitesque valdè ebrii è convivio egressi, cursu rupem petiverunt; nanus verò cum se erexisset, stans in ostio Sveigderem solum & mominatim inclamavit, dicens, quòd si ei in animo esset Odinum convenire, saxum ingrederetur: actutum Sveidir saxum tantà alacritate intravit, ut non incedendo, sed currendo eò se proriperet: confestim fores occlusæ sunt, nec unquam rediit.

CAP. VI.

DE VANLANDO.



Rægunum patrum, Vanlando unà cum gaza & opib⁹ Upsalensibus, post patris obitum obtigit, Principi quidem strenuo, armisque dedito; utpote qui multis nationibus bellum intulerat. Totam semel hyemem hospitio Snariis Prisci Finnlantiæ exceptus indulgebatur, cujus filiam Drifam, consentiente patre, nuptialibus sacris de more confectis, matrimonio sibi junxit. Appetente vere discessurus, filium apud patrem reliquit; reditum intra triennium pollicitus, quod tamen tempus per decennium extrahebatur. Igitur Drifa, communi filiò Visbure in Sveciam ad parentem misso, tantà injurià valde commota Huldam veneficam accessit, pecuniaque corruptam impulit, ut atrocissimo veneficii genere, quod Seid dicitur, marito immanam cupiditatem invifendi Finnlantiam instillaret, eoque transversum actum deduceret, aut, si id non procederet, quovis tandem modo eum de medio tolleretur. Dum talibus ceremoniis incantatrix operaretur, Upsalis morabatur Vanlandus, ubi tum ingens eum cupido subito incesit Finnlantiam repetendi, quod amici & consilarii omni disfavdebant conatu, Finnorum se incantationes vimque veneficam agnoscere discitantes, unde ille tam impotenti & repentinà cupiditate ad eos proficiscendi arderet. Deinde somno repente oppressus, ad quietem se componebat. Cum paulisper dormisset, evigilans inclamavit satellites, questus incubum gravi se pondere premere. Qui subito accurrentes opem laturos frustrabantur; nam cum illi capiti liberando occuparentur, pedes tantà mole pressit, ut metus esset, ne frangerentur, quibus cum succursuri appropinquarent, caput infestabat, nec prius destitit, quàm suffocatum enecasset. Reliquiæ ipsius ad amnem Scutam, aliis Scytam, funebri pompa crematæ sunt, sepulchralesque lapides ejus honori erecti.

CAP. VII.

DE VISBURE.



Isburi a morte patris Sveciæ dominatus obvenit: simul ac infelix conjugium Audii Divitis filii, ex qua duobus filiis auctus erat. Gislio nimirum & Aundure: quâ postea repudiata, aliam duxit, Dornaldi ex se geniti matrem. Prima uxor post divortium factum paternam remeabat domum, nec quicquam antiquius habuit, quàm ut privigno Dornaldo fortunæ

fortunæ blanditias magicis auferret incantationibus, totamq; vitam tristem, acerbam, tædiosamqve reddi beneficiis curaret. Cum filii illius, alter duodecim, alter tredecim annorum essent, patrem acceperunt, donationem propter nuptias, seu dotalitium matri debitū, nimirum tria magna & nobilia prædia, & monile aureum reddi petentes; abnuente eō, juvenili ardore & irā accensi, sive minati, sive ominati, responderunt, *futurum ut monile illud aureum mortis nobilissimi illius familie viri causa fieret.* Atque ita re infectâ recesserunt. Reduces domum Huldam sollicitarunt, ut incantamentis & seidicâ arte sibi facultatem occidendi patris impetraret; quæ se id quidem effecturam pollicita est, sed illud insuper adjecturam, ut intra familiam Ynglingorum semper gentilitiæ cedes & homicidia perpetrarentur. Quâ conditione acceptâ & approbatâ, magnum numerum hominum congregarunt; quibus ex improviso patrem adorti, facibus subiectis, unâ cum domo ipsum intra parietes combusserunt. Genus ejus ex Finnlandia repetenti Abavus Forniotus, proavus Karius, avus Snær vel Sniar Mater Priscus, Drisâ; in exemplaribus Chronicorum MSS. prætermissi. Libro tamen Originum Norvegiæ codici Flat: præfixo memorati, explicant.

CAP. VIII. DE DOMALDO.



Sceptra Regni Sveciæ a morte patris Domaldo obtigerunt, caritate annonæ, & omnium rerum penuriâ, ubertati maximâ, sub antecessorum omnium imperiis, succedente infelici. Visum ergo civibus, Deorum, quos ad id tempus tam propitios ab a-tavorum memoria experta est Svecia, opem & auxilium, majoribus, quàm pro consuetudine, sacrificiis implorare: Magno igitur boum numero autumnali tempore litatum est. Insequente autumno, cum cæpta sterilitas neutiq; cessaret, humanis hostiis Deos placandos, quando armentis nihil proficeretur, censuerunt. Verum, cum nec sic sterilitas & inopia levaretur, frequentes anno tertio solenni sacrificiorum tempore Upsalis convenerunt; ubi præceres, habitò inter se consilio, causam tanti mali inquirentes, non aliam, quàm Principem Domaldum invenerunt. Convenit ergò, ut is sacrificiorum victima, pro publicâ felicitate & annonæ largo proventu a Diis impetrando, immolaretur, quod & factum, inactatiquæ sangvis altari aspersus. Inde sterilitas fecunditate mutata est.

CAP. IX. DE DOMARE.




D Domarem filium Regni habenæ pervenerunt, qui longo tempore omnium rerum ubertate & longa pace beatus ad Regni sceptrum sedebat. Nihil memorabile de eo narratur: Upsalis lethali langvore correptus obiit; funus in campos Fyrenses ad ripas amnis delatum solenniter cremabatur; sepulcralibus tropæis de more illius memoriæ erectis.

CAP. X.

DE DYGGVIO.



Omaris filius Dyggvius hæreditatem paternam accessit, Regniqve habenas, qvoad vixit, moderatus est. Upsalis ex morbo in fata concessit. Illius mater fuit Drotta, Danpi filia, cujus (scilicet Danpi) pater Rigus (non Ring⁹, qvem Danicum idioma primum *svng* sive Regem appellavit; qvi titulus posteris ejus & successoribus, omnium honorificentissimus & nobilissimus visus, ipsam qvippe majestatem exprimens, hæreditarius evasit; qvem jam Dyggvius familiæ suæ primus in Svecia usurpabat, cum antecessores ipsius Drottnar/ id est Domini, uxores Drottningar/ id est Dominæ, satellites universi drott/ multitudo, seu cætus aulicus, appellarentur; semper tamen singuli ab illo stemmate descendentes Yngvius vel Yngunius, collectim vero Ynglingi, dicti sunt. Drotta Regina foror fuit Dani Magnifici, à quo Dania nomen contraxit. Hoc primum conjugium inter Imperatrices domos Daniæ & Sveciæ contractum est. Hujus genus è Danica & Svetica origine promanans præsens schema exhibet.



CAP. XI.

DE DAGO.



Illius Dyggvii Dagus patrem in succesione regni excepit. Regium nomen ab eo primo usurpatum simul complexus, stupendæ sapientiæ Princeps, ut qvi volucrum linguas intellexerit. Erat illi passerculus in deliciis, qvi multas regiones pervolare solitus, novis semper rumoribus aures ejus implevit.

For-

te evenit, ut passer in Reidgotalandiam (Cimbriam videlicet) ad prædium, nomine Vorva, vel Jorva avolans, dum senis cujusdam agro insidens grana colligeret, lapide ab eo obrutus interiret. Cum cutem more solito non rediret, æger animi Rex, piaculari sacrificio celebrato, Oraculum de fato ejus consuluit. Responso certior in Vorva occisum, collectis ingentibus copiis Cimbriam infesta classe petit, Vorvamque delatus, in terram populabundus excurrit, alios cædit, alios capit, aut in fugam agit. Sub vesperam inulta occisorum strage cruentus, magno cum captivorum grege reditum ad naves parat; forte dum insidens eqvo, flumen quoddam transiturus, in vado Stiotansvad/ vel Bapnavad/ a jaculis vel armis ita dicto, hæret, servus quidam mercenarius ex sylva citato cursu se proriapiens, buccam fæni è ripa in medium agmen conjiciens, Regis caput collineat, qui continuo eqvo decidens temerariæ expeditionis infonsisque sanguinis pænas morte luit. Ea tempestate quilibet Princeps, qui non alienis bellum gereret auspiciis, *Gramus* appellabatur, milites vero *Grami*.

CAP. XII. DE AGNIO.



Regni paterni hæres Agnius imperium jure partum, sceptrumque Sveciæ capeſſebat, dignus tanto decore Princeps; brevi enim divitiarum abundantia, rei militaris ſcientia, bellica inſuper virtute & experientia, & artium heroibus familiarium excellentia, famam nominis ſui, & per vicinas & longè diſſitas regiones propagavit, ut clarus ubique & venerabilis haberetur. Aſtate quadam in Finlandiam cum exercitu infesta claſſe vectus, direptionibus & cladibus omnia ſædavit. Nec Finni ea propter animum deſponderunt; qui collectis undique copiis, fortiter ſe ei, Duce Rege ſuo Froſtio, oppoſuerunt. Verum viribus impares cum paſſim cæderentur, victoriam hoſti de ſe reliquerunt. Ibi Rex Froſtius, cum magna ſuorum ſtrage, prælio victus occubuit. Prædâ inde & ſpoliis Finnorum onuſtus, victrici claſſe domum navigavit; aſſumptis ſecum Skialfa, Regis Froſtii filiâ, & Logio fratre ipſius, indubiis victoriæ monentis. Jamque ad Stokfundas perventum eſt, cum in lingula, lacum a mari dirimente, id temporis tyſvis conſitâ, tentoria ſigî mandavit. Ibi Skialfa, quam, ſoleni nuptiarum feſtivate celebratâ, ſibi matrimonio jungere dignatus eſt, precibus eum fatigavit, ut funebre convivium, honori patris ab eo devicti, quam ſplendidiffimè inſtrueret, quod quo magnificentiùs foret, magnatum plurimos eò invitandos curavit; auxerat enim famam antea celeberrimam Finnica expeditio. Monile aureum, quod Viſbur prius poſſederat, collo ſemper geſtare ſolitus eſt; & jam veſper præceps erat, cum Rex convivio excedens cubitum peteret, Skialfa verò monente, ut monile accuratiùs reſervaret, ſtatim Rex id gutturi & faucibus arctiùs aſtrinxit. Media ſylvâ tentorium, ſub procerâ arbore, umbrâ ſua Solis æſtum inhiſcente, ſtabat. Rege ſomno & crapulâ oppreſſo, funem tenacem monili ſubdidit Skialfa, ſatellitesque ejus, tentorio quàm occiſſimè abrepto, funem ramo cuidam arboris eminenti affixerunt, qui Regem in ætæra ſublimem tractum ſuſpenſumque enecavit; quo peracto, ipſâ cum comitibus ad navem properantibus remigando evaſit. Ibi Rex ſoleni pompæ

pompæ celebritate crematus est, locus inde Agnasit dictus, in orientali littore Taurenfi, è regione Stoksfundæ occidentali, ubi post multos annos Stokholmia exstructa fuit. Quidam nefas illud, teste *Loccenio*, in isto Holmiæ loco, ubi nunc est curia urbis, alii ubi arx sita est, admissum credunt.

CAP. XIII.

DE ALRECHO ET EIRICO.



D duos deinde Agnii Regis filios amplissima Regni Suetici ditio, imperiò gubernanda, pervenit, Alrechum nimirum & Eiricum, impigros viros, opibus florentes, artibus heroicis & Principibus dignis abundè instructos, quibus experientiam & exercitium rei militaris adjecerunt. Præcipuæ deliciae erant in equis domandis, tamqve cursui per gradus, quàm molli, alterno pedum explicatu, glomerationi affvescendis; ideò quàm generosissimis comparandis cura impensa. Inde orta æmulatio, uter eorum equitandi peritià præstaret, optimosque aleret equos, cumqve semel optimis equorum suorum insidentes cursum adeò intenderent, ut ne ullus satellitum assequi posset, in planos campos evecti, cum neuter rediret, inquisiti ambo exanimis inventi sunt, contusis utrisque capitibus. Conjectura fuit, frans equis detractis se invicem mutuis verberibus occidisse, quòd armis telisque destituti essent, cum equestri certamini sese accinxissent. Ab his *Historia Gothrici & Hrolfi*, Vestro-Gothiæ Regum magnopere recedit; tradit enim Starcadum junicrem, id nominis secundum, post peractam Agdarum Hordiæque Regis Vikaris nefariam cædem ad hos Reges profugisse, iisque diu meruisse, Alrecho autem supervixisse Eiricum, qui filiam suam Ingibjorgem Hrolfo Gothrici filio postea matrimonio junxit. Verum, ut primam historiæ illius partem, quantumvis fabulis antiquò more interspersam, ex sincerorum documentorum albo non proseripserim, ita assutam illam posteriorem ad anilium fabularum collegium relegandam existimem, quæ Snorrii authoritati nihil, minus etiam Thiodolfi, præjudicabat.

CAP. XIV.

DE YNGVIO ET ALFO.



Duos filios reliquit Alrechus in successionem Suetici imperii, Yngvium nimirum & Alfum, diversis studiis deditos. Ille militaribus; unde etiam Dux insignis evasit, victoriarum perenni cursu admirabilis, artibus præterea corporis exercitiò dicatis præstantissimus, mansuetus & liberalitate omnibus charus acceptusqve, vultu semper hilari, jucundò, & ad facetias, lepores, & amicorum oblectamentum compositò, quem insuper formæ decus ornavit. Hic civili administrationi intentus domi se continuit, nec militiam periclitabatur; moribus difficilis, taciturnus, animo immiti & obstinato, Effius alio nomine dictus est. Mater ipsi Dagheidis, Dagi Potentis filia, ex qua Döglingorum prosapia, nobis sæpius memorata, profluxit. Uxorem habuit, Beram nomine, ingenio heroinam, formæ venu-
state

state præclaram, jocis & facetiis valde deditam. Hæc Yngvio Regi quodam autumno è nautica expeditione Upsalos nuper reduci, gloriâque rerum Gestarum id temporis famosissimo, pro more in multam noctem cum satellitibus potanti, in folio Regio assidere, sermonesque cum eo ferere, & mutuis facetiis tempus sapius terere solebat; quod Alfo Regi, utpote qui cubitum maturè ire solebat, valde displicuit, admonitâque & increpata uxore, ut cubitum iusto tempore se reciperet, edixit; cujus moras expectare molestum sibi. Illa sapius munita, semper regeffit, feliciorum multo illius fæminæ sortem futuram, quæ Yngvio Regi, quàm quæ illi nupsit. Quo responso adhortationi sapius regeffo conceptam & malè celatam iram magis concitavit. Accidit veipere quodam, cum Regina folio insidens cum leviro, brevem gladium genibus impositum tenente, colloqueretur, ut ingressus palatium Alfus, nemine satellitum, utpotentiâ potione obrutorum, animadvertente, folio se applicans, exerto gladio, quem tunicâ testum abdiderat, fratrem transfigeret: ilicò frater Yngvius stricto vicissim ferro repentinè exiliens Alfum peremit, parricidium parricidio ultus. Ambo solo jacentes elati, colliq; (uni simul, an duobus, manulcripta non exprimunt) in campo Firensi illati, honorificè sepulti sunt. Hanc Reginam *Johannes Magnus* Danicam fuisse de suo cerebro finxit, omni, quantum scio, autoritate destitutus. Ad hunc Yngvium referenda videntur, quæ historia Hervoriana de Hialmare & Aurvaroddo memorat; nam & tempora mirè concordant; quippe illustrata à synchronismo Alrechi hujus patris & Starchadi junioris, cui Angantyr in tertio gradu lineæ inæqualis conjunctus erat, qui cum Hialmare de conjugio filiae Yngvii Upsalarum Regis mutuo exitu certarunt.

CAP. XV.

DE HUGLEICHO ET HAKIO.



Hugleichus Alfi filius tam patri, quàm patruo (filiis Yngvii, ob tenellam ætatem Regni administrationi inhabilibus, exclusis) in possessionem Regni successit. Princeps deses, & tantæ molis ineptus ac impar, domi testudinis instar se continuit; procul ab armorum strepitu, quorum usum minus calluit, opibus tantum colligendis, quibus hostes tandem locupletaret; intentus: quas tamen attentè reservabat, ut ne cui, præter quos in aula maximi æstimabat, erogarentur. Fuit autem turba haut exigua, constans jocularioribus, cytharædis, auleis & liricinibus; quibus magnus incantatorum & magorum, Seidicam artem exercentium, grex accessit. Fuerunt duo fratres Norvegi, pyratarum seu maris Reges, validâ classe & copiis quàm maxime instructi; Hakio illi, huic Hagbardo, nomina erant: qui interdum conjuncti, interdum divisi, arma circumtulērunt, uterque forti athletarum manu, validoq; numero suffulti. Hakius, cognitâ Hugleichi Regis socordiam, cujus exercitum & copiarum duces ad exemplum Regis se formasse facilis erat conjectura, rem majoris audaciæ, quàm periculi, præmii verò maximi, sibi persvadebat: illum voluptatibus fractum, militaris scientiæ imperitum, inermi simillimum, bello aggredi. Classe igitur in Sveciam directâ, Regem statim bello adoritur, qui, magnis copiis collectis, arma armis opponit, illatum bellum omni vi

propulsaturus. Interim duo fortissimi athletæ, Svipdagus & Geigadus, seu Beigadus, ipsum accesserunt, summi ambo viri. In exercitu Hakii duodecim fortissimi athletæ erant, inter quos Starcadus, postea a prolixâ ætate Senex dictus. Ipse etiam Rex summo tam corporis quàm animi robore præditus fuit, athletarum nemini secundus. Acies in campestri planitie Fyrensi concurrerunt, nec diu Hugleichi copiæ impetum sustinuerunt, nam cæsi passim in fugam sese dederunt; cum athletæ duo prælium restituri egregiam edidère pugnam, singulos sex Hakiani athletæ adorti, capere quàm interficere malentes, ægrè tandem comprehenderunt; deinde confertam clypeis aciem, quæ Regem instar valli undique cingebat, perumpens Hakius, Hugleichum cum duobus filiis obtruncavit; quo viso, Svæci fugâ sibi certatim consulentes, pars domos remeârunt, pars notas latebras & diverticula quærentes periculum evitârunt. Hac victoriâ potitus Hakius, Hugleichi mores, quibus Regno simul & vitâ tum sua, tum geminæ charissimæ sobolis, privabatur, imitatus, desidiâ domi per triennium torpebat. Interim athletæ, tam ignobilis otii pertæsi, alias in terras prædatum concesserunt.

CAP. XVI. DE MORTE HAKII.



Ngvii Regis filii Jorundus & Eiricus, admodum pueri cum pater excessisset, atq; ideo a successione Regni exclusi, patrueli Hugleicho partes eorum vindicanti cum cesserint, rei piraticæ studio adultiores facti sese totos addixerunt, cui promovendo maria diversa transmiserunt, multasque oras maritimas rapinis & cæde sædatis vastârunt; inde strenuorum ducum nominibus comparatis, his exercitiis indulserunt, quoad Hugleichus & Hakius Svæciæ gubernacula tenuerunt. Fortè quadam ætate, cum latrocinii oras Daniæ infestas redderent, inciderunt in Gudlaugum Halogiæ seu Halogalandiæ Regem, cum quo prælio navali acriter congressi, ad ultimum victores, illum naviculæ impositum ad Straumseyarnesiâ, proximam terram, victum in crucem egerunt; quem, mortis genere adeo ignominioso interemptum, milites sui, erecto colle, honoratum sepelierunt. Hoc facinore perpetrato, fratres ubique insignem fortitudinis opinionem & gloriam consecuti, spiritus etiam majores sumpserunt; nam cum percipissent, Hakium Svæciæ Regem, dimissis fortissimis athletis, latera impetentibus nudasse, eò classem, collecto ingenti exercitu, duxerunt. Svæci vero, cognito, quod Ynglingi proprii & hæreditarii Reges ad repetendum a peregrino tyranno Regnum rediissent, certatim ad eos confluerunt. Ingens exercitus confatus est, quibus lacum Logerum (jam Mellerum) intrantibus, Upsalos petituris obvius fit Rex Hakius in campis Fyrensibus cum parvâ manu, ubi prælium acerrimum committitur, mediamque hostium irrupens aciem, obvios omnes prostravit: ad ultimum in Eiricum Regem invehctus neci eum tradidit, vexillo in terram dejecto. Territus igitur Jorundus effusâ fugâ ad naves properavit. Rex Hakius multis lethalibus vulneribus saucius, navem armis & cæsorum cadaveribus aridisque lignis onerari, seque ei seminecem inferri; inde vela erigi, gubernaculum rite adornari, navem extra scopulos educam, altoque commissam, admo-

tis fungis ignariis facibus succendi mandavit, atque ita, flante è terrâ vento, ardentibus velis in Oceanum eVectus, gloriosam mortem oppetivisse omnibus visus est. Hakonem Ringum ex hoc Hakio quidam Sveciæ scriptorum formant, inque Aunii senis locum constituunt; cum tamen hic ad senium nunquam pervenerit, nec placidâ morte decesserit, nec filium Regni hæredem reliquerit, ipse quidem ab Ynglingorum stemmate alienus, ne Sveciæ quidem civis aut indigena.

CAP. XVII.

DE JORUNDO YNGVII FILIO.



Jorundus, Originibus Norvegiæ alio nomine Jormunfrodius, Yngvii filius, virtutem fortunâ comitante, tandem paternum Regnum regiaque sceptrâ recuperavit, nec ideo solenne piraticâ exercitium intermittendum censuit: nam quotannis, ne otio domi torpens milites illius dulcedine bello inutiles redderet, expeditiones nauticas suscepit. Fortè cum æstivo tempore Daniam latrocinii, & præcipuè Cimbriam, infestaret, finumque Limicum ingressus ad fretum Oddafundam classem direxisset, offendit Gyleigum Halogiæ Regulum, Gudlaugi, quem prius cruci affixerat, filium. Fit ingens prælium, incolis Gyleigo tam parvis quàm magnis navigiis, ingenti undiquaque concursu facto, succurrentibus; quibus in naves Jorundi irrumpentibus, propugnatoresque multâ strage cædentibus, nudatus defensantibus, Jorundus navi exiliens in undas præceps ruit, mediisque aquis extractus, deductusque ad victorem, talionem suspensû patris, suspendio ipse vitam finiendô, reddidit.

CAP. XVIII.

DE AUNE SIVE ANIO.



Ost fata Jorundi filius Aun, seu Anius, Sveciæ gubernacula tenebat, vir sapiens, Deorumque religiosus cultor, quorum gratiam crebris sacrificiis provocabat, bello minime deditus, domi se continebat. Horum Regum, qui paulo ante memorati sunt, tempestatibus in Dania regiis conspicui titulis regnârunt, primus Dan Pomposus seu Magnus, ejus nominis primus, qui ætate valdè provectus decessit: Secundus filius ejus Frodius Tranquill⁹, isto nomine Tertius, cui successerunt filii Haldanus & Fridleifus in ordine nominis tertius (Saxo, inserto Hugleto, Haldanum Danum, pro Hugleicho Hugletum appellat, Fridleifi-que patrem constituit, cum essent fratres, si Snorrio fides) impigri bellatores, tamen Haldanus, cum ætate, tum reliquis animi corporisque dotibus antecelleret. Is Sveciam sapiens infestans, Aunium Regem multis præliis, tandem etiam bello victum, Regnoque profugum in Vestro-Gothiam compulit, præmiumque victoriæ, opulentissimum Sveciæ Regnum, sedemque Regiam Upsalensem consecutus, per viginti annos, quibus vixit, tutatus est: quibus exactis, lethali morbo

morbo correptus, post obitum exquisitæ magnitudinis collem, sepulturæ monumentum, Upsalis meruit. Quo cognito Aun postliminiò jam sexagenarius rediens, Diis suis, quos tam difficiles, quantumvis sedulus cultor, tam longo tempore expertus est, maximo apparatu sacrificium, filii insuper victimâ cruentatum, pro longâ vitâ instituit. Ei Odinus sexaginta annos ad exactam ætatem se adjecturum pollicitus, animum ad sceptrâ, male prius defensa, intrepidè capeffenda addidit; quibus etiam per viginti proximos annos, nemine turbante, feliciter potitus, adventu Olli, seu Alii Vegeti, Fridleifi Regis Daniæ filii, exercitu validissimo bellum inferentis, patruoque, partum armis Regnum hæreditario jure repetentis, notam jam exiliî sedem Vestro-Gothiam remeabat, ubi alios viginti annos, nullo interim conatu ad Regnum vindicandum adhibito, quietus transiegit, donec a Starcado (vulgo Starcatero) Olius interfectus est, tunc demum Regnum possessore vacuum alienâ manu, non propriâ virtute, vindicatum asseruit, vixitque Upsalis viginti annos, hostilibus irruptionibus & bellicis tumultibus tranquillâ pace succedente beatus. Et jam completus erat annorum numerus, quem explendum oraculum promiserat, cum Odino magnificentissimum sacrificium, secundi quoque filii victimæ loco mactati sanguine cruentum, pro ulteriore ævo consequendo instaurabat, quò placatus Odinus, conditionem ætatis prorogandæ obtulit, si quovis decennio filium immolaret, partesque regionis ex singulorum numero denominaret, tot decennia victurum, quot filiorum hostias litasset, pollicitus. Post septem deinde filios ad aras oblatos, decennio elapso, pedes, ne incedere posset, eum deficiebant; læticæ ergo impossitæ subeuntium humeris vehebatur: octavo ergo filio Diis fecit, numeroque exprimendo, memoriæque perpetuæ consecrando, illam portionem terræ Octavam nuncupabat. Inde decennio transacto, lecto semper affixus jacebat, nec tamen eum senectutis ætatisque plusquam decrepitæ satietas caperat, quin nonum litandum curaret, lucratusque, quod sibi stipulatus est, decennium, potum, lactantium infantium more è cornu exfugebat. Restabat decimus filius, quem etiam sacrificio destinabat. Upsalis & subjacenti territorio Odinum donaturus, nomenque inde Tiundalandiæ vel decumaniæ terræ impositurus; quod cum Sveci permittere nollent, mortem tandem feram oppetivit, Upsalisque, exstructo colle, conditus est. Hinc proverbii loco in vulgus emanavit, *Aninus morbus*, quoties quis ad ætatem decrepitam provectus, nulla alia ægritudine quàm senio emaceratus, in fata conceditur. Quæ super hoc Rege *Rudbeckius* commentatus est, cum conjecturis tantum nitantur, consulto prætereo. Videri tamen possunt quæ *Lib: hujus Partis III. Cap. 33.* de his differuimus. Utq; Synchronismus inter Vikarem, partis Norvegicæ, & Alrekum & Eiricum Sveciæ Reges consistat, anni LXII. de ætate Aunis tollendi sunt, Synchronismusque inter Daniæ Sveciæque novem Reges, qui Aunem præcesserunt, paulo aliter, quàm in *Serie Regum Daniæ* digestus est, immutandus, id quod à nobis cit. *Cap:* factum est; quo admissio, non solum inter Daniæ Sveciæque Reges, sed & Regum Norvegiæ inter utrosque singularis harmonia emergit, nullo historiarum damno. Horum igitur quædam ad fabulas releganda sunt, orationes loco citato obvias

CAP. XIX.
DE EIGILE.

Igill Anii Silicernii filius, immani patris tyrannide ope procerum liberatus, a morte patris securitatem vitæ & Regnum jure successionis obtinuit, rei militaris minimè studiosus, domi se, more a patre tradito, continuit, neque hostibus bella inferre, neque illata propulsare, bellicarum artium & militaris disciplinæ rudis, noverat. Inter ministros patris eminebat quidam, nomine Tunnus, conditione servus, sed cui Anius Rex consilia & regios thesauros custodiendos crediderat. Hunc Eigill jam Rex factus suspectum forte habuit, sive quòd in immanem a patre in filios exercitæ crudelitatem consensisset, sive quòd tam sædæ machinationis author fuisset, forte & jam incitatus obrectatione procerum, irâque, ut assolet, in occasionem dilata, ex invidia Regii favoris exortâ, eum calumniis, quibus aulæ principum auresque plenæ sunt, circumventum, ad servilia opera inter servos peragenda relegavit atque detruxit; quod valde indignatus Tunnus, paterni favoris nullam esse habitam rationem, assumptâ Regionum servorum haut exiguâ manu aufugit, thesauros deinde, quos terrâ post mortem Anii abdidit, cum effodisset, inter illos divisit, qui vicissim eum factionis suæ Principem creârunt; quo comperto, inque vulgus totâ regione disperso, facinorosi omnes, exules aut graviore pœnas promeriti, & malè sibi conscii, ad eum, tanquam asylum, utpote criminum scelerumque licitorem, imò socium, confluxerunt; qui sylvis & tesquis ut plurimum absconditi, interdum in provinciam irrumpentes, omnes exspoliârunt, cædibus rapinas & direptiones permiscentes. Totâ regione hoc tenore peragrata, Rex ad latrones persequendos cum exercitu haut modico profectus est; quem nocte quâdam improvisum Tunnus derepentè superveniens propemodum oppressit; multique cæsi sunt, prius quam quid rei esset senserunt; postquam autem Rex hostium incursum cognovit, ad prælium se accingens, signum præferri curavit. Verum milites, cum ex primâ trepidatione nequicquam se colligerent, in fugam dilapsi, Regem, hinc ab hostibus pressum, inde à suis desertum, fuga sibi consulere compulerunt, quem usque ad silvam persecutus Tunnus, multos effuse fugientes occidit. Mox in agros pagosque infusus, omnem inde Sveciam latrociniiis infestam reddidit, nemine post cladem Regiam resistere auso. Omnem namque prædam militibus inter se viritum dividendam concessit, unde obsequentiissimi facti, multos in societatem militiæ undique consuentes allexerunt, ut justo exercitu comparato, cum hoste configere hautquaquam detrectaret. Rex verò, redintegratis denuò viribus, Tunnio potestatem pugnæ fecit: acriter configunt, verum Regii, impetum Tunnensium haut sustinentes, in fugam iterum versi sunt; octies justo prælio pugnatum est, quibus omnibus Tunnus victor Regem superavit. Tandem Eigill Regno exactus in Daniam ad Frodium, ejus nominis (me conjectore) quintum, Sialandiam usque confugiens, auxilium illius, copias magnas, copiarumque duces, pugilumque manum strenuam, annuo tributo compensandam impetravit, quibus comitatus in Sveciam pervenit. Tunnus igitur, regnandi dulcedine degustatâ, Regno scelere parto vindicando, cum exercitu obviam processit, non eadem felicitate,

licitate cum veterano milite, peritissimisque pugilibus conficturus, quā cum tyronibus & imperitis, sub imperito Rege, consueverat: versā igitur fortunā cum toto exercitu ad internecionem deleto funditur, cujus cæde Rex Regno restitutus, parā pace, Danos quā honorificentissimē domum remisit. Deinde singulis annis pretiosa munera, grati animi monumentum, latique auxilii confessionem, nec tributum aliud, Frodio misit, nec ideo amicitia inter illos contracta refrixit, verum quoad vixerunt illibata remansit. Post cædem Tunnii cum triennium Rex Eigill sceptrā tenuisset, contigit ut taurus vetus, sacrificio destinatus, atque ideo plus nimio saginatus, adeo efferaretur, ut in homines etiam imperum faceret insurgeretque, qui disruptis vinculis elapsus, custodibus persequentibus, in rabiem versus propinquum saltum intravit, ubi diutius moratus cladem hominibus intulit. Accidit autem ut Rex, venationi cæteroquin admodum deditus, compluresque dies feris insectandis & silvis memoribusque extrahendis terere solitus, tunc quoque venatum proficisceretur; cumque nobilem feram diutius persecutus esset, longius a suis intra nemo-rum opaca proventus, immanem illum taurum eminens conspicit, in quem statim converso equo inuectus, haut dubiè transfixurus, sed pari irā ardoreque sibi occurrentem hastā petivit, leviterque vulneravit, quo concitior taurus adversā fronte incurrens Regem invasurus, adactis in equi latūs cornibus, eum simul cum Rege humi prostravit. Rex subito exurgens, cum gladium stricturus esset, a bove impetitus, cornu per medium pectus trajectus est. Quo facto accedentes Regii faellites, taurum occiderunt. Rex vero illo ex vulnere mortuus, Upsalis, iustis Regio more solutis, tumulo magnificentissimo illatus est.

CAP. XX.

DE OTTARE VENDILKRAKA.



Ex Eigill filium, Ottarem nomine, Regni Regique fastigii hæredem reliquit. Is contracta inter patrem & Frodium Daniæ Regem amicitia fœdera nullius pensi habuit: igitur Frodius per legatos tributa, quibus pater restitutionem in Regnum jam amissum & victoribus eripiendum pactus erat, exigebat: quibus Ottar, nunquam tributa Danis Svecos pependisse, nec in posterum pensuros, respondit. Irritatus ergo Frodius, bellicis artibus, rerumque foris gestarum famā præclarus, quadam ætate oris Sveciæ cum classe haut modica appulit; ubi cum incendiis, latrocinis & cædibus late grassatus esset, præda tum hominum, tum rerum aliarum, onustus in patriam navigavit. Proxima ætate, cum Frodius orientem, procul patria, classe petisset, idque pro explorato Rex Sveciæ haberet, occasionem ulciscendæ Sveciæ commodam satis affulsisse ratus, magnis copiis classi impositis Daniam adortus est, igne, cædibus & rapinis quocunque accessit, eo facilius grassatus, quod nemo esset, qui armis illatam vim propulset. Auditò deinde quod in Sialandia militum & nautarum delectus haberetur, transmissa freto Eyrarfundenſi, in Jutiam navigavit, Limicumque fretum ingressus, Vandaliam Cimbricam promiscuis incendiis strageque hominum fœdatam prope ad excidium vastavit. Rex Frodius duobus Comitibus (Vauttus & Fastus nomina erant,) curam Regni

gni & custodiam se absente commiserat; qui raptim comparatâ classe, navium numero & magnitudine conspicuâ, Ottaris arrogantiam repressuri, in Svecos imparatos & securos inveci, acerrimam pugnam ediderunt; nec Sveci minus viriliter se tutati sunt, multi ex utraque parte cæsi: Danorum tamen conditio melior fuit, quippe fessis integri, casis recentes magno concursu successerunt: navium item conflatus ex vicinia undique viros & classem augebat. Rex itaque cum maxima exercitus parte concidit, cuius cadaver ad terram delatum colli impositum, feris & alitibus devorandum objecerunt, cornicemque ligneam ad ludibrium fabrefactam in Sveciam miserunt, cum exprobratione, *tanti, nec pluris, Regem eorum æstimandum*: utque idem illud ludibrium perennaret, Regem ipsum *Yndu-Kra-tu* 3: *Vandalorum Cornicem*, nomine hodieque in fidem historiæ superstitæ, appellârunt. Chronicon Danicum tradit eos Svecis nunciari curasse, ab ejusmodi volucris (nam corvis & cornicibus expositum retulit) Otarem esse consumptum.

CAP. XXI.

DE REGE ADILSE.



Olum Regium successor patris filius Adils jure suo occupavit, diuque tenuit; princeps opibus potens, piratico exercitio, more seculi, deditus, necessitate fortè expositæ, partim ut instructi classè principes incurfiones piratarum cohiberent, partim ut milites bellis propulsandis, aut hostibus inferendis, assuescerent, tum ut externarum spoliis fiscum Regium & subditos ditarent. Hoc igitur more recepto, consuevit Rex Adils tempora æstiva piraticis latrociniiis terere. Fortè Saxoniarum litoribus adactus, comperit Regem, nomine Geirthiofum, (cui erat Regina, nomine Olufa, seu Aleifa, à divitiarum abundantia Opulenta dicta; nec an liberos habuerit, memoratur) extra ditionem profectum; qua occasione commodè affulgentæ usus, cum copiis ad Regiam domum properavit, eaque expositâ, magna auctus præda ad naves rediit, ovium magno grege cum servis & ancillis, opilionum munere fungentibus, ad littora classemque abactis. Inter ancillarum gregem virgo erat quædam, nomine Yrfa, sed ingenio nequaquam servili, forma adeo insigni, ut quacunque incederet, omnium oculos in se converteret: cuius amore captus Rex, cum deprehenderet virtutes egregias, affabilem pudicitiam, cæterasque animi dotes, morumque ornamenta, formam, quantumvis incomparabilem, insuper commendare, Regio eam dignatus est conjugio; quæ proceribus & plebi, omnique adeo populo Regni que incolis, grata acceptaque facta est, ut inter præcipuas Reginas nemini secunda haberetur. Hoc tempore Helgius Halfdani filius Hleidræ ad Regni Danici sceptra sedebat, qui in Sveciam tantum exercitum navibus transportavit, ut impar sibi videretur Adils ad manus cum eo conferendas, nec aliam salutis spem, quam in repentina fuga, reliquam videret; qua igitur arrepta, ipse quidem captivitatem & mortem evasit; opes vero & thesauri Regii, omniaque, quæ hostilis avaritia concupiscebat, diripiebantur; quibus Regina, tanquam pretiosum cimelium, accedebat. Hac tanta præda tam prosperè & nullo negotio partâ in Daniam redux, Reginam Yrfam marito ablatam, suamque jure belli

belli factam, conjugio sibi sociavit, unde etiam eximio filio Regii fastigii ornamento, nomine Rolfo, postea Krakio dicto, felici auspicio, licet ex infelici conjugio, auctus est. Interjectu trium annorum Regina Saxonie Olufa in Daniam profecta, Yrsæ Regina insinuavit, nefarias illam cum Helgio Rege patre suo; se matre natam, contraxisse nuptias. Qvo cognito, rescisso illicito vinculo, ad priorem maritum in Sveciam rediit, ibique Regina titulo jure & exercitio reliquum ætatis transegit. Helgius Rex bello occubuit, relicto Regni hærede & successore Hrolfo, tantum octenni; qvi solenni inaugurationis ritu Hleidræ Rex pronuntiatus est.

Hæc tali relationis tenore Norvegica historia compendiosè persequitur: verum ea, quæ de Hrolfo Krakio conscripta est, quamvis in quibusdam in diversum abeat, tamen magnopere narrationem hanc illustrat. Cum autem modum genealogiæ excedat, peculiari volumne eam complexi sumus; nunc reliquam vitæ Adilfis partem a Snorrio proditam absolvemus.

Inter Adilsem & Alium Uplandorum in Norvegia Regem intervenit similtas, tandemque in apertum bellum exarsit, quod acerrime in lacu Vænere glacie restricto gestum, Alii morte finitum est. Prolixè id *historia & carmina Skjoldungorum* exposuisse memorantur, ut & adventum Hrolfi Upsalas, & quomodo campos Fyrenses auro consecrerit. Equis generosis Adils multum delectabatur, in quos conquirendos & alendos magnas fecit impensas. Inter eos quidam excellebat, nomine Slongver; æquè pretiosus erat alter, Rasi vocatus, qvo Alium Regem mortuum spoliabat, qvi deinde alium sibi cognominem procreavit, quem ad Regem Halogiæ Godgestum Adils dono misit. Is, dum in cursum concitaretur, adeo effrænis factus est, ut habenarum regimen & Regem simul moribundum excuteret. Contigit is casus in Aumdia Halogiæ provincia, & Regi Godgesto rerum suarum ultimus, adeoque fatalis, exitiit. Similis etiam casus Adilsem absumpsit, nam cum sacrificium Disarum (3: omnium Dearum) celebraret, eqvo, qvo intra palatium vectus erat, labenti ex-cidit, capite ad lapidem illiso, ut cerebrum efflueret; conditus est in colle Upsalis, famâ potentiæ & divitiarum posteris relicta.

CAP. XII

DE EYSTEINO ET SOLVIO DE NIARDEYA.



ADilsi successit filius Eysteinus, qvo imperante Hrolfus Krakius, Hleidræ insidiis affinis sui Hiorvardi petitus, occubuit. Hoc Rege turbulentus admodum Regni status fuit, piratarum Danorum Norvegorumque turbâ rapinis & spoliis omnia peragrante: Regum etiam nauticorum magna erat messis: qvi exercitus navibus portabant, ditionis & territorii expertus. Verum, ne nominis illius honos gratuitus esset, virtute & laboribus comparandus erat. Qvi non omnibus anni partibus continuo in navibus excubaret, aut cui sub fuliginoso tecto noctes quieti datas egisse, aut ad focum cornea pocula evacuasse, objici possit, titulum illum haut meruisse visus est (per fuliginosa tecta triclinia intelliguntur, quæ, more prisco, foco medio pavimento stante, fumabant) Solvius itaque Hognii de Niardeya (quæ insula est Norvegiæ, Naumudalo adjacens) filius, opportunitatem

tem invadendæ Sveciæ mente complexus, cum in mari Baltico prædas agendo, in Cimbria ditionem quandam sui juris fecisset, eò consilia sua direxit. Fortè Rex Eysteinus in provincia quadam, nomine Eofaund, convivio se oblectabat, cum Solvius de improvviso superveniens domum incendebat: periit itaque Eysteinus cum toto satellitio, pænasque inconsultæ securitatis, turbulentis temporibus noxiæ, suâ suorumque violentâ nece luit. Inde Solvius infestis signis Sigtunam petiit, postulans ut Sveci se Regem crearent, qui, raptim ingentibus copiis undique collectis, ei se opposuerunt. Tantâ perviciaciâ certatum est, ut per undecim continuò dies nunquam a prælio cessatum sit, Svecis pro patria, parentibus, conjugibus, liberis, & denique libertate, certantibus; Normanno ad imperium invadendum obstinato. Verum non hic justiore causam fortuna promovit; nam victi Sveci jugum cervicibus impositum ferre, alienigenamque prædonem Regem agnoscere, justis hæredibus exclusis, compellebantur. Multos annos Regnum, titulo victoriæ partum, eum tenuisse in *Serie Regum Daniæ* computavimus: jam sedecim ei tribuendos, sexenniumque Braut-Aunundo demendum existimo, ut cum calculo Hrolfi Krakii singula conveniant. Illius sororem Hildem, Gracilem dictam, Hiorleifus Mulierosus dictus, Hordia Rex, uxorem duxit, quorum filius Halfus Rex, heroum de suo nomine appellatorum Dux celeberrimus, ad quem, insidiis vitrici sui Asmundi sublatum, ulciscendum avunculus Solvius in Hordiam Norvegiæ provinciam cum exercitu classe vectus est, accitis in societatem compluribus Regulis, pugilibusque strenuis; quo cæso redux in Sveciam, dum fidem indigenarum tot jam annorum spatio expertus minus suspectam haberet, nec animadverteret, necessitatem parendi rebellandi occasione destitutos pro spontanea subjectione vendidisse, post annum unum per prodicionem tandem occiditur imprudens, quòd legitimi principis memoriam desideriumque, etiam justis hæredibus superantibus, ex animo civium obliterari posse credidit.

OBSERVATIO.

HÆc cum ejusdem hujus partis Lib. III. collata, mirum historiæ illius cum his consensum, mirum etiam in synchronismorum collatione disensum, ostendunt. Traditur enim illic, Hiorleifus Mulierosus Hordia Regem duxisse in uxorem Hildem, Hognii de Niardeya filiam; fratrem vero ejus Solvium cum domum secutum; postea vero Hiorleifum, cæso Rege Sialandia Reidare, ditioni ejus Solvium Comititis titulo præposuisse (an vero Snorrius hic erraverit, & pro ditione Sialandia Jutiam reposuerit, an Solvius hac oportunitate provinciam quandam Jutiæ adjecerit, cum id facile fieri potuerit, non desinio) cum autem Halfus Heros, Solvii sororis filius, per prodicionem à vitrico suo cum omni pene satellitio sublatu esset, Gunnlod Steinorum mater, cum de nocte inter cadaverum stragem filios suos requireret, recepto Utsteino, Biornum quoque & Bardum viros invenisset, hos in Sveciam misisse perhibetur; qui statim à Rege Solvio humanissime excepti sunt. Postremò Solvius unâ cum Hakio Skania & Eysteino provinciæ cujusdam in Daniâ Rege & athleticis Halfi, Hroko Nigro & Utsteino in Norvegiam movisse traditur, Halfique eadem cæde vitrici ejus vindicasse. Jam verò cum nullus alius Solvius Sveciam devicisse, eamque imperio diu tenuisse, ullibi legatur, manifestum est, hunc Solvium post fata Rolfi Krakii in Sveciâ regnasse. Refert enim Snorrius eadem ejus in Eysteini Regis, à Solvio oppressi, tempora. Synchronismorum vero disensum

sum partis hujus Lib: III. de gentis Norvegicæ origine Cap: XXIV Synchronismo IV. ostendi. Ubi Solvium à Fornio to undecimo tramite descendente, huc Eysteino à Nioro decimo octavum æqualem demonstravi; ubi septem gradus à parte Solvii, & in his prodigiosa Annis Grandævi ætas, ad nativitatem Eysteini desiderantur, ita ut à natali Noris exordio, quod in annò salutis XXX. collocavimus, ad nativitatem Eysteini, cui annum CDLXXVI. in Serie Rex Dania assignavimus CDXLVI. anni requirantur; nec sufficiat, si singulis generantibus LXXIV. anni dentur. Cum igitur horum synchronismus abundè ex superioribus probatus sit, planum est, ingentem hic, ut in pluribus aliis genealogiis, lacunam irrepisse. Verum in digerendis Solvii annis aliquid à nobis in Serie Regum Dania erratum est, ubi eum post Eysteinum, quem anno DCCCI. occidisse statuimus, annos decem regnasse collegimus, produtione deinde sublatum anno DXLI. Sed producenda longius ejus ætas videtur, annique aliquot Bräut-Aunundo (cui XXVI. assignavimus) demendi, Solvique adjiciendi, ut singula inter se concordent, & cum calculo Hrolfi Krakii conveniant. Sexennium itaque, ejus ætati detractum, in Solvium referimus, ita ut cædes ejus in annum DXLVII. incidat. Satis enim spatiosum imperium Bräut-Aunundo, quantumvis laudabiliter gestum, quatuordecim annorum periodus relinquit. Jam vero verisimile est, potentissimo Rege Hrolfo Krakio regnante, vix in Sialandia Principem alium Regio titulo insignem extitisse, & si hoc, superiorem tamen eum Dominum Hrolfum Hleydra seu Letbræ Regem agnovisse. Eum vero, utpote sibi subiectum, vitâ regnoque à Rege alienigena spoliari, ditionem ejus invadi, firma deinde possessione teneri, impune fuisse laturum Hrolfum Krakium quis credat? Hæc itaque Hiorleifi Mulierosi gesta ejus temporibus applicari nequeunt, nec altius elevari, cum Solvius uxoris ejus frater, ejusque in Sellandia præfectus, Eysteino Sveciæ Regi successerit. Ad interregni tempora hæc igitur referenda sunt; id vero nostro calculo à principio anno DXXII. exordium sumit. Nos calculi rationem ita supponimus.

Anno DXXIV. Hreidarem à Hiorleifo cæsum præfectumque illius ditioni Solvium statuimus.

DXXV. Hiorleifum ipsum piratico congressu oppressum.

DXXVI. Filium ejus Hiorolfum piraticam magno suo dedecore aggressum, tunc, ut constat, annum ingressum XVIII, natus igitur erit anno DVIII.

DXXVII. Halfus natus annos XII, latrocinium professus est, natus itaque erit anno DXV. annos deinde XVIII. isti exercitio impendit; qui adjecti ad annum DXXVII. desunt in annum DXLV. annos vixit XXX; ille quoque anno DXV. additi, desunt in eundem annum.

Cæsus itaque erit Halfus anno DXLV; proximo anno Solvius cum sociis eum ultus est, anno sc: DXLVI, id enim ita traditur. Anno sequenti Solvium vixit sublatum supponimus, quadraginta annis postquam soror ejus Hildis Hiorleifo nupsit, si illa statim sequente anno Hiorolfum in lucem edidit, fuisse tunc Solvium circiter vicesimarum statuimus, ut sexagenarius mortuus sit, itaque rationes in Serie ibi immutamus. Solvius de Niardeya sceptrâ Sveciæ invasit anno DXXXI. tenuit annos XVI; mortuus anno DXLVII. ætatis LX, natus anno CCCCLXXXVII. uno anno post natum Hrolfum Krakium. Ingvar natus D; successit Solvio DXLVII. regnavit IV. mortuus DLI. Bräut-Aunundus natus DXX, successit Ingvari DLI, regnavit XIV. annis, mortuus DLXV. Deinceps tabula sine ullo damno sibi constat.

CAP. XXIII.

DE YNGVARE EYSTEINI FILIO.



Olvio Sveciæ Regi, per prodicionem sublato, successit in paternum Regnum filius Eysteini, idemque legitimus hæres Yngvar, Originibus Norv: Hæc seu *excessus* nominatus, civibus & optatus & utilis princeps: nam cum Svecia Danorum & orientalium populorum direptionibus per longum tempus obnoxia fuisset, pace cum Danis factâ in hos classem ingentem quot-annis armavit. Æstate quadam, cum ad Esthoniâ classem movisset, populabundus in locum quendam, qui Stein nuncupatur, exscendit. Verum indigenæ, collectis viribus, cæso Rege, Sveones numero longe inferiores in fugam compulerunt, qui Rege in littore maris, in provinciâ, cui Adalfysla nomen est, conditô, fugâ domum repetebant.

CAP. XXIV.

DE AUNUNDO.



Efficitas Sveciæ res, vigilantissimique Regis orbitatem, subsequens tempus prosperiore fato, egregiique filii successione, rependit: is erat Aunundus, magni patris major filius, pacis artibus ita clarus, ut ea quæ ad bellum necessaria, nec tamen supervacua essent, neutiquam negligeret, nec bella nisi necessaria gereret; itaque ad vindicandam paternam cædem, cladisque acceptæ ignominiam delendam, in Esthoniâ movit, eamque latè populatus est, ubi cum manubiarum ingentem copiam coacervâisset, classem incolumi exercitu, & abundè locupletato, domum eodem autumno reduxit. Contentus deinde prædâ, quæ accepta damna, & ultione, quæ illatas prius injurias, & gloriâ, quæ contumeliam, refarciret, ad opes eas colligendas animum advertit, quæ citra aliorum injuriam & proprium periculum, cum civium suorum commodo, tum singulorum, tum universorum, prosperitate colligi possent, & Diis quasi per manus porrigentibus, non sine ignominia recusarentur. Nam cum videret patriam terram admodum vastam, passim ingentibus & ad multorum dierum itinerum mensuram extensis tesquis, alibi etiam saltibus immensis, paludibusque interfectam; populum etiam numerosiorem, quàm pro locorum ad eum diem excultorum capacitate, crescente in dies multitudine, agrorum angustis circumscriptum, tutius, facilius, & honestius, magno patriæ tum emolumento, tum etiam ornamento, alimenta comparaturum animadvertit, si sylvis excisis, paludibus exsiccatis, planities agrorum cultioni & habitationi accommodatas ad sementes & ædes ibi faciendas converteret, quàm si bellis vicinos laceffendo foris ancipitem victoriam & certa damna, domi novos semper hostes, ultionem repetentes, utrobique manifesta pericula, quæreretur. Edixit itaque, ut multas regionis provincias, ædibus & agris vacuas, studiosè excolerent, novalibusque, & pratis, & domibus, exornarent, viasque pandendo itineri per universum Sveciæ territorium sive palu-

paludes, montes, silvæ, sive solitudines silvis vacuæ, confragosæque jugæ, aut vepribus virgultisque obfita intercederent, complanari sternique curarent. Hinc illi Braut-Aunundi nomen ex industria & publici commodi promovendi sollicitudine inditum, quod patria lingvâ *viarum stratorem* denotat, a Braut/ quod *viam* designat. Inventa sunt in ipsarum silvarum medietullio spatiosa passim loca, prius ignota, sed ad habitationem valde idonea. Quo vero commodius jus redderet, lites cognosceret atque dirimeret, complura prædia, ædesque Regias, in singulis Regni provinciis sibi comparavit. His artibus in Svecia, pacis tranquillæ studio, tum publicæ tum privatæ opes cumulatim congestæ brevi secutæ sunt. Rex etiam, qui excolendis magis quàm extendendis finibus Regni intentus erat, tum divitiarum abundantiam, tum etiam civium suorum amore celeberrimus evasit, annonæque ubertas, & rerum omnium affluentia, prudens imperium comitata est. Felix Princeps, si sobole vel caruisset omnino, vel meliorem feliciorémque nactus esset. Fuerunt ea tempestate in Svecia multi provinciarum Reguli, inter quos memoratur Yngvar Fiadryndia Princeps; filii ei duo, Alfus & Agnar, filio Braut-Aunundi, cui nomen Ingialdus, ætate fere pares. Tiundiam rexit Braut-Aunundus; ibi metropolis Regiæque urbs Upsali sita, ubi & universæ Sveciæ comitia sacrificiaque anniverfaria, stato mediæ hyemis tempore, Regumque eò confluentium conventus celebratur. Ibi quadam hyeme Regulus Yngvar cum filiis suis, ad solenne sacrificiorum festum comparebat. Alfus Yngvaris filius & Ingialdus ætate sexennis pueriles ludos exercebant, sui quisque agminis ductor. Cum vero Ingialdus Alfus viribus inferior esset, id adeo moleste ferebat, ut præ doloris impatientia vehementer lacrymaret; quod ut Gautvidus socius ejus agnovit, eum manu apprehensum ad nutritium Svipdagum, Cæcum dictum, secum deduxit, exposuitque certamen ei infelicitè cessisse. Alfus namque succubuisse, victumque cum ignominia recessisse. Aegrè tulit senex puerilem contumeliam, itaque postridie lupo cor exsectum, verticulo assatum ei comedendum præbuit; exinde ingenium mite in stupendam ferociam versum, efferum & omnino perversum evasit, ut omnes truculentia & infandâ rabie atque crudelitate postea superaret. Postquam adolevit, pater ipsum splendido conjugio jungi curavit, filia nimirum Algautii Gothiæ Regis Gauthildi. Algautii pater fuit Gautrecus Munificus, idem etiam Rex, Gautreci pater fuit Gautius, nequaquam is (licet illud *Snorrius Sturlaus* tradat) à quo Gothia nomen contraxit, cum id nomen antiquissimum à gente profluxerit, quæ se Gothos à Dei nomine nuncupavit. Gautii vero nomen primò patronymicum, nec multo post in privatorum familiam receptum, cum antiquissimum sit, nunc Odino, nunc filio ejus attributum est; quod multis postea Gothiæ Sveciæ Regibus commune, huic demum, tanquam antiquissimo, primum propriumque fuisse posteritas, homonymiâ decepta, temporumque ratione, avorumque intercedentium serie neglecta, primò sibi, deinde aliis, pervasit. Gauthildis mater, eademque Algauti uxor, fuit Alofa filia Olafi Skignii seu Lyncei de Nericia. Algautii igitur Regis filiam Braut-Aunundus filio suo Ingialdo nuptum dari cum peteret, annuit pater, gloriosum sibi filiaque, tum privatum, tum etiam publicè utile illud conjugium futurum ratus, si filius moribus paternis insitens, amorem sibi civium & finitimorum observantiam benevolentiamque conciliare niteretur. Igitur sponsam in Sveciam, quo par erat apparatu, misit, quam Ingialdus, nuptiis magnificè celebratis, in uxorem accepit. Braut-Aunundus inter villas suas pro consuetudine autumnali

autumni tempore, magno aulicorum comitatu per tesqva Himinheidensia, seu *celestia tesqva* (Valles sunt editis montibus undiqve septæ, largò imbre recentem antea nivem abludente, dum transit, ingens sabulorum ac lapidum colluvies ex rupium summitate per præcipitia in planum procidens, ipsum Regem cum magna comitantium parte derepente oppreßit, & improvisâ indignaqve morte extinxit.

CAP. XXV.

DE INGIALDO ASTUTO.



B Raut - Aunundò improvisâ morte preceptò, Regnum Upsalense cum infinita gaza, tot jam sæculis absqve intermissione coarcevata, ad filium Ingialdum pervenit. Multi ea tempestate Reguli Sveciam, in provincias divisam, jure successionis tenebant; qvi ab Agnio Skialfæ marito Potenteqve dicto genus ducebant; nam ab Odino ad ejus usqve tempora, individuum erat universum Sveciæ territorium. Agnius autem duobus filiis totum Regnum & possidendum & dividendum reliquit; exinde invaluit, ut qvota pars cuiqve obtigerat, inter liberos iterum esset dividenda, interqve nepotes, & consequenter in infinitum, subdividenda; divisio itaqve, quæ sua natura ad minima tendit, Regulorum ditiones processu temporis, prout multiplicavit, ita qvoqve diminuit, angustisque terminis circumscripsit; quorundam etiam industria, solitudines excolendo, coloniisque replendo, Regios titulos ditionesqve peperit. Omnes dignitate præstabat Rex Upsalensis, Basilicæ, sacrorum, comitiorumqve splendore prælustris; per exeqvias patris, hæredi celebrandas, perpetuò inaugurandus, nec aliter fieri consuevit; convivium igitur splendidissimum, antecessorum omnium magnificentia longè præstantius Ingialdus Upsalis instruxit, palatiumqve convivis excipiendis nihilo angustius deteriusqve, quàm erat ipsa Upsalensis aula, elaboratissimè ædificari curavit, quod Septem Regum Basilicam appellari jussit; septem enim ibi solia Regia fulgebant. Legati per totam Sveciam missi, Reges, Comites & nobiliores omnes invitabant. Convenierunt ergo focer Regis, Algautius, Yngvar Fiadryndiæ, cum duobus filiis Agnare & Alfo, Sporsniallus Nericiæ, Sigverkus Attundiæ, Reguli Granmar Sudurmanniæ Regulus domi remansit. Sex ergo Reguli totidem solia in novo palatio occupabant, septimum Granmari, & octavum quod inaugurando Ingialdo destinabatur, vocabant. Omnis ibi Regulorum comitatus splendide exceptus est, satellites verò & aulici Ingialdi in veteri aulâ Upsalinâ epulabantur. Ritus autem inaugurandi hoc tenore, quoties Regibus Comitibusve parentandum erat, celebrabatur: qvi se pro hærede gerebat, convivium instructurus insidebat sublellio, solio Regio subiecto, quousqve scyphus memoriæ Bragii dicatus (*Bragarfull* veteri idiomate dictus) illi exhiberetur, quem assurgens venerabundus cum recepißet, voto se astringebat ad præclarum aliquod facinus perpetrandum, deinde craterem exhausto, paternum solium deductus ibi se collocabat, tum demum paternorum bonorum hæres possessorqve indubius censebatur. Poculum ergo Bragicum (ingens cornu erat) cum Ingialdus arripißet, continuò vovit, se regni fines ex omni parte in duplum extensurum, aut intrepide moriturum, finitoqve voto evacuavit. Eodem vespere, cum omnes ad vinum liberius

berius procesfissent, mandavit Folchvido & Hylvido Svipdagi filiis, cum subornatis militibus, ut armati faces ædibus subderent, elabique conantes interficerent; qui intrepidè mandatum ferale executi sunt. Periit ibi inter sex Regulos etiam Regis Ingialdi Socer, nec ex comitibus illorum quivquam mortem evasit. Tanti sceleris raræque ferociæ præmium singulorum ditiones invasit, sibi que subjectas vectigalesque reddidit, adunatisque denuò variorum populorum provinciis, veluti unum corpus Sveciam reddidit; coalescenteque Regno valida incrementorum fundamenta restituit. Quibus auditis, Granmar confimile exitum sibi Ingialdum machinaturum, adque effectum perducturum, ni tempestivè præcaveretur, facile conclusit. Accidit fortè, ut Hiorvardus Rex, cognomine Ylfringus (quæ familia alio nomine Volsungi appellabatur) hac eadem ætate, classe in Sveciam de-
 vectus, in sinu Myrsoa/ seu *tenebricoso*, dicto, portum peteret: quo cognito Granmar, missis legatis, eum cum universo comitatu ad convivium invitabat, quam ille conditionem grato animo accipiebat, eo confidentius, quòd nullas controversias intervenisse constaret, cum nullam ejus ditionis partem infestaverit unquam. Primo vespere magnà cum alacritate crateres ingentis capacitatis apponebantur. Mos erat, quoties Reges, qui ditionibus præessent, convivia instruerent, ut circa vespæras singulis convivis faminae assiderent, quoad earum copia foret; qui superessent, seorsim convivarentur; piratæ vero absque intermisti faminei generis consortio simul compotabant. Solium Hiorvardi Granmari oppositum erat, quòd comites ab utroque latere in subselliis confidentes cingebant. Granmar filia suæ Hildigunnæ mandavit, ut, mundò virgineo assumptò, piratis pocula ministraret; fuit virgo raræ venustatis, itaque assumpto cratere argenteo, meroque repleto, Hiorvardum Regem accessit, propinavitque ei hac verborum formula: *Avete omnes Ylfringi; memorie Hrolfi Kraki* (defunctorum namque amicorum memoriam poculis adjicere mos erat) *dicatum esto*: dimidioque exhausto ei porrexit, quo accepto, alterâ manu virginem apprehendit, sibi que assidere jussit. Ipsa piratis inusitatum cum faminis compotare respondit, qui in ejus gratiam mores consuetudinesque piraticas soluturum se respondit, ipsiusque confessu mutaturum. Assedit ergo ei Hildigunna, totoque vespere combibentes, multa invicem secretius colloquebantur. Postera die Granmari significavit, sibi in animo esse filiam ipsius uxorem sibi deposcere, quod cum pater ad uxorem suam Hildem consiliariosque intimos detulisset, adjecit, vires haut exiguas hac afinitate accessurus. Omnium igitur animis ad Regiam sententiam inclinantibus, Hildigunna Hiorvardo desponsatur, celebratisque nuptiis placuit, ut novus gener apud socerum remaneret, eo quod mascula prole ad imperium defendendum destitutus esset. Hoc eodem autumno Ingialdus, collecto ex omnibus, quas sibi subjecerat, Regulorum ditionibus exercitu, Granmarem & Hiorvardum oppugnatum ibat; qui ut Ingialdum bello accinctum cognoverunt, militem & auxilia undique comparata opponebant. Inter auxiliares copias fuit exercitus Hognii & filii illius Hilderis. Hognius Granmaris socer erat, uterque Ostro-Gothiæ Reges, quem suppetias laturi ipsi duxerant. Acie commissa, cum pari ardore aliquamdiu dimicatum esset, Principes Fiadryndiæ, Vestro-Gothiæ, Nericia, & Attundiæ, cum omnibus copiis, quæ ex devictis provinciis confluerant, in fugam versi naves petebant. Ingialdus, quamvis rebus integris numero hostibus superior fuisset, tamen a suis destitutus, parum affuit, quin hoc illi prælium rerum suarum scelerumque ultimum esset; verum atrocioribus patrandis re-

servatus

fervatus, nondum pænæ maturus, multis vulneribus affectus, magnâ suorum frage, nutricioqve Svipdago, cum filio utroqve Gautvido & Hylvido cæsis, vix ac ne vix quidem fugâ ad naves evasit, tantâqve clade acceptâ infesto animo Upsalos rediit, perspectâqve populorum, quos domuerat, perfidiâ, postea salutem suam ipsis committere non audebat, ne â se ipso edocti perfidiæ exemplum sapius in se verterent. Longo deinde tempore inter Ingialdum & Granmarem bellatum est; tandem communium amicorum interventu induciæ pactæ, statutaqve dies, locusqve, quo securi convenirent; tum demum pax inter utrumqve & Hiorvardum constituta, quoad quisquam eorum superesset duratura, jurejurando confirmabatur. Proximo vere Granmar Upsalos ad sacrificium pro pacis continuatione sub æstatem peragendum profectus, ex oraculo seu divinatione cognovit, se haut longo tempore superstitem futurum; quo cognito domum repetivit. Autumno qui seqvebatur, cum Granmar & Hiorvardus in villa sua in insula quadam Sili dictâ convivarentur, de improvviso Ingialdus superveniens, villam cum Regibus omniqve comitatu incendit, inde universam ditionem in provinciæ formam redactam imperio suo subjecit, constitutis præfectis, cives in obsequio metu crudelissimi supplicii retenturis. Verum Hognius Ostro-Gothiæ Rex cum filio suo Hildire, sapius in Sveciam factâ excursionem stragem magnam edidit; inde longo tempore inter illos & Ingialdum certamen satis cruentum extractum est, Hognio ditionem suam usque ad extremum halitum adversus Ingialdi potentiam fortiter defendente. Fuerunt Ingialdo liberi duo, filia natu major, nomine Asa, filius Olafus, quem mater Gauthildis in Vestro-Gothiam ad album suum Bovium enutriendum misit, ubi unâ cum filio ejus Saxio Flettere (Jofraskinnæ Flæita dicto) educabatur. Fama est, Ingialdum duodecim Reges, omnes per prodicionem contra datam fidem securos, sustulisse; Perversi, seu Astuti, inde illi cognomen inditum. Maximam universæ Sveciæ partem ditione tenebat. Filiam suam Gudriodo Skaniæ Regulo elocavit, quæ paternæ ferocitatis æmula, indeqve in cognominis communionem adscita (nam Perversa, five Astuta, usurpatur) maritum suis incitamentis ad parricidiale crimen adegit, ut fratri suo Halfdano, Ivaris Vidfadmii patri, violentas manus inferret; quo peracto, parricidium parricidio luit; nam sceleratâ uxoris fraude sublatus occubuit: quæ supplicium verita, sceleris patrocinium apud sceleratum patrem apertissime quæri rata, Ivare post patris mortem in Scaniam redeunte, exercitumqve comparante, ad eum concessit. Ingialdus in Ræningia convivebatur, cum relatum ei esset, Ivarem infestis signis Sveciam petere, jamqve prope diem adventare: quo nuncio territus, cum tanta eum velocitate ferri didicisset, ut turbinis instar imparatos subito oppressurus videretur, constaretqve, nec exercitum, quam ei opponeret, tam subito colligi posse, nec in fugâ præsidium ullum animadverteret, quæ tantum hostes undiqve accitura, & ad se opprimendum invitatura, civiumqve ludibris expositura videretur; ad ultimam desperationem adactus, consilium, filiâ approbante, arripuit, quod famâ late divulgatum, multorum deinde applausum meruit; se namqve & universum commilitum domesticorumqve aulicorum multitudinem genialibus poculis cum obruissent, animis a sensu mali alienatis, admotis tecto facibus in favillas redegit. Ipso horrendorum scelerum autore vindictam de se ipso, tremendo Dei judicio, exigente. Cum eo regnatricis Ynglingorum familia, quæ â tempore Yngvi-Freyris in Svecia longo tempore floruit, ibidem interiit.

CAP. XXVI.

DE OLAFO LIGNATORE.



IN Vestro-Gothiam ad Olafum, Ingialdi Regis Sveciæ filium, delatum parentis fatum subitam ei formidinem panicumque terrorem iniecit: consilium in re subita & tanta perturbatione rerum fugâ nullum præsentius visum, quâ furentis plebis impetus, undique in interitum exitumque totius Ynglingorum familiæ, & quotquot ei fœderibus vel amicitia juncti essent, confluentis, sisteretur. In Nericia primò secessum quærebat; verum neque ibi exilium a concitata turbæ furore tutum: igitur occidentem versus, per tesqva solitudinesque, usque ad fluvium Albim (Est vernaculè dictum,) qui è septentrione in lacum Vænerem se exonerat, itum, ibi excisâ atque exusta silvarum vastitate, excultaque camporum planitie, novæ coloniæ, ædes, agri, novalia, prædiæque quam plurima, novam rerum faciem induxerunt, brevique ex desertâ olim incultorum saltuum solitudine, fertilis & frugifera provincia, regioque populis abundans effecta, a caloris æstu Vermalandia dicta est, cum autem Sveci certiores facti essent, quòd inculta & avia loca excoleret Olafus, salis illum deridentes, per ludibrium Tretelgiam sive Lignatorem cognominarunt. Uxor ejus fuit Solveig Solvii filia, Halfdani Auridentis Soleyarum principis neptis, Solvii proneptis, Solvaris abneptis, Solvii atneptis, ejus, qui primum tractum Soleyensem excoluit, ut *Chronici Norvegici exemplaria manuscripta* habent. *Origines autem Norvegiæ* tradunt, Raumum Noris filium duxisse neptem ejus Solvii Hildem in uxorem, qui primus Soleyas excoluit. Gudbrandi nempe filiam, ejus, qui Priscus usurpatur, cujus filii referuntur, primus Gudraudus, pater Eyfsteini Crudelis Uplandarum Reguli, ejus qui Thrandis canem suum, Saur dictum Regem constituit, secundus Haudus Hadalandiæ Regulus, à quo gradu quarto rectâ descendunt Hrochus & Steinn Halfi herois athletæ (qui vixere tempore Solvii, Eyfsteini, & Yngvaris Sveciæ Regum) & octavo gradu distabant ab illo Solvio primo Soleyarum cultore. Fuit autem Yngvar Sveciæ Rex illis cœvus, Olafi Lignatoris, hujus Solvegis mariti, proavus, Eyfsteinus abavus. Vix ergo consistit, Solveigem hanc quarto tantum gradu ab illo Solvio distare. Tertius Haddingus; quartus Hringus Gudbrandi filii erant. Avorum nomina in nepotes derivata singulorum acta confuderunt; cujus rei vel hæc genealogia exemplum præbet, idem nomen ter repetitum exhibens; de quo Partis hujus Lib. IV. Cap. II. ut & genealogia Lib. V. ad calcem annexa sub lit. D revolvî poterit. Filii Olafi ex Solveige fuere Ingialdus & Halfdanus; hic in Provincia Soleyensi enutriebatur, apud Solvium avunculum suum; quatuor hic Solviorum nomina & quintum persimile Solvaris, in una eademque linea occurrunt, quod sæpe alias accidit, id quod historias quoque confuderat.

Ivare Vidfadmio Sveciam occupante, magna factionis Ingialdianæ multitudo in exilium acta, famâ fertilitatis Vermiæ illecta, studio etiam partium ad Olafum concessit, tanto confluxu, ut angustis limitibus clausa provincia iis sustentandis impar esset. Inde rerum omnium penuria, præsertim alimentorum, famesque exorta, Regi ob religionis & sacrificiorum negle-

neglectum, quibus minus deditus erat, imputabantur, more Svecis in Ethnicismo usitato; quo quaecumque annonae temperamentum Regibus adscribi consuevit; in quorum potestate frugiferorum steriliumque annorum vicissitudinem sitam creditum est. Quamobrem incolae, habito conventu, Regem suum aggressi, ipsum domumque igne crematum Odino sacrificii loco obtulerunt, ad annuos frugum proventus consequendos. Postea qui inter Svecos prudentiores erant, caritatem annonae falso Regi, rectius nimiae populi abundantiae, cui sustentandae angustum territorium non sufficisset, ascribendam animadverterunt. Ad amplius itaque quaerendum, universum exercitum trans occidentale Eidae nemus (Eidsflog) educunt, Solungosque imparatos & nihil hostile metuentes invadunt, Regeque Solvio occiso, Halfdanum Hvitbeinum, seu Albipeden, dictum, in materni avi nutricatu educatum, comprehendunt, Regemque sibi creant, singulisque Soleyis sibi subjugatis, postea in vicinam Raumarchiam infusi, illam etiam provinciam armorum vi occuparunt. Hunc eundem Olafum Vermorum Regulum intelligit *Saxo Lib. VII.* Haraldi que Hilditanni tempore floruisse tradit; Cujus filiam Esam Olo, fororis ejus filius, ab injuriis Scati & Hiali, raptui eam destinantium, vindicaverit. Quae ad amussim cum nostris antiquitatibus consentiunt, neque enim ullum Vermiae Regem hoc Olaf prior agnoscunt, eumque ad Haraldi Hilditanni tempora referunt, de quo *precedente libro Cap. XIV.* actum est.

CAP. XXVII.

DE HALFDANO ALBIPEDE.



Actenus familiam regnatricem a Niordo Sveciae Monarcha ad Halfdanum Hvitbeinum, seu Albipeden, primum in Norvegia ab illo stemmate descendente Regem, pertexui; nunc ab eo ad primum Norvegiae Monarcham Haraldum Pulchricomum eodem ordine methodoque perducere proposui; verum Halfdani gesta posteritatem latent, potentia ditionisque amplitudo non item; nam ducta in uxorem Asa, Eysteini Imperiosi Heidmarchiae Regis filia (diversus is est ab illo crudeli tyranno, qui canem Thrandis obtrufit, homonymia tamen & territorium, ubi impetrant, persvadent, hunc ab illo oriundum, per longam avorum seriem descendisse) magnam Heidmarchiae partem, Thotnia item & Hadalandiam nactus est. Vestfoldiae etiam bonam partem imperio tenuit; tandem Vermiam, post excessum fratris sui Ingialdi, qui ibi post patrem regnavit, consecutus, Comitibus gubernandam commisit, qui tributum annuum penderent. Princeps felix, qualis, ut plurimum, turbatis temporibus, propitiatio numine, post expiata ex parte per irrogatas penas publica delicta, obtingere solet: senio gravis, placida morte in Thotnia decessit; in Vestfoldiam delatus, in Scareide in Sturis-sal tumultu conditus. Duos filios ex Asa suscepit, quorum prior Eysteinus, posterior Gudriodus dictus est. Gudriodi filius Olafus, nepos Helgius, cognomine Acutus, pronepos Ingialdus, abnepos Olafus Albus, Dublini Rex. *Jacobo Waræo ad annum DCCCLIII.* Atnepos Thorsteinus Rufus, qui inita cum Sigurdo Eysteini filio, Orcadum Comite, militari societate, magnam partem Scotiae subegit. Alter Helgii Acuti filius fuit Sigurdus Hiortus, seu Cervus, Ragnhildis

hildis pater, Haraldus Pulchricornis avus; videnturque Ingialdus & Sigurdus Hiortus fuisse fratres germani, ex una eademque matre, Sigurdi scilicet Angvioculi Daniæ Regis filia, nati, quam *Origines Islandiæ*, in genere Thorsteini Ruffi recensendo operosæ, *Eyrbyggjorumque Historia* Thoram, eamque, ut videtur, secutus *Arngrimus Crymog. Lib. II. Genelog. IX*, ubi illam Irlandiæ Reginam perperam appellat. Chronica Norvegica in Halfdano Nigro Aslaugem, idque (ut videtur) rectius, appellant, quippe de aviæ suæ Ragnaris Lodbrochis uxoris nomine nuncupatam; ni forte Helgius Acutius duas uxores duxit, Thoram & Aslaugem, indeque postea error irrepsit, ut Thora quoque Angvioculi filia haberetur; forte etiam duas sorores successivè duxerit, cujus licet exemplum jam non succurrat, receptum tamen erat, ut frater demortui fratris uxorem duceret. Sed nec satis consistit, quod duo Helgii Acuti simul singulas singuli Sigurdi Angvioculi filias duxerint, unus Aslaugem, alter Thoram. Verosimilius est, unum Helgium Acutum unam Sigurdi Angvioculi filiam uxorem duxisse, ex qua Ingialdus & Sigurdus Cervus nati sunt. Verum nec series generis cum Originibus Norvegiæ convenit; nam Scriptor iste Helgii Acuti patris patrem Olafum, non Gudriodi, sed Hringi filium facit, genusque Helgii non à Sveciæ Regibus, sed Halfdano Prisco, seu Grandævo, Noris pronepote, textit, fortè quòd Hringus ille Olafi vitricus fuerit, matrem ejus aut ante, aut post patris ejus fata duxerit, id quod originum scriptori imposuit.

CAP. XXVIII.

DE EYSTEINO BOMBO.



Eysteinus, *Ario Polyhistori* cognomento *Brettei* seu Bombus, patri in tractu Raumarikiæ & Vestfoldiæ successit. Uxor illi fuit Hildis, filia Eirici Agnaris filii, Regis Vestfoldiæ, Agnarem vero Eirici patrem Sigtryggi Vindhiæ seu Vendilæ Regis filium *Chronica manuscripta* tradunt. *Origines Norvegicae* aliter, nam illis Hildis est Eirici filia, Alfi neptis, Agnaris proneptis, Braggi Regis Valdresæ in Norvegia abneptis, Halfdani Prisci atneptis, Hringi trineptis, à Nore septima. Chronicon typis impressum inter Agnarem & Sigtryggum Eiricum perperam interferit, Regemque Vettulandiæ agnoscit, cum illud tantum prædium sit, ut in *Sancti Olafi Historia* habetur. Ego Sigtryggum inter Bragium & Agnarem inferendum existimo, quo Chronica cum Originibus conciliuntur, & temporis ratio melius constet, Valdresæque Regulorum Seriem explicari credo fide Originum. Eiricus Eysteini socer, vivo Halfdano Albipede, sine filiiis decessit, itaque tam pater & filius ditionem ejus sibi asserabant, quam Eysteinus ab excessu patris, solus quoad vixit, tenuit. Sic habent *Exemplaria MSS.* & illud quod typis impressum est. Verosimilius est, solum Eysteinum jure connubiali sibi vindicasse, reditusque reportasse.

Eo tempore in Vornia (sita est in orientali sinu Foldensis regione) Skioldus imperavit, magicarum artium peritiâ celeberrimus. Eò Eysteinus piraticis navibus impressionem fecit, & obviâ quæque diripuit, colonorum suppellestem, vestiumque, tum etiam & armentorum, magnâ vi ad naves delata. Skioldus autem cum tumultuaria manu ad litus descendit, cum Eysteinus inde solvisset, sinumque trajecisset. Qui, ut hostium

vela

vela procul prospexit, tunicam complicatam veluti tibiam inflavit (Exemplaria MSS. tunicâ in sublime circumactâ halitum efflâsse tradunt.) Cum vero intra insulæ Jarlsejæ littora navigaret, clavumque in puppi turbulento mari teneret, instrumentum, quo vicinæ navis remiges (Sciti. *As* vocant) vela obliqvabant, Regi de improviso impactum, de navi eum in mare præcipitem neci simul dedit; corpus exanime sublatum ministri in Borram deportârunt, adqve littus Vaudlense magnifico tumultu condiderunt. Atq; ita Eysteinus, dum aliena per injuriam congerit, sibi injuriæ mercedem subitanæ mortem acceleravit.

CAP. XXIX.

DE HALFDANO CIBIPARCO-MUNIFICO.



Uccesit ei filius, avi nomen referens, Halfdanus dictus, cognomen sibi ipsi repugnans sortitus Cibiparco-Munifici: nam satellitibus stipendia tanta liberalitate erogavit, ut tantum auri pondus, quantum vicinorum Regum argenti reportarent, in rebus penuariis parvus, pecuniariis prodigus; Princeps strenuus, ut qui nauticis prædis, iisque diutinus plurimum rem familiarem auxerit. Hlif Dagî Vestmariæ Regis filia ei uxor, domicilium prædium Høltar, Vestfoldiæ villa, fuit, ubi ex morbo decessit, conditus in Borra.

CAP. XXX.

DE GUDRIODO MAGNIFICO.



Eccedens Halfdanus filium reliquit Gudriodum. Magnifici juxta & Venatoris, & Codice Flateyensi teste, Robusti, cognominibus clarum; cujus uxor Alfildis Alfarini Alfheimensis (provinciæ Got-Albiæ & Rom-Albiæ interjacentis) Regis filia, dimidiam Vingulmarchiam dotem ei attulit. Filius illis Olafus, Geirstada-Alfus postea dictus. Quâ mortuâ, legatos ad Haraldum Granraudum seu Barbarossam, Agdarum Regulum, Herbrandi, ut habent Origines Norvegiæ, filium, Vigbrandi nepotem. Hildibrandi pronepotem, Hilderis abnepotem (unde Hildingorum familia orta est) Dagî Halfdani Grandævi filii trinepotem, misit, nuptias filiæ ejus, nomine Asæ, postea Imperiofæ dictæ, petiturum. Id cum abnueret, Gudriodus, navibus copiis impositis, de improviso nocturno tempore supervenit, Haraldumque securum, cum satellitio, quod præstò erat, nequicquam domo egressum & pro virili se defendentem, numero militum potior facile oppressit occiditque, cum filio suo, nomine Gydo, (aliis Gydo, prædamque omnem cum filia domum devexit; hanc deinde matrimonio solenniter sibi junxit, filius ex ea susceptus Halfdanus fuit; quò annum vix egressò, cum pater pro more provinciam lustraret, inque portu Stiflensi convivaretur, benè potus per vespem inter primas tenebras nave egressus, in extremitatem pontis ascendisset, ab accurrente quodam gladio transfossus exspiravit. Sicarius statim a satellitibus trucidatus, insequente die agnitus, Reginæ

Reginæ à calceis esse deprehensus est; quæ neque dissimulavit, se instigante in ultionem patris fratrisque maritum interemptum, neque illius facinoris pœnam dedisse memoratur. In paternam namque ditionem Agdas cum parvulo filio concessit, paternumque imperium, quoad filius adulesceret, periculi in posterum secuta, regendum fuit. Editio Danica Gudriodum Senis cognomine ad ultimum innotuisse tradit.

CAP. XXXI.

DE OLAFO GEIRSTADA-ALFO.



Illius ex uxore Alfhilde Olafus, decedente patre viginti annorum, Geirstadis habitabat, Geirstadensisque Alfus post mortem dictus est; is patri in partem ditionis Vestfoldiam successit. Codex Flateyensis Grænlândiam, tractui lacui Mios conterminum (situm ita describit Undalinus) suppressâ Vestfoldiâ, memorat, probatque autoritate Thiodolfi poetæ Hvînenfis, citato carmine è genealogia Ynglingorum, quod tamen Exemplaria Chronici Norvegici ad verbum expressum non habent, sed aliquantulum variant. Duas præter patrimonium accessisse provincias idem liber tradit, Upsen nempe & Vestmariam; quarum posterior occidentalis Vestfoldiæ pars eo tempore procul dubio fuit, prædium ibi Holttar in Nidnesiâ Agdarum præfecturâ provinciam monstrat. Carmen ex Codice Flatepenè ad verbum hîc modò reddidi:

*Vestmaras Upsenque simul, tractumque per amplum
Norvegica Grœnia ditione tenebat Olafus,
Donec cum terris dolor improbus, à pede primum
Orsus, ad interitum compulsus sustulit: ingens
Quantumvis fuerit memorandi nominis heros,
Gramine vestito tumulto tamen inde quiescit,
Geirstadisque situs linquit præconia fama.*

Apparet hinc, Vestmariam occidentalem Vestfoldiæ partem, Vestfoldiamque Nidnesiam ambitu suo complexam olim fuisse, ubi & Holtt prædium pastorale & Geirstadi hodieque nomina prisca retinent; licet Petrus Claudius Undalinus tractum hunc, prout sequioribus temporibus censebatur, Agdis adscripserit. Upsen ubi sit, nondum poteram indagare.

Post obitum patris avus ejus Alfarinus, alio nomine (Codice Flateyensi teste) Algeir, Vingulmarchiam, quam patri dimidiam uxor dotis nomine attulit, ademit, filioque suo Alfo, aliàs Gandalfo, vindicavit, maximam præterea Raumarichiæ partem. Cujus exemplum secutus Haugnius Eysteini Potentis filius, spretâ Olafi ætate, Heidmarchiam, Thotniam & Haldalândiam filiis Gudriodi ereptas, sibi subjecit. Cod. Flateyensis Eysteinum Haugnii filium, Eysteini Astuti nepotem, Heidmarchiam & Soleyas sibi subjecisse tradit, sine plius territorii Olafi diminutione; quod quam male sibi constet, planum est à latitudine ditionis Haldani Albipedis, qui eam universam ad posteros per ordinem successionis transmisit; quæ denique aucta dimidio Vingulmarchiæ, seu Austfoldiæ, vel, recentiore nomine,

ne, Borgarfyslæ tractu, ad Gudriodum horum patrem pervenit. Defecit hoc ipso tempore Vermia ab Olafō fratrequē ejus ad Svocos, quibus tributa pendere cæperunt. Sola itaqve Vestfoldia, angusta fatis ditio, in potestate Olafī remansisse videtur; cujus tamen dimidia pars, eaqve meridionalis, Haldanō fratri, licet avi materni Regno, Agdis scilicet, aucto, jure hæreditatis cessit. Cod. Flat. (neque enim alibi reperio) post partas bello Heidmarchiam, Thotniam, Raumarichiam, universum cessisse Olafō tradit, id quod a veritate non abludit. Filium Rognvaldum Heidumhæri, id est, montibus celsiorem, vel celsissimum, dictum, successorem, eundemque Regio titulo illustrem, reliquit. Cujus genealogiam, per triginta avorum seriem, exquisito carmine poeta Thiodolfus de Hvini (hodie est Qvinesdal) Haraldi Pulchricomi fatelles pertexuit, à Niordo Sveciæ Principe filioque ejus Yngvifreyre, unde Ynglingorum nomen promanavit. Ubi quo quisque mortis genere occubuerit, locumve sepulturæ nactus fuerit, indicavit. Podagrâ laborantem Olafum tandem decessisse Thiodolfus perhibet, quod licet Codex Flat. non reticeat, adjicit tamen, epidemico morbo sublatum fuisse. Fabulam autem, sive in laudem Sancti Olafī, qui hujus nomen retulisse traditur, confictam, quo natales illius prodixius commendarentur; sive quod hæc fama subsecuto tempore vulgo probata obtinuerit, haut pigebit ascribere. Indictis quondam comitiis, cives omnes jurisdictioni suæ imperioque subiectos frequentes adesse jussit; congregatis præcepit, ut privata quisque negotia absolveret, perque definitas legibus actiones jura sua persequeretur, litesque judiciis dirimi singuli paternerentur, se deinde causam indicti conventus expositurum. Civium rebus compositis, concionem hunc in modum ad populum habuisse perhibetur:

Ne ego delirare vobis videor, cives, qui, cum vestris commodis invigilare tenear, a propriis & necessariis negotiis avocatis, huc ut omnes simul conveniretis, edixi, nec causam subesse, quæ ponderis quicquam, sed plurimum senilis delirii habeat, existimabit. Oblatum per quietem somnium publicaturus, ut singuli adessetis mandavi, quo facilius cognoscam, quid vobis videatur portendere. Taurus ingens præferoxque à provinciis orientalibus in meam ditionem irrumpere visus, obvia quæque prostravit, pedibusque protrivit, permensusque universam provinciam in homines rabiem vertit, quos sine discrimine acervatim prostratos, plures etiam habitu enecavit, æquavitque necatorum superantium numerum, nec quievit priusquam cadem, cruentamque lanienam in aulam meam converterit, stragemque ingentem dedit. Vos, quid sibi visio hæc velit, exponite, nam de nihilo non esse persuasum habeo. Responsum: neminem illo melius interpretari posse. Tum ille: Longa jam constantique pace, annona fertilitate, & largo rerum omnium proventu, immortalium Deorum munere gavisi sumus: populo abundantior est ditio, quam ut incolis sustentandis sufficiat; rerum mutatio instare videtur. Taurus ille torvus terribilisque pestem denotare videtur, ab orientali plaga territorium nostrum invasuram, plurimosque mortalium absorpturam: nec mihi credo parsuram, neque enim persuaderi possum, naturæ me præ aliis hominibus leges superaturum. Exposuisse somnium videor, eventus procul dubio confirmabit. Restat consilium, nimirum ut quotquot adestis, magnificum tumulum exstruatis in iugula bujus extremitate, quæ proxima hinc porrigitur, sepimentis cinctum pecori arcendo. Eo singuli majoris existimationis viri, dimidiam selibram argenti pro sepultura inferunt: eveniet priusquam pestis desinat, ut sitorum numerum funere meo augeam, tumuloque inferar. Caveant autem supersites, ne morem, multis jam solemnem, imitentur, sacrificando mortuis, is, qui pluribus succurrere vivi consueverant. Mihi namque

perfactum est, mortuos opem nemini ferre posse. Contingit etiam, ut mortui sacrificiis onerati postea fascientur: statuo quidem eosdem genios videri septuaginta numero opem ferre, tum cum maxime nocent; itaque valde vereor, ne nollis defunctis ammonē caritas superstites afflictiura succedat, inque remedium superstitionis sacrificia nobis decernant, quibus incantati inquietabimur, licet neque ammonam flagellemus, nec sistamus. Eventus vaticinium Regis, nec longo intervallo, probavit, nam grassata per provinciam pestifera lues plurimos absumsit, ad ultimum satellitia aulica. Rex ipse agmen clausit. Omnes eodem tumultu conditi, nam statim a conventu omnes tumultum ingentis magnitudinis cæperunt ædificare, mortuis inferendis, aggere conspicuo undique cinctum; quò Rex postremus cum magnâ æris vi illatus est; exinde pestis abcessit, tumulusque clausus est. Nec longum tempus effluxit, cum sterilitas agrorum & rerum necessariorum penuria secuta est; mox, urgente fame, convenit inter cives, in tanta mali remedium, ut Olavo sacrificia decernerentur: exinde Geirstadensis Alfus dictus est, quod denotat genium seu Numen familiare Geirstadense. Post duo circiter secula (neque enim quò anno decesserit constat) anno nimirum CMXCV. cum Sanctum Olafum mater partu editura esset, gravique dolore per complures dies torqueretur, nec eniti posset, Hranio Peregrinatori, Regis Haraldii Grænskii, jam incendio in Svecia hausti, individuo quondam comiti fidelique Achati, discretam a Domini domum inhabitanti, per quietem species hominis, magnâ staturâ, vastique corporis se exhibuit, Olavi Geirstadensis Alfi, famâ etiam illo seculo satis noti, nomen professâ, conditum se tumultu in promontorio villæ Geirstadensis, Regemque quondam isti provincie imperitasse, refert; contineri tumultu magnam pecunie vim, quâ nunc indigeat Svenus Comitissæ Haconis filius, metu Olavi Tryggvini Regno profugus, qui vicinum portum classem teneat: monet, ut hujus rei certiores faciat, tumultumque militum operâ nocturno tempore aperiat, tetrum tamen odorem & fuliginem esse specu ascendentem, terrorem omnibus incussuram prædicit, ut non sit, qui tumultum subire non detrectet; jubet itaque ut ipse subeat, sibi que mercedis loco tres pretiosissimas res de indivisa prædâ detrahendas prius stipuletur. Cuncta feliciter processura, si interrito sit animo, secus vitæ periculum, idque præsentissimum, instare. Catenam, quâ demittendus in tumultum sit, nemini præterquam Comiti concedendam. Eum solum ea animi constantiâ præditum, ut ad subitum tumultum non exhorrescat, funemve deserat. Ingressum omnem pecuniam in manipulum collectam convasare sociosque extrahendam permittere; deinde viro, qui medio tumultu sellâ insideat, armillam auream, cultrum & cingulum gladiumque deinceps cruribus suis in vestem auferre, eoque caput ipsi amputare, decenterque cervici iterum imponere præcipit, magnâ cautelâ, ne â pristino situ uspiam deflectat, id enim magni referre dictitabat. Tum vero ingentem tumultum fragoremque intra collis penetratâ concitandum prædixit, quo non candela modo intra tumultum extingvatur; verum omnes, qui supra reditum ejus prædamque sollicitè expectant, metu perculsi dilabantur, præter Comitem & paucissimos, quorum ad pericula obfirmatus animus pavorem excludat. Jubet deinde ut cimelia tria, spolia collis, intra penulam condant, avaritiæ pactique violandi, certissima irritamenta, si ostendantur, proculque abesse, dum Svenus prædam inter socios dividat. Duobus equis valde celeribus instructum, nec tamen longius, quàm clamantis vox sensusque ritè percipi possit, tum demum pacti, de prælibandis esse prædam cime-

cimeliis tribus, fidem urgendam, quibus è longinquo monstratis, equum alium insiliendum monet: Revocanti Sveno minime parendum, sed ascenso altero equo protinus aufugiendum, quem cum insequens Svenus jaculo transfixerit, altero inscensò, proximam sylvam petendam, quo persecutionem evadat: inde Regiam Haraldì Granskii domum, Òst dictam; ubi Reginam partus doloribus prope-modum confectam deprehensurum, cui somnium resque gestas ordine enarrandas, paciscendum etiam cum eâ, ut in liberationis mercedem puerum, quem eniteretur, de Olafì Geirftada-Alfi nomine nuncupet; quo concessò, cingulum tumulto extractum ei circumdandum, statimque parituram, armillam ensimque, Besingum dictum, puero munera sua reddenda. His dictis adjicit, ut inde Olafum Tryggvinum adeat, novamque, quam is profiteatur, religionem amplectatur; quo peracto, ad puerum Olafum redeat, ipsiusque curam suscipiat, & quoad vivat, comitetur; in hoc summam ejus felicitatis sitam esse. Excitus somno Hranius omnia haut secus ac præceptum erat exsequitur; singula dictis repræsentatæ speciei respondent; absolvitur partus, editur in lucem Olafus, fit Christi sectator Hranius, & exinde curator studiorumque adolescentis Olafì moderator inspectorque. Hæc, ut Livii verbis utar, ad ostentationem scenæ gaudens miraculis aptiora, quam ad fidem, neque affirmare, neque refellere operæ præmium est. Commendatur Olafus Geirftada-Alfus à proceritate, decentique corporis statura, formæque elegantia, belli pacisque artibus, & quòd impiger miles, strenuus militiæ sectator, idemque civium suorum felicitatis commodorumque sedulus promotor & clemens Dominus fuerit.

CAP. XXXII.

DE HALFDANO NIGRO.



Nnum tantum agebat Halfdanus, cum fraude maternâ patre orbatus pupillus relictus est; illa; ut antea dictum, offensam civium iramque metuens, utpote in peregrino imperio parum tuta, in paternam ditionem unâ cum illo concessit, regnumque suo imperio regendum occupavit, tutelari forte nomine, dum filius, ultimi possessoris nepos, ad maturam ætatem adolesceret, qui brevi robore staturæque conspicuus à nigra cæsarie Nigri cognomen adeptus est. In octodecimum ætatis annum paterni imperii, Agdensis nimirum districtus, administratio dilata, ei tandem cessit; incertum an ex tutelaribus annis definitâ lege, an alia quavis causa. Mox in Vestfoldiam profectus, regnum illud inter se & fratrem Olafum æquis portionibus divisit, eodemque autumno in Vingulmarkiam cum exercitu infusus, Gandalfum Regem bello oppetivit, cumque multis præliis varia victoriâ decertassent, pax tandem convenit, reddita imperio ejus media Vingulmarckia, quam pater Gudriodus antea tenuit, inde infestis armis Raumarichiam invadens, totam sibi subjecit. Quo cognito Rex Sigtryggus, Regis Eyfsteini filius, qui in Heidmarkia confidens, prius eam sibi subjecerat, collectis copiis ad recuperandam provinciam idoneis, obviam illi procedit. Ingens prælium magno animorum ardore exortum victoriam Halfdano attulit, cæde quoque Sigtryggi clariorem, qui, quam primum ejus milites fugere caperant, telo sub sinistra ala trajectus.

exanimis concidit. Exinde universam Raumarichiam Rege orbatam, jure belli suæ ditionis fecit. Cum vero in Vestfoldiam rediisset, Eysteinus Sigtryggi frater, alter Regis Eysteini filius, haut quietam ei divictæ provinciæ possessionem relicturus, armatâ manu eam ingressus passim in suam potestatem redegit. Igitur Halfdanus partum armis districtum armis quoque recuperandum ratus, cum magnis copiis adversus eum movit, consertoque prælio victor in Heidmarchiam refugum persecutus, secundâ quoque dimicatione eum profligavit; qui geminatâ clade, non item animo, fractus, ad Dalos, provinciæque illius principem Gudbrandum, opibus florentem, profugit, indeque auctus copiis, bellum majore mole reparaturus per hyemem in Heidmarchiam rediit, in vastissimi stagni, Mios dicti, magnâ insulâ cum Halfdano congressus iterum succubuit, cædes insuper Guttormi dynastæ, Gudbrandi filii, toto Uplandarum territorio spei maximæ juvenis, cladem, aliàs gravem, graviorem tamen reddidit. Duxit Gudbrandus genus à Brando Noris nepote, Raumi ex Bergdise filio Gudbrandi nomen a Diis, quibus illum tenellum mater consecravit, fortito; non quod Gudbrandi nomen tunc primum ex hac causa caperit; nam Raumus hujus pater posteriorem uxorem Hildem, alterius Gudbrandi filiam duxerat, cujus pater erat Solvius, qui tractum Soleyensem primum excoluit. Ab hoc Brando, auctoque nomine Gudbrando dicto, an hic noster sextus, septimus, vel posterior fuerit, parum compertum habeo. Majorum series *hujus partis libro quarto Cap. II.* explicata est, quam, cum in hoc rege finiatur, repetere non pigebit. Nore satus Raumus, Raumo Gudbrandus Dalorum Rex, Gudbrando Andleifus, Andleifo Gudmundus, Gudmundo Gudbrandus, qui angustos regnorum limites Regio nomine inferiores existimans, ultrò tanti fastigii titulo resignatò, Comitum nomen assumpsit, præfatus, malle se potestate Regibus parem, Majestatis nomine abstinere, quo Comitibus omnibus toto septentrione major non haberetur modo, sed etiam esset: inde filius ejus Geirmundus, neposque Rodgeir, proneposque Gudbrandus, Comitum nomina usurparunt. Verum hic præavi factum imitatus etiam Comitum titulum Herferis seu Baronis permutavit, amplitudine ditionis & libera in cives suos potestate sui temporis Regibus nulla parte inferior: spreto aut non observato, quod tum Comitum, tum Baronum tituli subjectionem implicant, cum tamen hi liberi, suique juris, nulli superiori obnoxii & fuerint & videri voluerint. Exinde successores Baronum titulo usi sunt; an vero hic, de quo nobis sermo est, is Gudbrandus fuerit, vel quoto ab eo gradu distet, silentibus chartis exprimere nequeo. Ad Eysteinum redeo.

Is iterum fugâ in Dalos abreptus, desperato ultriore rerum suarum successu, cognatum suum Hallvardum Skalkum de pace ad Halfdanum jam supplex misit, tantumque profecit, ut miseratus fortis suæ, intercedentis sanguinis nexû respectu, dimidium Heidmarchiæ permissu ejus & gratiâ consequeretur. His incrementis validior Halfdanus Thotniam & tractum Land dictum, totamque Hadalandiam, præter alteram Heidmarchiæ partem, possessione complexus, potens Rex evasit. Tot successibus clarus finitimisque formidabilis, de idoneâ uxore sibi sociandâ caput deliberare; nulla Ragnhilde (*Floamannorum Historia*, eamque secutus Arngrimus Crymogææ Lib. II. Genealogia VI. Thoram eam appellat) Sogniæ Regis Haraldî Auribarbi filiâ aptior visâ est, quam consensu patris adeptus, brevi quoque filio auctus est, quem Haraldus avus maternus de suo nomine nuncupatum sibi educandum poposcit & obtinuit. Extremo autem ætatis suæ

suæ, ipse mascula sobole destitutus, ei regnum suum legavit, Regemque se vivò constituendum curavit, pauloque post exspiravit; eademque hyeme filia ipsius Ragnhildis, proximoque vere filius, jam decennis, postremus maternæ domûs ruinæ cumulus accessit. Quo comperto pater Halfdanus, cum magnis copiis comitatuque in Sogniam profectus, delatum sibi cum cætera hæreditate regnum occupaturus, nemine obnitente, nanciscitur, fastisque omnium acclamationibus, & festo apparatu Rex declaratur; quem in ordinando novi regni statu occupatum Atlius Gracilis, Comes de Gaulis, Hundolfi filius, Regis Auribarbi, quippe sororii sui vetus amicus, accedens, toti ab eo Sogniæ præfici meruit, controversiis secundum leges decidendis, tributisque colligendis, aliisque Regii officii partibus obeundis adhibitus. Omnibus ex animi sententia dispositis, Halfdanus deinde in Uplandas regressus est. Proximo autumno, dum Vingulmarchiam lustraret, mediâ inter convivandum nocte quidam equitum, qui excubias agebat, subito advolans appropinquantis hostilis exercitûs improvolum nuntium attulit. Quo cognito, Rex ad arma omnes convocans e vestigio egressus aciem instruit. Ibi Gandalfi filii Hisingus & Helsingus & Hakius cum validis copiis Halfdanum aggressi acerrime pugnam cient, nec is minus fortiter impugnantium impetum vel sustinet, vel repellit: verum numero longe inferior, multitudinis vim fugâ evitans in sylvam se cum magno suorum comitatu proripit, Aulvere Sapiente nutritio suo inter præliandum occiso. Deinde magnis undique accurrentium subsidiorum agminibus instructus, confestim illos persequitur, usque isthmum juxta Eynam; ibi redintegrato prælio magnis animis viribusque ab utraque parte concurritur; cæde Hisingi Helsingique Halfdano victoria cessit: Hakius in Altheim profugus præsens periculum agrè evasit: præmium victoriæ tota deinde Vingulmarchia ditioni Halfdani accessit. Jamque viduitatis pertæsus ad secunda vota animum appulit. Circa idem tempus forte accidit, ut Hringarichiæ Rex Sigurdus Hiortus, seu Cervus, insidiis operimeretur. Is raris virtutibus, corporis robore & formæ venustate emnens, singulos suæ ætatis animi virumque excellentiâ superabat; nec generis nobilitate inferior, patre natus est Helgio Hvasio, seu Acuto, avo Olafo, proavo Hringo, abavo Olafo, atavo Dago, tritavo Olio, tritavi patre Dago Halfdani Grandævi filio, tritavi matre Thorâ, athletarum matre dictâ. Verum suspecta est mihi hæc originum series, ob causas superius in Halfdano Albipede allatas; scriptor enim originum, antiquas fabulas secutus, progeniem potissimam ab Halfdano Prisco repetendam sibi proposuit. Ego quidem Olafum Helgii Acuti patrem fuisse statuo, non tamen Hringi filium, sed Gudriodi, qui Halfdani Albipedis filius erat. Mater Sigurdi fuit Aslaug, avus maternus Sigurdus Angvioculus Daniæ Rex, proavus Ragnar Lodbroch, nominis celeberrimi. Duodecim annorum erat, cum ex provocatione pugnans Hildibrandum berferchum, seu athletam, cum duodecim pugnatoribus occidit, multaque stupendæ virtutis virumque documenta edidit, proluxæ narrationis, sed scriptorum defectu perpetua oblivione sepultam materiam. Duo illi liberi, Ragnhildis nempe, circa annum viceesimum indolis excelsæ, inque virgine virago, filius Gutturmus, longe junior. Exitum Sigurdus Cervus talem habuit: Cum semel pro more venatum solus in solitudines evectus esset, (feris enim ferocibus, & plerumque infectis & periculosis, congregi solitus, magnum studium admodumque frequens impendit) longius a domo insectandi studio abreptus, in

in planitiem quendam prope Hadalandiam devenit. Ibi cum triginta armatis derepente exortus Hakius Berserkus impetum in eum facit, qui duodecim occisis, ipsum Hakium, tribus magnis vulneribus fauciatum, manu altera cum mutilasset, ad extremum, tantis relictis fortitudinis monumentis, gloriosâ morte concidit. Exinde Hakius domum ejus repetens filiam Ragnhildem cum patre Guttormo, multâque gazâ, & pretiosarum rerum suppellectile in Hadalandiam secum detulit, instructoque convivio nuptias cum illâ celebrare statuit, quod vulnera, quæ sanationem spe tardius admiserunt, in longum tempus distulerunt, quodque reliquum erat autumni, prioremque hyemis partem ad festum usque Jolense, medicas manus frustrata, voti eum irritum tantisper detinuerunt; dum Rex Halfdanus in Heidmarchia præfens solennia festi celebraret; qui de his omnibus certior, quodam mane exsurgens, vestesque indutus, Hareko Gandio arcescito mandavit, ut in Hadalandiam profectus filiam Sigurdi Cervi Ragnhildem ad se afferret: qui jussis obtemperans, centum satellitibus instructus inter ita digessit, ut primo diluculo, transito lacu, ad domum Hakii perveniret. Singulas deinde cubilis, ubi quietem capiebant, fores armatis obdicens, deinde conclave, ubi Hakius dormivit, effractâ januâ, cum satellitibus ingressus, Ragnhildem & Guttormum, cum omnibus pretiosis, quæ colligi poterant, abstulit, cubili deinde simul, cum hominibus, qui intus erant, incenso, in rhedam pretiosis auleis instratam, Ragnhildem, fratremque ejus imposuit. Progressi deinde ad lacum glacie constrictum, conspexerunt Hakium, ægre lecto exsurgentem, aliquantisperque insequentem cumque; ad glaciem pervenisset, capulo gladii deorsum versò, super erectum mucronem se injicientem trajecto corpore, moribundum infelicem animam efflantem. Hunc finem habuit Hakius, a facinorosâ vita, vel etiam stupendo robore, Hada-Berserkus appellatus. Situs est in ripâ, ubi sibi ipsi manus intulit. Rex Halfdanus, quovis oculator, transeuntes per glaciem procul conspicatus, ubi rhedam velis pretiosis intactam animadvertit, facile collegit, demandatum negotium ex animi sententiâ processisse; protinus igitur triclinia inferni, mensas instrui, mensalemque apparatus adornari jussit, passimque per viciniam cives, variis nunciis quaquaversum directis, excitos, ad nuptialem festivitatem invitat, quam eodem ipsodie, quo Ragnhildis eò devenit, celebravit: quæ exinde potens Regina evasit; ipsius mater fuit Thyra Klak-Haraldi, seu Haraldii Klakii, Regis Jutiæ, ut Chronica habent, (Codici Flat. Comes est) filia, soror Thyræ Danmarkarbotæ (Dannebotæ, seu Daniæ Medelæ) uxoris Gormi Grandævi, qui illo tempore Daniæ sceptrâ tenuit. Nec materteræ solertia inferior, etiam somniorum præfagia novit; quorum unum ei per quietem oblatum tale memoratur. Visa est sibi in horto constituta, spinam esse supparo suo excerpisse, quæ inter manus ejus derepente excrescens, in miræ longitudinis ramum extensa, caudice humi fixo, desubito radices egerat; mox apice in auraseducta, in proceram adeo arborem inusitata crassitudinis evasit, ut fastigium ejus oculis aspectuque completi nequiret: pars infima à stipe sanguineo colore, media inde prasino, extrema ramos usque niveo conspicua. Ramorum, in ordines superiores inferioresque justo intervallo digestorum, magnitudo numerusque ingens, frondium foliorumque tanta luxuries, ut per juniversam Norvegiam pluresque terras explicata singulas latitudine sua obumbrarent. Rex autem Halfdanus, somniorum per totam vitam expertus, causæque ignarus, virum sapientiæ famâ clarum Thorleifum, Spakium dictum, consuluit, remediumque

que poposcit: Is autem exposuit, institutum sibi in captandis ejusmodi prælagiis familiare, quæ in harâ dormienti nunquam defuerint. Id imitatus Rex, visus est sibi miræ venustatis cæsarie conspicuus, quæ universa in cincinnos capillosque distincta, alios in terram usque demisit, alii ad tibias, alii genua, alii lumbos, alii ad media latera, alii humeros tantum pertingentes, alii quasi recens è vertice enati, variis coloribus distinguiebantur, quorum unus nitore, prolixitate & venustate cæteros præstabat. Expositionem postulanti, Thorleifus conjectabat, magnam ab eo regnatricem posterorum progeniem descensuram, nec tamen singulos pari gloriâ imperaturos: unum tamen inter eos reliquis majorem eminentiorumque futurum; quo sanctum Olafum denotari posteritas credidit. Licet *Angrimus* aliud ejusmodi Olafum denotari posteritas credidit. *Licet Angmoeæ Lib. II. pag. m. 115.* Fuit Haldanus vir sapientiâ, prudentiâ & æquitate juxta præditus: itaque ad ordinandum Regni statum conversus, leges singulis ordinibus saluberrimas tulit, obsequium exemplo suo sanxit, seduloque cavet, ne violenta transgressio impunita foret, congestasque in indicem diversorum criminum species, multis compensationibusque pro lædentium læsorumque statu facultatumque conditione irrogatis coerceret, opesque legibus, non leges opibus, submisit. Tale severitatis exemplum in aulicum suum signiferum Herolifum statuit, quem, quod in palatio Rëgio abaci Regii cornu, argento bracteato, aulicorum unum occiderat, exilio multavit, qui a confracto cornu *Hornabrietri* seu *cornifragus* postea nuncupatus est. Is deinde in aulam Sveciæ Regis receptus, diu ibi magno in honore fuit. Tandem, cum sorori Regis Ingibiorgi illufisset, eam secum in vastas solitudines, quæ Jamtalandiæ ad austrum, Norvegiam inter & Sveciam, sylvis faxisque interruptæ adjacent, avexit, præmissis ministris magnaque rerum utensilium pecuniæque copia, sylvas exscindere, domos ædificare, singulaque ad usum cultumque humanæ necessitatis primus dirigere, coloniisque replere cepit, ministris in Thrandiam ad necessaria comparanda Jamptorum titulo ablegatis, idque totius vitæ tempore, nemine advertente. Provincia exinde ab eo sortita nomen Heriulfsdalis usurpata, in Herdali nomen postea transiit, aucta in tantum advenarum confluxu, ut duas paræcias hodie conficiat; teste *Petro Claudio Undalino descriptionis Norvegiæ pag. 139.*

Natus Haldano à Ragnhilde filiolus ritu gentili lustrali aquâ tinctus, Haraldus, de fratris demortui, Sogniæ Regis, nomine fortè appellatus, brevi formæ venustate corporisque incrementis insignis, in aulâ Regiâ adolevit; quotidianis exercitiis, virium ingeniique nutrimentis augefcens, in earum artium cognitione processu temporis excelluit, quæ illo seculo Septentrionis usus, Regii quoque generis adolescentibus decoras, approbavit, matri tamen quam patri acceptior. In Hadalandia festo Jolensi convivium celebranti, res mira & inusitata obtigit; ipso enim festi, omnium anniversariorum longè celeberrimi, vespere, cum frequentes convivæ ad mensam considerent, magnâ insuper circumstantium multitudine cænacula opplen- te, ferculorum omnium potulentorumque instructissimus apparatus de repente simul disparuit. Rege tam tristis spectaculi admiratione defixo, nec mediocriter sollicito, domi remanente; singuli convivarum ad sua quisque domicilia dilapsi sunt. Ad tanti facinoris authorem cognoscendum Finnum quendam abstrusarum artium peritum comprehensum quæstioni subjecit, nec tamen quicquam elicit: qui ope filii Regis Haraldi im- plora-

ploratâ, eò illum perpulit, ut apud patrem pro se deprecaretur, quod cum frustra esset, invito patre eum dimisit, veritusque severitatem ipse comitatus est. Ad Principem quendam, qui splendidum celebravit convivium, delati, perhumaniter excipiebantur, ubi cum mansionem ad vernum usque tempus extraxissent, quodam die idem dynasta Haraldum accedens; ingens, inquit, damnum pater tuus reputat eduliorum quorundam jacturam, quæ hac hyeme ipsi abstuli, id quod ego tibi bono nuncio rependam. Exspiravit jam pater tuus, domum itaque redibis, inque regnum, quod ille tenuit, succedas, omnem deinde Norvegiam patris adjecturus. Co-dex Flat. Principem hunc, Monarcham quidem eum totius Norvegiæ futurum prædixisse, mortem verò parentis minime indicasse tradit, quam ulterius producit, sed reditum ad paternos penates suasisse, ad eximendum discrimini mortis quendam ope illius & auxilio valde indigentem, lati auxilii mercedem admodum largam quandoque futuram; domum regresso, gigantem prodigiofæ staturæ roborisque, aurum arario impune suffurari solitum, compedibus arte factis irretitum, deinde in vincula ferrea, ægrè quidem, sexaginta hominum simul in se irruentium operâ confectum; qui furtum quidem commississe fassus, triplo repensurum nequicquam pollicitus, ad supplicium publico judicio irrogandum reservabatur, indictâ capitali pænâ, si quis carceri interea vinculisve eximeret. Hic Dofrii nomen professus, domiciliique sedem in propinquo monte, qui deinceps ab ejus nomine Dofrius usurpatur, ope & auxilio filii Haraldi evasit, qui severam edicti paterni pænam nihil moratus, cultro inustati acuminis, sibi a Finno donatò, ferrea plumbeis catenis, nescio quo artificio, connexa vincula præsecuit. Fabula est, quinquennem tantum id temporis Haraldum fuisse, pænamque capitis à severo legislatore, rigidoque exactore parente pronunciatam, titulo proscriptiois mitigatam, revera exasperatam, omni enim auxilio alimentisque destitutum, paterna domò exactum perhibet, arbitrioque fortunæ relictum. Equidem ut pulsam domo ab aspero legum novarum vindice, transgressionem, ut exemplo esset, etiam in propriam sobolem vindicante, aliquis forte credat; ætatem tamen, ne legum quidem, sed castigationis puerilis tantum capacem, atrociori etiam pænæ exemptam facile animadvertet. Quinque dies in solitudine, cibi potusque inopem, errasse Haraldum comminiscuntur, priusquam eum repertum Dofrius in antrum suum brachiis sublatum intulerit, quod ingressurus, illiso per incuriam præ foribus ad saxum pueri capite, ubi eum animo linqui conspexisset, ilachrymans valde ringebatur; quod cum puer ad se rediens animadverteret, oris vultusque deformitatem, monstrosamque speciem miratus, paucos fletu formosiores fieri dixit. Exinde apud Dofrium per quinquennium in antro educatus, imbutusque artibus militariis traditur. Tandem Dofrius ei fatum parentis, suâ quidem operâ fractâ glacie in gratiam ejus, mercedemque beneficii procuratum publicasse; totius etiam Norvegiæ Monarchiam fato ei destinatam prædixisse perhibetur, inque eum finem operam suam hautquaquam inutilem fore, utpote hostibus in conflictu perniciosam, non item conspicuam, futuram; atque his dictis Haraldum jam decennem domum dimisisse. Hæc licet fabulis valde interspersa sint, veri tamen aliquid subesse, vel Haraldi cognomen, quo Dofrii Alumnus passim usurpatur, persvaserit. Neque tamen hanc assertionem binis aliis fabulis, hautquaquam sanioribus, de Bujo Cane dicto, aut Bardo Snæfellsas cognominato, confirmari credo; quorum

qvorum utraqve, illa carptim, hæc prolixius, ab Arngrimo de republicâ Islandorum adducta legitur. Neutram ipse finxit, sed prolixè expositas ex antiqvis membranis descriptas contraxit, gnarus, forte neutrum, sive Buium, sive Bardum, qui aut qvales ibi celebrantur, unquam extitisse. Certe Thomæ Dempsteri Buii mentio imposuit, ut eum Islandorum Apostolum creaverit. Ad Dofrium qvod attinet, certè longè ante hæc tempora montis Dofrini mentionem antiqvæ memoriæ faciunt; non igitur hic Dofrius monti nomen indidit.

Halfdani fatum tale fuisse perhibetur: cum ex Hadalandiæ villa Brandabu dicto, ubi convivabatur, discederet, rhedaqve constrata super lacu glaciali, Rondæ nomine, primo veris initio vectus aliò tenderet, glacies Solis altius jam cælum conscendentis radiis liqvefacta, stercorebus fomisqve armentorum & eqvorum, qui ista hyeme illuc aqvatum ducti erant, corrosa; nimio pondere, ebriorumqve hominum, ad auxiliandum properantium, concursu fracta, magis magisque defedit, ipsumqve Regem in transitu Rikinsvikæ (aliis Rækinsvikæ) ante Sverdstadas, dum calcatum bobus tramitem premit, cum magno comitatu fallaciter destituit, ubi ingenti civium suorum luctu suffocatus periit, cum tantum quadraginta annos vivendo explevisset, regno, qvod perenni annonæ felicitate gaudebat, per duos & viginti aîos administrato. Annonæ perpetua felicitas, qvæ ipso regnante obtigit, civibus in commune persvasit, ipso procurante affuisse, ibiqve perpetuam futuram, ubi corpus ejus humaretur. Ut igitur fama mortis ejus sepulturæqve in Hringarichia destinatæ percrebuit, ex provinciis regni universi, Vingulmarchiæ, Heidmarchiæ. Vestfoldiæ & Raumarichiæ proceres ilicò confluerunt, & de cadavere ejus sepeliendo & exeqviarum loco inter se disceptârunt, omnibus & singulis in suam regionem exanime Regis corpus transferre cupientibus: tandem post longam altercationem in hoc consenserunt, ut cadaver Regis in qvatuor partes divideretur. Caput prope Steinem in Hringarichia tumulatum, collem unum acciperet; reliquis tribus portionibus singulis provinciarum principibus traditis, suoqve ubiqve tumulto illatis, Halfdani autem memoriæ ac nomini hic honos tributus est, ut omnes & singuli ab illo Halfdanini in posterum nuncuparentur. Compendium Chronici Norvegici Regium, intestina in Hadalandiæ prædio Theingilstadis, caput vero in Scirisdalo in Vestfoldia, corpus autem in Steine Hringarichia villâ, tumulis conditum refert. Dissentit etiam ab omnibus, quas videre contigit, antiqvitatibus; nam Haraldi Pulchricomi matrem non Ragnhildem, Sigurdi Cervi filiam, qvam omninò reticet, sed Helgam, etiam Pulchricomam dictam, virginem eximiam Halfdano post Ragnhildem Haraldi Auribarbi filiam, uxorem ductam, Dagii Prudii, sive Culti, vel Generosi, Baronis in Hadalandia filiam, nobis obtrudit, cujus fratrem, eodem patre fatum, Guttormum facit, Dagumqve Theingilstadis pro domicilio usum memorat, eundemqve cum genere Halfdano submersum. Verum manifeste errore, cum nomina, tum filiorum Haraldi Pulchricomi, tum liberorum avunculi ejus Guttormi, genus a Ragnare demissum arguant. Ragnar enim, cognomine Richill, alter filiorum Regis, alter etiam Sigurdus Hrisius, avus Sigurdi Syrii, Olasi vitrici dicti sunt; duo etiam filiorum Ducis Guttormi (ejus qui Pulchricomi avunculus erat) alter Ragnar, alter Sigurdus, filia etiam Aslaug Ragnhildisqve dicebatur. Ragnaris nomina a Ragnare Lodbroche, Sigurdi ab illo primo Fabnericida, vel etiam Sigurdo Hringo, secundo Angvioculo, tertio Cervo

dicto, Guttormi ipsius patre; Aslögis item a Ragnaris Lodbrochis uxore, per matrem Guttormi in familiam demissâ, latius etiam serpsérant. Ragnaris Richillis ex filio Agnare nepos etiam Ragnar dictus est, lociusque fuit in expeditione piraticâ agnato suo sancto Olafo. Norverca fortè post matris mortem Haraldi fuerit Helga isthæc: matris enim precibus, si superfuisset, forte se Halfdanus exorari passus esset, ne eum domo expelleret; mater certè nunquam fuit.

Mors Halfdani incidit in annum Christi DCCCLXIII vel proxime sequentem, quo tempore Gormus universam Daniam aut debellavit, aut in reliquiis quibusdam debellandis occupatus fuit, nam pauci anni a principio imperii Pulchricomi excesserant, cum ad exemplum Gormi & Eirici Eymundi filii Sveciæ Regis moneretur a virgine, ut Norvegiam sibi subjiceret, ut in Haraldi vitâ tradetur. Nec repugnat, quod Ragnhildis Potentis dictæ pater Eiricus, Pulchricomi socer, Jutiæ Rex fuisse dicitur; speciosis enim conditionibus in clientelam Gormi concessisse poterat; nec ultra tributa obligatus, vel etiam ab iis, utpote in impensas defendendæ ab hostili insultu piratarumque latrocinio provinciæ imputatis, liber & immunis, Orcadensium Comitum exemplo.





HISTORIÆ RERUM NORVEGICARUM PARTIS PRIMÆ

LIBER DECIMUS,

CONTINENS HISTORIAM GE-
NEALOGICAM HARALDI PULCHRI-
COMI, QVÆ ODINI PRO-
GENIEM COMPLE-
CTITUR.

SECTIO PRIMÆ.

DE PROGENIE ODINI PER DA-
NIÆ DYNASTAM SKIOLDUM AD
HALFDANUM IV. STRENUUM.

CAP. I.

DE SKIOLDO ET LEIFO SEU
FRIDLEIFO.



Aternum Haraldi genus exposui; restat ma-
ternum, nihilo quidem obscurius, ab ipso quippe O-
dino, per Serenissimorum Daniæ, Russiæ quoque, Re-
gum successuum ordinem deductum, Norvegiæ
etiam Principibus commixtum, Danicam prius li-
neam, naturæ ductum secutus, pertexam, ordine pla-
ne eodem, verbis etiam magnam partem, ut in libro
qui Series Regum Daniæ inscribitur, a nobis explicata est.

Primum Daniæ dynastam vetustissima Islandorum documenta, quæ
videram, omnia, communi consensu Skioldum Odini filium agnoscunt.
Hic à patre Daniæ præpositus, Lethrensem arcem in Sellandia prope Rho-
skildam

skildam condidit. Gefionem pro Dea cultam uxorem duxit; quam Regno non leviter consuluisse fabula Eddæ, etiam Chronicis Norvegicis inserta, testatur. Perquam magnificus vastum imperium populolamque regionem pacificè rexisse perhibetur. Vivusne, an vero post mortem, certe tamen Divinis honoribus cultus, vel inde colligitur, quòd inter alia idola S. Olafus ejus quoque simulachrum fregisse traditur. Skioldi filius fuit

Leifus.

Quo imperante captum à patre pacis studium adeo excultum est, ut tuti undique cives cædibus se invicem abstinerent, quâ civili prudentia consensu inditum ipsi nomen, quo Fridleifus in posterum internotoscitur.

CAP. II.

DE FRODIO SEU FROTHONE I.

LEIFI FILIO.

Frodus.



IS Danicis Scriptoribus est Frotho, qui non, ut in numero dynastarum, ita etiam in ordine nominis Tertius, sed omnium Frodiorum primus, qui Christi in terris versantis seculo floruit, Freyr & Fiolneri Sveciæ Regibus æqualis, utrique etiam superstes. Qvas pacis leges sanxerit, quàmque omnium incolumitati securitatiq; consuluerit, præter Rimbeglam seu fastorum librum MSS. & Saxonem, qui hæc etiam latius persequitur, Pacifici ipsi inditum nomen, nullo unquam seculo obliterandum, abundè testatur. Ejus potentiam prolatosque in immensum imperii limites Saxo luculentissimè descripsit. Genus mortis Islandorum monumenta non minus fabulosè quàm Saxo referunt, à pirata enim, nomine Misingo, de improvviso superveniente, interemptum tradunt. *Fabula Eddæ LXXVI.* singula hoc tenore exponit, narratione tamen, ut videtur, ex vero desumpta. Frodium nempe ad convivium in Sveciam à Fiolnere invitatum emisse duas ancillas perhibet, quarum nomina Fenia & Menia, magnitudine & robore ingentes. Accidisse autem, ut circa hoc tempus bini molares lapides in Dania invenirentur, mole & gravitate omnibus intractabiles, eâ vero natura & occulto genio præditi, ut quicquid præcineretur, tererent. His versandis Frodium eas adhibuisse, imperâsseque, ut aurum & pacis commoda molendo sibi acquirerent. Adeo autem acerbè eas exercuisse, ut quieti somnoque earum nihil temporis ultra permitteret, quâvis interstitium, dum cuculus inter cantandum stileret, aut is distichon funderet. Inde irritatas, magicò modulamine hostes accersivisse, qui eadem nocte supervenientes, duce piratarum Rege Misingo, Frodium occiderint. Eum vero magnâ auctum prædâ etiam ancillas abstulisse, imperâsseque ut salis copiam commolerent, id cum aliquandiu fecissent, interrogasse, an & ulterius molendum esset; perseverare jussas, usque dum mole graves naves inversas unda haussissent, moluisse. Tunc mare salitudinem contraxisse. Fabula pro interpretantium ingenio varias significationes recipere potest. Mihi noxia fuisse Svecis Frodii cum Fiolnere amicitia videtur, impetrâsseque ab eo Frodium aliquid, quo vires gentis postea fractæ sunt, mox

mox oppressam gentem in ditionem ejus concessisse; id enim per faminas illas intelligi; per nimios autem labores magnas exactiones (qvo securitatem & opes sibi stabiliret) ad rebellionem eam concitasse; tandem à duce ejus Misingo oppressum; eum deinde, victoriâ in tyrannidem versâ, cum avarè superbeque imperitaret, vita simul & regno exutum. Ansam conjecturæ præbet Saxo, qvi Sveciam sub imperium Frodii redactam tradit, Eiricumque ibi Regem constitutum. Ab hoc Frodio frodorum nomine sapientes denotari capisse Edda refert.

CAP. III.

DE FRIDLEIFO II. FRODII I. FILIO,
HAVARE ET FRODIO II.

Fridleifus II.



E qvo nihil habeo qvod referam, inscius an consignata à Saxone id nominis Primi vel Secundi historia, an pars tantum alterius ei sit applicanda.
Ejus filius

Havarr

Nihil nobis præter nomen cognomenque, qvo à brachiorum robore Sandramini / 3: *manfortis*, celebratur, reliquit, nec an Danicis scriptis unquam admotus fuerit, affirmare possum, licet id verosimile videatur, cum patre natus Rege, filium etiam Regem reliquerit. Is erat.

Frodus II. Saxoni IV.

Sed nec quicquam gestorum ejus reliquum, qvod ei præ cæteris assignare possim. Credibile est, partem eorum, quæ Saxo Frothoni I. tribuit, huic competere, cum filii, quos illi adscribit, Frodio Vegeto; qvi nobis pariter ac illi quartus est, procreati sint; id qvod in *Serie Regum Danie Lib. III. Cap. IV. pag. 268.* monstratum est.

CAP. IV.

DE VERMUNDO COGNOMENTO SAPIENTE, ET FILIO EJUS OLAFO, NEPOTIS DANIMAGNIFICI SORORE DROTTA, PATREQUE
EJUS DANPO ET AVO RIGO.

Frodio II successit Vermundus, a prudenti regni rerumque, cum privatorum, tum etiam publicarum, administratione Sapientis cognomine ad omnem posteritatem celebris: nudum tantum nomen Series generis ex *Skioldungorum historia*, quæ periit, desumptum, qvod reliquum est Saxo prodidit, filium reliquit, cui secundum Islandorum asserta nomen erat

Olafus, Saxoni uſſo,

A morum ſuavitate, converſationiſque affabilitate Manſveti cognomine, ut debito virtutum præconio tranſmiſſo, ornatus, qvem etiam Saxo à ſingulari animi moderatione id conſecutum perhibet, compluribusque Olafum dictum. Uſſonis nomen geſtaque ex Offæ Merciorum Regis genealogia huc translata, deſcribiſque eandem prope hiftoriam, quam Matth: Pariſienſis vitæ Sancti Albani præpoſuit, in Serie Regum Daniæ conjectavi, nec adhuc ab ea opinione diſceſſi; innuiſſe, cordatiſque judicis examini ſubjeciſſe contentus. Correctiſſima exemplaria Olafum eum appellant, ut & ſcriptor libri originum Norvegarum in generationum recenſu altero, altero vero in ſæminam eum tranſformat, Olufam Manſvetam appellando, id quod errore quidem factum eſt, ſed non ſine cauſa, nec tamen alia, quam quod author, qvem Snorrius Sturlauſ ſecutus eſt, tradidit, Drottam Dyggvii Sveciæ Regis uxorem fuiſſe filiam Danpi, neptem Rigi ejus, qvi primus in lingua Danica, vel, quod idem eſt, in ſeptentrione Rex appellatus eſt, ejus autem fratrem fuiſſe Danum Magnificum, qvi primus Daniæ de ſuo nomine appellavit. Ex quo concludi poterat, Danum fuiſſe Danpi filium; cum autem membranæ conſenſu tradant, patrem ejus fuiſſe Olafum, orta eſt ſuſpicio, matris id nomen fuiſſe, quæ nupſerit patri ejus Danpo, quam etiam opinionem aliquando ſecutus ſum, ſed authenticarum autoritate ab hac opinione deterritus, Olafum & Vermundum utroſque binomines fuiſſe exiſtimavi, Olafumque Danpum, Vermundum Rigum cognominatos, neque enim Danum duos patres aut progenitores habere potuiſſe, quod omnino ſequeretur, ſi Olafus patre ſecundum genealogias, Danpo, autoritate Snorrii, ſatus fuiſſet, monitus ab amico antiquitatum perito, non tamen ab his præconceptis me divelli paſſus ſum. Tandem Snorrii verba capi accuratius perpendere; & obſervavi, non ideo illum aſſerere Danum fuiſſe Danpi filium, quod ſoror illius Drotta ejus filia fuerit, ſed tantum concludi ex utraque ſententia inter ſe collata, quod Drotta fuerit ſoror ejus uterina, matremque poſtea nupſiſſe Danpo Rigi filio, exque ea Drottam ſuſcepiſſe, Danpum autem provinciæ à Lethrana ditione diverſæ Regem credere par eſt, autumque poſtea ejus imperio Danum agrum omnem Danicum deinde ſibi ſubjeciſſe, Daniſque marcham à ſuo & agri nomine nuncupaſſe. Ejus ſoriorius Dyggvius primus ſui generis Regium titulum in Svecia uſurpavit, exemplo à Daniæ Rege Rigo tradito; ab hoc Danpo prædium ſeu oppidum Danpſtadus ſeu Daupſtadus, Damparſtadus ſeu Danparſtadus, (his enim nominibus in Exemplaribus variatur) nomen ſortitum videtur, cujus *Hiſtoria Hervoriana Cap. XVII* meminit, ut & nos infra *huius libri Cap. XXI*, in Jutia vel Hoſſatia, ſecus ac *Clarifs: Verelius* opinatur, quærendum. Danpi autem pater Rigus, princeps ad tantum ſapientia provectus videtur, quantum mortalitatis conditio in gente minus culta capit; conſuſam ſiquidem turbam in certos ordines digeſſiſſe, ſingulis officia miniſteriaque diſperſitus, privilegia oneraque, pro cujuſcunque ſorte, ad utilitatem communem, publicamque ſalutem, aut indulgiſſe, aut injunxiſſe videtur, ipſe imperii Majeſtatisque ſpeciem vera æſtimatione complexus, quo autoritatem ſaſtigio tanto neceſſariam regnandiſque poteſtatem ſibi aſſereret, Ronungs titulum, qvi generis incomparabilem nobilitatem, vel etiam patriæ patrem, denotat, à voce Ryn deductum, quæ *genus ſeu nobilitatem* ſignificat, aſſumſit, nominisſque ſplendorem imperatoriis artibus, decen-
tiſque

tique morum gravitate tutabatur. Non aliud oda illa (qvæ etiamnum extat,) penitus inspecta significat, qvæ Heimdallum Atarum seu Deorum præcipuum, sub Rigi nomine latitantem, tam nobiles, qvàm servos rusticosque, omniumque adeo ordinum homines progengasse fingit, nam Daupi Danique nominibus elogiisque clauditur, qvos superbas aulas palatiaeque incolere perhibet: qvorum mentio hic superflua esset, nisi alter filius ejus, alter nepos, aut qvasi nepos, fuisset. Hæc autem memorata Oda, Rigsmal dicta, ita describit. Primò viri cujusdam uxorem, Eddam, quod proaviam denotare videtur, stuprâsse traditur, indeque servorum genus produxisse; quo commento adumbravit, servis ut instrumentis opus esse, prius qvàm ulterius progredi possimus. Postea ex alterius viri Avi nomine uxore, Avia dicta, sobolem pariter illegitimè susceptam Rusticam, rusticorum omnium parentem genuisse, arandæ excolendæque terræ idoneam, utpote instrumentis, servis scil: jam instructam. Tandem ex cultiore fæmina, cujus maritus Pater vocatus sit; ipsa autem Mater, prolem tertiam, unde Comitum origo fluxerit, emanâsse. Comitum nomine universam nobilitatem complectens, quod populus rectoribus, defensoribusque militiæ, artiumque humaniorum peritis viris omnino indigeat, ideoque eos novissimè productos comminiscitur; qvibus tandem nobiliorem prolem, unam quidem multis regendis præficit, qvàm Rönung/ seu Regem, appellat, artiumque ei tribuit scientiam, omnibus majorem utilioremqve, & ad civilem felicitatem procurandam omnino necessariam. Mox Danpi Danique nomina, utpote sobolis Regis Rigi, subjungit; unde patet, Rigum hunc, qvem primum in septentrione Regem Chronica agnoscunt, hic intelligi, ejusque solertiam, in administratione regiminis, ordinibusque omnibus dirigendis adumbrari. Ab hoc Rigo proverbium etiam in Islandia in usu emanâsse conjicio, quo factum opulentiorum Rigi nomine offerunt, qvi fortè personæ suæ majestatem prædecessoribus strictius conservaturus, fastuosior visus est. *Vid. supr. partis hujus Lib. I. Cap. 6. Chronici Norvegici versio Danica* Rigum perperam Ringum appellat.

CAP. V.

DE DANO MAGNIEICO DICTO.



Hic Daniam de suo nomine Danmarkam nuncupavit, cum prius Gothia usurparetur. Favet Snorrio, qvi hæc tradidit, quod apud Scriptores extraneos Danorum celebritate cum toto orbe clarissima qvæqva gente certans nomen, ante Anastasii & Iustiniani Imperatoris tempora nusquam occurrat; utpote quod sæculo quinto, post Danum tertio, iis innotuit. Tanto tempore rebus domi forisque fortiter gestis opus erat ad claritudinẽ Regno suo gentique circundandam apud gentes remotiores, qvæ aucta tam spatioſo agro, unius vocabuli symbolo, virium incrementis formidabilis inclaruit. Regni itaque Gothici varias partes cum Rege Dano gens Danica inſediſſet, haut immerito eas de nomine ſuo, Rex quoque Gloriotus nuncupari voluit. Moriturus novum ſepulturæ ritum in Danium primus inſexit, exſtructo conſpicuæ magnitudinis colle, cui ſe ipſum, Regiõ diademate cultuque exornatum, armisque indutum, cum eqvo, omnibus

ornamentis instructo, additâ magnâ pecuniâ vi, inferri mandavit. Novam hanc tumulandi rationem ultro amplexi ejus posterî & amici primum, mox etiam complures alii eorum exemplo probarunt. Tum demum in Dania cæpit sæculum, quod *tumulorum* vocabant, durante nihilominus in Svecia & Norvegia rogorum struendorum ad cadavera cremanda ritu; licet multi Procerum in Svecia, ex quo Freyr Upsalis tumultus esset, non minus tumulos quàm saxa protropæis erecta, quæ Bautaſciæna vocabant, in cognatorum memoriam extruerent, sicut in primo combustionis sæculo, cum cadavera cremarentur, fieri consuevit. In generatione Offæ Regis Merciorum supra mêmorata, Bromton à Witlac orditus filium ejus Vermundum recenset, eiqve Offam filium tribuit, Dengeltemqve Offæ filium subjicit. Nec *Henr: Hundindoniensis Historiarum Lib. II. Pag. m. 316.* in recensu generis Pendæ Strenui, Merciorum regis, dissentit; ita n. ille: *Penda filius fuit Wibba, filii Crido, filii Cinewald, filii Knibba, (in Marg: Knidda) filii Icil, filii Comer, filii Angestean in Marg: Angeltheav) filii Offa, filii Vermund, filii Witlac, filii Woden.* Collati cum Saxonis Vigleto, Vermundo, Uffone, & Dano, parum discrepant.

CAP. VI.

DE FRODIO III. DANI FILIO, HALFDANO I. FRIDLEIFO III. OLIO ET FRODIO IV.

Frodus III.



Hic Saxonis Frotho secundus esse videtur. Certè Huglethum, quem ille patrem ejus constituit, inter Sveciæ Reges Snorrius numerat, Hugleikumqve aptius appellat. Duos filios Frodius reliquit, quorum alter dictus est

Halfdanus I, alter Fridleifus III.

Hic Saxoni Danus est, in ordine nominis Tertius; verum à Stephano notis in Saxoniæ in Halfdanum restitutus. Hic Danorum primus (si conjectura de Frodio I. me fallit) subactæ Sveciæ, perque reliquum vitæ tempus possessæ, gloriam reportat, de quo Cap. XVIII. in Aunio dictum est. Constat quidem Hakium piratarum Regem, occiso Hugleiko, Sveciam subegisse; sed is Norvegus erat, frater Hagbardi, ejus, qui Signiæ, amore, utriqve exitiali, captus laqueo vitam finivit. Fridleifi nudum nomen nobis relictum est; duo illi filii memorantur.

Olius Vegetus, & Frodius IV.

Et Olus quidem patrui Halfdani gloriæ æmulus, de subacta iterum Svecia, expulso denuò Aunio, triumphavit, nemineqve inturbante quæta possessione tenuit, donec eum Starkadus occidit. Frodius autem Quartus idem nobis qui Saxoni est, pariter etiam à Svertingo occisus traditur, cujus historiam Saxo dilucidè explicat. Duos ejus filios Langſedaatal producit, tertium *Hrolfi Krakii historia* adjicit. Sunt autem Ingialdus Starkadi alumnus, Halfdanus II, & Frodius V.

CAP.

CAP. VII.

DE INGIALDO STARKADI ALUMNO
ET EJUS POSTERIS, USQVE AD ABNEPOTES,
HALFDANOQVE SECUNDO.

Erit nobis historia Ingialdi, & periisset omnis ejus memoria, nisi Saxoni eam deberemus. Stemmata ab eo descendentiā, tum Daniæ Regum, tum etiam ad primos Islandiæ incolas, per diversos ramos supersunt; sed illud posterius incompletum & hiulcum a Hrolfo filio ejus per neptem Hlifem, pronepotem Eyvindum Austmannum, & abnepotem Helgium Macrum, inter eos qui Islandiam occuparant, memoratum, circiter quadringentorum annorum spatio, ad annum Christi DCCCLXXX. producit. Daniæ Regum magis perspicuum est.

Ingialdi filius Harechus Hnoggvanbaugius, nepos Frodius VI. pronepos Halfdanus III, abnepotes Helgius Acutus & Hræchus Slaungvanbaugus, Auduris Prædivitis, Ivaris Vidfadmi filiæ, prior maritus. Eorum filius, Ingialdi atnepos, Haraldus Hilditann; de quibus suo loco quædam dicenda sunt.

Halfdanus II. totius Daniæ (supremum fortè) imperium tenuisse dicitur, id quod Frodius frater, quantumvis naturā mitis, clemens & affabilis, æstro invidiæ stimulatus ægerrimè tulit. Diverso à Dania regno (bello forte accersito) præfuisse perhibetur, nec tamen cui exprimitur. Eo tandem invidia crevit, ut post consilia de tollendo Halfdano agitata, ingenti exercitu ad parricidium patrandum, ignarò talium integerrimo fratre & omnino imparatò, in Daniam moveret, incendiis, cædibus & rapinis ditio-nem ejus prorsus fædans. Halfdanus, quantas subita perturbatio permiserat, vires collegit, magis ad interitum suum suorumque accelerandum, quam patriæ suiue defensionem; majores namque erant hostium copiæ, major impii conaminis progressus, quam ut reprimi possit; itaque nulla difficultate vertitur in fugam manus Halfdanina, ipse in sceleratas fratris manus captus pervenit, & absque ullo sanguinis respectu impie occiditur. Filios ejus Hroarem & Helgium, auxilio nutritii Regini manus ejus elapsos, inque latebris absconditos, ad necem quærit, usus quoque ad eam rem magorum ministerio, ad ultimum etiam fæminæ fatidicæ, quæ in ipsâ inquisitione a sorore puerorum Signya, Comitissæ Sævaris uxore, munere aureo corrupta, ansum eis evadendi præbuit; qui eodem in convivio, quod Rex tunc celebravit, ope procerum, ipsum Regem cum aula sua incenderunt, eique in regno successerunt.

CAP. VIII.

DE HROARE ET HELGIO, EO-
RUMQVE POSTERIS.

Roar partem Regni, quæ ei compete-bat, cum fratre bonis mobilibus permutavit, ipse in Northumbria, Angliæ provinciâ, sedem fixit, regnumque cum uxore sua Augne Nordrii Regis filia acquisivit, quod bellis victoriisque procul dubio auxit, cum in prima Anglo-Saxonum tempora incidit; quorum partem

Tom. I.

Ggg

auspi.

auspiciis Daniæ Regum ibi pugnâsse, provinciasque ipsis subjecisse, constat. A filio sororis suæ Hroko ad ultimum occisus, fratri Helgio vindictam reliquit, qui illum quoque strenue ultus est; ipse quoque postremo ab Adilse Sveciæ Rege dolo sublati. Snorrius in oriente, dum piraticam exerceret, sublatum perhibet, relicto filio Hrolfo Krakio. Horum Regum historiam cum prolixè conscripserimus, seorsim editam, hic eorum tantum mentionem fecisse suffecerit.

Valdar Munificus

Hroaris filius fuit, & ejus filius

Haraldus

A grandi ætate postea Grandævus dictus; qui, ut nos calculum subducimus, post cædem Hrolfi Krakii, tempore interregni in Scania regnavit; uxor ei Hildis (Codici Flateyensi col. 9. Hervor.) Heidrici Reidgotiæ seu Jutiæ Regis filia. Horum sola nomina ad nos pervenerunt. Eorum filius.

Halfdanus IV. cognomento Disertus

Qui provinciæ (nescio cui) in Scania Danorum Regio titulo & potestate præfuit.

Hic jam subsistendum, dum maternum ejus genus per longam avotum seriem ab ipsis gigantibus, cum Noris (si & ipsi gigantes non fuerint) tum etiam Odini posteris commixtis, altius repetam.

SECTIO SECUNDA.

DE GENERE MATERNO HALF-DANI DISERTI.

CAP. IX.

DE PRIMIS JOTUNHEIMORUM INCOLIS, USQUE AD ARNGRIMUM SECUNDUM.



Antiquissimus Jotunheimorum, tractus nimirum circa Mare Album, incola, *Edda Fab. VIII.* Narvius, Niorvius, seu Norius dicitur; de quo superius dictum est; sed nulla ab eo generis series ad posteros textitur. Alter vetustissimus, proximi in austrum protensi districtus habitator Ymir, Editioni Svecicæ perperam Ymolfus appellatur, à quo forte Ymislandia finibus Finnmarkiæ & Halogalandiæ inclusa (hodie Norlandia) nomen contraxit. *Historia Hervoriana* corruptè Lundzlandiam appellat. Ejus filiam, nomine Arnam, Arngrimus gigas & monticola, Jotunheimorum quoque incola, rapuit, & conjugio sibi sociavit. Ejus majores nulli suppetunt. Filius ex hoc conjugio natus

Hergrimus, Semigigas dictus.

Quod hominum gigantumque naturam participaret, cum utrisque alternis conversatus, his tamen robore & magicarum artium peritiâ similior. Hic è Jotunheimis Augnem Alfapreingiam rapuit, deponfam

sponsam prius Starkado Aludrenge, Störvirki filio, id nominis primo, gigantei generis viro, hautquaquam degeneri (quem ideo octimanum finxerunt) occasionem nactus, cum ille à domicilio suo, ad Galu-seu Alu-fossas sito, Elevogas celebres fluvios transisset. Ex hoc raptu natus filius Grimus. Verum Starkardus rediens sponsam vindicaturus Hergrimum ad singulare certamen provocavit, ad supremam juxta Eide vel Isthmum cataractam, profecto in illo Septentrionis tractu quærendam. Conflictus Hergrimi cæde finiebatur, cui Augn, sive iram Starkadi morte magis verita, sive conjugii pertæsa, superesse nolens, ferro se ipsam confodit. Starkadus bonis omnibus demortui, filioque Grimo inter spolia relatis, domum re-petivit, Grimumque educavit, statura roboreque, postquam adolevit, juxta insignem. Exinde Alfildem, Alfi Alheimorum Regis filiam (quem Noris ex Raumo nepotem, Finnalsum dictum, liber Originum Norvegiæ nobis suggerit) sacris in honorem omnium Dearum institutis, apud patrem autumnali tempore operantem de nocte rapuit. Igitur Alfus Thorem Deum sacrificio perpetrato exorasse fingitur, ut & Starkadum interficeret, & Alfildem ad se remitteret, quam Grimus Hergrimi filius domum secutus est. Starkadus ex Alfilde duos liberos suscepit, Störvirkum & Bauggerdem. Störvirko natus est Starkadus, id nominis secundus, qui in Vikaris, Agdarum, Rogiæ, & Hordiæ provinciarum Regis, militia tamdiu mansit, donec, eo interfecto, ad Sveciæ Reges Alrekum & Eiricum Agnii potentis Sveciæ Regis filios confugit, iisque diu militavit. Bauggerdem Grimus duxit, vir strenuus; nam duodecim annos natus erat, cum primum latrocinari cepit, nec postea intermisit, habitavitque in insula Halogiæ Bolmo. (seu, ut habet Exemplar Regium, Holmo) vocatur autem insula piscâ lingvâ ey, unde is quoque dictus est

Ey-Grimus Bolmus, seu Insularis Grimus

de Bolmo.

Situm hujus insulæ in Smalandia in territorio Vestbo describit Verelius, integramque paræciam, nomine Sogn, notis ad caput primum Her-varaslagæ, in voce Bolmur. Verum valde hallucinatur; nam iter filiorum Arngrimi in Samum Balticam ad congressum cum Hialmare & Or-var-Oddo properantium (quod valde Verelium vexavit) plane hujus insulæ situm ostendit in Halogia. Aldeiguburgi enim (urbs est Russiæ australis maritima) in transcurso divertebant ad Comitem Biartmarem, nempe terrestri itinere per Jamtiam Helsingiamque profecti, navem in sinu Bot-nico comparabant. Eadem via Hacon Hladarum Comes, & post eum Rex Sverrir, in Norvegiam tendentes inceserunt; quin & Arngrimi filios inter peregrinos in Svecia Hialmar reputavit, & neptis ejus ex Angantyre Hervor possessionem gladii Tirfingi regno Norvegiæ, tanquam ibi nata, comparavit. Heidricus quoque ejus filius, Arngrimi pronepos, peregrinum se in Reidgotia fatetur; quod facere non potuisset, si Reidgotia Smalandia esset, insulaque Bolmus ibi sita, ut contendit Verelius. Eygrimo Bolmo ex Bauggerde filius natus est

Arngrimus Secundus.

CAP. X.

DE ARNGIMO SECUNDO ET EJUS FILIIS.

Ggg 2

Hic



ic etiam in Bolmō habitabat, præliis, direptionibus & piraticæ rei peritiâ & exercitio valde celebris. Hujus genus vidimus, tum paternum, tum maternum.

Historia Hervoriana Cap. II. illius tempore Turcas & Asianos, Odino duce, septentrionem invasisse incoluisseque perhibet. Inter multos ejus filios formâ insignem, maritum Heidis filiæ Gylvii, procul dubio ejus, quem Edda, ut & Chronica Snorrii, Sveciæ Regem memorant. Verum Exemplar Regium membraneum, his & quæ præcesserunt omisiss, contextum historiæ à Sigurlamio quidem orditur, quem Gardarikiam rexissè, nec tamen cujus filius fuerit, memorat. Nos autem hiatum in generis serie, alterumque ejusdem nominis, à quo hic Sigurlamius nomen genusque traxerit, qui eandem Heidem matrimonio sibi junxerit, & ipsi agnoscimus, & acutiōribus ingeniis observanda suggerimus. Interim Editionis Svecicæ exposituri, aliorumque deinceps dissensum. Sigurlamius cum Thiaffio gigante bello congressus occubuit. Successit ei in regnum filius Svafurlamius, de quo sequentia, fabulæ licet quàm historiæ propiora.

Forte inter venandum cervus, quem toto die usque ad occasum Solis persequēbatur, eum in silvam quandam aviam provexit, à dextera ad Saxum nanos duos, Dvalinum & Durinum, astantes offendit, strictoque gladio ingressu prohibuit; qui salutem miri artificii ensè cudendo pacti sunt, manubrio cum vaginâ balteoque solido auro constante, hebetationis rubiginisque pariter experte, ferro saxisque penetrabili, perpetuo gestanti victoriosō; præfinitoque tempore obtulerunt. Tum vero commotior Dvalinus, ut quoties stringeretur, homicidium perpetraret, triaque execrabilia scelera hoc instrumento patrarentur, ipsique fatale foret, imprecatus est. At Svafurlamius nanum gladio petens, ictu aberrante in Saxo aciem condidit.

Hunc ensē Tirfingum appellavit, quō deinceps in expeditionibus & monomachiis usus est, ultusque patrem, Thiaffum occidit, Fridemque filiam ejus uxorem duxit, ex quâ Eyvorem filiam progenavit. Postremo cum Arngrimo, regno suo latrocinii infestō, congressus, clypei quidem partem abscidit, sed dum ictum iterat, manu multatur, suoque ipfius gladio, confestim ab adversario rapto, occiditur. Præmium victoriæ præda ingens, gladius quoque & filia Eyvor; quam domum secum duccens solenni nuptiarum ritu sibi junxit.

Exemplar Regium, omisso Svafurlamio, Sigurlamium gladium à nanis adeptum tradit, cujus virtutes memorat; fuisse enim acutissimum; quoties educeretur, solis instar coruscantem radios vibrasse; nudari sine homicidio nequivisse; calido sanguine tinctum vagina condi oportuisse; nihil vivum, sive homines, sive bruta, ab ipso fauciatâ in sequentem diem vitam traducere potuisse, vulnere quantumvis levi; nihil tam durum, quod non penetrasset, cujus ictus nisi in terram demersus fisti nequivisset; gerenti utentique semper victoriâ reportasse, in omnibus antiquis memoriis celeberrimum. De Arngrimo autem refert, fuisse piratam celeberrimum, Gardarichiamque ingressum sub Rege Sigurlamio, senio unâ cum Reginâ valde proveccto, meruisse, militiæ ejus terra marique præfectum.

Eyfu-

Eyfuram deinde parentum voluntate ei matrimonio junctam, datumque simul gladium Tirfingum, secundumque a Rege dignitatis gradum; inde cum uxore sua patriam repetivisse, inque insula Holmo dictâ habitasse. Hæc laudati exemplaris fide, quod pro Eyvore Eyfuram semper filiam Regis appellat, notatione diversa. Eyvor enim insularia navalia, Eyfura abietem insularem significat. Ex ea deinceps Arngrimus duodecim procreavit filios, quorum natu primus

Angantyr.

Secundus Hervardus, tertius Hiorvardus, quartus Semingus, quintus Hranius, sextus Bramius, octavus Reifnir, nonus Tindus, decimus Bujus, duo reliqui Cognomines dicti sunt. Aurvar-Oddi vita nomina eorum aliter, nec ordinem ætatis, sed metri rationem secuta, hoc modo enumerat: Hervardum & Hiorvardum, Angantýrem, Billdum & Bragi-um, Bolverchum & Tochium, Tindum & Týrfingum, duos Haddingos, quorum ultimi duo modum virium humanarum non excedebant. Angantýr autem duos robustissimos æqvabat, deputatasque iis operas sibi soli deposcere solebat, statura proceritate tantus, ut omnibus capite altior esset. Insignes hi fratres omnes alios berferchos audacia & viribus superabant, neque in expeditionibus nauticis præter se ipsos in prætoriam navem ullos admittebant, sæpe tamen pluribus navibus usi sunt, lateque per multas regiones prædas egerunt, victoriæ semper compotes: hinc nominis ingens fama. Tirfingus gladius Angantýris, Mistilteinn Semingi, & Hrot-tius Hiorvardi appellabantur, singuli insignes, singularisque in monomachiis usûs. Quoties furoris incessuri notas animadverterunt, modo peregrinum militem permistum non haberent, in terras exscendere, cum saxis ingentibus colluctari, totamque rabiei vim in arbores effundere solebant; damnis facti cautiore, prius enim furorem in locos nauticos vertentes, multos ex iis, vacuatis navibus, sustulerant.

Festo Iolenfi ad craterem memoriæ Bragii dicatum, dum votis se singuli pro more obstringerent, Hiorvardus se Ingibiorgem Yngvii Upsalorum Regis filiam, virginem sapientiæ, prudentiæ & venustatis laude celeberrimam, aut uxorem ducturum, aut aliam nullam, vovit. Proximo vere universi fratres in Sveciam profecti sunt, ingressique Regiam, Regi filiaque in folio sedentibus votum exposuerunt: omnibus, qui præsto erant, silentibus, responsum Regis subito Hiorvardus efflagitavit. Rex deliberabundus celebritatem virorum, nataliumque splendorem mente revolvit. Fuit in illius aula vir magni nominis, pugilum sui nemini secundus, nomine Hialmar, ab animi fortitudine Magnanimus dictus, longoque tempore ibi versatus est; qui industria & labore, tum invicto animi corporisque robore, crebris expeditionibus ditionem Regiam valde dilatavit, fuit enim toti exercitui præfectus. Fuit & alius pari virtute, nec viribus minor, nec rerum gestarum laude inferior, interventu fæderis ei socius, gloriæ prædæque, sicut & periculorum omnium, particeps, nomine Oddus, à jaculis, quæ a teneris anxie conquisiverat, Aurvar-Oddus dictus, aliàs à peregrinationibus Peregrinator, vir natus in insula Norvegiae Hrafnista, Naumdalo adsitâ, educatus in Jadria. Rege in responso, proco tam acri & vehementi reddendo, hæsitante, Hialmar loco exsurgens soliumque accedens, *eum ad animum revocare postulabat, quantum decus, se duce, partum; quot anni à primo suo in regnum adventu, ad id ei subigendum, insumpti sint; quam promptus ad negotia Regia expediunda fuerit: mal-*

let igitur se tam eximio honore, affinitatisque splendore, quam unice semper exoptaverit, ornare, quam Berserchos istos externos, damnis tantum & injuriis, regno cum ipsis, tum aliorum Regum illatis, infames. Impedita res visa est: respondit igitur, procorum utrumque tantâ animi magnitudine, generisque celebritate esse, ut neutrum repellere sustineat, situm in filia arbitrio, quem eligeret maritum. Illa respondit, quandoquidem patri se elocare placeat, illi sociari velle, quem probè noverit, præclaraque facinora & bona fama commendarent. Actutum Hialmarem Hiorvardus ad singulare certamen in insula Samo Baltica provocavit, adjunctâ notâ probri, si vel non compareret, vel ante rite finitum duellum discederet. Hialmar conditionem alacriter se accepturum cum respondisset, discesserunt, adque patrem redeuntes, quæ gesta essent, exposuerunt. Verum ille non aliâs se iis metuisse respondit, jam verò cum iis rem esse, unde periculum certum, eventus dubius & anceps pendeat; proficiscentibusque domo felicia apprecatus, præstantis armaturæ usum hoc prælio requiri monuit. Inde (viâ procul dubio a nobis memoratâ) ad Samum Balticam progressi, sed in finum Finnicum deflectentes, ad oppidum Australis Russiæ Aldeiguburgum (de cujus situ *Rudbeckius in Atlantica Cap. XXVI.* consuli poterit) cursum tetenderunt. Præfuit illi Comes, nomine Biartmar, Regibus licet dignitate, potentiâ tamen, paucis exceptis, nihilo minor. Filia illi, eaque soboles unica, nomine Svafâ, magni animi, ætatisque maturæ, qui Angantyris cæterorumque adventu cognito, ad convivium invitatos benignè excepit. Captus formâ virginis Angantyr, eam parentum suffragio in uxorem accevit, celebratisque nuptiis, cum ad Samum Balticam profecturi essent, focero somnium suum exposuit; nimirum quod sibi visus esset cum fratribus in Samo Baltica esse, multasque ibidem aves deprehenas occidere, inde in alia insulæ parte, duas aquilas obvolare, quarum alteram acriter secum conflictantem, cum exceperet, se una cum illa in terra confedissee, alteram cum undecim fratribus congressam superiorem recessisse. Comes non indigere somnium interpretatione, portentum cædis adumarari, conjecit. Ad Samum Balticam cum devenissent, furoris berserchiani subito incessuri indicia præferunt, in terram igitur exscensione factâ, arbores pro more confregerunt. Hialmar & Oddus ex aliâ insulæ parte, in portu Unnarvogeni naves anchorâ alligaverunt, conscendentesque collem quendam, adventum eorum exploraturi expectabant. Verum Arngrimiani ut naves Hialmaris ex insula prospexerunt, fervente adhuc rabie, admorsis clypeorum extremitatibus, horribili rugitu ad eas citato gradu advolarunt; ambabus idem nomen præfuit; quarum singulas sex adorti per diversa latera ultro citroque progrediendo defensoribus nudarunt, classiariis magna quidem virtute, sed frustra, resistentibus: singulis itaque necatis, in terram reversi, furore sedato imbecilliores facti sunt; ferunt enim tali rabie obsessos, cum primum defuderit impetus, debiles fieri. Oddus autem & Hialmar, animadversâ suorum clade, alter alterum carminibus affati, & prior quidem Oddus significavit, quæ formidabiles visi sint athletæ furiosi, dum absque lorice numero duodecim binarum navium classiarios occidissent. Cui Hialmar etiam metricè dum responderet, male sibi ominatus: *setis quidem cohortem illam lorica munitam, sibi autem socioque Oddo hoc vespere Odinum invisuris, ejus que hospitibus futuris (mortem intelligit) supervicturam.* Illud primum, idemque ultimum, quod in metum inclinaret, verbum emisisse traditur. Verum Oddus sinistrè ominantis verba fausta apprecatione correctu-

correcturus. *Imo verò, inquit, isti duodecim mensis Odini hoc ipso vespere hospites, vivis nobis, accumbent.* Adjicit deinde: *unum ex duobus eligendum, aut latebras in sylvis quærendas, aut hostes excipiendos.* Hialmar fugæ consilia, vel in summo periculo, aspernanda censuit; & jam strictis in eos mucronibus berferki sanguine occisorum perfusi irrunt, inter quos statuerâ eminebat Angantyr, gladio coruscante Tirfingo insignis. Hialmar autem optionem Oddo dedit, soli cum Angantyre aut reliquis undecim congregiendi: contra Angantyrem maluit Oddus, quod interulæ suæ quàm loricae ejus magis se fidere dictitaret, hanc enim interulam in Irlandia elaboratam accepit (id quod prius partis hujus Lib. 6. Cap. 5. exposui) cui Hialmar respondit; *quandovidem majoris periculi ducis, certamen cum Angantyre solo, quàm reliquis duodecim, illud quidem ipse subibo; ubi enim meministi me meis te periculis objecisse? mea enim res agitur.* Atque his dictis cum Angantyre congressus est. Non aliud fortius grandioribusque ictibus duellum unquam gestum est. Oddus successive singulos, non simul omnes, se excepturum cum polliceretur, omnes illud suffragio suo comprobarunt. Primus Hiorvardus eum adortus, non solum adversus inscubilem camisiam nihil profecit, sed nec sibi adversus acutissimum ejus ensen, lorica pariter ac vestimenta nullo negotio penetrantem, quicquam consiluit. Itaque post paucos ictus mortuus concidit: cui Hervardus, illique Hranus, & denique unus post alterum succedentes, ad unum absque ullo Oddi vulnerere occubuerunt. Inde ad Hialmare progressus, lethali eum vulnere faucium, sed Angantyrem mortuum, deprehendit. Extant in *Historia Hervoris* carmina, quibus sponsæ suæ salutem Oddo deferendam mandat, unâ cum annulo, amoris ad ultimum usque halitum testimonio. Deinde moritur. Angantyr omnesque fratres in Samo Baltica cum universa armatura tumulis conditi sunt. Hialmare autem Oddus Sigtunas duxit. Non sustinuit Ingibiorgis Yngii Regis filia ei supervivere, itaque mortem sibi conscivit. Hæc totidem fere verbis ex *Historia Hervoris* descripsi. *Vita* tamen *Aurvar-Oddi* paulo aliter narrat, non enim ex provocatione aut causa armorum, sed fortuito in Samum Balticam utrosque appulisse tradit, quamvis ex suggestione Arngrimi patris Oddum & Hialmare diu quævisissent, hi prius appulerunt, portumque Unnarvogum occupârunt: nemus insulæ excidendi gubernaculi gratia, quod tempestas abruperit, ingressos Saxo tradit. *Vita* autem *Aurvar-Oddi*, materiam ex quâ hufasnotram formarent, comparaturos perhibet (coronidem credo, nam & idem nomen in *vita Karlsefni* occurrit.) Hialmar armaturam, quam alias solebat, Oddus vero camisiam, quam nocte dieque gestans nunquam exuit, induisse feruntur. Berferki, cum prius omnes classarios nullo negotio interfecissent, indignati, quod pater tales homunciones commendaverit, vindictam de eo supplicio mortis sumpturos se minabantur, aut enim homines istos, quos formidabiles memorabat, nauci nihilique esse, aut plures superstites: exscidendum itaque in insulam ad certioram ejus rei notitiam comparandam. Vix ibi pedem fixerunt, cum prælagâ pugnae rabie perciti universi, & ipse etiam Angantyr, quod aliâ ipsi nunquam contigerat, plusquam debaccarentur. Dum progredierentur ad naves, substitit parum Oddus, tellurem pede pulsans; quo animadverso, Hialmar quid rei subesset quærivit, illi monstrosas quasdam voces auribus perceptas, modo in taurinum boatum, modo canum latratum, modo leonum rugitum formatas: mox exquirat, an sciret ullos homines tam ferinæ naturæ, qui tam immanes voces edere possent? Hialmar autem respondit ligatè, recensuitque singulos

los, inverso, ut antea memoravi, ætatis ordine; id etiam addidit, quod etiam Arngrimus & Eyvor in Bór orientem versus (quod nescio an in insula Bolmo prædium sit, an locus ab eo diversus) nati sint. Carmen etiam Oddi parum defleat ab eo, quod Hervoris vitâ continetur. Oddus armis destitutus, solam securim, non in belli usum, sed ad arborem excindendam gestabat, quæstusque arcum & tela ad naves relicta, ingressus sylvam, cæsa arbore, gubernaculum fecit, quem interea Hialmar operiebatur. Rugientes interim advenæ appropinquantes, interfectorum sociorum cædem referebant, Oddus, quoniam essent, interrogavit: Angantyr nomina genusque confessus, idem ab iis quæsit. Oddus suum Hialmarisque nomen edidit; quo cognito sibi gratulabantur Angantyr, longo enim tempore eos quæsituisse referebat, jam vero confestim pugnaturos, singulosque cum singulis per vices congressiuos; se cum quatuor fratribus Oddum deligere; illum interulam infecabilem, se gladium, nanorum opus, cui nihil obsistat, habere, reliquos Hialmari per vices excipiendos. Hialmar autem sibi rectius Angantyre committi dictabat, quod annulis contextam lorica, eamque quadruplicem, inviolabilemque, gladio ejus obicere possit. Id autem Oddo vehementer displicuit, ferream lorica ferro penetrabilem dictanti, interulam non item. Hialmar autem urgentibus fati excæcatus, sanioris consilii impatiens in proposito permansit. Angantyr leges duello dixit, *ne quis superstes mortuum armis nudaret*, Tirsingum secum defodi, si moreretur, poscebat; pariter Oddo interulam, & Hialmari lorica contumulanda, superstitesque ut mortuis tumulum erigerent edixit. Exinde congressi, Haddingi primum Oddum nequicquam adorti, singulis ictibus singuli trucidantur: ordine deinde reliqui cum eo congressi, post memorabilem pugnam omnes concidunt. Tum demum Hialmar exsurgens, quatuor eodem ordine legeque secum congressos exanimat: ad ultimum Angantyr post longum ingensque certamen exanimis corrui. Hialmar vero ad vicinum tuber se inclinans confedit, quem Oddus accedens nimiam spreti consilii pænam querebatur. Verum ille, semel cuique moriendum respondit, sedecim se vulneribus fauciatur, lorica discissam, caligare oculos, rigore gressus impediri quæstus; considerare tamen Oddum iussit, dum ultimum carmen ad Ingibiorgem spontam suam, una cum annulo deferendum, pangeret, salutemque confessoribus, quorum nomina carmine comprehendit, dicere iussit. Petebat præterea, ne se in Samo Balticâ tumularet, digniore, quam ut cum pessimorum virorum, se longe inferiorum, sece sepulchris sociaretur: deinde exspiravit. Omnes Oddus, nec armis, nec veste spoliatus, in unum tumulum non procul a mari conjecit, congestisque arboribus septem cespite texit, arenamque superinjecit. Hialmaris autem cadaver humeris impositum ad littus portabat, ibique deposuit: navibus deinde purgatis, suorum cadavera discreto colle condidit. His peractis Hialmarem navi imponit, quamque triginta remiges prius egerant, solus ducere coactus, ad artem Hrafnistiani familiarem conversus, vela, quæ commodâ auram quam frustabantur, sustulit, secundisque ventis in Sveciam navigavit. Upsalos cum pervenisset, sublatum humeris Hialmaris funus ante fores Regias deposuit, lorica manu gerens Regiam ingressus, mortem Hialmaris Regi gestorumque ordinem nunciavit; deinde ad Ingibiorgem, sellæ insidentem, indusumque Hialmari suentem, accedens; *En annulum, inquit, quem tibi Hialmar moriturus cum salute sua misit*. Illa acceptum absque responso intuita, mortua derepente concidit. Oddus sublato cachinno,

quinimo,

quinimo, inquit, quos fata vivos nequibant, mors copulabit: arreptumque Ingibiorgis corpus ante fores extulit, amplexibusque mutuis Hialmari junxit, Regemque exciri curavit, ut quo modo eos disposuerit, cognosceret; qui sedato parum luctu, Oddum in Regiam deductum in solio collocavit, illoque suggerente, lorica Hialmaris in publicum producta, strenuæ pugnae & fortiter appetitæ mortis testimonium præbuit. Tumulo deinde quam sumptuosissime magno frequentis turbæ labore excitato, Hialmare Ingibiorgemque magnâ pompâ inferri Oddus curavit.

Exemplar Regium Hialmarem in Samo tumultatum, Ingibiorgem autem ad relationem mortis ejus, ab Oddo expositam, mortem sibi conscivisse perhibet. Proximâ hyeme in aula Regis transactâ, sequenti vere recessit. Hæc sunt, in quibus historiæ dissentiunt, Rhythmos etiam, quos Hialmar moriturus fecit, parum mutatos alioque ordine, plures etiam, Orvar-Oddi vita exhibet.

Yngvium autem eum Upsalorum Regem, in quem hæc tempora incidunt, Alrechi filium, Alfi fratrem, Agnii nepotem fuisse, *hujus Partis Lib. III. Cap. XXIV.* monstravi. Id quoque temporum ordo persvadet; nam Starkadi Aludrengi ex filio Storvirkio cognominis nepos, post occisum Vikarem ad hujus Yngvii patrem patruumque juvenis profugit. Hic autem Angantyr cum fratribus ejusdem Starkadi Aludrengi ex filia Bauggerde pronepos, facillimè æræ Yngvii Alrechi filii aptabitur. Accedit quòd Hildis, ab Angantyre quinta, nupsit Haraldo Grandævo Daniæ Regi, quem nos circa annum Christi quadringentesimum nonagesimum tertium natum computamus, hautquaquam absurdâ temporum distantia. *Codex Regius Historiæ Hervoriana* hunc Sveciæ Regem Ingialdum appellat, cum tamen Upsalorum, præter Astutum illum, nemo illo nomine innotuerit, qui quidem ad hæc tempora non affurgit, quippe Ivari Vidfadmio æqualis, qui tamen septimus ab hoc Angantyre descendit. *Orvar-Oddi Historiæ* Regem hunc Hlodverem appellat, sed sine ratione. *Clariss. Verelius* Yngvium hunc Yngifreyrem esse putat, sed illo vivo Agnafi, cujus hic Hialmar meminit, id nomen sortita non est. Post Agnii itaque tempora Hialmar & Angantyr, ut & Orvar-Oddus, vixerunt.

CAP. X.

DE HERVORE ANGANTYRIS FILIA.



Ecundum hæc Svafa Angantyris uxor, Comitiss Biartmaris filia partu levata filiam produxit, quam multi educari dissuadebant, veriti ne feritatem paterni generis sexusuo indignam contraheret. Obstitit mater, dictitans, posse Arngrimi genus per eam propagari, familiamque filiorum ejus hoc modo ab interitu vindicari. Nomen itaque

Hervoris

Inditum est. Ut autem adolevit, formosissimas quasvis virgines superabat, viros etiam viribus æquabat, muliebrium artium negligentior, militarium valde studiosa, arcu, gladio, clypeo & hasta gaudebat: statim in tenella ætate ferox, profectu virium ad injurias aliorum usæ est: increpata additis in sylvas abcessit, hominesque amore prædæ occidit.

Tom.. I.

Hhh

qvod

quod ut Comiti innotuit, cum manipulo satellitum aggressus domum deduxit, ibique aliquantisper detinuit. Evenit forte, cum servis mercenariisque ejus aliquando molesta esset, ut illi vicem reddituri, haut mirum malam esse, neque degenerem cavillarentur, pudere enim avum tantæ fordis, ideoque vetuisse, ne quis ei quo patre facta esset exponeret, servorum quippe vilissimum stupro eam progenerâsse. Quæ contumelia vehementer exulcerata avum accessit, expositoque improperio, veritatem exquiri, valde se falli quæstâ, si quem patrem nobili stemmate ortum, heroem heroibus natum, sibi vendicaverit, tressis agasomem aut cassâ nuce vi-liorem subulcum sortita sit. Avus, illustri genere ortam, patre quidem Angantyre, in australi Samo sito, retulit; quo cognito, ut ingenium tantis natalibus congruum monstraret, quæ ad iter necessaria erant ipsâ protinus instrui jubet, patrem quippe cognatosque mortuos se sine mora invisitâram, nec ultra noctem domi moraturam, avo præcipitantiam illam nequicquam improbante. Paulo post sola, virilem vestem armaque induta, abscessit, adque piratas se contulit, Hervardi nomine assumpto. Brevi eorum consortio usâ est, cum ducis officio sibi delato iis præficitur. Cursu deinde ad Samum directo portum petivit, hortaturque socios, ut insulam spem ingentis prædæ pollicentem ascendant: id vero singuli abnebant, obtendentes, majus ibi ab infestissimis spectris interdiu, quam alibi nocturno tempore periculum esse. Obtinuit tandem ut jactâ unica anchorâ noctem ibi se acturos promitterent, itaque Hervardus piratarum dux, expedita scaphâ, sub occasum Solis in portum Unnarvogum delatus, in pastorem quendam incidit, cumque eo colloquium usque in crepusculum extraxit. Fragar inde terribilis, adentesque circumulos ignes visi opilionum metum incusserunt, quem nihilominus Hervardus detinere satagens, multis interrogationibus fatigabat, tandem comitem sibi ad tumulos deposcebat; id vero cum abnuisset, ei que necquicquam dissuasisset, nec segnius propositi temerarii, cumque præsentis morte conjuncti, tenacem peregrinum vidisset, in sylvam citato gressu properavit. Hervor autem ad marginem insulæ tendens, ardentem mediâ viâ flammam interrita permeavit, nihil celsos in tumulis rogos exhorrescens, rectâ ad eos pergebat; excitataque inferis paternâ umbrâ, post crebras adjurationes gladium tandem obtinuit. Quæ fuscâ historia Hervoriana, Upsalis impressa, memorat; valde quidem fabulosa, ut hæc ipsa, quæ describo, quæ tamen pluribus id genus exemplis se tuentur, forte pariter fictis; neque enim horum vadimonium in me recipio, tamen inter mali spiritus ludibria gentilismi tenebris mancipatis haut inolenia possint reputari, ideoque haut omnino intermittenda. Nacta gladium totius Norvegiæ possessioni illum præferebat; quod indicatur Norvegiam eam fuisse. Ad littus deinde progressa, primâ luce piratas discessisse animadvertit, territi enim tumultu, flammæque immanitate, trepidâ fuga sibi consulebant, itaque in Samo, donec trajiendi copia affluis, morabatur. Inde discedens non prius destitit, quam in extremum Iotunheimum in aulam Gudmundi Regis de Glæsisvallis perveniret. Is potens & sapiens in prædio vel pago consedit, nomine Grund/ provinciæ Glæsisvellir/ cuius indigenæ longinquitate vitæ mortales alios superabant; vixerant enim omnes per multas hominum ætates, invaluitque in paganismo opinio de situ agri Udaensis in regno ejus, loci, ubi ægrotus quilibet ilico sanitati restitueretur, senex repuerasceret, nemini que mori obtingeret. Ibi etiam sub Hervardi nomine latuit, admodum benignè excepta. Numeroso satellitio Gudmundus stipabatur, illo quidem tempore, ut credebatur, centesimo

tesimo ætatis anno completo, corpore viribus nihilominus integer & vetus.

Filius ei erat, Haufudus nomine, id temporis ætate maturâ, princeps sapiens, præfagus & prudens, à patre omnibus vicinis regionibus iudex constitutus; tantâ integritate, ut nunquam injustam sententiam pronuntiaret, nec quisquam ab ejus judicio provocare vel auderet, vel indigeret, gravioresque causæ omnes ejus cognitioni sifterentur.

Accidit fortè, cum Gudmundus Rex latrunculis luderet, ut prope ad incitas redigi videretur. Itaque quæsit, *an esset, qui consilium suppeditare, suosque latrones præsentis periculo eximere posset?* Accessit Hervardus, exiguoque tempore nutantem aciem restituit. Interea quidam gladium Ti-ringum contrectans nudavit, impensèque, ut nunquam sibi alium talem visum, laudavit: quò cognito, Hervardus eum, jam radii solaris instar corusco fulgore universum palatium illustrantem, protinus ei eripuit, unoque ictu caput ei præcidit; atque ita foras egressus est. Socii occisi Regem ad ultionem incitantes, comprehendi eum voluerunt; quibus subsistere jussis, haut decoram vindictam futuram respondit, quippe, ut sibi videretur, à sœminâ exigendam, eamque nec incruentam, istò præsertim gladiò armatâ. Inde Hervardus denuò intermissum piraticæ studium recolit; cujustandem pertæsus, ad Comitem Biartmarè, maternum avum, iterum rediit, muliebresque artes excoluit. Exinde venumtatis ejus raræque formæ fama latè pervolavit, quam filio suo Haufudo, uxorem sibi à patre deposcenti, Gudmundus, ut omnium, quas novit, nobilissimam, ornatisissimam, speciosissimamque commendavit, missisque eo nomine ad Comitem Biartmarem legatis, ipsâ non improbante, curæque avi se commendante, facillè eam impetravit.

CAP. XII.

DE HEIDRICO ET ANGANTYRE
HAUFUDI FILIIS.

Uo illis deinceps filii, maior Angantyr, minor Heidricus

uterque viribus, formâ, staturâque alios superabant, dociles præterea valdèque ingeniosi, ingeniis tamen differebant. Angantyr ad patris ingenium formatus, de omnibus bene mereri studebat, ideoque ei valde carus, omnibusque acceptus erat. Heidricus autem beneficia fratris maleficiis & injuriis in omnes promiscuè vel æquare vel superare contendit; apud primarium virum sapientiæ opinione clarum, nomine Giffurem, educatus matri quam patri longè carior. Forte Haufudus in Grunde magnificum convivium apparavit, quò procures omnes potioresque cives invitabantur, solo Giffure & Heidrico præteritis. Verum nihilominus Heidricus, cum convivæ primo vespere accessissent, sedesque quisque suas occupassent, præsens adfuit. Id quamvis pluribus molestum esset, Angantyr tamen eum ad se perbenignè invitavit, & apud se collocavit; quod licet is acceptaret, tristioris tamen eo vespere speciem præbuit: remanebat tamen diu postquam frater egressus esset, proximosque confessores in mutua jurgia concitavit. Ad eos sedandos Angantyr reversus, jurgiis destere

stere iussit, iterumque egressus est. Heidricus denuò injuriam exaggerans iterum eos inter se commisit, quoad alter alteri invicem nares pulsaret: rediit igitur Angantyr, inque sequentem diem inimicitiarum inducias indixit, exiitque iterum. Refricabat tum Heidricus sopitam litem, eumque, qui novissimè pulsabatur, ad vindictam adhortatus, eo insidioso sermone perduxit, ut socium occideret. Peractâ cæde Angantyr reversus violata convivii jura ægrè tulit. Posteriore die ad patris Haufudi notitiam rei gestæ ordo universus pervenit, adeoque eum commovit, ut protinus filium domo exedere, ne plurium malorum author fieret, imperaret, nec intercessionem precibusque matris fratrisque Angantyris, petentium ut in aulam receptum demulceret, eumque illa conditione procul dubio acquieturum dicitantium, mitiores aures adhiberet, quàm ut extra imperi sui fines proscriberet, eodemque momento domo pelleret. Ut verò inextrabilem Regem mater cognovit, orabat ut regulas quasdam vitæ ei præscriberet. Id precibus ejus se daturum pater affirmavit, licet pro certo sciret, nihil ei profuturas. Sunt autem hæ: *Domini sui interfectori nunquam auxiliator; sociique interfectorem in itineris societatem nec admittito; uxori, licet exposcenti, frequentem cognatos invivendi potestatem ne facias; pellici res secretiores ne revelato; nec in multam vespertam apud eam maneto; ad rem celeritatem exigentem expediendam, optimum eorum suorum non adhibito; Potentioris principis liberos ne educato, nec convivis ejus assuecito.* Singula prævaricaturum pater prædixit. Heidricus consilia hæc, utpote ab iniquo animo profecta, nec se ad obsequium obligare respondit; cum autem se ob levem causam proscripserit, par esse, ut ita illum laderet, ne ullam molestiam gravius ferre posset. His dictis, matre fratreque comitantibus, aulâ egressus est; tum mater ei maritupium auro plenum, gladiumque Tirsingum discedenti donabat (donum certè matre minus dignum, cum id, tum ei, tum pluribus aliis exitiale futurum nosceret) faustaque & felicia vovens, domum regressa est. Frater autem Angantyr extra civitatem, fraternâ caritate ductus, eum deduxit. Tum Heidricus; *hanc equidem, inquit, parentes pariter me sibi obstrictum habent: mater me Tirsingo, amplissimo regno chariore, thesauroque auri discedentem ornavit; pater in exilium egit; stringebatque his dictis gladium, qui totus, velut igneus, scintillante acie fulgebat: irâ deinde percitus, propè berserkorum rabiem erat; quòd autem soli tantum præstò essent, nec Tirsingus absque subsequatâ cæde educi posset, fratrem lethali ictu percussum occidit, abiitque.* Hic primus materni doni fructus fuit. Cognitâ Angantyris mortem, non pater solum, sed universa civitas, subito mæore percussâ, exequias ei celebravit. Successit furori patrati sceleris fera pœnitentia, nefandique facti rigidum examen; mox tristis sententia, tristiorque executio; nam per solitudines oberrans hominum commercia vitabat, vitamque miseram tolerabat: ut autem avorum splendidique generis recordatio animum subiiit, cupidine gloriæ (ut ipsi videbatur) eorum vel æquandæ, vel, si fieri posset, superandæ, famæque suæ ad seros usque posteros præclaris facinoribus extendendæ, accensus reputabat, frustra se eos æmulaturum, dum ferarum ritu, hominum societatis exfors, avios saltus sylvasque pererraret: iis itaque relictis, in publicam viam conversus, culta hominibus loca quærebat. Occurrebat fortè agmen hominum facinorosum, quendam catenis vinculum secum ducentium, cognoscitque dominum suum occidisse: memor ergò promissi de paternis præceptis violandis, libertatem ejus se librâ auri licitatus redimit; quo operam suam offerente, respondit: *non facili-*

cilius sibi ignoto fidem præstari, quam domino de se benemerito. Liberum itaque abire iussit. Inde longius progressus, ut ad cultiora pervenit, piratas non longè abesse percepit, quorum collegio inferi posset; ad eos itaque se confert. Verum in via fertur incidisse in alium ejusdem fursuris hominem, vinculis similiter oneratum, dum ad supplicium duceretur, quem, ut socium occidisse percepit, pariter ut priorem selibra auri redemit; ejus tamen operam, quantumvis enixè oblatam, aspernatus est, rectaque ad piratas contendit, brevique rector navigii, deinde totius classis dux constituitur, cursu victoriarum, prædarum cumulo, perpetuæque felicitate latè postea celebris.

CAP. XIII.

DE HEIDRICI EXPEDITIONE IN REIDGOTIAM, VICTORIAQUE DE COMITIBUS, QUI REGEM HARALDUM AD VECTIGALIA SIBI TRIBUENDA COMPULERUNT.



Vadam æstate Reidgotiæ advectus, a Rege ditionis istius, nomine Haraldo, ad convivium invitatur, propositâ conditione tutæ & securæ mansionis, quoad libuerit. Eò igitur cum universis copiis concessit, & aliquantisper morabatur. Interea quidem thesaurum afferentes Regi advenerunt. Heidricus an tributa hæc essent Regi quot annis pendenda? cum quævisset, cognoscit, tributa quidem esse, verum Comitibus duobus a Rege pendenda, sæderum iniquè expressorum injuriâ extorta, cum ditione Regis vastatâ ipsi superiores victoriam reportarent. Indignum ergo prædicabat, tantum Regem Comitibus vectigalem fieri: vim longè honestius opponi. Id autem aliquoties se expertum Rex affirmabat, nunquam tamen absque damno & magna jactura. *Hac tamen occasione, respondit Heidricus, posse erogata in se beneficia recompensari, modò se ducem expeditionis adversus Comites constituere velit: majores suos rem parvi momenti existimasse, manus cum talibus conferere, neque se, modò copias sibi committeret, id extimescere.* Rex periclitaturum se affirmavit, eventum tamen ipsius fortunam vel infortunium secutura. Mox, conscripto exercitu ingenti, Heidricum ducem proclamavit; exinde in Comites procinctum movet, latrociniiisque & incendiis populabundus ditionem eorum peragrat: neque hominibus, neque pecori aut ulli animanti parsum. Comites audaciâ Regi infvetâ instimulati exercitum adversus eum educunt. Fit ingens prælium, Heidrico ante signa Tirsingum rotante. verum non erat lorica aut cassis; quæ ictum illius moraretur: itaque proximi quique corruunt, viæque per medium hostium aciem factâ ad signa usque penetrat, nec sibi impetus poterat, quin occiso utroque Comite, cum majore exercitus parte, reliquos in fugam verteret. Exinde, peragratâ eorum provinciâ, omnes & singulos Heidricus ad obsequium Regis revocavit; indeq; triumphans reversus magnifico convivio cum copiis suis excipitur, invitaturque ad societatem regni, quod dimidium dotis nomine cum filia Regis Helga obtinuit. Regioque titulo pari cum socero splendore ornatus, sapientiæ & prudentiæ famam & opinionem ingentem sibi comparavit.

CAP. XIV.

DE ASTU HEIDRICI SOCERUM FILIUM-
QVE EJUS AD DEOS PROPITIANDOS
IMMOLANTIS.

Xinde dira fames annonæque caritas universam Reidgotiam adeo afflixit, ut ad excidium universorumque interitum spectare videretur. Indicta igitur universalia comitia, quibus sacrificia procurata, adhibitis insuper sortium conjectoribus; consulti & magi ac harioli. Responsum: *nobilissimo toto regno puerò Diis faciendum*. Progenuerat Haraldus in senectute puerum, nomine Halfdanum; Heidricus etiam ex uxore suâ alium, Angantyrus nomen referentem: ambo in tenellâ ætate magnam de se spem parentibus & civibus pollicebantur. Orta est inter parentes ab hoc responso, tanquam discordiæ malo emissio, magna de nobilitate contentio, non quidem ea, quâ alter alteri præferri vellet, sed postponi; id enim filii vitæ periculo eximendis conducebat. Haraldus Heidrici filium suo nobiliorem dictabat: id autem Heidricus negabat, primatumque generis filio Regis Haraldi deferebat; neque erat, qui hanc controversiam decidere vel posset, vel auderet, priusquam universis civibus, adeoque omnibus regni ordinibus, publicè proponeretur. Ibi lis ad Haufudum Heidrici patrem, utpote Regem sapientissimum, judicem incorruptissimum integerrimumque, dijudicanda mittitur; mittuntur & legati, legationis principe ipso Heidrico. Eò cum comitatu advectus benignè excipitur, propositoque legationis scopo, pater filium ejus nobiliorem pronunciat, atque idcirco immolandum. *Feralem*, respondit. Heidricus, *sententiam in filium meum tulisti: quid autem in restitutionem damni mihi reservas?* Haufudus: *dimidiam*, inquit, *populi in foro congregati, satellitiisque regii, partem priusquam filium ad sacrificium depromis, deponito; voti compos, ipse tibi provideto*. Hoc responso dimissus in regnum rediit, populoque conventu indicto, ipse sententiam parentis, Haraldo Rege & utroque puero præsentibus, publicè promulgat, suumque filium toto regno nobilissimum judicatum affirmat. Fremitus hinc populi filium ejus ad sacrificium deponentis exortus est. Tum Heidricus: *futurum prævideo, me, qui in hac terra peregrinus sum, si pro pace publicâ redimendâ filium maciandum præbuero, Haraldi filio, eoque regni herede, superstite, orbatum prius filio, regno deinde post soceri mortem etiam exuendum, populumque se obsequio meo intra paucos annos subducurum*. Tum Haraldus magnâ cum procerum parte hoc beneficio regnum eum redempturum pollicetur. Ad hæc Heidricus poposcit dimidiam præsentis comitatûs, populi que in foro congregati, partem sibi tradi, juramentoque fidem tam Regis, quàm magnatum, sibi obligari. His obtentis, omnes, qui in foro erant, bifariam dividuntur: pars altera apud Haraldum remanet, altera Heidrico traditur: ab eâ igitur juramentum ad hoc exigit, ut tam intra, quàm extra patriam imperata faciant, nullo discrimine eorum, cum quibus res esset. Id autem cum denegare non possent, singuli in verba ejus jurant. Hac multitudinis accessione, ad copias eas, quas secum habuerat, cum viribus jam longe præpolleret, classicum cani signaque erigi jubet; totoque cum exercitu locerum invadit, imparatumque & debiliorem faciliè vincit, propriâque manu

nu occidit; quo casu, reliquos omnes deditione accipit, solusque regni totius Rex constituitur. Mox altaria socii filiique ejus Haldani sanguine tingit, Odinoque eos, cum omni manu, quæ prælio occubuerat, donabat: filioque hac strage redempto numina propitiavit. Regina autem Helga Haraldi filia maioris magnitudine succumbens, in valle Disardalo, (Regium exemplar habet Disarfalo, quod & videtur rectius, palatio nimirum Deabus dicato,) se ipsam suspendio necabat.

CAP. XV.

DE UXORE HEIDRICI, CONCUBINIS,
ET LATROCINIIS.

Xinde Heidricus potentia auctus, famam latius extendit, quam expeditionum per Saxoniam frequentia in dies celebriorem reddidit, quousque Rex Saxoniae, Hachius nomine, belli pertæsus eum per legatos ad convivium invitavit, pacemque cum eo fecit; datâ ei in matrimonium filia Olufa, specie decora virgine. Ipse domum dote magna donisque auctus repetens, deinde regnum celebribus expeditionibus victoriisque, sequentium perpetuis instrumentis, undique amplificavit. Verum paterni præcepti oblitus, uxori patrem propinquosque invisendi copiam sæpius petenti indulgit. Quadam autem ætate privignum suum Angantylum secum duxit; ubi dum diutius moraretur, Heidricus classe armatâ diversas maritimas oras infestabat, Saxoniaeque advectus, nullo nuncio prævio, navem non procul a Regia in occulto quodam sinu abscondit, ipse adulto vespere, assumptâ veste peregrinâ, ne nosceretur, uno tantum comite, ædes, ubi uxor divertebat, intravit, nemine quidem advertente; quam thalamo dormientem, amplexuque virum quendam rutilâ cæsarie foventem apprehendit; incitatusque a comite ad vindictam, quam minore injuriâ provocatus accelerare consueverit, continuit se, nihil præcipitandum ratus, villo tantum de capillis adulteri dissecto, filium Angantylum non procul jacentem amovit, adque naves secum confestim deduxit. Postero die classem Regiæ admovit, magno populi concursu, Regisque & procerum gratulatione exceptus ad convivium deducitur. Ibi uxore multis lamentis referente, filium Angantylum repentinâ morte sublatum, sepulchrum ejus sibi monstrari jubet, quâ specie pietatis nequicquam repugnante, ne visum quoque funus luctum aggravaret, in publico populi confluxu aperitur tumulus, cadaverque multo panno involutum educitur; nudatum canis apparet. Quo viso; *mirâ hic*, ait Heidricus, *transformatio, filio meo in canem converso*, Angantylumque producit, uxori que simul crimen adulterii intentat, eamque in amplexibus adulteri a se deprehensam exponit, omnesque mares, qui in urbe erant, advocari jubet; singulis lustratis, eum, qui aureis superciliis fulgeret, desiderabat; qui quæsitus inque culinâ inventus cucullatus, productusque, jubente Rege, tegmine capitis nudatur. Ecce virum, ait Rex, *Regine delicias, quem mihi præferre non dubitat*, villoque cum cæteris capillis collato, criminis convincitur, patrique pacem, ut ante convenerat, ratam fore pollicitus, repudiatam filiam reddidit, atque ita cum filio domum redit. Hunalandiam deinde seu Hunniam in transcursu piratica ingressus oram maritimam improvisus popu-

populatur, Regemque, nomine Humlium, deserta Regia, subita fuga ad interiora regionis loca compellit: magnâ deinde prædâ, & inter alia filiâ ejus, nomine Svafa, potitus est, eamque per ætatem in pellicem delectam; autumno proximo ad patrem remisit gravidam. Ex hoc congressu filius, nomine Hlaudus, natus est, magnæ spei puer, apud avum paternum educatus. Deinde in pacata terra, ævilonem spectante, aliam feminam, nomine Siskam, inter latrocinandum adeptus, mira specie, & ut visum est, incomparabili, pellicem quoque delegit, monitus ne quicquam secretiorum ejus fidei committeret. *Exemplar Regium MS. pergamenum* hanc Siskam Humlii Regis filiam fuisse tradit, primò quidem ad patrem remissam, deinde ad Heidricum reversam, Hlaudumque hac natum; Svafam autem penitus reticet.

CAP. XVI.

DE GESTIS HEIDRICI IN RUSSIA NOVOQUE CONJUGIO.



Isto tempore Gardarichiam seu Russiam, vel partem saltem Russiæ, Rex Hrollaugus imperio tenuit, Regum sui sæculi amplitudine imperii opumque copiâ potentissimus: uxor ei Hælborg, sui sexûs formosissima, vulgoque acceptissima. Duo illis liberi, filius Herlaugus, filia Hærgerdis, proles utraque speciosa. Ad eum Heidricus legatione directâ, educationem filii ejus postulat; eo tantum fine, ut omnia consilia patris eluderet. Is autem dubitabat isti viro filii curam committere, qui multorum scelerum compertus esset, amicosque, autores fortunæ imperiique, perfidè subvertisset. Verum Regina amplitudinem ejus felicitatemque, facinora quoque præclara, eaque permulta, magis consideranda regeffit; neque eum irritandum, qui bellum inferre posset, tunc præsertim, cum amicitia scedera sponte offerat. Rex: arbitrio ejus hæc se permissurum, bene si eventus felici, gratiam insuper promerituram, secus si penituerit. Atque ita eâ annitente filius legatis Heidrico deferendus traditur, magnoque cum honore apud eum quàm curatissimè educatur, prolixo Regis Siskæque affectu cultus. In orientali expeditione occupatus Heidricus, magnâ classe exercituque regni Hrollaugini oris allabitur, pacatèque in amicâ terrâ procedit: quò cognitò, à Rege honorificâ legatione ad convivium invitatur. Qui amicis de tantâ re consultis, pluribus licet dissuadentibus, consilii præsertim paterni respectu, certus transgrediendi nihilominus accessit. Exercitu deinde trifariam diviso, unâ parte ad naves relicta, altero triente comitatu delecto, tertio infra sylvas condito, ad speculandum per noctes, si forte auxilio indigeret, Siskam & Herlaugum Regis filium secum duxit. Convivarum illic frequentia: convivii apparatus pariter insignis. Mane cujusdam diei in sylvas venatum profecti, sub prandium in urbem cum rediissent, nec filius Regis, Heidrico licet anxie quæsitus, usquam compareret, ludis cum nobilibus pueris occupatum pater existimabat. Verum Heidricus animi anxius, tristisque tota die, donec cubitum Siskâ comitatus petivit, curam ei tam insolitæ sollicitudinis iniecit; morbone, an alia quacunque re infestaretur. Is autem negabat, se ei tantam rem aperire posse, periculo vitæ suæ, si emanet. Quo magis incitata ei

ei blandiri cœpit, secreta mentis tali lenocinio expiscatura. Victum itaq; se precibus ejus simulans, negabat ultra eam celare posse. Simul omnes in sylvam venatum processisse, mox distractos sparsosque, tandemque solum unâ cum alumno relictum in aprum incidisse, interque ferendum, objecto callo, ictum bastili contra eludentem Tirfingo educto occidisse; se vero deinde circumspicientem, cum nullum reperisset, quod gladius nisi calido humano sanguine placari sistique nequiret, alumni cum cruore propitiâsse retulit, certam sibi mortem & inevitabilem imminere, si hæc ad notitiam Regis perveniant. His auditis Sifka valde lacrymabat. Postero die, dum alii potarent, Sifka multo fletu genas rigabat. Reginâ causam quærentem, negat dici posse; blandis ergo verbis exorata, omnia, quæ Heidricus ei concedidit, aperuit. Quibus illa auditis, velamento capiti inducto, effusè lacrymans palatio exiit. Rex subitò ejus egressu mæstitiâque observatâ, ilicò subsequēbatur, congaitsque quæ Sifka aperuit, arcessito aulæ magistro ad arma omnes excire jubet, inque horto eum opperiri. His egressis, Heidricus colloquium Sifkæ cum Reginâ suspectans, revelata secreta conjecit, suosque submissâ voce monet, ut arma loricasque induti aulâ exeant. Quibus egredientibus, Hrollaugus superveniens Heidricum ad secretum colloquium in hortum fœvocatum capit, manibusque post tergum religatis, compedibus stringit. Duo erant viri in vinciendo eo acerrimi, quorum utrumque novit; erant enim ii, quos vinculis morteque lytrò solutò exemit, ut supra memoratum est. Jamque in sylvam ad publicum supplicii locum patibulo suffigendus ducitur, cum satellites ejus urbe egressi, signò tubâ datò, eos, qui in sylvâ succenturiati latebant, ilicò exciverunt, junctique erectis signis infestisque gladiis in hostes, edito ingenti clamore, irrunt. Id videntes Russi, in fugam versi, Heidricum dimittunt. Gaudi autem, Rege suo vinculis exempto, ingentem insuper stragem dederunt. Hrollaugum etiam in sylvam effusè cum suis fugientem compulerunt. Heidricus autem vinculis liberatus, partâ magnâ præda ad naves rediit, ducto secum Herlaugo alumno suo, quem clanculum ad suos in sylvâ abditos antea amandârat, mox oram maritimam Russiæ latrocinii vastat. Igitur Hrollaugus consilio habito exquirat, an cum eo congregiendum sit? jam enim constare sibi filium suum vivere, quem is in potestate habeat, cui religio non sit, vitam ei eripere, cum fratrem germanum innocentem prius occiderit. Regina conditiones pacis ei offerendas svasit, partemque regni, quantam expeteret. Probato consilio legati ad Heidricum mittuntur; locus diesque conventui indicitur; paxque; iis conditionibus coaluit: Heidrico Vindlandiæ dotis nomine, cum ingenti auri thesauro, pretiosâque suppellectile, Hergerdisque Regis filia uxor datur; cum quâ nuptias, dum domum rediret, celebravit. Ex eâ nata est filia, de matris nomine Hervor dicta, cum adoleceret formâ pulcherrima apud conspicuæ famæ virum, nomine Ormum, enutrita; ut autem adolevit, hastas sagittasque jaculari, armaque tractare, cœpit; fuit enim staturâ viribusque par masculis. Exemplar Regium hæc paullo aliter recenset; neque enim in vincula conjectum, sed conjiciendum, Heidricum; nec vi suorum, sed reducto exhibitoque puero Herlaugo, fremente nutritio, vim immerito fieri, exemptum, nec Russiam ab eo in ultionem infestatam, sed instigante Reginâ, ignominiam honore compensatam; primò oblatione ingentis auri copiæ, sed ab eo, dictitante, auro non egere, repudiatâ; denique partis regni, possessionumque immensarum, pariter magno animo neglectarum; ultimo conjugii filiæ, id quod sibi amplum honorificumque duxerit. Filiam etiam Hervorem Ruthena conjugem natam in Anglia in nutritatu Comit

nitis Frodmæ educatam, amazonumque studiis deditam perhibet. Sifkam autem domum remissam ab Heidrico eqvorum generosissimo impostam, eoqve veloci cursu defatigato, tandem etiam rupto fluvio absorptam necatamqve. Quæ singula Vereliana editio omisit.

CAP. XVII.

DE HEIDRICI SAPIENTIA ET GESTI
BLINDI ANIGMATIBUS.

Secundum hæc Heidricus, famâ rerum gestarum sapientiæqve & potentiæ præclarus, ab armis ad pacis studia animum convertit, moribusqve & legibus regnum suum secundum sapientissimorum Regum instituta formavit. Freyam præ omnibus aliis Diis coluit, eiqve sacrificabat. Mos invaluit, ut verres omnium maximus aleretur, Freyæqve pro annonæ felicitate initio mensis Februarii offeretur; tunc enim sacrificia pro fertilitate perpetrabantur. Illum apud Rex tam sacrum pronunciavit, ut illo immolato de intricatissimis controversiis justa sententia ferri possit: vespere Jolenfi ad Regem introduci consuevit, superqve sætas ejus manibus impositis vota concipiebantur. Heidricus vovit, neminem se tam graviter offensurum, quin ad iudicium consiliariorum suorum, quos numero duodecim circa se habebat, omnibus gravioribus controversiis dijudicandis, provocare posset; quod si etiam ænigma tam intricatum proponeret, cui diluendo Rex impar esset, consimiliter veniam impetraturum. Verum nemo tam sapiens ad id usque tempus eum accesserat, cujus obscuriores quæstiones resolvere nequivisset. Fuit quidam Gothiæ civis, nomine Gestus Blindi/ seu Cacus, summus Regis inimicus, de quo pœnam scelerum suorum se sumpturum sapius Rex minatus est. Eum Rex præfinito die ad se evocatum comparere iussit, cæteroquin vi ad se ducendum. Utraq; conditio periculosa visa est; colloquiū namq; cum Rege discrimine plenū; iudicium sapientū suspectum, præviis præsertim tantis tam gravibus offensis; vi autem per apparitores domo deduci rebus suis & ministeriis damnosum. Odinum igitur sacrificiis placatum in subsidium vocat. Vespere quodam, cum fores pulsarentur, Gestus egressus, ignotum hominem præ foribus vidit, nomenqve ejus quærit. Is Gestum se nuncupari affirmavit, vestesqve cum eo commutare velle, id quod impetravit, Gestusqve prædii dominus, hospitis eqvo ascenso, aliò in provinciam concessit, ibique se abscondit. Peregrinus autem domum ingressus ab omnibus Gestus Blindi agnoscitur; altero die ad Regem proficiscitur, decenterqve eum salutavit; quo conticente, ad dissidia componenda eò accessisse retulit. Interrogatus, an iudicio sapientum se submittere vellet? Pluresne viæ suppeterent? quæsit; Rex, si insolubilia ænigmata proponeret, eam esse alteram consequenda impunitatis viam indicat. Ille imperitiæ excusatione usus, de asperitate conditionum querebatur; sed Rege iudicio experiundi facultatem superesse affirmante, ænigmatibus experiri elegit; Illud vero æqvum & justum Rex pronunciavit. Octo igitur supra viginti spinosas quæstiones Regi diluendas proposuit: quæ ordine Historiæ Hervorianæ expositæ & explicatæ continentur, quò lectorem remitto. Exemplar Regium triginta adducit, quarum ultima inexplicabilis erat: Quid nimirum Odinus Baklo demortuo

in aurem, antequam rogo imponeretur, insusurraverit? Illud tu solus. respon-
dit Rex, *informe monstrum, nōsti*; eductoque Tirsingo icturus, Odini. su-
bito in accipitrem conversi avolantisque, caudæ plumas abscedit: id quod
poëtis postea fabulandi ansam præbuit, quæ brevitatem caudæ ejus ex hac
causâ natam fingunt. A cauda accipitris, continuato ictu, gladius in sa-
tellitum unum illapsus vitam ei eripuit: Tum Odinus Heidricum incu-
fans; *male fecisti Rex, quod me sine causâ impetivisti; abjectissimorum itaque*
servorum manibus occumbes. Hæc maximam partem interpretationem Cla-
rissi Verelii secutus, verbis strictè pressis, sed rudi Minerva, exposui.

CAP. XIX.

DE CÆDE HEIDRICI ET EJUS
VINDICTA.

Ovem erant viri, nobili è Scotia profapia,
qui captivitatis calamitate in potestatem Heidrici sta-
tumque servilem devenerunt. Hi conditionis abje-
ctæ jugique durioris insveti impatientesque, in om-
nem occasionem intenti, quovis modo se inde ex-
pedire conabantur; affulsit tandem, cum paucis co-
mitatus in lecto, sub montibus Handasiollis strato,
dormiret; tunc enim, sumptis armis, ad tentorium Regis cum accessissent,
excubitores primò, mox interiora irrumpentes, dormientem Regem,
cum omnibus comitibus obruncarunt, prædâque universâ ablatâ, etiam
gladio Tirsingo, abcesserunt. Conspiratio cædesque & fuga tam occultè
processit, ut nulli constaret, quinam essent Regiæ cædis authores. Mox

Angantyr

filius ejus, conventu universali indicto, frequentibus comitiis, omnium
Ordinum suffragiis patri in regnum omnesque subiectas provincias surro-
gatur. Ibi votum fecit de non ascendendo patris inulti solio. Nec lon-
go post tempore solus ad inquirendos sceleris tanti authores peregrè pro-
fectus, diversa loca permenus est; quodam vespere marginem delabentis
fluvii Gripi (Exemplar Regium Grafa habet) secutus, animadvertit pisca-
tores non procul litore, aperto tamen mari, hamo pisces extrahentes,
quorum unus capto lupo, inclamabat locium, ut cultrum ad escam piscium
secundam sibi traderet; quo negante in præsens carere posse; is, qui in pup-
pi sedebat, jussit ut gladium acciperet, qui ad caput lecti impositus esset,
quo arrepto evaginatoque, caput pisci præcidit, carmenque hoc sensu mo-
dulatus est. *Lupus ad ostium Gripi pœnam dedit Heidrici ad montes Han-*
denses occisi. (Exemplar Regium ad ostium Grafa, proque Handensibus
montibus Hervados reponit.) Confestim Angantyr, Tirsingo agnito,
solus in sylvam se abdidit, ibique in mediam noctem morabatur, donec
tabernam subeuntibus, sopitisque de improvviso superveniens, ipsâ dejectâ,
omnes occidit, gladiumque Tirsingum recepit, qui reductus vindi-
catæ cædis paternæ testimonium præbuit. Domum dein-
de redux regnare cepit.

CAP. XIX.

DE JUSTIS HEIDRICO PERSONIS,
ET HLAUDI POSTULATIS.

Is peractis magnò apparatu Angantyr iusta patri in præfectura seu provincia Arheimò dicta, prædio Dapstado, Danparstado, vel Damparstado celebraturus, universos totius regni proceres invitat, magnaque cum frequentia eò proficiscitur. Ut autem Hlaudus obitum patris cognovit, ipse quoque magnò comitatu ab austro illuc pervenit, fratremque per domesticum quendam nuncium ad se, ad fores operientem, accersivit. Qui, cognito fratris adventu, assumpta lorica cassideque, gladium Tirsingum manu tenens, convivis omnibus comitatus exivit, fratremque ad celebranda secum patri iusta invitavit. Is autem regni bonorumque omnium æqualem possessionem postulabat. Id autem Angantyre abnuente, partem tamen magnam conditionesque haut contemnendas offerente, Gissur, cognomento Gritungalid, jam senex, Heidrici communis patris nutricius tum apud Angantirem prælens, indignatus nimium oblatum, convitiis Hlaudum aspersit, servà natum spuriumque, quantumvis Rege satum, appellando. Id, ut par erat, indignatus Hlaudus ad avum Humlium rediit, fratremque dimidiam bonorum partem obtulisse retulit. Verum ut avus spurium eum appellatum intellexit, hyemem in exercendis militibus infumendam respondit. Hlaudum cum armis equoque natum, Regium Exemplar veteres dixisse tradit, nam quodcumque infantibus nobilibus in lucem editis, sive pecorum nasceretur, sive armorum fabricaretur, iis ascribi solitum interpretatur. Addit etiam vetustissimum versum de illis Regibus, qui Angantyrì coævi fuerunt; cuius verba hæc sunt:

*Ærâ quâ Humlius Hunnis præfuit, Gissur Gantos, Gothos
Angantyr,
Valdar Danos, Valos Kiar, Alrecus Vegetus Anglos
rexit.*

Quinam ille Alrecus inter Angliæ Reges Anglo-Saxonum tempore fuerit, planè nescio; ni forte inter Angliæ Germanicæ Reges, nobis ignotos, reputandus erit; istam enim Angliam Sheringhamus Lib. de Anglorum gentis origine Cap. III. pag. 30. latissime extendit. Kiar à Nore sextus est, Audiique, qui Vallandiam seu Galliæ quendam partem, aut etiam Vestfalliam, imperio suo subjecit, pronepos, cujus filia Aulrun tempore Nidudis, Nericiæ Regis, & Volundi seu Dædali vixisse, Eddâ Sæmundi teste, perhibetur. Nihil tamen obstat, quominus plures id nomen sortiti sint, isque, de quo hic est sermo, hæc sibi tempora deposcat. Discrimen inter Gantos & Gothos hic etiam evidens apparet, appositeque Rudbeckius Gutos Scriptoribus externis Gothiæ Svecicæ incolas dictos affirmat; Gothos autem omnes ditioni Odini subiectos primitus dictos constat; postea Danos in Reidgothos & Eygothos divisos.

CAP. XX.

DE BELLO INTER ANGANTY-
REM ET HLAUDUM.

Roximo vere tantus exercitus conscriptus est, ut Hunnia passim hominibus vacua desolataque appareret. Ab anno duodecimo usque extremam ætatem armis habilem singuli & universi ad militiam evocati sunt, etiam eorum ad annum vicefimum delectus habitus; debilior visus rejectus est. Numerus tantus militantium fuisse perhibetur, ut non singulorum, sed legionum, ratio difficile iniri possit. Legiones autem (secundum accuratissimi Verelii restitutionem) mille fuerant, constabatque millenarius quilibet duodecim centuriis, singulisque millibus tribunus præfectus est, vexillumque prælatum; qui numerus 1200000 milites constituit; quibus accedebant legiones triginta tres, quarum quolibet quinquæ millia conficiebat, millia autem singula trecentas centurias, & centuria quælibet octo vicenarios, id est centum sexaginta, qui numerus, calculo Verelii ad 326700 assurgit, universusque Hunnorum exercitus ex 1526700 unitatibus conflatus est. Tantæ copię trans sylvam Einercundam ductam, quæ Hunniam à Gothia dirimit, ductæ in planos deinde ampos, habitationibus variis conspersos, perveniebant. Eminebat ibi urbsingens & splendida, cui Hervor Regis Angantyrus soror, magnis cum præfidiariis copiis, unâ cum nutricio suo Ormo ad Hunnorum impressionem reprimendam, limitumque custodiam præfecta est. Hæc manè quodam sub ortum Solis è castello supra portam urbis, pulverem è sylva coortum, Solem interdum conspectui intercipientem, mox etiam fulgorem, lumine reperlusso, late sparsum cum animadverteret, galeas clypeosque inauratos, loricasque Hunnorum radiis solaribus illustratos, adventum eorum subitum indicantes conjecerat: exsilens itaque, per tibicinem exercitu convocato, omnes arma capere jubet; Ormum autem ad eos mittit, qui ad australem portam se cum eis congressuram denunciaret; id quod is alacriter executus, exercitui obequivitans, clarâ voce ad portam australem urbis eos procinctum movere, belloque se accingere iussit: qui prior paratus esset, posteriorem præstolaturum. Ad reditum ejus Hervor jam parata, copias omnes, illo comite, in occursum Hunnorum eduxit, præliumque magnis animis utrinque gestum est; cum tamen Hunnorum copiis, numero longè præstantibus, resisti nequiret, acies Hervoris post acre certamen inclinare cepit, tandemque ipsa cum magna phalange intrepidi animi virgo, inter confertos exanimis in terram corruit; quo viso Ormus cum iis, qui debiliores erant, in fugam conversus, dies noctesque celeri cursu ad Angantirem Regem in Arheimos, tristis cladis sororisque cædis nuncius, properavit. Hunni autem populabundi cædibus & incendiis agrum vicinum vastabant. Ut vero Angantyr cædem sororis clademque illatam audivit, contristatus valde ob cognationis iura in sorore violata, exercitu lustrato, copias quàm convivas rariores questus, ecquis fecialem se Regi Hlaudo offerre auderet, exquisivit. Illud autem munus Gissur in se recepturum fortiter obivit. Heidrico imperante obtinuit, ut hostilis exercitus prædis abstineret, cum ditionis invasæ Rex diem locumque pugna præscripsisset; eum autem deligere ejus juris erat. Itaque Gissur fecialem ad hostes amandatum,

mandat, locumque prælio in *Dunhetdi* (*tesquis Dumenfibus*) ad Dylgiam in Jaffareis montibus deligit. Is haut propius ad copias hostiles accessit, quam vox ejus percipi possit, maleque illis ominatus, mortem nempe principibus, exercituique interneccionem, locum designatum prælio publicavit. Hlaudus eum comprehendi cum mandâisset, Humlius juris gentium memor obstitit. Gissur autem corneos Hunnorum arcus minasve minus formidabiles respondit: subditisque eqvo calcaribus ad Regem suum rediit, interrogantique de copiarum hostilium multitudine; ingentem quidem numerum respondit, longe tamen minorem edidit, quam ante traditus est. Verum locus ex exemplari Regio restitui nequit, cum mutilum sit, hæcque inibi omnia desiderentur. Tum primum Angantyr omnes prælio aptos, suaque auspicia sequi volentes, id quod de sociis & fæderatis intelligendum videtur, ad arma convocavit, coactoque ingenti exercitu, Hunnorum tamen ex semisse minore, in Dunheidem progressus, fortiter cum hoste signis collatis dimicavit, multaque strage, cæсорumque, supra quam computari possit, numero, ducibus utrinque salvis, per continuos octo dies prælium extraxit. Interea ad Angantyrem ingens copiarum undique noctu dieque confluentium accessio fiebat, tanto numero, ut haut minor post tantam cladem exercitus esset, quam ab initio fuerat: itaque quasi de integro bellum renovatum est. Nec Hunni hostium accessione animos dejecerunt, unicam salutis spem in victoriâ, non autem Gothorum clementia, reputantes; Gothos patria, libertas, uxores, liberi, & quicquid carum acceptumque esset, ad defensionem stimulabat. Itaque se mutuò cohortantes, tanto impetu invecti sunt, ut hostium aciem impellerent. Quo cognitò Angantyr, ex præsidio, quo corpus suum in fronte aciei vallavit, prodiens, ante aciem processit, Tirsingumque vibrans, homines & eqvos pariter conscidit: præfidiariâ Regum cohorte dissipatâ, ipse cum fratre Hlaudo mutuis ictibus congressus est, fusoque eo Humlioque Hunni in fugam versi sunt. Instabant Gothi fugientibus, tantamque stragem dederunt, ut author hyperbolica locutione flumina obstructa, inque novos alveos derivata, vallesque hominum eqvorumque corporibus repletas, ad magnitudinem ejus exprimendam memoret. Angantyr post partam victoriam, cum corpus fratris inter cæсорum cadavera invenisset, amentiam ejus pervicaciamque carmine accusans, quod sine necessitate bellum occipisset, conditionesque aquas repulisset, suamque etiam fortunam execratus, quod se in illius viscera armâisset, parricidioque ad seram posteritatem infamem reddidisset, se tamen eo, quod ineluctabilis fati necessitati, in cætera omnia, subjectum agnosceret, excusabat.

CAP: XXI DE SITU HUNNIÆ.



Locus exigit, ut quò situ Hunnia, quò locus memorabilis adeò pugnæ, tam profundum humanorum cadaverum baratrum, quærendum sit, dispiciamus.

Hunniam Reidgothiæ confinem autoritate Scriptoris historiæ illius antiquissimæ, in qua jam verlamur, accepimus; Reidgothiam autem Jutiam antiquitus dictam fuisse in *Serie Regum Dania Lib: II. Cap: I.* fusè monstravimus

mus: quo concessio, Hunniæ hujus, de qua nobis sermo, situs faciliè eruitur. Is quidem apud scriptores diversus. In Palatinatu inferiori, inter Rhenum, Mosellam, & Naham *Irenicus* eam collocat *Lib. I. Cap. XXXV.* probatque autoritate Hieronymi, primò inter Tanaim & Massagetas habitasse. Postquam vero satis in Romano imperio debacchati fuerant, primò ad Germaniam confedisse, in loco hodie *Hunnorum Receptu* dicto, Germanicè *Hundruch*; quos rigore sermonis Germanos esse *Irenicus* affirmat. *Socrates Historia Ecclesiastica Lib. VII. Cap. XXX.* *Hunnorum gentem Burgundionibus imminere, eorumque fines instare*, perhibet. Verum cum hæc territoria mediterranea sint, vix nostram Hunniam illustrant, cujus litora portuosa *Sigurdi Fafnericidæ* vita monstrat.


Scanzia Hunniam comprehendi tradit Author quidam *Lib. qui inscribitur Gesta Normannorum in Francia, ab anno Christi DCCCXXXVIII, usque ad annum DCCCXCVIII*, qui sub initium Gothos, Hunnos item & Dacos (Danos intelligit) inibi habitare memorat. Cui *Scriptor Vitæ Ketilis Hengii* suffragatur, qui *Gestriciam* Hunniæ partem facit: *Verelius* autem *Smalandiæ* confinem in *notis ad Cap. X. Hist. Hervoriana.* Sedes autem eorum primaria Sarmatia, ultra *Mæotidem* paludem, *Paulo Diacono* & *Jornandi* memoratur. Alii in Hungaria eos, alii in Russia collocant. Nec diffiteor, diversis temporibus diversas sedes obtinuisse. Noster autem scriptor *Jutia* conterminam tradit, (per *Jutiam* enim *Reidgoriam* notari videor evicisse) id quod *author Historiæ Dieterici de Berna*, velut loci hujus interpres, perspicuis verbis testatur, dum *Attilam*, Regem *Osantricem* fugientem, pervenisse tradit ad saltum, qui est inter *Daniam* & *Hunalandiam*; profecto hanc eandem sylvam intelligit, quam hic noster *Einerkunda* appellat, provinciam etiam *Daniæ Reidgothiam*, ut partem integri nomine complexus. Idem Author *Hunnalandiæ* provinciam *Svasam* memorat: *Svavestadia* ad occidentalem *Eidoræ* ripam idem nomen in *Holsatia* etiamnum retinet. Navigatio præterea *Sigurdi Fafnericidæ* à provincia *Jutiæ Thioda* (hodie *Ty*) secundum vetustissimum *Eddæ Exemplar*, per oras *Cimbriæ*, *Holsatiæ*, & *Frisiæ*, austrum primò, deinde occidentem versus (non, ut corruptè *Codex Flat. in vita Olafi Tryggvini* habet, orientem versus) directâ, ad persequendos hostes, qui regnum ejus *Hunalandiam* & *Franciam*, occiso patre, occuparunt, verum *Hunniæ* situm ostendit. *Frisiæ* autem nomine quinquaginta miliarium spatium, quod inter *Hollandiam* & *Daniam* intercedit, venire, testatur *Ubbo Emmius*. Exiguam ergò *Frisiæ* partem emensus est, cum ad *Hunalandiam* pervenisset; ulterius autem in *Franciam*, quæ, teste *Chuverio*, *Rheno* flumine terminabatur, situque suo amplissimum spatium inde ad *Albim* usque occupavit, navigasse videtur. Nam & iidem hostes, qui *Hunniam* patri ejus, iidem simul *Franciam* unâ cum vita eripuerunt; ideoque in *Franciam*, ubi fortè habitârunt, persequendi. *Volfungus* enim & ejus successores ubique *Franciæ* Reges audiunt; ita eos ambabus *Eddis Sæmundi Snorriique* appellantibus, ut & *Codice Flat. pag. 179. & seqq.* qui tamen in historia propria *Hunalandiæ* seu *Hunniæ* Reges fuisse traduntur. Sæpius etiam *Sigurdus* ille *Fafnericida*, *Volfungi* nepos, *Sunstr Kononqr* (s: *Hunnicus Rex*), appellatur. Quin & ulterior *Norna-Gesti* relatio, cætera fabulosa, in locorum tamen descriptione non omnino improbanda, refert: *Sigurdum Hringum*, *Ragnaris Lodbrochis* patrem, *Daniæ* & *Sveciæ* Regem, tributum à *Giukungis* *Gunar* & *Hognio* postulasse, quorum ditio occidentalem *Rheni* ripam complexa, quousque in orientem extensa fuerit,

rit, é sequentibus colligitur, quibus abnuentibus, bellum indictum est, locusque pugnae in ditionum confinio designatus. Sigurdus autem Fafnericida eorum sororius, regnorum domiciliorumque communione socius, Hunnia tamen Rex hereditarius fuerat: utrorumque regna pro uno habita sunt, id quod terminus ditionum Sigurdi Hringi & Giukungorum ostendit. Giukungi enim aquilonem (vel ortum æstivum) versus navigantes, ad Holfatiam stationem cepisse perhibentur, in loco, cui nomen Jarnamoda; nec procul inde locum pugnae corylis notatum septumque fuisse tradunt. Hunnia per hæc argumenta Sigurdi propria, jam societatis jure utrique communis, Daniae proxima ad austrum juncta conterminaque Franciæ conspicitur, Holfatiæque situm sibi vindicat. Ab Hunnia præclarum Stormariæ oppidum Hamburgum, quasi Hunburgum, nomen contraxisse si statuerem, aliis tamen, qui à Chamavis, aut aliunde nomen illius derivare malunt, persuasurum dubito; an verò extra Albim protensa, vel quousque ista Hunnia, de qua hic sermo, fuerit, silentibus memoriis priscis, definire nescio; angustior quam pro tantis copiis emittendis ager videtur. Germanorum Transalbinorum Hunnos, Jutos etiam Danorum Scandianorum auxiliis fultos statuo.

Situm hujus Hunlandiæ sive Hunniæ, de qua agitur, utcumque ex monumentis adductis eruimus; locus belli restat. *Verelius*, qui Smalandiam pro Reidgotalandia agnovit, Hunniam tamen ei confinem, quantumvis autoritate Scriptoris nostri fultus, asserere non audebat; tandem Hunnos Scandiam quondam invasisse affirmabat; id vero ad præsentem quæstionem nihil facit, itaque locum prælii Dunheidi in finibus Scytarum ad Tanaim agnoscit. Verum unde locorum istorum incolarum majus in Angantyrem quam Hlaudum studium? unde diurnus nocturnusque auxiliorum ad eum præ fratre concursus? an & hi imperio Smalandorum tenebantur? agnovit ille hoc alio loco, *in notis scil. ad Cap. XIX*, ubi annotavit; *hanc esse eorum rationem, qui præstare ajunt domi hostem excipere, nempe quod facilius coeant vires & auxilia, aliquo etiam incommodo affectis securior pateat receptus*; unde procul dubio conclusit, prælium in Reidgotia gestum, in quam etiam sententiam eo. Ipse *Rudbeckius Atlanticæ Cap. XIX. de Thule §. 1. num. 15. pag. 555.* tantum abest ut Dylgiam hanc ad Tanaim quærendam agnoscat, ut ejus situm intra Sveciæ limites indicare exprimereque ausus fuerit. Urbem esse Sudurmanniæ & Regionum primæ octavæque limitem ad lat. grad. 59. & longitud. 43½. ite persuasum. De quo nostrum judicium Vid. supra *Lib. I. Cap. V. pag. 10. & 11.* Nunc ad Angantyrem revertamur. Longo is tempore Reidgotiæ præfuisse perhibetur, non sine magnæ potentiae, magnificentiae & liberalitatis laude. Filium reliquit, regni patrimoniique hæredem.

Heidricum, cognomento Ulfshamum,

longo deinceps tempore Reidgotiæ imperantem, liberorum duorum parentem. Filius ei Hiorvardus, cujus filiam Hervorem Hognius Haldani Branæ alumni Daniae Regis filius uxorem duxit. Filia Ulfshami Hildis Haraldi illius Grandævi, à quo in *Serie Regum Daniae* discessimus, uxor, cujus genus recensui, in subjecta tabula uno obtutu conspiciendum; quam prius in laudata Serie pag. 216. exhibuimus.



Scaniæ REX, Northumbriæ poffeffione, armis an hæreditate quæfitæ; an alio quovis jure, celebris, quem impulfu uxoris fuæ Afæ Aftutæ, Ingialdi Sveciæ Regis, Aftuti etiam dicti, filiæ, frater Gudriodus occiderat, ab uxore fuâ paulo post sublatus, ut in Ingialdi vita dictum eft.

SECTIO TERTIA. DE PROGENIE HALFDANI IV. DI- SERTI DICTI, USQUE AD RAGNAREM LODBROCHEM ET EJUS DEINDE PO- STERIS AD HARALDUM PUL- CHRICOMUM.

CAP. XXII.

DE INITIIS IVARIS, FILIÆQVE EJUS
AUDURIS NUPTIIS.

Xposito materno genere Halfdani quarti, Diserti dicti, ad posteros ejus accedimus, quorum primus se offert filius ejus

Ivar Vidfadmus, seu Latipassus, vel longæ orgiæ

Sic enim à regnorum amplitudine provinciarumque multitudine postea dictus est.) Is, Ingialdò cum filia ad mortem sibi suisque consciscendam adacto, universam Sveciam suo imperio subjecit, in qua non aliter, quàm ad majores res gerendas instrumento acqvievit vastus gloriæ & opum insatiabilis animus: ad totam Daniam imperio suo adjiciendam omnes curas cogitationesque convertit. Filia ei

Audur Diupaudga seu **Profundè dives** vel **Prædives**, ab immensis, quæ demum accesserant, opibus ita dicta, post subactam Sveciam à multis præclaris illustribusque procis expetita. Floruerunt eodem tempore in Dania duo fratres, Lethranæ ditionis Reges, Helgius Hvassius, seu Acutus, & Hrærecus Slaungvanbaugius seu armillarum jaculator appellatus. Hi ab Ingialdo Lethrarum Rege recta descendunt, quatuor gradibus remoti. Celebrior Helgius, utpote militiæ assiduus cultor, bello felix prudensque, novis subinde spoliis manubiisque ditatus: regni rerumque publicarum cura & administratio, quippe periculo vacans, haut parem Hræreco gloriæ conciliabat. Fortè Helgius in Sveciam profectus Audurem Ivaris filiam uxorem sibi dari postulabat. Consensum itaque suum pater simulans, tantæ rei arbitrium filiæ relinqvendum pronuntiabat, pollicitus, se interim voluntatem ejus exploraturum, & quantum in se esset causam ipsius promoturum. Accedens itaque filiam postulata exponit; cumque eam, claritudine proci motam, in eum prioniorem deprehenderet, dissuadere capit, dictitans: *olim Regias virgines consuevisse tres aut plures procos rejicere: esse plures Reges gestis famæque Helgio pares.* Ad ea Audur respondit. *Multum quidem refert, quid tu, pater, hac de re sentias, scio enim te firmiter conclusisse, quid facturus sis, nec omnino tantam rem meo arbitrio permitturum; plausibile enim est, te mihi conditionem hanc ulla ex parte inferiorem quæsiturum, cum hanc non destinaveris.* His dictis surgens Rex: *Recte, inquit: coniecisti; nunquam enim Regem Helgium maritum accipies, & quidem eo minus, quo magis eum expetis; rediensque ad Helgium exposuisse filiæ postulata ejus refert, amixumque pro virili, ut assensum eliceret, verum quo magis eam flectere, inque suam sententiam ducere allaboraverit, hoc præfractius sibi contradixisse; neminem Regionum juvenum esse, quem suo complexu dignum ducet; tanto fastu inflatam: se nibilo minus in ejus gratiam periculum adduc facturum, quod tamen in præsens sine ulla successus spe tentetur.* Hoc responso dimissus domum rediit, remque, ut gesta est, fratri exposuit. Paulo post amici Hrærechii fradere caperunt, ut in usum regni suumque uxorem quæreret: omnibus præstantiorem Ivaris filiam esse, Regis seculi sui potentissimi. Cui dubitanti, an votum illud ex tententiâ cederet, quo

quo frater, vir undique clarior, dejectus esset, suggererunt, *ni peteret, nec obtenturum: tuto tamen fortunam periclitaturum, ubi spes emolumenti, de-
cusque ingens, nec ullum in repulsa dedecus.* His apud animum reputatis
consulit fratrem; Is consilium, *si successus adesset, præstantissimum, neque
enim certum, quem fata respicerent; quisquis tamen ille foret, felicissimum vide-
ri dixit, rogatuque ejus negotiô, quantumvis arduô, in se suscepto, Sve-
ciam repetit, comiterque, ut antea, a Rege Ivare exceptus post exiguum
moram scopum legationis exponit. Rex imprudenter eum facere respon-
dit, quod ea postulet, quæ facile perspicere posset se haudquaquam obtenturum:*
*qui enim, ait, te posthabito, fratrem, tibi nullâ ex parte comparandum, in mari-
tum adscisceret.* Atqui, respondit Helgius, *is mihi nequaquam cedit, nec ideo
minor habendus, quod munia regni solus domi curat, jura reddit, leges conser-
vat, lites dirimit, seditiones aut præcavet, aut in herba sopit, aut, si erupe-
rint, maturè coercet, publicumque bonum ubique promovet.* Ideo autem minus
celebris habetur, quod his occupatus expeditionibus bellicis, quibus solis fama pa-
ratur, non vacat: petitque ut Rex hæc ad filiam deferre ne gravetur. Ille
daturum se hoc illius gratiæ retulit, quantumvis invitum, quippe de repulsâ
indubium; aggressusque filiam, novam jam conditionem offerri narrat,
conjugalem nimirum societatem cum Regis Helgii fratre; utque senten-
tiam suam exprimit jubet; cui illa respondit: *non jam magis sibi quicquam
de hoc postulato statuere integrum futurum, quam fuerit antea; nec tamen dis-
simulandum, si sue potestatis esset, nunquam se in illius nuptias consensuram.*
*Nimis arroganter aut pater videri; se ipsam protinus emancipaturam, si spretâ
patris potestate unum Regem post alium nimio supercilio contemnat.* Noni
quidem, respondit illa, *non eo sine sententiam meam requiris, quod aliquantu-
lum ponderis habitura sit, cum assensus meus & dissensus pari passu ambulent;*
*ipse enim pro arbitrio, quicquid libuerit, disponere dudum decreveras; præagit
tamen animus luctuosam hanc conditionem futuram.* His cognitis Rex pro-
pere discedens Helgium adiit, cui expectatione suspensio exponit, magno-
pere se spem suam frustratam; certè filiam inter totius Septentrionis virgines
omnium judicio sapientissimam prudentissimamque haberi, nec sibi aliud in hunc
usq; diem persuasum: verum ovem auream jam deprehendisse, fatuam & deliram;
secus enim, ait, fratrem tuum tibi tam celebri magnificoque Regi nequaquam præ-
tulisset, in quem tamen haut obscure inclinat: *per me igitur habeat, non obstabo.*
Mox eam Hrærecho elocatam, Helgio ad eum deferendam, approperato
itinere, tradit. Simul profecti, postquam Sveciæ limites egressi erant, inter
se collocuti, omnem rem ordine, ut gesta est, invicem cognoscunt. In
Sialandiam delatos, præmisso magno equitatu, quam magnificentissimè ex-
cipit Hrærechus, nuptiasque Regali pompâ luxuque adornat. Hyems
mutuâ lætitiâ gaudioque transacta.

CAP. XXIII.

DE ASTU IVARIS, QVO GENERUM IN
FRATRIS CÆDEM EXSTIMULAT, EUMQUE PO-
STEA VINDICTÆ SPECIE OCCIDIT.

Roximò vere Helgius, ad expeditiones nauti-
cas pro more profectus, hostes bello laceffit. Interea
Regina filium peperit, insigni venustate, quam pri-
mores postea dentes rara magnitudine, sed aureo co-
lore conspicui, condecorabant, quem Haraldum pa-
ren-

rentes appellabant; trimus duodecennes staturâ æqvâsse perhibetur. Inter-
 jecto tempore Rex Ivar Sveciâ cum magna classe profectus Reidgotiam pe-
 titurus, in transitu portum quendam Sialandiæ subit. Inde per nuncios ge-
 nerum ad se arcessit, qui postulata foci ad uxorem cum detulisset, vicissim
 interrogatur, an eum esset accessurus, etiam ad convivium in insula invitatu-
 rus? quo cognito petit, ut noctem saltem unam iter differat. Cubitum ituro,
 novis vestibus, novum lectum instratum in medio pavimenti statuit, iussitque
 ut solus ibi acquiesceret, somniique ordinem omnem quam accuratissime
 observaret, sibi que cum evigilaret, exponeret. Posteriori die manè Audur
 eum accedens, quid per quietem viderit, sciscitatur. *Prope sylvam quan-*
dam mihi, inquit, constitutus videbar, ubi viride subjeclorum camporum æqvor
cervo pastum præbuit; cum repente effusus nemore Leopardus quidam, aureis
jubis insignis, à cervo cornu subter armum transfixus exanimis corruit; quem
statim exortus ex improviso terribilis vultur, cervum unguibus impetens, uni-
versum dilaniabat; postremò apparuit ursâ cum binuulo, quem vultur similiter
invasurus à matre repulsus est; exinde evigilavi. Audur magni quidem mo-
 menti somnium, inquit: cavendum tibi a patre meo, ne te, si convenitis, decipiat,
 Regum enim genios vidisti; nolim tuum per cervum adumbrari, quod tamen
 haut absurdum statuo. Eodem die magnâ cum pompâ ad focerum profes-
 ctus, navemque puppim usque ingresus, Regem salutavit. Verum ille tan-
 quam sibi non observatum, ut Hermes in trivio immotus, pressâ voce, ne
 responso quidem dignatus est. At Hrærechus immitem ejus animum ob-
 seqvio delinicturus, officii deferendi gratia illum ad convivium in continen-
 te invitandum se accessisse professus est. Tum primum Ivar: *Aversis cer-*
te Diis filiam suam ei elocatum respondit, nec mirum, si illi non satis concilietur.
 Ille nihil se in illâ desiderare, sed nec ipsam de eorum convictu queri. Tum so-
 cer valde indignabundus respondit; nihil ipsi constare de convictu illius cum
 fratre ejus Helgio; in omnium enim ore esse, quod filius Haraldus illo patre su-
 tius sit, id enim staturam oris faciei que lineamenta, atque adeò totius corporis
 habitum abunde testari: nec se alio sine eum accessisse, quam ut ei has fraudes
 indicaret, certum; haut eam cum fratre communicaturum; malle tamen ut eam
 in totum ei cedat, quam ut præ nimio animi torpore vindictam ulterius negli-
 gat. Ad ea gener respondit; nihil omnino de his ad aures suas unquam per-
 venisse; sed quicquid sit, uxorem se nullo pacto dimittere velle, poscitque a focer-
 o consilium in re tam arduâ atque perplexâ. Is nihil aliud se consultore fieri
 posse, quam ut aut Helgium occidat, aut illi soli uxorem permittat, neque enim
 sincerum amorem inter illos aliter sperandum: medium non dari. Hrærechus
 uxorem se illi concessurum negabat. Mox invicem se salutantes, hic do-
 mum, ille classe in austrum versâ Reidgotiam petit. Eodem autumno
 reversus Helgius convivio quam magnificentissimum, quod Regina appa-
 verat, excipitur, Hrærecho præter morem caperatâ fronte nullum be-
 nevolentiae aut hilaritatis signum exhibente, id quod fratri ut insolens, ita
 quoque molestum fuit; itaque ægrum exulceratumque fratris animum
 quovis modo exhilarare sui esse officii existimans, nihil omisit, quod ad
 illam rem facere cognosceret; tandem eum ad ludorum spectacula invi-
 tans ne sic quidem flexerat. Ad extremum; *quin, ait, soleam nobis ex-*
ercitio, equestri velitatione, hastiludio seu torneamento nos invicem oblectamus.
 Tum vero Hrærechus celeriter surgens, silentio ad ministros suos egressus
 equum pascit, armaque capit, gladium & hastam, casside loricâque te-
 ctus, cæteris omnibus velitares hastas, nullo ferro præfixas, gerentibus, in
 Helgium inermem permittens equum, actumque gladio per axillam illum
 trans-

transverberat, ita ut exanimis confestim ex eqvo in terram rueret. Exsternati tam enormi horrendoque facinore cuncti, expostulârunt tamen qva de causâ tantum scelus in se admisisset. Is: *nulla id injuria factum, sed jure meritoque, quod stuprò cum uxore sua jura sanguinis temerâisset, frater-numque vinculum solvisset*; illi impudentissimo calumniantium mendacio utrumque aspersum vociferantes, ipsius amentiam haut minus quàm fratris casum miserati sunt. Audur vero his cognitis, consilia patris sui hic se agnoscere respondit, nec hoc sine statura: mox, assumpto filio parvulo, multo cum comitatu discessit. Hrærechus autem pro more insulam conviviis pervagatus intempestivum furori sedando remedium quæsit. Exiguo deinde temporis interjectu Ivar ex Reidgotia in Sialandiam revenit; quod ubi Hrærechus cognovit, sine morâ ad illum profectionem parat, quàm strenuum monitorum ejus executorem se gessisset ostensurus, fors an & ejus ope & autoritate in gratiam cum uxore rediturus. Cujus adventum cum Ivar præfensisset, ingenti percitus irâ, ultionem se de fratris sui parricida, Regis maximi, sibi quæ longè carissimi, sumpturum protinus minatus, copias omnes ad arma vocat, inque terram exponit; quarum magnam partem intra sylvam, quâ Hrærechum processurum sciebat, condit: ipse erectis signis, explicatisque ordinibus, obviam venienti procedit, generumque infestus invadit; mox lituis tubisque exciti, qui intra nemus latebant, ab alio latere se inferunt. Improvisò periculo exterritus gener, ne tamen ovis in modum impunè mactaretur, arma opponit, & quod a prudentiâ non potuit, a desperatione auxilium mutuatur. Sed major erat multitudinis armatæ vis, major veteris militis virtus, quàm ut pauci & imparati, convivia, non bella, vina, non arma, meditati resistere possint; ad unum cum Rege omnes cæsi camporum plana cruore suo repleverunt. Victor Ivar, vindexque parricidii, quod regni viribus expiari debuisset, quasi re egregiè gestâ regnum tutoris nomine postulat, assensumque civium, qui in vicinia habitabant, meruit, duplici, ut videri volebat, jure, belli videlicet longè iustissimi, utpote in vindictam scellitissimi facinoris suscepti, tantâ integritate, ut posthabito arctissimæ necessitudinis respectu, soli justitiæ litatum appareret: tum etiam tutelæ, cum pupillo nepoti ipsa natura avum tutorem dederit, imò & hæredem, fortuna insuper provide-rit, ut nemini tutius quàm ipsi committi possit, sui quippe seculi Regi pot-entissimo & sine pari.

CAP. XXIV.

DE FUGA REGINA AUDURIS, NUPTIIS-
QVE CUM RUSSIÆ REGE, SUBJECTIONE DANIÆ SUB
IMPERIUM IVARIS, EJUS BELLICO APPARATU, EXPE-
DITIONE ET MORTE.



Um in his Ivar occupatur, filia ejus Audur
quantam potest armatorum manum colligit, patri-
que obviam ducit, qui, cum illi tantæ copiar in præ-
sens non suppeterent, ut universis civibus par esse
possit, in Sveciam repedavit: Hyeme, quæ secuta est,
Audur summâ industria quantam poterat auri ar-
gentique & pretiosorum cimeliorum vim undique
corrasit; universamque mariti suppellectilem, Eygotiam præmisit,
Kkk 3 ipsa

ipsa cum filio & magno nobilitatis globo primo vere subsecuta, quicquid transportari poterat, navibus imponit. In Eygotiam primò, inde in Ruffiam aucta, à regionis istius Rege Radbardo cum universo comitatu benignè excipitur, utque ad eum permaneat, humanissimè invitatur. Interea Ivar universam ditionem, quam Helgius & Hrærechus possidebant, in suam potestatem redegit; quo tempore Radbardus Audurem, infcio & inconsulto patre, consensu tantum ipsius filiique Haraldi contentus, in uxorem duxit; quod illa sibi hoc statu peropportunum rata ad filii securitatem, donec adolefceret. Fuit enim Radbardus in potentissimorum Regum numero haut postremus. Quod ut Ivari innotuit, miraretur ne audaciam, an exanderet magis, haut facile liquet; certè montes ardentis jaciens, tantum per universam Daniam exercitum collegisse perhibetur, ut numerus navium, qui eum transportabat, iniri non possit, omnes in regnum Radbardi directurus, universum ferro flammæque vastaturum minatus est, & ipse illo tempore valde senex. Cum ad sinus Kyrialos ventum esset (eo namque Radbardi ditionis extrema protendebantur) exscensionem cum universo exercitu in terram factururus, noctem in navis suæ, draconis capitibus insignitæ, puppi transegit, cum visio talis per quietem ei oblata est. Ingens draco ab orientatili oceano, aureo colore scintillans, tanquam ex fornace usque in cælum spargens, vicinasque terras omnes fulgore illustrans volare visus est; quem universæ aves, quas septentrio nutrit, secutæ sunt. Exinde ab aqvilone exorta derepentè nubes, magnam procellam, imbrem, tonitrua ventumque excussit in formidabilem illum draconem, quo tempore ex oceano in terram evolavit; tenebræ deinde tantæ incubuerunt, ut neque draco, nec aves ultra apparerent; secutus inde fragor, qui per austrum & occidentem, quousque ditio ejus patebat, latè innotuit; mox universa illius classis in cetos conversa per oceanum natabant: exinde evigilavit, accitoque nutricao suo, nomine Hordo, visionem exposuit, utque explicaret postulavit: ille senium excusans, minus se his conjectandis idoneum respondit: stabat ille in rupe pone pontem, ad quem navis alligata erat. Rex autem in puppi quiescens tentoria revelabat, iussitque ut navem ingressus somnium interpretaretur, erat enim valde anxius. *Non accedam*, inquit Hordus, *neque enim interpretatione egēs, cum ipse probè intelligas; brevi enim regna tua Dania Sueciaque dividuntur, tu vero morti propinquus videris, dum omnia regna existimas te potestati tue subiecturum, illud vero nescis, quòd post exiguum tempus morieris, nec ullus tuorum in regna succedet* (id quidem falsò, nam nepotes ejus successerunt, quibus tamen iniquior erat, quam ut hæredes sibi destinaret) tunc Rex; *hic*, inquit, *accedas, & sinistra tua vaticinia exponas. Hic equidem*, respondit Hordus, *stabo, & hinc exponam. Qvalis*, ait Rex, *Halfdanus Sniallus inter Asas?* Is, respondit Hordus, *Baldus est, cujus mortis omnes Asæ illacrymarunt, tibi certè dissimilis. Egregiè respondes*, ait Rex, *hic accede, hic referas. Hic stabo*, regessit Hordus, *hinc referam. Qvinam*, ait Rex, *Harechus inter Asas?* ille *Hæmir est, qui illos maxime timuit, tibi tamen insensus. Qvinam*, ait Rex, *Helgius Hvassius seu Acutus?* is *Heimdallus est, qui fuit omnium Asarum stupidissimus, tibi etiam infestus. Tum Rex, quoniam ego inter Asas?* Tu es, respondit, *serpens Midgardensis. Tum vero Rex admodum infestus, si tu, ait, finem vite mihi omnaris, & ego vicissim tibi, quòd mihi non supervivās; video enim ubi stes, gigas informis, propius ergo cum serpente Midgardensi congregere, & inter nos certemus. His dictis æstro iræ percitus ē navi se in mare præcipitavit; similiter Hordus ē rupe pro-*

prosiluit, neuter postea visus est. Postea omnis exercitus in terram conscendit, ibique consultatum, quid potissimum ē re videretur. Placuit, omnes suam quemque domum dimitti, cum mortuo Rege non esset cuius auspicia aut imperium sequerentur, nec pro quo bellarent, aut cui vincerent, nec Radbardus dignus visus, quem persequerentur, cum causam bello non dedisset. Continuo itaque dimissi, omnes suam quisque patriam repeterunt.

CAP. XXV.

DE GESTIS HARALDI HILDITANNI,
QVÆ IN ISLANDORUM MONUMENTIS SUP-
RANT, USQVE AD BELLUM BRAVICHENSE.

Is cognitis Radbardus privignum suum Haraldum classi copiisque præfecit, quævis Sialandiam petens omnium votis Rex pronuntiatur; inde in Scaniam, avorum maternorum ditionem, movit; ibi quoque omnium ordinum studiis exceptus, auctusque copiis in Sveciam provectus, universam deinde Jutiam, avita Ivaris Vidfadmii regna, sibi subiecit, multosque provinciales Reges, quos ille exegerat, restituit. Verum regni primordia proximaque tempora, multis laboribus periculisque obrita, magnum ei negotium faceiebant, cum enim in ætate tenera, quippe quindecim annorum, regni habenas capefferet, iis qui Ivaris Ingialdique Astuti viribus patrimoniis exciderant, minus habilis visus est, ad defendenda quæ illi conquissiverant, unde illi cristis erectis, exuto obsequio, bello eum aggressi sunt. Id metuentes regnorum proceres, scidicis incantationibus nefandisque sacrificiis perpetratis, Diis supplicarunt, ut ab omni ferro immunis cutis duritie ictus omnes eluderet, id quod etiam impetrarunt. Nam sine galea loricaque prælia iniit, sine ullo periculo aut damno à quocunque armorum genere, tantusque bellator evasit; ut progenitorum suorum nullus tot tantaque bella gesserit, inde etiam Hilditanni cognomen obtinuit, ab Hilde, quæ Dea belli perhibetur, seu septentrionis Bellona, & dentibus aureis. Hic omnia regna principatusque, quæ Ivar Vidfadmius possederat, bello & armis vindicavit, atque adeo, ut nullus totâ Daniâ Sveciâque Rex extiterit, qui non ipsius obsequio devinctus illi tributa penderet, eique juramento obligatus fuerit; præterea subiecit sibi partem illam Angliæ, quam proavus ejus Halfdanus Sniallius, & post eum Ivar Vidfadmius (Northumbriam habet *Olaf Trygvini vita*) possederant, cui Reges Comitesque tributarios præfecit. Hermundum Regem Hiorvardi Ilfingi filium (non, ut habetur, Ostrogotia, sed, ut Snorrius habet) Sudrmannalandiæ præfecit; nisi fortè Ostrogotiam avi materni ditionem adjecit, quam pater ejus & Rex Grenmar antea tenuerunt. Hæc ferè verbotenus ex MS. chartaceo, nec satis correcto, verti.

CAP. XXVI.

DE RANDVERE RADBARDI FILIO, ET
BELLO BRAVIKENSIS.

Udur ex Radbardo Russiæ Rege filium Randverem progeniit. Is uxorem duxit Asam Haraldi, (ut habet Exemplar historiæ Herv. Bryniolfi Svenonii) Gottrandi in septentrionali

trionali Norvegia Regis filiam (non enim consistit, eum Geirraudargar-
dorum Regem fuisse, quod Editio Svedica habet, cum iste pagus in Nor-
vegia non extet.) Randver repentinâ morte concidisse traditur, in eadem
historia in Anglia quoque bello cæsus; quæ quamvis contraria videantur,
consistere tamen possunt, cum bello cæsi satis repente exspirent. Filium
reliquit Sigurdum, cognomento Hringum, qui in campis Smalandiæ Bra-
vallenfibus præliô longè maximô cum patruo suo Haraldo Hildicanno di-
micabat; cujus belli ordinem & processum Saxo maximam partem rectè
complexus est; quo verò collatio melius inter illum & hæc nostra institui
possit, nec ea exponere gravabor, quæ si Stephanius habuisset, præcæ
lingvæ genuina nomina propria felicius assecutus fuisset. Cum Haraldus
Hilditannus ad extremam senectutem, annos nimirum quinquaginta su-
pra centum, provectus esset, lecto detentus pedes incedere nequibat; quâ
occasione provocati piratæ provincias regni incurfibus passim laceſcebant,
id quod amicos ejus malè habuit, exponi quippe prædæ latronum validis-
simum regnum; satis præterea ætatis explevisse visus est. Quidam igitur
potentiorum de eo perimendo consilium inierunt. Id vero cum balneo in-
dulgeret, aptissime fieri posse visum est. Hanc igitur oportunitatem nacti,
ligna saxaque ingerebant, quo fumo caloreque maturius suffocaretur. Quod
ut Rex cognovit, eos his verbis affatus est: *Hinc me efferte; video quidem
senectutem meam vobis displicere, nec id immeritò, alio tamen fato fungi volo,
hoc certè mortis genus aversor: Regiè utique moriar.* Tunc accurrentes a-
mici illum exportarunt. Paulo post legatos suos in Sveciam ad nepotem
suum Hringum misit, cum mandatis, ut exercitum ex universo regno
provinciisque, quibus præesset, longè validissimum conscriberet, secum-
que configeret, remque omnem ordine, ut gesta erat, exponi curavit:
nimirum Danos senectutem suam ut nimiam fastidire. His cognitis Rex
Hringus totâ Sveciâ, Vestrogotia, magnasque ex Norvegia copias col-
ligit, ita ut classis, quam fretô Stockfundæ eduxit, duobus millibus & quin-
gentis navibus, Sveciâ Norvegiâque excitis, constaret, cum tamen ipse
Rex cum terrestribus copiis, Svedis, Vestro-Gothis, per superiora ad fre-
tum Sundicum proficisceretur, atque inde orientem versus ad nemus us-
que Kolmyrkum seu Myrkvid, id est tenebrosum, seu carbone atrius,
quod Sveciam ab Ostrogotia disternat. Quod postquam emensus
esset, flexu in occidentem sinum Bravikam dictum pervenit, cumque ibi
ei universa classis occurreret, ibi quoque castra metatus est ad latus
silvæ. Interea Haraldus exercitum per Daniam & Ostrogotiam
contraxit, magnaque copiarum vis ex Russia Kænugardisque, magna
etiam ex Saxonia confluit, tantaque classis in Sialandia concurrebat,
loco Sogia dicto, ut superstratum navibus fretum, pontis instar, Scaniam
usque pedibus incedere licuerit, quod universum classibus occupasse Ha-
raldus visus est. Præmisit itaque fecialem, nomine Hiorleifum, cum tur-
mis Saxonica ad Hringum, qui illi bellum indiceret, amicitiam fæde-
rumque jura renunciaret, locum congressûs indicaret. Universum septi-
duum transportando è Sialandia exercitui insumptum, priusquam Bra-
vikam ventum esset; exinde utrique Reges aciem quisque suam instrue-
bant. In exercitu Haraldi princeps quidam, nomine Brunius, omnium,
qui ibi congregati erant, facilè sapientissimus, isti officio ex parte Haral-
di præfectus est, is aciem disponebat. Ipsius Regis vexillum mediâ in acie
conspicuum satellitum agmina cingebant. Præcipui procerum in exerci-
tu Haraldi hi numerantur: Svenus, Samus, Gnepius Annofus, Gandus,
Brandus

Brandus, Blængus, Titus, Tyrfingus & Hialtius, omnes Haraldi Regis poetæ & insignes athletæ. Inter satellites Regis hi recensentur: Hiorfus, Borgar, Belius, Barrius, Beigadus, Tokius. Ibi quoque amazonis Urfina, & altera nomine Heidis, quarum utraqve magnas copias in auxilium Regis secum devexerat. Urfina vexillum ferebat, quam strenui pugiles Karius & Milvius comitabantur. Tertia amazonis Vebiorg fuit, quæ ex Gullandia cum multis athleticis Regi auxilio venit, quorum omnium maximus celeberrimusque fuit Ubbius Frisius, securique Brattus Irlandus, Ormus Anglus, Biami filius, Arius monoculus & Geiralfus. Urfinae auspicia multæ Vandalorum turmæ secutæ sunt, faciles internosci, longos enim gladios, longasque parmas gerebant, clypeos autem quàm usus obtinuit breviores. In alio cornu locata erat virgo Heidis, sub cuius vexillo centum athletæ militabant, inter quos hi berserchi nominantur, Grimus, Geir, Holmsteinus, Eysidall, Hedinus Gracilis, Dagus Livanicus & Haraldus Olafi filius, multiqve alii proceres. Alterum cornu tuebatur princeps nomine Hakius Scissigena, cui & signa prælata, & multi Reges pugilesque adjuncti sunt, ibi Alfus & Alfarinus Gandalfi filii, qui tum & antea satellites Regis Haraldi fuerunt. Ipse conspicuo curru vectus est, quod armis ferendis inhabilis esset. Brunium igitur & Hedinum misit ad inspicendam Regis Hringi aciem, & quomodo eam ordinaverit, & an paratus esset ad pugnam. Cum imperata absolvisset Brunius, ad Regem reverfus refert: *Paratus quidem mihi videtur Hringus, & mirâ arte aciem ordinasse, quippe in cunei formam digestam, nec vinci facilem.* Tum Rex Haraldus respondit. *Ecquis Hringo in suilli capitis formam aciem instruere monstravit? id quod neminem præter me & Odinum nosse putavi: an & Odinus victoriâ me fraudaturus erit, quod quidem ante nunquam contigit? oro ut id non eveniat, sin autem ipsi placet me victoriâ spoliare, ut cum universo exercitu hac acie cadam, si non, uti consuevit, Danis victoriâ annuere decrevit; omnem itaque stragis æcerum, qui hunc campum obtegit, ipsius Numini consecro.* Verum erat quod Brunius retulit, nam in pyramidem Hringus aciem coarctavit, quæ quidem adeo densa erat, ut cuneus in fronte ulteriorem prospectum eximeret, inque tantam longitudinem exporrecta, ut alterum latus ad amnem, qui Vera appellatur, alterum vero Bravicum usque extenderetur. In exercitu Hringi multi quoque Reges & pugiles erant: inter alios Rex insignis, nomine Arius Vegetus, qui & ipse justum exercitum attulit, multosque athletas & Reges signa sua secutos in aciem eduxit. In his erat unus omnibus priscis memoriis celebratissimus Starkadus Annosus, in insula Norvegiæ Fenhringo educatus (hic certe ab illo diversus est, in historiis tamen confunduntur) crebris peregrinationibus, per varias distinctas gentibus terras ministeriis diversorum principum gloriosus: complures alii strenui pugiles ad Regem Hringum confluerunt, quorum hæc nomina memorantur, Thrandus Thrandheimensis, Thorer Mærensis, Helgius cognomento Albus, Biarnius, Hafur, Finus Fiordensis, Sigurdus, Erlingus, Snakus de Jadria, Eiricus Soknensis, Holmsteinus Albus, Rutus, Vanus, Oddus peregrinator (diversus ab illo priore) Einar Theingus, (fortè Theingill,) & Skagius Irensis, omnes insignes athletæ, Regis Hringi aulici. In una autem cohorte se congregarunt, Akius, Eyvindus, Eigill Skialgius, Hildir, Gautar Godius, Thollus Steinus de lacu Vanere, & Stry Robustus. Ex Svecia acceperunt Hranus Hildis filius, & Svenus Upsæius & Soknar Sotius, Hrofkell Herkia & Hrolfus Mulerosus, Dagus, Crassus,

Crassus, Gyrder Latus Vendenfis, Glumus Vermensis. Ab occidentali Albia accefferunt Saxius Flettir & Salius Gothus. Ex Siglensi provincia procefferunt Norrius Harius, Karl Reckia, Hrokus de Akio (malim Askio) Gunnfastus & Glismakus Bonus: inter pugiles etiam numerantur Sigmundus Kaupangrenfis athleta, Tolafastus & Adils Fastuosus de Upsalis, qui signa præcessit extra aciem, Sigvaldus, qui Regi Hringo duodecim naves asportavit, Tryggvius Tomull, qui totidem Regi advexit, & sit instructissimam pugilibus navem longam duxit, Eiricus Helsingus draconem magnum classiaris undique inessum. Aderant etiam ex Thelamarchia insignes pugiles, quibus minimum fastus inerat, ideo ut verbis factisque segnes & pigri æstimati, Thorkell nimirum Pervicax & Thorleifus Gothius, Haddus Durus, Grettir Rangius, & Hroaldus Ta, 3: pedis digitus. Accefferat & Regem Hringum Rognvaldus Radbardi filius, omnium pugilum maximus, qui cuneum aciei a fronte tuebatur. Illi proximi Tryggvius & Læfir, extra hos Alfreki filii (alii Adilfis) & Yngvius. Tum Thelamarchenses, quos omnes aspernati sunt, parum præsidii in illis reputantes, viri arcuum sagittarumque periti. Omnibus in ordinem digestis, canentibus lituis, summâ utrinque vi conferitur bellum, tantâ alacritate, mox secuta hominum eorumque strage, ut nulla unquam post hominum memoriam toto septentrione pugna huic comparanda gesta fuerit, sive alacritate pugnantium, sive nobilitatis numero. Jamque undique se moverat pugna, cum virium animique robore ingens exploratâ virtutis miles Ubbius Frisius frontem aciei aggressus cum Rognvaldo Radbardi filio manus conferit: infesto uterque animo gravia vulnera mutuis montrosisque ictibus cominus inferebant, donec longi, nec minus atrocis, certaminis eventus Rognvaldum rapuit. Inde incitator victor facto impetu in Tryggvium procurrat, quem lethali vulnere stratum Adilfis filii junctis viribus ulturi, post longam acremque pugnam cadaverum quoque suorum strage nobilitarunt. Accessit cladi interritus miles Yngvius commilitones conatu majore quàm successu vindicaturus. Tantis successibus elatior Ubbius, non jam singulis sed universis infestus, omnes qui in primâ fronte aciei pugnant, eidem ruinâ involvit, præter eos, qui, necessitate vel occasione aliò conversi, rem variis locis gerebant. Id conspicatus Rex Hringus suos athletas acrius increpatos monuit, ut tantam pestem averterent, imò & grave improprium, si unius hominis impetu totum exercitum vastari paterentur, affatusque Starkadum, ubi jam ille animi viriumque vigor, cui hactenus nemo se impunè objecerat? Multis equidem, respondit ille, domine, negotiis in præsens implicamur, nihilominus fortunam periclitabimur, quantumvis certi, cum illo rem esse, unde periculum ingens ancepsque eventus expectandus. Hæc elocutus Ubbius infesto gladio invadit, diuque illa concertatio mutuis ictuum plagarumque vicibus exercita tenuit, donec Starkadus ingens ei vulnus intulit, sex vicissim ab eo, singulis magnis, fauciat, adeo ut singulari certamine nunquam periculosius pugnâsse sibi visus sit. Hos tandem intercurrentia ultro citroque agmina præliantes dirimebant. Mox Ubbius memorabili pugile Agnare oppresso, liberiore deinde procurfu viam sibi per aciem, ambabus manibus & brachiis ad humeros usque cruentatis, feriendo hostium cæde stravivit: tandem gradu in Thelamarchenses facto cædi quoque eos pari ardore destinavit. Verum illi, ut primum senserunt in se iri, frustra, ajunt, in aliâ exercitus parte gloriam quæremus; hic jam idonea affulsi occasio tam diu sprete virtutis nostræ evidentibus documentis exercenda.

Mox

Mox qui inter eos telis arcu torqvendis peritiores validioresqve erant; Haddus nimirum Durus, & Hroaldus Ta, qvatuor supra viginti jacula pectori ejus adegerunt, anteqvam moribundus in terram corrueret, postquam sex insigniores athletas Sveonum, Gaurorum qvoq; milites sedecim, neci dedisset, pugilesq; undecim, qui in fronte aciei primi pugnabant, vulnerasset. Hoc eodem momento amazonis Vebiorg in ordines Sveonum Gothorumqve magno impetu invecta, nobilem pugilem Soknar-Sotium aggreditur, fortiterqve se opponentem post haut longam moram occidit. Non tulit Starkadus strati à virgine tanti pugilis necem inultam: itaq; totis viribus eam adortus pari ardore excipitur; nec enim maximis strenuissimisq; pugilibus, sive in inferendis, sive propulsandis ictibus, corporiqve protegendo, ullà ex parte cessit. Magnis multisqve hoc congressu confossa vulneribus unum memorabile regessit, qvo ruptâ maxillâ adversarii mentum præsecuit. Is propendentem in pectus barbam dentibus appetens inter præliandum allevabat, hiatumq; vulneris morfu obtexit. Illam deinde latius inter hostium catervas cædibus grassantem pari alacritate excepit Thorkell Pervicax, donec post longam dimicationem illa tandem crebris vulneribus langvoreqve fatigata exanimis in terram defluxit. Jamqve fortuna vices variabat, nunc in has, nunc illas partes promior, cum Starkadus in mediam Danorum aciem ferociter se inferens promiscuam stragem fecerat; cui Hunius quidam (aliis Hachius) intrepidè se opponens in se furentis athletæ imperum vertit, stititq; aliquantisper, donec & ipse viribus exhaustis, funere qvoque suo gloriam ejus celebriorem reddidit. Ellam deinde, & post eum Borgarem, pari successu fudit & oppressit; jamq; stricto gladiò cædibusqve ferox, præcipuam pervagatus aciem incidit in celebrem virum Hiortum: qvo strato excepit eum virgo amazonis Ursina, quæ vexillum Regis Haraldi circumferens intrepidè pugnabat. Hæc animi ferociam viriumq; suarum fiduciam verbis qvoque extollens; fatis jam imminentibus malo suo genio congressurum prolocuta, responsum elicit; minimè id quidem, prius enim illam vexillum dejecturam; nec mora, illicò manu truncatam relinquens fidem verbis fecit. Mox in Brajum Sækarlafarium conversus medium eum trajecit, inde Gnepio Grandævo probatæ virtutis pugili congressus, postquam eum consimiliter mactasset, tandem Hatium, virum fortissimum, adversarium nactus est: atrox ibi pugna pari animorum ardore vulnerumq; cruore exercita, quâ Hatius concidit, nec tamen omninò inultus; isto namque congressu Starkadus cervice tam patens vulnus humerotenus accepit, ut interiora conspicua essent; aliud circa pectus effusis pulmonibus memorabile; tertium mutilatâ uno digito dexterâ informe. At Haraldus, cognitâ militum suorum, pugilum, ducumqve strage, quamvis usu pedum pariter ac equi cassus, in genua tamen se erigens, eqvo, qui currum ducebat, loris acrius impulsò, binas simul corripuit hastas, singulasqve singulis manibus torqvens ab utroque latere, veluti juvenili ardore feriens, multos neci dedidit, istoque impetu durante complura præclarè gessisse perhibetur; donec clavâ vehementiore ictu cassidi impactâ capite rupto expiraret; auctor vulneris Brunius, cui maximè fidebat. Ut verò Hringus vacuum currum Regium conspiciebat, haut obscure collegit, sæsum esse Regem: itaq; dato tubâ signo suos ab ulteriori dimicatione inhibuit, oblataqve & acceptâ conditione pacis Danos qvoque à bello revocavit. Postero die ad investigandum corpus regium curam convertens, id munus militibus mandat; diu anxieqve quæsitum: medio tandem die, magno mortuorum cumulo

mulo substratum invenitur: ablato deinde cruore, cultu regio exornatum, in currum, quo in bello usus est, imponitur, adjuncto eqvo inter Regios præcipuo, ephippio Hringi instrato, sed titulo muneris mortui Regis manibus consecrato, cum prologo, ut hoc vectore ad aulā Valicam, seu enectorum palatia, uti dignaretur; excitatoque digno tantā majestate conspicuæ magnitudinis tumulo, unā cum eqvo vehiculi ductore, sed prius occiso, infertur. Inferiæ deinde opiparo convivio celebratæ, præsentisque duces copiarum, athletæque & proceres, & quemcunque sive natalium splendor, sive officii ordinisve dignitas nobilitabat, postulato Regis, ut conjectis in rogam ponderosis armillis, pretiosis cimeliis, omniqve genere armaturæ, ad exequias tanti Principis exornandas, parentarent: quō peracto tumultus quā accuratissimè occlusus est. Tempus belli Bravici ad annum salutis circiter DCCXXXV. referendum statuimus.

CAP. XXVII.

DE SIGURDO HRINGO.



Araldo Hilditanno devicto filius ex fratre uterino Randvere Radbardi Russiæ Regis nepos Sigurdus, cognomento Hringus in sceptrā Daniæ successit, qui Daniā per legatos, quos Proreges vocant, Regiis tamen titulis à majoribus tractis, insignes, deinceps rexerat. Quorum primus Olafus, Anglus dictus, Moaldæ Crassæ, Ivaris Vidfadmii matris, (non, ut habet versio Danica, avunculus) ex fratre Nepotis Kinrici filius numeratur, Northumbriæ primus præfectus. Ivar enim Vidfamius Northumbriam, quā quoque pater ejus possederat, regnis suis adjecit, quæ denique ad nepotem illius, amplissimi imperii hæredem, Haraldum Hilditannum pervenit, & progressu temporis jure victoriæ ad Sigurdum Hringum, quæ ipsi à Regulorum uno, nomine Ingialdo, Saxoniar regis fratre, erepta est (interpretæ Danicus Saxoniar Ducis fratrem hunc Ingialdum nominat, Germaniam enim Saxoniam intellexit, respexitque ad posteriorum temporum usum, cum tamen vel australium vel occidentalium Anglorū Saxonia intelligenda sit) ad quā domandam ipse Hringus in Angliā exercitum transportavit, rebellemque Regem devicit, Northumbriamque recuperavit. Recollectis autem viribus, Ingialdus cum filio Ubbio iterum belli fortunam adversus eum tentavit; verum infelici eventu, nam unā cum filio cæsus est, Northumbriæque regio titulo hic Olafus, de quo agitur, sub conditione tributū pendendi præpositus est; administravitque, donec Ubbii filius Eava bellum illi inferret, qui post varia certamina victor eam recuperavit. Olafus autem profugus in Sveciā ad Hringum rediit; à quo deinde Jutiæ, sed tributarii Regis titulo, præpositus est, successorisqve Hringi Ragnari Lodbrochi eodem jure deinceps paruit, ab eo quod longo tempore in Angliā regnasset, Anglus dictus. Observandus hic error Scriptorum Anglicorum, qui primum Danorum in insulam illam adventum, in annum salutis DCCLIII. secundum chronologiam Augustinensem Cantii; alterum verò ad annum DCCCLXXI. referunt; cum tamen *Cambdenus in Siluribus* ad annum DCCXV. notet: *vallem Irchenfeld, vel Archenfeld, à Danis ferro flammæque vastatam, capto Camelaco Episcopo Bravanno: ni fortè librarii culpā annus ibi perperam notatus sit.*

Uxor

Uxor Sigurdi Hringi fuit Alfildis, fœmina speciosissima, Gandalfi Alheimorum Regis (tractus inter Gautelsam & Raumelsam in Norvegia) filia, (forte quem Saxo Gandal Senem *Lib. VIII. pag. 144. Editionis Hafniensis 1644. excusæ*, memorat, dum Haraldi Hilditanni athletas exponit) Algeiris neptis, Alfi Senis proneptis, secundum librum Originum Norvegiæ. Verum Finnalfum Raumi filium hic intelligendum non esse temporis ratio dicitur, quæ tot annorum spatio multo plures generationes requirit. Cum igitur carmen vetustissimum *Hundlutod* alias *Veluspa hin Skamma* dictum, Alfum Senem alium nobis suggerat, eundem hic intelligendum censeo. Illius autem genealogiam ad Svanum Rufum hoc ordine refert. Alfi Senis pater fuit Ulfus, Ulfi Sæfarius, Sæfarii Svanus Rufus, Svani autem Rufi patrem Finnalfum Origines dicitant. Erit itaque Alfildis Finnalfi trinepotis filia in linea descendente ab eo & uxore ejus Svanhilde Auripenna, quæ filia fuit Dagi Dellingi ex uxore ejus Solemundisarii filia, numero septima, à Nore vero nona, magno in serie progenitorum hiatu, ut ex *hujus Partis Lib. IV. ubi de progenie Noris, & Lib. V. tabula genealogica, lit. C. conspicuum est.*

CAP. XXVIII.

DE CERTAMINE SIGURDI HRINGI
CUM GIUKUNGIS.

D Giukungos, Gunnarem & Hognum, Sigurdus Hringus uxoris suæ fratres Gandalfi filios legatos misit, ad tributum aut bellum indicendum; abnuentibus tributum dies certamini in confinio regni conductus est. Giukungi affinem suum Sigurdum Fænericidam in subsidium vocatum duxerunt. Comes ei tum fuerat Nornagestus, qui hæc ipse Olaf Tryggvino Norvegiæ Regi, circa annum r.ongentesimum nonagesimum octavum, jam trecentorum annorum ætate completâ, narravit, certisque signis fidem relationis fecit. Navigatum est æquilonem versus usque ad Holsatiam, portusque captus ad fluvium Jarnamodam; inde non procul, hastis è corylo erectis campus prælio destinatus circumdatus est. Mox à borea classis, cui Gandalfi filii præfuerunt, advenit; nam Sigurdus Hringus prælio adversus Kyros (quos Finnlandos esse *Rudbeckius Atlant. Cap. VIII § 2. Pag. 338.* prolixè demonstrat) & Qyenos, qui in regnum ejus Sveciam irruerant, occupatur. Erat enim id temporis ætate provectus. Magnis ex utraque parte animis pugnatum est, Gandalfi filiis, utpote inter suos robore præcellentibus, magnam ubique cladem inferentibus. Eminebat in exercitu eorum vir quidam, staturâ gigantibus quàm hominibus similior, qui viros equosque pariter immensis ictibus dissecabat, nec resisti poterat, propeque fugam Giukungorum acies erat: illi Sigurdus obviam factus, quinquam esset, quæsit? Starkadum (Starcatherum) Storvirki filium è Fenringo Norvegico se oriundum appellavit (insula Aschenfis prope Bergas id temporis ita vocata est; diversus tamen hic Starkadus ab illo fuit) Sigurdus *ejus mentionem notam satis, sed infamem, respondit, neque talibus hominibus, in perniciem aliorum tantum natis, parcendum.* Indignatus Starkadus, quinquam se ignominiosis verbis lacefferet? quæsit. Sigurdum se vocari respondit. Fænericidane? regessit; imò, respondit

pondit Sigurdus; quo audito Starkadus effugii oportunitatem circumspexit. Insistat Sigurdus, hastiliqve, malis percussis, duos molares dentes elicit, quorum alterum excidentem Nornagestus sustulit, fuitqve posteris admirationi, idemqve in Dania posterioribus seculis catenæ pullandis campanis adhibitæ alligatus spectaculum præbuit, utpote pondere septem unciarum. Starkado fugiente cæteri metu percussi in fugam versi victoriam Giukungis reliquerunt; qui triumphantes ingenti præda onusti domum redierunt. Paullò post delatum est, Starkadum Regem Armodum, dum balneò corpus ablueret, per insidias occidisse. Fuit is Asmundi Berferkicidæ, Ottaris Halogiæ Regis filii postea ab ingenti navigio, Gnod dicto, cujus supra meminimus, Gnodensis etiam vocati, filius.

CAP. XXIX.

DE RAGNARE LODBROKE.



IN patris Sigurdi Hringi aula filius ejus
Ragnar

adolevit; staturâ formaqve, uti historiæ Hilditanni reliquiâ tradunt, supra omnes mortales, qui unquam visi sunt, insignis, quo matrem suam referebat; constat enim ex antiquissimis memoriis, quòd genus illud hominum, quòd Alforum nomen gerebat, (populus nimirum qui provinciam Bahusensem Norvegiæ incolit) venustate formæ superaverit omnes gentes septentrionis. Duas habuit uxores, quarum prima fuit Thora Borgarhiortr dicta, Herraudi Ostro-Gothiæ Comitis, vel, secundum Ragnaris historiam, Regis filia, Ringi neptis, Gautii proneptis, non tamen illius, qui Odini Asiatici filius erat. Mater ipsi Hleidis, Godmundi Regis Glæsisvallensis filia. Hanc pater tenerrimè dilexit, & Hiortsev cervum cognominavit, quòd aliis virginibus, uti cervus animalibus, venustior esset; fuit enim forma singulari. Palatium illi pater magnificè exstruendum curavit, ligneis manibus cinctum, consuevitqve quotidiè novo aliquo munere honorare. Erat parvus angvis, quem non indignum putabat filia muneris dari; nec illa aspernata arcula eum inclusit; qui in dies crescendo, tam angusto loco ulterius includi neqvebat; tandem, cum etiam palatio nimis videretur, foràs remotus, alimenta quotidie ministrata capiebat: ad ultimum eo processit, ut se in spiras gyrosqve volvendo universum palatium circumflexu ambiret, adeoque asper & formidabilis factus est, ut aditum ad virginem omnibus, præter eum, qui cibum sibi ministraret, præcluserit: prandio vel cænâ integrum bovem devorabat. Herraudus nuptiis filia necem illius licitatus, interfectori, cujuscunqve conditionis esset, uxorem futuram publico edicto proclamavit: quòd latè sparsum ad aures etiam Ragnaris pervenit; qui propositum dissimulans, quinque braccas villosas, lacernam etiam villosam, ad staturæ suæ modum formari curavit; quas fervente pice tinctas ad solum siccat; æstate, cum classe ad Gothiam appulisset, in recessu finis cujusdam eam occultabat, non tamen procul à Regia. Ibi nocte transactâ, summo mane surgens, monstrosas vestes induit, hastaqve ingenti arreptâ solus a classe recessit, in arena à conspectu hominum remota, universum corpus, hac veste tectum, volutabat, quæ picem liberius suxerat: clayum denique, qui spiculum hastili necebat, removit, priusqve ad mœnia pervenit,

nit, quàm ullus intra palatium surrexisset. Cum ad vallum, quem serpens sepeſerat, perveniſſet, punctim ſerpentem ſeriebat, verum haſtâ ſubito retractâ, iterum eam valido niſu dorſo illius impegit; qvi ſubito ſe convertens, ſpiculum vulnere inhærens detinuit, haſtili Ragnari relicto. Moriturus adeo infremuit, ut tanquam terræ motu regia concuti videretur. Inde excitati, qvi intus erant, ſurrexerunt. Ragnar verò reſeſſurus, virgini egreſſæ conſpectus, monſtroſum habitum præferens, gigantis ſpeciem referebat; quæ ipſum inclamans, quinam eiſet rogavit; is metricè reſpondens genus nomenqve reticuit, ætatem vero quindecim annorum profeſſus eſt, amoremqve illius, qvi ſibi arma adverſus truculentam beſtiam induerit, quam etiam poeticè *Hendalax/ ſeu teſqvorum ſalmonem*. appellando deſcripſit: id quod neqve hominibus, neqve alii animantium generi, quàm ſerpentibus, qvi in teſqvis, velut eſoces in aqvis, verſantur applicari poteſt.) Nec tamen ratione caret, quod quidam per hunc angvem prædonem interpretantur. Nomen ei forte Ormus, æ: ſerpens fuerit, adhuc uſitatiffimum, ad quod alluſiſſe Ragnarem facile quis conjeſtabit, cum illum ut ſerpentem poeticè deſcripſerit; fortè gigas aut giganti ſimilis, cuſtodia palatii virginis delectus, deinceps plus nimio ferociverit, nec nuptias ejus ambire veritus. Illuſtre tale exemplum nobis hiſtoria Islandorum *Enryggiaſaga* præbet, probatqve, opere ſupra hominum vel plurium vires, via nimirum publica in rupibus ſtrata; quod duo tantum natione Sveci peregerunt, non ſine perpetuâ poſteritatis admiratione. Ita elocutus Ragnar relicto ſpiculo reſeſſit, haſtile ſecum ferens. Illa vero cubitum reverſa, ubi ætatem hominis cum ſtatura conſerebat, vix eum uſitati generis humani, ſed potis gigantum quendam, reputabat, ſollicitaque de patris voto poſt varias curas ſomnum denuo capiebat. Rex ut occiſum ſerpentem cognovit, telum vulnere extractum conſpicatus, pauciſſimis quidem habile, non dubitavit, quin mercedem præmiumqve quandoqve repeteret, veritus tamen ne temerarium votum ad inæqualem copulam filiam obligaret; conſulebat eam quid facto opus eſſet. *Ille publicum concilium convocandum cenſuit, ad quod omnes, ni iram Regis incurrere vellent, convenire tenerentur, edicto ut quisqvis ſe cadis ſerpentine reum profiteretur, id ſpicali ad haſtile aptitudine probaret.* Famâ deinceps concionis ad claſſem Ragnaris pervolante, cum maximâ militum parte eum ſtatim exciyit, electoque peculiari paululum a congregatione cæterâ diſtincto loco, cum ſuis conſtitit. Rex indicto ſilentio aſurgens, aptâ oratione primò gratias egit, quòd edicto ſuo ſe adeo obedientes benevolosqve præbuerint: exorſus inde a ſerpentis hiſtoriâ, adeo formidabilem factum memorabat, ut votum de elocanda filia in conjurationem ſui extorſerit; deinceps ſpiculum demonſtravit, quod infixum vulnere heroicam interſectoris virtutem immaneque robur teſtaretur: tandem petivit, ut qvi ſe cadis authorem profiteretur, haſtile, quod ſpiculum ſibi jure venderet, in medium afferret, potiturumqve filiâ, quam tantæ virtutis ſpecimine meruerit, cuſcunqve demum ſortis & conditionis eſſet. Exinde ſpiculum per circuitum ſingulis exhibere juſſit. Cum ad Ragnarem perveniſſet, ipſe ſibi vendicavit, nexu haſtili quadrante. Deinceps nuptiis celebratis Thoram uxorem duxit, domumqve ſecum deduxit. Nomen inde Lodbrochis à villoſis braccis, à ſocerò, ut ſerunt, perpetuum virtutis encomium ſibi impoſitum, reportabat. Ex Thora duos tantum filios ſuſcepit, Agnarem & Eiricum, & unam filiam, nomine Thoram, nec plures Islandicis documentis progeneraſſe traditur. Juvenes ætate adultâ formâ,

mâ, staturâ, viribus, artibusque præcipuis, cæteris serè superiores. Verum conjugium inopinata mors Thoræ subito diremit, quæ res adeò acerbè Ragnarem habuit, ut munia regni fastidians in remedium luctûs tædii-que diurnæ orbitatis piraticam posceret. Hic inter alios *Meurjus* quoque publico edicto eum mandâsse tradit, ut si qui filios sive servos minus gnavos aut industrios haberet, eos sibi traderent, bellum in externos moturo, qui subiecti olim regno defecissent. Quod dum agitur, regnum ordinat, & spectatâ fidei duodecim viris reipublicæ curam tradit, & quæ plura; nam statim subjungit, cum in regnum rediisset, Svanlaugam conjugem duxisse. Quæ apprimè Islandica monumenta supplent, & conciliant. Quod autem *Johannes Gothus* & eum secuti Svetici scriptores tradunt, Ragnarèm per nuptias Thoræ Scaniam adeptum esse, præter quam quod Dani contrariis relationibus refellunt, dum hæreditate paterna obvenisse, Scanosque à partibus ejus stetisse tradunt, antiquitates etiam Islandiæ ignorant, quinimo ad oculos monstrant, non modo Scaniam, sed etiam Gothiam Danorum imperia agnovisse. Nam Haraldus Hilditanni milites & auxilia imperavit Hringo Herraudi patri, ut *Historia Herraudi & Bosii* testatur, infallibili argumento, Sveciæ id temporis subiectas non fuisse, cum Hringus Sveciam non teneret. Nec *Rudbeckius in suo catalogo ad calcem Historia Loccenii, aut in sua Chronologia* Herraudum inter Sveciæ Reges agnoscit. Jam verò Sigurdus Hringus à morte Hilditanni omnia hæc regna tenuit, cujus hæres erat Ragnar Lodbroch, ut non esset quòd Scaniam dotis nomine acquireret. Magnam etiam partem Norvegiæ Raumarikam & Vestfoldiam Sigurdum & Ragnarem tenuisse, quam armis Eiricus Emundius recipere conatus est, *Haraldi Pulchricomi historia* memorat. Aslaugem Sigurdi Fafnericiæ filiam post mortem Thoræ uxorem sibi sociavit; de cujus parentibus & majoribus ab Odini tempore pluribus dicendum, à quo sex tantum gradibus removetur, idque intermediorum nominum defectu, cum statim ab uno majorum alicujus cognomine ad priores illos recursum sit, cum ipse Ragnar duobus & viginti gradibus ab illo removeatur, ut *Lib: III de Originibus Norvegiæ Cap: XXVI.* monstratum est. Sed ubi ista lacuna ingensque hiatus incipiat, investigare nequeo.

SECTIO QUARTA. DE PROGENITORIBUS SIGURDI FAFNERICIDÆ, RAGNARIS LOD- BROCHIS SOCERI.

CAP. XXX.

DE YGGIO SEU SIGGIO ODINI FILIO,
EJUS FILIO RERERE, INITIISQUE NEPOTIS VOL-
SUNGI, EJUSQUE FILIÆ SIGNIÆ NUPTIIS CUM SIGGEIRE
GOTHIÆ REGE, ET QUÆ INTER EUM ET SPONSÆ
FRATREM SIGMUNDUM INTERVE-
NERUNT.

Filius



Illic Odini Eddæ vetustissimæ exemplari, Franciæ à patre præfectus, Yggius, aliis Siggus, appellatur; qui ob clandestinam cædem in Bredium, servum cujusdam potentis viri, nomine Skadii, inter venandum admissam, quod illum sibi palmam præripere indignaretur, in exilium consilio publico actus refertur, judicatusque lupus in asylo; quæ formula publicam securitatem, tanquam lupus ovium stationem invasisset violassetque, notat. Longam deinde viam patre comitante, & classem militemque subministrante, emensus, bellis latè circumferendis clarus evasit, debellatisque Hunnis regnum sibi comparavit, ad ultimum insidiis fratrum uxoris suæ occubuit. Filius ei

Rerir

periculum patri exitiale per absentiam evitavit, sed cognito patris fato, amicorum cognatorumque operâ & auxiliis suffultus, exercitum comparavit, hostibus adeo formidabilem, ut ultro regnum ipsi deferrent; fraudis inde scelerisque in patrem admissi oblivionem factamque gratiam tantisper simulabat, donec civium studiis favoreque potens, neminem sibi resistere posse animadvertit. Tum demum interempti patris manibus feriorum proditorumque sanguine ritè se parentaturum arbitrat, avunculos occidi fecit; perivasus sanguinis nexum in iis haudquaquam violari, qui affinitatis arctissimæ jura priores temerassent. Inde bella per longam annorum seriem circumferens, imperii terminos quoque versus protulit, ut finitimis Regibus undique formidini esset. Tandem filium sacrificiis à Diis exoratum uxor conceperat, qui post patris, piraticæ quidem rei intenti, morbo tamen sublato, optatam mortem, quippe palatinis Valhallæ deliciis rependendam, tum demum exsecto utero, matre extincta, in lucem prodiiit. Is

Volfungus

appellatus Hunniam à patre relictam magnis incrementis dilatavit; vir stature corporis viribusque ingens, animo invictus, & adversus omnia pericula intrepidus, plurima bella, eaque periculosissima, gessit & confecit, uxorem habuit Hrimneris gigantis filiam, cujus nomen reticetur. Ab eo præclara Volfungorum, quæ alias Ylfingorum familia dicitur, nomen sortita, præcipuos orbis septentrionalis & tantum non totius Europæ Principes extulit. Decem habuit liberos, omnes ingentes viros, & in antiquissimis memoriis celeberrimos, inter quos gemelli, tum nascendi prærogativâ, tum etiam aliis corporis animique dotibus, eminebant: filius scilicet.

Sigmundus,

filia Signya; hanc Siggeir Gothiæ Rex, quem Halfdani Prisci nepotem, patre Sigare natum, à Forhioto decimum, Origines Norvegiæ perhibent, uxorem sibi deposcebat, nec patri filiisve conditio displicuit, quod esset Rex magni nominis, gestorumque magnitudine celebris. Virgo de consensu requisita, quamvis id sibi valde displicere testaretur, voluntati tamen patris haudquaquam se repugnaturam respondit. Dimissus in præfens procus ad præfinitum nuptiis diem cum magno comitum filiorumque numero rediit. Eo quoque omnes Volfungi filii & magna amicorum invitatorum frequentia confluit; qui obviam Regi procedentes magnâ pompâ

eum in aulam deducunt. Palatium erat conspicuæ magnitudinis; & pro capto temporum raræ magnificentiæ; arbor medio pavimento radicata, ingentis molis, stetit, ramis frondosis culmen penetrantibus, supraque tectum se explicantibus (Barnstœt appellabant) valde speciosa. Focus oblongus (Langelstœt) medio pavimento, juxta cœnaculi longitudinem, extendebatur, quem universum convivæ circumsidebant. Fortè sub vespèram, procedente hilaritate, vir quidam ignotus, staturâ procerus, ætate senex, altero captus oculo, tunica talari versicolore amictus, qui nudis pedibus lineæ fœmoralia astrinxerat, pileum capite gestans, manu gladium, ingressus palatium, nudatum prius ensẽm arbori capulo tenus impexit; cumque nemo ipsi assurgeret vel compellaret; *quicumque gladium hunc, inquit, impactum trunco extraxerit, muneri habeto, confessus ultro, nunquam nobiliorem gestasse*; atque his dictis palatio egressus est, nec ulli unde venerit, quove se receperit, deinde constitit. Hoc velut signo dato, certatim omnes ad arripiendum gladium ẽ sedibus prosiliunt, atque in primis Reges; hujus namque muneris compos fieri quilibet optabat; verum adeo fixus ensis erat, ut dimovere, nedum extrahere, nemo posset. Post proceres turba populi, perinde irritò conatu, recessit; solus Sigmundus, seu virtutis suæ, seu studii in Odinum, mutuique ejus in se favoris conficius gnarusque, quo clarior evaderet, expectabat, donec singuli recesserant; tum demum intrepidè truncum accedens, nullo negotio gladium retulit, qui omnibus acuminis incomparabilis visus est. Ejus comparandi cupidine Siggeir protinus accensus, pari pondere auri ut sibi redimere liceret, postulabat. Cui Sigmundus; *absque pretio auferre potuisses, modo dignus fuisses, qui gestares; nunc vero nunquam in tuam potestatem venturum scias, licet univèrso, quod possides, auro permutare gestias*. Altius illud responsum in animum Siggeiris penetravit, quàm præ se ferebat; nam protinus iram, quam concepit, in meditationem vindictæ ultionisque solatia versam dissimulavit, ulteriusque de hac re colloquium, tanquam superfluum, intermisit. Nocte proxima in geniali lecto cum uxore concubuit; mane verò, cum cœli temperiem commodam nactus ẽset, elabi se eam nequaquam permissurum referebat, petere itaque, ut veniam reditũs cum uxore focer permitteret. Haut inviti Volsungus & filii iter appropinquatum Regem convivioque excessurum dimississe feruntur, cognito quòd ulterius sisti nollet. Signya autem discessura patrem enixè oravit, ut contractum raptim matrimonium protinus rescinderet, quod abstrusioris artis notitia familiarique genius luctuosum prodigique simile futurum innuerent. Pater de fide agi respondit, eam se semel datam nunquam violaturum, nec ullam generum causam dedisse, cur contractum irritum faceret; sine autem præviâ culpâ amicum & necessarium hominem ledere, præter quàm quòd nefas ẽset, insuper potentem virum in se suosque irritari; quòd si conjugium malè verteret, malle id culpâ illius quàm suâ suorumve fieri, ideoque virum, cui jam solenni ritu parentumque consensu nupserit, domum sequi jussit. Nec illa ulterius patris voluntati reluctari ausa, omni terrori prælagioque autoritatem ejus prætulit. Siggeir itaque abiens, focerum cum omnibus filiis, tantoque comitatu, quantum ipsi colliberet, ad se post trimestre spatium invitavit, festivitatem nuptiarum, cui domesticis occupationibus distentus apud eos interesse nequiret, domi aptiore tempore celebraturum professus. Soçer affuturum se pollicitus, benignè eum cum filia dimisit.

CAP. XXXI.

DE PROFECTIONE VOLSUNGI AD GENERUM SIGGEIREM, EJUSQUE IMMENSA FORTITUDE ET CÆDE, FILIORUMQUE NECE, SIGMUNDI CAPTIVITATE, SIGNYÆ IMMANI FEROCIA, ET MIRA ULTIONIS DE MARITO RABIE, SIGMUNDI PRIMIS NUPTIIS, RECUPERATOQUE PATERNO REGNO, ET EDITO IN LUCEM FILIO HELGIO, POSTEA HUNDINGSBANO SEU HUNDINGICIDA NUNCUPATO.



Ræfinito tempore Volsungus classe in Gothiam cum filiis omnibus, amicorumque haut exiguo comitatu, vectus, cum vespertino tempore idoneam stationem elegeret, Signya de ejus adventu per subornatos nuntios certior, ilico ad eum quàm occultissimè profecta, insidias aperuit; excitos namque toto territorio milites, qui ipsum cum filiis omnibus opprimerent, nec ei vires in præfens ad resistendum multitudini suppetere; multis igitur lachrymis orabat, ut dum modicum, quod instans nox suppeditaret, tempus superesset, sibi suisque consuleret, domumque protinus remearet, ibique militum tantam vim colligeret, ut justum exercitum conscriberet, tum demum rediret: Siggeirem facile iis copiis & oppugnari, & virtute felicitateque patris familieque suæ expugnari posse, insidiasque, quas molitus fuerat, in ipsius caput redundaturas. Ad hæc Volsungus; propositum sibi esse respondit, postquam votum, quod nativitatem præverterat (id enim de eo nondum nato fabulantur) de igne ferroque spernendo, intervenierit, pericula belli armis semper superare, nunquam fugâ declinare. Plusquam centies se variis copiarum viribus, majoribus interdum, quandoque minoribus instructum, bella gessisse, consilia fugæ nunquam agitasse, nec jam senem passurum filiis suis mortis formidinem à virginibus improperari; semel cuique moriendum, nec mortem, quantumvis feram, ullum tamen evasurum; eamque demum optabilem, quæ ereptam vitam perpetuâ famâ rependat, excedentemque nobilitet, æternisque honoribus deliciisque in aulâ Valica beatum cumulet. Me igitur authore, inquit, omnes filii amicique, quotquot adestis, quandoquidem hic delati sumus, in crastinum exscensionem in amici perfidi, magis quàm justis hostis, terram facite, hostiumque cruore vobis litate, seduloquè cavete, ne multi moriamini. Acerbè Signya ad moriendum obstinatum pertinacemque patris animum deflevit. Ille ad maritum regredi, nec ullo suarum rerum eventu ab eo se dirimi ut pateretur mandavit. Ad Siggeirem igitur, de futuris valdè sollicita, eadem nocte rediit, ne fatalem calamitatem obstinaciæ conscientia adversus ultimum patris præceptum aggravaret. Primâ luce Volsungus cum filiis, jam non ad convivium sed mortem fortiter oppetendam, hostiumque manibus quasi accelerandam, se accingit, editurus prius invicti roboris fortitudinisque, gratum oculis illorum, filiarum vero horrendum flebileque, spectaculum. Nec Siggeir differendum ratus; nam statim in hostes navibus egressos cum exercitu universo invectus, longè fortius, quàm paucitatis conditio tulit, excipitur. Otiès eâ die Volsungus cum filiis, obvios quosque prostermentibus, hostilem aciem perrupisse memoratur; non idem perpetraturus, in mediâ inter confertos undique hostes viâ, vincendo magis defatigatus, quàm devictus, exanimis corruit: brevi deinde

qvi cum seqvebantur conciderunt. Decem filii fortissimè pugnantes clypeorum confectum congestorum objectu capiuntur; qvos confectum ad supplicium duci Rex mandavit. Fertur soror, cum preces suas de liberatione fratrum nihil apud inflammatum rabie Regem profecturas probè nosceret, dilationem tantum mortis petivisse; qvòd cum nec ad eos eximendos, nec leniendos, sed aggravandos cruciatus tendere Rex animadverteret, facile precibus ejus subscripsit. Singuli successivè crudeliter perempti sunt; solus Sigmundus furori Regio actu sororis ereprus, in latebris diutius: & qvidem (si fabulosæ relationi fides) complures annos, ibidem delituit. Proprios interim filios unum post alterum ex Siggeire susceptos Signya ad eum in ultionis segetè educandos misisse perhibetur, patrem per occasionem, duce Sigmundo, ex insidiis oppressuros, si ad tantum facinus animi iis satis esset. Cum autem ingeniis minùs idoneis deprehenderentur, iussu matris ab eo interfeciti sunt, qviritantis qvòd soboles ex Siggeire suscepta plus malitiæ à patre contraheret, qvàm à se familiæqve Volsungorum animi generosi. Ad suscipiendam igitur prolem, qvæ tantum Volsungi ingenium referret, peregrinæ mulieris habitu ignaro fratri, eiqve gemello, per tres noctes se supposuisse fertur. Natus ex hoc congressu indomitæ ferocitatis filius, ad indolem Volsungi examussim formatus, Sinfiotlius, Sigmundum ultione injuriarum sua sponte ardentem sæpius instigavit; qvi post longum dein de tempus, annitente Signya, nocte intempestà de improvviso supervenientes, ignem tectis Siggeiris subjiçunt, Signyamqve egredi jubent; mærorem ex atrocissimis mariti injuriis conceptum novis honoribus, opibus, obsequiisque pensaturos polliciti. Qvæ egressa Sigmundo exposuit, qvàm memor paternæ cedis fuerit, neqve ullam rem intermiserit, qvæ occasionem ultionis aliquando præbitura videretur; hinc proprios filios, qvòd segiores ad vindictam futuri viderentur, suâ autoritate sublato, hinc prostitutam pudicitiam, incestum cum proprio fratre, eoque gemello, Sigmundo, sub adulterinâ specie commissum, unde Sinfiotlius, communis ipsorum soboles, natus sit, qvi, qvòd Volsungi tam ex filiò qvàm filiâ nepos sit, naturam ipsius indolentemqve adungem exprimat, qvòd neutrum eorum amplius ignorare vellet; tandem se vòit compotem, dum ardentem Siggeiris aulam, inevitabilemq; mortem, dignam sceleribus ejus mercedem, minitari conspiciat. Cæterum tot atrocissimorum scelerum concursu constituisse sibi Siggeiris excidium, ut consortium pæne supplicique unâ cum marito flagitiis suis condignum ultrò deposcat, tanto documento ad extremum monstraturam, non proprio ingenti motu, sed lacesctam, horrendorumqve mariti flagitiorum machinis provocatam, inq; rabiem conversam, ad ea processisse, & tanquam impetu furiarum actam proruisse, quorum vindictam de se ipsa sumtura sit; itaqve, qvæ invita marito matrimonio juncta fuerit, iam ultrò mortis ejus sociam se præbituram. His dictis Sigmundum Sinfiotliumq; osculata in incendiù deinde prouens, allambentibus flammis cum totâ aulâ periit. Hic fuit Siggeiris immoderatæ implacabilisq; iræ & raræ crudelitatis, hic Signyæ, odiù inauditi tenacissimæ fæminæ, execrabilis exitus, horrendum divinæ vindictæ spectaculum. Verum non consistit, Sigmundum tanto tempore in regno Siggeiris delituisse, cum & elabendi occasiones multæ, & ad vindictam per exercitum è regno paterno comparandù pronior via suppetret; aliis ergò artibus, aliis vaframentis, hæc tam enormia scelera, qvæ hic describuntur (si tamen fidem merentur) peracta sunt; nos cætera Sigmundi gesta persequamur. Cum in Hunniam rediit, Regem qvædam, cujus nomen non proditur, qvi absente eo regnum invasit & usurpavit, bello adortus deinde debellavit, factusqve est magni nominis Rex ad exemplum majorum suorum, qvi Franciam, & hujus partem Hunniam, à primâ memoriâ rexe-

rexerunt. Borghildem deinde, partis cujusdam Danlæ Reginam (nomina Sialandiam indicare videntur) uxorem accepit; quâ magnopere locupletatus, magnis viribus amplâque ditione auctus est. Duo ex illâ filii progenerati, prior Helgius, postea Hundingi interfector dictus (Helgii nomen Saxoni confusionem peperit, qui Hrolfi Krakii patrem eum fuisse putavit) alter Hamundus: istum Borghildis mater Bralundis cum enixa esset, fatidicæ mulieres, ad præcognoscendam futuram illius sortem adhibetæ, celeberrimum eum Regem, sed nimis curtæ ætatis, futurum prædixerunt. Pater ei allium in argumentum & omen floridi incrementi dono dedit, Helgiumque nuncupavit: munus nomini adjectum, Ringstada, Montes solis (Solsfioll) Montes nivei (Snæfjoll) Campi Sigaris (Sigarævellir) Statio Hringi (Hringstaub) & Altus campus (Haram) Cæli præta (Himinvangar) præterea gladius affabrè ornatus, adjectâ formulâ, ut benè adolesceret, Volsungorumque familiam ornaret. Quod si horum nominum in Sialandia memoria superest, præter Ringstada & Sigersted, non modo solum, sed etiam provinciam natalem Hundingicidæ invenimus. Extat carmen genethliacum, Eddæ Sæmundi inter Odas insertum, miræ elegantiae, in honorem ejus factum. Helgius apud Hagalem, virum primarium, enutritus, de nomine alterius Helgii Hiorvardi, Regis cujusdam in Norvegiâ filii, nuncupatus est. Creditum est quòd anima ejus post mortem in Helgium hunc translata migraverit, uxorque hujus Helgii Sigruna dicta prius fuerit Svava, Eylimii Regis filia, Helgii illius Hiorvardi filii sponsa, Sigruna quoque post obitum in aliam feminam migraverit, Karaque Haldani filia deinceps nuncupata sit, ut & hic Helgius Hundingicida in alium Helgium Haddingia-Skadium. Adeò Pythagoræ dogma non minus septentrionem, fortè per Zamolxem dispersum, quàm orientem obsedit; nam animas interire negabant; ab uno autem corpore in aliud perenni fluxu post mortem migrare Druides docuerant. Sic Olaf GeirstadaAlfi animam in S: Olafo Norvegiæ Rege agnoscebant. Sed & duos homines unâ vitâ animâque vivere existimatum; quod exemplo Haraldî imperiosi & Mariæ filia ejus idoneo loco patebit.

CAP. XXXII.

DIGRESSUS DE HELGIO HIORVARDI FILIO, GESTISQUE ET MORTE HELGII HUNDINGIDÆ.



Um autem Helgii Hiorvardi filii mentio facta sit, cujus nomen Helgius Hundingicida personamque gesisse redivivam existimatus est, par est, ut quam paucissimis, quæ de eo vetustas commenta est, exponamus. Pater illi Hiorvardus, partis alicujus in Norvegia Rex, ex tribus uxoribus tres filios progeniuit, Alf hilde natus Hedinus, Særeide Humlungus, Sinriode Hymlingus (simul an successivè singulas duxerit, non exprimitur,) quartam ducturus vovit, eam futuram omnium pulcherrimam: talem Sigurlinam Svafneris cujusdam Regis filiam cum percepisset, tandem, licet aggrè, impetravit. Ex hoc conjugio natus Helgius, longo tempore mutus, & sine nomine; fortè quòd tales istius non capaces existimarentur. Erat alius Rex, nomine Hrodmar, qui Sigurlinam simul ambiebat, qui ob prælatum

latum sibi Hiorvardum, Svafnerem, anteqvam filiam despondisset, sustulit, cuius cædem Helgius, jam vocis sermonisque potens, ultus, Hrodmarem quoque oppressit; pactus deinde nuptias filiae Regis cujusdam Eylimii, virginis nomine Svavæ, equestribus exercitiis bellisque asvetæ; ne tum quidem eam ab usitato vitæ genere avertit, quæ tamen domi apud parentem cum familiaribus suis, eidemque studio addictis virginibus, permansit. Ille peregrè profectus, præliis & victoriis ubique inclaruit. Dum vero extra patriam his gerendis intentus celebre sibi nomen famamque compararet, frater ejus Hedinus domi confedit. Præcedaneæ festi Jolensis feriæ vespere, cum è sylva domum remearet, facta est illi obviam femina gigas, lupo insidens, habernarum vices colubri supplebant, quæ comitem se ei obtulit; quò conditionem renuente, daturum eum pœnas ad craterem Bragii minata discessit. Hoc eodem vespere festi solennitatem pro more Rex aulicique auspicatori vota concipiebant, cumque exhauriendus esset memoriæ Bragii consecratus scyphus, piaculari verri manus imposuerunt, vota-que nuncupabant. Tunc Hedinus temerè vovit, se fratris sui sponsam Svavam Eylimii filiam (non enim sui composerat) in uxorem ducturum. Verùm tanta statim penitentia subivit, ut subducens se hominum cætribus, per avia & solitudines errabundus, non prius desisteret, quàm ad fratrem perveniret, ipsique omnem rerum suarum tragediam exponeret; etenim in angustiis constitutus videbatur, cum hinc parricidium, illinc perjurium urgeret, Helgius *bono eum animo esse iussit; votum enim, utpote quod ebrius conceperat, solvi fortè posse, etenim intra triduum bellum sibi indictum, de reditu dubitare, quod si occumbat, non amplius voti reum futurum, mulierem namque giganteam, lupo serpentinis habenis domito vectam, suum fuisse genium.* Nec frustra auguratus est, nam Alfus Hrodmaris, quem ante occiderat, filius, eum ad certamen in campo Sigaris (vernaculè *Sigars-vell*) provocavit. Cruentum admodum bellum illud, & magnâ ab utraqve parte strage gestum est. Ibi lethali vulnere Helgius faucibus, nuncium, Sigarem nomine, ad Svavam miserat, ad extremum colloquium arcessendam. Quæ, ut præsentem mortem nullo modo evasurum vidit, valde mæssa, majori tamen cum doloris accessione auditit illum id ultimo expetentem, ut fratri nuberet: amore nihilominus sponsi, quo vehementer flagrabat, illud ei denegare non sustinuit, si tamen frater ulturum se ejus necem prius sponderet; quod is intrepidè pollicitus, executus etiam creditur. Talis erat Helgius Hiorvardi filius, qui redivivus Helgius Hundingi intersector, Sigmundique filius existimatus est. Hic Hundingum potentiâ celebrem Regem bello profligatum occidit: perpetuum gloriæ monumentum cognomen inde contractum, quo *Hundingas bani* id est *Hundingicida* seu *Hundingi intersector*, ab illo tempore internosci cepit. Ut minus illo seculo usitatum in eo notatum est, quòd digressus à cæde Hundingi, cum in portu Brunavogis cum universis copiis consisteret, crudis & ipse carnibus vesceretur, & toti exercitui manducandas præberet, sive quòd subita fames, cibi-que desiderium, moras, dum coqueretur, non admitterent, sive notabili quadam feritate. Fuit Rex quidam, nomine Høgnius, qui filiam suam Sigrunam inconsultam & invitam despondebat Hoddbroddo, Regis Granmaris de Svarishaugo filio; quæ conditionis impatiens ad invivendum Helgium profecta, deprehendit eum apud montes Loganos in loco Arafteine, postquam expugnâset occidissetque Hundingi filios, paternam ultionem repetentes; quam cum domum secum invitasset, responsum accepit; *id sibi non licere, patrem namque suum despondis-*

se se Hoddbroddo Grammaris Regis de Svarisbaugo filio invitam, processurasque nuptias, ni maturè interveniat, seque vel è paterna domo raptam auferat, vel proco bello superato occisoque eripiat, se enim illum maritum sibi deposcere, ipsum vero tanquam cornicis pullum asseruari. His exoratus Helgius, vel proprio vitæ periculo se eam redempturum pollicetur, sineque mora copias conscribit, & quòd cum potenti Rege res esset, auxilia ex sociis & fæderatis, mercenariumque militem undique colligit. Cum ad præfinitum bello locum navigaret, in præsentissimum vitæ periculum, vel ventorum violentiâ, naufragium identidem minantium, adductus, tantum aberat ut vela contraheret, ut altius etiam elevarer, à stolidâ audaciâ, more seculi, fortitudinis laudem & gloriam, invictique nominis famam, etiam adversus ipsam naturam, quæsiturus. Tandem superato periculo, cum classem in optato portu collocasset, mittitur Gudbrandus Hoddbroddi frater à Svarisbaugo ad inqvirendum unde digressa, quibusve ductoribus tanta classis, & quo fine, appulsa sit; quod postquam Sinfiotlius exposuit, scommatibus ultro citroque jactis recessit, retulitque rediens quod compererat. Misit ergo Hoddbroddus ad colligendum militem, quotquot armis per ætatem valitudinemque gestandis idonei erant. Convenerunt & in his auxilia ab Ringi cujusdam Regis filiis, Atlio, Ingio, & Alfo Sene, missa, pater etiam Sigrunâ Hognius, cum filiis Bragio & Dago, a partibus Hoddbroddi steterunt, paternum in virginem jus vindicaturi, fidemque sponso datam asseraturi. Locus pugnæ Frekasteinus deligitur; sed & Sigrunâ cum amazonum agmine Helgio suppetias tulit, qui tandem certamine victor, occiso rivale Hoddbroddo, cum universis Grammaris filiis, & Sigrunam & imperium devicti Regis uno prælio nactus est. Occiditur unâ Hognius virginis pater, cum filio Bragio. Dagus vero alter frater vitam juramento fidelitatis pactus, conservatus est ad perjurium & paternæ cædis vindictam. Post illam victoriam nuptias cum Sigrunâ celebravit, nec tamen conjugium, quod à paricidio auspicatus est, diuturnum fuit, nec exitu quàm inceptu felicius, quippe Dagus Odino per sacrificia supplex gladium impetravit, quo affinem suum Helgium in loco Fiotrlunde trajecit. Quo perpetrato, à sorore cum cædem ei promulgavit diris devotus est. Non referrem quæ sequuntur, nisi similia exempla apud alios etiam scriptores extarent. Tanto mariti amore æstuans fertur Sigrunâ, ut ejus, quantumvis exanimis, commercium, quod ægotantis animi delirio impetrari posse concipiebat, saltem ad exiguum tempus exoptaret, nec mille fraudum artifex hic cestabat. Nam fortè sub vesperam egressa pedissequa vidit Helgium cruore madentem, eqvoque insidentem, turmas eqvitum sangvinolentorum ducere, citatoque cursu ad collem, quo conditus erat, tendere; quæ causam reditus quærere ausa est; num sub crepusculum Deorum, Ragnarocktr dictum; (finem mundi intellegit) mortui convenirent; vel dimissionem ex aula Valicæ Helgius cum sociis impetraverit, an falsæ imagines oculos deluderent? Cui imago Helgii respondit; nihil horum illam rite collineasse. Famula dominæ ea, quæ viderat, exposuit. Ast illa mariti immodico desiderio flagrans ad tumultum processit, quem apertum intrans, Helgium obvium sibi habere visa, lorricam cruentam indutum, comamque cruore conspersam, in complexus ejus ruebat. Transtulisse corpus illius principem tenebrarum crederem; si tangere poterat, & potuisse constat, cum lectum intra collem sterni curaret, in quo per integram noctem concumbebant. Ante diluculum larvatus Helgius sibi ad Valhallam remeandum esse monuit, non enim auroræ amicos Manes esse. Atque his dictis recessit. Illa domum rediens, proximo vespere

vespere famulam ad tumultum excubare iussit, relaturam si maritus rediret. Verum cum amplius non appareret, monuit dominam, ne ad tumultos mortuorum per noctes progrediretur. Sigruna paulo post ex mœnore tabe contracta decessit. Similia ex Annalibus Cretensibus citat *Cornelius Agrippa, Occultæ Philosophiæ Lib. III. Cap. XLI. Legimus*, inquit, *in Annalibus Cretensium, manes, quos illi Catechabas vocant, in corpora remeare solitos, & ad relictas uxores ingredi, libidinemque perficere. Ad quod evitandum, & quod amplius uxores non infestent, legibus municipalibus cautum est, surgentium cor clavo transfigere, totumque cadaver exurere. Miranda procul dubio sunt hæc, ait author, & opinioni fortè inimica videri possent, nisi fidem facerent & latæ leges, & credite Antiquitatum historiæ.* Post mortem autem in Karam Haldani filiam, quod vitæ genere eodem amazonibus familiari, quo tum, cum Svava & Sigruna habita esset, delectaretur, conversa credita est.

CAP. XXXIII.

DE EXITU SINFIOTLII SIGMUNDI FILII.



E Sigmundi filio Helgio abundè dictum est; ejus frater Sinfiotlius, ex incestu genitus, talem habuit exitum. Petebat is unâ cum novercâ suâ Borghildis de Bralandis fratre, unius ejusdemque virginis conjugium. Ex æmulatione orta dissidia in cædem tandem eruperunt. Sinfiotlius, interemtô rivali, cum ad patrem rediret, novercâ, cædem fratris ulturâ, implacabili odio excipitur, quæ regno eum exulare iussit. Verum mariti imperio ad satisfactionem accipiendam compulsus est. Itaque dum ex quâ fratri magnis impensis à Sigmundo ad votum Reginae celebrantur, cornu eximiae capacitatis, plenum venenatâ portione, Sinfiotlio ebibendum Borghildis porrexit; quo recepto, cum mistum veneno merum intellexit, patri medicatum esse indicat; itaque Sigmundus arreptum cornu vice filii impiger exhaustit; tantæ namque duritiei fuisse perhibetur, ut absque noxâ venenum haurire posset, filius vero exterius, vel nudâ cute contrefrere integrum fuit; arte vero magicâ, an crebro exercitio, more Mithridatis, ita se muniverit, incertum est. Altera vice accedens noverca poculum exhibuit; defert ergo ad patrem, fraudem inesse poculo, illud etiam pater ebibit. Tertiò cum attulisset, acriterque increpasset, verbis etiam ad infamiam spectantibus ad ebibendum provocasset, perinde ut antea patri venenum inesse crateri indicavit, qui jam temulentior, probrosa;que provocationis impatiens, ut labiis colaret liqorem, hortatus est. Exhaustit igitur Sinfiotlius extremam illam potionem, exanimisque concidit; qui si regno secundum mandatum novercæ, iusta ira exstimulata, excessisset, rectius & dolori illius, & salutis suæ, consulisset. Ob eam causam regno Reginam à marito expulsam, & paulo post mortuam, Vita Sigurdi Fafnericidæ tradit. Edda tamen Sæmundi, unde illa multa mutuata est, diu eum in Dania in regno uxoris Borghildis remansisse perhibet. Nec litat veritati, jus illi tantum in dotali regno fuisse, ut eam proprio patrimonio privare potuerit, id quod nec cives passuros facile creditur. Consentaneum est, eum in Hunniam, partem Franciæ, propriumque regnum, id temporis ob diffidium cum uxore recessisse, iterumque in regnum ejus jam mortuæ concessisse. Postea aliam duxit uxorem, Hiordisem nimirum, Eylimii Jutæ Regis

Regis filiam, cujus genus ad Norem *Lib: IV. Cap. III.* exposui, quod & *tabella ad calcem Lib: V. Lit: E. numero 7.* exhibet. Frater Hiordidis fuit Griper, etiam in Cimbria Regulus, vir præfagus & prudens.

CAP. XXXIV.

DE SIGMUNDO ET LINGVIO NUPTIAS

HIORDISIS EYLMII FILIÆ EXPETENTIBUS, SIGMUNDO

PRÆLATO, MOX CUM SOCERO BELLO CÆSO, SECUNDISQVE

HIORDISIS NUPTIIS, ET EDITO IN LUCEM SIGURDO

FAFNERICIDA, EJUSQVE EDUCATIONE.



Um Hiordidis fama latè increbresceret, profectus eò Sigmundus à patre virginis, cognitis postulatis, convivio splendido excipitur. Illud hic ut novum notatum est, quòd ambo Reges in eadem aula vel triclinio convivati sint; an ad arctiorem amicitiam exprimendam? Ego quidem convivia discretis aulis aut tricliniis, præterquam quod in Haraldi Pulchricomi vita legitur, processeisse non observavi; forte hi in eodem cubiculo dormiebant. Eodem tempore accessit competitor, Lingvius nimirum Hundingi Regis filius, illius, quem Helgius Sigmundi filius occiderat. Pari honore utrumque Eylmii profecutus est. Verum cum ab ea parte, quæ repulsam passura esset, certum sibi bellum imminere prævideret, arbitrium eligendi mariti filia commisit; quæ Sigmundum, licet admodum senem, rebus tamen gestis celeberrimum præclarumque, florenti alterius ætati prætulit. Tanta virtutis æstimatio illo seculo etiam fæminis inerat. Lingvius hac ignominia affectus, repulsâ virginis & ætatis, viriumque juvenilium contemtu, patrios penates frendens irâ repetivit, adque vindictam, viribus undique collectis, properans, infesta signa Sigmundo, veteri hosti, & plerumque superiori, intulit. Morabatur eo tempore in Hunnia socer Eylmii, qui filiam ad penates mariti à nuptiis in paternâ domo celebratis deduxerat. Lingvius Sigmundum improvisum adoriri probrosum ducens, facialem ad eum misit, qui bellum indiceret, certus, licet numero militum longè inferiorem, bellum tamen nequaquam detrectaturum; nec eum opinio fessellit, nam collectis, quantum per temporis angustias licuit, copiis, obviam hosti processit. Hiordis cum unica tantum famula rebusque pretiosioribus curru vecta in abdita silvâ ad eventum belli absconditur. Lingvius exercitum è navibus in terram exponens, cum Sigmundo & Eylmio concurrit. Admirabilis roboris documenta Sigmundus affectâ ætate eo bello edidit, neque enim clypeus vel lorica ulla tam firma fuit, ut ejus ictibus obstaret: ubique primus, & unde periculum maximum erat, præstò semper fuit, suosque exemplo magis quàm adhortatione ubique incitans, sæpius hostium turmas eo die penetravit; tutelares quippe genii eum ab omnibus vulneribus immunem præstitisse credebantur: brachia ad humeros usque hostili sanguine cruenta maduerunt. dubiumque prælii eventum solus facturus videbatur, cum quantum hostes numero, tantum ipse virtute præstaret, processeque in multam diem hoc tenore bellum, donec in mediâ acie Sigmundo vir quidam unoculus, lænam versicolorems indutus, verutum gerens elevatum, occurrit: Sigmundus ictum intentans illud collineavit, quo gladius in duas partes disruptus confringebatur. Ex-

inde acies ejus inclinare, fortunaque ab eo recedere visa, nec tamen animo frangi, quin bellum inter confertissimos hostium globos cieret, nihil intentatum relinquens. Verum cum pauciores pluribus tandem cederent, ipse demum superatur. Concidit eo prælio Eylimius, Rex celebris milesque impiger, qui illo etiam rerum farum extremo bello supra ætatis conditionem fortiter rem gesserat. Potitus victoriâ Lingvius valde gavisus est, quod omnem Volsungorum stirpem radicitus extirpasse videretur, cum Sigmundus soboli suæ universæ, fratribusque & forori, eorumque liberis superstes, hoc conflictu sine prole occubuerit. Itaque ad Regiam properans, prosperis rebus suis id tantum adversum accidisse doluit, quod nec Reginam, destinatam sibi uxorem, nec gazam Regiam in potestatem redegerit; nihilo tamen segnibus ditionem universam, cui præerat Sigmundus, circumiens sui juris fecit. Nocte post commissum prælium Hiordis ad locum, ubi gestum erat, inter cadavera pervadens, maritum vivum offendit, quæsitivæque an sanari posset? Is respondit, *multos quidem ex desperatæ curationis vulneribus sanatos fuisse, sibi vero sanitatem post illud tempus minime conducere, cum Odinus victorias amplius largiri dedignaretur, postquam gladius, quem donaverat, confractus esset; se multa ac periculosa bella gessisse, donec illi visum fuerit, jam verò invito eo nunquam amplius gesturum.* Regina nihili se damnum, jacturam regni opumque facere, dum modo is superstes esset, patrisque sui necem ulcisceretur. Cui Sigmundus: *alii quidem illud destinatum; nam fetus, quem utero gestas, filius erit, & nostræ quidem familiæ apex, tantusque futurus, ut nulla unquam secula nominis ejus gestorumque immodicorum famam oblitterari passura sint. Is meam patrisque tui necem vindicabit. Tu modo fragmenta gladii, quem mihi Odinus impertivit, reserva, ex quibus ensis longè præstantissimus conficietur, quem is gerendorum instrumentum sedulo custodiet; hoc tu orbitatis gemine solatium certissimum impræsentiarum cape, & longè multumque vale, namque me vulnera fatigant, libetque parentes & consanguineos mortuos invisere.* Illa apud eum donec exspiraret permansit; quo tempore sol oriens prospectum latè præbuit. Vidit itaque multas piratarum naves ad litora tendentes, itaque pedissequæ imperat, ut, mutatis vestibus, illa se Reginam profiteatur, se verò famulæ vices subituram. Piratæ litora prænavigantes, magnam stragem cadaverum duasque feminas ad sylvam vicinam properantes ut animadverterunt, & navibus quàm citissime se proripiunt. Classem duxit Halfus Hialprechi, tractus Thiodensis (hodie Thy dicitur) in Jutia Reguli, filius, qui ad feminas comprehendendas milites misit. Quæ ut ad eum pervenerunt, ordine rem gestam exposuerunt, famulâ sibi primas vendicante; quæ quæsitâ, ubinam Reges thesauros suos condidissent, gazam universam monstravit. Tantæ opes illuc resque pretiosæ congestæ erant, ut admirationi esset, tantum in unum locum coivisse, quas omnes una cum pedissequa & Regina domum Halfus deportavit; sæpe etiam cum iis collocutus in magno eas honore habuit. Fuit Halfus princeps eximiâ corporis forma staturæque, & multis præterea naturæ dotibus insignis. Discrimen natalium in utraque familiâ prima Regina Halfi mater notavit; itaque à filio quæsit, cur earum nobilior minus cultè vestiretur, constare sibi personas mutatas. Ille idem se quoque suspicatum confessus, mox experimento veritatem compertus, postquam Regina partu levata est nuptias cum ea celebravit. Edictus in lucem venustate insignis Sigmundi filius ad Regem Hialprechum delatus, scintillantium oculorum vigore eum in admirationem confestim rapuit, elicitque futuræ magnitudinis suæ præfagium, quo eum familiæ suæ decus

nec

nec animi viriumve robore parem habiturum vaticinabatur, mox solenni more aqvâ aspergendum curavit. Hic

Sigurdus

dictus est, magnâ curâ apud Reginem educatus, artibusque tanto fastigio dignis imbuendus Regino, viro peritissimo, sed staturâ corporis nano, committitur. Runarum illic elementis viribusque perspectis, ludorum in primis latronum) varia genera, lingvasque peregrinas, exercitia item militia, pedestria, equestriaque didicit. Forte eum præceptor aliquando rogavit, *an de relicta à patre gaza illi quicquam constaret?* qui respondit, *in custodia Regum esse, nec melius posse collocari, quippe se longe prudentiorum.* Alio tempore Reginus: *Mirum te Regum equisonem agere, usque à pedibus esse sustinere.* Cui Sigurdus *id non ita esse regejssit, cum liberum omnium usum secum ipsi permittant;* iussit itaque ut exiguo experimento voluntatem eorum affectumque exploraret, expetendo equum, quo veheretur; quem cum expeteret, iussus est ex omnibus eligere quem vellet. Postridie ingressus silvam obvium habuit prolixæ barbæ senem, sed ignotum; qui ipsam quo tenderet, quævisit. Sigurdus optionem equi factam sibi retulit, petivitque ut consuleret, quem potissimum eligeret. *Quin igitur, ait ignotus ille, agmen equorum ad lacum Busiltiorn agimus.* Compulsi in amnem hærebant omnes, præter unum colore cinereo, quem ad ripam tranantem ut eligeret, svasit senex, anxieque nutriendum monuit, nam esse generis optimi, à Slepnere Odini equo prognatum, futurumque incomparabili fessore condignum. Fuit ætate tenella, magnitudine insignis, nec ad id tempus quisquam ei infederat. Hic personatus senex Odini spectrum fuisse perhibetur, quod deinde disparuit. Postea Reginus eum ad occidendum fratrem suum, nomine Fafnerem, ob interceptum commune patrimonium, incitavit. Habibat Fafner in tesqvis Gnitensibus, quæ an in Cimbria sint non liquet, non procul à Dania fuisse certum est. Hunc in serpentem versum auro incubuisse, supersticiosa fabulata est antiquitas, quod magnâ auri vi per prædas congestâ potitus, ab ea, more serpentum, quos massæ pretiosæ incubare creditum est, nusquam se delvelli passus fuerit, quodque feritate & fraudibus serpenti haut dissimilis visus fuerit. Simile de Cychreo Salaminis Rege, serpente dicto, Stephanius & Eustathius observant. Sigurdus ultionem patris avi que materni irius peragendam replicuit, deinde cum Fafnere congregiendum, modò ense in victi acuminis fabricaret; erat enim fabrorum omnium peritissimus. Duos enses fabricavit, quos Sigurdus cum tentaret, perfragit, perfidiaque fabri illud imputavit, cum rectius materiæ vitio deberet. Itaque à matre frustra confracti ensis patris Sigmundi ab Odino donati, sibi reddita, ad fabrum detulit; qui inde alium confecit, quo incudem Sigurdus dissecuit: fertur etiam lanam compactiorem secundo flumine in aciem gladii derrusam secuisse; quod cum fabulam sapiat, confictum credere licet. Mira tamen *Diodorus Siculus* de Celtiberorum gladiis memorat *Lib. V. & Cassiodorus Lib. V. Cap. II.* variarum Spatharum, arma defecantium, meminit.

CAP. XXXV.

DE EXPEDITIONE SIGURDI IN HUNNIAM, CÆDE LINGVII, RECUPERATO PATRNO REGNO, ET OCCISO INGENTIS MOLIS FAFNERE.



Aulo ante quàm gladium fabricandum curâset, ad avunculum suum, Cimbriæ credo Regulum, nomine Griperem, profectus, ab eo fatorum suorum ordinem didicit; erat enim princeps futurorum præscijs; postea auxilijs Regulorum, vitrici, matrisque suæ soceri, suffultus, in Hunniam per Cimbriæ, Holsatiæ & Frisiæ oras classem direxit, non tamen universam Frisiam transmisisse legitur, quippe quæ interjectum Batavis Danisque litus implebat, sed fortè partem exiguam, vel si fortè transmisserat, hostes eò persecutus est, qui aliud ibi regnum habuerunt. Inter navigandum secundis quidem ventis, sed plus nimium flantibus, arteque, ut creditum est, magicâ ab Hundingi filiis excitatis, usus, non procul aberat, quin navis subverteretur; nihilominus fortitudinis, vel potius temeritatis, laudem à periculo mutuatus, antennæ erigi velaque sublevari iussit. Conspectus interea vir, celsâ de rupe sublatâ voce quærens, quis classis esset rector? qui ut Sigurdum percepit, vicissim rogatus se Hnikarem tempore Volsungi dictum, interdum Feingum vel Fiolnerem, respondit; petivitque ut in navem se reciperet. Quo facto, vento derепente sedato, optatam auram nacli in hosticum solum pervenerunt. Ethic Diabolus sub umbra veteratoris Odini Sigurdum iterum delusit; præcepta ei militaria, sed involucris tecta, inculcans. Cum duobus Hundingi filiis residuis ex eâ familia, Lingvio & Hiorvardo res erat; & Lingvius quidem inter Reges celeberrimos memoratur, de quo refert Olaf Tryggvini historia quòd multos Reges subjugaverit, athletas fortissimos fuderit, urbes munitissimas incendio deleverit, & in Hispania Galliaque immensam stragem ediderit; quas populationibus & rapinis magnam partem vastaverit; eo quòd id temporis Imperatorum Majestas Alpes non transcendit, ante scilicet Caroli Magni tempora. Quod hic probè observandum, ad illustrandam Ragnaris Lodbrochis Daniæ Regis ætatem, qui Sigurdi hujus (si non alius Ragnar superioris alterius Sigurdi) filiam secundam uxorem duxit, & eodem tempore quo sceler floruit. Ut primum in hosticum ventum est, omnia ferro flammâque sædantur, villis pagisque in cineres redactis, pecoribus & manubiis ad naves abactis, nulla habita ratione paternæ avitæque, & jure hereditatis sibi competentis, ditionis, quam hostibus ereptam non vacuum opum vastatamque sibi relinqvere debuit. Lingvius, cognito Sigurdi adventu, & quòd adhuc Volsungorum familia non, ut existimabat, penitus interciderit, copias quantas potuit maximas quàm ocissimè collegit, hostibusque concurrens acerrimè pugnavit: in medio pugnæ ardore inter confertissimos dimicans Sigurdum obvium habuit, tantaque dexteritate ictus utrinque evitati, ut neuter vulneraretur; totusque exercitus expectatione suspensus, interea à prælio cessans, certamen horum longo tempore spectabat. Fratres autem Lingvii (Hiorvardum solum superstitem historia memorat) procellam excitabant, cæsis passim Sigurdianis, quibus Hamundus Sigurdi frater consanguineus (quem tamen historia ante patrem mortuum refert) occurrens, impetum repressit, atque in eo tumultu, dum quisque suis nutantibus succurrere contendit, Sigurdus & Lingvius ab invicem separantur; ipsum recrudescente bello Sigurdus superior exercitum Lingvii delevit, ipsum bello captum, consilio Regini, dorso figurâ aquilinâ notato, quâ costæ à spina gladio dissecarentur, interemit. Scriptor vitæ Sigurdi prodigioso ictu, quo caput galeatum, corpus cum lorica discissum penetratumque fuerit

rit, mavult, sed Hiorvardum iterato ictu disiectum affirmit, bellumque in multam noctem extractum, & copias Lingvii ad interneccionem deletas. Proximâ die mane surgentibus nusquam Hnikar apparuit, fortè satis pro tempore sanguinis, crurore delectatus, malus spiritus effusum ratus, quamvis laniena hominum sanguineque nunquam satiatur. Hoc bello Hunnia, universumque imperium, quod maioribus ejus paruit, receptum est. Sigurdus victoria ovans, opimisque spoliis onustus, in Daniam revertitur (Nor-nagefus militi spolia omnia data tradit) benignèque à Regibus & effusissimo populi studio, conviviis passim celebratis, excipitur, nam stupendo animi corporisque robore, affabilitate & adeundi facilitate, omnium oculos animosque in se convertit; illud præ plurimis ei proprium, quod ab omni metu liber, nullis unquam periculis terreri potuisse memoratur. Haut longa mora effluxit, cum Reginus fraternæ cædis peragendæ memoriam refricaret, promissaque Sigurdi urgere, qui se absoluturum jam de novo pollicitus est, si modo viam, quæ ad domum illius duceret, monstraret. Hic omnia allegoricè traduntur; nam cum Fasnerem hominem in serpentem conversum finxissent scriptores, omnes serpentis proprietates & immensam præterea magnitudinem ipsi tribuerunt, bellumque non tantum cum homine gestum, sed tanquam cum serpente, describitur: argumento, non aperta vi, sed artibus, superatum esse Fasnerem, & quidem dum privatis negotiis intentus; securus omnis periculi esset, per insidias sublatum. Tertiò tum Odini umbra sub senis formâ præsentem se Sigurdo exhibuit, rationem doli struendi exponens ad expugnandum Fasnerem, deinde disparuit. Quod vero asatum cor illius edisse, & inde volucrum lingvas percipisse traditur, aliud quid in recessu adumbrat; exta fortè inspexit, & signa inde petita observavit, futurosque eventus conjecit. Fasnerem devicto ingentem auri copiam ad intuentium stuporem comparavit, eoque Grano imposuit, unde poëta occasione arripuerunt, aurum Fasneris lectum & Granii onus in hunc usque diem vocitandi. Deinde Reginum, vindictâ fratris, cujus cædis ipse concitor fuerat, meditantem, vel potius hæreditatem eò per insidias sublatò ad se trahentem, causam primam litis, occidit, monitus ut fertur, avium cantu, vel potius augurio capto. Aurum Fasneris, ut illud Tholosanum, exitiale cuivis possessori fuisse traditur, id quod is moriturus Sigurdo vel prædixit, vel minatus est, forsàn quo ab ejus possessione abstereretur. Retulit autem quòd Andvarius quidam captus, cum omne aurum, quod possedit, in redemptionem libertatis, annulum etiam pretiosum, quem sibi frustra reservavit, impendisset, nimis avarè exactum dolens, singulos possessores diris devoverit, ita ut fieret, quo ad subiret, singulis fatale; nam & Fasner patrem suum illius cupidine sustulit.

CAP. XXXVI.

DE PROFECTIONE SIGURDI AD BRYNHILDEM, PROGENERATAQUE ASLAUGE, RAGNARIS LODBROCHIS UXORE.



Nde in Franciam austrum versus longum iter emensus, ad montem Hindianum pervenit: ingens ibi flamma in vertice ad sidera usque pertingere visa est, simulachrum castelli, clypeis tantum velut aggre-re septum, quod perennis ignis omni ex parte valla-

bat, erectaque ex edito loco vexilla ibi conspiciiebantur, nec patebat aditus nisi per arduas strues, flammamque irrumpentem quemlibet depasturam; quam intrepidè citato cursu transvectus cum penetrasset, intra munimentum hominem quendam deprehendit, galeam loricaque indutum, sed alto somno supra Endymionem sopitum, quem ut excitavit, faminam deprehendit; causam igitur tam profundi longique somni perquirens, accepit, diras Odini infensi oblatum à se auxilium Agnari cuidam contra Regem senem Hialmgunnarem dictum, partamque de eo ope sua victoriam, irritaque facta Odini promissa, cui illam pollicitus est: diuturno igitur somno se ab Odino tantisper damnatam, donec eum discuteret heros omnis metus expertus, victoriam itaque & in bellis gerendis felicitatem sibi in perpetuum ereptam, injunctumque quandoque matrimonium; se vero vovisse, nemini unquam, nisi quem natura metuendi affectu plane destitutum finxisset nupturam. Hæc fuit Brynhildis, quæ se Sigurdri fam, & victoriosam, in præsens nominavit, Budlii, potentis Saxonum Regis, filia, Leinfni neptis, Virveris proneptis, Atilis abneptis, Budlii atneptis, ejus qui Budlungorum familiam procreavit, deque nomine suo nuncupatam soboli propagandam reliquit, Saxoniæque & Norvegia profectus Marte domitam, colonis Norvegis implevit, ut alibi Lib. III. relatum est. Filius is fuit Halfdani Prisci Hringarikiæ Reguli, cujus trineptis Brynhildis fuit, duodecim annorum id temporis fuisse memoratur, verum perperam, cum amazonum una ante id tempus bellis gerendis affuisset, scientiæque abstrusissimarum rerum supra seculi suum talium licet studiosissimi & feracissimi, captum, polleret. Inde Sigurdum jam primum vilis, antequam nomen proderet, ei cognitus; prior namque genus nomenque ejus ipsi retulit. Ibi septem Runarum species, earumque efficaciam, professæ Sigurdum docuit, cum prius illi craterem mero plenum exhibuisset, propinassetque hoc prologo. *Ave dies; avete dei filii. ave neptis* (nisi habetur, à nepte deducta vox, vel neptis ab hac; usurpatur autem ad denotandam filiam, interdum & sororem. Hic forte crepusculum diluculumque indigitatur, quod tam ex die quam nocte participat) *propitiis oculis nos respicite, & sedentibus victoriam largimini. Avete Ase. (Dii) Avete Asinie (Deæ,) Ave multæ utilitatis terra: eloquentiam & sapientiam nobis duobus date, & medicas manus, quoad vixerimus.* Cum vero craterem porrigeret; *portionem*, inquit, *offerro tibi, & pomifera loricati fori arbor* sic heroem describit *magnâ vi & prævalido Tyre* (Martia efficacia) *medicatam, metris, propitiis characteribus, bonâ magiâ, & jucundis Runis repletam.* Has autem species ab effectibus recensuit, singularumque formam, vires ritusque præscriptos, & ceremonias exposuit. Primum locum Sigrunæ occupant, à victoria, qui illarum scopus erat, denominatæ. Sequuntur Aulrunæ, seu cervisiaræ, ad venenatam potionem præcavendam, quam quandoque faminæ crateres hospitibus exhibere solitæ, quemadmodum Borg-hildis Sinfotlio, miscebant, rarò uxores propriis maritis; hinc illas familiares sibi reddere jubetur, ne aliis viri uxor, cui fidem habeat, eum decipiat. Excipiunt has Auxiliatrices Runæ, ad faminam partu levandam idoneæ. Brimrunæ, à fervente maris æstu (corruptè Brunrunæ à fontibus dictæ, nam navibus mari periclitantibus subveniendis inventi sunt.) Limrunæ, seu arboreæ, quod cortici & foliis inciderentur, sanitati restituendæ adhibendæ. Malrunæ, ordine penultimæ, ad causas in foro orandas, Logorunæ dictæ. Agmen claudunt Hugrunæ seu cordiales, sive quod heroicis animos conciliarent, sive quod omnium animos & affectus benevolos concilient. Hæc omnia ænigmatibus involuta, Edda, quam Sæmunn-

dus collegisse putatur, luculenter exhibet, ubi tamen in omnibus exemplaribus lacuna apparet; nam characterum formæ, & fortè præceptorum quædam desiderantur. Extant autem gravia quædam monita sive regulæ vitæ tales. Primò, cognatos colendos, injuriasque eorum dissimulandas monet. Secundò perjuriam vitandam, vindictam semper comitem futuram. Tertiò in publico cum stultis non contendendum, contumeliam verborum certam, & ni statim vindicetur, ignominiam vel præsumptæ culpæ, vel metus & ignaviæ, in posterum diem ultionem differendam, nequeque ejus exequendam. Quartò hospitium venificæ femine, etiam ingruente nocte (per illam quævis pericula intelligit) vitandum. Quintò feminarum blanditias suspectas habendas, illecebrasque formæ cavendas. Sextò rixas cum ebriis, & ideo amentibus, declinandas, Septimò obfesso domi, quantunvis debili, irruptionem in hostes incendio præferendam. Octavò mari, vel naufragio, vel morbo, mortuos religiosè efferendos. Nonò occisi fratrem vel filium unà occidendum, quòd tenello filio sæpe lupus inesset. (Contrarium fvalit Niall, prudens & sapiens Islandus, Gunnari de Hlidarenda quondam, id temporis ethnicus.) Postremò monuit, ut amicorum insidias caveret, fata tamen ejus se omnia non prævidere, vereri tamen ne in assinium odium incurreret. Sigurdus sapientiam ejus admiratus eam sibi uxorem poposcit; mutuâque fide in id data acceptaque conveniunt, congressusque cum ea progeneravit Aslaugem, Ragnaris Lodbrochis Daniæ Regis postea uxorem; nec tamen conjugium præter hæc sponsalia clandestina unquam coaluit, ut mox dicitur. Annulum Andvario quondam ereptum ei pronubum dedit.

CAP. XXXVII.

 DE PROFECTIONE SIGURDI AD REGEM
 HEIMEREM BRYNHILDIS SORORIUM, ET MORA IN-
 TER AULICOS PARIETES.


Nde Sigurdus profectus est ad sororium Brynhildis in provinciam Hlyndalos, qui Regio titulo conspicuus ibi regnabat, nomine Heimer. Duxerat is sororem Brynhildis Hildem, ab artificii operibusque mulieribus sedentariis Beckhildem dictam (Beckr enim scamnum denotat) ad differentiam sororis, Hildis proprio nomine etiam dictæ, quæ militariibus exercitiis gavia, galeam loricamque gerens, Brynhildis dicebatur, quasi Hildis loricata. Alsvius fuit Heimeris & Beckhildis filius (Alsvinnum sèquius seculum scripsit & pronuciavit, & videtur D ante vocalem, illo etiam tempore, idem quod N valuisse, de quo nos *operis hujus Lib. I. cap. VI. uberiùs diximus*) princeps perquam urbanus. Hic inter ludos, qui id temporis celebrabantur, ut advenam inusitatæ magnitudinis, auro valde conspicuum, vidit, miratus primò raram hominis, nec similis quidem visi, staturam; itaque obviam ei venerabundus magno comitatu stipatus processit, domumque deduxit. Mira fuit temporum illorum simplicitas, sanctum hospitii jus, nam supra onera eqvo imposita sedebat Sigurdus, nemine comitatus, nec aliâ pompâ aulam Regis accessit, quò omnes in admirationem sui convertit. Ibi thesauros Fasneri ereptos, avaritiæ irritamenta, eripi itidem in peregrinâ aula facillima, securus ostentabat. Quatuor miniftri thesauris deponendis adhibiti, quintus custodiæ eqvi Granii. Oblectabat

bat aspectus ingentium loricarum, galearum nitor, armillarum & annulorum artificio certantia pondera, vasti cyathus aurei, armorum omne genus, ingentia Fafneris interempti spolia. Nec tamen ullus erat, qui in illâ morte ea posseforis mercari auderet. Volitabat per diversas regiones, maria etiam transfretavit, devicti, qui invictus olim habebatur, Fafneris fama. Humanis viribus opus longè majus edidisse visus est Sigurdus, hinc quasi tacito hominum omnium, adeoque etiam Principum singulorum, consensu incomparabilis habebatur, ut isti, qui aliàs parem haut æquo animo ferunt, eum sibi met ipsis haut inviti præferrent. Tempus ludis & equestribus exercitiis mutuâ lætitiâ procedebat. Interea Brynhildis, in aula fororis quondam educata, redibat, discretum palatium, virginibus famularumque satellitio strepens, incolens, muliebrum artium palmam omnibus (licet professione amazonis) præripuisse fertur. Opera Sigurdi vere Herculeâ telâ intexuit; congressum nimirum cum Fafnere, thesaurique species, & Regini necem, pugnaeque cum Lingvio gesta ordinem profecuta est. Is venatum quodam die magno cum comitatu profectus, in reditu observavit accipitrem suum edito turri ad fenestram insidentem, quo spectaculo ad explorandum, proprione an numinum fortè instinctu istuc deferretur, invitatus eò se contulit. Vidit ibi Brynhildem, amicam in monte nuper relictam. Operum textilium ornatum & formæ eximiae venustatem ad conceptum semel amorem incitandum conjurasse dixeris; moræ igitur quantulacunque impatiens, ingressus Regiam, motus animi dissimulare nequivit. Alsvidus mutati animi causam percontatus, ubi improvise admirandæ formæ fæminæ nuper intra palatium intexta telæ facinora sua complexæ aspectu turbatum cognovit, Brynhildam eam esse Budlinam, sexus sui miraculum cum retulisset, quando illuc accesserit, vicissim interrogatur. Ut paucis diebus adventum suum prævertisse intellexit, eam esse replicuit, *quæ nuperrimè sibi præ omnibus, quas terra sustineret, placuerit.* Frustra illius desiderio molestiam sibi creaturum, quæ nullum unquam sibi assidere passa, poculove dignata fuerit, Alsvidus præmonuit. Sigurdus, utut nesciret, quomodo se esset exceptura, experimentum tamen facturum asseveravit, aulamque ejus postridie ingressus, Alsvido interea præ foribus hastilibus fabricandis tempus fallente. *Ave domina; ut vales?* inquit. *Ut ut nos nostraque familia in præsens floremus,* ait Brynhildis, *dubia tamen & inconstans semper fortuna fuit, quam eodem tenore, quo procedit, nemo sibi sperare debet.* His dictis Sigurdus assedit haudquaquam invictæ, modeste tamen asseveranti, locum, quem occupasset, nemini præter patrem permissum unquam. Ille copiâ ejus factâ, & sibi magnam partem satisfactum, & promissa quodammodo impleta, affirmabat. Tum primum exurgens benigne invitare caput, propiusque accedens, quatuor pedisequius comitata, poculum auro grave propinans evacuandum porrexit. Ille scyphum manumque porrigentis simul apprehendens, ipsam à latere suo collocavit, basiaque libavit. Omne triclinium pretiosis aulæis instratum, pavimenta etiam interfecta conspiciebantur; quatuor virgines mensis sternendis adhibitæ; vasti deinde crateres aurei, generosissimo vino repleti, illati. Sigurdo formæ illius venustatem cæterasque fæminei decoris dotes impensius commendante, respondit: imprudenter fæminis fidem haberi, sexui promissis irritis pactisque ruptis plerumque gaudenti. Moram deinde, quâ nuptiæ differrentur, armatâ cuspide corpori impactâ molestiorem queritanti, aliud vitæ genus se secutam, sibi gladium hastamque & lorica familiarem armaturam, sequæ Regibus auxiliari sventam, nec studii istius adhuc pertasam com-

commemorans : illi Gudrunam Giukinam uxorem fata providisse prædixit , rectius igitur facturum , si suo studio delectatam se permitteret , nec satis reniteretur. Ille unicam Regis filiam Gndrunam à proposito se unquam retracturam, adque sædus frangendum fidemve rumpendam illecluram, negabat, Diisque testibus invocatis juravit, aut Brynbildem uxorem ducturum, aut omnino nullam ; datam igitur antea fidem ipsa pari juramento & renovavit & confirmavit. Inde benignè dimissus in Regiam sereno vultu votique compos rediit , mansitque ad tempus magnâ cum gloriâ, omnium studiis votisque in se propensis, in aula Heimeris : majoris deinde gloriæ studio accensus, pluribus Regibus innotescere , quàm intra unius aulæ parietes obfolescere, præoptans, ad aulam magni Regis Giukii procedit.

CAP. XXXVIII.

DE NUPTIIS SIGURDI CUM GUDRUNA GIUKII FILIA.



S fuit Rex potens, ad occidentale Rheni latus imperans, Rachnis filius, Eynesi nepos, Heimeris pronepos, Næfillis abnepos, ejus, qui Niflingorum familiam à se denominatam condidit, Halfdani Prisci, Norvegiæ partis, quæ Hringarikia est, Reguli atnepos. Uxor Giukii Grimhildis Multiscia ; liberi Gunnar, Hognius, Guttormus ; filia Gudruna & Gullrond, omnes ab animi corporisque donis, studiis item pro cujuscumque conditione exercitiisque, commendatissimi, qui Giukii patris imperium assiduis bellis & victoriis floridum & finitimis formidabile reddiderunt. Uxor vero Grimhildis, præter quàm quod magicis artibus operaretur, ingenii fuit truculenti, & ad inflammandas filiorum iras, irruptiones cædesque procurandas, propensi. Qui primus adventum Sigurdi animadvertit, index ad Regem accurrens, appropinquare virum denunciavit, Diis quàm hominibus similiorem, auro fulgidum, eqvo staturæ prodigiosæ vestum. Ipse igitur Rex advenæ obviis, cum aulico satellitio, amicis eum verbis salutavit, quæritque quinam esset, qui urbem ingredi absque filiorum suorum consensu, quod nemo unquam pertentaverit, ausus sit ? Ille se Sigurdum Sigmundi filium professus, magno cum honore ab ipso Rege in aulam deducitur. Omnes staturâ longè excessit, id quod primo intuitu magnam opinionem roboris, virtutis illo tempore præcipuæ, animis intuentium instillabat, & ad honorem ei deferendum promptiores singulos reddebat, utpote respectu proceritatis ejus humiles. Equestribus cum Giukii filii Gunnare & Hognio exercitiis ludisque potior semper validiorque habebatur, quantumvis æquales omnes longo post se intervallo isti reliquerint. Id quod Grimhildis, prudens tæmina, non, ut usu venire solet, invidiâ stimulata ægrè tulit, sed quomodo virtutem illius admirandasque dotes sibi suisque utiles redderet, anxie quærebat. Sensit autem captum Brynhildis amore duci, quem aversum ab eâ in filiam suam aptius derivandam duxit ; philtis igitur potionem mistam ipsi inter potandum quodam vespere exhibuit, quam cum bibisset, phaleratis verbis aggressa, hospitalem eum sibi domuique suæ acceptissimum accessisse prædicat. *Giukius, inquit, tibi pater erit, mater ego, fili mei tui fratres ; quibus etiam te honore præferam, quod cum juramento firmaveritis, nullus erit qui vobis resistere, ne-*
Tom.. I. Ooo dum

dum lacerare, possit. Placuit Sigurdo conditio, inque eam mutuis juramentis consensum est; nam post exhaustum poculum oblitio Brynhildis eum cepit. Deinde Grimhildis à marito petivit, ut *filiam Gudrunam cum ingenti dote partemque regni Sigurdo elocaret, id ad incolumitatem & incrementum regni, familieque splendorem augendum, plurimum momenti afferre.* Rex ad hæc respondit; *rarum quidem & vix exemplo notum esse, offerri filiam, honoratius tamen illi quam alii petenti.* Semestre spatium excurrebat, cum inter convivium Gudruna auctoritate parentum se spectandam exhibuit; valde igitur Sigurdum, fœderis amicæque prioris oblitum, forma moresque & ingenium virginis affecit. Parentes igitur fratresque, sibi nequaquam defuturi, laudes ejus modestè prædicabant, magnum regni statusque sui column præsidiumque accessionem ejus allaturam, quod ut minime furo dictum existimaret, Gunnar ejus se societatem magnâ regni parte, fororisque conjugio mercari velle, quam quivis alius frustra expetiturus videretur, affirmavit. Sigurdus exhibitum honorem, affinitatisque conditionem avidè complexus, in illud fidem accepit deditque. Sponsalia igitur, renovato mutua fraternitatis juramento, peracta; nuptiæ etiam justo tempore magnâ solennitate celebratæ sunt. Postea communi consilio viribusque vicini Reges læssiti expugnatique, nec facile erat invicti animi heroibus in societatem coactis resistere. Jamque imperium Giukungorum brevi florētissimum redditum, in dies incrementa sumebat; ad cujus stabilimentum societates per affinitates latius propagandæ plures requiri videbantur. Grimhilde igitur s'vadente, convenit ut Gunnar Brynhildem Budlii filiam uxorem posceret, quo præpotentia Giukungorum Budlungorumque regna novo fœdere quasi in unum coalescerent; nulla tamen legatio ad illud expediendum præmissa est, Gunnar & Hognius affinisque Sigurdus ipsi magnâ pompa per montes & valles ad Budlium profecti, Gunnari filiam in uxorem poscunt; qui sua quidem voluntate & consensu illud fieri respondit, verum illam esse eo ingenio, ut illum sibi maritum deligat, quem velit. Igitur in Hlyndalos ad Heimerem Brynhildis sororium, eundemque nutricium, conversi, ejus etiam consensum requirunt. Ille in arbitrio ejus situm, cui jungi velit, palatium ejus non procul distare, perenni flamma septum, *enim solum electurum qui intrepide perrumperet.* Eo igitur se conferunt; palatium autem aureo colore tinctum splendebat, quod ardentes lignorum strues rogi instar exstructi vallabant, & quidem, ut videtur, longo intervallò ab aula distantes, ne fumi fuligoque perpetua fœdarent. Quo cum ventum esset, Gunnar eqvo, Gotio dicto, cui infidebat, calcaria subdens, nusquam tamen perpulit. Holknus vocabatur Hogni caballus. Ut vero Sigurdus Gunnarem gradum retro ferentem conspexit, curni progredere-
tur? rogavit. Eqvum adigi non posse regessit, igitur ut Granium sibi commodaret, postulabat. Quod cum annuisset Sigurdus, neque is Gunnari in rogum anhelanti parere voluit; quare Sigurdus Gunnarque colores formasque externas, non usque adeo insolito eo seculo artificio, mutarunt; consensuque Granio, sessoris calcariumque istorum patiente, terribilem rogam invecsus, incendium feliciter superavit, ingressusque palatium, in triclinium ornatu valde conspicuum pervenit, ubi Brynhildis sedebat cataphracta, quæsitivæque quinam esset? non enim eo vultu prius ipsi innovit. Ille manubrio gladii innixus, Gunnarem Giukungum se affirmavit, parentis alumnique consensu illam sibi uxorem destinatam, modo flammantem ignem, munimentum illius, transierit. Illa lentè, nec sine intervallo, respondit; *ne tum quidem, Gunnar, illud ambieris, nisi viris omnibus præ-*

præcellueris, obstringasque te ad omnes meos procos interficiendos. Ego Gardaris (Rufforum) Regis militiam secuta, arma virorum sanguine tincta gestavi, idem mihi studium adhuc curæ est. Ille rebus præclare gestis famam ejus late inclaruisse confessus, perpendere tamen votum suum jussit, quo illi demum se nupturam obstrinxit, qui flagrantia hæc menia superâisset. Nihil habuit verbis votisque convicta quod regereret, superato periculô, amoris sui fæderisque conjugalis præmiô, itaque assurgens ad hospitium invitat; ibi communi lecto tres noctes transactæ; complexum tamen nudatus gladius Grammus sequestrabat: illâ causam novi moris inquirente, mortem sibi fato imminere respondit, si aliter nuptias cum conjuge celebraret. Adeo efficax fuit potio, quam Grimhildis miscuit, ut ne tunc quidem Brynhildem in animum revocare posset, & quod magis mirandum, cum jam anulum pronubum, Andvarium dictum, quem ei quondam dederat, alio non minus pretioso è Fasneris spoliis redimeret. Exinde personatus Gunnar, desponsatâ sibi Brynhilde, per eandem, quam prius accesserat, flammam, recessit, Gunnarique sponsalia contracta nunciavit. Vultus ergo faciesque proprias utroque repetente, veri cuique genuini habitus lineamentaque redierant. Hlyndalos igitur reversi, consensum se impetrâsse Gunnar Heimeri confirmavit. Paucis diebus interjectis, Brynhildis ad nutricium profecta secretò ei exposuit, Regem Gunnarem ad se per medium ignem penetrâsse, id quod nemini, præter solum Sigurdum, cui in monte Hindensi fidem juratam dedisset, possibile crediderit. Heimer pacta conventaque novissima rescindi nullo modo posse. Suam ergo Brynhildis ex Sigurdo conceptam filiam ei nutriendam dedit, atque inde ad patrem concessit, unde in domum sponsi deducenda erat. Gunnar cum fratre & Sigurdo patrios lares repetebat, omnibusque, quæ ad Regias nuptias conviviumque instruendum requirerentur, anxie conquisitis, præstolantur ad statutum diem, quo tunc Budlius & filius ejus Atlius cum Heimere & reliquis cognatis sponsam numerosâ pompâ deduxerant. Nuptiæ sumptuoso apparatu, per complures dies celebratæ sunt. Tempus deinde amica cohabitatione, fæderumque religiosa fide, aliquot annorum spatio felix excurrerat. Verum post peractas demum nuptias, rediit memoria Brynhildis, pactorumque & juris jurandi, quod intercescit, quæ quanquam eum variè affecerint, dissimulavit tamen, nec quæ intra pectus latebant, expectorare sustinuit. Neque Brynhildis, quantumvis præfagâ mente, aliud scivit, quam quod Gunnar ardentem ignem prætervectus ad se pervenerit.

CAP. XXXIX.

DE RIXIS INTER BRYNHILDEM ET GUDRUNAM, LAMENTISQUE BRYNHILDIS, ET SIGURDI CÆDE.



Accidit quodam die, cum Brynhildis & Gudruna ad comas lavandas fluvium Rhenum ingrederentur, ut Brynhildis præcedendo primas sibi honoris partes vendicaret. Id ægrè ferens Gudruna, quorum tenderet, quæsit, se namque turbatam aquam capiti suo infundere nolle; respondit Brynhildis; *jure se istâ prerogativâ uti, quod & potentiorè patre sata, & clariori marito juncta esset, nam sui viri fortia facta plura numerari, eumque*

que ardentem ignem pervectum; illius autem maritum Regis Hialprechi servum fuisse. Ad hæc Gudruna irâ excandescens respondit: *an hæc sapientia est, vituperare virum, omnium iudicio tantum, ut toto orbe inveniat nemo, qui jure ei comparari possit? neque illud te decet, cum primus tecum congressus, tuusque maritus factus sit; is Fasnerem occidit, septamque perpetuo rogo impenetrabilem flammam, imperterritus pervasit, quem tu Gunnarem, sed falso, existimabas; testis amulus Andvarinus, quem tibi id temporis detractum hic jam conspicio.* Ostensum statim Brynhildis agnovit, subitoque velut exanimis expalluit, domumque se, nullâ amplius voce illo vertere editâ, recepit. Per noctem Gudruna Sigurdum rogavit, quasi nescia, cur Brynhildis obstinato silentio tristis præter morem videretur? Ignoramus, inquit, brevi tamen cognituri. Contentam, adjecit Gudruna, oportet prospero famæ successu, præconiis laudum, vel celo se inferentium, optatogue celeberrimo marito. Ecquis unquam dixerit, inquit Sigurdus, eam optato marito potitam? Gudruna respondit, se ab illa sciscitaturam, si quem maritum suo protulerit. Istud quidem vehementer dissvadeo, ait, quod fecisse omnino penitebit. Postera die cum convenissent (unum enim idemque palatium incolebant) Gudruna illam ad hilaritatem invitabat, rogans ut si quam offensam ex colloquio contraxerit, missam faceret, verum quid dum ipsum ipsam irritaverit? quæ hac quæstione magis exacerbata, malo illam animo hanc controversiam & ad insultationem renovare respondit, monuitque ut illa tantum expiscari liberet, quæ ejus scire interesset, nec ultra progrediretur, id enim feminis principibus indignum; acquiesceret modo, cum res omnes ad votum fluerent. Gudruna præmaturè nimis præsentem fortunam laudari, aliquid tamen his verbis vaticinari videri, se vero eam non offendisse. Tum Brynhildis apertè ei penam minitabatur, quod Sigurdo marito potita esset; illum namque pariter atque ingentem illam auri massam opesque immodicas se ei invidere, at clandestinorum pactorum se ignoram fuisse, sed & patrem se sine suo consensu facile elocaturum. •Ino nostri, inquit, nec erant occulta, neque deceptum ibatis, cujus tu penam propediem pendebis. Gudruna illam clariorem maritum adeptam respondit, quam meruerit. Brynhildis acquieturam se, nisi illius suo esset illustrior. Gudruna jam iram lenitura, dubium esse quis clarior sit, respondit; Brynhildis, majorem de occiso Fasneræ gloriam partam, quam ut totum Gunnaris regnum ei possit comparari, citabatque carmen victoriam illam complexum, cujus laus & fama nunquam esset interitura, quod etiam testaretur ipsum flammam transgressum, cum Gunnar trepidans retro tulerit gradum. Minime, inquit Gudruna, Gunnar trepidasse jure dicitur: culpa omnis equi fuit. Compluribus aliis jam fervens iraprovocabatur, donec Brynhildis inutiles confabulationes omittendas monuit, sibi; prior silentium imperavit; inde doloris impatiëntiâ decumbebat.

Hæc omnia postquam Gunnar cognovit, protinus accedens, causam morbi inquisivit. Illa obstinato silentio intractabilis, ne responso quidem eum dignata est, sed tanquam exanimis jacuit. Ut vero acriter institit, tandem his eum affatur: Ubi est aurum, quod tibi tradidi, id quod pater mihi novissimo vestro discessu donavit, cum Giukiüs vobis comitatus eum accessit, me sub minis belli inferendi alicui vestrum in uxorem postulabat; patre mihi, remotis arbitris, imperante, vestrum aliquem maritum eligerem, conditionem obtuli, vobis bellum inferentibus resistere, tertiamque exercitus partem ducere; quod cum ille abnueret, reliquum erat, ut ejus voluntati me submitterem, vel opibus aggressæ & insuper ejus gratiâ exiderem, iramque arcessem; tandem illi soli nupturam vovi, qui perennem ignem circumdatum castello meo pervaserit, occideritque,

deritque quoscunque imperaverim. Jam nemo illud præter Sigurdum præstitit, tu vero cadaveris in modum expalluisti, indignus qui Rex sis, cum athleta dici nequeas. Prius etiam domi voveram, me in illius tantum tborum concessuram, qui natus esset absque metu; iste est Sigurdus; perjura sum, dum illo careo, necem igitur ei machinabor, quoniam Grimildis de nobis pessimè merita est, quæ muliere nemo unquam timidior vel peior nata est. Gunnar matris famam defendens, longe illà excellentiorem, probam piamque, viri liberorumque ejus, utpote nurum, amantissimam, quæ nullos viros occiderit, maritumve contempserit. Aperto se Marte Brynhildis congressam, cadibus clandestinis, ut heroma indignis indecorisque, abstinuisset, cum excusasset, adeo in iram efferbuit, ut Gunnarem occidere moliretur; compedibus igitur Hognius eam confrinxit; Gunnar victam se sustinere posse negavit, at illa solvi recusavit, neque enim id è re illius futurum, nam nunquam post illam diem se hilarem in aula visurum; verum maritus nihilominus vinculis eam exemit. Inde in vestes limbosque aureos & idgenus alia furorem convertens, singula dilaceravit, januamque cubilis aperiri jussit, quo lamenta sua longius penetrarent; exinde cubitum petens, lecto velut sopita se continuit. Gudruna famulas, cur adeo tristes essent? rogavit, jussitque ut dominam excitatam ad prandium vocarent. Præcipua inter eas, nomine Svastlaudis, luctu universam aulam personare nunciavit, neque se eam jam per aliquot dies somno detentam excitaturam, Deorum iram sibi illam accivisse. Gunnar igitur, hortatu Gudrunæ, eam, sed frustra, accedens, absque responso recessit; idem Högnio nimis invito, visitanti tamen, contigit. Tandem Sigurdus, nec priusquam postridie, cum à venatione ad Gudrunam uxorem prius rediisset, ipsique exposuisset, præfagire se animo mærorem Brynhildis vitæ stamina rupturum. Illa sesquitercium diem jam eam dormiisse, ita ut nemo excitare auderet, exposuit. Ille minimè dormire, sed certum sibi detrimentum machinari respondit; hortatu ergo lachrymantis uxoris eam accessit, apertisque foribus ad lectum procedens, chryso summo; vigila, inquit, Brynhildis, sol enim universum triclinium jam aulæo summo; mitte tristitiam, & leta esto. Illa respondit; quæ te audacia ad me invensendam perpulit? nemo mihi majores dolos, quàm tu, struxerat. Falleris, inquit Sigurdus, si animum meum abs te alienatum arbitraris, aut irà ulla in te accensum; is tuus maritus est, quem elegisti. Minimè, ait Brynhildis, non enim Gunnar aditum sibi ad me per incensas strues ardentemque viam fecit, nec dotem mihi casorum cadaverum strages dedit: mirabar quidem virum palatium meum ingressum, eumque ex oculis cognoscere videbar, verum tegmen quo obvolutus erat, fataque sinistra obscurarunt, quo minus intemescere possem. Sigurdus se Gunnarem neutiquam præstare, esse enim insignem Regem, qui Danie Regem, principemque alium insignem Budlii Regis fratrem, occiderit. Illa, ne soporatos dolores excitaret, monuit (patruus enim illius is fuit) nunquam sibi Gunnarem arrisisse, quamvis illud dissimulaverit. Inter laudes, ait Sigurdus, haut reputandum, tantum Regem fastidivisse; quid enim maxime te torquet? amor enim ejus auro præferendus est. Illud me maxime angit, ait Brynhildis, quod efficere nequeo, ut gladius acutus tuo sanguine tingatur. Siste modò, inquit, borula restat, quo ad voti compos fias, corque meum ensis perfodiat, neque mihi pejus quam tibi imprecaberis, nam mortuo me superesse non sustinebis, neque dies vitæ nostræ ab hoc tempore prolixi futuri sunt, verum tanta me tui oblitio ceperat, ut neque pactorum, neque intercedentium rerum meminerim, priusquam post celebratas cum Gunnare nuptias, tunc denum, sed re minimè integrâ, antea acta omnia in memoriam redibant, angor

deinde animi, rerumque mearum tedium subiit, quod presentibus Regibus semper pressi, miseriam presentia tua & aspectu utcumque solatus, te enim arctiore amore quam propriam vitam me complecti, coram te ulterius non dissimulabo; dolus Grimildis, medicata potione structus, nos separavit, quod si à mortis proposito te retrahi permiseris, universo auri mei pondere te redimam: ulterius, si postulas, uxore mei amantissima, quam præter propria decora pignus amoris filiulus, patris mei nomen gerens, conciliat, repudiata, te asciscam.

Hæc postquam dixisset, latera ejus adeo intumuerunt, ut annuli fibulæque ferreæ, quæ loricam connectebant, rumperentur; tanti motus animi erant. Brynhildis negabat, duos Reges in eadem aula se maritos agnituram, datam semel Gunnari fidem integram se servaturam, juramentum tamen voto prius adjectum, etiam intellectis dolis, quibus circumventa sit, adhuc sibi religiosè servandum, quò ei se nupturam obstrinxisset, qui allambentem flammam per-ruperit, illum autem esse eum, non vero Gunnarem; itaque cum illius potiri ne-queret, neque alii viro cohabitaturam, errorem potius, licet culpa vacantem, se morte expiaturam. Sigurdus ut obstinatam in mortem animadvertit, verum nimis futurum pronuntiavit ordinem fatorum, quem vates prædix-erant; atque ita egressus ad Gunnarem rediit, loquique eam posse retulit. Iterum ergo maritus eam invisit; verum illa se nequaquam victuram retulit; Sigurdus enim me, imo etiam te, inquit, decepit, cum ipsi lectum me-um communicares, duos autem maritos intra unius aule parietes averfor; aut igitur mihi vel tibi, aut Sigurdo moriendum erit; is secreta nostra uxori sue pandit, illa vero mihi insultat. His dictis surrexit, egressaque foras, in pu-blico lamentata est. Infanienti proximam iterum consolaturus maritus ag-greditur. Illa minabatur se ad patrem redituram, impulsuram deinde, ut ma-ritum, jam uxore orbatum, mox etiam gloriâ, regno, vitæque deinde spoliis, ut Sigurdo manus inferat, filiumque illius simul occidat, pullum enim lapinum mi-nimè nutriendum. Hic Gunnar variè afficiebatur, ab unâ parte conjugis, quam unicè dilexerat, immensus amor ad revocandam eam ab obstinato mortis proposito, quod hoc solo, aut nullo alio remedio, fieri posse credi-dit, divortii insuper ignominia extimulabat: obstabat ab aliâ fides Sigur-do data, fraternæque jura societatisque arctissimæ vinculum jurejurando religiosum, nec ulla re ab eo violatum; itaque ad Högnium fratrem duras ab uxore propositas condiciones defert, sequæ electurum è duobus proditionem adversus Sigurdum, præsertim cum id prior, ruptâ fide violatâque Brynhildis pudicitia, promeruerit; quod tamen illa commenta fuit, nam primo coitu nihil de Gunnare constabat, cum vero ejus partes ageret, per tres noctes eam non attigit, quo religiosè fidem coleret. Exhorruit Hög-nius, generosi animi princeps, flagitium, disvasitque ut execrandum, ut-pote quo Dii prius quam ipse affinis violarentur, imo noxium, cum præsti-dio ejus ad id tempus invicti, postea destituerentur, insuper spe familia per-sonis filios augendæ; neque se latere adjecit, quod Brynhildis crimen il-lud ei affinxerit, quo facilius virum in eum armaret, quem sibi supersti-tem vivere nolit. Gunnar Sigurdum vel occidendum, vel sibi moriendum re-spondit, ut verò juramento consuleretur, fratrem minimum Guttormum adole-scentem, impetu quam ratione validiorem, qui extra juramenti societatem esset, præmiis ingentibus ad eadem peragendam alliciendum, perpetratâ cæde univer-sum aurum Fasneri ereptum in suam potestatem redigi. Högnius quocumque tandem pretextu tantum virum per insidias sustulerint, ultionem nunquam ef-fugituros respondit; veritus tamen Gunnaris periculum, mortem sibi im-minentem præfagientis, agrè tandem in illud consensit. Gunnar igitur Bryn-

Brynhildem exsurgere jubet, bonoque animo esse, brevi namque petita obtenturam; quod ut audivit, lætitiā præferens surrexit, societatem lætæ prius tamen impetraturum denegabat, quā peractā cæde. Guttur-
mus deinde advocatur, aculeatāque oratione, delictum Sigurdi exaggeran-
te, quod primitias floris Brynhildis delibaverit, in vindictā accenditur,
& ne gratuita cædes foret, auri copia magna, regniqve pars haut conte-
mnenda, præmium proponitur. Quo vero ad audendum promptior red-
deretur, serpentis lupiqve carnes simul elixatæ ei apponuntur manducan-
dæ, quibus etiam ferocior factus, ad Sigurdum in amplexu uxoris dormi-
entem ingressus est, eumque gladio transfodit; qui subito expergefactus,
arrepto gladio Gramo egredientem in duas dissecuit partes.

CAP. XL.

DE LAMENTIS GUDRUNÆ, EXITU
BRYNHILDIS, EJUS ET SIGURDI
SEPULTURA.

Vigilantem uxorem in sanguine suo voluta-
tam à lamentabili comploratione in extremo vitæ
suæ revocaturus monuit: fratrum superstitum auxilio
hanc destitutam, illud miserius, quod filius eâ etate esset,
ut inimicos cavere nesciret, se tamen innocentem, iisque
utilissimum virum, fidumque socium, interimi questus est,
nec sibi satis prudenter fratres ejus hac ratione consului-
se; Brynhildem in causa esse, quod se solum præ omnibus tam impotenti amore
complectatur, ut sui usum nemini permittat, malitque sublatum quā alii com-
municatum; vaticinia, de quorum veritate bucusque dubitaverit, jam ex
parte impleta, mox etiam implenda, tristium factorum seriem hoc exordio ce-
ptam, ulterius eodem tenore processuram; atque his dictis expiravit. Tum
vero Gudruna ingenti plangore omnia miscere, voces & suspiria gemitus-
que edere, adeo ut totam aulam lugentis sonus impleret. Quod audiens
Brynhildis, peractum triste ministerium reputans, in largiores risus effu-
sa est. Adstans autem Gunnar, ut ridentem expalescentemque simul ani-
madvertit: Non hic, inquit, risus ex interno animi gaudio provenit, qui
enim cadaveris more palles? an morti vicina es? merita sane ut frater tuus
Atlius ante oculos tuos trucidetur, tuque præsens pariter illum mortuum effe-
rendum cures, quemadmodum nos affinem nostrum fratremque lugere cogimur.
Brynhildis, non se queri, quod mandata sua negligenter executi sint; Atlium
quod attingat, eum certe minas eorum ut fulgur ex pelvi astimaturum, victu-
rum illis longius, potentiorumque futurum, res vero eorum post sacrilegum
scelus peractum ad restim redituras, familiamque omnem perjurii graves pæ-
nas daturam, quod virum de se optime meritum, nullius mali sibi consciū, illi-
que longè eminentiorem, cūlmen imperii, terrorem hostium, amicorum præ-
sidium, tantæque erga Gunnarem fidei, ut cum læti sui, personam illius ferens,
socius factus esset, gladio tamen concumbentes distinxerit, per insidias sustule-
rint; illi fidem à se quondam datam, intemeratam servandam esse, quā cum
sibi, utpote insidii technis illorum præventæ, persolvere non uicerit, per so-
ciam mortem præstituram. Frustra illam maritus complexus à proposito
mortis abstrahere conatus est, id quod Hognius impediendum dissvasit,
exitiosam omnibus futuram prædicans, quoad viveret.

Deinde

Deinde Brynhildis magnam auri summam poposcit, invitabatque ad accipiendum quotquot vellent, hanc enim ultimam largitionem futuram, arreptoque gladio latus sibi perfodit, inclinansque pulvino, aurum dono suo ut pro libitu quisque caperet, edixit. Omnes subitaneus pavor defixit. Deinde Gunnari futuras calamitates prædixit, quibus novissimam petitionem subjunxit, nimirum ut exequias sibi secundum præscriptum suum præstaret, hoc modo. *Rogus, inquit, magnificus in planitie exstruatur, mihi Sigurdoque communis, tapetibus humano etiam sanguine, eoque recenti, tinctis obducendus; ad latus meum Hummicus Rex collocabitur, à latere vero ejus omnes, qui una cum eo occisi sunt, filius nempe trimus Sigmundus, & frater vester Guttormus, ad caput ejus duo ex meis famulis, totidem ad pedes, duo præterea accipitres; hæc namque est justa divisio, nudus nobis interponatur gladius, ut prius, cum torum socialem conscendimus, atque ita conjuges erimus, neque enim Janua calces ejus feriet* (hac namque loquendi formulâ usa est, indigitans non solitarium fore, quales ii sunt, quos nulli sequuntur, nam Janua sæpe pedes eorum recasura pulsât) *si me comitem nanciscitur, neque comitatus vilis, nuptiarumque pompa exilis erit, si octo servæ, totidemque servi, quos mihi nubenti pater dederat, una cremantur, & plures, qui cum illo occisi sunt. Plura dicerem, nisi vulnus obstaret, quod magis aperitur, animamque egerit.* Rogus statim ad præscriptum ejus instruitur, cui illata cum essent omnia, universusque conflagraret, Brynhildis adhuc viva pedes eò procedens, famulas ad ultimum hortata, ut aurum muneri datum acciperent, in ardentem flammam se conjecit. Hic fuit exitus diversi sexus principum, quorum quilibet in suo genere, ethnicismo vigente, parem neminem habuisse visus est, nec posterioribus sæculis habiturus credebatur, quorum memoriam in septentrione, & quousque lingua Germanica se extenderet, nunquam interituram antiquitas vaticinata est. Fuit Sigurdus staturâ adeo procerâ, ut cum cinctus gladio Gramo, septem spithamas vel dodrantes longo, agrum siligineum pervaderet, cuspis summas aristas tantum attingeret (spithamarum verò Germanicarum illius ævi mensuram non planè novimus): crassitie cum proceritate justa proportio, humeris latis, magno interscalpio ad duorum hominum mensuram, cæsarie nigra, capillis intortis, barba densâ, nec promissâ; coloris ejusdem, nasutus, facie rotunda, oculis acerrimis, ut insipientes terrent, sapientiâ tantâ, ut volucrum lingvas callere existimaretur, unde raro improvisâ obveniant; eloquentiâ magnâ, ut quicquid voluerit, persvaserit, sermone ducto, pronuntiatione purâ semper usus est, animo metû omnino experti; suis opem ferrè, hostes pecuniis multare in deliciis habuit; exercitiorum militarium assiduus ei usus, ludorumque equestrium magnus amor, candore etiam animi apprime inclaruit; armaturâ universâ præstantissimo obrizo tinctâ, clamys insuper & ephippia pictam draconis imaginem, facinoris incomparabilis monumentum, pariter ostentabant, clypeus etiam coloribus distinguebatur, superius fulvo, inferius flammeo superbivit, singula auro conspicua fulgebant. Brynhildis formæ venustate incomparabili, ingenio vasto, gloriæ immodicæ cupidine æstuans, atque ideo par in sexu suo, multo magis superioris, impatiens, heroum etiam æmula, naturâ sagax & provida, & abstrusarum artium longè peritissima, fidei propositique & injuriarum ad vindictam usque tenacissima. Verum de interitu Sigurdi fama variat; nam Germani inter venatum interemtum tradidère; omnes affinium fraude peremtum in tractu, qui Rhenum ab occidente spectat, constanti relatione asserunt; quem uxor Gudruna vehementius

mentis dum lugeret, nec lacrymas præ nimio dolore fundere potis esset, adeoque intumesceret, ut periculum esset, ne disrumperetur. Ad eam Herborg Hunniæ Regina (plures enim Reges simul regnasse constat) solatura accessit, & ipsa quidem pares nec leviores antea fortunæ insultus experta, suasque misérias afflictamque sortem, septem filiorum, bello cæsorū, parentis utriusque, quatuorque fratrum, fluctibus simul abreptorum, orbitatem commemorando, quibus suam captivitatem, duramque servitutem accessisse quæstæ est; sed frustra lachrymas elicere tentabat, donec Gullrond Gudrunæ soror cadaver amplexu fovendum, osculaque ut vivo libanda monuit, id demum dolorem lachrymis manantibus sedavit. Novi consimile in patriâ exemplum, cum demortui manus pectori lugentis applicata invitas prius lachrymas eliciebat.

CAP: XLI

DE SECESSU GUDRUNÆ IN DANIAM
ET NUPTIIS CUM ATLIO BRYNHIL-
DIS FRATRE.

Non sustinuit Gudruna apud fratres moras ulteriores necere: itaque voluntario exilio sibi indicto, tesqva, solitudines, & inculta sylvarum pedes per quinque dies emensa in Daniam pervenit (unde patet, Germaniam illo tempore minus cultam fuisse) ibique apud Thoram Haconis filiam tres annos & semestrem mansit; terebant ibi tempus acu varias formas pingendo, fortiumque Regum gesta textoriō artificio, ut Athenienses, peplo complexæ, velut expeditionem Sigmundi Sigurdi Fafnericidæ patris, vel prælia, quæ in Fife (an in Germania sit, nescio) Sigar contra Siggeirem gessit, quorum memoria jam nulla restat. Interim opes aurumque Sigurdi Gunnar & Högnius sibi, tanquam prædam belli jure partam, vendicabant. Postquam eos absentiae exiliique sororis tædere cepit, animum ad eam mitigandam applicuerunt; partim etiam necessitate compulsi, eam in Daniam reducendam censuerunt, namque Atlius Rex Saxoniae, Brynhildis frater, sororis necem illis imputans, nullâ aliâ ratione placari poterat, quam conjugio sororis eorum Gudrunæ, motus tum ingenti nominis illius fama, tum etiam jure in thesauros Sigurdianos, quos conjugio accessuros spe conceperat. In Daniam ergo magnifico comitatu, Regibus interspersis superbo, concesserunt. Grimhildis mater, quæ Gothica fœmina dicitur, Regesque Daniæ Valdar, Eimodus, Jarisleifus & Jariscarus, multaque Langbardi præclara progenies, auratis cassidibus, eqvisque cataphractis pompam ornabant (Hinc Longobardorum etymologiam neque ex armis, nec ex barbis nostras antiquitates petere liquet, sed à parente primo Langbardo dicto, sive Bardo longo, qui nostrâ lingvâ Langi Wardr dicitur) Gudrunam igitur blanditis promissisque aggressi nequicquam monuerunt, ut in Atlii conjugium consentiret, donec Grimhildis mater, ad consuetas artes conversa, poculum oblivionis ei propinaret, quo priorum calamitatum memoriam sopiret, tum demum provinciarum Vinbiorgi, Valbiorgique oblatarum possessione allecta, precibusque cognatorum fratrumque emollita, quantumvis malè sibi ominata, ægrè quidem, sed admodum inauspicato, annuit. Cui postquam elocata esset, post celebratas solenni festi-

vitae nuptias, statim ominosa somnia mariti quietem turbârunt, quæ uxor cum exposuisset, pro voto magis quàm eventu primò explicata sunt; gladio enim se ab illa perfoſsum per quietem vidit. Illa interpretabatur ferrum in somniis ignem denotare, quem ei affutura videatur ad morbum, magicis artibus inductum, sanandum; cuius usum *veteres codices legum Gulathingensium Tirulo de casibus, Cap. XIII. utet Legum Islandicarum eodem capite insinuant.* Duas præterea arundines in aula sua plantatas, quas in deliciis habuisset, excrevisse, subito radicitus evulsas. Accipitres etiam binos è lecto suo avolâsse jejunos, deinde neci datos, sibi inter fercula cruenta appositos, quorum corda melle condita comediſſe sibi viſus fuerit. Catulos etiam perquam bellos occisos in escam inſitum verſiſſe. Uxor gravia somnia, mala ingentia minitancia, inter reliqua masculæ prolis infamem interitum portentura conjiciebat. Tempus per complures annos majori conjugum odio quàm amore procedebat; malis enim artibus conciliata societas haut facili coaluit, quam etiam adulterii suspicio & Zelotypia turbabat; namque Herkia Atlîi pellex dominam detulit de adulterio cum Thiodreco quodam Rege commiſſo, qui sæpius Reginae fortunæ suæ ludibria qvestus eam similibus admodum vexatam, ad communem qverimoniam sæpius excitavit; inde suspecta Regi nimis familiaritatis, se juramento purgabat; cuius ritus talis erat. Lebes ferventi aqua plenus certis ritibus consecratus, magnæ capacitatis ſiſtebatur, in publicum lapides grandes, imo fundo immerſi, nudis brachiis manibusque levandi erant. Crimen adulterii hoc purgationis genere publicè, magna principum populi que frequentia, dilutum est, quæ vero detulit Herkia juramentum calumniæ eodem probationis genere præſtare juſſa, cum defeciſſet, latâ ſententiâ paludi viva immerſa est, Regina vero abſoluta pudicitia laudem publico applauſu meruit.

CAP. XLII.

DE LEGATIONE ATLII AD GIUKUNGOS, INVITATIONEQUE AD CONVIVIUM UXORUM SOMNIIS, EORUM QUE CÆDE.



Bryn hilde de ſtatione vitæ miſerè egreſſa, Gunnar ſorere ejus Oddruna pellice uſus eſt, cum nuptias ejus, obſiſtente fratre Atlîo, impetrare nequireret. Commotior itaque frater, miſit qui eam domum deducerent; id cum fruſtra eſſet, ludibrii impatiens, auriſque cupidine, debitæ uxori suæ dote, illeſtus, diſſimulabat conceptam iram, majori perniciæ per occaſionem effuſurus. Socru igitur (clanculum credo) ſublata, legatum Vingi-um, alio nomine Knefrodum dictum, ad Gunnarem & Hôgnium miſit, ætatem ſenilem excuſans, tutores eos filiis tenellis, quorum eſſent avunculi, lecturum, redditumque regni quoad adoleſcerent, tutelæ mercedem pollicitus, inſuper munera prorſus Regia. Petivit igitur ne ad ſe venire gravarentur, nec convivium in eorum gratiam inſtructum alpernarentur. Ut vero dolum præſenſit Gudruna, tabulas literis Runicis inſcriptas, quibus fraus omnis delegebatur, annulum præterea aureum, cui pilum lupinum alligavit, ſerum mariti animum denotantem, legato perferenda dedit, qui Regi fidelior, Runas quidem non delevit, ſed invertit, & ad ſcopum legationis

tionis mutatas exhibuit. Benigné à Giukungis exceptus in triclinium deducebatur, ingenti foco exstructo, per vesperam poculis hauriendis certatur; ibi legatione exposita responsum expectat. Gunnar naturâ magis credulus, consulit fratrem Hôgnium, quorsum hanc novam sororii humanitatem tendere arbitraretur? Is suspectam quidem sibi dictitans, nec de nihilo sororem annulo lupi pilos annexisse, animum in se mariti fortè lupinum adumbraturam, quo signo protectionem diffusisse videri possit. Convivium in multam noctem, etiam post convivantium discessum, extractum est, solis Regibus cum legato remanentibus, secretòque inter se conferentibus, donec ebrietas usum rationis turbasset; tum vero legatus tempus rebus suis opportunum nactus, tabulas à sorore missas depromit, benivoluntque in eos domini sui affectum exaggerans, præter redditus regni, amplissimæque munera, principatus etiam fiduciario jure obtenturos asseruit. Cupido regni, opumque sitis, & fati inevitabilis necessitas Gunnarem simul abripuerunt, ut extempore polliceretur se profecturum; Hôgnius promissis ejus se haudquaquam refragaturum, ultrò tamen hoc tempore minime profecturum testatus, verum cum frater accessum pollicitus esset, se ei quidem comitem, non desertorem, futurum. Finita commissatione cubitum itur. Kostbera fuit uxor Hôgnii, formâ ac sapientiâ juxta commendatissima. Glamvor Gunharis nuncupabatur, & ipsa ingenio heroina, quæ inter epulas Regibus pocula promebant, pincernarumque vices obibant. Kostbera, tabulis impensius perspectis, runas inversas animadvertit, inque matutinum tempus differens, marito sensum literarum genuinum exponit; aut enim literæ unius significativæ defectum incidisse, quod mirum peritissimæ faminae accidisse, aut turbatas literas esse queritur, inde præsentissimum vitæ periculum proficiscentibus indicari, id quod sororem suis insinuasse, & rectius & tutius concludi posse; falli enim eos, si hac vi se à sorore invitatos crederent, sed & somnia, eos à proposito retractura, si monitis parere, placidasque aures præbere vellent, assert; nam lodicem grabatumque ejus, summa etiam palatii tecta, igne flagrantia visâ. Hôgnius lineas vestes, quibus abundaret, igne consumendas respondit. Ursum deinde in aulam irrupentem, pedibus obvia quæque confringentem terrorem concussisse, præterea visum refert. Ventos exorturos conjecit. Aquilam insuper in aulam pernici volatu delatam, sanguine cunctos conspersisse. Genium Atlii ei visum retulit; boviumque magnum numerum se mactaturum dixit, sæpe aquilam in somniis bovem denotare. Consimiliter Glamvor Gunnari terribilia somnia exposuit. Patibulum illi erectum, in quo sublimis pendere sibi visus sit, deinde à serpentibus dilaniatus, exemptumque indusio ejus cruentum gladium, qui medium ipsum perfoderit, in cuius mucrone & manubio lupi ejulascent. *Canes nos morfu petent*, inquit Gunnar. Fluvium etiam rapidissimum in aulam cum impetu infusum, sedilia omnia perfregisse, mulierum etiam mortuarum umbras hac ipsâ nocte aulam ingressas. maritum eum sibi poposcisse, nuptias protinus celebraturas, quas Parcas, stamina vitæ propediem rupturas, sibi videri dixit. Gunnar *nodum esse difficilem respondit; nemini concessum vitæ terminum superare; brevem certè vitam somnia hac sibi protendere*. Verum tanta erat pronissorum exequendorum religio, aut revocandorum dedecus, ut ne indubia mortis indicia retrahere possent. Kostbera Glamvorque legatum aggressæ juramentum ei expresserunt, formulâ, quâ relegationem ad gigantes, aut ad crucem, tanquam paria mala, sibi imprecabatur, si simulatâ mente legationem exposuisset. Navibus itaque conscensis, domo profecti, remisque innixi, in ditionem Atlii pervenerunt; ibi in litore conscensis

scensis eqvis, quos domo navibus evexerant, ad aulam perrexerunt. Intra clausas portas armatus exercitus delituit, quas cum Niflungi effregissent, denunciavit Vingius deceptos esse, inque crucem quam ocissimè tollendos. Orknungus fuit Kostbera frater, qui eos comitatus est. Illi se minis Vingii nequaquam terreri præfati, nec tamèn impunè decepturum, securium manubriis, utpote ferro perire indignum, ad necem verberarunt. Atlius intra mænia armatas phalanges in affines concitat, quibus undique confluentibus, velut indagine cincti ab omni parte impetuntur. Verùm iusta in perfidum Regem ira, mortisq; imminens periculum, in ultionem sui eos accendit. Pugna igitur memorabili edita, diu invadentem multitudinem non modò sustinuerunt, verum malè multatam, pluribus acervatim prostratis, represserunt. Regina, intellecto fratrum periculo, ad arma & ipsa advolat, increpatisque modè fratribus, quod literas signumque annulo appensum non intellexerint, in prælium ruit, duos propriâ manu neci dedit, levirum præterea pede multatum deinde occidit, pluresq; alios trucidavit. Inter confertissimos hostes Niflungi pugnabant, nec aliud prælium crudeliùs gestum prisca monumenta memorant. Ultra meridiem à matutino tempore durabat; tandem post editam ingentem stragem vincendo fatigati Niflungi capiuntur. Regina filios hortata est, ut pro avunculis apud Regem mortem deprecarentur; cæterum ferus iis, quantumvis pusillis, animus erat, cædeque & sanguine propinquorum jam tum oblectabantur; matris itaque petitioni refragati, sibi exitium accelerabant. Gunnar in carcerem viperis & serpentibus repletum conjectus est; Hognius custodia mandatur. Ne vero perfidia gratuita esset, caput Atlus ab iis sub tormentorum minis exquirere de thesauro Sigurdi Fasnericidæ; cum autem nullo modo extorquere confessionem posset, Gunnare dictitante, prius se visurum fratris sui cor, iussit ut servo abjecto Hialtio, Meticulosi cognomine noto, vivo cor exsectum, Gunnari deferendum, pro Hognii corde obtruderetur; quod ut nimium palpitare vidit Gunnar, non esse illud cor fratris sui respondit, quod trepidaret. Itaque Hognio, inter supplicium ridenti, exsectum est; quod ut Gunnar vidit, *agnosco, inquit, fortissimi fratris cor, jam quidem parum tremens, minis dum intra pectus fuit: bene se res habet, dum Hognius viveret, dubitarem an proderem, jam certus neque eum proditurum, neque alium, cum solus ubi recondatur norum, jam sibi Rbenus habeat.* Hinc sub aquis defodisse creditum est. Viperarum igitur morfu, religatis post tergum manibus, Gunnar incredibili fortitudine animoque invicto periit, Cælesti Numine graves perfidiæ, parricidii, & perjurii pænas expetente, suppliciiq; gravitate tarditatem pensante, Orknungus duoque Hognii filii, patrem domo comitati, Solar & Gnæfar appellati, in prælio unâ ceciderunt.

CAP. XLIII.

DE CRUELITATE GUDRUNÆ ULTIONEM DE MARITO SUMENTIS, EJUSQ; CÆDE.



Um vero Rex suis militibus bello cæsis iusta faceret, iniquum Gudrunæ visum est, si fratres sui exequiarum honore carerent, itaque eas magno apparatu celebrare festinat, Rex namque primò velut insultans, cædem fratrum commemoravit, culpâque ex parte in eam rejectâ, mox multam sibi ipsi irrogans,

gans, munera ingentia Regina satisfactionis loco obtulit, quibus ipsam sibi conciliaret. Quæ quidem primò omnia abnuens, nunquam sibi satisfieri fratrumque cædem expiari posse respondit; mox orbitatem commemorans, cum nulla amplius à fratribus auxilia expectanda essent, quibus ad illud usque tempus confisa, viro rebellis facta sit, necessitatem parendi sibi impositam testabatur, proinde in viri potestate, qui jam omnium potiator, futuram; credidit Atlius simulatis uxoris verbis, mutatamque cum orbitate mentem ratus, & ipse ad celebrandas affinium exequias se accingit. Magnâ alacritate potatum est; verum antequam ferale convivium intrueretur, duos filios suos, ex Atlio susceptos, qui avunculorum supplicium deprecari renuebant, apprehensos, morteqve imminente cognitâ, confessos in matris se potestate arbitrioque esse, cui jus vitæ necisque in propriam prolem competeret, propriâ manu jugulabat, exque eorum calvariis crateres fieri curabat, quos plenos vino, filiorum sanguine misto, marito evacuandos exhibuit, corâque, tosta edenda apposuit, egressumque convivio maritum, somnoque sopitum, solo Hognii filio superstitæ, nomen familiæ sibi proprium gerente (Niflungus enim vocabatur) adjura, gladiò lecto jacketera confodit; qui ut lethale vulnus inflictum sensit, de authore facti quærit: Gudruna Niflungusque nomina professi (neque enim passa est eum solo hoc vulnere mori) filios proprios ab eo exesos, sanguinemque eorum potum exprobravit, insultabatque ei de vindictâ haut muliebriter sumptâ. Geminabat supplicium morituri inaudita in filios rabies, exemplumque omni seculo ipsis etiam feris execrandum; qui licet gravi offensâ pœnam se meruisse confessus sit, tanto tamen piaculo abstinentum fuisse monuit, neque illos spurios aut vulgo quæsitos fuisse, quorum mater in conjugium suum dote dicta, consentientibus propinquis, donationeque nuptiali accepta, concesserit, triginta equites & viginti famulas illi à se datas, nec tamen contentam magnificis muneribus, nisi universum patrimonium suum pro lubitu versari permiserit. Illa neque piaculum, neque scelus ullum in illum, scelerum omnium architectum, committi posse recessit. Tandem Rex supplicii propior petivit, ut iustis rite celebratis, funere quàm amplissimo se efferendum curaret; id quod se libenter facturam recepit. Ritus sepulturæ talis erat; navis colli oblongo imposita est, oculus de solido lapide excisus, vestes funebres cerâ obductæ. Hoc ritu Atlium condi uxor curavit. Inde liquet, promiscuum rogorum cadaverumque componendorum usum fuisse, naves etiam pro cuiusque arbitrio sepulturæ adhibitas, à tempore Hakii Sveciæ Regis, qui his tempore prior fuerat; quantum verò spatio ab elato funere parentatum sit, non est definitu proclive, tempus non exiguum hic intercessisse patet; nam filius Hognii domi relictus adfuit. (Hic tamen aliquid extra ordinem factum licet suspicari, interdum namque honor exequiarum parentaliumque aliàs denegandus intercessione impetrabatur, etiam post moribus receptum tempus, quod in Agnio Sveciæ Rege & aliis passim similiter observare licet.) Cum denique marito parentaretur, omnes aulæ ministros invitabat, qui cum largius se ingurgitassent, nihil periculi metuentes, imperio Gudrunæ succensis palatiis cum erumpere nequirent, ad evitandum crudelius mortis genus, arma in se mutua vertentes promiscua cæde occubuerunt. Iusta marito soluta, hac infanda domesticorum cæde aulæque incendio nobilitata sunt.

CAP. XLIV.

DE NUPTIIS GUDRUNÆ CUM REGE JONACO, FILIIS EX EO SUSCEPTIS, JORMUNRECO REGE, SVANHILDIS GUDRUNÆ EX SIGURDO FILIÆ NUPTIAS DEPOSCEnte, SVANHILDIS CÆDE, ET FRATRUM EJUS ULTIONEM MATURANTIUM EXITU.



Udruna post tanta flagitia haut diutius superesse passa, in mare se projecit; verum aqua, tantis sceleribus conaminatam detestari visa, fluctibus ad transmarinam ripam eiecit. Præfuit illi ditioni Rex nomine Jonacus, qui tantum abfuit, ut portentum illud naturæ, cujus contubernium ipsum elementum exhorruit, execraretur, ut præclara virtutum monumenta edidisse judicaret, eamque sibi conjugem asciverit, quæ trium liberorum parentem, masculi sexus & roboris, eum reddidit, quorum nomina Saurlius Hamder & Erpus; filia ejus Svanhildis, Sigurdi Fafnericidæ filia, ibi quoque educabatur. Regnabat eo tempore Jormunrecus Dives, Saxoni Jarmericus. Is ætate valde provectus Svanhildem sibi in uxorem postulavit, legationis principe filio Randvere (Brodero Saxoni) usus, cui adjunctus fuit consiliarius Bickius. Hi à Rege Jonaco benè excepti, votique compotes redditi sunt, curæque eorum Regia virgo trans mare ad sponsum deferenda committitur. Fuit formâ longe venustissima; itaque Bickius in reditu persvadet Randveri, ut illam sibi conjugio jungat, quod rectius fiat quàm si seni juvencula copuletur. Placuit juveni, illecebris formæ generisque splendore capto, funestum consilium, nec virgo juvenem seni præferre, data optione, distulit. Domum cum ventum esset, Bickius filii fraudem ad patrem desert, cujus ipse author fuerat. Igitur præcipiti ira excaecatus pater, filium laqueo adjudicat; qui ad supplicia raptus, exutum plumis accipitrem patri sisti curavit. Qui exinde sumptis orbitatis auspiciis, per plumis nudatam volucrem regnum præsidio vacuum adumbrari conjectans, filium liberari jussit. Verum Bickius id jam primum metuens, necem acceleravit. Rex postquam filium supplicio affectum cognovit, serâ tandem pœnitentia ductus resipuit; mærorem deinde ex orbitate contractum in furorem vertit, nam, instigante Bickio, tanquam orbitatis causam Svanhildem equinis ungulis ad internecionem contendendam objecit; quæ tanto oculorum fulgore patris exemplo poluisse dicitur, ut metu perculsa animalia propius accedere formidarent (Saxo venustatem formæ bestiis etiam admirationi fuisse tradit) nec prius eam adorta sunt, quam obnuptâ peplo facie oculorum acies intercepta est. Quod ut mater cognovit, filios ad ultionem exequendam anxie sollicitatos in Jormunrecum armavit. Saurlius & Hamder responderunt, ituros se quidem, nunquam autem redituros, simulque matrem sibi Svanhildique filiæ parentaturam. Illa armaturam iis ferro impenetrabilem providit, præceptumque dedit, ut à lapidibus sibi caverent, quo observato, obfirmati adversus ferrum forent. Insidiis agendum erat cum Rege potentiâ formidabili: igitur Erpum fratrem mininum medio itinere rogant, quâ fide & promptitudine ipsis esset succurus? qui cum respondisset, tantam opem subsidiumque laturum, quantum manus pedi soleat, ab illis tanquam inutilis occisus est, pedes enim univer-

sam

ſam corporis molem ſuſtinere, nec à manu ſublevari regeserunt. Cum vero paululum procesſiſſent, contigit ut offeſſo pede alter eorum in lapſū inclinans, manu in terram dimmiſſā caſum inhiberet; qvò alter jam obſervans, manum pedi ſubveniſſe, præſtare ut Erpus viveret, dixiſſe fertur. Tandem occulto itinere ad aulam Jormunreci veniunt, cubiliqve per inſidias poti, manus pedesqve ei amputant; qvò peraſto, prius qvàm occidere poſſent, ab aulicis circumventi ſunt; cum vero undiqve circumſuſam turbam conſpexiſſent, ſerâ ſublato fratris pænitiſſiā ducti confitebantur, jam quidem caput Jormunreco præſciſum, ſi vixiſſet Erpus. Deinde à confluxu turbæ armis undiqve petiti egregiè ſe defenderunt, nam & incantationibus maris à ferreis ictibus liberi erant, qvi cum gladios omnes reſtarent, quidam grandævus unoculus acceſſit, increpatis aulicis, qvò illos occidere neſcirent, qvi à Rege conſultus lapidibus obruendos dictabat; mox ex omnibus angulis lapides velut ſponte volantes eos impetebant, qvibus cooperti vitam cum morte commutârunt. Saxonis traditio ab Islandicis relationibus mutuata parùm diſſentit. Qvòd vero Jormunrecum Daniæ Regem facit, neq; noſtræ antiquitates adſtrūnt; illud certè monſtrant, toti Daniæ neqvāqvam præſuiſſe, nam hoc tempus in ultimos Sigurdi Hringi vel Ragnaris Lodbrokis primos annos incidit; Gothorum quidem eum Regem venditare videntur, verùm nomen illud eā tempeſtate late patuit. Qvòd vero Hellispontum attinet, unde fratres Svanhildis proſectos tradit, nullo facilius ſitus ejus colligitur. *Crantziius Suecia Lib. V. cap. 5.* prope Ruſſiam ſtatuit. Saxo in Hadingo prope Dunam amnem, qvem Meurſius in Thracia agnoſcit, cum tamen Duna in Livonia ſit. Saxo Ragnarem Lodbrokem ex Hibernia mediterraneum fretum pernavigantem ad Hellispontum penetrâſſe, interjectaqve regnorum *patu clarioris* emenſum victoriis tradit. Qvòd de mari mediterraneo qvominus intelligam, obſtat, iisdem & ſeqvioribus temporibus, ad Magni uſqve Nudipedis Norvegiæ Regis tempora, unicum, idq; terreſtre, per Ruſſiam & pontum Evxinum Conſtantinopolim verſus à ſeptentrione proficiſcentibus notum & uſitatum iter; neqve enim huc refero Haſtingi proſectionem navalem in Italiam, aut alias tales, cum è Gallia, armis illius jam diu laceſſitâ, ſuſcepta ſit. Monumenta Islandica Atlium Saxonie Regem fuiſſe tradunt, cujus diſtinctio tantum à Jonacri regno dirimeretur, ubi Hellispontum Saxo conſtituit. Jornandes in rebus Gethicis, ſi non hanc eandem, certè non abſimilem hſtoriam reſert.

CAP. XLV.

DE CÆDE REGIS HEIMERIS.



Hiſt Sigurdi Faſnericidæ Brynhildisqve mores, Heimer de Hlymdalis, qvi filiam eorum Aslaugem educabat, ei valde metuens, qvam cum univerſa familia ad interneccionem qværi ſciebat, mærore qve ob fatum alumnæ ſuæ Brynhildis prope conſectus, Regno Regiæqve forte abdicatâ exceſſit, utqve mæſti ſolent, ſolitudinis amans, ne unicum quidem famulum comitem aſcivit, ſive qvòd ſuſpecta omnium fides eſſet, ſive ut luctui liberiùs indulgeret. Qvò vero commodius parvulam recondere, cytharam magnæ capacitatis ſubtili artificio fabricari curavit, cujus alveo eam cum magno auri pondere pretioſiſqve gazis veſteqve incluſit, poteratqve, cum vellet, recludere ad miniſterium ei pro lubitu præberendum.

bendum, quod interdiu, nemine præfente, obire confuevit, vagientem namque tenellam ad fidium cantum demulfit, asvesfecitque ut ne voce aut lacrymis temere & intempestive emisfis proderetur, varias etiam terras peragravit, quorum nomina non recensentur, neque quid interea gestum sit. Tandem in Norvegiam ad villam quendam provincie Lystrie in paracia Spangareidensi pervenit, unde promontorium Lidandisnesia (Lindenes) in mare porrigitur. Rusticus villæ dominus Akius, uxor Grima, vocabantur, nec præter eos in familia vel liberorum vel servorum ullus erat. Fortè eodem die venatum profectus, solam uxorem domi reliquerat, quæ ut advenam, mendicum professum, hospitiumque petentem, conspexit, raros sibi hospites respondit, illum proin haut repulsuram; focum igitur accendit, citharamque in loco, quem ipse occupavit, collocabat, cujus magnitudinem admirata, sæpius oculos in eam conjecit; tandem inde fimbriam vestis pretiosæ exertam, mox armillam auream, dum foco assedit, intra viles vestes brachium ambientem notabat, evidens personati, non veri, circumforanei mendicabuli indicium, cubitumque abiturum in horreum deduxit, quod commodius ibi, quàm in communi sibi maritoque cubili, quiescit, quæ colloquiis nocturnis faciliè interPELLARETUR, indulgeret; qui, assumptâ secum citharâ, ut præceptum erat, securus acquievit, quod ut opum & ambitionis turgia, ita etiam avaritiæ fraudumque expertia judicaret. Paterfamilias domum reversus, ut consuetas uxoris operas intermissas cognovit, illam valde increpavit, quod labores sibi, illi vero otium, iniquâ sorte cederent. *Illam affulgere occasionem, quæ laborum finem perpetuum, otium deliciasque, modo sibi deesse nolit, sponderet; ibi namque virum, squalida quidem veste, sed opibus immodicis, in senium vergentem, solum, ne comite quidem stipatum, divertere, præterea quidem insignem, magnatumque unum florentibus annis fuisse haut ambigat, jam verò itineris molestiâ fessum, graviqve somno pressum, insidiisque primum, nullo negotio tolli: se modo virum præstet, exiguo momento perennem comparaturum felicitatem.* Exhorruit maritus scelus ad quod instigabat uxor, dicens, paucissimos quidem hospitium pauperis quærere; iis vero, qui exciperentur, jura fidemque servandam. Illa ideo egenum, & mendicorum forti semper proximum futurum, quod animi nihil, metus terrorisque plurimum inesset, neque enim se in tam vilis hominis conjugio ultra necessitatem permansuram, licere eo occiso advenam in ejus locum asciscere, neque eum perinde formidaturum vilissimâ vitæ ejus impensâ, se villamque in potestatem suam redigere, quam hunc opes ejus quærere; insusurrâsse namque sibi ejusmodi quædam hoc ipso vespere, unde hanc obscura animi ejus indicia cepit. His aliisque dubitantis animum extimulatum ad flagitium pepulit; itaque horreum, famulante uxore, ingressus, ut securum somno indulgere animadvertit, uxore citharam auferente, lethale dormienti vulnus inflixit, oculusque recessit. Inter moriendum Heimer, columnis labefactatis, horreum in se precipitavit. Uxor ob facinus virò dignum gratiis actis, iterum lumine focoque accenso, eum ad thesauros inquirendos vocabat: cum citharam aperire nescirent, effregerunt; puella ibi admodum tenella, magna etiam gaze delituit, cujus æstimationem abjectæ fortis homines ignorantes, impensas in educationem pluris faciebant, tanquam inclusæ opes eam rependere minus sufficerent; puellam igitur nomen patriamque & genus rogantes, nihil responsi acceperunt; visâ est itaque nondum eò ætatis processisse, ut loqui posset; post longam consultationem convenit, ut pro communi filiâ venditaretur, indito nomine de matris villicæ, quæ Kraka vocabatur. Ad præcavendum autem, ne eximia forma fictum genus argueret, comâ abrasâ, ca-

tâ, caput pice illitum, vestis pulla vilisque data; quod si ne hoc quidem modò deformi matri similis videretur, in juvenili ætate formosam fuisse matrem, fides facienda. Ibi Aslaug in magna paupertate enutrita, caprarum oviumque gregi pascendo adhibita adolevit; grandiusculæ coma quidem tegmini involvenda permixta est.

CAP. XLVI.

DE ASLAUGIS, SIGURDI E BRYNHILDE
FILIÆ, RELIQUA EDUCATIONE, QVOAD RAGNARI LODBROKI NUPSIT.

Crispimus supra, nupfisse illam Ragnari Lodbroki Daniæ Regi, cum in expeditione Danica versaretur; quâ verò occasione id contigerit, jam exponâ. Is cum primum e Dania solveret, cursu in Norvegiâ directo, propinquos invisendi gratia, in portum ad Spångareidem delatus, noctem ibi transegit. Die crastinâ ad panes coquendos pistores in terram ascendentes, ad proximam villam se contulerunt, villicamque rogârunt, ut operam suam conferret. Illa verò excusabat ingravescentis ætatis incommoda, *filiam tamen, pascendis gregibus occupatam, mox adventuram, sibi quidem rebellem faciam, vices nihilominus suas subituram.* Eodem die Kraka, dum greges ageret, animadvertit multas insignesque naves ad anchoram in vicino portu stantes: cepit itaque, quantumvis vetita, se lavando pestendoque pro re natâ ornare; naturalis quippe habitus, modò decorus, anxie conquisito ornatu ut simplicior, ita & acceptior est, cum nullum fucum venditet. Comæ illi copiosæ, colore aureo, infra talos demissæ universum corpus velabant, terramque verrebant, quam hoc cultu domum reversam ut conspexerunt famuli, villicam rogârunt, *an tam scita virgo ipsâ matre nata esset?* affirmanti, cum nulla id lineamentorum similitudine probari posse regerent, *diversam se jam senem à se ipsâ antea juvenculâ respondit.* Ministerium deinde virginis depiendis panibus cum impetrâssent, in obtutu ejus defixi dum hærerent, operæ suæ obliti, panes magis combusserunt quàm pinsuerunt; quos ad naves delatos cum omnes improbarent, pænamque pistores promeritos pronunciarent. Regi causam negligentiae inquirenti respondent, *quod duabus rebus distractis obreperit negligentia, vias enim sibi ex unâ parte matrem, ex altera filiam, supra femineam sortem deformem illam, hanc venustam; captos denique forma virginis opera suæ oblitos esse, neque aliam toto orbe ipsi venustate parem videri.* Ut vero Ragnar eam tantopere commendatam audivit; certè, inquit, *dilectam mihi Thoram non æquabit.* Ipsi cedere negârunt. Tum Ragnar: *equividem virum ablegabo, qui formas æstimare norit, qui si secundum vos pronunciabit, noxæ exempti eritis, sin minus, vapulabitis.* Adversæ erant venti, ut vela facere nequirent, itaque misit ad eam, qui veram ejus speciem conciperent, quibus mandabat, *ut si talem, quales prædicaretur, probarent, denunciarent ut ad se veniret, vestita, nec tamen vestita; cibata, nec cibata; sola, nec tamen absque comitatu.* His præceptis instructi nuncii, virgine intensissime inspectâ, miraculum eam naturæ taciti judicârunt, itaque mandata Regis ei exposuerunt. Mater quæsit, *quorsum nugæ ille tenderent, Regem istum procul dubio sapientem non esse.* Kraka ideo hæc imperâsse, quod, modò rectè intell.

cla, expediri possint respondit; ad legatos autem conversa; eò hæc mandata respiciunt, ait, ut vos comitari non liceat, cras itaque mane me expectabitis. Hæc reduces Regi renunciabant. Postero die ad præfinitum tempus hoc habitu ad litus processit: nuda erat, sed reti piscatorio amicta, quod coma ad talos demissa tegebat; allium gustabat, quod inter cibos non reputabat, nec tamen jejuna videbatur; cane tantum comitata, animali ab homine diverso; quæ cum Ragnari è ponte visa esset, quæsitit quænam esset, aut quem quæreret? illa metricè respondit. Edictis tuis, ô Rex, obsequi par erat, illicitumque accessum, quem imperasti, negligere: neque omnino nuda, neque prorsus jejuna, nec in totum sola adsum. Scapham ergo expediri jussit ad eam in navem deducendam. Illa abnuît, ni securitati cautum esset, tam suæ quàm comitis, canem intellexit; quo impetrato, ad Regem deducitur, quem exertâ manu dum eam apprehendere conatur, canis morsu impetens, à satellitibus nervo collo adacto interficitur, sine promissa securitatis sanctiore respectu. Eam igitur in triclinium deductam amicis verbis affatus Rex, ejus colloquio delectatus, secum deducturum affirmavit; quæ detrectante, postulato saltem ut noctem apud se transigeret, ne in hoc quidem consensit, absolutâ demum expeditione redeuntem id impetratum confirmavit, si interea menti eadem sententia staret. Tum Rex ministrum qui, à synthesi erat, jussit proferre vestem, Phrygio opere conspicuam, quam Thora gestaverat, eamque illi induendam obtulit. Illa medicè respondit; capris agendis, fabulis percurandis adsoctam, indignam esse, quæ vestem Serenissima Regine assumeret, neque habitum mutaturam, quoad in tuguriolo manendum esset; verendum etiam, cum jam formâ suâ capiatur, ne adjecto ornatu abutatur, se ejus reditum in villa expectaturam, si mentem interea non mutaret, mitteret tum, qui se ad eum ducerent, non ultra refragaturam, quin ipsi honorificè jungatur. Ille nullam in hoc decreto lituram fore asseverans, domum eam inviolatam dimisit; in reditu deinde eundem portum ingressus, per nuncios ei significavit, ut relicta patriâ domo se sequeretur; quæ hanc ultimam noctem domi mansuram, mane vero venturam promissit. Summo itaque mane surgens, ad lectum nutriciorum accessit, quærens an vigilarent? Illis quid rei esset requireribus, sese discessuram, ultimumque vale dicturam ait, additque talem formulam: Non me latet quòd alumnus meus Heimerem occideritis, nec graviolem ultionem de me vobis quisquam meruit, quam tamen educationis merito condono; hæc tamen imprecor, ut vobis insequens dies præcedenti quolibet asperior, novissimus autem pessimè vertat. Has malé imprecantis diras ad verbum exponere placuit, quibus cum nutricios devovisset, ad Regem se contulit, subito ventò ad votum spirante usa. Cum primò cubitum itum esset, Rege societatem lecti postulante, abnuît, dictitans commune decus querendum, honorique futuræ proles solenni nuptiarum ritu, Regibusque condignâ pompâ, prospiciendum, cum primum in regnum devenitum esset. Annuit tam æquis precibus sponsus, distulitque coitum, donec in patriam reversus effusissimo omnium ordinum studio convivium epibatericum, sive pro reditu institutum, in nuptiale convertit, subitâque mutatione Kraka penè è servitute Regina evasit. Ne vero quis hæc meram fabulam existimet, extat adhuc in Spangareide apud rusticos, historiæ planè ignaros, à majoribus ad posteros per manus tradita memoria, nam cum anno hujus sæculi sexagesimo quarto primum illuc venire, effemque Serenissimo Daniæ & Norvegiæ Regi Friderico Tertio a redbitis diæcesos Stafangriensis, quæ nunc Christianfandensis appellatur, diverti ad virum, nomine Reiderem, villam Nierfium in isthmo Span-

Spangareidenſi ſitam, incolentem, cujus uxor Aadlow vocabatur. Illa mihi recenſuit, nomen hoc ſuum à Regina qvadam Daniæ, qvæ illic greges paverit, dimanâſſe, qvam citharæ aureæ in inſulâ, eâ de cauſa *Gullben* (3: *inſula aurea*), in hunc uſque diem vocatâ, incluſam, ibiq; inventam, referēbatqve extare rivulum, qvi hodierno etiam die *Kraftubeſten* (3: *Kraake rivulus*) vocetur, per qvem curſitans greges egſſe perhibeatur; rationem autem nominis illius ab illa deducti neſcivit; qvæ tamen plana ſatis eſt, eo quod illo tempore *Krakæ* nomine inſignita fuerit. Ad hæc firmioribus testimoniis confirmanda ſcripſi anno ſuperiore MDCXCVIII. ad Regium provinciæ illius Qvæſtorem, Nobiliſſimum virum Andream Toldrophium, totam mulieris hujus relationem, qvi ſtatim eò ſe contulit, propriisqve oculis inſpexit, vicinorumqve relationes collegit & examinavit, mihiqve ſequentia reſcripſit X. Septembris ejusdem anni: de inſula nihil conſiſtere, ſed in fine ſinus infra villam *Øſte Smeviken* inventam citharam auream, cui parvula virgo incluſa fuerit, inde nomen extremitati ſinûs etiam in hodiernum diem manſiſſe *Gullvigen* ſeu *aureus ſinus*; nomen puellæ Aadlow, qvæ capris & ovibus per pascua cuſtodiendis adhibita, deinde Regina facta ſit, per continuas ſucceſſiones translatum, hodieqve in uſu, etiam in mulierem, qvæ mihi hæc retulit, compluresqve alias, etiamnam viventes, tranſiſſe. Tumulum ſive collem haut procul diſtare, in qvo paſcendo gregi intenta conſidere conſueverit, nomen adhuc conſervare ab illa contractum *Hadlowhøgen*. Hæc priſcis relationibus, deinde qvaſi per manus ad poſteros traditis, celebrari. Quantum ad rivum *Kraftubeſten* attingat, extare illum qvidem, ſed milliariſ Norvegici qvadrante à *Gullvigen* occidentem verſus, in eodem Spangareidenſi diſtrictu; verum incertum, an illa ibi qvovqve greges paverit, vel nomen hoc ab ipſa dimanaverit. Ad narrationem redeo.

CAP. XLVII.

DE NUPTIIS ASLAUGIS CUM RAGNARE EORUMQVE LIBERIS.



Vàm primum genialem torum conſcendiſſent, Ragnarem ſecum congreſſurum inhibuit, præmonitum, defectum ex præmaturo coitu in prolem redundaturum. Ille parentes ejus in Spangareide haut præſagos ſibi videri, quovſqve tamen continentia leges præſcriberet? qvæſivit. Illa metricè reſpondit. *Tres noctes cohabitabimus, deinde ſacræ numina precibus placabimus, ſecus vitium erit in prole, nimium enim properas ad progenerandum exoſſem.* Verùm neqve futuri defectûs metu, neqve ſanioris conſilii auctoritate, ab explenda libidine eum avertit. Cum vero partu levaretur, filius natus eſt, qvi aqvâ aſperſus Ivar dicebatur. Oſſa ei nulla, ſed qvorum vires cartilago ſupplevit; incrementum ingens, ut æqvales omnes ſtaturâ excederet, formâ valde ſpecioſâ, tantâ ſapientiâ, ut dubium ſit, an quis exceſſerit. Filius illis alter, nomine Biörnus; tertius Hvítferkus; quartus Rognvaldus; omnes ſingulari virtute & robore præcellentes, edocti artes pro ſeculi captu præclariffimas. Ivar leſticâ ſemper portabatur, non enim incedere poterat; reliqvorum tamen ut ætate, ita imperio conſilioqve princeps erat. Eiricus & Agnar fratres eorum conſangvinei, ingentes viri

habebantur, bellis & direptionibus qualibet æstate sine intermissione intenti, unde celebritas opumque affluentia ingens; quorum exemplo Ivar incitatus, classẽ à patre, cum primò per ætatem liceret, poscit & impetrat, assumptisque fratribus Biorno & Hvitferko, magnas res aggressus est, famæ quàm prædæ longè studiosior; nam debiles ne attentavit quidem, munitas verò urbes, & præcipuè quas pater expugnare nequibat, obsidione cingere, occupare, & diripere gloriosum duxit, inter quas quædam, Hvitabær finui Gnipensi adita, cujus nudum tantum nomen, ut pleraque alia, absque Regis aut regionis mentione extat, recensetur, ubi jacturam fratris minimi Rognvaldi, ob ætatis defectum ad naves relictæ, fecerunt, nam ardore pugnandi contra imperium navibus egressus opprimebatur; oppidum in ultionem direptum, incensum, soloque æqvatum est.

CAP. XLVIII.

DE ORTUS GENERISQUE ASLAUGIS
REVELATIONE.

A tempestate Eysteinus quidam Sveciæ Rex memoratur, qui Upsalis residebat, potens stipatorumque frequentia illustris, sapiens item, indole licet ferâ, sacrificiis apprimè deditus, numinumque religiosus cultor. Toto namque Septentrione Upsali sacrificiis & Idolorum cultu inclaruerant. Haraldi Hilditanni filium Hervoriana historia, Beliumque cognominatum, Index Skaldorum, sive poëtarum, vetustissimus memorat, temporisque ordo confirmat, nepotum Serie ad Haraldum Pulchricomum Norvegiæ, Eiricum Emundum Sveciæ, Reges, & Thorerem Baronem Fiordensem, à Bragio Seniore poeta, qui & Ragnaris tempore, & hujus Eysteini vixit, deductâ; quem lectorum ignorantia inter sanctos retulit, Helgi pro Beli substituendo. Bragii filia fuit Lophæna, Erpi Lutandii uxor, ex qua Astridem Slæxiudrengium suscepit, Hroaldi Baronis Fiordensis uxorem, Thoreris matrem. Inter Eysteinum & Ragnarem multa amicitia intercessit, quam mutuis conviviis singulis æstatibus per vices renovabant. Fortè cum Ragnar in Svecia convivio exciperetur, primo vespere filia Eysteini Ingiborg pocula Regibus pro more exhibebat, cum comites ebrii inter se musitarent, honorificentius suo Regi fore, si Regiam præ rusticâ virgine sibi matrimonio jungeret, eoque audaciâ processerunt, ut palam Regi mentem suam exponerent, qui consilium magis ex dignitate Regiæ, quàm affectu maritali pensans, in illud quoque consentiens, virginem sibi, die nuptiis præfinito, despondit. Finito deinde convivio, cum non procul à domo abesset, universo comitatu ad sylvam quandam consistere iussit, sub pœna capitis sanxit, ne quisquam consilium nuptiarum promulgaret. Inde domum rediens, convivio gratulatoriò excipitur. Tum vero uxor, licet aliàs semper, præter tamen morem affabilis, gremio ejus se insinuans, brachiis cervici injectis, blandimentis eum demulcet, quæritque si quid novi aut relatu dignum in convivio acciderit? Nihil omninò quod novi esset, respondit. Procedente vespere, postquam satis potatum esset, cubitum itur. Kraka, eandem quæstione iteratâ, se ad colloquium comparat. Illo quietis desiderio lassitudineque se excusante, *quandoquidem*, respondit, *tu mihi, quæ nova videntur, exponere recusas, ego tibi ea exponam.*
Illud-

Illudne consilium novum est, quod uxorem tibi poposceris, cum tamen aliam habeas? Quinam illi hæc suggessisset, quærente Ragnare; nullus quidem respondit, eo nomine vel capite plectetur, vel membris mutilabitur. cum vel propositum vel edictum tuum nemo vulgaverit. Nomen meas aves vidisti, in turre prope vos sedentes? ista mihi propositi seriem omnem retulerunt; da igitur precibus meis tantum, ut propositum illud rescindas; modo illam generis mei ignobilitatisque opinionem, quæ te ad illud perpulit, non modo verbis, sed insalubilibus etiam argumentis, demsero, monstrando illud, quod in Svetica uxore quæris, in hac, quam habes, etiam exsuperare. Parentes enim mei Reges erant, & quidem incomparabiles habiti; Sigurdus nempe Fafnericida milibipater est, mater Brynbildis Budlma. Illud verò mirum, ait Ragnar, filiam eorum Krakam vocari, & in tanta paupertate, qualis in Spangarceide, educari. Illa rem longè aliter se habere ait, orsaque historiam à congressu parentum in monte Hindiano, ubi fata erat, ad tempus usque illud, quo Ragnari innotuit, Aslaugem se proprio nomine, non verò Krakam, vocari suggessit. Admiratus Ragnar metricè respondit, inesse pondus stupendis Aslaugis relationibus. Ne verò verbis, ait illa, tantum fidem habeas, expecta modò, donec partum, quem utero fero, enitar, filius enim futurus est, immortalemque patris mei memoriam peculiari notâ publicabit; nam serpentis formam oculo impressam geret; quod si ita erit, fidem generi factam existima, nomenque patris mei haut immeritò referet, qui virtutis notam palam circumferet. secus fabulas narrasse convincar, integrumque tibi erit uxorem, quam libuerit, ducere. Cum partum deinde edidisset, sibi ostendi iussit; quo conspecto, ad patrem deferri: qui allatum sinu togæ excepit, rogatus quid nomen illi indi vellet? metricè respondit. Sigurdus vocabitur, arripotens heros, matris indolem referens, patrisque facta, Odini generis apex, serpentem lumine referens, alterius virtutes decantat (avum indigitat, quem serpentem occidisse fama erat, cum tamen vir fuisse videatur.) Facile autem fortissima prægnantis imaginatio hanc notam fætui impressisse poterat, cum persuasum esset, hominem sub serpentis forma avum occidisse. Ragnar annulum digito detractum filio in honorem inditi nominis donatum porrexit, qui averfi infantis dorsum contigit; quod Ragnar interpretatus est omen contemptûs auri, iussitque filium in peculiarem domum deferri. Exinde pacta nuptialia cum Eysteini filia rescidit, genusque Aslaugis latè per septrionem vulgabatur. Equidem Saxo cognominis rationem aliam, sed æquè fabulosam, refert; nos neutrum propugnamus.

CAP. XLIX.

DE CÆDE EIRICI ET AGNARIS FILIORUM RAGNARIS.



Esicis pactis, nec legatis à Ragnare misis, qui factum excusarent, ludibrio tum Eysteinus, tum etiam filia, haberi sibi videbantur. Amicitiarum indefinis, & inimicitiarum principium, quod filii Ragnaris Eiricus & Agnar novis injuriis, sibi tamen ipsis exitiosis, auxerunt; nam in Sveciam cum exercitu infusi, eam latè vastarunt. Omen infelicis expeditionis sumptum est ab Agnaris nave, quæ cum e litore propulsaretur, improvisò in obiectum fortè virum quendam illapsa, vivis eum exemit, quæ casum

casum propriâ lingvâ *Slunnrad* appellârunt. Ut verò Eysteinus incendi, diripi, vastarique regni sui provincias cognovit, militum delectum per omnem Sveciam, emissô protinus telô, belli indicio, quàm accuratissimum habuit, tantusque subito confluit pugnatorum numerus, ut triplô Ragnarianorum copias superarent; nec tamen aperto Marte belli aleam experiri ausus, speciem modici exercitus ostendens, maximam partem in insidijs in saltu quodam locavit; quoque major suis fiducia cresceret, vaccam inter numina cultam, nomine Sybiliam, quæ mugitu hostes ad insaniam excitatos, ad arma sibi invicem inferenda compellere posse credebatur, exoratis per sacrificia Diis, ad hanc vim illi inspirandam, ante aciem constituit. Filii Ragnaris, insidiarum ignari, copiam pugnae fecerunt, invectique in hostem stragem ediderunt memorabilem. Verum cum miles e latebris undique conflueret, circumventi, suis ab omni parte cæsis, id tantum cogitârunt, ne inulti morerentur. In medias igitur hostium turmas se inferentes, licet illorum magnâ clade, à multitudine tamen superantur, & Agnar inter confertissimos pugnando cæsus, Eiricus captus est. Inde miles ab ulteriore sævitiâ retractus: Eirico non solum copia salutis, sed etiam affinitatis conjugiique filiæ facta, quæ carmine eodem impetu fuso recusavit, cujus sensus erat; *se de cæde fratris, ne virginis quidem amplexibus pensandâ, pacisci nolle, probrosam auribus suis vocem futuram, quæ Eysteinum se superstite Agnaricidam nuncuparet; nec matrem eum solum ritè lucturam, nec supremam ei soluturam; socium mortis se omnino requiri: ceterum reliquias cladis salvas velle, liberasque dimitti, mortis autem genus tale se deligere, ut pluribus in plano hastis confestim infixis, mucronibus sursum versis, imponatur.* Eysteinus, licet rem tam sibi quàm illi exitiosam eligat, impetraturum tamen affirmavit, visisque hastarum aculeis, ad præscriptum dispositis, Eiricus carmine cecinit; *neminem principum pretiosiori culcita incubuisse, citò corvum exultantem, sua fratriq; dape, nec tacite quidem, famem sedaturum:* deinde annulum, digito detractum, iis, quibus salutem impunitatemque impetravit, novæ deferendum tradidit, carmenque cecinit, quo hanc plagam illam molestissimè laturam, filiisque suis procul dubio nunciaturam prædixit. Jamque mucronibus injectus, corvi volantis accessu confpecto, carmine significavit, *oculos suos eum requirere, nec bene compensaturum multas, quibus ipsum aluerit, prædas.* Atque hoc mortis genere interit, fortitudinis eo seculo famâ inclytô, & posteris ad imitandum, carminibusque patrio more celebrandum, relicto.

CAP. L.

DE EXPEDITIONE ASLAUGIS FILIORUMQUE EJUS IN SVECIAM, CÆDE EYSTEINI ET DEVICTA SVECIA.



Ragnare ad collegium Regum profecto, filiisque peregrinis bellis occupatis, nuntii cædis in Daniam ad Aslaugem pervenerunt, post triduum, dum comam ornaret, admissi, solio insidentem salutant. Interrogati quoniam essent (non enim prius viderat) milites se privignorum ejus professi sunt; deinde quid novi afferrent quærit, *an & Sveci irruptionem fecissent? auditum sibi, malo omine privignos & Dania solvisse, nec postea quid gestum*

gestum sit, percepisse. Ille qui legationi præerat, funestum se nuncium privi-
 gnorum cadem, exercitis cladem, mortisque fortiter appetitæ perennem ian-
 dem asferre, quam Eirico moriente corvus supra funus volitans, gloriosam Nu-
 minibusque acceptam decantaverit. Illâ penitus & ordine omnia inqiren-
 te, cum novissimum carmen, quod una cum annulo novercæ deferendum
 Eiricus mandavit, exhibuisset, adeo Reginam permovit, ut lacryma colo-
 re sanguineo, indurata grandinis specie, in genam deciderit, (sed neque
 ante illud tempus, nec postea unquam, lacrymas emisisse visa est) Qvesta
 deinde vindicandorum privignorum facultatem, absentibus marito filiis-
 que, nullam sibi suppetere, non tamen remissius illorum causam acturam,
 quam si ipsa progenerâisset. Deinde cum à filiis, qui prius quam pater re-
 dierant, de cæde fratris Rognvaldi certior facta esset, parum mota, carmi-
 ne repente fuso significabat; illum occipisse ferrum humano sanguine tingere,
 primumque filiorum suorum fuisse, qui gloriosa morte ad Odinum concesserit;
 neque enim vitam diuturnam tali morte celebriorem fieri potuisse: verum, in-
 quit, majora sunt, quæ vobis nunciabo, eadem nimirum fratrum vestrorum,
 Eirici & Agnaris, virorum quos summos in orbe nori, quorum vindicta cum
 ad vos pertineat, quo maiorem sumpseritis, eò conulatiorem gloriam consequi-
 mini. Ad hæc Ivar respon lit, Sveciam se nunquam oppugnaturum aut ingres-
 surum, manusve cum Eysteino conserturum, Rege Deorum tutelâ, quam sacri-
 ficiis promeruerit, invictâ. Rhythmicè igitur iis id persuadere conata, ne
 byemem quidem, ait, ultionem vestram Eiricus & Agnar, filii quidem mei, ne-
 licet non nati, distulissent, si vos fortè prius bello occubissetis, causaque, quæ
 vos jam, illos pariter tangeret. Ivar vice omnium respondit: verbis pan-
 gendis quidem, sed absque progressu, hac in re tritutam, Sveciam
 namque hoc statu Regeque inexpugnabilem, incantationibus sacrificiisque culta-
 que Deorum tutam. Ad hæc illa. An tu, inquit, culmen gloriæ absque pericu-
 lis conscensurum te putas? Et jam se persuasuram desperans, discessura vi-
 debatur, cum minimus fratrum Sigurdus Angvioculus carmine matrem
 affatus, post trinoctium classem copiasque suas paratas fore pollicitus est, neque
 enim Eysteinum Upsalis regnaturum, si ceptis suis propitii Dii ammuerint. Illa
 licet id absque fratrum auxilio frustra conaturum facile perpenderet, pro-
 num tamen ejus in se affectum agnoscere confessa est, reliqui vero fratres,
 ne affectu à minimo vinci viderentur, tandem in illud consenserunt, suo
 quisque carmine animi alacritatem & vindictæ ardorem contestantes. Il-
 lo anni tempore cum hyberna glacies naves constringeret, iis expedien-
 dis dolabris molienda plurimum negotii facescit. Celeritas requirebatur,
 quo magis improvisi Svecos adorirentur. Igitur intra triduum Sigurdus
 quinque naves expedit, Biornus & Hviterkus quinque diebus quatuor-
 decem, Ivar spatio septem dierum decem. Hac tantilla classe Sveciam ag-
 gressi sunt: verum alter exercitus, sub ductu Reginæ, terrestri via proces-
 sit, quæ nomine mutato Randalinam (quod amazonis non incommode ver-
 titur) se dixit; quocumque processerant, villæ directæ, vici incensi, ho-
 minum, sine generis, conditionis, ætatisve respectu, promiscuæ cædes, sed
 ne pecoribus quidem parcitum, nec alia sua vestigia reliquerunt, quam
 quæ omnis humani cultus vestigia deleurent. Eysteinus igitur, collectis un-
 dique copiis, collatisque signis cum iis dimicaturus, præsidium aciei vaccam
 ante signa collocabat. Verum Ivar, magicis artibus nulli secundus, jussit,
 ut in occurrentem signo dato se projicerent, id enim vel suæ vel illius vite im-
 pendio staturum. Interim rude lignum valde crassum, flexile tamen, in for-
 mam arcus incurvatum, nervo constringit, aptatque tela pondere ingen-
 tia.

tia. Verum ut primum horrendus vaccæ non boatus, sed rugitus, auribus exceptus est, furens exercitus arma in se vertere cæpit. Ivar autem cladem suorum præventurus, quàm citissimè currum, quo vectus est, in illam dirigi jubet, arcumque tanto nisu sinuabat, ut dubitarent an telum intra curvaturam receptum emitti quiret; verum raro robore excussum unum, deinde alterum, singula singulos oculos collineârunt, & transverberârunt; mox inter terribiles moribundæ strepitus & ululatus, signo dato se super eam projici iussit, id quod facili jactu præstitum; nam dum levaretur, instar flocci levis, procidens autem quavis plumbeâ mole gravius factus, omnia illius ossa minutim confregit: inde momento sublatus, adeo acuta voce sermocinabatur, ut qui in exercitu remotissimi, perinde ac qui proximi eam distinctè perciperent, sistebaturque; ocyus invicem confligentium tumultus, qui parum damni, remedio tempestivè adhibito, intulerat. Jamque in hostes impetum vertit, certus victoriæ adversus consternatos tanto casu, orbatosque numinis auxilio. Neque tamen Sveones adeo trepidârunt, quin irruentes in se Danos, jam successu præludii animosiores, fortiter exciperent, tantoque ardore pugnatum est, ut Sveci acriorem pugnam aliàs cievisse non memorentur: Biorni tamen & Hvitferki impetum ad ultimum sustinere cum nequirent, cesserunt, nec tamen fugam prius capessiverunt, quàm majori exercitus parte fusâ, spem resistendi nedum vincendi præcisam viderent. Sed nec hoc statu Eysteinus ad fugæ consilia animum adjecit, sed mediâ acie pugnans inter fortissimos occubuit. Nec Ivar ulterius sæviebat, sed contentus victoriâ militem cædibus abstinuit. Atque hoc modo Svecia auspiciis Ragnaris Lodbrokis, ductu uxoris filiorumque, victa, Biorno filio, *Xatnsia* seu *ferreum latus* dicto, regenda commissâ est. Quò vero jure Eysteinus sceptrâ Sveciæ tenuerit, vivo Ragnar Lodbroke, qui ea hereditario jure a patre accepit, plane ignoro, cum nihilominus inter eos amicitia nexus intercesserit; suspicor beneficio Ragnaris regnasse, etsi magnam partem libero jure, more Regulorum majestatem superiorem agnoscentium, quorum variæ conditiones esse poterant. Hunc Eysteinum Astutum *historia Hervoriana* appellat, & *Clarissimus Verelius* eum, qui Thrandis canem suum Regem imposuit; Verum longè eum tempus hujus Eysteini, sibi licet cognominis, anteverisse, *Libro III de Originibus Norvegiæ* monstratum est. Illud autem planè miror, quò magnus ille vir in notis ad historiam Hervoris adstruere poterit, Biornum Jarnsidam, compulso ad fata Ingialdo Illrada, Sveoniæ sceptris potitum esse, cum satis notum sit, Ivarem Vidfadmium tempore longè superiorem, hujusque Biorni atavum, Ingialdo Astuto successisse. Nec minus hallucinatur, dum Thoram Herraudi filiam illos Ragnaris filios peperisse tradit, qui Svecia postea potiti sunt, frustra *que Bossi historia* auctoritatem allegat, quafi adstruxerit Sveciæ sceptrâ illis materno jure competitivisse, nunquam enim Herraudum Sveciæ Regem, sed tantum Gothiæ, fuisse memorat.

CAP. LI.

DE EXPEDITIONE RAGNARIS LOD-
BROKIS IN ANGLIAM, EJUSQUE CALAMITOSA MORTE.

Plura



Dura filiorum Ragnaris gesta per Germaniam (quam per *Australe regnum* sive Suevici intellectam constat, sicut Russiam per *Oriente regnum* seu *Austrici*) hic confusè tradita, absque locorum vel urbium (si solum Visilburgum exceperis, Helvetiæ urbem ad Murtanum lacum sitam, quam veteres Aventicum dixere, sed nec hic a situ vel provinciæ quidem nomine illustratum) certis nominibus describere non attinet: illud notandum, hos cum illis, qui sequiore tempore maximas res per Galliam Germaniamque gesserunt, hic etiam confundi, errore nominum in eadem familia sæpius occurrentium; nam & illi ad urbem Palæ Lunam pervenisse traduntur, inde Romam usque, arma latius circumlaturi, quod his minime tribui potest, tempore prioribus. Cumque singula quæ mihi de hac materia observata sunt, in *Seriem Dynastiarum Regumque Danie* congesta sint, eò lectorem remitto. Illud tantum, quod de mortis ejus genere traditur, quanquam nec ibi omissum, hic quoque paucis expediam. Filiorum suorum præclara gesta, ut luminibus suis obstructura, insigni aliquo facinore Ragnar superare gestiebat, non quod filii gloriam invideret, sed quod eam suâ etiam augere voverit. Angliam igitur duobus tantum navibus adoriri proponit, Northumbriam credo, quæ patris tempore defecit, recuperaturus, & ex successibus universum Anglicanum agrum complexurus. quo fama ad posteros immortalis permaneret. tantillâ manu ampliissimum regnum devicisse, quam soli Northumbriæ suffecturam credidit. confusus fortè amicorum, partiumque suarum studiosorum magnatum, auxilio, quos pollicitis amplissimis donisque ingentibus allexisse ab ejus prudentiâ alienum non est. Tantæ magnitudinis myoparones isti fuisse dicuntur, ut in Septentrione pares nunquam visi sint; quantumvis Asmundi navis Gnod, & Ragnaris altera Slodius, Goris etiam Ellidius, celebrentur: modum illarum inde conjicere licet, quod justum exercitum passim regno excitum, justâque armaturâ instructum, iis imposuerit. tantusque terror vicina regna ab apparatu ejus pervaserit, ut omnes sibi metuentes, dispositis circa maritima validis custodiis præsidisque hostilem impetum præcaverent; cum tamen certum ab eo periculum cui immineret. incertum esset. His ergo paratis Regina. quò tenderet? quæsit: Angliam se oppugnaturum respondit. Quâ consilium improbane, pluresque naves & habiliores præferente, gloriosum quidem esset: sitatur, numerosâ classe regiones regnaque subigere, cuius rei multa dentur exempla; duobus autem myoparionibus tanti regni subiecti memoriam nullam extare. nec probrosum videri tam modicâ manu vinci. *Illâ non minores sumptus in has tantæ molis, quam ceteroquin justam classem, requiri; præterea Angliam brevium sortiumque objectu accessu esse difficilem, periculumque a naufragio valde metuendum, quod si contigerit. utridum lassumque & injuria maris vexatum militem pugne inhabilem fore; reliquias cladis, quæ evaserint non justum exercitum videri, sua ipsa fortuna ante pugnam expugnatas. quibus omnis salutis & elabendi spes, destitutis navibus, præcisa esset.* Verum frustra fuit dissuadere jam pridem opinionis errore persuaso. quanto numerus navium augeretur, tantò gloriam minui: navibus igitur à rebus necessariis abundè instructis militem imponit. Regina proficiscentem ad naves deducens, sub discessum pensaturam se jam ait vestem sibi ab eo quondam donatam, exhibetque interulam affabre textam, ictus omnes refutaturam, his nempe Diis

consecratam, ut meritò sacra diceretur. Is accepturum se usurumque respondit. Ægrè quidem illius discessum tunc temporis tulisse Reginam constat. Cursum quidem venti, sed nimium flantes, accelerabant; tandem illisa syrtibus navis utraqve frangebatur, Ragnar cum armis militibusque tantum, nullo alio apparatu, in insulam pervenit; commeatis igitur & omnium rerum inopiâ pressus, quod prius stimulante libidine moturus erat bellum, jam accedente necessitate insulani, nec infelicitè primò, intulit, nam oppida castellaque multa expugnavit: in quo quidem nostri Scriptores ab Anglicis admodum dissentiunt, tradentes Ellam quendam Angliæ scepra per id tempus moderatum, qui licet haut distinctè Angliæ statum in septem regna divisum exponant, Saxonem tamen, qui per idem tempus eundem Angliæ Regem agnoscit, sibi habent consentientem, licet in Anglia cum Ragnare congressum neget. Celeberrimus quidem *Wormius* Ellam Northumbriæ Regem, qui cum Osbricto regnavit, & anno DCCCLXVII prælio cæsus est, eundem agnoscit, probante *Verelio in notis ad cap. XV. historie Gotbrici & Rolfi*: verum ad eam ætatem noster hic Ragnar minimè pervenit, nec ejus filii quidem. Ella ex universo regno, quantà potuit celeritate, exercitum conscripsit, excitis ad defensionem regni quotquot armis gerendis idonei essent. Fit ingens indigenarum concursus, quo adversus Ragnarem profectus, confligit, edicto prius, metu vindictæ a filiis expectandæ, ne quis Ragnari necem inferret. Ragnar caside tantum ad capitis protectionem usus, lorica vice interulam indutus, hastam, qua serpentem prius interemerat, manu tenens in prælium processit. Modicæ erant Ragnaris copiæ, quæ multitudinis impetum haut diu sustinentes passim cædebantur; is verò, quoquo se vertebat, obvios prosternendo, aciem sæpius perrumpens, stragem edebat ingentem, nam ictibus ejus prævalidis nihil resistebat, ipse contra adversus ferum obfirmatus singulos eludebat; tandem orbe clypeorum (*Skjallsberg* est in membranaceis exemplaribus) undiq; circumfusus capitur, quærentes quinam esset, nec nominis professione, nec responso dignatus est, id quod à vero abludere videtur, post complura oppida expugnata, nam deditorum intererat scire, cui se submitterent, cujusque imperio tenerentur; mereretur id fortasse fidem, si naufragus statim in potestatem hostium venisset: ejus tamen rei penitus explorandæ causa in carcerem viperis confertum conjectus memoratur, abdito in latebris exploratore, qui statim ut cognosceret Ragnarem esse, id ad Regem deferret, ut confestim inde eximeretur. Is serpentibus eum incessere veritis nunciabat, ingentem & raræ virtutis virum esse, cui pridem arma, nunc verò serpentes, nocere nequirent. Rex jussit ut tunica exueretur; quo facto, undiqve à viperis impetitus est. Tum verò Ragnar, *grunnituras fuculas, si verris penam noscerent, dixisse fertur*, (fucularum nomine filios suos, verris se ipsum intellexit) nec tamen isto indicio ab alio Rege cognitus est. Rhytmos præterea duos cecinisse traditur, quibus unum supra quinquaginta bella, collatis cum hoste signis, gessisse professus est, *improvisò sibi hanc calamitatem accidisse, quòd multa præter opinionem contingere soleant*; alio rhythmo etiam porcellorum grunnitum repetens, in funis se confestim convertendum conclusit. Ad ultimum, post enumerata præclara sua facinora, solatus se vitæ futuræ deliciis, terræ valedixit. Spirat istud carmen planè singularem & heroicum genium; illud idcirco dignum existimavimus, quod una cum secuturis in proximis Libris Eirici Blodöxii & Hæconis Adalsteini Alumni epicædis, metrò Latino ad verbum ferè exprimere curaremus.

autem tale :

Cetera

Cetera quid referam! nunc me Plutonis ab aulâ

Emisse Eumenides in sua jura trabunt.

Ergo ubi vis anime moribundos liquerit artus,

Iverit & felix umbra per Elysiû;

Sedibus optatis epulis & nectare Divum,

Inter Alas sanctos, ambrosiâque fruâr.

Ite voluptates! melioris raptor amore

Sortis; ad hanc ridens transeo. Terra vale.

Mox & vitam finiisse traditur, veritati propiori relatione, quàm quòd omnium gestorum seriem proluxa illâ odâ, quæ ei tribuitur, complexus fuerit, quàm ab uxore post mortem in honorem ejus factam suspicor, eo quod Krakæ nomine ab illo tempore, hodieque apud Islandos, *Krakæ* seu *Krake* sermo, usurpetur. Fallor nisi Danis *Stragmæ* pro obscuro & ænigmatibus involuto sermone, inde descenderit, quòd hæc oda admodum intricata sit.

Ella Ragnarem fuisse conjiciens, legatos ad filios ejus cum unica nave in Daniam misit. Periculi plena legatio visa est, ad suapte natura perquam feroces Principes, paternæ mortis nuncio magis exacerbandos. Præterea in mandatis habuerunt, notas in singulorum vultu gestuque ad horrendæ cædis relationem observare. A bellis latè per Germaniam gestis nuper redierant, cum legati advenissent, nec constabat quicquam de patris successu, cujus cognoscendi avidi erant, optabantque suo haut imparem; nam Germaniæ civitates adeo evertisse dicuntur, ut quovis venerint, cives, ablatis opibus, pecoribusque & armentis abactis, fugerint, quo ad sustentationem exercitûs nihil relinqueretur.

CAP. LII.

DE LEGATIONE REGIS ELLÆ IN DANIAM, FILIORUMQUE RAGNARIS EXPEDITIONIBUS IN ANGLIAM.



Legati aulam ingressi Ivarem in Solio recumbentem offenderunt, Sigurdus Angvioculus & Hvitferkus, Acer dictus, tesseris luserunt (transactis dicitur, & vix scio an per tesseras accuratè exprimatur) Biornus hastile cultro perpoliebat, stans in pavimento. Salutato igitur Ivare, ubi quivam, unde, & quid afferrent. quævisisset, Anglos, ab Ella Rêgemissos ad eos, cædem patris eorum Ragnaris referentes, professi sunt: quod ut audiverunt, Hvitferkus & Sigurdus, omisso protinus ludo intente auscultabant; Biornus hastili innixus immotus hærebat; Ivare omnia accuratè exquirente, ordinemque à primo Ragnaris adventu ad finem usque vitæ recognoscente; ubi vero excruciat vox de porcellis grunnitum edituris excepta est, colliso hastili, inque minutas partes confracto, substitit. Hvitferkus calculum pro natura ludi in captivitatem redactum, compressa manu tenens adeò pressit, ut ruptis singulis unguibus largus sanguis deflueret. Sigurdus ungvem tantisper præcidit, dum mente à sensu alienata imo ossi impingeret. Ivar colôres in rubrum cæruleumque, & ad ultimum pallidum, mutans, intumescente corpore, dissimulato nihilominus dolore, omnia sedulo percontatus est. Hvitferkus ultionem præcipitatus, à legatis auspicandam censuit, sed Ivare jura gentium violanda negante,

te, legati non solum dimissi, sed etiam, si quibus indigerent, prodere jussi sunt, absque mora impetraturi. Qui ut Regi suo legationis ordinem exposuerunt, aut sibi ab Iware metuendum judicavit, aut eorum nemine, externa licet indicia vehementes animi motus indicassent. Dispositis igitur per maritimas oras custodiis, adventum filiorum Ragnaris observabat. Verum illi statim ab legatorum discessu concilium de vindicanda paterna cæde habuerunt: delectum militem ex omni ditione quam accuratissime habendum tres minores fratres conclusurunt, Iware repugnante, cum pater imprudenter absque iusta causa, animi tantum insensitâ fastuq; inflatus, impio bello Ellam lacesserit, fortunam casumque secutum, ut alias plerumque mala consilia in authoris caput vertisse, fastumque calamitate repressisse. Quo audito reliqui fratres irâ æstuantes, tantum sagittarum in se admissores negabant, ut qui gentes innocentes multas, plurimo sanguine effuso, infestassent, paternæ necis, ejusque tam truculentæ, author emendatum permitterent. Itaque ex omni regni provinciarumque subjectarum angulo habilem militiæ pubem protinus excituros minabantur. Ivar liberum esse, militem è partibus sibi subiectis conscribere, suæ vero ditioni subditos ad remansuros, tantum unica navis comitem se iis futurum. Habito deinde consilio, ut cognitum est, Iwarem partibus fratrum minus studere, minus quam alias militum concursus numerusque factus est. Non erat impatiens Ella, sed magnâ cura quicquid ad resistendum hosti facere videretur, quod curaverat, effusosque interram Ragnarianos adortus, numero virisque longè superior profligavit, inque fugam conversos ad naves egit, quibus præsidium à navibus mutuantibus, Ivar, qui præsens prælio non interfuerat, neque se volentem hostilem terram accessisse, nec deinde post acceptam cladem discessurum ait, remansurum itaq; in hostili terra, experiturumq; satisfactionem. Indignati fratres, se quidem in id consensuros negabant, illi verò integrum esse, ubi liberet, remanere. Itaque iis patriam repetentibus patrimonium suum commendavit, ingentem tamen auri opumque copiam sibi mitti imperavit. Inito deinde cum Ellâ Rege pacto, portionem terræ, quantum corium bubulum comprehendere posset, pacis è sua parte præmium, paternæque cædis satisfactionem, impetravit, cum jure munitionis exstruendæ; pollicitum vicissim, interveniente juramento, bellum se Regi nunquam facturum, aut inferentibus auxiliaturum. Inde humectatum expansumque corium, inque minutissimas corrigias dissectum, per planitiem expandit, quo magnæ terræ spatium interceptum, amplam satis ædificandæ urbi aream præbuit, quam vallo fossæque deinde munivit. Hinc Londinium exortum falso perhibetur. Exin optimates muneribus corripit, ingentemque auri vim è patria missam, magna prodigalitate in eos erogavit, pactus cum iis, ut si fortè Ellæ Regi bellum inferretur, auxilia subtraherent. Majores igitur in dies opes patriâ advectas iterum atque iterum donabat, dapnilique sumptu florem omnem regni ad se allexit, tantamque sapientiæ suæ opinionem omnibus instillavit, ut non solum à privatis domibus ad consilia à se capienda confluxus fieret, verum etiam Regis animum tanquam incantaret, ut ipsum etiam secretioribus consiliis adhiberet, & tandem regni negotia, eaque ardua, ei concederet. prudentiâ ejus onere regiminis se plurimum levare arbitrat. Quâ opportunitate acceptâ, nuncium fratribus misit, mandans, ni paternæ cædis memoria animo exciderit, exercitum subito undiqueque collectum in Angliam transportarent, Ellamque, jam longâ pace securum, de improvviso opprimerent. Admirati fratris ingenium, mentemque etiam erga se occultam, iterum ad præscriptum ejus expeditionem adornarunt, & quantâ poterant celeritate, ut

ne fama quidem præverteret, Angliam petunt, in obvia cuncta sine ullo discrimine cædibus & incendiis grassantes. Armatam repentino malo vim oppositurus Ella, spe longè minorem exercitum contraxit. Ivar autem se in fratrum partes concessurum negavit, antiquiorem sibi jurisjurandi religionem sanguinis nexu testatus; quod si Regi placeat, pacis componendæ gratia ad eos iturum; id quod is, urgentibus jam fatis obcæcatus, etiam probavit. Ivar itaque, qui prius fratres domo exivit ad bellum, rejectis pacis conditionibus, acrius concitavit; rediensque renunciavit Regi; *majori rabie percitos fratres esse, quam ut ad pacem inclinarent. Illis itaque belli copiam quam primò faciendam, ad occasionem direptionibus latius spargendis, vastationibus, deditionibus, & sociorum alienationibus præcidendam; se vero neutrius partes secuturum, optimò religionis consanguinitatisque temperamento.* Jamque Ragnaris filii, exer. ita castris educto, copiam pugna fecerunt; sed nec Ella certamen detrectavit, diuque simul & acriter pugnatum est, donec, Ragnarianis infectis armis omnia prostermentibus, orta in exercitu ejus trepidatio confusum militem in fugam egit. Et jam non pugna, sed cædes erat, dissipatis ordinibus, omnibusque effusus fugientibus. Ipse Rex vivus in hostium manus pervenit, adque superbos victores deductus, Ivaris, cujus intercessione sententiam mitiorem expectabat, acerbiorum expertus est; hortatus est enim fratres, *ut memores paterni supplicii, non absque cruciatu vitam hosti eriperent.* Non igitur simplici morte contenti, formam aquilæ dorso, cultrò disruptis costis, imprimi curarunt. Hoc modo Ella imprudentiæ penam, non jacturâ modò regni, sed acerbâ etiam morte, luit, dum potenti hosti, intra imperii limites recepto, secreta etiam consilia committit, & tanquam in societatem regni recepto administrationis partem permittit. Ellâ rebus humanis exemptò, regnum in potestatem fratrum redactum solus Ivar sibi vendicabat, patri monii permutatione; nam regna inter eos hoc modo divisa historia Olaf Tryggvini refert. Biorno Ferrei lateris Svecia, Ostrogothia & Vestrogothia, Sigurdo Angvioculo Eygothia Scania & Hallandia; Hviterko Reidgothia & Vandalia cecidit. Historiæ tamen Hervorianæ caput novissimum Biorno quidem Jansidæ Sveciam, Sigurdo Angvioculo Daniam, Hviterko Austrickiam seu Russiam, Ivari Exoffi Angliam sorte contigisse memorat. Saxo biennium ibi mansisse tradit, Agnare postea Angliæ præfecto. Sed laudata historia eum per totum residuæ vitæ tempus in Anglia regnâsse, omnibusque fratribus superstitem ad senilem ætatem pervenisse, tumuloq; conditum esse tradit; cui historia Lodbrokis suffragatur. Quod verò successorem habuerit Adalmundum Edgaris filium, Sancti Edmundi fratris filium, qui Angliam passim ad Christianam religionem converterit. Northumbriamq; tributariam habuerit, id temporis idolorum cultui deditam, cui successerit Rex Adalbertus, bonus Rex, qui longo tempore vixerit, cujus ultimis annis Gormi Grandævi Regis Daniæ filii Knutus & Haraldus Angliam ante annum circiter CMXXXV. classe petiverint, nec adstruere, nec refellere libet. Certum est, Danos, qui primi & deinceps Angliam inquietarunt, templa, cænobia, sacraque Christiana evertisse, atque eorum loco ethnica delubra, ritusque profanos restituisse, quæ genuini deinde Angliæ Reges Christiani aboleverunt.

A morte Ragnaris in regnum Daniæ successit

Sigurdus Angvioculus;

quid verò gesserit, nihil extat, nec totius Daniæ Regem fuisse, sed insularum & Scaniæ modò, relatum est.

Ejus filius

Rrr 3

Knu-

Knutus

apud Gormum Jutiæ Regem, Potentem dictum, in provincia Hördenſi educatus, indeqve Hörda-Knutus dictus eſt, tranſiitqve nomen illud in Potentiſſimi Knuti Magni filium, Hörda-Knutum quoqve dictum, quod ſcriptores perperam per Canutum Durum explicaverunt. Illius, ſive pueri, ſive minorennis, ſive etiam abſentis, ditionem eripuiſſe videtur Heligon ſive Helgius, *Adamo Bremenſi Lib. II. cap. XL. collato cum ejusdem Lib. XLVI. memoratus, & eidem iterum Olaus Sveo; nam Sigericus ſeu Siggeir, ſive is Olai nepos fuerit, ſive non, certè ultimum poſſeſſorem Hardegon, qui hic Hörda-Knutus eſt, è Normannia veniens regno privavit.*

Sigurdi Angvioculi filia, Hörda-Knuti ſoror, fuit

Aslaug,

quæ nomen aviæ ſuo celebravit, uxor Sigurdi Hiorti, de quo in paterno Haraldi Pulchricomi genere, quantum ſuper eſt, expoſuimus. Ex his

progenita

Ragnhildis

Halfdani Nigri uxor; quorum filius erat

Haraldus Pulchricomus.

APPENDIX.

DE DANORUM NORVEGORUM-
QUE IRRUPTIONIBUS IN
IRLANDIAM.

Jacobus Wæraus, libro, quem *Diſquiſitiones de Hibernia & ejus Antiquitatibus inſcripſit, Cap. XXIV. nihil de Danorum aut Norvegorum geſtis in Hibernia ante annum DCCXCV. literis prodidit, aut, ut mihi intelligitur, ſinceris ſcriptoribus proditum agnoſcit: quæ enim de Fridleiſo, (quem Fridelithum appellat) Frothone Tertio & Hacone (Ragnarem Lodbrochem omittit) Saxo tradidit, pro commentis habet; Ab eodem ergo anno ſequentes irruptiones numerat, quas nos ex illo ad annum DCCCLXIV. id eſt, initium regni Haraldi Pulchricomi, tranſcribemus.*

Contigerunt autem, dum in Dania Sigurdus Angvioculus, ab anno DCCX, ad annum DCCCXX. Gudriodus Magnanimus in parte Norvegiæ, ab anno DCCLXXXIV. ad annum DCCCXXIV. Domcbadus Domnaldi regis filius in Hibernia, ab anno DCCLXX, ad annum DCCXCVII, regnarent.

Danos & Normannos, vel Oſtmannos, anno Chriſti DCCXCV, Hibernicæ & Albanicæ littora primum inſeſſaſſe, & ſpeciatiim Recran inſulam ſpoliaſſe, prædum *Annales Hibernici,*

Iſdem regibus in Dania & Norvegia regnantibus, ſub Aiðo Ornidii Niellæ Nimboſi regis filio, ab anno DCCXCVII, ad annum DCCCXIX, Hiberniæ rege, Dani & Norvegi, vel Oſtmanni, anno DCCXCVIII iterum Ultoniam & Hebrides piratica inſeſſarunt.

Anno DCCCVII, Hiberniam primum incurſionibus intrarunt; deinde Anno DCCCXII. Denum anno DCCCXV Turgeſus Norvegus in Hiberniam ap-
puliſt, & exinde ibidem fixas ſedes habere cepit.

Hördakuto in Dania ab Anno DCCCXX, ad Annum DCCCXL. Halfdano Nigro

Nigro in parte, Norvegie, ab Anno DCCCXX, ad Annum DCCCLXIII; Nigro Calneo, Aidi Ornidii regis filio, ab Anno DCCCXXXIII, ad Annum DCCCLXVI in Hibernia regnante; Norvegi Anno DCCCXXXV, majoribus instructi copiis, magnâ classe appulerunt, sub ductu Turgesii, & Conatiam ferme universam, unâ cum quibusdam Faginie & Midie partibus, devastârunt. Intra triennium deinde postea, non parvâ Ultonie parte subjugatâ, ubique ferme templa demoliti sunt, & in Christiane religionis Profesores (cujus tunc erant hostes) magnâ crudelitate grassati, quâ de re vide Jocel. Turnesens: in vita S. Patricii cap. 175. speciatim Turgesium Armacham occupâsse, & inde Tarananum Archiepiscopum loci expulisse, unâ cum omnibus religiosis & studiosis, tradunt Annales Hibernici. Afferit porro Colganus ex Annalibus quatuor magistrorum, Anno DCCCXXXVIII classe sexaginta navium Nortmannos ingressos esse ostia Boandi fluminis, & aliâ Sexaginta navium ostia Liffii fluminis in Faginia. A Turgesio (quod obiter noto) multa fossatorum illorum rotundorum, sive militarium vallorum, vulgò Danes Rathes dictorum, facta dicuntur, quæ in plurimis Hibernie regionibus etiamnum superiunt. Atque talia fortasse fuerunt castella Brigantium veterum, de quibus Firvenal: Sat: 14.

Dirie Maurorum ategias, castella Brigantium.

Sunt porro qui credant, Danos & Norvegos exstruxisse multos e collibus illis rotundis, quos sine fossis passim in Hibernia cernimus, quasi sepulchra magnatibus & ducibus suis; eundem olim morem in Dania viguisse ex Olai Wormii libro de Danicis Monumentis liquet.

Gormo Grandævo in Dania, ab Anno DCCCXL, ad annum CMXXXV, regibusque supra dictis in Norvegia & Hibernia regnantibus. Anno DCCCXLV Norvegi diripuerunt & incenderunt Clonmacnoisam, Clonserram, Fogbram & Tirdaglassam. Porro circa eundem annum Turgesius Melachlini, seu Melsechlini, regis Midie filiam deperisse fertur. Atqui rex ille (Giraldum Cambrensem audis) virum sub pectore versans, filiam suam, illi concedens, ad insulam quandam Media, scilicet de Loch vair, illam cum quindecim puellis egregiis ei missurum se respondit. Quibus & Turgesius gavisus, cum eodidem nobilibus gentis suæ, statuto die & loco obviam venit, Simvenit in insula quindecim adolescentibus imberbes, amicos, & ad hoc electos, sub habitu puellarum dolum palliantes, cultellum, quos occultè secum attulerunt, statim inter amplexus Turgesius cum suis occubuit. Sic ille, Topograph. Hibernie distinct. 3, cap. 4. Caterum author Annalium Ultoniensium, de dolo eo tacens, Turgesium a Melachlino rege captum fuisse & in dicto lacu submersum tradit. Famâ cum perniciosè aliis (sic iterum Cambrensis cap. 41.) totam statim insulam pervolante, & rei eventum, ut assolet, divulgante, Norvegieses ubique truncantur, & in brevi omnes omnino, seu vi, seu dolo, morti traduntur, vel iterum Norvegiam insulam, unde venerant, navigio adire compelluntur. Deinde cap. 42. Annos igitur circiter triginta Norvegiesium pompa & Turgesii tyrannia in Hibernia perduravit, & deinde gens Hibernica, servitute depulsa, & pristinam libertatem recuperavit, & ad regni gubernacula denno successit. Matienus Giraldus.

Hibernos quidem hoc tempore Norvegorum vires multum fregisse certum est: atque auxiliares copie, novæ e Dania & Norvegia classibus indies confluentes, Hiberniam per plurimos postea annos gravissime afflixerunt, ut infra patebit.

Gormo Grandævo in Dania, Haldano Nigro in Norvegia, Malachia Longpovari in regni & Malronio fratre nepote, ab anno DCCCXLVI. ad annum DCCCLXIII, in Hibernia regnante, Prælium inter Melachlinum (de quo supra) tum regem Hibernie, & Danos: Foure commissum est, in quo Septingentis Danis occisis, victoria Melachlino cecit. In prælio itidem ad Scia-naght, ab Olcobaro rege Casselia (quem Abbatem etiam Im-elacensem appellat liber meus canobii Inisfallenensis) & Jorphanio filio Kellachi, rege (ni fallor) Faginie, cæsi sunt e Danis mille ducenti, ac in duabus aliis pugnis ante finem anni ceciderunt circiter mille septingenti. Ita hic annus Dania in Hibernia fuit luctuosissimus, unde Melachlinus rex ob parvas victorias ad Carolum Calvum Francorum regem pacis & amicicie gratia legatos cum muneribus misit, viam sibi petendi Romam concedi deposcens. Sic Chronic. Normann.

Anno DCCCLXIX. auxiliares copie e Dania & Norvegia, centum quadraginta navibus in Hiberniam appellentes, bellum, magno Hibernorum damno, redintegrârunt.

Anno

Anno DCCCLI, Melachlinus rex, jam bello civili implicatus, pace ad tempus devia stabilitâ, eorum auxilio hostes magna strage prostigavit.

Anne annum DCCCLI, Danos, Dublinio, & regiuncula vicinâ, quam Fingalliam vocamus, positos esse, ex historicis Hibernicis liquet. Inter hos & alios ejusdem gentis, hoc anno, atrox commissum est praelium, in quo Dani Dublinienses prostigati sunt, & Dublinium a victoribus direptum. Atqui fuga non pauci elipsi, in partem confugerunt, unde anno insequente, auxiliariis copiis reversi, hostibus victis, Dublinum recuperarunt & restaurarunt. Danos sive Ostmannos Dublinienses intelligit procal dubio vieta S. Coëmgeni sive Keivini scriptor, cum de Dublinio & ejus civibus ita loquitur. Civitas Arb eliarb est in aquilonari Jaquiniensium plaga, super fretum maris posita; & id Scoticè dicitur Dub-lein, quod sonat latine nigra rherma: & ipsa civitas potens & belligera est, in qua semper habitant viri asperissimi in praeliis, & peritissimi in classibus.

Anno DCCCLII. Armacha, ipso Paschatis die, a Danis devastata est, ac paulo post Dermittius, loci Episcopus, quem Annales Hibernici sapientissimum omnium Europa Doctorem appellant, sive merore, sive morbo, exstinctus est.

Anno DCCCLIII. Amlavus, alius Amelau, magnâ Danorum & Norvegorum clisese hac appulit, eique omnes Dani in Hibernia tum degentes se submiserunt. Huc Amelau (opinor) ille fuit, & hac Norvegorum ea classis, de quibus hæc habet Giraldus Cambrensis, Topograph Hibernie Lib. III. cap. 43. Non multo vero post tempore (post mortem scilicet Turgesii) iterum de Norvegia & insularum borealium partibus, quasi de reliquiâ gentis prioris, & quia vel oculata fide vel parentum relatione terram optimam noverant, non in bellica classe, sed sub pacis obitu, & quasi mercatura exercenda prætextu, in insulam quidam advenierunt, qui & maritimos Hibernie porius statim occupaverunt, tandem de assensu Principum terra, civitates in ipsis varias construxerunt. Quoniam enim innata ociositatis vitio, gens Hibernica, ut diximus, nec maria lustrare, nec mercatura indulgere aliquatenus voluerat, de communi totius regni consilio perutile videbatur, ut gens aliqua, cujus operâ aliarum regionum commercia, quibus hac terra carent, hæc advehi possent, in aliquibus regni partibus hæc admitterentur. Fuerunt autem tem Duces eorum tres fratres, Amelau scilicet Syamachus & Torius. Construxit itaque princeps civitatibus tribus; Dublinia, Gyaterfordia, Limerico; Dublinia principatus ejus Amelau, Gyaterfordia Syamacho, Limerico Torio. Ex illis paulatim ad alias Hibernie civitates construendas processu temporis sunt derivati. Gens igitur quæ nunc Ostmannia est gens vocatur, in primis istius regibus satis tractabiles fuerunt & pacifici: Sed ex quo in immensum generis numerositate jam excreverant, & civitates fossatis & muris optime cinctæ, antiquas inimicitias alta mente repositas, nonnunquam renovare & arriter rebellare solebant. Dicitur autem Ostmanni, lingua ipsorum, corrupte quodam Saxonico, quasi Orientales homines; restat namque terra istius, ab Orientalibus huiusmodi undecunque advehi sunt. Ita Giraldus; & quo eadem haussisse videtur Ranulphus Mo-nachus Cestrensis in Polychronico.

Ceterum, ut de hac narratione, quod sentio, dicam, constabit (opinor) Ostmannos sedes eas maritimas, non mercatura prætextu, nec Hibernorum assensu, sed vi & armis obtinuisse, si consideremus quantâ immanitate, a primo eorum ingressu, imò hoc ipso tempore, de quo nunc loquimur, & diu postea, per Hiberniam grassabantur. Certe ex optimis Historicis liquet, Amlavum hunc, post praelium unum aut alterum, prospero contra Hibernos eventu, tanto fuisse in terrori, ut annuo quodam tributo pacem ad tempus redimere coacti fuerint.

Anno DCCCLVI. Inter Melachlinum regem & Danos atrox ortum est bellum, quod multi utrinque ceciderunt.

Anno DCCCLVII, Cathaldus Albus, dum res novas moliretur, ab Amlavo & Ivario praelio prostigatus est in Momonia.

Anno DCCCLIX. Amlavus & Ivarus cum magno exercitu in Mediam profecti sunt. De successu tacente Annales Hibernici; eo vero tempore (ut videtur) inducia inter Melachlinum & Danos sunt pactæ.

Anno DCCCLXII. Defuncto Melachlino rege Hibernie, Loreanus filius Cathaldi, & Cornelius filius Dermittii, regnum Media inter se partiti sunt. Tu vero ab Edano, cognomento Fruhat, Danorum auxilio postea captus, Edanus rex Hibernia salutus est. Loreanum ab Edano innoceculi orbatum, & Cornelium ab Amlavo Clonardæ submersum ferunt.

HISTORIAE RERUM NORVEGICARUM PARTIS PRIMAE
FINIS.

INDEX

INDEX

Nominum & Rerum memorabilium

IN TOMO I.

A.

Aarhusia Jutiæ oppidum unde dictum. pag. 131.
 Abalcia, Scandinaviæ synonymum. 4.
 Abalus, ibid.
 Adils Sveciæ Rex. 388. ejus cum Aljo Uplandarum Rege simulas & victoria. 388.
 Mors. ibid.
 Adulter capillorum colore convictus. 431.
 Enigmata Gestî Cæci intricatissima. 434.
 Æsa, Hiörleifi Mulierosi uxoris, in mari cum perfidia. 183. Pæna illi injuncta & remissa. 184.
 Ætus Moskeyensis in mari Norvegico. 94.
 Agda, Norvegiæ præfectura. 32. 336.
 Agdanasia promontorium Norvegiæ 78.
 Agnius, Potens dictus, totius Sveciæ Rex 393.
 Aldeiguburgi situs. 419. 422.
 Alemannus quid denotet. 23.
 Alfi populi, forma longè præstantissimi. 454.
 Alfheimi. vid. Bahus.
 Allodium unde dictum 211.
 Alreki Vegeti genus, uxores, & cædes. 178.
 Alreks & Eirecus fratres, simul Sveciæ Reges 380.
 Amazones Danicæ, Hervör 425. Vebiorg. 451: Ursina ibid. vid. infr. suis locis.
 Amicitia constantissima exemplum, 205. 207. 212.
 Amundus Norvegiæ Rex a Fridleifo occisus. 357.
 Aninus morbus, proverb. 384.
 An Bogveiger, ejusq; fatui mores 324.
 Amentia simulata, 325. is cædis clandestinæ reus agitur. 328. Ketilem Regis satellitem ignominiosè punit. 329. Garantum prædonem interficit. 330. immisum in te sciarum malè mulctat 332 alios duodecim insidiatores suspendit ibid. Fratrem nece satellitum ulciscitur. præcatisimum vitæ periculum superat. 334.
 Andelenensis præfectura 96.
 Angantyrus pirata cum Belio confictus &

& societas. 219. is Orcadibus comes præficitur. 221.
 Angantyr Robustus. 421. Ejus cum Hjalmare Magnanimo pugna memorabilis. 423. seq.
 Angantyr Hausfudi filius. 427. à fratre Hreidare occiditur. 428.
 Angantyr Heidreki filius cædem patris vindicat. 43. ejus cum fratre Hlaudo bellum & victoria. 438.
 Angliæ Regum genealogia ad Odinum, & ab hoc ad Noachum recensita. 137. 138.
 Angurvadill, gladius familiæ fatalis. 196. 198. 200.
 Angvis monstroisæ magnitudinis. 454.
 Anhaltini Principatus conditores. 131.
 Aquæ ferventis ordalium. 482.
 Arani Rodiani Filii de sibi æquali inquirendo votum 307. Ejus cum Asmundo Ottaris filio certamina & societas 308. Mors, & mortui præstigiæ. 309.
 Argo navis loqvacem malum habuisse credita. 220.
 Arinnefia Jotunheimorum Regina, ejusq; artes 313.
 Arngrimus de Bolmo 420. Ejus filii. 421.
 Asæ, seu Scytæ, inter primos septentrionis incolas 111. 135. Magicarum artium inventores crediti. 144.
 Aschanus Gomeri filius. 132.
 Aschania terra, lacus, mare, 131 seq;
 Aschenazes. 131.
 Asgardus, Schytæ metropolis. 140. Asgardianæ reipubl. descriptio. ibid.
 Aslaug Sigurdi Fasnericidæ filia nascitur 471. Ejus apud rusticum Akium indigna educatio. 489. seq; in Ragnaris Lodbrokis gryphis expediendis folertia. 490. cum eo nuptiæ. 491. Ortus generisq; revelatio insperata 492 seq; in Sveciam cum filiis expeditio. 494. Ejus ductu Svecia subacta. 496.
 Aslaug Horda-Knuti soror. 502.
 Asmundus Hördiæ regulus Hiörleifum Mulie-

(a)

Mulie-

INDEX

- Mulierofum dolò interficit, 188: de eo pœna exacta. 191. feqv.
- Asmundus Ottaris Filius 307. Ejus cum Arano certamina & focietas, 308. cum focio mortuo in tumultu pernoctat 309. ejus in Tartaria gefta ibid. feq: certamina cum Eigile Unimano 311. eorum focietas 312. in Jotunheimos profectio, atq; ibi gefta. ibid; feq. Asmundi fecundæ nuptiæ 314. De Almundo & Asvito Saxonis relatio ex his fociis deſumpta. 354.
- Asmundus Vikæ regulus, ab Haraldo Hilditanno Reg: Dan: in regnum reſtitutus. 365.
- Atlius Saxonie Rex, Brynhildis Budlinæ Frater. 481. ejus cum Gudruna Giukina infaufte nuptiæ, ibid: ſomnia ominofa. 482. Uxorem ad crimen adulterii oratio ferentis aqve diluendum adigit ibid: Atlii ad Giukungum legatio invitatoria ibid: in eos nefaria perfidia, 384. cædes ab uxore procurata, & ſepultura. 485.
- Av pro Q olim apud ſeptentrionales pronuntiatum. 16.
- Audur Diupaunga, ſive Prædives, Ivaris Vidfadmii filia. 442. Hræreko Slaungvanbaugio nubit. 443. Poſt ejus cædem in Ruſſiam fugit. 444. cum Rege Radbardo ſecundas nuptias contrahit, ibid:
- Augmundi Eythioficidæ piratæ ſceleraſſimi cum Orvar Oddo conflictus 272. Filium Oddi Vignerem occidit 273. In Ruſſia Rex factus ridiculum tributum exigit. ibid:
- Augvalldus Rogius, Augvalldſneſtæ & Rogalandiæ eponymus. 177. Ejus in vacca colenda ſuperſtitio ibid. eorum ſepulchrales columnæ. ibid.
- Aungull, vel Angull, ſive Ongull, antiquum in ſeptentrione viri nomen. 16.
- Aunius, ſive An, Grandævus dictus, Svecorum Rex 383. Ejus monſtroſa ætas 241. 243. pro longævitate novem filios Odino mactat 383.
- Aunundus Upſius, Fiordorum Rex 323.
- Aunundus Olonis fil. Daniæ Rex 370.
- Aurum Faſneriarum, ut & Tholoſanum, poſſeſſoribus exitiale 467.
- Baggedans, ſive choræa Baggorum, olim Norvegis uſitate. 19. 20.
- Bahufenſis præfectura 31. 36. olim Altheimus dicta. 170.
- Bahufente caſtrum. 36.
- Bahufiæ etymon unde. 18.
- Baldus, ſeptentrionalium Deaſter. ſ.
- Balldurshagium, Baldi Dei prædium & fanum, a Fridthioſo incenſum. 230.
- Balthicum mare unde dictum ſ.
- Baltia quæ ſit. ſ. unde dicta. 4.
- Baltus Rex Gothorum, a quò Baltica ſtemmata Joh. Gotho. ſ.
- Bannemanna ſ. eam unde derivet Arnoldi de Fine. 6.
- Baſa, vel Baſſa, Rudbeckio quid. 9.
- Baſilia, quibusdam Scandinaviæ ſynonymum. 4.
- Baſilica ſeptem Regum Upſalis. 393.
- Baſilicæ Nidarofienſis in Thrandia origo & cauſa 79. feqv. Structura ejus & magnificentia. 80. fata varia & incendia. 81.
- Belius Sogniæ Rex 215. Ejus cum Thorſteino Vikingi filio conflictus & locietas. 218. cum Angantyre 219. Mors & ſepultura. 223.
- Bera Bôdvaris Biarkii mater 275. cum aiorno in urſum transformato conveſcit 277. ad epulas urſinas manducandas adigitur, & inde monſtrotos filios parit. 278.
- Bergæ, emporium Norvegiæ celeberrimum 71. Bergenſium Episcoporum catalogus, ibid. Bergenſis diœceſis deſcriptio 67. feqv. Bergenſis pons celeberrimus 72. Bergenſis imber proverbialis. 73.
- Berlerkiagangur, ſeu Berlerkorum furor, qvalis. 144. 421. feqv.
- Biarmia, ſive Biarmalandiæ, ſitus. 163.
- Biartmar Aldeigiuburgi Comes 422.
- Biarkius vid: Bôdvar Biarkius.
- Bibliotheca Thrandenſis & Stafangrenſis combuſta. 81.
- Bifru-Karius, ejusq; progenies 262.
- Biörnus Hringi Uplandarum Regis filius. 274. Novercæ concubitu reculaſ, diris ab ea devovetur 276. in urſum mutatur, ibid: ejus cum Bera in antro colloqvium 277. à venatoribus captus occiditur 278. ejus filii ibid. feqv.
- Blôdkumannorum regio 308.
- Boatzaæris Soldani Babylonie ad Chriſtoph. Bavarum Daniæ Regem literæ 119.
- Bôdvaris Biarkii genus. 274. feqv. is de Hvita vindictam exigit, 281. ejus cum

B.

Baggi, vel Norbaggi, initio probroſum nomen 17. 18. poſtea honorificum evaſit. 20. Rudbeckii de hoc nomine ineptiæ caſtigantur. 20. 21.

Bag-

T O M I I.

cum fratre Elgfrodio certamen, 282.
 haustū ex pede traxis sanguine corro-
 boratur, 283. in Gothia pro fratre ab-
 lente excipitur. *ibid.* In Daniam ad
 Hroslum Krakium pervenit, Hottum
 liberat, eademq; in aula regia perpe-
 trat, 285. lamiam interficit, 387. Ber-
 serkorum insolentiam reprimi. 289.
 ejus vita & gesta, carmine ab ipso com-
 prehensa, *ibid.*
 Bøggelungorum in Norvegia factio unde
 sic dicta, 18.
 Bøpē qvid, 15.
 Boreades (Boreæ progenies) qvinam, 7.
 Borgarfysla, Norvegiæ præfectura, 31.
 34. 40.
 Boristhenes fluvius, 6.
 Bratstbergenis præfectura in Norvegia.
 vid. Skienæ.
 Bravallensē bellum celeberrimum, 367.
 Ducum & Athletarum, qui in eo oc-
 cubuerunt, præcipuorum nomina,
 368. & 449. eorundem insignis forti-
 tudo, *ibid.*
 Bravikenis belli causa, progressus, &
 exitus, 448. seq.
 Braut-Aunundus Sveciæ Rex 391. fabulo
 obrutus, perit, 393.
 Brenneya insula, 28.
 Brenner, Brenneyarum eponymus,
 220. 305.
 Brynhildis Baga, Biosii mater, 18.
 Brynhildis Budlinæ artes, 470. ad Sigur-
 dum Fafnericidam præcepta vivendi
 471. in morte Sigurdi impotens usq;
 ad propriam necem dolor, ac tragi-
 cus exitus, 480.
 Brunlavenis in Norvegia præfectura, 50
 Budlungorum familia, 476.
 Byrger Sveciæ Comes Norvegos Baggos
 vocari sub capitis pæna prohibet, 17.

C.

Canum marinorum in Norvegia captu-
 ra, 38.
 Caprarum in Jötunheimis sæcunditas
 & bonitas, 313.
 Carmsund, sive fretum Kormtense,
 28. 65.
 Centuriæ veterum quantæ, 437.
 Cerevisiæ coqvendæ certamen, 178.
 Christiania, Norvegiæ metropolis, à
 Christiano IV. Daniæ Rege exstru-
 cta, 34. Olim Osleya (vel Osloa) vo-
 cata, *ibid.*
 Christianlandia a Christiano IV. funda-
 ta, 45.

(a) 2

Chri.

Christianus II, D. R. Osloæ captus 44.
 Cimbria ubi, 122. seq.
 Cimbri qui fuerint, & qvænam illorum
 sedes, 121. illorum in Jutiam adventus
 qvando contigerit, 132.
 Cingulum carmine inscriptum ex ære
 delaplum, 358.
 Colleri cum Hörvendile pugna, 344.
 Conjugium primum inter Regias domos
 Daniæ & Sveciæ, 378.
 Cormt insula Norvegiæ, 28. 65.
 Cristallini lapides in Norvegia inventi,
 45.
 Cychreus Salaminis Rex, Serpens dictus,
 & unde, 467.

D.

D literæ in þ vel N, & vice versa, cre-
 bra mutatio, 14. 27.
 Dagus Sveciæ Rex, 379.
 Dalvika, Norvegiæ præfectura, 31.
 Danastramus, vel Danaa, (Danorum flu-
 entum.) 6.
 Dana-holmūs, insula trium regnorum li-
 mes 27. ea Dania Parva olim dicebatur.
 28. 31.
 Danorum nomen qvando coeperit, 5. 415
 Dani & Normanni promiscue à nonnul-
 lis dicti, 24. Dania à Dād (virtus) de-
 nominati sunt 23. Rudbeckii circa ejus-
 dem nominis derivationem ineptiæ ca-
 stiganur, 21. Danorum in Irlandiam
 variæ irruptiones 502. seq.
 Daniæ Regum veterum series 411 & seq.
 Danus Danpi filius, Magnificus dictus, Da-
 niæ Eponymus, 5. 41. ejus à Skiöldo O-
 dini filio genus 378. 15. novum in Da-
 niam funerandi morem primus indu-
 cit, 416.
 Dellingus, qvid per eum veteres intel-
 lexerint, 133.
 Dens humanus miræ magnitudinis, 453.
 Dii Asiani (Diar) 140. eorum nomina
 & ordo, 147.
 Dilga, urbs Sudurmanniæ Rudbeckio, 11.
 Diluvium Noachicum, 111.
 Disarum (D: omnium Dearum) sacra in
 Ethniciūmo 230.
 Dodonea quercus loqvax credita 220.
 Doistafiall, mons Norvegiæ editissimus,
 30. 86.
 Dofra villa, 30. 47. 86.
 Domaldus Sveciæ Rex à subditis immo-
 latus 377.
 Domar Sveciæ Rex 377.
 Dumbus Rex vetustissimus in Norvegia,
 167.

Dum.

INDEX

Dumbicum mare. 166. 157.
Duneya insula. 92.
Dyggvius Sveciæ Rex 378.

E.

Eigill Sveciæ Rex à Tunio regnò expellitur. 335 auxilio Frodii Daniæ Regis eum superat. 386. à tauro sacrificio destinatò occiditur ibid.
Eigilis Unimani cum Asmundo Ottaris Filio certamina & societas 311. adversus mortem mira constantia. 312.
Eiricus Peregrinator, Paradisi inquisitor & inventor creditus. 170.
Eiricus Disertus 345. ejus in Danis superandis strategema. 317. acta in aula Frothonis I. & astus in fororis ejus nuptiis impetrandis. 350. in Frothonem hostem humanitas. 351. calliditas in Gothari Regis Filia rapienda 350 seq. Sclavos Daniæ subjugat. 352. primus ejus nominis Sveciæ Rex Saxoni traditur 353.
Eistridalus in Norvegia 46. seq.
Elisarkia, Norvegiæ præfectura. 32.
Elfargimi, Albis accolæ. 36.
Elgtrodus monstruosus nascitur 178. à matre discedens atrocitania exercet 279. fratrem Thorærem Canipedem ut exciperit, ibid. seq.
Ella Northumbriæ Rex Ragnarem Lodbrokem captum viperis objicit 498. ejus in Daniam legatio. 499. cædes per Ragnaris filios in ultionem, patris perpetrata 501.
Ellidius, navis mirò genio prædita. 220.
Egvi mortui caput CCC. annis non consumtum, Orvar. Oddo fatale. 273. seq.
Eqvorum de stabulò certamen 283.
Exercitum numerandi ratio apud antiquos. 355.
Eygrimus Bolmus. 419.
Eysteinus Thrandiæ Rex 295. ejus cum Rege Hergeire confictus, cumq; ipsius uxore nuptiæ 296. à Comite Skulio eluditur, & cum servo ejus pugnat 297 à Skulio clanculum occiditur 300.
Eysteinus Illradi, sev astutus, 89.
Eysteinus Adilfis filius Sveciæ Rex 318. a Solvio de Niardeya incendiò perimitur. 380.
Eysteinus Bombus 398. ejus cædes 399.

F.

Fasner in serpentem versus a Sigurdo occi-

occisus, 467. ejus aurum possessoribus fatale ibid.
Fani Biarmensis, Thori Deastro dicati, magnificentia. 173.
Fialæ, Norvegiæ præfectura, 32.
Fialar & Flokius Finnorum Reges, magi insignes 392.
Fielldereya, vel Fierdereya, insula Norvegiæ 40.
Finni, Norvegiæ populus. 106. eorum variae species 33. 105. religio, 106. & seq. maritimorum Finnorum status & vivendi genus, 108.
Finmarkia Norvegiæ. 33. 105.
Fiolner Sveciæ Rex 375.
Fiordensis præfectura in Norvegia. 32. 65. 76.
Fleckereya insula Norvegiæ, ejus castrum & portus 55. seq.
Fochlensis præfectura in Norvegia 78.
Foldensis sinus in Norvegia. 40.
Forniotus, ejusq; filii. 148. seq. quis fuerit, & quid ejus nomine intelligendum 151. Quando vixerit. 152. seq. ejus cum Niordo Sveciæ Rege Synchronismus, eorumq; posteris 154. 156. inter ejus & Odini posteros synchronismus 158. Forniotiana ditionis situs & amplitudo 159. seq.
Framaris athleta cum Sturlaugo Laborioso societas, & in Biarmiam iter 262. seq. Framar ferro inviolabilis. 321. ejus cum Ketille Hængo duellum & cædes. 322.
Franciscus Lanovius ferroò brachio usus 312.
Freya Niordi Filia, Sveciæ Regina 374.
Freyr Sveciæ Rex 73. omnium Deastrorum maxime in Svecia cultus. 375.
Fridleifi Frothonis filii cum XII. athletis Norvegis certamen 356. pugna cum Amundo Norvegiæ Rege, & victoria. 357.
Fridleifus Skioldi Filius, primus eò nomine Daniæ Rex 412.
Fridleifus II. Dan. Rex 413.
Fridleifus III. Dan. R. 416.
Fridrichstadus, Norvegiæ urbs, olim Sarpsburgum dicta. 34. 40.
Fridthiofi Vegeti, Thorsteini filii, cum Regibus Sogniæ simulates. 224. eorum militiam detrectat. 225. ejus in Orcaedes iter, pericula, & fortitudo 227. seq. Bulti sanum ab eò incensum 230. ejus exilium, & piratica exercitia. 231. in aulam Regis Hringi accessus & logogryphi 232. admirandum roboris specimen 233. successio in regnum Hringi.

T O M I I.

gi, & cum uxore ejus nuptiæ 234. ejus
posteri 235. regnò coactus cedit. 238.
Frøgeri cum Frothone III. Daniæ Rege
certamen. 343.
Frotho (vel Frodus) I. Daniæ Rex, civi-
bus ob iniquas leges exosus 345. ejus
summum periculum, beneficio Eirici
Diserti superatum 349. primus Dano-
rum Regum Vandalorum Regis titu-
lum gessit 352. Norvegis devictis leges
dedit 355. gotharum Regem, bellum
sibi illaturum, vincit & occidit 353.
Frotho II. 413.
Frotho III. 416.
Frotho IV. 416.
Funera cremandi ritus ab Odino inve-
ctus. 145. tumulandi, à Dano Magni-
fico. 416.

G.

Gan Finnorum. 107.
Gandvici sinus situs 162.
Gardi Agdii genealogiæ schema 255.
Gaulis annis inundatio. 86.
Gaulardalensis præfectura. 86.
Gauthi nomen antiquissimum 392.
Gaulthi Regis in avia & deserta error.
243.
Gautelfa fluvius inter Norvegiam &
Sveciam. 35. 36.
Gaurorum & Gothorum desertum 436.
Gautreki Regis summa liberalitas 246.
Gautreki plures, eorumq; diversa tem-
pora. 249. seq.
Gefiona Skiöldi Dan. Regis uxor, 412.
in Sveciam ab Odino missa 143.
Germani olim a Norvegis Garpar vocati
72.
Germanica lingua a Schytica orta 126.
Gesti blindus Gothorum Rex Saxoni 353.
ejusdem gesti Blindi, sive Cæci, ænig-
mata, Heidreko Regi proposita 434.
Geti vid. Gothi.
Getharum iter in septentrionem quæ
institutum. 128.
Gevarus Rex Norvegiæ 343.
Gigantes inter Norvegiæ primos incolæ
11. a Trollis diversi 113. gigantum na-
tura & indoles 115. Gigantes hybridæ,
sive semigigantes. ibid. Gigantum exi-
stentia probata 115. eorum origo ibid.
Gigantes a Jöva expulsi in septentrio-
nem transmigrarunt 116. quando 118.
Glæfsvellir, loci nomen, quid veteribus
denotarit. 426.
Gladiatorum mira indoles. 228. 320. 420.
gli.

Glires in Norvegiæ maritimis locis vi-
vere non possunt. 51.
Gloma amnis 40. 45.
Gnod, navis longè maxima. 314.
Göe Noris soror, a quæ mensis Göe dictus
148. ejus profopia 176.
Gomer primus Cimbriæ Rex. 131.
Gotharus Norvegiæ Rex Saxoni 345. ab
Eirico Diserto deluditur 350. ejus pe-
riculum & fuga. 351. Frothoni I. Dan.
Regi bellum illaturus occiditur. 353.
Goris in Norvegia cum fratre Nore divi-
denda astutum commentum 176. filii
& posteri ibid. & 259. seq. vid. Nor.
Gothia in Eygothiam & Reidgothiam
olim distincta; 142.
Gothi a Bonitate dicti grotio 23. fuerê
ex primis Norvegiæ incolis 111. Go-
thorum apud septentrionales exigua
memoria. 120. quæ illorum sedes ibid.
de iis multi multa temerè scripserunt.
121. 127. Gothi & Gætæ an diversæ gen-
tes. 121. Gothi an in Scanzia unquam
fuerint. 127. eorum in Regibus eligen-
dis ritus. 280.
Grænlandia Norvegiæ præfectura. 32. 48.
Grymus Kyrialorum (Carelorum) Rex
303. ejus cum Ulfo Snillingo pugna.
ibid.
Grimus Lodinnkinna, sive Hirsuta ge-
næ. 264. ejus parentes & nativitas 319
nuptiæ 323. pugna cum Sörqvere,
ejusq; cædes. ibid.
Gudbrandsdali in Norvegia 47. unde
dicti. 171.
Gudmundus de Glæfsvellis. 426.
Gudriodus Venator, Norvegiæ Regulus,
399.
Gudrunæ giukinæ cum Sigurdo Fasneri-
cida tragicæ nuptiæ 174. in morte ejus
miseræ lamentationes 478. cum Atlio se-
cundæ nuptiæ 481. in eo ulciscendo
crudelitas. 485. in mare se projiciens
perire nequit 486. cum Jonaco Rege
tertiæ nuptias init 486.
Gullholmus, Norvegiæ insula 41.
Gunnaris Sveci in Norvegos insolentia.
364.
Gulsi Finnorum Rex a Ketille Hængo
interfectus 319. ejus sagittæ miræ in-
dolis ibid. & 267.
Gyldekiern (Magnus). 55.
Gylfius Sveciæ Rex. 143.

H.

Hliteræ in K mutatio crebra 23.
Hænar Asianus Vanis obses datus. 141
(b) Hæn-

INDEX

- Hængus. V. Ketill hængus.
- Hadalandia, Norv. præfectura 31, unde dicta. 173.
- Halecum captura in Norvegia uberrima 38. seq. halec portentosa 39.
- Halidanus Priscus ejusq; progenies 173. seq. 258.
- Halfdani Eyfsteini filii Thrandiæ Regis pugna cum Comite Skulio, & victoria 297. cum Ulfo Snillingo conflictus & vulnera 301. seq. amicitia cum Skulio inita. 304. liberalitas ibid. expeditio in Biarmiam 305. in regnis devictis recusandis moderatio ibid. cum Valo pugna & victoria. 306.
- Halfdani Diserti genealogia 441.
- Halfdani Biergrammi cum Grimmone athleta conflictus & victoria. 360.
- Halfdanus Albipēs Norvegiæ Rex, ejusq; posteri 397.
- Halfdanus cibiparcus & Munificus 399.
- Halfdanus Niger Norvegiæ Rex 403. Ejus cum Sigtriggo pugna ibid. seq. conflictus cum Gandalfi filiis 405. ejus severitas. 407. Mors qualis 409. certamen populi de ejus corpore mortuo ibid. qvando mortuus. 410.
- Halius heros & ejus athletæ. 185. seqv. eorum leges piraticæ 186, in periculis temeritas ibid. Halius dolo vitrici incendiò occumbit. 188.
- Halfdanus I. Daniæ Rex 416.
- Halfdanus II. D. R. 417.
- Halfdanus IV. D. R. 418.
- Halogius. halogiæ eponymus 194.
- Halogia Norv. præfectura 33.
- Hagbartus Hamundi filius 367.
- Hallbiörnus semigigas 316.
- Hakius hede. Berferkus 306.
- Hakius pirata Norvegus hugleikum Sveciæ Regem occidit, & Sveciæ sceptrum arripit 382 ejus mors ibid.
- Hakius Scanix Rex 191.
- Hamar oppidum Norvegiæ 46. hamarsium Episcoporum catalogus ibid.
- ander & hinder hominem marinum extrahunt 182.
- Haqvinus Nitherorum Rex Saxoni 342.
- Hareldus Agdius 235. ab Herthiofo Hordix Rege occiditur 236.
- Haraldus Grandævus Dan. Rex. 418.
- Haraldi Hilditanni Dan. Regis parentes. 365. nativitas 443. ejus magnanimitas & moderatio. 365. ferro inviolabilis magica arte factus, 447. ejus in juventute gesta ibid. senectus ejus subditis odiosa 448. ignobilis mortis evitanda ergò bellum Bravikense suscitatur ibid.
- ibid. ejus in extremis insignis fortitudo 451. exleqvix. 452.
- Haraldi Pulchricomi, primi Norvegiæ Monarchæ, nativitas 407. de ejus apud Finnum educatione antiquitatis fabula 408.
- Harekus Jarnhaus, sive ferrei capitis, gigas. 195. ejus genus. 196. cædes a Vilingo peracta. 197.
- Hardangria Norveg. præfectura. 32. unde dicta. 68.
- Hatherus in Norveg. Regulus. 36.
- Havar Manusfortis. 413.
- Hausfudus, Gudmundi de Glæsisvellis filius, ejusq; integritas 427. 430. ejus præcepta vitæ agenda. 428.
- Haurdus, Haurdiæ, sive Hørdalandiæ, eponymus. 170.
- Heidmarkia, Norvegiæ præfectura, 46.
- Heidrikus hausfudi filius 427. Fratrem Angantirem occidit 428. præcepta patris datâ operâ viclat ibid. & seq. in Reidgothiam proficiscitur 429. ejus astus in filio mortis eripiendo. 430. totius Reidgotiæ Rex constituitur 431. ejus in Russia gesta. 432. seq. Votum 434. sapientia. ibid. Cædes 435.
- Heidricus Ulfschamus 440.
- Heimeris de Hliindalis in morte robur. 448.
- Heklesfield, mons Norveg. 73.
- Helgalandia. 91.
- Helgasunda portus Norveg. 56.
- Helgius Acutus Daniæ Rex 442. a fratre Hræcko Slangvanbaugo occiditur 444.
- Helgius Daniæ Rex filiam suam Yrlam incius uxorem ducit 388.
- Helgius Hundingicida nascitur 461. ejus gesta 462.
- Heliark nni, Germundus & Geirmundus fratres, unde dicti. 192.
- Helsingia unde dicta 172.
- Hordalensis præfectura in Norvegia. 83.
- Heriulfus hornabriotus. 83.
- Hermanshöfud, promontorium in Norvegia 41.
- Hergimus Semigigas. 418. seq.
- Herraudus Orcadum Comes occisus. 221.
- Herraudus Ostro-Gothiæ Comes, Gagnaris Lodbrokis fover 454. seq.
- Herthiofi Haurdiæ Regis dolus in Haraldum Agdium 236. vindicta de eo sumpta ibid.
- Hervór Amazon Dana 425. Hervardi nomen assumit 426. umbram pater inferis evocat. ibid.
- Hialdus & Sniallus fratres, Vatnaris filii, 180. Hialdi spectrum. ibid.

T O M I I.

Hialmaris Magnanimi insignis fortitudo. 269. 421. ejus leges piraticæ 270. cum Orvar - Oddo contracta societas ibid. & 421. cum Hiörvardo & Angantyre memorabilis pugna 422. seq.
 Hieronymus Capivagus chirurgus Italus. 313.
 Hildis Dea belli in septentrione culta. 437.
 Hiör Jofuris filius. 179.
 Hiörleifi Mulierofi ingenium 180. ejus historia 181. seq. tertiæ uxoris mors repentina. 182. à Rege Hreidare uxori-
 bus spoliatur 183. Captus & patibulo suspensus ab uxore liberatur 184. de Hreidare vindictam sumit ibid. Afam uxorem condemnatam liberam dimit-
 tit. 184. eorum progenies ibid. Hiörleifi cædes 185.
 Hiörvardus gerferkus 421. cum Hialma-
 re Magnanimo pugnat 423. moritur. 424.
 Hilingia insula 61.
 Hlaudus Heidrici filius 432. ejus cum fratre Angantyre bellum & cædes 437
 seq.
 Holmen graa 60.
 Holfatia olim Notdalingia dicta 131.
 Högnius de Niatdeya. 180.
 Hornburgum, vetus Norvegiæ castrum. 37.
 Hotus in aula Hrolfi Krakii à Bödvare
 Biarkio liberatur 285. Viribus subitò
 augetur 287. virtutis specimen edit, &
 Hialtii nomen assumit 288.
 Hrafnistinae familiæ celeberrimæ origo
 316. ejus recensio 1337: (vide ibid. ad-
 jectum schema genealogicum.)
 Hrærecus Slaungvanbaugius Daniæ Rex.
 442. ejus cum Audure Diupaudga nu-
 ptia 443 fratrem helgium Acutum oc-
 cidit 444. ipse ab Ivare Vidfadmio
 vindictæ specie occiditur. 445.
 Hringingus rusticus mendicæ 302. ejus
 egestas ad proverbium usq; celebris.
 304.
 Hringarikia Norvegiæ præfectura. 48.
 Hringus hringarikia Rex, Sogniæ Re-
 gibus bellum indicit. 225. cum iis pa-
 cisceatur 226. sororem eorum uxorem
 ducit. 230.
 Hringus Uplandarum Rex 274. ejus cum
 Hvita infelices nuptiæ 275.
 Hringusandveris filius Sveciæ Rex 447.
 Haraldum Hilditannum bello Bravi-
 kensi superat. 451.
 Hroar & helgium fratres, Daniæ Reges
 417. Hre-

Hrokus Albus & Hrokus Niger fratres.
 185.
 Hrokus Niger incendiò elapsus 189. in
 Hakii Scaniae Regis aula moratus, fili-
 am ejus in matrimonium accipit 191.
 Svenum Viðtoriofum occidit ibid.
 Hrolfus Nefia 203.
 Hrollaugus Russiæ Rex 432. inter eum &
 Heidrecum Daniæ Regem gesta 433.
 Hrolsharsgranius Starkadi alumnus. 236.
 Hugleikus Sveciæ Rex 383.
 Hvita Hringi Regis uxor 275. privignum
 Biornum ad incestum frustra sollicita-
 tum diris devovet 276. de ea vindicta
 exacta. 281.
 Hvítfeldiús (Petrus) 56. 60. 61.
 Hunniæ situs 438 seq.
 Hyperboreorum sedes ubi 7. unde dicti
 ibid. Rudbeckii derivatio refutatur 8.
 Hyperborei quam latè extendantur.
 8.
 Hythinus gigas a Frodio occisus 358.

I.

Jadrensis tractus in Norvegia 63.
 Jamptia, Norvegiæ Præfectura 89. unde
 dicta. 89. 172.
 Jatmundus Angliæ tyrannus ab Orvarodo
 occisus 272.
 Jemptelandia, vid. Jamptia.
 Idolorum unctio & reliqua ministeria 230
 Illugius Hridarstofri, sive Hriduris alum-
 nus 314.
 Indereyenfis præfectura in Norvegia 88.
 Ingialldus Astutus Sveciæ Rex 393. duo-
 decim Regis fraudulenter sustulisse di-
 citur 395. tandem se ipsum incendit
 ibid.
 Ingialldus Starkadi alumnus, Daniæ Rex
 417.
 Ingialldus Trana 198. a Vikingo occidi-
 tur. 200.
 Ingialldus Naumudali Rex 325. ejus cum
 fratribus suis pugna, & fraus in Anem
 Bogfveigerem 328. Insidiatores in Anem
 immittit 331. seqv. fratrem ejus Thore-
 rem Thegnem innocentem occidit 337.
 Inde Malus dictus est ibid: Anem, oc-
 ciso fratre, persequitur 334. à filio ejus
 Thorere Haleggo incendio deletur
 336.
 Innsteinus & Utsteinus fratres 186. Inn-
 steini somnia ominosa 187. in regem
 suum fides & animositas 188 mors 189.
 Interula, ferro, aqua & igni immunis, in
 solâ verò fuga inutilis. 271.

INDEX

Johannes Holgeiri, miles Danus, 36.
 Jökull jarnhaus a Vinkingo cæsus 198.
 Jökull Niorfi filius, & ejus cum Thor-
 steini Vikingi filio confictus, vid.
 Thorsteinus Vik, fil.
 Jomfrulandia insula, 51.
 Jórundas Yngvii filius, Sveciæ Rex, 383.
 Jofuris Augvaldi filii cum Kolo athleta
 bellum, & cædes 179.
 Jotunheimorum litus 165. eorundem fer-
 tilitas, 313.
 Irlandia à Danis variè direpta & spoliata
 502. seq.
 Islandiam Thulen esse probatur 12. ejus
 facies hodie multum a pristina muta-
 ta ibid.
 Islandsbiærg, scopulus in Norvegia 41.
 Ivar Bøggull, 301.
 Ivar Vidlamius, sive Latipassus, Sveciæ
 Rex, 442. Hrærekum Slaungvanbau-
 gum Daniæ Regem adcædem Helgii
 fratris instigat. 441. eundem vindictæ
 specie occidit 445. Daniæ subjugat.
 446. Ejus expeditionis in Russiam ap-
 paratus, soinnium fatale, & mors.
 ibid.
 Juramenti societatis apud antiquissimos
 septentrionales ritus 219.
 Jutia antiquitus Reidgotalandia dicta 438
 in Jutiam Cimbrorum adventus quan-
 do contigerit, 132.

K.

K literæ in H crebra apud antiquos
 mutatio 23.
 Karlsburgum, Norvegiæ castrum, a
 Christiano II. exstructum 38.
 Kaupangur, nomine Emporium deno-
 tans, Emporii proprium nomen 75.
 Ketill Jampcius, Jampciæ eponymus, 89
 172.
 Ketillis Hængi genus, educatio, & ro-
 boris in juventute specimina admi-
 randa 316. cum latronibus confictus,
 & de iis victoria 317. seq. inter piscan-
 dum periculum 318. apud Brunium gi-
 gantem hospitium ibid. seq. confictus
 cum Gulio Finnorum Rege, & victo-
 ria 319. Nuptiæ 320. Congressus cum
 Aljo Uplando. ibid. cum Framare an-
 cept certamen & victoria 322. seq.
 Ketilles Hængi, in historiis confusi, ejus-
 dem nominis plures 337.
 Killestom / fretum æstuosissimum in
 Norvegia 74. seq.
 Kiolus, mons Norvegiæ editissimus 30.
 35. Koli

Koli Gibbosi familia & progenies 196.
 Koli Krappii advecius Regem Haraldum
 Gullmudum tactus. 201. ejus cædes.
 203.
 Kulus, servus strenuus & fidelissimus
 297. seq.
 Kongahella, Norvegiæ oppidum 36.
 Konungur / (Rex) unde dictus, 414.

L.

Langenesensis præfectura in Norve-
 gia, 96.
 Laurvikenis sinus in Norvegia 50. 51.
 Leges a Frothone I. Daniæ Rege Norve-
 gis datæ, 355.
 Leges piraticæ veterum 186. 270.
 Legionibus veterum septentrionalium
 quantæ, 437.
 Leitus Skialdi filius Daniæ Rex 412.
 Lexicorum septentrionalium penuria, 14
 Liberalitatis inter Reges certamen 246
 seq.
 Lindidnes, Norvegiæ promontorium.
 27. 58.
 Lingvarum prima divisio 112. quot in ea
 divisione tactæ sint, ibid.
 Lingva Gothis & Germanis olim com-
 munis, 126.
 Liffensis præfectura in Norvegia 57.
 Lofodia, insula Norvegiæ 95.
 Londinum, metropolis Angliæ, quâ oc-
 casione exstructum, veterum fabulosa
 narratio, 500.
 Loppen, sive Nordkappen, Finnmarkiæ
 insula, 28.
 Lupus in Atylo, proverb. 231.

M.

Magiæ inventores Asæ in septentrio-
 ne crediti, 144.
 Mandalensis Præfectura in Norvegia.
 54. 56.
 Mannheimus, Sveciæ synonymum 6
 Mare Balticum unde dictum 5.
 Mare Barbarum 5.
 Mare Pigrum 9. Mare mortuum Plinio
 dictum. ibid.
 Markfranda Norvegiæ oppidum & tra-
 ctus, 36.
 Mimer Vanis obses datus ab Asianis 141.
 a Vanis occisus ibid. Mimeris caput ab
 Odino aservatum, & pro sapientiæ o-
 raculo cultum 144.
 Mios lacus ingens in Norvegia, 40. 45.
 Mo-

Molossorum mira natura. 73.
 Monstrositas foetus ex offis a matre præ-
 gnante comestis. 277.
 Morbus Nordlandiæ in Norvegia pecu-
 liaris. 103.
 Morimarula, Rudbeckio Mordemiore. 9
 Mortui ne reviviscant, vulgi olim super-
 stitiosum remedium 331.
 Mortui cunctu lachrymæ elicita &
 dolor sedatus. 481.
 Moskeya insula. 94
 Moskeyense fretum æstuosissimum, unde
 æstus Moskeyensis dictus 94.
 Mostur insula Norvegiæ. 67.
 Mostrense templum & sacra celeberrima 67.
 Mulas peperisse pro ostento habitum.
 116.
 Mulierum convictus piratis olim illicitus 394.
 Munchius (Christoph.) 44. 56.
 Mundi plagæ cardinales unde septentrio-
 nalibus denominatæ 14. seq.
 Munificentia inter Reges certamen.
 246. seq.

N.

Narfus sive Niörvius, gigantum sep-
 tentrionalium antiquissimus 117.
 Naves in septentrione olim celeberrimæ
 quænam. 290.
 Naumadalensis Præfectura in norvegia.
 33. 91.
 Nerigonis nomen antiquissimum 13. ejus
 situs ibid. etymologia ibid. & seq. ne-
 rigon Plinii an eadem quæ nostra nor-
 vegia, disquiritur 13 seq.
 Nerii Vikaris filii ingenium & tenacitas.
 237. 245. ejus in Reso Reineris filio pro-
 movendo summum studium 246. seq.
 mors repentina. 249.
 Nid amnis, a quò nidarofia dicta 53.
 Nidarofia, emporium norvegiæ celeberrimum 79. nidarofienum episcoporum
 catalogus 83. nidarofiensis basilicæ stru-
 ctura, magnificentia, & varia fata,
 ibid. seq.
 Niörds tres malè facit Rudbeckius 133
 Niörds Asianus, Vanis obles datus 141.
 Niörds de noatunis Sveciæ Rex 373.
 ejus posterus 184.
 Niörfs Uplandarum Rex 199. ipsius in
 fide constantia & moderatio 205. 207.
 seq. 212.
 Nioriafuad, fretum Gaditanum olim di-
 ctum à septentrionalibus. 136.

NOÆ

Noæ filii. 112.
 Nor Thorri filius. 8. prævè cum niordo
 confunditur. ibid: ejus memoria apud
 plerosq; scriptores exteros exigua &
 obscura 16. 17. noris cum fratre Goræ
 in norvegiam profectio 148 seqv. nor-
 vegiæ divisio inter illos facta ibid. Go-
 ris in ea divisione astutum commen-
 tum, vid. Gor. nor & Gor quo tempore
 vixerint 152. seq. nor an idem cum
 Borea. 8. ejus per norvegiam expeditio
 16. noris duæ uxores. 169. ejus pro-
 genes numerosissima, tabulis genea-
 logicis recensita 254. seqv. inter tres
 ejus filios norvegia divisa 169.
 Norbaggi unde primum dicti. 17. erat i-
 nitio probrosum nomen ibid. seq. po-
 stea honorificum evasit. 20. Rudbeckii
 de Baggorum sive norbaggorum no-
 mine ineptiæ castigantur 20. 21.
 Nordalbingia eadem, quæ nunc Holfatia
 dicitur. 131.
 Nordcappen (aliis Loppen) Finnmarkiæ
 insula. 28.
 Nordhordia, norvegiæ præfectura 32. 34
 Nordkinn promontorium norveg. 9.
 Nordlandia, norvegiæ pars æquilonaris
 90. 93. nordlandiæ insula. 53. seqv.
 Morbus nordlandiæ peculiaris 103.
 Nordmaria, norvegiæ præfectura, Sunne-
 maria contradistincta 32. 77.
 Normanniæ nomen quot modis apud
 scriptores sumatur 24 seq.
 Normannorum in Franciam irruptiones 24.
 Normanni in Gallia a norvegis orti &
 denominati. 24. 25.
 Nornagestus. 453.
 NORVEGIÆ etymologia examinata 16
 seqv. Norvegia quare olim Sida dicta.
 25. norvegiæ generalis descriptio 27.
 seq. Divisio per Præfecturas 31. norve-
 giæ loca hominum cultui apta nondum
 omnia explorata 27. Norvegica gens
 ex tribus populis orta 111. seq. Nor-
 vegiæ termini antiquissimi 161. seq. In
 Norveg: Noris & goris fratrum adven-
 tus, & inter illos divisio. vid. Nor.
 Norvegi. vid. Normanni.
 Norvegica nomina propria hodie admo-
 dum corrupta, eorumq; exempla 13.
 Nuadus Argentimanus. 311.

O.

Oculorum mirus obtutus 365. seq.
 Oddevolda, Norvegiæ oppidum. 37.
 (c) Od.

INDEX

Oddi cujusdam Dani artes magicæ insignes 346.
 Oddus Jaculator, vid. Orvar-Oddus.
 Odenſe (Othinia) in Fionia ab Odino dicta. 142.
 Odinum ex Neptuno malè facit. Rudbeckius: 133.
 Odini in Scythia gesta 140. ejus artes, habitus, & indoles, 144. Leges ab eò latæ. 145. ſeq. Odini mors & exleqvæ 146. ejus filii ibid. poſteri & genealogia 137. ſeq. 146. Odino ſacrificandi ritus 238 ſeq. Odini & Thoris de Starkadi fatis certamen 239. Odinus etiam in Tartaria cultus 309.
 Ogautanus tempeſtates incantationibus excitat 202. ejus mors 217.
 Olafus Tretelgia, ſive lignator, ſveviciæ Rex. 396. Vermalandiam primus excoluit, & quâ occasione, ibid. malè totius ſveviciæ Rex Loccenio dicitur. 367. a ſuis Odino immolatur. 397.
 S. Olaf Norvegiæ Regis reliqvæ. 179. ſeq.
 Olafus Naumudali Rex 322.
 Olafus Geirſtada-Alfus 400. ejus præſagium ſomnium, & prudentia. 401. poſt mortem ſacrificiis colitur. 402. ejus tumulus adaptus 403.
 Olafus Manſvetus Daniæ Rex 414.
 Olo Vegetus. 365. 416. ejus in Norvegia gesta 366. ſeq. item in bello Bravikenſi 368. Daniæ Monarcham cum non fuiſſe probatur 369. a Starkado occiditur ibid.
 Olores carmen modulantes 357.
 Onundus, Vid. Aunundus.
 Onſeya, Norvegiæ inſula. 41.
 Orbis terrarum prima diviſio. 112.
 Orcadaleniſis præfectura in Norvegia. 79.
 Orvar - Oddi (ſive Aurvar-Oddi) genus & nativitas. 264. educatio & ſtudia 265. fata & longævitas à Volva ſive ſcœmina fatidica prædicta 266. Oraculum eludere conatur ibid: ſagittas Guſſinas accipit 267. ejus in Biarmiam iter ibid: captivum Norvegum liberat. 268 Biarmos ſpoliat, & cum iis conſigit ibid: tempeſtate à Finnis excitatâ jaçtatur. ibid: Halſdanum & Sotium piratas bello ſuperat. 269. cum Hialmare Magnifico triduana pugna certat ibid: cum ipſo ſocietatem contrahit. 272. Berſerkos occidit ibid: ejus in Scotiam, Orcades, & Hyberniam expeditio 271. Ibi ſocium Aſmundum amittit. ibid: tres Daniæ Comites bellò ſuper-

ſuperat 272. Skollum piratum in regnum Angliæ reſtituit ibid: cum Augmundo Eithioſicida conſigit ibid: periculum ſummum in pugna cum Sæmundo piratâ evadit 273. in Aquitania ſit Chriſtianus & Hieroſolymam petit: ibid: Gigantis filiam uxorem ducit ibid: In Ruſſia Rex conſtituitur. ibid: in Norvegiam revertitur ibid: ejus mors, vaticinio Volvæ reſpondens & ſepultura 264 ejus ſtatura inſignis ibid: ætas triſcelis. ibid.

P.

Panis Norvegicus, Flatbød dictus, quomodo conficiatur. 68. ſeq.
 Patagonum provincia 115.
 Paſſeris caſi graviffima vindicta 379
 Pax Frodiana toto ſeptentrione celebratâ. 374 eam ſvevi Deaſtro ſuo Fregri adſcribebant. ibid.
 Piratis cum ſeminis compotare illicitum. 394.
 Piratarum antiquorum leges 186. 270.
 Piſcandi genus periculoſiſſimum. 57.
 Piſcatura in Norvegia frequentiffima, piſciumq; ibi varia genera. 98. ſeq.
 Pixidis nauticæ apud antiquos veſtigium 56.
 Plagæ mundi cardinales unde ſeptentrionalibus denominatæ 14. Milzovii de eò ſententia notatur. 15
 Præfecturarum Norvegiæ nomina, numerus, & ſitus. 31 ſeq.

Q.

Qvel K literæ in aſpirationem H mutatio antiquis uſitatiffima 23
 Qvadorum nomen unde, & quid denotet 23
 Qvaſir, Vanorum obſes. 141.
 Qvenia, ſive Qvenialandia, & ejus incolæ Qveni 148. ejus ſitus. 160
 Qvinisdalus in Norvegia 59
 Qvinisfiördus ſinus 59.
 Qvinisheidi, teſqva Norvegiæ 59.
 Qvinisherrid, provincia Norvegiæ, unde dicta. 179.

R.

Rædbardus Ruſſiæ Rex 446.
 Ragnhilldis, Haralldi Pulchricomi matris, de filio ſomnium ominofum 406.
 Ragn-

INDEX

Sigurdus Fafnericida 453. ejus progenitores 456. nativitas 467. in Hunniam profectus Lingvium bello superat 468. Fafnerem monticolam occidit, unde Fafnericida dictus 469. ex Brynhilde Budlina Aslaugem, postea Ragnaris Lodbroki uxorem, procreat 471. Gudrunam Giukii filiam uxorem ducit 474. ejus Conjugii tragicus exitus, & Sigurdi cædes. 478. seq. in ipsa morte se ulciscitur 479. ejus insignis statura, & habitus 480.
 Sigurdus Angvioculus 501.
 Sigurdi Cervi cædes 406
 Simpliciter plusquam ruficane exemplum. 243. seq.
 Sinfliotius Sigmundi Volsungii filius veneno epoto extinctus 464.
 Sithones unde dicti 25. Norvegiæ, non Sveciæ, populi erant ibid. an idem fuerint, quod Sigtuna in Svecia ibid.
 Sithonii gigantes. 26.
 Skada, Niordi & Odini uxor 46.
 Skienensis, sive Skinensis, præfectura in Norvegia 51.
 Skiöldus Odini filius, Daniæ Rex, pro Deo cultus 142. 412.
 Skollus pirata in regnum Angliæ operâ Orvar-Oddi restitutus 272.
 Skoufensis præfectura in Norvegia. 88.
 Skullus Aldeiguburgi Comes 296. ejus contra Eysteinum Regem astus & strategema. 297. sub personati Grimi nomine aulam ejus intrat, ipsumque occidit 299. ejus cum filio Regis Halldano repentina amicitia. 304.
 Sleipnir Odini equus. 467.
 Slifa-Uffius pirata à Thorsteino Vikingi filio bello cæsus 219.
 Sniallus Vatnaris filius 180.
 Societatis incundæ ritus antiquissimus. 219.
 Sogndalensis tractus in Norvegia 56.
 Sogna Norvegiæ præfectura 32. 75.
 Sölvius de Niardeya 388. seq.
 Somnia ominosa. 87. 406. 483.
 Sörlii Robusti cum Haldano roskildie rege prælium 291. cum filio ejusdem regis Högnio societas ibid. de iisdem variantes relationes expenduntur 292.
 Sörlii adversus mortem mira constantia & fortitudo. 294.
 Sparböensis præfectura in Norvegia 89
 Stafangria Norvegiæ oppidum, quondam celeberrimum 32. 64. Stafangrensiū Episcoporum catalogus 64.
 Stafangrensis præfectura 52. seq.

Starkadorum nomen, patria, numerus & Chronologia 250. seq.
 Starkado Grandævo sata ab Odino & Thore dispensata 239. ejus cum novem simul athleticis conflictus 359. corporis ejus in rupe vestigia 360. magnanitas ibid. Olonem Daniæ regem occidit. 369.
 Stephanus Monachus fatidicus 85.
 Stiorndalensis præfectura in Norvegia 88.
 Stivardi quinam Islandis dicantur, & unde 52. seq.
 Storvirkus Starkadi filius. 235.
 Strunicus Sclavorum rex 352.
 Sturlaugus Laboriosus quando vixerit. 201. Kolum Krappium monomachia superat & occidit 202. ejus in B. armiam ad invivendum uri cornu iter ibid. seq. in Sveciam fuga 203.
 Svecia unde dicta. 20. seq. kudbeckii de hoc opinio refutata 21. olim Svithiod vocata fuit, & qvare, ibid. Sveciæ nomen ante Odini posterioris tempora inauditum 22. ejus nomine inferi olim intellecti 313.
 Sveci, vid. Svecia.
 Sveciæ regum series 383. seq.
 Svafulamius Arngrimi filius 420.
 Sveigdir Sveciæ rex, ejusque votum, 375. seq.
 Svipdagus Norvegiæ rex Saxoni. 341. seq.
 Sulefeld, mons Norvegiæ 87.
 Sunnhordia, Norvegiæ præfectura, 32. 34.
 Sunnmaria, Norvegiæ præfectura 32. 77.
 Syra fluvius Norvegiæ 59.

T.

Tabulæ Cypresinæ in Tyriorum sepulchris inventæ. 12.
 Tanais amnis 6. 138. unde dictus sit. 6.
 Tartariæ nomen quam latè olim patuerit 315.
 Tempestas incantationibus excitata 202
 Templa in septentrione olim maximè illustria quæ fuerint, 8.
 Templi Biarmensis splendor & magnificentia 89.
 Tevtones unde dicti. 23
 Thelemarkia, Norvegiæ præfectura 52
 Tule insula Norvegiæ 18
 Tirsingus, gladius insignis, sed diris incantatus. 420. 428.

Tho.

T O M I I.

Thoris cum Odino de fati Starkadi cer-
 tamen 239
 Thorir Canipes monstrosus nascitur 278.
 in Gothia staturæ beneficio Rex cre-
 atur. 280
 Thorir Hæleggur, Anis Bogfveigeris filius
 335. Ingialldum Malum incendio delet,
 patruumq; ulciscitur. 336.
 Thorir Thegn 323. a Rege Ingialdo Malo
 innocens occiditur 332.
 Thora Borgarhiórtus, Kagnaris Lodbro-
 kis prima uxor. 414. seq.
 Thorolfus Mostrobarbus, ejusq; religio-
 sitas 8.
 Thorrius Qyeniæ & Finnlandiæ Rex 148
 Rudbeckio malè Porcus dicitur 7. non
 fuit Rex Suecorum. 8. ab eo mensis
 Thorrius dictus. 148.
 Thorsteinus Vikingi filius 205. ejus con-
 tra Njórfii filios strenuitas 209. ad Hal-
 danum cum fratre Thorere conserva-
 ndus ablegatur 212. prædones Samum
 & Fullastium invia occidit 213. Gri-
 mum monomachiâ superat 214. nau-
 fragus a fabulosa Skellinesia servatur.
 216. cum Jökule confictatus iterum
 ab eâ juvatur 217. cum Belio Sogniæ
 Rege configit, societatemq; contra-
 hit 218. Ulfium piratam occidit 219.
 pugnat cum Otulfaxio 220. a Jökule
 captus effugit, pacemq; cum eo com-
 ponit 222. moritur. 223.
 Thrandia, Norvegiæ præfectura 32.
 Thrandensis diæcesis 77. 78. seq. Thran-
 densis Basilica omnium in septentrione
 olim celeberrima 79. seq.
 Thrandus, Thrandiæ eponymus 89
 Thule quid significet, & unde derivetur,
 variæ sentententiæ. 10. 11. Thules no-
 men cui terræ comperat. 11. 12, con-
 cluditur, Islandiæ convenire. 12.
 Thulenes in Vorfia, & aliud in Norve-
 giæ & Scaniæ confinio. 11.
 Tributum in Suecia ab Odino imperatum
 145. Tributum ridiculum à Regulis
 exactum. 273.
 Tróllhetta, cataracla. 36.
 Trollorum genus an revera detur, dubi-
 um. 113. Trolli duum generum esse
 dicuntur. 114.
 Trumbensis præfectura 93.
 Tumulandi mos (sive tumorum secu-
 lum) in Dania quando cæperit. 416.
 Tunius Sveciæ regimen occupat. 385. a
 Rege Eigile superatur & occiditur. 386
 Tunsberga Oppidum, & Tunsbergenfis
 præfectura in Norvegia 49. seq.

Tyr,

Tyr, Septentrionalium Deaster. 23. Ab
 illo Eisdag dictus ibid.

V.

Vin F & B mutatio crebrâ. 6.
 Valdar Munificus 418
 Valsletus Comes Vplandarum Rex jure
 clientelari constitutus 282
 Vandali quando Danis subjugati 352
 Vandlandus Sveciæ Rex 376
 Vatnar Vikaris filius 179. ejus mortui
 apparitio 180
 Vardeya insula Norvegiæ 105
 Vardhulense castrum, Norvegiæ ad sep-
 tentrionem extremum. 179.
 Ubbius Frisius, miles insignis 450
 Ulfius pirata a Thorsteino Vikingi filio
 occisus. 2. 9
 Vebiörg Amazon Danica. 451
 Venenata animalia in multis Norvegiæ
 partibus vivere non possunt. 51
 Venenum haurire usu assveti 404.
 Ventorum indulgentia Hrafnistnæ fa-
 milie peculiaris. 266. 323. 424.
 Verdalenfis præfectura in Norvegia 88
 Vermalandia quando primum culta, & qua
 occasione. 25. 26. 354. 396.
 Vermundus Sapiens, Daniæ Rex, 413.
 Vefetius, Borgundarholmi primus cuitor
 170.
 Vesterola, Norvegiæ insula. 95. seq.
 Vestfoldia, Norvegiæ præfectura 32.
 34. 49.
 Vestigia humana rupi impressa. 283
 Vffius pirata a Thorsteino Vikingi filio
 cæsus. 219. (131.
 Viburgum Jutiæ oppidum unde dictum.
 Viennæ monnumenta antiquissima è ter-
 ra eruta 115
 Vifill, Vifilseyæ eponymus. 195
 Vika, Australis Norvegiæ tractus. 28. 31.
 34. seq.
 Vikarsholmus insula, 239
 Vikar Alreki filius 179
 Vikar Haraldi Agdii filius 235. Herthio-
 sum Regem in ultionem patris occi-
 dit. 236. cum Sisare & Geirthiofo pug-
 nat, eosq; superat 239
 Vikingus Vifnis filius. 195. Hrærekum
 Jarnhaufem interficit 197. Jökulem
 Jarnhrieggum occidit 198. Ingialldum
 Tranam capit ibid. cum Njórfio foci-
 tatem jungit 199. Ingialldum Tranam
 occidit 200.

(d)

Vikini

INDEX

Vikingi filii 205. inter illos & Niorfi filios odia & cades 206. seq.

Vikingi & Niorfi summa in fide & amore constantia 205. 212. seq. illorum filiorum pugna & mutua cades 209. seq. Vikingi cum filiis Niorfi confictus 211. seq.

Visbur Sveciæ Rex 376

Ullkiell Snillingus 230. servum pro Regia virgine uxorem ducit, & Comes creat. 29. ejus in Norvegia gesta 300. seqv. cum Haldano Rege Eysteini filio confictus, ejusq; eventus. 301. Biarmie Regi filiam fratri elocandam metu extorquet 303. Cum Grimo Kyrialorum (Carelorum) Rege pugnatur. ibid.

Ulfus Oargus, sive Generosus, familiae Hrafnistinae conditor. 316 ejusdem pro- sapia numerosissima recensita 339. 340.

Volva, sive faminae fatidicae, prædictio- nes 265

Volfungus, Volfungorum familiae epo- nymus 457.

Vossentis paræcia in Norvegia 73.

Vota à Regibus inaugurandis olim fieri solita, 393.

Upsalæ in Svecia unde dicta. 132. Upsalensis templi magnificentia. 8. eam Rudbeckius nimis extollit ibid.

Upsalensis gaze 374.

Ursina, Amazon Dana 451.

Urfa in Norvegia frequentes & infesti. 95.

Urus monstrosus à Biarmis in remedium pestis cultus 204.

Utsteinus 186. incendiò elabatur 189. E- jus in aula Regis Eysteini fortia gesta. 190. seq.

Y.

Yggus, sive Siggus, Odini Filius 457. Ymir vetustissimus Jotunheiorum, incola 418

Ynglingorum familia unde 378.

Yngvar Eisteini Filius, Sveciæ Rex 391

Yngvii & Alfi fratrum, Sveciæ Regum, mutua parricidia 481.

Yrsa Sveciæ Regina patri Helgio Daniæ Regi infcia nubit, & ab eo recedit. 338.

SYLLOGE

VOCUM ANTIQVARUM,

Quæ in hoc Tomo I. vel datâ opera illustrantur, vel ex occasione Nominum propriorum bre- viter explicantur.

A.

Aar / remus, 131.

Aas / monticulus, collis. 125.

Abur / ante, prius. 14.

Ædri / dignior, superior. 14.

Ædstur / dignissimus, supremus 14

Afi / superior, item avus. 321

Afur / ager. 50. 336

Afur / genius, numen familiare 402

Alfsotur / sapiens, item bene moratus. 22.

An / sine, præpositio. 329. 335.

Ana / vel Anna / progredi, serpere. 6.

Angur / mare 64.

Angur / ager. 76.

Angur / cura, sollicitudo 232.

Animarki / pecus, jumenta. 6.

Aula / progredi. 6.

Aul / incessus, ambulatio. 6.

Aul / pro Al / cerevisia. 6.

Aulsær / pedes incedere valens 6.

Audur / gaze, divitiae. 374

Audgur / dives, 442.

B.

Bacti / ripa, item collis. 19.

Bær / domus, oppidum. 18.

Baza / arcere, prohibere. 18.

Bagall / pedum Episcopale. 20

Bagi / damnum, adversitas 18

Bagur / asper, durus. 18.

An,

Bag,

TOM I.

Bagghendtur / *ad artes manuarías in-*
(habilis. 18)
 Baggi / *fascis. 18.*
 Bagla / *tumultuariè consarcinare. 18.*
 Baldinn / *pervicax. 5.*
 Bann / *execratio, proscriptio, item pro-*
hibitio. 6.
 Bectur / *scamnum 312.*
 Beittas / *instrumentum, quò vela ob-*
liquantur, item manubrium guber-
(naculi 399.
 Beita / *obliquare, 399*
 Bergui / *monticola 114.*
 Bergri / *gigas montanus. 114.*
 Biskup / *Episcopus. 15.*
 Blamadur / *homo furvus; peculiari-*
ariter Æthiops 21
 Blindur / *cæcus. 353. 434.*
 Bocti / *vir magnus. 19. 285.*
 Bragarfull / *Jchyphus Bragio sacer 399*
 Braut / *via. 392.*
 Brot / *bracca, 455*
 Brunnur / *fontes, puteus 363.*
 Brynta / *lorica. 312.*
 Bryggja / *pons. 72.*
 Byggja / *incolere, item edificare. 17.*

D.

Dab / *virtus, fortitudo 23*
 Dagur / *dies 15*
 Dagverdur / *debitum diurnum, in spe-*
cie prandium 15
 Dalur / *vallis 148*
 Danumadur / *vir bonus 23*
 Dillia / *inimicitia, rixa. 11.*
 Dis / *Dea 230.*
 Dupur / *profundus 442.*
 Dupaudur / *profundè (o: valde) di-*
ves. ibid.
 Dolgur / *intersector 11.*
 Drifa / *nix 151.*
 Drottinn / *Dominus 140. 373.*
 Drottning / *Regina 378.*
 Drott / *cæcus aulicus 378.*
 Dvergur / *nanus, pumilio. 21*
 Dula / *tegmen, item obscurum quid. 11*

E.

Eid / *isthmus. 13. 46.*
 Endi / *finis. 125.*
 Ergi / *spurcicies, 145.*

Esti / *pixis. 107.*
 Ey / *insula. 232. 419.*

F.

Farnann / *vel farmadur / nauta 50*
 Faunn / *sive Fenn / nivis cumulus. 6.*
 Filti / *præfectura. 31.*
 Fiodur / *penna. 172.*
 Fjordur / *sinus maris 45. 148.*
 Flagd / *gigas femina. 114.*
 Fostri / *alumnus. 314.*
 Fotur / *pes. 278.*
 Frattinn / *vegetur, agilis. 178.*
 Freya / *Domina, femina nobilis, 374.*
 Fridur / *pax. 232. 374.*
 Frodur / *sapiens, multifidus. 413.*
 Full / *(Substantivè) Schyphus potione*
repletus. 393.
 Fura / *abies. 421.*

G.

Galldur / *magia, metrum magicum,*
144.
 Gan / *musca incantatoria 107.*
 Brandreid / *equitatio magica (magie*
qvædam species) 321
 Gey / *vervum. 232.*
 Gerseint / *cimelium pretiosum. 374*
 Gilti / *convivium. 84.*
 Glas / *vel Glet / vitrum. 166.*
 Glæsa / *splendere. 166.*
 Glæsi / *splendor. 166.*
 Godord / *imperium politicum & eccle-*
siasticum simul. 15.
 Gormannadur / *mensis October 318,*
 Grar / *canus, cinereus. 125.*
 Griot / *lapides, cumulus lapidum 1.*
 Griotveggur / *paries lapideus, item*
castella antiquorum. 1.
 Gud / *Deus, 107.*
 Gudur / *vel Gunnur / vir. 23.*
 Gull / *aurum. 172.*
 Gullmudur / *aurei oris homo, Chry-*
sostomus. 22.

H.

Hængur / *piscis. 310.*
 Halsfa / *dimidia pars, item plaga*
mundi. 4.
 (d) 2

Esti.

Hals

INDEX

Halftross / semigigas. 115.
 Halfrisi / idem. *ibid.*
 Handrammur / manu fortis 413.
 Har / excelsus. 389.
 Haugur / tumulus. 50.
 Hetimur / mundus, orbis 4 7.
 Hel / mors, item Bellona. 232.
 Hella / petra, 36.
 Hestur / equus. 6.
 Hestfar / equum regere potens. 6.
 Her / exercitus. 232.
 Herad / provincia. 21.
 Heydi / vel Heidi / tesqua. 438.
 Hiertur / cervus, 454.
 Hnifur / culter. 23.
 Hnefi / cimelium, res pretiosa 374.
 Hvalur / cetus. 23.
 Hvatur / strenuus, vegetus, 23.
 Hundur / canis 278.
 Hus / domus. 18. 131.
 Husaenotta / coronis domus 423.
 Hyde / saccus coriaceus 107.

I.

Idar / fimbria, extremitas 63.
 Jarl / Comes. 15. 77.
 Jarlsrifi / Comitatus, Baronatus. 15.
 Illur / malus. 14.
 Illratur / astutus, malus consilio 89.
 Ietun / gigas. 114.

K.

Kaupa / emere, 76.
 Kaupangur / emporium 76.
 Kinn / gena, maxilla 319.
 Klotur / carina. 48.
 Knifur / vel Hnifur / culter 23
 Konungur / vel Kongur / Rex 414.
 Kudur / vel Kunnur / notus 22.
 Kraka / cornix. 378.
 Kyn / genus, item nobilitas 414.

L.

Land / regio, terra. 107.
 Landguotr / dii tutelares regionis,
 gentii locorum 107.
 Lax / Salmo. 455.

Lodinn / hirsutus, villosus. 319. 455.
 Lodinnfinna / hirsuta gena, vel vir
 hirsutus genis. *ibid.*

M.

Maar / mergus. 36.
 Madur / homo, 22.
 Manudur / mensis 318.
 Mar / mare. 36. 125.
 Mart / regio, item campus 6.
 Mioll / nix 151.
 Modar / stagnum 125.
 Mudur / vel munnur / os (oris) 14. 22.
 Myrkur / tenebrosus 394. (a Substan-
 tativo Myrkur, tenebrae.)

N.

Naar / cadaver. 14.
 Nær / propius, adverb. 13.
 Natt / vel Noit / nox. 15.
 Nattverdur / pensum sive debitum no-
 cturnum, in specie cena. 15.
 Nid / adverb. infra, item minus. 321.
 Nid / (Danice ne) interlunium. 321
 Nidingur / proprie parricida; item
 execrabilis, probrosus 321.
 Nordur / Boreas 4. 9. 13.
 Nordurhalsa Heimstins / plaga mundi
 Borealis. 4. 7.
 Nordurland / idem. *ibid.*
 Nordmenn / Normanni, homines se-
 ptentrionales. 7.
 Nordrifi / regnum vel imperium se-
 ptentrionale. 13.

O.

Oargur / impiger, generosus. 116.
 Oda / avia magna 231.
 Odal / allodium. 231.
 Or / vel Aur / Sagitta 265.
 Ormur / serpens, anguis 455.
 Otur / lutra, 55.
 Os / ostium fluminis 43. 79.
 Osstur / vel Osbinnur / incivilis. 22.

R.

Ro

Rad / consilium. 22.

Rad

T O M I I.

Raðsvidur / vel Raðsvinnur / *consultus bonus, consultus*, 22.
 Rammur / *fortis*, 413.
 Rangmudur / vel Rangmunnur / *distortum os, sive distorti oris homo*, 22.

Rektur / *heros*, 186.
 Reid / *equitatio*, 321.
 Rigur / *rigor, fastus*, 15.
 Riti / *imperium, ditio*, 13. 15.
 Ritur / *potens*, 15.
 Riodur / *navalia*, 274.
 Risi / *gigas*, 21. 114. 194.
 Rósti / (in plurali Rástit) *milliare*, 321.

S.

Salur / *palatium*, 132.
 Seid / vel Seidur / *coctura incantatoria, incantatio*, 141. 144. 227. 370.

Síðar / *ora, vel latus*, 14. 25.
 Síðsida / *ora maritima*, 25.
 Skál / *præstantia*, 2.
 Skali / *domus convivialis*, 82.
 Skau / *cremor lactis*, 2.
 Ster / *scopulus è mari eminens*, 369.
 Steffa / *gigas femina*, 114.
 Stícent / *membrana expansa*, 2.
 Skid / *lignum aridum, item trabes cursibus aptate*, 2.
 Stogur / *sylva, nemus*, 397.
 Stunda / vel Stinda / *festinare*, 2. 6.
 Stundar / Stund / vel Stindi / *festinatio*, 2.
 Stundarar / *cursores, properantes*, 125.

Styti / *sagittarius*, 2.
 Stuldiasfur / *strenuus*, 302. 314.
 Spillir / *corruptor*, 336.
 Storbœtti / *vir magnus, autoritate pollens*, 20.
 Strönd / *litus maris*, 36.
 Subur / *plaga australis*, 14.
 Svein / *puer, juvenis, item servus*, 20.
 Svida / *adurere*, 21.
 Svídur / vel Svinnur / *civilis, benemoratus*, 22.
 Svíðstur / vel Svístur / *Svecus*, 323.

Svímstna / *ægilops*, 38.
 Svíptod / *Svecia*, 125.
 Sunna / *Sol*, 14.
 Sunnudagur / *dies Solis*, 14.

T.

Tialdrar / Tialdrastetnar / *limites*, 10.
 Tialld / *tentorium, tabernaculum*, 10.
 Tilla / *elevare*, 11.
 Tindur / *fastigium rupis*, 77.
 Tíðrn / *lacus*, 274.
 Tre / *lignum*, 396.
 Tretelgia / *lignarius, qui ligna demetit*, 396.
 Tróll / *gigas, giganteum genus*, 124. 318.
 Tun / *civitas, oppidum*, 50.

U. V.

Vad / *vadum*, 379.
 Valur / *strages*, 232. 363.
 Vegur / *via*, 16. 48.
 Veggur / *paries*, 1.
 Vædda / *teneri, debere*, 15.
 Verdur / *pensum, debitum*, 15.
 Verri / *pejor*, 14.
 Vestur / *occidens plaga, item pessimus*, 14.
 Við / *sapiens*, 85.
 Vulfur / *lupus*, 232.
 Völva / *femina fatidica*, 265.
 Vör / *statio navalis, navalia*, 421.

Y.

Yfir / *super, supra*, 7.

P.

Pil / *coagmenta tabularum in pariete*, 11.
 Pílla / *tabulas parieti præfigere*, 11.
 Píod / *gens, populus*, 21.
 Píofur / *fur*, 23.
 Þræll / *servus*, 20.
 Þula / *longa & continua oratio*, 11.
 Þusl / *gigas*, 114. 116.
 Þussablendingur / *semigigas*, 115.

F I N I S.

